



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



THE GIFT OF  
Prof. H.H. Bartlett

Narrow Vision  
the New Testament


Presented by  
Rev. Mr. Mills. & Miss  
Updegraff  
July 22  
1920

H. H. Tarnell  
22 July 1920





BS  
2235  
S2  
1849



*Bible. N.T. Samoan. 1849*

O LE

FEAGAIGA FOU

A LO TATOU ALII

O IESU KERISO,

UA LIU I

LE UPU SAMOA.

~~~~~

L O N D O N :

PRINTED FOR THE

BRITISH AND FOREIGN BIBLE SOCIETY,

EARL STREET, BLACKFRIARS.

MDCCCXLIX.



*Left*  
*Professor W. H. Bartlett*  
*9-7-1932*

O IGOA NEI O TUSI

O LE FEAGAIGA FOU A LO TATOU ALII

O IESU KERISO.

ONA MATAUPU

|                                            |        |
|--------------------------------------------|--------|
| O LE EVAGELIA NA TUSIA E MATAIO . . .      | XXVIII |
| O LE EVAGELIA NA TUSIA E MAREKO . . .      | XVI    |
| O LE EVAGELIA NA TUSIA E LUKA . . .        | XXIV   |
| O LE EVAGELIA NA TUSIA E IOANE . . .       | XXI    |
| O GALUEGA A LE AU APOSETOLO . . .          | XXVIII |
| O LE TUSI A PAULO I ROMA . . .             | XVI    |
| O LE TUSI MUAMUA A PAULO I KORINITO . . .  | XVI    |
| O LE TUSI E LUA A PAULO I KORINITO . . .   | XIII   |
| O LE TUSI A PAULO I KALATIA . . .          | VI     |
| O LE TUSI A PAULO I EFESO . . .            | VI     |
| O LE TUSI A PAULO I FILIPI . . .           | IV     |
| O LE TUSI A PAULO I KOLOSE . . .           | IV     |
| O LE TUSI MUAMUA A PAULO I TESALONIA . . . | V      |
| O LE TUSI E LUA A PAULO I TESALONIA . . .  | III    |
| O LE ULUAI TUSI A PAULO IA TIMOTEO . . .   | VI     |
| O LE TUSI E LUA A PAULO IA TIMOTEO . . .   | IV     |
| O LE TUSI A PAULO IA TITO . . .            | III    |
| O LE TUSI A PAULO IA FILEMONA . . .        | I      |
| O LE TUSI A PAULO I EPERU . . .            | XIII   |
| O LE TUSI A IAKOPO . . .                   | V      |
| O LE TUSI MUAMUA A PETERU . . .            | V      |
| O LE TUSI E LUA A PETERU . . .             | III    |
| O LE ULUAI TUSI A IOANE . . .              | V      |
| O LE TUSI E LUA A IOANE . . .              | I      |
| O LE TUSI E TOLU A IOANE . . .             | I      |
| O LE TUSI A IUTA . . .                     | I      |
| O LE FAAALIGA A IESU KERISO IA IOANE . . . | XXII   |

5-5-33



## O LE EVAGELIA

# NA TUSIA E MATAIO.

### O LE MATAUPU I.

*O le gafa o Iesu.*

**O** LE tusi i le gafa o Iesu 1  
Keriso, o le atalii o  
Tavita, o le atalii o Aper- 2  
amo. Ua fanaua e Aper-  
amo o Isaako, ua fanaua foi  
e Isaako o Iakopo, ua fanaua  
e Iakopo o Iuta ma ona uso.  
Ua fanaua e Iuta o Faresa 3  
ma Sara ai ia Tamara; ua  
fanaua e Faresa o Eseroma;  
ua fanaua e Eseroma o Ara-  
ma. Ua fanaua e Arama o 4  
Aminatapu; ua fanaua e  
Aminatapu o Naasona; ua  
fanaua e Naasona o Sale-  
mona. Ua fanaua e Sale- 5  
mona o Poasu ai ia Raapo;  
ua fanaua e Poasu o Opeta  
ai ia Ruta; ua fanaua e  
Opeta o Iese. Ua fanaua e 6  
Iese o le tupu o Tavita; ua  
fanaua e le tupu o Tavita o  
Solomona ai le ava a Uria.  
Ua fanaua e Solomona o 7  
Reopoamo; ua fanaua e  
Reopoamo o Apia; ua fa-  
naua e Apia o Asa. Ua 8  
fanaua e Asa o Iosefatu;  
ua fanaua e Iosefatu o Iora-  
mo; ua fanaua e Ioramo o

9 Usia. Ua fanaua e Usia o  
Iotamo; ua fanaua e Iotamo  
o A'asa; ua fanaua e A'asa  
10 o Esekia. Ua fanaua e Ese-  
kia o Manase; ua fanaua e  
Manase o Amona; ua fa-  
11 naua e Amona o Iosia. Ua  
fanaua e Iosia o Iekonia, ma  
ona uso ina a tafea i Pape-  
12 lonia. Ua oo le tafeaga i  
Papelonía, ona fanaua ai lea  
e Iekonia o Salatielu; ua  
fanaua e Salatielu o Serupa-  
13 pelu. Ua fanaua e Serupa-  
pelu o Apiuta; ua fanaua e  
Apiuta o Eliakeimo; ua  
fanaua e Eliakeimo o Asora.  
14 Ua fanaua e Asora o Satoka;  
ua fanaua e Satoka o Akei-  
mo; ua fanaua e Akeimo o  
15 Eliuta. Ua fanaua e Eliuta  
o Eleasaro; ua fanaua e  
Eleasaro o Matano; ua fa-  
naua e Matano o Iakopo.  
16 Ua fanaua e Iakopo o Iosefa  
le tane a Maria na fanaua  
ai Iesu, o le ua taua o  
Keriso.  
17 O lenei, o tupulaga uma  
e afua mai ia Aperamo e  
oo ia Tavita, e sefulu ma le  
fa ia tupulaga; e afua foi ia  
Tavita e oo i le tafeaga i  
Papelonía, e sefulu ma le fa

ia tupulaga; e afua foi i le tafeaga i Papelonía e oo i le Mesia, e sefulu ma le faia tupulaga.

Sa faapea ona fanau mai 18 o Iesu Keriso. Na faufautane lona tina o Maria ia Iosefa, na iloa ina ua to o ia i le Agaga Paia, a o lei faatasi o i laua. O Iosefa 19 foi lana tane o le amio tonu ia, e le loto foi ia ina faalauai tele i lona leaga, ua ia manatu e aunai lemu atu ia te ia. Faauta, na mafau- 20 fau o ia i na mea, ona ia li'a atu lea, ua tu mai ia te ia le agelu a le Alii, ua faapea mai, Iosefa e, le atalii o Tavita, aua e te fefe e ta'ita'i mai ia Maria lauava: aua o le Agaga Paia ua to ai o ia. E fanau mai e 21 ia le tama tane, e te faaigoa ia te ia o Iesu: aua e faaola e ia lona nuu i a latou agasala. Na oo nei mea uma 22 ina ia taunuu ai o le upu na fetalai mai e le Alii i le perofeta ua faapea mai. "Faauta, e to le taupou ma 23 fanau mai o le tama tane, latou te faaigoa ia te ia o Emanuelu," o lona uiga pe a faamatalaina, Ua ia te i tatou le Atua. Ua ala Io- 24 sefa, sa moe, ona faia lea e ia e pei ona fai mai ai ia te ia o le agelu a le Alii; ua na ta'ita'i mai lana ava. A 25 e la te lei feiloai seia oo ina fanau mai e ia o lana tama tane ulumatua: na ia faaigoa foi ia te ia o Iesu.

## O LE MATAUPU II.

*O le malaga a le au Makoi,  
e saili ia Iesu.*

- 1 **N**A fanau Iesu i Petelee-  
ma i Iutaia i le tau-  
saga o Herota le tupu, faau-  
ta, ua oo mai ai le au Ma-  
koi i Ierusalema mai sasae,
- 2 Ua faapea mai, Poo ifea o i  
ai o le na fanau mai o le tupu  
o Iutaia? aua na matou  
vaaia i lona fetu i sasae, ua  
matou o mai ai e tapuai atu
- 3 ia te ia. Ua faalogo Herota  
le tupu, ona atuatuvaile ai lea  
o ia atoa foi ma Ierusalema
- 4 uma. Ona ia faapotopotoina  
ai lea o le au faitaulaga sili  
ma le au failautusi o le nuu,  
ma fesili atu ia te i latou,  
poo fea o fanau ai le Mesia.
- 5 Ona latou fai mai ai lea ia  
te ia, o Peteleema i Iutaia:  
aua ua faapea ona tusia mai
- 6 e le perofeta, "O oe foi o  
Peteleema i le nuu o Iutaia  
e te le topito ona faatauva  
i le au faipule i Iutaia; aua  
e tupu mai mai ia te oe le  
Alii faipule, o le na te pulea
- 7 lo'u nuu o Isaraela." Ona  
aami lemu ane ai lea e He-  
rota o le au makoi, e suesue  
mai ia te i latou i ona po
- 8 na iloa ai le fetu. Ona ia  
aauina atu ai lea ia te i latou  
i Peteleema, ua faapea atu,  
O atu ia outou ina matua  
sailiili ia i le tama; pe a  
outou iloa, ia outou faailoa  
mai ia te au, ina ia ou alu  
atu foi o au e tapuai atu ia
- 9 te ia. Ua latou faalogo i le  
tupu ona latou o ai lea,



faauta foi, o le fetu na iloa  
e i latou i sasae, ua muamua  
ia te latou ua oo ina tu mai  
i luga o le mea na i ai le  
tama itiiti. Ua latou iloa 10  
le fetu ona matua tele ai lea  
o lo latou fiafia. Ua latou 11  
ulufale atu i le fale, ua la-  
tou iloa ai o le tama itiiti  
ma Maria lona tina, ona  
latou faapau ai lea ma ta-  
puai atu ia te ia, ua talai  
foi o latou oloa, ona latou  
avatu ai lea ia te ia o tãu-  
laga; o le auro ma le pulu  
lipana, ma le pulu mero.  
Ua li'a i latou, ua faapea 12  
mai, aua nei foi atu ia He-  
rota, ona latou o atu ai lea i  
lo latou nuu i le isi ala.

Faauta, ua o i latou ona 13  
li'a atu lea o Iosefa, ua tu  
mai ia te ia le agelu a le Alii  
ua faapea mai, Tulai ia, ina  
ave i le tama itiiti ma lona  
tina ma sosola i Aikupito,  
ma nonofo ai seia au fai atu  
ia te oe: aua o le a sailiili  
Herota i le tama itiiti e fasi  
oti ia te ia. Ua tulai ia ua 14  
ave foi i le tama itiiti ma  
lona tina i le po ona o atu  
lea i Aikupito. Sa i ai foi 15  
ina seia oo ina maliu o He-  
rota: ina ia taunuu o le  
upu na fetalai mai e le  
Alii i le perofeta, ua faapea  
mai, "Na au amia o lo'u  
atalii i Aikupito." Ua iloa 16  
e Herota ua olegia o ia e le  
au makoi, ona tele ai lea o  
lona toasa, ua aauina atu e  
ia o nisi e fasi oti i tama  
tane uma i Peteleema ma  
ona faoa aai, e afua i e ua

lua o latou tausaga atoa ma  
e ua pito ane i ai, e faatatau  
i ona po na na sueina atu ai  
17 i le au makoi. Ona taunuu  
lea o le upu a le perofeta  
o Ieremia, ua faapea mai,  
18 "Ua lagona le leo i Rama,  
o le auega o le fetagisi, ua  
tele foi le tagi tu'i, ua tagi  
aue Rasela i ana fanau e  
le mafai ona faanaina ona  
19 o i latou ua leai." Ua ma-  
liu Herota, faauta ua li'a  
atu ai Iosefa ua tu mai ia te  
ia le agelu a le Alii i Aiku-  
20 pito, Ua faapea mai, Tulai  
ia ina ave i le tama itiiti ma  
lona tina, ina o atu ia i le  
nuu o Isaraela: aua ua oti  
o e na sailia le tama itiiti e  
21 fasi oti. Ona tulai ai lea o  
ia ma ave i le tama itiiti ma  
lona tina, ona o ai lea i le  
nuu o Isaraela. A ua faa-  
22 logo ia ua nofo i le malo i  
Iutaia o Arekilao o le suli  
o Herota lona tamā, ona  
fefe ai lea i alu i ai. A e  
peitai ua oo ia te ia le li'a,  
ona alu ai lea o ia i le nuu o  
23 Kalilaia. Ua oo foi i le tasi  
aai e igoa i Nasareta, ua nofo  
ai ina ia taunuu ai o le upu  
a le au perofeta, "E taua o  
ia o le Nasareta."

### O LE MATAUPU III.

*O le talaiga a Ioane le papa-  
tiso.*

1 **O**NA pe ia na sau ai Ioane  
le papatiso, ua tala'i atu  
2 i le vao tuufua o Iutaia, Ua  
faapea atu, Ina salamo ia

outou; aua ua latalata le malo o le lagi. Aua o ia 3 lava lenei na fai mai ai e le perofeta o Isaia, ua faapea mai, "O loo alaga i le vao tuufua le leo o le tasi, Ina teuteu ia outou i le ala o Ieova ma faasa'o i ona sa-valiga." O Ioane foi, sa 4 ofu ia i le fulufulu kamela ua fusifusia foi lona sulu-gatiti i le fusi pa'u, a o ana mea e ai o akerisi ma le meli vao ia.

Ona o atu ai lea ia te ia o 5 Ierusalema ma Iutaia uma, atoa ma itu uma o Ioritana. Ua papatisoina i latou i 6 Ioritana e ia, ua ta'uta'u atu e i latou a latou agasala. Ua na iloa atu e toatele o le 7 au faresaio ma le au satukaio ua o mai i lana papatisoga, ona ia faapea atu ai lea ia te i latou, Fanau a gata feai e, o ai na faasinoina atu ia te outou e sosola i le toasa atali? Ia outou fua 8 mai ni fua e tatau ma le salamo; Aua nei outou 9 masalo ifo o Aperaaamo lo outou tama; aua ou te fai atu ia te outou, ua mafaia lava e le Atua ona faatuina mai i nei maa ni fanau ma Aperaaamo. O loo tuu nei 10 foi le matau i tafue o laau, o laau uma foi e le fua mai i fua lelei e taia ma lafoai-ina i le afi. O au foi, ou 11 te papatiso atu ia te outou i le vai i le salamo; a e peitai o le a mulimuli ona malii mai ia te au o le tasi e sili lona mana i lo'u, e le tatau

ia te au ona ave i ona see vae; o ia lea na te papati-soina atu ia te outou i le 12 Agaga Paia ma le afi. O i lona lima lana asu, na te faamamaina lana faaputugā saito, na te faapotopotoina ana saito i le fale e tuu ai saito, a e susunuina le aputi i le afi e le mate.

13 Ona malii mai ai lea o Iesu mai Kalilaia, i Ioritana ia Ioane, ia papatisoina ai e 14 ia. A ua vavao e Ioane ia te ia ua faapea mai, E ao onae papatisoina mai o au, a e malii mai ea ia te au?

15 A ua tali atu Iesu, ua faa-pea atu ia te ia, Tuu mai pea ia: aua e faapea ona tatau ia te i tatou ona faia o mea tonu uma. Ona ia

16 tuuina atu lea ia te ia. Ua papatisoina o Iesu, ona alu ae loa lea o ia i le vai, faa-uta foi, ua vaea le lagi ia te ia, ua ia silasila atu foi i le Agaga o le Atua ua alu ifo e peiseai se lupe ua oo i ona

17 luga. Faauta foi i le tasi leo mai le lagi, ua faapea mai, O lo'u atalii pele lenei, ua ou fiafia lava i ai.

#### O LE MATAUPU IV.

*O le faaososoga na oo ia Iesu i le vao tuufua.*

1 **O**NA taitaiina lea o Iesu i le vao tuufua e le Agaga, e faaososoina ai e 2 le tiapolo. Ua faalaina ia i le fagafulu o po ma ao foi e fagafulu, ua mavae atu ia

aso ona fia 'ai ai lea o ia. Ua alu ane foi ia te ia o lē 3 faasooso, ua faapea mai, Afai o oe le Atalii o le Atua ina fai atu ia ia liua o nei maa ma mea e ai. Ona 4 tali atu ai lea o ia, ua faapea atu, Ua tusia, "E le ola lava se tasi a ina na o mea e ai, a o mea uma e tuleia mai i le fofoga o le Atua." Ona taitaiina ai lea o ia e le 5 tiapolo i le aai paia, ua ia faatuina foi ia te ia i le taualuga o le malumalu, Ua 6 fai mai ia ia te ia, afai o oe le Atalii o le Atua, oso ia oe i lalo; aua ua tusia, "E poloai o ia i ana agelu ia te oe latou te taofi ia te oe i o latou lima, nei tuia lou vae i se maa." Ua fai atu Iesu 7 ia te ia, Ua tusia foi, "Aua e te faaonoona ia Ieova lou Atua." Ona toe taitaiina 8 ae lea o ia e le tiapolo i le tasi mauga matua maualuga, ua ia faasinoina atu foi ia te ia malo uma o le lalolagi ma o latou mamalu, Ua fai 9 mai ia ia te ia, Ou te avatua nei mea uma ia te oe, afai e te ifo ma tapuai mai ia te au. Ona fai atu lea o Iesu 10 ia te ia, Ina alu ese ia oe Satani: aua ua tusia, "E te ifo atu ia Ieova, lou Atua, ua na o ia lava e te tapuai atu i ai." Ona tuua ai lea 11 o ia e le tiapolo, faauta foi, ua o mai agelu ma auauna mai ia te ia.

Ua faalogo Iesu ua tuuina 12 atu Ioane i le fale puipui, ona foi atu ai lea o ia i Ka-

13 lilaia: Ua tuua e ia Nasa-  
reta, ua oo atu i Kapanaumi  
i le aai tu matafaga, ua nofo  
ai, i lo la itu o Sapulona ma  
14 Nafatali, Ina ia taunu ai o  
le upu a le perofeta o Isaia  
15 ua faapea mai, "O le nuu o  
Sapulona, o le nuu foi o  
Nafatali, o le ala i tai ona  
tala atu i Ioritana, Kalilaia  
16 o le atu nuu, Ua iloa e le  
nuu sa nofo i le pouliuli le  
malamalama tele, ua alu ae  
foi le malamalama ia te i  
latou o e sa nonofo i le nuu  
ma le pogisa o le oti."  
17 Ona po ia na afua ai ona  
talai atu e Iesu, ua faapea  
atu, Ina salamo ia outou :  
aua ua latalata le malo o le  
18 lagi. Ua savali ane Iesu  
latalata i le sami o Kalilaia,  
ona iloa atu lea e ia o le uso  
e toalua, e igoa ia Simona  
ua taua o Peteru, ma Ane-  
terea lona uso, ua la lafoina  
le upega i le sami, aua o  
19 tagata fagogota i laua. Ua  
fai atu ia ia te i laua, ina  
mulimuli mai ia ia te au, ou  
te faia oulua ma faifaiva i  
20 tagata. Ona la tuua loa lea  
o laua upega, a e mulimuli  
21 atu ia te ia. Ua tuanai foi  
e ia lea mea, ona iloa atu lea  
e ia o le isi uso e toalua, o  
Iakopo le atalii o Sepetaio  
ma Ioane lona uso, ua i le  
vaa ma lo la tama o Sepe-  
taio, ua latou pena o latou  
upega; ua ia valaauina atu  
22 foi ia te laua. Ona la tuua  
loa lea le vaa ma lo la tama,  
a e mulimuli atu ia te ia.  
23 Ua femaliuai Iesu i Kali-

laia umā, ua ia aoao i o latou sunako, ua ia talai atu foi le tala lelei o le malo, ma faamalolo e ia o ma'i uma ma vaivai uma o le nuu. Ua oo atu lona logo i Suria 24 uma, ona latou aumai ai lea ia te ia o e ua mamai atoa uma, ma e ua i ai mai eseese, ma e ua puapuagatia, ma e ua uluitinoia e temoni, o e ua mamai faavalea, atoa ma e ua mamai i le supa; ona faamaloloina lea o i latou e ia. Ona mulimuli atu lea 25 ia te ia o le motu o tagata e toatele mai Kalilaia, ma Tekapoli, ma Ieruselema, ma Iutaia, mai ona tala atu foi i Ioritana.

### O LE MATAUPU V.

*O le lauga a Iesu i luga o le mauga.*

U A silasila atu ia i le 1 motu o tagata ona maliu ae lea o ia i le tasi mauga, ua nofo ai i lalo, ona o mai ai lea ona soo ia te ia; Ua 2 ia fetalai atu ma aoao ia te i latou, ua faapea atu, Amuia 3 e loto maualalo: aua e o latou le malo o le lagi. Amuia e faanoanoa: aua e 4 faaolioliina i latou. Amuia 5 e agamalu: aua e fai mo latou tofi le nuu. Amuia e 6 fia aai ma fia inu i le amio tonu: aua e faamaoonaina i latou. Amuia e alolofa atu: 7 aua e alofaina mai i latou. Amuia e loto manino: aua 8 latou te iloa atu le Atua.

- 9 Amuia e o faatupuina le filemu: aua e taua i latou o
- 10 atalii o le Atua. Amuia e sauaina ona o le amio tonu: aua e o latou le malo o le
- 11 lagi. Amuia outou pe a upu leaga tagata ma faasaua ia te outou, ma latou tuuai-ina pepelo outou i mea leaga
- 12 uma ona o au. Ia outou olioli ma fiasia lava: aua o i le lagi lo outou tau i ua tele, aua na faapea ona latou faasaua i le au perofeta e na muamua ia te outou.
- 13 O outou, o le masima o le lalolagi outou; a e afai e magalo le masima pe se a se mea e faamāi a'i? E leai se mea e toe aoga ai, a e lafoaiina i fafo, ma solia e
- 14 tagata. O outou o le malamalama o le lalolagi outou. E le malilo le aai ua faatuina
- 15 i luga o le mauga. E le tutu e tagata le afi i le tuu ai i lalo i le tanoa, a e i luga lava o le tuugaafi, e malamalama atu ai i e o i le fale
- 16 uma. Ia faapea ona pupula atu lo outou malamalama i luma o tagata, ina ia latou iloa la outou amio lelei, latou te vivii atu ai lo outou Tama o i le lagi.
- 17 Aua nei outou manatunatu na au sau e faaumatia le tulafono ma le au perofeta; ou te lei sau e faaumatia, a
- 18 ia taunuu ai. Aua e moni ou te fai atu ia te outou, e mavae atu le lagi ma le lalolagi, a e le mavae atu lava se iota poo se mataitusi itiiti o le tulafono, seia taunuu ai

mea uma. O lenei, o se na 19  
 te soli i se poloaiga e tasi, e  
 aupito itiiti o nei poloaiga  
 ma faapea ona aoao i tagata,  
 e taua ia e aupito itiiti i le  
 malo o le lagi; o se anaana  
 ma aoao ai foi, e taua ia e  
 sili i le malo o le lagi. Aua 20  
 ou te fai atu ia te outou, a  
 lesili lava ló outou agatonu  
 i lo le au failautusi ma le  
 au faresaio, e la masao atu  
 outou i le malo o le lagi.  
 Ua outou faalogo na fai mai 21  
 i e na mua: "Aua e te fasi-  
 oti tagata; ai se fasioti ta-  
 gata foi, e tatau ona faama-  
 sinoina o ia." A ou te fai 22  
 atu ia te outou, ai se ita fua  
 i lona uso, e tatau ona faa-  
 masinoina o ia; ai se fai atu  
 foi i lona uso, Raka, e tatau  
 ona fonotia o ia; ai se fai  
 atu foi Moré, e tatau ia te  
 ia le afi o Kēna. Pe afai 23  
 foi e te avatu lau taulaga i  
 le fata faitaulaga, ona e ma-  
 natua ai lea i lou uso ua i  
 ai se mea ia te oe, I le sei 24  
 tuu ai lau taulaga i luma o  
 le fata faitaulaga, a e alu e  
 muai faalaulelei i lou uso, i  
 le e sau ai, ma avatu lau  
 taulaga. Ia vave ona oulua 25  
 lelei ma loo tagi i ana mea  
 ua ia te oe e lei tauia, manu  
 o lua i le ala ma ia, ina nei  
 tuuina atu oe e ia i le faa-  
 masino, e tuuina atu foi oe  
 e le faamasino i le auauna,  
 e tuuina atu foi oe i le fale  
 puipui. E moni ou te fai 26  
 atu ia te oe, e te le toe ulu  
 fafo ai lava seia e avatu le  
 toe tupe. Ua outou faalogo, 27

ua fai mai i e na mua, "Aua  
 28 e te mulilua." A ou te fai  
 atu au ia te outou, ai se vaai  
 atu i le fafine ma le mana'o  
 i ai, ua uma ona mulilua ia  
 29 i lona loto. Afai foi e te  
 tausuai i lou mata taumatau,  
 ina sali ai ia ma e lafoai,  
 aua e lelei ina fano se tasi  
 ou fasi tino, a e leaga pe a  
 lafoina atoatoa lou tino i  
 30 Kēna. Afai foi e te tausuai  
 i lou lima taumatau, ina tutu  
 ese ai ia ma e lafoai: aua e  
 lelei ina fano se tasi ou fasi  
 tino, a e leaga pe a lafoina  
 atoatoa lou tino i Kēna.  
 31 Sa fai mai foi, "Ai se  
 faatea i lana ava, ia avatu i  
 32 ai se tusi alei." A ou te  
 fai atu au ia te outou ai se  
 faatea i lana ava a e lei mul-  
 lilua, ua ia faamulilua ia te  
 ia; ai foi se fai ma ana ava  
 le ua faateaina, ua mulilua  
 33 ia. Ua faalogo foi outou  
 na fai mai i e na mua, "Aua  
 e te tauto pepelo, a ia e faia i  
 le Alii o mea e te tauto ai."  
 34 A ou te fai atu au ia te outou,  
 aua lava nei tauto: aua *le*  
*tauto* i le lagi, aua o le nofoa  
 35 lea o le Atua: Poo le lalo-  
 lagi, aua o lona tulaga aao  
 lea: poo Ierusalem, aua o le  
 aai lea a le Tupu faasilisili.  
 36 Aua nei e tauto foi i lou ulu:  
 aua e te le mafaia ona faa-  
 sinasina, pe faauliuli se lau-  
 37 ulu e tasi. A ia faapea la  
 outou upu, Ioe, ioe; E leai;  
 e leai: aua o le upu e sili i  
 na upu, mai le leaga lava ia:  
 38 Ua outou faalogo na fai mai,  
 "E suia le mata i le mata,

e suia foi le nifo i le nifo.”

A ou te fai atu ia te outou, 39  
aua nei outou tali atu i le  
leaga; ai se na te po mai i  
lou alafau taumatau, ia e  
liliu atu ia te ia le isi. O 40  
le fia finau mai ia te oe e ave  
i lou ofu tino, ia e tuu atu  
foi i ai ma lou ofu tele. O 41  
le na te tauanau mai lua te  
o ma ia i le maila e tasi, ina  
o ia oulua ma ia i lona lua.  
Ia e avatu i le ua ole mai 42  
ia te oe. Aua e te liliu ese  
i le ua fia nono mai se mea  
ia te oe e toe aumai. Ua 43  
outou faalogo na fai mai,  
“Ia e alofa atu i lau aumea,  
a ia ‘ino’ino i le ua ita mai  
ia te oe. A ou te fai atu 44  
au ia te outou, ia outou alo-  
lofa atu i e ua ita mai ia te  
outou, ia outou upu lelei atu  
i e ua upu leaga mai ia te  
outou, ia outou agalelei atu  
foi i e ua ‘ino’ino mai ia te  
outou; ia outou tatalo mo  
e ua tuuai fua mai ma faa-  
sua mai ia te outou; Ina 45  
ia faia o outou ma atalii o  
lo outou Tama o i le lagi,  
o le na te faaoso i lona la i  
e ua amio leaga atoa ma e  
ua amio lelei, ua ia faatotō  
ifo foi le ua i e ua amio  
tonu, atoa ma e ua amio le  
tonu. Aua afai tou te alo- 46  
lofa atu i e ua alolofa mai  
ia te outou, se a ea se tau  
i tou te mau ai? E le faia ea  
e le au telona o lea lava mea?  
Pe afai tou te faapito lo 47  
outou faalofani i o outou  
uso, se a se mea sili ua outou  
faia? E le faapea ea ona

48 fai e le au telona. O outou  
foi, ia sao la outou amio e  
pei o lo outou Tama o i le  
lagi e sao lava ia.

## O LE MATAUPU VI.

*O isi upu o le lauga a Iesu  
i luga o le mauga.*

- 1 **I**A outou, nei faia ni a  
outou mea foai alofa i  
luma o tagata, ina ia iloa  
ai e i latou; a faapea, ona  
leai ai lea o so outou tau  
mai lo outou Tama o i le lagi.
- 2 Pe a e fai ni mea foai alofa,  
aua nei e ilia le pu i ou lu-  
ma, pei ona faia e tagata  
pepelo i sunako ma malae,  
ina ia viia o i latou e tagata;  
e moni ou te fai atu ia te  
outou, ua maua e i latou lo
- 3 latou tau. A e fai ni mea  
foai alofa aua nei iloa e lou  
lima tauagavale o le mea  
ua faia e lou lima taumatau.
- 4 Ina ia lilo au mea foai alofa,  
o lou Tama foi, o le silafia  
i le mea lilo o ia lava na te  
avatu faaaliali lou tau ia te
- 5 oe. Pe a e tatalo, aua nei  
e pei o tagata pepelo, aua  
ua latou loto e tutu ma ta-  
talo i sunako ma fetaula-  
‘iga-ala, ina ia iloa i latou  
e tagata. E moni ou te  
fai atu ia te outou, ua maua  
e i latou o lo latou tau.
- 6 A o oe pe a e tatalo, ina  
ulufale ia i lou afeafe, ma  
pupuni lona puipui, i le e  
tatalo ai i lou Tama o i le  
mea lilo; o lou Tama foi o  
le silasila i le mea lilo, na te  
avatu faaaliali lou tau ia te

oe. A outou tatalo aua nei 7  
 tāutu i a outou upu, e pei o  
 atu nuu; aua ua latou ma-  
 natunatu, o le tele o a latou  
 upu e faafofogaina ai i latou.  
 O lenei, aua nei outou faapei 8  
 o i latou: aua ua silafia e lo  
 outou Tama mea ua outou  
 matitiva ai, a o tou te lei  
 ole atu ia te ia. O lenei, ia 9  
 faapea outou ona tatalo; Lo  
 matou Tama e, o i le lagi,  
 ia paia lou suafa. Ia oo 10  
 mai lou malo. Ia faia lou  
 finagalo i le lalolagi, e pei  
 ona faia i le lagi. Ia e 11  
 foai mai i le asō, a matou  
 mea e ai, ia tusa ia i matou.  
 Ia e tuu ese i a matou sala, 12  
 e pei ona matou faamagaloi-  
 ina atu i e ua agaleaga mai  
 ia te i matou. Aua e te 13  
 tuuna i matou i le faaosoo-  
 soga, a ia e laveai ia i matou  
 ai le leaga. Aua e ou le  
 malo, ma le mana, atoa ma  
 le viiga, e faavavau lava,  
 Amene. Aua afai tou te 14  
 faamagaloina atu agasala a  
 tagata, e faamagaloina foi  
 outou e lo outou Tama o i le  
 lagi. Afai foi tou te le 15  
 faamagaloina atu i tagata i  
 a latou agasala, e le faama-  
 galoina foi e lo outou Tama  
 a outou agasala. Pe a outou 16  
 faapa'upa'u aua nei outou  
 faauū pei o tagata pepelo:  
 aua ua latou faa-la-leaga o  
 latou mata, ina ia iloa e  
 tagata ua latou faapa'upa'u.  
 E moni ou te fai atu ia te  
 outou, ua maua e i latou lo  
 latou tauī. A o oe pe a e 17  
 faapa'upa'u, ia uu lou ulu,

18 ma fufulu ou mata; Ina  
 ia le iloa e tagata ua e faa-  
 pa'upa'u, a o lou Tama o i  
 le mea lilo; o lou Tama foi  
 o loo silasila i le mea lilo,  
 na te avatu faaaliali lou tauī  
 ia te oe.

19 Aua tou te toloai oa mo  
 outou i le lalolagi, o i ai le  
 mogamoga ma le ele e faau-  
 matia ai, o i ai foi tagata  
 gaoi e sofaia ma gaoi ai.

20 A ia outou toloai oa mo  
 outou i le lagi, e le o i ai le  
 mogamoga poo se ele e faa-  
 umatia ai; e le o i ai foi  
 tagata gaoi e sofaia ma gaoi

21 ai. Aua o le mea ua i ai  
 lo outou oa, e i ai atoa foi ma

22 outou loto. O le malama-  
 lama o le tino, o le mata  
 lea: pe afai foi e lelei lou  
 mata, e malamalama uma

23 ai lou tino. A e afai e le-  
 aga lou mata e pouliuli uma  
 ai lou tino. O lenei, afai e  
 pouliuli le malamalama ua  
 ia te oe, ona matua tele ai

24 lea o lea pouliuli. E leai se  
 na te mafaia ona auauna i  
 alii e toalua; aua e inoino  
 ia i le tasi, a e loto atu i le  
 tasi; a le o lea, e faapipii  
 atu ia i le tasi ma faasiasia  
 i le tasi. Tou te le mafaia  
 ona auauna i le Atua ma

25 Mamone. O le mea lea ou  
 te fai atu ai ia te outou, aua  
 nei outou popole i o outou  
 pla, i mea tou te aai ai, ma  
 mea tou te inu ai, poo outou  
 tino i mea tou te oofu ai.  
 E le sili ea le ola i le mea  
 e ai, ma le tino i le ofu?

26 Ia outou mafaufau i manu

felelei; latou te le lulu, pe selesele, pe faaputu i fale e tuu ai saito, a e fagaina i latou e lo outou Tama o i le lagi. E le sili ea lo outou lelei i lo latou? O ai ea so 27 outou na te mafaia i lona popole ona faatele i lona umi i le tuli lima e tasi? Se a 28 foi le mea tou te popole ai i ofu? Ia outou mafaufau i lantalotalo, pe faapefea ona tupu; latou te le galulue, latou te le mimilo foi. A 29 ou te fai atu ia te outou, o Solomona ma lona manaia tele na le ofu pei o le tasi o na mea. Afai ua faapea 30 ona faaofuina e le Atua le vao o le fanua, o ola mai i le aso, a e lafoaiina a taeao i le ogaumu, e le faaofuina foi outou i se a, outou e faatuatua ititi? O lenei, 31 aua nei outou popole ma faapea atu. Ni a mea tatou te aai ai, ma mea tatou te inu ai, ma mea tatou te oofu ai? Aua o mea uma ia ua sailia 32 e atu nuu. Aua o silafia e lo outou Tama o i le lagi e aoga ia mea uma ia te outou. A ia outou muai sa- 33 iliili i le malo o le Atua ma lona agatonu, ona faaopopoina atu lea o ia mea uma ia te outou. O lenei, aua 34 tou te popole a taeao: aua e popole le taeao i ana lava mea. E tatau le aso ma ona leaga.

## O LE MATAUPU VII.

*O isi upu o le lauga a Iesu i luga o le mauga.*

- 1 **A**UA tou te faamasino atu nei faamasinoina
- 2 foi outou. Aua o le faamasinoga tou te faamasinoina atu ai, e faamasinoina ai outou. O le fua foi tou te fuaina atu ai, e toe fuaina
- 3 mai foi ia te outou. Se a le mea e te iloa atu ai si fasi laau i le mata o lou uso, a e te le iloa e oe le utupoto
- 4 i lou lava mata. E faapefea foi ona e fai atu i lou uso, Tuu mai ia, sou eueseina atu le fasi laau i lou mata; faauta foi, o i lou
- 5 lava mata le utupoto. O oe na le pepelo, ina muai tiai ia e oe le utupoto i lou lava mata, ona e iloa tino ai lea e eueseina atu le fasi laau i le mata o lou uso.
- 6 Aua tou te avatu le mea paia i maile, aua foi tou te lafo i a outou ute-tifa i luma o puua, nei latou soli i ai i o latou vae, ma liliu mai,
- 7 i le utia ai outou. Ia outou ole atu, e foaiina mai ai ia te outou; ia outou sailiili, tou te maua mai ai; ia outou tuitui atu e toina
- 8 mai ai ia te outou. Aua ai se ole atu e maua e ia, o le saili foi e iloa e ia; e toina mai foi i le tuitui atu.
- 9 O ai se tagata o outou pe a ole mai lona atalii se areto, na te avane ea ia te ia se
- 10 maa? A ole atu foi se i'a,



na te avane ea ia te ia se  
gata? O lenei, o outou 11  
o loo leaga, afai ua iloa e  
outou ona avatu mea lelei  
ma a outou fanau, e le sili  
ea ona foaiina mai e lo  
outou Tama o i le lagi o  
mea lelei i e ole atu ia te  
ia?

O mea uma foi tou te loto 12  
i ai, ia faia e tagata ia te  
outou, ia faapea lava ona  
outou faia ia te i latou:  
aua o le tulafono lea ma le  
au perofeta.

Ia outou ulu atu i le fai- 13  
totoa va apiapi: aua o va tele  
le faitotoa, e lau tele foi le  
ala e tau atu i le malaia, e  
toatele foi i latou e ui atu  
ai. A e va apiapi le faitotoa, 14  
e lau itiiti foi le ala e tau  
atu i le ola, e toaititi foi i  
latou e iloa. Ia outou ma 15  
perofeta pepelo, latou te o  
mai ia te outou i ofu faama-  
moe, a o totonu o luko feai  
lava ia. Tou te iloa i latou 16  
i o latou fua. E tau mai  
ea tagata se fuifui vine mai  
se laau tuitui, poo ni suki  
mai se laau talatala? O 17  
laau lelei e taitasi ma fua  
mai i fua lelei, o le laau  
leaga foi e fua mai i fua  
leaga. E le mafua mai le 18  
laau lelei i fua leaga, e le  
mafua mai foi le laau leaga  
i fua lelei. E taitasi uma 19  
laau e le fua mai i le fua  
lelei e taia ia ma lafoina i  
leafi. O lea foi tou te iloa 20  
ai i latou i o latou fua.

E le sao i le malo o le 21  
lagi i latou uma o e fai mai

ia te au, Le Alii e, le Alii  
e, na o le na te faia le fina-  
galo o lo'u Tama o i le lagi.

22 E toatele e fai mai ia te au  
i lea aso, Le Alii e, le  
Alii e, matou te lei perofeta  
ane ea i lou suafa, o lou  
suafa na matou tulia ai i  
fao temoni, o lou suafa foi  
na matou fai ai vavega e

23 tele. Ona au fai atu ai lea  
ia te i latou, Ou te le  
iloa lava outou, ina o ese  
atu ia outou ia te au, o outou

24 e fai amio leaga. O lenei,  
ai se faalogo i a'u upu nei  
ma fai ai, ou te faatusaina  
ia i le tagata poto na na  
faatuina lona fale i luga i le

25 papa; Ua to mai le ua;  
ua oo mai tafega tetele; ua  
agi tetele mai foi o matagi,  
ua pesi mai i lea fale, a e  
lei pau lava ia: aua ua  
faatuina i luga i le papa.

26 Ai se faalogo foi i au upu  
nei, a e le fai ai, ou te  
faatusaina ia i le tagata  
valea na na faatuina lona  
fale i luga i le oneone;

27 Ua to mai le ua; ua oo mai  
foi tafega; ua agi tetele  
mai foi o matagi, ua pesi  
mai i lea fale ona pau ai  
lea, ua nutipalaina ia.

28 Ua faaiu e Iesu o nei  
upu, ona matua taufaifofo ai  
lea o le motu o tagata i  
29 lana acoaga: Aua na ia  
aoao ia te i latou e pei o se  
faipule lava, a e lei pei o  
le au failautusi.

## O LE MATAUPU VIII.

*O nisi vavega na faia e Iesu.*

**U**A alu ifo ia i le mauga, 1  
ona mulimuli mai ai lea  
ia te ia o le motu o tagata e  
toatele. Faaata foi, ua sau 2  
le tasi lepela ma tapuai mai  
ia te ia, ua faapea mai,  
Le alii e, a e finagalo i ai e  
te mafaia lava ona faamama  
mai ia te au. Ona faaloa- 3  
loa lea e Iesu lona lima, ua  
pa'i atu ia te ia ma faapea  
atu, Ou te loto i ai, ina  
mama ia oe. Ona mama  
loa lea lona lepela. Ona fai 4  
atu lea o Iesu ia te ia, Ia oe,  
nei e tau atu i se tasi, a ia  
e alu ma faaali atu ia te oe  
i le faitaulaga ma e avatu le  
taulaga na poloai ai Mose, e  
fai ma faailoga ia te i latou.

Ua oo atu Iesu i Kapa- 5  
naumi, ona sau ai lea ia te  
ia le tasi taitai o le toaselau,  
ua aioi mai ia te ia, Ua faa-  
pea mai. Le Alii e, ua 6  
taoto la'u auaua i le fale e  
mai i le supa, ua tiga lava.  
Ona fai atu lea o Iesu ia te 7  
ia, O le a au alu atu e faa-  
malolo ia te ia. Ua tali 8  
mai le taitai o le toaselau,  
ma faapea mai, Le Alii e,  
e le tusa ia te au ona e ulu-  
fale atu i lo'u fale; tau lava  
ina e fai mai sau fetalai e  
malolo ai la'u auaua. Aua 9  
o au foi o le tagata ua tofia  
e pule, ua usiusitai mai ia  
te au le au fitafita: a au fai  
atu i le tasi, Ina alu ia, ona

alu ai lea; ma le isi, Ina  
sau ia, ona sau ai lea; ma  
la'u auaua, Ina faia o lea,  
10 ona fai ai lea. Ua faalogo  
Iesu, ona ofo ai lea, ua faa-  
pea atu foi i e ua mulimuli  
mai, E moni ou te fai atu  
ia te outou ou te lei iloa i  
Isaraela se faatuatua e faa-  
11 pea ona tele. Ou te fai atu  
foi ia te outou, e o mai e  
toatele mai sasae ma sisifo,  
e taoto faatasi ma Ape-  
raamo ma Isaako ma Iakopo  
12 i le malo o le lagi. A o  
tama a le malo, e tulia i  
latou i le pouliuli i fafo e i  
ai le taufaitagi aue ma le  
13 lilivau o nifo. Ona fai atu  
ai lea o Iesu i le taitai o le  
toaselau, Ina alu ia, e pei  
ona e faatuatua ia faapea  
lava ona fai mo oe. Ona  
malolo ai lea o lana auaua  
i lea lava itu aso.

14 Ua ulufale atu Iesu i le  
fale o Peteru, ona iloa ai  
lea o ia le tina o lana ava  
ua taoto i le ma'i vevela.

15 Ua tago atu i lona lima, ona  
tea lava lea o le vevela ia te  
ia; ua tulai ia ma auaua  
16 ia te i latou. Ua oo i le  
afiafi, ona latou aumai ai lea  
ia te ia o e toatele ua ului-  
tinoina e temoni. Ona ia  
tulua ai lea o agaga i le upu  
lava, na faamaloloina foi e  
ia i latou uma na mamai.

17 Ona taunuu ai lea o le upu  
a le perofeta o Isaia, ua faa-  
pea mai, "O ia lava na na  
aveina atu o tatou vaivai  
atoa foi ma ma'i ua ia avee-  
seina."

Ua iloa atu Iesu o le motu 18  
o tagata e toatele ua vaga-  
vagai mai ia te ia, ona poloi  
atu ai lea o ia e o atu i le  
tasi itu. Ona sau ai lea o 19  
le tasi failautusi, ua faapea  
mai ia te ia, Le aoao e, ou  
te mulimuli atu ia te oe i  
mea uma e te alu i ai. Ona 20  
fai atu ai lea o Iesu ia te ia,  
E fai lua o alope, e fai foi  
ofaga o manu felelei, a o le  
Atalii o le tagata, e leai se  
mea ia te ia e aluga ai lona  
ulu. Ua fai mai foi ia te ia 21  
o le tasi o ona soo, Le Alii  
e, tuu mai ia ia te au, so'u  
muai alu e tanu i lo'u tama.  
A ua fai atu Iesu ia te ia, 22  
Mulimuli mai ia ia te au, a  
e tuu pea ia o e ua oti e  
tanu i o latou tagata oti.  
Ua alu ae ia i le vaa, ona 23  
mulimuli atu ai lea ia te ia  
ona soo. Faauta foi, ua to 24  
mai le afa tele i le moana,  
ona laai mai ai lea o peau i  
luga o le vaa; a ua moe ia.  
Ona o mai ai lea o ona soo 25  
ua fafagu ia te ia, ma faapea  
mai, Le Alii e, ia e faaola  
mai ia te i matou, ai a ma-  
tou fano. Ona fai atu ai 26  
lea o ia ia te i latou, Se a  
le mea ua outou matatau ai  
outou faatuatua itiiti? Ona  
tulai ai lea o ia, ua vavao i  
le matagi ma le moana, ona  
tele ai lea o le malu. Ona 27  
taufaifo ai lea o tagata, ua  
faapea ane, Pe faapefea le-  
nei tagata, aua ua usiusitai  
ia te ia le matagi ma le  
moana?

Ua alu atu ia i le tasi itu 28

i le nuu o Kerekese, ona  
fetaiai ai lea ma ia o fagata  
e toalua ua uluitoina e  
temoni, ua o mai mai tuuga-  
mau, ua matua faavalemalosi  
i laua, e le mafai ai se tasi  
29 ona ui ane i lea ala. Faauta  
foi, ua alalaga i laua, ua  
faapea mai, Se a lau na ia  
te i maua nei, Iesu e, le  
Atalii o le Atua? Ua e  
sau ea iinei, e te faatiga ia  
te i maua e lei oo i le tau?  
30 Ua mamao ane foi ma i  
latou le mea sa tataa ai le  
31 fagaga puaa e tele. Ua aioi  
mai ia te ia o temoni, ua  
faapea mai, Afai a e tulia i  
matou i fafo, tuu mai ia ia  
te i matou e o atu i le faga-  
32 ga puaa. Ona fai atu ai lea  
o ia ia te i latou, Ina o ia,  
Ona latou o atu ai lea ua  
uluitino i le fagaga puaa.  
Faauta foi, ua feosofi ifo  
uma le fagaga puaa i le tofe  
i le moana, ua mamate ai.  
33 Ona sosola ai lea o e sa fa-  
gaina puaa, ua oo i le aai,  
ua tau atu i mea uma atoa  
ma mea na oo i e sa i ai  
34 temoni. Faauta foi, ua o  
uma mai le aai e faafetaiai  
ia Iesu. Ua latou iloa atu  
ia te ia, ona latou aioi mai  
ai lea e alu ese ia i lo latou  
nuu.

## O LE MATAUPU IX.

*O le faamaloloina o le supa,  
atoa ma isi vuvega na faia e  
Iesu.*

1 **U**A alu ae ia i le vaa e  
alu i le tasi itu, ua oo i

lana lava aai. Faauta foi 2  
ua latou aumai ia te ia le  
tasi ua mai i le supa, ua  
taoto i le moega; ua silafia  
foi e Iesu lo latou faautua-  
tua, ona fai atu ai lea o ia i  
le ua mai i le supa, Lo'u  
atalii e, ina faalototele ia  
oe ua tuueseina au sala.  
Faauta foi, o nisi o le au 3  
failautusi ua felafolafoai, Ua  
faifai lenei tagata i le *Atua*.  
Ua silafia e Iesu o latou 4  
manatunatu, ua faapea atu,  
Se a le mea ua masalosalo  
leaga ai o outou loto? Poo 5  
le fea le faigofie? poo le fai  
atu, Ua tuueseina au sala;  
poo le fai atu, Tulai ia,  
ina savali? A e ina ia iloa 6  
e outou o i ai i le atalii o le  
tagata i le lalolagi le mana  
e tuu ese ai sala, (ona fai  
atu ai lea o ia i le ua mai i  
le supa) Ina tulai ia, ina  
tago i lou moega, ma alu i  
lou aiga. Ona tulai ai lea 7  
o ia, ua alu i lona aiga. Ua 8  
iloa i le motu o tagata, ona  
taufaiofo ai lea; ua latou  
vivii atu i le *Atua* ina ua  
foaiina mai le mana faapea  
i tagata.

Ua alu ese Iesu ai lea 9  
mea, ona iloa atu ai lea o ia  
i le tasi tagata, ua nofo i le  
fale e tali ai taulaga, o  
Mataio lona igoa, ua faapea  
atu ia te ia, Ina mulimuli  
mai ia ia te au. Ona tulai  
ai lea o ia ua mulimuli atu  
ia te ia. Ua taoto ia i le 10  
aiga i le fale, faauta, o le au  
telona e toatele ma e ua  
agasala ua o mai ai, ua latou

taoto i le aiga faatasi ma  
11 Iesu ma ona soo. Ua iloa e  
le au faresaio, ona latou fai  
atu ai lea i ona soo, Se a le  
mea ua aai faatasi ai la ou-  
tou aoao ma le au telona ma  
12 e ua agasala? A ua lagona  
e Iesu, ona fai atu ai lea o  
ia ia te i latou, E le aoga le  
fomai i e malolo na o e  
13 mamai. Ina o ia, ina aoao  
poo lea le uiga o lea upu,  
"Ou te loto i le alofa, e le  
o le taulaga:" aua ou te lei  
sau e valaau i e ua agatonu,  
a o e ua agasala ina ia latou  
salamo.

14 Ona o mai ai lea o le au  
soo o Ioane ia te ia ua faa-  
pea mai, Se a le mea ua faa-  
pa'upa'u soo ai i matou ma  
le au faresaio, a o ou soo, e  
15 le faapa'upa'u i latou? Ona  
fai atu ai lea o Iesu ia te i  
latou, E mafai ea ona faa-  
noanoa o le au faaiipoipoga  
ina o ia te i latou o le tane?  
E oo mai ona aso e tetea ai  
i latou ma le tane, ona latou  
16 faapa'upa'u ai lea. E leai  
se tasi na te fonoa le ofu  
pala i le ie fou, aua e motu-  
sia le ofu i lona fonu, ona  
17 atili ai lea o le masae. E  
le liligi foi e i latou le ua-  
ina fou i faga pa'u tuai; a  
faapea, ona pāpā ai lea o fa-  
gu, e masaasaa foi le uaina, e  
maumau foi fagu: a e liligi  
e i latou le uaina fou i fagu  
fou, ona saogalemu uma ai  
lea.

18 Ua fai atu ia i nei upu ia  
te i latou, faauta, ua sau ai  
le tasi taitai, ua tapuai mai

ia te ia, ua faapea mai, O le a oti nei lava lo'u afafine ; ae a e maliu mai, ma faaee i lou aao ia te ia, ona ola ai lea o ia. Ona tulai ai lea o 19 Iesu, ua latou mulimuli atu ia te ia ma ona soo.

Faauta, o le tasi fafine na 20 i ai le puna toto i tausaga e sefulu ma le lua ua alu atu ia i ona tua, ua i pai atu i le tafatafa o lona ofu : Aua ua 21 fai ifo ia ia te ia, Afai e tau ina au pai atu i lona ofu ua ou ola au. A ua faliu o 22 Iesu ma iloa atu ia te ia, ona fai atu ai lea o ia, Lo'u afafine e, ina faalototele ia oe, ua e ola oe i lou faatua-tua. Ona ola ai lea o le fafine talu lea lava itu aso. Ua ulufale atu Iesu i le fale 23 o le taitai, ona silafia ai lea e ia o e ili fagufagu ma le motu o tagata ua pa le lau aitu. Ua faapea atu ia ia 24 te i latou, Ina o atu ia, aua e lei oti le teine, ua na ona moe. Ona latou tauemu mai ai lea ia te ia. Ua 25 tulia le motu o tagata ; ona ulu atu ai lea o ia, ua tago i lona lima, ona tulai ae lea o le teine. Ua logo atu 26 lenei mea i lea nuu uma.

Ua alu ese Iesu ai lea 27 mea ona mulimuli mai ai lea ia te ia o tagata tauaso e toalua ua alalaga ma faapea mai, Le Atalii e, o Tavita, ia e alofa mai ia te i maua. Ua ulufale ia i le 28 fale, ua o mai ai ia te ia ia tagata tauaso, ona fai atu ai lea o Iesu ia te i laua, ua

oulua faatuatua ea ou te mafaia ona fai o lenei mea ?

Ona la fai mai ai lea ia te 29 ia, Ioe, le Alii e, Ona tago ai lea o ia i o la mata, ua faapea atu, E pei ona oulua faatuatua ia faapea lava ona 30 fai mo oulua. Ona pupula ai lea o laua mata. Ua matua fai atu Iesu ia te i laua, ma faapea atu, Ia oulua, nei faailoa atu i se tasi. 31 A ua la o ma tala faalaua'itele le tala ia te ia i lea nuu uma.

32 Ua la o, faauta, ua latou aumai ai ia te ia le tasi tagata gugugu, ua uluitinoia 33 foi e le temoni. Ua tulia le temoni, ona tautala mai ai lea o le gugugu. Ona tau-faifofo ai lea o le motu o tagata, ua faapea ane, O le faatoa iloa lea o mea 34 faape na i Isaraela. A ua fai ane le au faresaio, O le temoni sili, ua tulia ai e ia o temoni.

35 Ua femalialiua Iesu i aai uma ma faoa aai, ua aao i o latou sunako, ma talai i le tala lelei o le malo, ua ia faamalalolo foi i mai uma, ma 36 vaivai uma o le nuu. Ua silafia e ia le motu o tagata, ona mutimutivale ai lea o lona alofa ia te i latou, ona ua lailoa i latou, ma tuulafoaiina, e pei o mamoe e leai. 37 so latou leoleo. Ona fai atu ai lea o ia i ona soo, Ua tele le seleselega a o le au fai 38 galuega e toaitiiti ia : O lenei, ia outou aoi atu i le alii e ona le seleselega ina ia aau-

ina mai e ia ni e galulue i lona seleselega.

## O LE MATAUPU X.

*Ua aauina e Iesu ona soo e aooa atu i le nuu.*

**U**A aami atu e ia o ona 1 soo e toasefulu ma le toalua, ona tuu atu lea e ia ia te i latou e pule ai i agaga leaga, e tutuli foi ia te i latou, e faamalolo foi i mai uma ma vaivai uma. O igoa nei o le au aposetolo 2 e toasefulu ma le toalua; e muamua Simona e taua o Peteru, ma Aneterea lona uso; o Iakopo le atalii o Sepetaio ma Ioane lona uso; O Filipo ma Patolo- 3 maio; o Toma ma Mataio le telona; o Iakopo le atalii o Alefaio; o Lepaio e taua foi o Tataio; O Simona o 4 le Kanana; ma Iuta o le Sikara, o le na na faalataina o ia.

Ua aauina atu e Iesu o 5 lenei toasefulu ma le toalua, ua ia poloai ia te i latou, ua faapea atu, aua tou te ui i se ala o nuu ese, aua foi tou te afe atu i se aai o Samaria; A e tou o atu i 6 mamoe ua se o le aiga o Isaraela. Ina outou o ia ma 7 tala'i atu, ia faapea atu, ua latalata mai le malo o le lagi, Ia outou faamalolo i 8 e mamai, faamamā lepela, faatutu i e oti, tutuli i temoni. Ua maua fua e outou, ia outou foaifuaina atu.

- 9 Aua tou te sauni ni auro, poo ni ario, poo ni 'apa i o
- 10 outou tali sela. Aua foi le ave se taga i le malaga, aua foi le tailua o ofu tino, poo see vae, poo tootoo: aua e tatau le mea e ai i le fai
- 11 galuega. O se aai poo se faoa aai tou te oo atu i ai, ia sailiili po o ai se i ai e aoga; ia outou nonofo ai i
- 12 le tou o ai. A outou ulu-fale i se fale ia outou alofa
- 13 atu i ai. Pe a fai foi ua aoga lea aiga ia oo atu i ai lo outou manuia, a e afai foi e le aoga, ia liliu mai ai ia te outou lo outou manuia.
- 14 Ai se le talia outou pe, le faalogo i a outou upu, a outou o atu ai lea fale poo lea aai, ia outou tutu ese atu
- 15 le eleele ai o outou vae. E moni ou te fai atu ia te outou, O le aso faamasino e faifai feoloolo ai Sotoma ma Komora i lea lava aai.
- 16 Faauta, ou te aau atu au ia te outou e pei o mamoe i va o luko: o lenei ia outou atamamai pei o gata, ia filemu a outou aga e pei o
- 17 lupe. Ia outou foi, ma tagata: aua latou te tuuina atu outou i fono, ma sasa foi ia te outou i o latou su-
- 18 nako. E taitaiina atu outou i luma o faipule ma tupu ona o au, e fai ma molimau ia te i latou atoa ma
- 19 nuu ese. Pe a latou tuuina outou, aua tou te popole pe faapefea, pe se a foi tou te fai atu ai: aua e foaiina mai ia te outou i lea lava itu aso se

upu tou te faiaa atu. Ana 20  
 e le o outou e tautala atu ai,  
 a o le Agaga o lo outou  
 Tama tou te tautala ai. E 21  
 tuuina atu le uso e le uso ia  
 oti ai, o le fanau foi e le  
 tamā; e tutu atu foi le fa-  
 nau i o latou matua ma  
 tuuai ina ia fasi otia. E ino- 22  
 sia foi outou e tagata uma  
 ona o lo'u igoa; a o le tu-  
 mau seia oo atu i le gataaga,  
 e faaolaina lea. Pe a sau- 23  
 ina outou i le tasi aai, ia  
 outou sosola i se tasi: aua e  
 moni ou te fai atu ia te ou-  
 tou, E le-soo aai o Isaraela  
 ia te outou seia sau le Atalii  
 o le tagata. E le sili le soo 24  
 i le aoao, poo le auuina i  
 lona alii, A e tau lava ina 25  
 avea le soo ia faapei o lona  
 aoao, o le auuina foi ia faa-  
 pei o lona alii. Afai latou  
 te taua le matai o le aiga o  
 Pelesepuolo e le sili ea ona  
 latou faapea atu i lona aiga?  
 O lenei, aua tou te matatau 26  
 ia te i latou: aua e leai se  
 mea ua ufiufitia e le faaalai,  
 e leai foi se mea lilo e le faa-  
 iloaina. O la'u e fai atu ia 27  
 te outou i le pouliuli, tou te  
 ta'u atu lea i le malama-  
 lama: o le mea foi ua la-  
 gona i o outou taliga, ia  
 outou talai atu i luga o fale.  
 Aua tou te matatau ia te i 28  
 latou e fasi oti i le tino, a e  
 latou te le mafaia ona fasi  
 oti i le agaga; a ia outou  
 matatau i le na te mafaia  
 ona faaumatia le agaga atoa  
 ma le tino i Kēna. E le 29  
 faataulia ea ni manu iti se

lua i le asari? E leai so  
 laua e pau i le elele e au-  
 noa ma lo outou Tama. A  
 ua faiaulia o outou lauulu  
 30 uma lava. O lenei, aua tou  
 te matatau; e sili outou i  
 31 manu iti e tele. Ai se na te  
 ta'uta'u au i luma o tagata,  
 o au foi, ou te ta'uta'uina ia  
 i luma o lo'u Tama o i le  
 32 lagi. O se faafiti foi ia te  
 au i luma o tagata, ou te  
 faafitia foi e au i luma o lo'u  
 33 Tama o i le lagi. Aua tou  
 te manatunatu na au sau e  
 tuuina atu ai le filemu i le  
 34 lalolagi; ou te lei sau e  
 tuuina atu le filemu, a o le  
 35 pelu. Aua ua au sau e faa-  
 masesei le tagata ma lona  
 tamā, o le tama teine foi ma  
 lona tina, o le faatoa-nofota-  
 ne foi ma le tina o lana  
 36 tane. E fai foi le tagata ma  
 37 fili o lona aiga. O se sili lona  
 loto i lona tamā poo lona tina,  
 a e tuugata mai ia te au, e  
 le aoga lea ia te au; o se sili  
 foi lona loto i lona atalii poo  
 lona afafine a e tuugata mai  
 ia te au e le aoga foi lea ia  
 38 te au. O se le tago i lona  
 satauro, ma le mulimuli mai  
 ia te au, e le aoga foi lea ia  
 39 te au. O se maua lona ola,  
 e mau mau ai ia te ia; a o se  
 faamaumau i lona ola ona o  
 40 au, e maua e ia. O se talia  
 outou, o le talia lea o au; o  
 le talia foi au, o le talia lea  
 o le na na auina mai au.  
 41 O le talia foi o se perofeta i  
 le igoa o le perofeta e maua  
 e ia le tau i o le perofeta; o  
 le talia foi se tagata agatonu

i le igoa o le tagata agatonu e maua e ia le tau i o le tagata agatonu. Ai se avane 42 tau lava se ipu vai maalili i se tasi o nei tagata au pito iti i le igoa o le soo, e moni ou te fai atu ia te outou e le maumau sona tau i.

## O LE MATAUPU XI.

*O le feau a Ioane ia Iesu ma lana tali atu i ai.*

U A uma ona poloai e 1 Iesu i ona soo e toasefulu ma le toalua, ona alu ese ai lea o ia i lea mea e aoao atu ma talai atu i o latou aai.

Ua lagona e Ioane i le 2 fale puipui o galuega a le Mesia, ona aauiina mai ai lea ona soo e toalua, ua faapea mai ia te ia. O oe ea le 3 maliu mai, pe matou te faatali i se tasi? Ona tali 4 atu ai lea o Iesu, ua faapea atu ia te i laua, ina o atu ia oulua ma faailoa atu ia Ioane o mea na oulua faalogo i ai ma vaai i ai: Ua 5 pupula tauaso, ua savavali pipili, ua faamamaina lepela, ua logo tutuli, ua faatutuina o e na oti, ua folafolaina le tala lelei i e matitiva. E 6 manuia foi o se le tausuai ona o au. Ua la o, ona fai 7 atu lea o Iesu i le motu o tagata ia Ioane, Na outou o atu ea i le vao tuufua e matamata i ni a? o le u ea ua luluina e le matagi? Pe 8 na outou o ea e matamata i

ni a? o le tagata ea ua ofu i ofu malulu? faauta o e oofu i ofu malulu o i fale o 9 tupu i latou. A o ni a ea na outou o atu e matamata i ai? o le perofeta ea? Ioe, ou te fai atu ia te outou E sili lava ia i le perofeta. 10 Aua o ia lenei ua tusia mai i ai, "Faauta ou te auina atu e au la'u faifeau i ou luma, o le na te teuteua lou 11 ala i ou luma." E moni ou te fai atu ia te outou e lei tupu mai i e na fananau i fafine se sili ia Ioane le papatiso: a o le aupito itiiti i le malo o le lagi, e sili lea ia 12 te ia. Na afua mai i ona po o Ioane le papatiso, o faoa le malo o le lagi, ua oo i nei ona po, o loo ua avea 13 foi e i latou o tau fao. Aua ua vavalu mai le au perofeta uma ma le tulafono ua oo 14 lava ia Ioane. Afai foi tou te loto ina talia, o Elia lava 15 lenei na taua e sau. O le ua i ai taliga e faalogo ai, 16 ina faalogo mai ia o ia. Ou te faatusaina i ni a lenei tupulaga? E tusa ia ma tama iti ua nonofo i le malae, ua valaau atu i a 17 latou aumea, Ua faapea atu: "Na matou faaili atu ia te outou, a e tou te lei saasaa mai; na matou fetagisi ia te outou, a e tou te lei tau faitagitui mai." Aua na sau Ioane, e lei ai, e lei inu foi ia; ona latou fai ane ai lea, 19 ua ia te ia le temoni. Na sau foi le Atalii o le tagata, ua ai ua inu foi ia; ona



latou fai ane ai lea, Faaute, o se tagata ai tele ma le inu uaina, o le uo o telona ma e agasala. A e tauagatonuina le poto e ana fanau. Ona faasa'i atu ai lea o ia i 20 aai na fai ai le tele o ona vavega, aua latou te lei salamo. Oi talofa ia te oe 21 Koasina! oi talofa ia te oe Petesaita! aua ana faia i Turo ma Saitonu o vavega na faia ia te outou, po ua leva ona latou salamo i le ie leaga ma le lefulefu. O lea ou te 22 fai atu ai ia te outou, E faifai feoloolo o Turo ma Saitonu i le aso faamasino ia te outou. O oe foi Kapanauami ua 23 faamaualugaina e oo i le lagi, e lafotuina oe i lalo lava i Seoli, aua ana faia i Sotoma o vavega na faia ia te oe, poo ua sao ia e oo i nei ona po. O lea foi ou te 24 fai atu ai ia te outou e faifai feoloolo le nuu o Sotoma i le aso faamasino ia te oe. O lea lava itu aso ua fai atu 25 ai Iesu ua faapea atu, Lo'u Tama e, ou te faafetai ia te oe, le Alii o le lagi ma le lalolagi, ina ua e nanā i nei mea i e popoto ma e atamamai, a ua faaalua atu ia mea i tama valevale. O lea lava, 26 lou Tama e, aua o lou lea finagalo alofa. Ua tuuina 27 mai mea uma ia te au e lo'u Tama: e leai se tasi ua na iloa le Atalii, ua na o le Tama: e leai foi se tasi ua na iloa le Tama, ua na o le Atalii, ma lena e loto le Atalii e faaali atu i ai. Ia 28

outou o mai ia te au, o outou uma o e tīgaina ma e mafatia e avega, o au foi ou te avatua mo outou le malologa.

- 29 Ia outou amoina la'u amoga, ma ia outou faaaoao ia te au, aua o au o le agamalu ma le loto mauualo: e maua ai e outou le malologa o outou 30 agaga. Aua e avegofie la'u amoga, o la'u avega foi e māmā ia.

## O LE MATAUPU XII.

*Ua faatonu atu e Iesu i mea e tusa ona fai i le aso sa.*

- 1 **O** IA ona aso ua alu atu ai Iesu i le sapati i to saito: ua fia aai foi ona soo, ona sei ai lea i latou ni fua 2 o le saito ma aai ai. A ua iloa foi e le au faresaio, ona latou faapea atu ai lea ia te ia, Faaute ua faia e ou soo le mea e le tatau ona fai i le 3 sapati. Ona fai atu ai lea o ia ia te i latou, e lei faitaulia ea e outou le mea na faia e Tavita, ina ua fia aai o ia 4 atoa ma e sa ia te ia. Na ulu fale ia i le fale o le Atua, na ai foi e ia le areto ua laulauina i luma, o mea e le tatau ia te ia ona ai ai, e le tatau foi i e sa ia te ia, e gata lava i le au faitaula 5 laga? E lei faitaulia ea foi e outou i le tulafono, na solia i sapati e le au faitaula i le malumalu le malologa e tatau ma le sapati, e 6 lei sala foi i latou? Ou te fai atu foi ia te outou, o iinei

le tasi e sili i le malumalu. Ana outou iloa le uiga o lea 7 upu, ou te loto i le alofa, a e le o le taulaga, poo ua outou le tuuaiina o e le sala. Aua o le Atalii o le tagata, 8 o le Alii lea o le sapati.

Ua alu ese ia i lea mea, 9 ona ulu atu ai lea o ia i lo latou sunako. Faauta foi, 10 sa i ai le tasi tagata ua gase lona lima; ona latou fesili mai ai lea ia te ia, ua faapea mai, E tatau ea ona faamalolo i le sapati? ina ia latou tuua'i ai ia te ia. Ona fai 11 atu ai lea o ia ia te i latou. O ai so outou e ana le mamoe e tasi, afai e pau foi i le lua i le sapati, e le tago ea i ai ma ava'e i luga? E 12 le sili ea le tagata i le mamoe? o lea e tatau ai ona agalelei i le sapati. Ona 13 fai atu ai lea o ia i le tagata, Ina faaloaloa mai ia o lou lima, ona faaloaloa mai ai lea e ia, ona toe lelei ai lea, ua pei o le tasi. Ua o i 14 fafo le au faresaio, ona latou taupulepule ai lea, pe faapefea se mea latou te fasi oti ai ia te ia. A ua silafia e 15 Iesu, ona alu ese ai lea o ia i lea mea: ua mulimuli mai foi ia te ia le motu o tagata e toatele, ona faamaloloina ai lea e ia o i latou uma: Ua matua fai atu ia ia te i 16 latou, aua nei latou faalaua'i tele ia: Ina ia taunuu i ai 17 le upu a le perofeta o Isaia, ua faapea mai. "Faauta, o 18 la'u auauna na au filifilia, o la'u pele o loo fiafia i ai lo'u

loto: ou te tuuina atu ia te ia lo'u Agaga, e faaali atu e ia le sauniga tonu i atu 19 nuu: E le finau ia, e le alaga foi ia, e le lagona foi 20 lona leo e se tasi i ala, E le gagau foi e ia le u ua gapepe, e le tinei foi e ia le vavae e pusa: seia faamanumalo e ia le sauniga tonu. 21 O lona igoa foi e faatuatua i ai le atu nuu." 22 Ona au mai ai lea ia te ia le tasi ua i ai le temoni, o le tauaso foi ia ma gugugugu: ona faamaloloina ai lea e ia o ia, ona vaai ai lea ma tautala lē sa tauaso ma gugugu. 23 Ona taufaiofo ai lea le motu o tagata uma, ua faapea ane, "E le o le Atalii 24 ea lenei o Tavita?" A ua lagona e le au faresaio ona latou fai ane ai lea, "Ana le se anoa Pelesepulo le matai o temoni, e le tulia e 25 lenei tagata o temoni." A ua silafia e Iesu o latou manatunatu, ona fai atu ai lea o ia ia te i latou, O malo uma ua fevaevaeai, e taitasi ma faatafunaina: o aai uma poo aiga e fevaevaeai, e tai- 26 tasi ma le tumau. Afai foi e tulia e Satani ia Satani, ona fevaevaeai lea o ia ia te ia: pe faapefea ona tumau 27 o lona malo? Afai foi ou te tulia e au temoni ona o Pelesepulo, o ai foi ua tulia ai e a outou fanau? O le mea lea e fai ai i latou ma 28 faamasino ia te outou. Afai foi ou te tulia e au o temoni ona o le Agaga o le Atua,

e moni ua oo mai ia te outou  
le malo o le Atua. E ma- 29  
sao atu faapefea se tasi i le  
fale o le tagata malosi ma  
vete i ana mea; sei muai  
fusifusia le tagata malosi, i  
le vete ai lona fale? O se 30  
le 'au ia te au, e 'au ese lea  
ia te au: o se le faaputu  
faatasi ma au, e faataapeape  
lea. O le mea lea ou te fai 31  
atu ai ia te outou, O agasala  
uma ma upu faifai a tagata  
e faamagaloina ia, a o le upu  
faifai a tagata i le Agaga  
e le faamagaloina ia. Ai sē 32  
fai upu i le Atalii o le tagata,  
e faamagaloina lea: A o lē  
fai upu i le Agaga Paia, e  
le faamagaloina lea i le  
olaga nei poo le atali. Ia 33  
outou taua o le laau lelei ia  
lelei foi ma ona fua, pe ia  
outou taua o le laau leaga  
ia leaga foi ma ona fua:  
aua o ana fua ua iloga ai le  
laau. Fanau a gata feai e, 34  
outou o loo leaga e mafaia  
faapefea ona outou upu lelei?  
aua o le faulaiga o mea i le  
loto e tautala mai a'i le gutu.  
Ua au mai mea lelei e le 35  
tagata lelei i le faulaiga  
lelei o lona loto: o le tagata  
leaga foi, ua au mai mea  
leaga i le faulaiga leaga o  
lona loto. A ou te fai atu 36  
ia te outou o upu faatauvaa  
uma e faia e tagata latou te  
talatala atu ai i le aso faa-  
masino. Aua o au upu e 37  
tauagatonuina ai oe, o au  
upu foi e faasalaina ai oe.

Ona tali mai ai lea o nisi 38  
o le au failautusi ma le au

faresaio, ua faapea mai, Le  
aoao e, ua matou mananao  
ia iloa atu se faailoga ia te  
39 oe. Ona tali atu ai lea o ia  
ua faapea atu ia te i latou,  
O le tupulaga leaga ma le  
mulilulua ua sailia mai se  
faailoga; a e leai se faailoga  
e avatua i ai, ua na o le  
faailoga o Iona le perofeta.  
40 Aua e pei o Iona ona i ai i  
le manava o le i'a tele i ona  
po e tolu ma ona ao e tolu,  
e faapea foi le Atalii o le  
tagata e i ai i lalo i le elele  
i ona po e tolu ma ona ao  
41 e tolu. E tutu tagata o  
Nineva i le faamasinoga  
faatasi ma le tupulaga nei,  
e faasala i ai, aua na latou  
salamo i le talaiga a Iona;  
faauta foi, o iinei le sili ia  
42 Iona. E tutu faatasi le tupu  
fafine o le itu i toga ma le  
tupulaga nei i le faamasinoga  
e faasala i ai, aua na sau ia  
mai le gataaga o le lalolagi  
e faalogo i le poto o Solo-  
mona: faauta foi, o iinei le  
43 sili ia Solomona. Pe a alu i  
fao i le tagata le agaga  
leaga, ona fealuai ai lea i  
mea matutu, ua saili se ma-  
44 lologa, a e le maua. Ona  
faapea ane ai lea o ia, ou te  
foi atu i lou fale na au sau  
ai: ua alu ai ona iloa ai lea  
ua tuu fua, ua uma foi ona  
45 taitafi ma teuteu. Ona alu  
ai lea o ia ua na taitai mai  
o isi agaga e toaftu e sili lo  
latou leaga i lona, ona latou  
ulu fale atu ai lea ua nonofo  
ai: ona sili ai lea o le leaga  
o le iuga o lea tagata, a e

feoloolo lona amataga. E faapea foi ona oo i lenei tupulaga leaga.

Ua tautala ia i le motu o 46 tagata, ona tutu mai ai lea i fafo o lona tina ma ona uso ua mananao e tautala ma ia. Ona fai mai ai lea o le tasi 47 ia te ia, Faauta, ua tutu mai i fafo lou tina ma ou uso, ua mananao e tautala ma oe. Ona tali atu ai lea o ia ua 48 faapea atu i le na fai mai ia te ia, O ai ea lo'u tina? O ai ea o'u uso? Ona faaloa- 49 loa ai lea e ia lona lima i ona soo ua faapea atu, Faauta, o lo'u tina ma o'u uso. Aua o le faia le finagalo o 50 lo'u Tama o i le lagi, o lo'u uso lea, ma lo'u tuafafine, ma lo'u tina.

### O LE MATAUPU XIII.

*O upu faataoto e tele na folafolaina ai e Iesu i le motu o tagata.*

**O** LEA lava aso ua ulu 1 fafo ai Iesu nai le fale, ua nofo latalata i le sami, Ona faapotopoto mai ai lea 2 o le motu o tagata uma, ua alu ae ai ia i le vaa ua nofo ai: ua tutu mai foi le motu o tagata uma i le matafaga. Ua aoao atu ia ia te i latou 3 i mea e tele i faataoto, ua faapea atu, Faauta, ua alu atu le tagata lulufua e lulu i ana fua. O loo lulu i ana 4 fua, ua pau ai isi i le au ala: ona oo mai lea o manu felelei ma aai ai. Ua pau foi 5

isi i le mea papa, e itiiti le eleele sa i ai: ona vave tupu ai lea, ona o le eleele ina 6 itiiti: Ua alu ae le la, ua velasia, ona mamae ai lea 7 ona ua leai ni aa. Ua pau foi isi i laau tuitui, ua tutu 8 fetinaiaina ai lea. Ua pau foi isi i le eleele lelei, ona fua mai ai lea e tai selau ma tai ono gafulu ma tai tolu 9 gafulu i fua. O le ua i ai taliga e faalogo ai, ina faa- 10 logo mai ia o ia. Ona o mai ai lea o ona soo ua faapea mai ia te ia, se a le mea ua e aoao atu ai ia te i latou 11 i upu faataoto? Ona tali atu ai lea o ia, ua faapea atu ia te i latou, Ua foaiina atu ia te outou ia outou iloa mea lilo o le malo o le lagi, a e lei foaiina atu ia te i 12 latou. Aua o le ua maua, e foaiina atu ia te ia, e atili ai ana mea: a o se le maua, e aveeseina foi le mea ua ia 13 te ia. O le mea lea foi ou te aoao atu ai ia te i latou i upu faataoto, ina nei iloa e i latou o vaavaai, nei faalogo, poo lagona e i latou o 14 faalogo. Ua taunuu ai ia te i latou le valoaga a Isaia ua faapea mai, "E faalogo lava outou, a e tou te le lagona, e vaavaai foi outou, 15 a e tou te le iloa. Aua ua mafafafa loto o lena nuu, ma ua faalogo gata o latou taliga i faalogo, ua moeini o latou mata: nei vaai o latou mata, ma faalogo o latou taliga, ma lagona e o

latou loto ma liliuina i latou,  
 ma ou faaolaina." Amuia 16  
 o outou mata, aua ua vaa-  
 vaai; ma o outou taliga, aua  
 ua lagona: Aua e moni ou 17  
 te fai atu ia te outou, E  
 toatele perofeta ma tagata  
 amio tonu na naunau i le  
 fia iloa o mea ua outou vaai  
 i ai, a e lei iloa; na latou  
 fia faalogo foi i mea ua outou  
 faalogo i ai, a e lei faalogo  
 lava. Ina faalogologo mai 18  
 ia outou i le faataoto i le  
 tagata lulufua. A faalogo 19  
 se tasi i le upu o le malo, a  
 e le lagona, ona sau ai lea o  
 lē ua leaga ua fao le fua i  
 lona loto; o ia sa luluina i  
 au ala lea. O le sa luluina 20  
 i le mea papa, o le tagata  
 lea na faalogo i le upu, ua  
 vave foi ona talia ma le fia-  
 fia; A ua leai foi ni aa ia 21  
 te ia, a e le faalevaleva foi  
 ia, aua pe a tupu le pua-  
 puaga, poo le sauaga ona o  
 le upu, e vave tausuai ia.  
 O le sa luluina i laau tuitui, 22  
 o ia lea na faalogo i le upu,  
 a o le loto popole i mea o le  
 lalolagi, ma le pepelo o le  
 oa ua fetinaiina ai le upu, e  
 le fua mai lava. A o le sa 23  
 luluina i le elele lelei, o ia  
 lea ua faalogo i le upu ma  
 lagona i ai: ua fua mai foi  
 ia ni fua, e tai selau, e tai  
 ono gafulu foi, e tai toluga-  
 fulu foi i fua.

Ua sauni atu ia le tasi faa- 24  
 taoto ia te i latou, ua faa-  
 pea atu, ua faatusaina le  
 malo o le lagi i le tagata na  
 luluina le fua lelei i lona

25 fanua: Ua momoe tagata,  
 ona alu ane ai lea o lē ua ita  
 mai ia te ia, ua na luluina le  
 titania faatasi ma le saitou,  
 26 ona alu ese ai lea. Ua tupu  
 le laau ma fua mai, ona iloa  
 27 ai lea o le titania. Ona o  
 mai ai lea auauna a le matai  
 o le aiga, ua faapea mai ia  
 te ia, Le alii e, e le o le fua  
 lelei ea na e luluina i lou  
 fanua? pe na ifea foi nei  
 28 titania. Ona fai atu ai lea  
 o ia ia te i latou, ua faia  
 lenei mea e le tagata ua ita  
 mai. Ona fai mai ai lea o  
 auauna ia te ia, E te fina-  
 galo ea matou te o atu e ve-  
 29 leeseina? A ua fai atu ia,  
 Aua: nei outou liai ma le  
 saitou pe a outou veleese le  
 30 titania. Ina tupu lua pea  
 ia seia oo i le seleselega: a  
 oo atu i le tau e selesele ai,  
 ou te fai atu ai i e selesele,  
 ia outou muai faapotopoto  
 mai i le titania ma outou  
 fusia i fusi e susunu ai, a o  
 le saitou tou te faaputu mai i  
 lou fale e tuu ai saitou.

31 Ua sauni atu foi ia i le  
 tasi faataoto ia te i latou, ua  
 faapea atu, E tusa le malo o  
 le lagi ma le fatu sinapi na  
 totoina e le tasi tagata i  
 32 lona fanua: E itiiti lava  
 ia i fua o laau uma, a e pe  
 a tupu e sili ia i laau faapea,  
 e iu ina fai ma laau tele, e o  
 mai ai manu felelei ma ofa-  
 ga i ona la.

33 Ua fai atu foi ia i le tasi  
 faataoto ia te i latou, E tusa  
 le malo o le lagi ma le mea  
 faafefete na ave e le tasi fa-

fine ma tuu ai i totonu o le falaoa, e tolu fuaga, seia fefete uma ai.

Ua fai atu Iesu nei mea 34 uma i le motu o tagata, i faataoto, ua na o faataoto na aoao atu ai e ia ia te i latou. Ona taunuu ai lea le upu 35 a le perofeta, ua faapea mai, ou te tautala atu i faataoto, ou te tau atu foi i mea na lilo talu le faofoaga o le lalolagi.

Ona tuuna ai lea e ia o le 36 motu o tagata, ua ulu fale atu ai Iesu i le fale, ona o mai ai lea ia te ia o ona soo, ua faapea mai, Ia e faamatala mai ia te i matou le faataoto i le titania i le fanua. Ona tali atu ai lea 37 o ia, ua faapea atu ia te i latou, o le na lulu i le fua lelei o le Atalii lea o le tagata: O le fanua foi o le 38 lalolagi lea: o le fua lelei, o tama ia a le malo: o le titania, o fanau ia a lē ua leaga: O le ua ita mai, na 39 na luluina, o le tiapolo lea; o le seleselega, o le gataaga lea o le lalolagi: o e selesele, o le au agelu ia. E 40 pei ona faaputuina le titania, ma lafoina i le afi, e faapea foi ona faia i le gataaga o lenei lalolagi. E auina atu 41 e le Atalii o le tagata ana agelu, latou te faapotopoto mai nai lona malo i latou uma e tausuai ma e amio le tonu. E lafoina i latou i to- 42 tonu o le umu aasa: e i ai foi le tagi aue ma le lilivau o nifo. Ona pupula ai lea 43

o e amio tonu e pei o le la i le malo o lo latou Tania. O lē ua i ai taliga e faalogo ai, ina faalogo mai ia o ia.

44 E tusa foi le malo o le lagi i le oa ua lilo i le fanua; ua iloa e le tasi ona nanā ai lea e ia: ua alu foi ma le fiafia ma faatau atu i ana mea uma, i le faatau ai mai lea fanua.

45 E tusa foi le malo o le lagi ma le tagata faatau oa ua sailiili i ute-tifa lelei:

46 Ua iloa foi e ia le tasi ute-tifa taugata, ona alu ai lea, ua faatau atu i ana mea uma, i le faatau ai mai.

47 E tusa foi le malo o le lagi ma le upega ua lafo i le sami ua maua ai i'a eseeese.

48 Ua tumu foi, ona latou toso ae ai lea i le matafaga, ua nonofo ma fafao i i'a lelei i ola, a o i'a leaga ua lafoai.

49 E faapea foi i le gataaga o le lalolagi: e o atu le au agelu e vavae ese i e amio

50 leaga ma e amio tonu, Latou te lafoina ia te i latou i le umu aasa: e i ai le tagi aue ma le lilivau o nifo.

51 Ona fai atu lea o Iesu ia te i latou, ua outou lagona ea i nei mea uma? ona latou fai mai ai lea ia te ia, Ioe,

52 le Alii e. Ona fai atu lea o ia ia te i latou, O lenei o failautusi e taitasi ma aoaoina i le malo o le lagi, e tusa lea ma le matai o le aiga ua au mai mea fou ma mea tuai ai le faulaiga o ana mea.

53 Ua faaii e Iesu o nei faa-

taoto, ona alu ese ai lea o ia i lea mea. Ua oo atu ia i 54  
lona lava nuu, ona aoao atu ai lea o ia ia te i latou i lo latou sunako, ua latou tau-faifofo ai, ma faapea ane, Poo fea na maua ai e lenei tagata lenei potu ma ia vavega? E le o le atalii ea 55  
lenei o le tufuga? e le o Maria ea le igoa o lona tina, o ona uso foi o Iakopo ma Iose, ma Simona ma Iuta? E le o ia te i tatou ea ona 56  
tuafafine uma? poo fea foi na maua ai e lenei tagata nei mea uma? Ona latou 57  
tausuai ai lea ia te ia. A ua fai atu Iesu ia te i latou, E leai se perofeta e faalemamafi ua na o lona lava nuu ma lona aiga. Ua le 58  
tele foi o vavega na na faia i lea mea, ona o lo latou faalogo gata.

## O LE MATAUPU XIV.

*O le tala i le fasiga o Ioane le papatiso, ma nai vavega na faia e Iesu.*

**O** IA ona po na lagona ai 1  
e le tupu o Herota le logo o Iesu. Ua fai atu foi ia i ana auuana, O Ioane 2  
le papatiso lenei: ua tu mai ia mai e na oti; o le mea foi lea ua fai ai vavega e ia. Aua na pue e Herota o 3  
Ioane, ua fusifusi foi ia te ia ma tuuina atu i le fale puipui, ona o Herotia le ava a Filipino lona uso. Aua na 4  
fai atu Ioane ia te ia, E le

tatau ona fai ia ma au ava.  
5 Ua lotu foi ia e fasi oti ia te ia a ua matau ia i le motu o tagata, aua o la latou taofi  
6 o le perofeta ia. Ua oo ina a fai le faamanatuga o le ao na fanau mai ai Herota, na saasaa i o latou luma le tama teine a Herotia, na ia faa-  
7 fiafia ia Herota. O le mea lea na ia matua fai atu ai ia te ia ma le augani na te avatu ia te ia se mea na te  
8 ole mai ai. A ua faaosoina o ia e lona tina, e fai atu, Ia e au mai iinei ia te au le ulu  
9 o Ioane i se tanoa. Ona tiga ai lea o le tupu: a ona o le augani ma e ua alaala ma ia ua ia poloai atu e ava-  
10 tua. Ona feauina atu ai lea o ia ia vavae mai le ulu o Ioane i le fale puipui.  
11 Ona au mai ai lea lona ulu i le tanoa ua avane i le teine, ua na aveina atu foi i lona  
12 tina. Ona o ane ai lea o ona soo ua ave i le tino e tanu; ua latou o mai foi ma  
13 ta'u mai ia Iesu. Ua lagona foi e Iesu, ona alu lemu ese ai lea o ia i lea mea i le vaa i le vao tuufua. Ua faalogo ai le motu o tagata ona latou mulimuli atu ai lea ia te ia, ua ui a uta mai aai uma.  
14 Ua alu atu Iesu ua na si-lafia le motu o tagata e toa-tele, ona mutimutivale ai lea lona alofa ia te i latou, ua faamalolo foi e ia i o la-  
15 tou ma'i. Ua oo i le afiafi, ona o mai ai lea o ona soo ia te ia ua faapea mai, o le mea tuufua lenei, o le a po

foi, ia e tuuina atu le motu o tagata, ina ia latou o i aui e fuataui ni mea e ai ma latou. Ona fai atu ai lea o 16 Iesu ia te i latou, Aua latou te o : ia outou avane ni mea latou te aai ai. A ua 17 latou fai mai ia te ia, E leai ni a tatou mea o iinei, ua na o areto e limagafua ma i'a e lua lau. A ua fai atu 18 ia ia te i latou, Au mai iinei ia te au. Ona poloai 19 atu ai lea o ia i le motu o tagata ia latou taoto i le mutia, ua tago foi ia i areto e limagafua ma i'a e lua lau, ona tepa ae lea o ia i le lagi ma faafetai : ua ia tofi-tofi foi i areto ma avatu i le au soo, *ona avatu ai lea* e le au soo i le motu o tagata. Ona aai ai lea i latou uma 20 lava, ua maona : Ua latou fu'e foi i toe aiga, ua tutumu ato e sefulu ma le lua. O i latou foi na aai pe lima 21 gaafe o tane, a e lei faia-aulia o fafine ma tama iti. Ona uunai loa lea o Iesu i 22 ona soo, e o ae i le vaa, e muamua atu ia te ia i lela itu, seia auina atu e ia le motu o tagata. Ua tuua le 23 motu o tagata ona alu lemu ae lea o ia i le tasi mauga e tatalo. Ua oo i le afiafi, ua na o ia o i ai. A o le 24 vaa ua i le moana ua felafolaiina i le sousou ; aua na agi mai i luma le matagi. Ua 25 alu atu Iesu ia te i latou i le tafa o ata, o loo savali i luga o le moana. Ua iloa 26 atu e le au soo o ia ua savali i

luga o le moana, ona latou atuatuvaile ai lea, ua faapea ane, ai se agaga : ona latou alalaga ai lea ma le matatau. 27 Ona fai mai loa lea o Iesu ia te i latou ua faapea mai, Ia outou faalototelele ia, o au lava, aua tou te matatau. 28 Ua tali atu Petelu ia te ia, ua faapea atu, Le Alii e, afai o oe, ia e fai mai ia te au, ou te alu atu ia te oe i 29 luga o le sami. Ona fai mai ai lea o ia, Ina sau ia, ona alu ifo ai lea o Petelu nai le vaa, ua savali i luga o le 30 sami e alu atu ia Iesu. Ua vaai ia i le matagi ua tetele, ona fefe ai lea, ona mafua ai lea ona goto, ua alaga, ua faapea atu, Le Alii e, ia e 31 faaola mai ia te au. Ona vave faaloaloa ai lea e Iesu lona lima ma tago ia te ia, ua faapea mai ia te ia, O oe na le faatuatua ititi, se a le mea ua e masalosalo vale ai ? 32 Ona la o ae lea i le vaa, ona malu ai lea o le matagi. 33 Ona o mai ai lea o e na i le vaa, ua tapuai mai ia te ia, ua faapea mai, E moni, o oe lava o le Atalii o le Atua. 34 Ua oo atu i latou i le itu i 35 le nuu o Kenesareta. Ua iloa mai o ia e tagata o lea nuu, ona latou feau atu ai lea i lea itu uma lava, latou te au mai ia te ia o e mainai uma 36 lava : Ma ua latou aioi mai ia te ia, e tau lava ina latou papai i le tafatafa o lona ofu : ua tai tasi ma faamaloloina foi o e na papai mai i ai.



## O LE MATAUPU XV.

*Ua faamatalaina e Iesu o le sese ma le agasala a le au faresaio, aua na latou faaleaoga i le poloaiga a le Atua i a latou upu tuu.*

**O**NA o mai ai lea ia Iesu <sup>1</sup> o le au failautusi ma le au faresaio mai Ierusalem a ua faapea mai, Se a le mea <sup>2</sup> ua soli ai e ou soo le upu tuu a e matutua? aua ua le fafano o latou lima pe a latou sai. A ua tali atu ia ua faa- <sup>3</sup> pea atu ia te i latou, Se a le mea ua outou soli ai le poloaiga a le Atua i a outou upu tuu? Aua ua poloa mai le <sup>4</sup> Atua ua faapea mai, Ia e usitai i lou tama ma lou tina: ai se agaleaga atu i le tama poo le tina, ia matua oti lava ia: A ua outou fai <sup>5</sup> mai, Ai se fai ane i le tama poo le tina, ua faasaina, o la'u mea e aoga ia te oe. E le <sup>6</sup> toe usitai ia i lona tama poo lona tina; ua faapea ona outou faaleaogaina le poloaiga a le Atua i a outou upu tuu. O outou tagata pepelo, e ta- <sup>7</sup> tau lava ia te outou le valoaga a Isaia ua faapea mai, Ua faalatalata mai ia te au <sup>8</sup> lenei nuu i o latou gutu, ma vivii mai ia te au i o latou laugutu, a o latou loto ua taumamao ia te au. E ta- <sup>9</sup> puai fua mai i latou ia te au i lo latou fai ma mataupu o poloaiga a tagata. Ua va- <sup>10</sup> laau atu ia i le motu o tagata, ua fai atu ia te i latou. Faalogo mai ia ma ia outou.

<sup>11</sup> lagona. E le o le mea ua tuu i le gutu e leaga ai le tagata, a o le mea ua luai mai i le gutu, o lea ua leaga <sup>12</sup> ai le tagata. Ona o mai ai lea o ona soo ia te ia, ma fai mai ia te ia, Ua e silafia ea ua tiga le au faresaio i lo la- <sup>13</sup> tou faalogo i lea upu? A ua tali atu ia ma faapea atu, ai se laau e lei totoina e lou Tama o i le lagi, e liaiina ia. <sup>14</sup> Tuu pea ia i latou, o tauaso i latou e taitai i e ua tauaso: afai foi e taitaiina le tauaso e le tauaso, ona la pauu ai lea <sup>15</sup> uma i le lua. Ona tali mai ai lea o Peteru, ua faapea mai ia te ia, Ia e faamatala mai ia te i matou lenei faa- <sup>16</sup> taoto. Ona fai atu ai lea o Iesu, E lei lagona foi ea e <sup>17</sup> outou? Tou te lei iloa ea o mea uma ua tuu i le gutu ua oo i le manava, ua lafo- <sup>18</sup> aiina i le mālīuga? A o mea e luai mai i le gutu ua tutupu ae ia i le loto, o mea ia e leaga ai le tagata. <sup>19</sup> Aua ua tutupu ae i le loto o le manatu leaga, o le fasi tagata, o le mulilua, o le faitaaga, o le gaoi, o le molimau pepelo, ma le upu <sup>20</sup> faifai. O mea ia e leaga ai le tagata; a o le 'ai ma lima e lei fafano, e le o lea e leaga ai le tagata. <sup>21</sup> Ua alu ese Iesu i lea mea, ona oo atu ai lea i nuu o <sup>22</sup> Turo ma Saitonu. Faauta foi, o le fafine o Kanana na sau mai ia lava nuu, ua alaga mai ia te ia ua faapea mai, Le Alii e, le Atalii o Ta-

vita, ia e alofa mai ia te au : ua leaga lava la'u tama teine i le temoni ua i ai. A ua leai se upu na 23 ia tali ai ia te ia. Ona o mai ai lea o ona soo, ua aioi mai ia te ia, ua faapea mai, Ia e tuuina atu ia te ia, aua ua mulimuli mai ia ma alaga mai ia te i tatou. A ua tali atu 24 ia ua faapea atu, E lei auina mai au i nisi, a e tau lava o mamoe ua se o le aiga o Isaraela. Ona sau ai lea o 25 ia ua tapuai mai ia te ia ua faapea mai, Le Alii e, ia e fesoasoani mai ia te au. Ona tali atu ai lea o ia ua 26 faapea atu, E le tatau ona ave le mea e ai a le fanau ma lafo i maile. Ona fai 27 mai ai lea o ia, Le Alii e, e moni a oe ; a e peitai ua aai e maile o momo i mea ua pauu i laulau a o latou taula. Ona tali atu ai lea o Iesu, 28 ua faapea atu ia te ia, Funa e, ua tele lou faatuatua, e pei o lou manao, ia faapea lava ona fai mo oe. Ona malolo ai lea o lana tama teine i lea lava ituaso.

Ua alu ese Iesu i lea mea 29 ona faalatalata atu ai lea o ia i le sami o Kalilaia ; ua alu ae i le mauga, ua nofo ai. Ona o mai ai lea ia te 30 ia le motu o tagata e toatele, ua i ai ia te i latou o e pipili, o e tauaso, o e gugugu, o e mumutu ma isi foi e toatele ; ua latou tuu atu ia i latou i vae o Iesu ; ona faamalolo ai lea e ia o i latou.

31 Ona taufaifofo ai lea o le motu o tagata ina ua latou iloa atu o e sa gugugu ua tau-tala mai, ua atoatoa o e sa mumutu, ua savavali o e sa pipili, ua vaai foi o e sa tauaso ; ona latou vivii atu ai 32 lea ile Atua o Isaraela. Ona valaau atu ai lea o Iesu i ona soo ua faapea atu, Ou te alofa atu i le motu o tagata, aua ua tolu po o matou o iinei ma au, e leai foi ni a latou mea e ai. Ou te le fia aauina atu ia te i latou o matelaina, nei latou lailoa i 33 le ala. Ona fai mai ai lea ona soo ia te ia, tatou te maua ifea ea i le vao tuu fua ni areto e faapea ona tele ina ia maoona ai le motu o tagata ua toatele 34 faapea ? Ona fai atu ai lea o Iesu ia te i latou, E fia ea ni a outou areto ? Ona latou fai mai ai lea e fitu, ma nai 35 i'a lau iti. Ona fai atu ai lea o ia i le motu o tagata ia 36 latou taotoo i lalo : Ona tago ai lea o ia i areto e fitu, ma i'a, ua faafetai ia ma tofitofi, ona avatu ai lea e ia i ona soo, *ona avatu ai lea* e le au soo i le motu o tagata. 37 Ona aai ai lea i latou uma lava, ua maoona : ua latou fu'e foi i toe aiga, ua tutumu ato e fitu. O i latou 38 foi na aai e toa fagaafe o tane, a e lei faitaulia o fafine ma tama iti.

39 Ua tuuina atu e ia le motu o tagata ona alu ae ai lea o ia i le vaa, ua alu atu i le nuu o Makatala.

## O LE MATAUPU XVI.

*Ua faaososo le au faresaio ia Iesu. Ua aoao atu foi Iesu i ona soo ia latou alo ese i le mea faafefete a le au faresaio.*

**O**NA o mai ai lea le au 1 faresaio ma le au satukaio, ua latou faaososo ma fai mai ia te ia e faaali atu ia te i latou se faailoga mai le lagi. Ona tali atu ai lea o 2 ia ua faapea atu ia te i latou, Ua oo i le afiasi ona outou fai ane ai lea, Ai a laofie: aua ua mumu mai le lagi. A taeao foi *ua outou* 3 *fai atu*, Ai e ua le asō, aua ua mumu mai ma faamalumu ifo le lagi. O outou tagata pepelo, ua outou iloa ona mātāu o le lagi, a o faailoga o tausaga tou te le mafaia ea? O le tupulaga leaga 4 ma le mulilulua ua sailia mai se faailoga: a e leai se faailoga e avatua i ai, ua na o le faailoga o Iona le perofeta, ona tuua ai lea e ia i latou, a e alu ese.

Ona oo atu ai lea ona soo 5 i le tasi itu, ua galo ia te i latou ona ave o ni areto. Ona fai atu ai lea o Iesu ia te 6 i latou, Ia outou, ia matua alo ese i le mea faafefete a le au faresaio ma le au satukaio. Ona latou felafola- 7 foai ai lea ua faapea ane, Ai *ua faapea ai* ina ua le au mai ni a tatou areto. Ua 8 silafia e Iesu ona fai atu ai lea o ia ia te i latou, se a le mea ua outou felafolafoai ai,

o outou tagata faatuatua ititi ina ua le au mai ni a outou areto? Tou te le lagona ea, pe manatua i areto e lima ma le toa limagaafe, pe fia 10 ato na outou fu'e ai? O areto foi e fitu ma le toa fagaafe pe fia foi ato na outou 11 fu'e ai? E le lagona faapefea outou, e le o le areto na au fai atu ai ia te outou, ia matua alo ese i le mea faafefete a le au faresaio ma le 12 au satukaio? Ona latou lagona ai lea e le o le mea faafefete o le areto na fai atu ia ia matua alo ese ai, a o le mataupu a le au faresaio ma le au satukaio.

13 Ua alu atu Iesu i le nuu o Kaisareia Filipi, ona fesili atu ai lea o ia i ona soo, ua faapea atu, Pe se a le mate mai a tagata ia te au le Atalii o le tagata, po o ai? Ona 14 latou fai mai ai lea, O le mate a isi, o Ioane le papatiso; a e a isi, o Ieremia, poo se tasi o le au perofeta.

15 Ona fai atu lea o ia ia te i latou, A o outou, pe se a la outou mate mai ia te au po 16 o ai? Ona tali mai ai lea o Simona Peteru, ua faapea mai, O oe le Mesia, o le Atalii o le Atua soifua.

17 Ona tali atu ai lea o Iesu, ua faapea atu ia te ia, Amuia oe o Simona le atalii o Iona, aua e le se tagata na ia faaali ai ia te oe, a o lo'u 18 Tama o i le lagi. Ou te fai atu nei au ia te oe, O Peteru oe, ou te faatuina foi lo'u ekalesia i luga o lenei papa,

e le mafaia foi e faitotoa o Seoli ona manumalo i ai. Ou te avatu foi ia te oe o ki o 19 le malo o le lagi: o se mea foi e te fusifusia i le lalolagi, e fusifusia foi lea i le lagi: o se mea foi e te tālā i le lalolagi, e tatalaina foi lea i le lagi. Ona matua 20 fai atu ai lea o ia i ona soo, aua nei latou mao ta'uta'u atu i se tasi, o ia o Iesu le Mesia.

Ona po ia na amata ai e 21 Iesu ona faailoa atu i ona soo, e tatau ona alu i Ierusalem, e tigaina foi i mea e tele, ma fasiotia e o matutua ma le au faitaulaga sili ma le au failautusi, e faatutua foi ia i le po tolu. Ona 22 taitai ane ai lea o Peteru ia te ia, ua fuai foi ona vavao mai ia te ia, ua faapea mai, Le Alii e, aua nei faapea ia te oe; aua lava nei oo lona mea ia te oe. Ona 23 faliu atu ai lea o ia ua faapea atu ia Peteru, Satani e, ina alu ese atu ia oe i ou tua, ua fai oe ma mea ou te tausui ai: aua e le o mea a le Atua ua e loto i ai, a o mea a tagata. Ona fai atu 24 ai lea o Iesu i ona soo, Ai se tasi e manao e mulimuli mai ia te au, aua nei usiutai ia ia te ia, a e tago ia i lona satauro, i le mulimuli mai ai ia te au. Aua ai se 25 loto ina saogalemu o lona ola, e maumau ai ia te ia; a o se faamaumau i lona ola ona o au, e maua ai e ia. Aua se a le aoga i le tagata 26

pe afai na te maua le lalolagi uma, a e maumau lona agaga? Se a foi se mea e avatu e le tagata e sui ai lona 27 agaga? Aua e sau le Atalii o le tagata faatasi ma ana agelu i le mamalu o lona Tama; ona taitasi ai lea ma tuuina atu e ia le tau i tusa 28 ma a latou galuega. E moni ou te fai atu ia te outou, o loo tutu mai iinei o nisi e le oo ia te i latou le oti, seia latou iloa le Atalii o le tagata ona sau i lona malo.

## O LE MATAUPU XVII.

*O le liueseina o Iesu; ua aoao atu foi ia i ona soo ia Elia i lona sau.*

1 **U**A mavae atu le po ono, ona taitai ane ai lea o Iesu ia Peteru, ma Iakopo, ma Ioane lona uso, ua taitai lemu e ia ia te i latou i le 2 tasi mauga maua luga. Ona liu ai lea o ia i o latou luma, ua pupula mai ona fofoga e pei o le la, ua sisina mai foi ona ofu e pei o le malama- 3 lama. Faauta foi, ua iloa atu e i latou o Mose ma Elia, ua latou tautala ma ia. 4 Ona fai mai ai lea o Peteru, ua faapea mai ia Iesu, Le Alii e, e lelei ona tatou iinei; a e finagalo matou te faia iinei ni fale apitaga se tolu; e ou le tasi, a e o Mose le tasi, a e o Elia foi le tasi. 5 Faauta, o le ao pupula ua malumalu ifo ia te i latou a

o tautala ia; faauta foi, ua faapea mai le tasi leo mai le ao, o lo'u Atalii pele lenei, ou te fiasia i ai, ia outou faalogo ia te ia. Ua faalogo 6 ai le au soo, ona latou faapauu fao ai lea, ua matua matatau lava. Ona alu atu 7 ai lea o Iesu ua papai atu ia te i latou, ma faapea atu, Ina tutu ia outou, aua foi tou te matatau. Ona tetepa 8 ae ai lea o latou mata, ua latou le iloa atu se tasi, ua na o Iesu lava. Ua latou o 9 ifo na i le mauga, ona fai atu ai lea o Iesu ia te i latou, ua faapea atu, Aua nei outou ta'u atu i se tasi le mea na vaaia, seia toe tu mai le Atalii o le tagata mai e ua oti. Ona fesili 10 mai lea ona soo ia te ia, ua faapea mai, sea le mea ua fai mai ai le au failautusi, e tatau ona muai sau o Elia? Ona tali atu ai lea o Iesu, 11 ua faapea atu ia te i latou, E muai sau lava Elia, ma toe fuatai i mea uma. A 12 ou te fai atu ia te outou, ua mavae ona sau o Elia, e lei iloa foi e i latou ia, a ua latou fai ia te ia o mea na latou loto i ai; e faapea foi ona faatigaina e i latou o le Atalii o le tagata. Ona 13 iloa ai lea e le au soo, o Ioane le papatiso na fai atu ai ia ia te i latou.

Ua latou oo atu i le motu 14 o tagata, ona sau ai lea o le tasi tagata ua tootuli ia te ia, ua faapea mai, Le Alii 15 e, ia e alofa mai i lo'u atalii,

ua faavalea, ua tiga lava : aua ua pau soo ia i le afi, ua 16 faapea soo foi i le vai. Na a'u au mai ia te ia i ou soo, a ua latou le mafaia ona faa- 17 malolo ia te ia. Ona tali atu ai lea o Iesu, ua faapea atu, Le tupulaga faalogo gata ma le faapiopio, tatou te i ai ma outou seia afea? ou te faapalepale ia te outou seia afea? au mai ia o le 18 tama iinei ia te au. Ua vavao atu Iesu ia te ia, ona alu ai lea i fafo o le temoni na ia te ia, ona malolo ai lea o le tama i lea lava itu 19 aso. Ona o lemu ane ai lea o le au soo ia Iesu, ua faapea ane, Se a le mea na matou le mafai ai ona tulia i 20 fafo lenei? Ona fai atu ai lea o Iesu ia te i latou, ona o lo outou le faatuatua. Aua e moni ou te fai atu ia te outou, afai e tusa lo outou faatuatua ma le fatu sinapi, e fai atu outou i lenei mauga, Ia siitia oe i lela mea : ona siitia lea ; e leai foi se mea 21 tou te le mafaia. A ua na o le tatalo ma le faapa'upa'u e tulia ai mea faape na. 22 Ua latou feoai i Kalilaia, ona fai atu lea o Iesu ia te i latou, O le a tuuina atu le Atalii o le tagata i lima o 23 tagata : Latou te fasi oti foi ia te ia, e toe faatuina foi ia i le po tolu. Ona matua tiga ai lea o i latou. 24 Ua latou oo atu i Kapa-naumi, ona o mai ai lea ia Peteru o e faaputu taulaga, ua faapea mai, E avane

taulaga ea e la outou aoao?  
 Ua fai atu ia, Ioe; ua ulu- 25  
 fale atu ia i le fale ona to-  
 mua atu ai lea la Iesu ia te  
 ia, ua faapea atu, Simona e,  
 pe ni a fa oe? e tali taulaga  
 mai ia te ai e tupu o le lalo-  
 lagi? pe ni o latou, poo ni  
 tagata ese? Ona fai mai ai 26  
 lea o Peteru ia te ia, O ta-  
 gata ese. Ona fai atu ai lea  
 o Iesu ia te ia, O lea foi ua  
 saoloto ai tama a le malo.  
 A o lenei, nei itagia o i 27  
 tatou e i latou, ina alu ia oe  
 i le sami e lafo ai se mā-  
 tau, o le uluai i'a e te avae  
 ia e fafasi lona gutu, ona e  
 maua ai lea le setara: ia e  
 ave, ma avatu ia te i latou  
 ma tāua.

### O LE MATAUPU XVIII.

*Ua aoao atu Iesu i ona soo ia  
 maualalalo o latou loto.*

**O** LEA itu aso ua o ane 1  
 ai le au soo ia Iesu,  
 ua faapea ane, O ai ea e  
 sili i le malo o le lagi?  
 Ona valaau atu ai lea o Iesu 2  
 i le tama itiiti, ua faatu ai  
 i o latou luma, Ua faapea 3  
 atu, E moni ou te fai atu  
 ia te outou, a le liua outou  
 ma avea ia pei o tama iti,  
 tou te le sao lava i le malo  
 o le lagi. O se faamaua- 4  
 lalo ia ia te ia e pei o le  
 tama itiiti nei, e sili lea i le  
 malo o le lagi. Ai se talia 5  
 se tama itiiti faape nei ona  
 o lo'u igoa, o le talia lea o

6 au: Ai se na te faatausua  
 se tasi o nei tagata aupito  
 iti e faatuatua ia te au, e  
 lelei i lea tagata pe a na  
 nonoa se maa olo i lona ua  
 ma faagotoina i le moana  
 7 loloto. O i talofa i le lalo-  
 lagi i mea e tausuai ai: aua  
 e matua oo mai lava mea e  
 tausuai ai; o i talofa foi i  
 lea tagata e oo mai ai le  
 8 mea e tausuai ai. Afai foi  
 e te tausuai i lou lima poo  
 lou vae, ina tutu ese ai ia  
 ma e lafoai, e lelei ona e sao  
 i le ola ma le lima mutu,  
 poo le pipili, a e leaga pe a  
 lafoina oe i le afi e faavavau  
 ma ou lima e lua, ma ou vae  
 9 e lua. Afai foi e te tausuai  
 i lou mata, ina sali ai ia ma  
 e lafoai, aua e lelei ona e  
 sao i le ola ma le mata e  
 tasi, a e leaga pe a lafoina  
 oe ma ou mata e lua i le afi  
 10 Kēna. Ia outou, nei tou  
 ta'ufaatauvaaia se tasi o  
 nei tagata aupito iti: aua  
 ou te fai atu ia te outou, o  
 a latou agelu i le lagi e le  
 aunoa ona latou vaavaai i  
 fofoga o lou Tama o i le  
 11 lagi. Aua ua sau le Atalii  
 o le tagata e faaola i le na  
 12 le iloa. Pe ni a fa outou?  
 ai se tagata o i ai mamoe e  
 selau, afai e sē le tasi na te  
 le tuua ea le iva gafulu ma  
 le iva a e alu i mauga esaili  
 13 i le na se? E moni ou te  
 fai atu ia te outou, a maua,  
 e sili lona olioli i lea, a e  
 tuugata i le iva gafulu ma  
 14 le iva e lei se. E faapea  
 foi o lo outou Tama o i le

lgi e lē finagalo ia ina oti  
 e se tasi o ia tagata aupito  
 iti. Afai e agaleaga mai 15  
 lou uso ia te oe, ia e alu e  
 soai lemu ia te ia tau lava o  
 tolu. Afai foi e faalogo  
 mai ia ia te oe, ua maua lou  
 uso. Afai e le faalogo mai 16  
 ia, i le e avea se toatasi, poo  
 se toalua, ina ia faamaoni ai  
 o mea uma i le mau a le  
 toalua, poo le toatolu. A 17  
 le faalogo ia ia te i laua, i  
 le e tau atu i le ekalesia :  
 pe afai foi e le faalogo ia i  
 le ekalesia, ia avea o ia ia  
 te oe, ia pei o le tagata ese  
 poo le telona. E moni ou 18  
 te fai atu ia te outou, O  
 mea tou te fusufusia i le  
 lalolagi, e fusufusia foi ia i  
 le lagi; o mea foi tou te  
 tālā i le lalolagi, e tatalaina  
 ia i le lagi. Ou te fai atu 19  
 foi ia te outou, afai e loto-  
 gatasi se toalua o outou o i  
 le lalolagi i se mea, ia te  
 ole atu ai, e faia ia mo i  
 laua e lo'u Tama o i le lagi.  
 Aua o le mea ua faapotopoto 20  
 ai se toalua, poo se toatolu,  
 i lo'u igoa, ou te i ai ia te i  
 latou.

Ona alu ane ai lea o 21  
 Peteru ia te ia ua faapea  
 ane, Le Alii e, e agaleaga  
 mai lo'u uso faafia ea ia te  
 au, ma au faamagalo ia te  
 ia? seia atu fitu ea? Ona 22  
 fai atu lea o Iesu ia te ia,  
 Ou te le fai atu ia te oe seia  
 atu fitu, a ia fitu gafulu ni  
 fitu. O lenei e tusa le malo 23  
 o le lagi ma le tasi tupu, na  
 loto ina faamasino i mea i

24 ana auauna. Ua faamasino  
 ia, ona au mai ai lea ia te  
 ia le tasi ua i ai ana taleni  
 25 e mano. Ona ua le maua e  
 ia ni mea e tau i a'i, ua fai  
 atu o lona alii ia faatauina  
 o ia, ma lana ava, ma ana  
 fanau, atoa ma ana mea uma  
 26 ina ia tau i a'i mai. O lenei  
 ua ifo le auauna ma tapuai  
 mai ia te ia, ua faapea mai,  
 Le Alii e, ia e faapalepale  
 mai ia te au, ou te tau i atu  
 27 au mea uma. Ona muti-  
 muti vale ai lea le alofa o le  
 alii o lea auauna, ua tuu ia  
 e saoloto, ma tuitui atu ana  
 28 mea ua i ai. Ua alu atu  
 lea auauna, ona iloa ai lea e  
 ia o le tasi o ona uso āuauna  
 ua i ai ana tenari e selau,  
 ua pue ma titina ia te ia, ua  
 faapea atu, Ina tau i mai ia o  
 29 a'u mea ua ia te oe. Ona  
 ifo atu ai lea o lona uso  
 āuauna i ona vae, ua aioi  
 atu ia te ia, ua faapea atu,  
 Ia e faapalepale mai ia te  
 au, ou te tau i atu au mea  
 30 uma. A e le mafai ia, a ua  
 alu ma tuu atu ia te ia i le  
 fale puipui, seia tauia mai  
 31 ana mea. Ua iloa e ona uso  
 āuauna o mea na faia, ona  
 latou matua tiga ai lea : ua  
 latou o atu ma tau atu i lo  
 latou alii o mea na faia uma  
 32 lava. Ona valaau atu ai lea  
 e lona alii ia te ia, ua faapea  
 atu ia te ia, Le auauna  
 leaga e, na au tuituiina atu  
 o a'u mea uma ua ia te oe,  
 ina ua e aioi mai ia te au :  
 33 E le tataua ea ona e alofa  
 atu i lou uso āuauna, e pei

o au foi na alofa atu ia te  
oe? Ona toasa ai lea o 34  
lona alii, ua tuu atu ia te ia  
i e leoleo, seia tauia mai ana  
mea uma. E faapea foi ona 35  
fai ia te outou e lou Tama  
o i le lagi pe afai tou te le  
taitasi ma faamagalo ma le  
loto atoa i lona uso i a latou  
agaleaga mai.

### O LE MATAUPU XIX.

*O le jefinau ai o Iesu ma le au  
faresai o i le alei o fafine.*

U A faai e Iesu o nei upu, 1  
ona tuua lea e ia o  
Kalilaia, ua oo atu i le nuu  
o Iutaia i tala atu o Ioritana.  
Ua mulimuli mai ia te ia le 2  
motu o tagata e toatele ua  
faamalolo e ia ia te i latou i  
lea nuu. Ona o mai ai lea 3  
ia te ia o le au faresaio ua  
faaososo mai ia te ia, ua  
faapea mai, E tatau ea ona  
faatea e se tagata o lana ava  
ona o mea uma? Ona tali 4  
atu ai lea o ia ua faapea atu  
ia te i latou, Tou te lei fai-  
taulia ea o le na na faia o  
tagata i le amataga na ia  
faia o i laua o le tane ma le  
fafine, Ua fai mai foi, O 5  
le mea lea e tuua ai e le  
tane o lona tamā ma lona  
tina a e faatasi ma lana ava :  
ona avea lea o i laua o le  
tino e tasi? O lenei e le 6  
tote toalua, a o le tino e tasi  
i laua; o lenei o lē ua faa-  
tasia e le Atua, aua nei faa-  
teaseseina e se tasi. Ona 7  
latou fai mai ai lea ia te ia,

Se a foi le mea na poloi mai  
ai Mose e avatu le tusi alei  
8 e faatea ai le ava? Ona fai  
atu ai lea o ia ia te i latou,  
ona o outou loto ina maaa  
na tuu mai ai e Mose ia  
te outou, e faatea a outou  
ava: a e lei faapea i le  
9 amataga. Ou te fai atu  
foi ia te outou, ai se faatea  
lana ava, a o lei mulilua ia,  
ma fai ava i se tasi, ua  
mulilua; o se fai ava foi i le  
na faateaina ua mulilua foi  
10 lea. Ona fai mai ai lea ona  
soo ia te ia, Afai e faapea  
le tu a le tane ma le fafine,  
11 e ao ina lē fai ava. A ua  
fai atu ia ia te i latou, E le  
matalia e tagata uma lenei  
upu, ua na o e ua foaiina  
12 atu ai: Aua o i ai isi  
eunuka, na faapea ina fanau  
mai; o i ai foi isi eunuka na  
faaeunukaina i latou e ta-  
gata; o i ai foi isi eunuka  
na faaeunukaina i latou e i  
latou, ona o le malo o le lagi:  
ai se na te mafaia ona tali,  
ina talia ia e ia.  
13 Ona au mai ai lea ia te ia  
o tama iti ina ia faaee ona  
lima ia te i latou, ma tatalo;  
ona vavao atu ai lea ona soo  
14 ia te i latou: A ua fai atu  
Iesu, Ina tuu mai pea ia  
tama iti e o mai ia te au, aua  
le vaoia: aua e faapei o i  
latou o e o i le malo o le  
15 lagi. Ua faaee ona lima ia  
te i latou, ona alu ese ai lea  
o ia i lea mea.  
16 Faauta foi, ua sau le tasi  
ua faapea mai ia te ia, Le  
aoao lelei e, se a se mea lelei



ou te faia ou te maua ai le  
ola faavavau? Ona fai atu 17  
ai lea o ia ia te ia, se a le  
mea e te taulelei mai ai au,  
e leai se tasi e lelei, ua na o  
le toatasi o le Atua lea, a e  
fia sao i le ola, ia e anaana  
i poloaiga. Ua fai mai foi 18  
ia ia te ia, Poo le fea? Ona  
faapea atu ai lea o Iesu,  
Aua e te fasi oti tagata; aua  
e te mulilua; aua e te gaoi;  
aua e te molimau pepelo;  
Ia e usitai i lou tamā ma 19  
lou tina; e te alofa atu i  
leua lata mai ia te oe, ia pei  
o oe lava ia te oe. Ona fai 20  
mai ai lea o le taulealea ia  
te ia, Na au anaana i na  
mea uma talu ina ou itiiti,  
se a se toe mea ou te lei faia?  
Ua tali atu Iesu ia te ia, 21  
Afai e te manao ia sao oe,  
ia e alu ma e faatau atu i  
au mea, i le e avatu ai i e  
matitiva: ona ia te oe lea le  
faulaiga a oloa i le lagi,  
i le e sau ai ma e mulimuli  
mai ia te au. Ua faalogo 22  
le taulealea i lea upu, ona  
alu ese ai lea ma le tiga,  
aua o le mauoa ia.

Ona fai atu ai lea o Iesu 23  
i ona soo, E moni, ou te fai  
atu ia te outou, e faigata  
ona sao atu o le mauoa i le  
malo o le lagi. Ou te fai 24  
atu foi ia te outou, e faigofie  
ona ofi o se kamela i le pu  
o le au, a e faigata ona sao  
o le mau oa i le malo o le  
Atua. Ua faalogo ai ona 25  
soo, ona latou matua tau-  
faifofo ai lea ua faapea ane,  
E mafai faapefea ona faa-

26 olaina o se tasi? Ona  
silasila atu ai lea o Iesu,  
ua faapea atu ia te i latou,  
E le mafaia e tagata lenei  
mea, a e mafaia mea uma i  
le Atua.

27 Ona tali mai ai lea o  
Peteru, ua faapea mai ia te  
ia, Faauta, na matou tuua  
mea uma a e matou muli-  
muli atu ia te oe: se a foi  
se mea matou te maua?

28 Ona fai atu ai lea o Iesu ia  
te i latou, E moni ou te  
fai atu ia te outou, o outou  
ua mulimuli mai ia te au,  
pe a tietie le Atalii o le  
tagata i lona nofoa mamalu  
i le toefuataiga, tou te tietie  
ai foi i nofoa e sefulu ma le  
lua, e faamasino ai i itu  
aiga o Isaraela e sefulu ma

29 le lua. Ai se tasi na te  
tuua o fale, poo uso, poo  
tuafafine poo le tainā, poo  
le tina, poo le ava, poo  
fanau, poo fanua ona o lo'u  
igoa, e foai taiselauina atu  
ia te ia, e maua foi e ia le

30 ola faavavau. A e toatele  
o e ua muamua e avea ma  
mulimuli, o e ua mulimuli  
foi e avea ma muamua.

## O LE MATAUPU XX.

*O le faataoto o le alii e ana le  
tovine. Ua aoso atu foi o  
Iesu i ona soo i le loto mau-  
lalo.*

1 **A**UA e tusa le malo o le  
lagi ma le tasi matai  
na ala usu atu e saili i ni e  
faigaluega i lana tovine.

Ua lotogatasi o ia ma e 2  
faigaluega, o le aso e tasi  
ma le tenari; ona aauina  
atu ai lea e ia i latou i lana  
tovine. O le itu aso foi e 3  
tolu ua alu atu ai ia, ona  
iloe atu ai lea e ia o isi ua  
tutu vale i le malae: Ona 4  
fai atu ai lea o ia ia te i  
latou, Ina o atu ia outou i  
le tovine, a e ou avatu ni  
mea e tusa ia te outou. Ona 5  
latou o ai lea. Ua toe alu  
atu ia i le itu aso e ono, ma  
le iva, na faapea foi ona fai.  
O le itu aso foi e sefulu ma 6  
le tasi ua alu atu ai ia, ona  
iloe atu ai lea e ia o nisi ua  
tutu vale, ua na fai atu foi  
ia te i latou, se a le mea tou  
te tutu vale mai ai iinei i le  
aso uma? Ona latou fai 7  
mai ai lea ia te ia, E leai se  
na fai mai ia te i matou, Ua  
fai atu ia ia te i latou, Ina  
o atu ia outou i le tovine,  
a e maua foi e outou ni mea  
e tusa. Ua oo i le afiafi, 8  
ona fai atu ai lea o le alii e  
ana le tovine i lona faatama  
e valaauina e faigaluega, e  
avatu le tau i te i latou, e  
afua i e na mulimuli e oo i  
e na muamua. Ua o mai 9  
foi o e na o ane i le itu aso  
e sefulu ma le tasi, ua taitasi  
ma latou maua le tenari.  
Ona o mai ai lea o e na 10  
muamua, fa te i latou e sili  
so latou tau; a ua taitasi ma  
latou maua le tenari. Ua 11  
maua ai e i latou ona latou  
muimui ai lea i le matai,  
Ua faapea mai, E tasi lava 12  
le itu aso na galulue ai i

latou nei na mulimuli, a ua e  
faatusa a latou mea ma a ma-  
tou, na tigaina i le galuega  
13 ma le vevela o le aso. Ona  
tali atu ai lea o ia i le tasi  
o i latou, Sole, e leai sa'u  
agaleaga ia te oe: ta te lei  
tautala ea i le tenari e tasi?  
14 Ina tago ia i lau mea ma  
alu; ou te avatu lava i lenei  
na mulimuli mai e pei o a  
15 oe lava. E le tataua ea ona  
faitalia o a'u i a'u lava mea?  
e te faa'u mai ea ina ua ou  
16 agalelei? E faapea ona  
muamua o e na mulimuli, e  
mulimuli foi o e na muamua;  
aue e toatele o e ua talaiina i  
ai, a e toaititi o e ua filifilia.  
17 Ua alu ae Iesu i Ierusa-  
lema ona taitai lemu ane ai  
lea e ia le au soo e toase-  
fulu ma le toalu i le ala,  
ua faapea atu ia te i latou,  
18 Faauta, o le a tatou o ae i  
Ierusalem, e tuuina atu ai  
le Atalii o le tagata i le au  
faitaulaga sili, ma le au fai-  
lautusi, latou te faasala ia  
19 te ia ia oti. Latou te tuu  
atu foi ia te ia i tagata ese,  
ina ia latou faatauemu ma  
sasa ma faasatauro ia te ia;  
e toe faatuina foi ia i le po  
tolu.  
20 Ona sau ai lea o le tina o  
atalii o Sepetaio ma ana  
tama tane, ua tapuai ma  
aioi mai i se mea ia te ia.  
21 Ona faapea atu ai lea o ia  
ia te ia, se a se mea e te  
manao i ai? ua fai mai ia ia  
te ia, Ia e fai ane, ia nonofo  
a'u nei tama e toalu, o le  
tasi i lou aao taumatau, o le

isi foi i lou aao tauagavale i  
lou malo. Ona tali atu ai 22  
lea o Iesu ua faapea atu,  
Lua te te iloa le mea lua te  
ole mai ai na. Lua te ma-  
faia ea ona inu i le ipu o le  
a au inu ai au, e mafaia  
foi ea ona papatisoina oulua  
i le papatisoga o le a papa-  
tisoina ai au? Ona la fai mai  
ai lea ia te ia, Ma te ma-  
faia. Ona fai atu ai lea o 23  
ia ia te i laua, Lua te feinu  
lava i la'u ipu, o le papa-  
tisoga foi e papatisoina ai o  
au e papatisoina ai oulua; a  
o le nofo i lou lima tauma-  
tau ma lou lima tauagavale,  
e le o ia te au lea ona ava-  
tu, ua na o e ua saunia i ai  
e lou Tamā. Ua lagona le 24  
toasefulu ona tiga ai lea o  
latou loto i na uso e toalua.  
A ua valaau atu Iesu ia te i 25  
latou ua faapea atu, Ua ou-  
tou iloa o e nonofo i malo o  
nuu ese ua faamaualuluga ia  
te i latou, o alii tetele foi ua  
faafiapule ia te i latou, A 26  
e le faapea outou, a o sē  
manao foi ia sili ia ia te  
outou, ia fai lea ma a outou  
auauna; Ai sē manao foi ia 27  
muamua ia ia te outou, ia  
fai lea ma a outou tautua.  
E pei o le Atalii o le tagata 28  
e lei sau ia, ia auuana mai  
tagata ia te ia, a ia auuana  
atu ia ma foaiina atu lona  
ola e fai ma togiola mo e  
toatele.

Ua latou ui ane i Ieriko, 29  
ona mulimuli mai ai lea ia  
te ia o le motu o tagata e  
toatele. Faauta foi, ua no- 30

nofo i le au ala o tagata tau-  
aso e toalua, ua la lagona  
Iesu ua alu ane, ona la ala-  
laga mai ai lea ua faapea  
mai, Le Alii e, le Atalii o  
Tavita, ia e alofa mai ia te i  
31 maua. Ona vavao ai lea e  
le motu o tagata, la te faa-  
lologo; a ua atili ai ona  
alalaga i laua ua faapea mai,  
Le Alii e, le Atalii o Ta-  
vita, ia e alofa mai ia te i  
32 maua. Ona tu ai lea o Iesu,  
ma valaau atu ia te i laua ua  
faapea atu, se a se mea lua  
te mananao i ai ou te faia  
33 mo oulua? Ona la fai mai  
ai lea ia te ia, Le Alii e, ia  
faapupulaina o maua mata.  
34 Ona mutimuti vale ai lea o  
le alofa o Iesu, ua pai atu i  
o la mata: ona pupula loa  
ai lea o la mata, ona la mu-  
limuli mai ai lea ia te ia.

## O LE MATAUPU XXI.

*Ua afio Iesu i Ieruselema.*

1 **U**A latalata i latou i Ie-  
rusalema, ua oo i Pete-  
fate i le mauga o Oliveta,  
ona auuina atu ai lea e Iesu  
2 ona soo e toalua, Ua fan-  
pea atu ia te i laua, Lua te  
o atu i le aai ua humanai ia  
te oulua, ona iloa atu loa  
lea e oulua le asini ua no-  
noa ma lana tama: lua te  
tatalaina, i le taitai mai ai  
3 ia te au. Afai foi e fai mai  
se tasi se upu ia te oulua, ia  
oulua fai atu i ai, E aoga i  
le feau a le Alii; ona tuu  
4 loa mai ai lea e ia. Na oe

nei mea uma, ina ia taunuu ai le upu na fetalai mai e le perofeta, ua faapea mai, "Ia outou fai atu i le afa- 5 fine o Siona, faauta o loo afio mai ia te oe lou Tupu, o le agamalu ia, ua tietie ia i le asini, ma le tamai asini. Ona o ai lea ona soo ua faia 6 foi e i laua pei ona fai atu o Iesu ia te i laua. Ua la 7 taitaiina mai foi le asini ma le tamai asini, ua faaee i o latou ofu i luga o asini, ma faatietie ai ia te ia. O le 8 toatele o le motu o tagata na fofola i o latou ofu i le ala: o isi foi na latou sala i lala o laau ma folai le ala. O le motu o tagata na mua- 9 mua, ma e na mulimuli, ua alalaga ua faapea mai, Osana i le Atalii o Tavita: Amuia o lē afio mai i le suafa o Ieova: Osana i mea e aupito i luga. Ua oo ia 10 i Ierusalem, ona vevesi ai lea o le aai uma, ua faapea ane, O ai ea lenei? Ona faa- 11 pea atu ai lea o le motu o tagata, O Iesu lenei le perofeta o le Nasareta i Kalilaia.

Ua ulu fale atu Iesu i le 12 malumalu o le Atua, ona ia tulia uma lea i fafo o e na fefaatauai i le malumalu, ma fuli atu i laupapa a e na faatau tupe, ma nofoa foi o e na faatau lupe. Ua faa- 13 pea atu ia ia te i latou, Ua tusia, E taua lo'u fale, o le fale tatalo; a ua faia e outou ma ana o e faasana. Ona 14 o mai ai lea ia te ia i le

malumalu o e tauaso, ma e pipili, ua na faamalolo 15 ia te i latou. Ua iloa atu foi e le au faitaulaga sili ma le au failautusi o vavega na faia e ia, o tama foi na alalaga i le malumalu na faapea ane, Osana i le Atalii o Tavita: ona matua 16 tiga ai lea o i latou, Ua faapea mai ia te ia, Ua lagona ea a latou upu? Ona fai atu ai lea o Iesu ia te i latou, Ioe: tou te lei faitaulia ea "Na e saunia le viiga mai gutu o tama mea- mea ma tama valevale?" 17 Ona tuua lea o i latou e ia, a e alu atu ai i Petania, ua api ai.

18 Ua ao, ona foi atu ai lea o ia i le aai, ua fia taumafa. 19 Ua iloa atu e ia le tasi laau o le suki i le ala, ua oo atu i ai ona iloa ai lea e leai ni ona fua na o lau: ona faapea atu ai lea o ia i ai, Aua nei toe tutupu ni ou fua e oo i le 20 faavavau. Ona mamae loa lea o le laau. Ua iloa atu e le au soo, ona latou taufai- ofo ai lea, ua faapea ane, Ua faapea ona vave mamae le 21 suki nei. Ua tali atu Iesu ua faapea atu ia te i latou, E moni ou te fai atu ia te outou, Afai ua ia te outou le faatuatua, ma outou le masalosalo vale, ona faia lea e outou e le na o le mea ua faia i le suki, a e afai tou fai atu i lenei mauga, Ia siitia o oe ma lafoina i le moana, ona faia lava lea. 22 O mea uma foi tou te ole

mai ai i le tatalo, ma lo outou faatuatua, e foaiina atu lava ia te outou.

Ua ulu fale atu ia i le 23 malumalu, ua aoao, ona o mai ai lea ia te ia o le au faitaulaga sili, ma le au failautusi, ma e matutua o le nuu, ua faapea mai, O le fea pule e te fai ai na mea? o ai foi na tuuina atu ia te oe lenei pule? Ona tali atu lea o Iesu, ua 24 faapea atu ia te i latou, Ou te fesili atu foi au ia te outou se upu e tasi, afai tou te ta'u mai lea ia te au, ona au ta'uina atu lea e au le pule ua ou fai ai nei mea. Se 25 papatisoga ea a Ioane mai ifea? mai le lagi ea, pe mai tagata? ona latou felafolafoai ai lea, ua faapea ane, Afai tatou te fai atu, Mai le lagi: ona fai mai ai lea o ia ia te i tatou, Se a foi le mea tou te lei faatuatua ai ia te ia? Afai foi 26 tatou te fai atu, Mai tagata: ua tatou fefefe i le motu o tagata; aua o la latou lea taofi uma ia Ioane, o le perofeta ia. Ona latou tali mai 27 ai lea ia Iesu, ua faapea mai, Matou te le iloa. Ona fai atu ai lea o ia ia te i latou, Ou te le tau atu foi e au ia te outou le pule ua ou fai ai nei mea. A e pe ni a fa 28 outou? O le tasi tagata e toaia ona atalii, ua alu atu ia i le ulumatua, ua faapea atu. Sole, ina alu ia i le asō sei e galue i la'u tovine. Ona tali mai ai lea o ia ua 29

faapea mai, Ou te le alu, a e mulimuli ane ua salamo ia 30 ma alu. Ona alu atu ai lea o ia i le uii, ua faapea foi lana upu ia te ia. Ona tali mai ai lea o ia, ua faapea mai, Ioe, ou te alu; a e lei 31 alu lava ia. O ai ea so lava na fai le finagalo o lo la tama? Ona latou faapea mai ai lea, O le ulumatua. Ona faapea atu lea o Iesu ia te i latou, E moni ou te fai atu ia te outou, E muma le au telona ma fafine faitaaga ona sao atu i le malo o le Atua ia te outou. 32 Aua na alu atu Ioane ia te outou i le ala o le agatonu tou te lei faatuatua foi ia te ia; a ua faatuatua ia te ia le au telona ma fafine faitaaga: ua outou iloa foi, a e tou te lei salamo ma faa- 33 tuatua ia te ia. Ia outou faalogo mai i le tasi faataoto, O le tasi matai na fai lana tovine ua ia lotoāina i le pa, ua eli ai le soligā-vine, ua faatu ai foi le olo, ua tuuina atu e ia i e aifanua, ona aunuua ai lea o ia i le nuu 34 mamao. Ua latalata le tausaga e matua ai le fuata, ona aauina atu ai lea e ia o ana auauna i e aifanua, ia maua 35 ni ona fua. Ona pupue ai lea e aifanua o ana auauna, ua latou sasa i le tasi, ma fasi oti le isi, ma fetogi foi i 36 le tasi i maa. Ona toe aauina atu ai lea e ia nai isi auauna e sili ona toatele i e na muamua; a ua faapea lava a latou amio ia te i la-

tou. A e mulimuli ane ua 37  
 auina atu ai e ia lona atalii  
 ia te i latou, ua faapea  
 ane, Ai latou te āva mai i  
 lo'u atalii. A o ia aifanua 38  
 ua iloa atu lona atalii ona  
 latou musuva ai lea, O le  
 suli lenei; o mai ia, tatou te  
 fasiotia, a e fai mo i tatou  
 lona fanua. Ona latou pue 39  
 ai lea ia te ia, ua tulei atu  
 ia te ia i tua o le tovine,  
 ona latou fasi oti ai lea ia te  
 ia. O lenei, pe a sau le alii 40  
 e ana le tovine, se a se mea  
 na te faia i nei tagata ai-  
 fanua? Ona latou fai mai 41  
 ai lea ia te ia, E matua faa-  
 matia e ia na tagata leaga;  
 ona tuuina atu ai lea e ia le  
 tovine i isi tagata aifanua,  
 o e avatu ia te ia ni fua i  
 ona tausaga. Ua fai atu 42  
 Iesu ia te i latou, Tou te  
 lei faitaulia ea i tusi, "O le  
 maa na lafoaina e tufuga  
 fai fale ua fai lea ma tuli-  
 manu aupitoaluga: o le  
 mea lea na faia e Ieova, ta-  
 tou te vaavaai atu i ai ma  
 ofo ai?" O le mea lea ou 43  
 te fai atu ai ia te outou, E  
 aveesea le malō o le Atua  
 na ia te outou, a e tuuina  
 atu i se nuu e au mai ai ni  
 ona fua. O lē pau i luga o 44  
 lea maa e gaugau lea: a o  
 lena e pau ifo i ai le maa e  
 nutipalaina lea. Ua faalogo 45  
 le au faitaulaga sili ma le  
 au faresaio i ana faataoto,  
 ona latou iloa ai lea o i latou  
 lava ia na ia fetalai mai ai.  
 Ona latou saili ai lea e pue 46  
 ia te ia, a ua latou fefefe i

le motu o tagata, aua o la  
 latou taofi lea o le perofeta  
 ia.

## O LE MATAUPU XXII.

*O le faataoto o le tausamaaga  
 na faia e le tupu mo lona  
 atalii.*

1 **O** NA toe sauni ai lea e  
 Iesu o upu faataoto, ua  
 2 faapea atu ia te i latou, E  
 tusa le malo o le lagi ma le  
 tasi tupu, na faia le tausamaaga  
 3 o lona atalii: Ua  
 aauina atu e ia ana auauna  
 e fai atu i e na talaiina i ai  
 4 le tausamaaga: A e latou  
 te le mafafai ina o mai. Ua  
 toe aauina atu e ia nai isi  
 foi auauna, ua faapea atu,  
 Ia outou fai atu i e na ta-  
 laiina i ai, Faauta ua saunia  
 o mea o le tausamaaga, ua  
 fafasi a'u povi ma mea pe-  
 peti, ua saunia foi mea uma;  
 ina o mai ia i le tausamaaga.  
 5 A ua latou faatala ese mai,  
 ma taitasi ma alu, o le tasi  
 i lona fanua, ma le tasi  
 6 e faatau oa. A o e ua tuua  
 ua latou pupue i ana auauna,  
 ua faaleaga ma fasioti ia te  
 7 i latou. Ua faalogo le tupu,  
 ona matua toasa ai lea o ia,  
 ua aauina atu e ia o ana 'au,  
 e faaumatia na tagata fasi  
 tagata, ma faamu la latou  
 8 aai. Ona fai atu ai lea o ia  
 i ana auauna, Ua saunia lava  
 le tausamaaga, a ua le aoga  
 9 o e na tala'i i ai. O lenei,  
 ia outou o atu i ala tele, ai  
 ni e tou te iloa, tou te tala'i

i ai le tausamaaga. Ona o 10  
 atu ai lea o ia auauna i ala,  
 ua latou faapotopoto uma i  
 e na latou iloa, o e leaga  
 atoa ma e lelei; ona tumu  
 ai lea o le mea na fai ai le  
 tausamaaga i e na tala'i i ai.  
 Ona ulu fale atu ai lea o le 11  
 tupu e vaavaai atu i e na  
 tala'i i ai, ua iloa atu e ia i  
 ai le tasi tagata na lē ofu i  
 le ofu o le tausamaaga. Ona 12  
 fai atu ai lea o ia ia te ia,  
 Sole, pe faapefea ona e ulu  
 fale mai iinei ua le ia te oe  
 le ofu o le tausamaaga? ona  
 faalemautali ai lea o ia. Ona 13  
 fai atu ai lea o le tupu i  
 auauna, Ia outou fusifusia  
 ona vae ma ona lima, ma  
 ave ma lafo ia te ia i le po-  
 ululi i fafo, e i ai le taufai-  
 tagi aue ma le lilivau o nifo.  
 Auā e toatele o e ua tala'i- 14  
 ina i ai, a e toaitiiti o e ua  
 filifilia.

Ona o ane ai lea o le au 15  
 faresaio ma taupulepule pe  
 faapefea ona latou maillei ia  
 te ia i ana upu. Ona latou 16  
 aauina mai ai lea ia te ia o  
 latou soo ma le au Hero-  
 tiano, ua faapea mai, Le  
 aoao e, ua matou iloa o oe  
 le faamaoni, ua e aoao foi i  
 le ala o le Atua ma le mea  
 moni, e te le mata'u foi i se  
 tasi, e lei faailogaina foi e  
 oe se tagata. O lenei, ia e 17  
 tau mai ia te i matou, pe  
 se a lau taofi? pe tatau ea  
 ona avatu taulaga ia Kaisara  
 pe leai? A ua silafia e Iesu 18  
 o latou lofo leaga, ua faapea  
 atu, O outou tagata pepele,

se a le mea ua outou faa-  
 19 osooso mai ai ia te au? Au  
 mai ia ia te au se tupe o  
 le taulaga: ona latou avane  
 ai lea ia te ia se tenari.  
 20 Ona fai atu lea o ia ia te i  
 latou, O ai e ona lenei faa-  
 21 tagata ma lenei tusi? Ua  
 latou fai mai foi ia te ia, E  
 o Kaisara. Ona fai atu ai  
 lea o ia ia te i latou, O  
 lenei, o mea a Kaisara, ia  
 outou avatu ia Kaisara, o  
 mea foi a le Atua, ia avatu  
 22 ia i le Atua. Ua latou faa-  
 logo, ona latou taufaifofo ai  
 lea, ua latou tuua ia, a e o  
 ese.  
 23 O lea aso ua o mai ai ia  
 te ia le au satukaio, o e ua  
 fai mai e leai se toe tutu, ua  
 latou fesili mai ia te ia, Ua  
 24 faapea mai, Le aoao e, ua  
 fai mai a Mose, Afai e oti  
 se tasi e leai sana fanau, ia  
 fai lana ava ma ava a lona  
 25 uso e tausii tama ai. O le-  
 nei, sa ia te i matou le au  
 uso e toafitu; na fai ava le  
 tasi, ua oti foi ia, e leai sana  
 fanau; ona tuuina atu ai lea  
 o lana ava ma ava a lona  
 26 uso. Na faapea foi o lona  
 toalua, ma lona toatolu, ua  
 27 oo i lona lava toafitu. A e  
 28 muli ai oti foi le fafine: O  
 lenei, a oo i le toe tutu, o ai  
 so latou o le toafitu e fai ma  
 ana le ava? aua na fai ava  
 29 uma ai. Ona tali atu ai lea  
 o Iesu, ua faapea atu ia te i  
 latou, Ua outou sese lava i  
 lo outou le iloa o tusi, ma  
 30 le mana o le Atua. Aua a  
 oo i le toe tutu latou te le

toe fai ava, pe nofo tane, a  
e latou te pei o agelu a le  
Atua o i le lagi. Tou te 31  
lei faitaulia ea le afiga a le  
Atua ia te outou i le toe  
tutu mai o e ua oti, ua faa-  
pea mai, O au nei o le Atua 32  
o Aperaaamo, o le Atua foi  
o Isaako, o le Atua foi o  
Iakopo? o le Atua e le se  
Atua ia o e ua oti, a o e ola.  
Ua faalogo le motu o tagata, 33  
ona latou taufaiofo ai lea i  
lana mataupu.

Ua faalogo le au faresaio 34  
na le mautali ia te ia le au  
satukaio, ua latou faapoto-  
poto mai ai, Ona fesili faa- 35  
osooso mai ai lea ia te ia o  
lo latou o le aaoatulafono,  
ua faapea mai, Le aao e, 36  
o le fea poloaiga o i le tula-  
fono ua sili? Ona fai atu 37  
ai lea o Iesu ia te ia, E te  
loto atu ia Ieova lou Atua  
ma lou loto atoa, ma lou  
agaga atoa, ma lou manatu  
atoa. O le poloaiga mua- 38  
mua lena ma le sili. E faa- 39  
pei o lea foi lona lua, E te  
alofa atu i le ua lata mai ia  
te oe, ia pei o oe lava ia te  
oe. O na poloaiga e lua ua 40  
au ai o le tulafono atoa ma  
le au perofeta.

Ua faapotopoto le au fa- 41  
resaio, ona fesili atu ai lea o  
Iesu ia te i latou, Ua faapea  
atu, Se a la outou taofi i le 42  
Mesia? se atalii ea ia o ai?  
ona latou fai mai ai lea ia te  
ia, O le atalii o Tavita. Ona 43  
fai atu ai lea o ia ia te i la-  
tou, O lenei, e faapefea ona  
taua o ia e Tavita i le Aga-

ga, o lona Alii, ua faapea  
44 mai, "Ua fetalai ane o  
Ieova i lo'u Alii, Ia e nofo i  
lo'u lima taumatau, seia ou  
fai i e ua fai oe ma o latou  
45 fili ma ou tulagavae." O  
lenei, afai na taua o ia e Ta-  
vita o le Alii, e faapefea  
ona fai o ia ma ona Atalii.  
46 A e leai se tasi na te ma-  
faia ona tali mai se upu ia  
te ia, talu lea aso e le toe  
faamalosi ona fesili mai se  
tasi ia te ia i se mea.

## O LE MATAUPU XXIII.

*O le amio leaga a le au failau-  
tusi ma le au faresaio.*

1 **O**NA fai atu ai lea o Iesu  
i le motu o tagata ma  
2 ona soo. Ua faapea atu, ua  
tietie le au failautusi ma le  
au faresaio i le nofoa o  
3 Mose; O lenei, o mea uma  
latou te fai atu ia te outou  
e anaana, ia outou anaana  
i ai ma ia outou faia; a e  
aua tou te faataitai i a la-  
tou amio: auā ua latou fai  
atu, a e latou te le faia.  
4 Auā ua latou saissai i avega  
mamafa ma le faigata, ma  
faaee i ua o tagata; a e la-  
tou te le mafafai ina pa'i  
atu i ai so latou tamatamai  
5 lima. Ua latou fai a latou  
galuega, ina ia iloa ai e ta-  
gata; ua latou faalautele foi  
i a latou filateri, ma faatele  
6 i tafatafa o latou ofu. Ua  
latou fiafia foi i mea lelei e  
taooto ai i faiga-ai, ma no-



foa sili i sunago, Ia alo 7  
faina i latou i malae, ia taua  
foi i latou e tagata, Rapi e,  
Rapi e. A o outou, aua nei 8  
taua outou Rapi: auā e toa-  
tasi la outou acao, o le Me-  
sia lea: a o outou uma o le  
au uso outou; Aua nei 9  
tou taua se tasi i le lalolagi  
lo outou Tamā; auā e toa-  
tasi lo outou Tamā, o i le  
lagi ia. Aua nei taua outou 10  
o acao: auā e toatasi la  
outou Acao, o le Mesia lea.  
A o lē sili ia te outou e fai 11  
lea ma a outou auauna. O 12  
se faamaualuga ia ia te ia, e  
faamaualaloina lea; a o le  
faamaualalo ia ia te ia, e  
faamaualugaina lea.

Oi talofa ia te outou fai- 13  
lantusi, ma faresaio, tagata  
pepelo! ua outou pupuni i  
le malo o le lagi i tagata;  
auā tou te le ulu i ai outou,  
ua outou vavao foi i e a ulu  
i ai. Oi talofa ia te outou 14  
failantusi, ma faresaio, tagata  
pepelo! ua outou faamatia  
mea a fafine ua oti tane, ua  
faaleleva foi a outou tatalo  
e fai ma ufiufi; o le mea lea  
e atili ai lava ona faasalaina  
o outou. Oi talofa ia te 15  
outou failantusi ma faresaio,  
tagata pepelo! ua soo le  
moana ma le fanua ia te ou-  
tom ina ia lotu mai o se tasi,  
pe a maua foi ia, ona outou  
faia lea o ia ma tagata o  
Kena ua sili lava ia ia te ou-  
tom. Oi talofa ia te outou 16  
taitai tauaso, o e fai mai,  
Ai se tauto i le malumalu,  
ua taga lea; a o se tauto i

le auro o le malumalu, ua  
17 sala lea! O outou tagata  
vālea ma tauaso; auā o le  
fea ua sili, o le auro ea, poo  
le malumalu ua paia ai le  
18 auro? I le ma lea foi, Ai  
se tauto i le fatafaitaulaga,  
ua taga lea; a o se tauto i  
le taulaga ua i ona luga, ua  
19 sala lea. O outou tagata  
vālea, ma tauaso, auā o le  
fea ua sili, o le taulaga ea,  
poo le fatafaitaulaga, ua  
20 paia ai le taulaga? O lenesi,  
o lē tauto i le fatafaitaulaga,  
ua tanto lea i ai ma niesa  
21 uma ua i ona luga; O lē  
tauto foi i le malumalu, ua  
tauto lea i ai, ma loo afio ai.  
22 O lē tauto foi i le lagi, na  
tauto lea i le nofoa o le  
Atua, ma loo tietie ai.  
23 Oi talofa ia te outou  
failantusi, ma faresaio, ta-  
gata pepelo! ua outou avatu  
le taisefulu o le mili, ma le  
aneto, ma le kumina, a ua  
tuua e outou o mea mamafa  
o le tulafono, o le agatonu,  
ma le alofa, ma le faamaoni;  
e tataua ona faia nei mea, a  
e aua le tuua foi na mea.  
24 O outou taitai tauaso, ua  
outou faapilia le namu, a ua  
outou folo atoa le kamela.  
25 Oi talofa ia te outou failan-  
tusi, ma faresaio, tagata  
pepelo! ua outou faamama  
i le tua o le ipu ma le tanoa,  
a o totonu ua tutumu saiai  
26 i le faasaua ma le leaga. O  
oe na le faresaio tauaso, ia e  
muai faamama i totonu o le  
ipu ma le tanoa, ina ia ma-  
27 ma atoa ma le tua. Oi



atu ai lea o Iesu, ua faapea  
 atu, ia outou, nei faaseseina  
 outou e se tasi. Auā e toa- 5  
 tele e o mai i lo'u igoa, ma  
 faapea mai, O au nei o le  
 Mesia: latou te faaseseina  
 foi tagata e toatele. E faa- 6  
 logo outou i taua ma tala o  
 taua; ia outou, nei tou atu-  
 atuvale; auā e tatau ona  
 taunuu o nei mea uma, a e  
 le oo i le gataaga. E tau 7  
 lea nuu ma lea nuu, o lea  
 malo ma lea malo; ona i ai  
 foi lea o oge, ma faamai, ma  
 mafuie i lea mea ma lea mea.  
 O nei mea uma o le amataga 8  
 ia o le puapuaga. Ona 9  
 latou tuuina atu ai lea o  
 outou i le puapuaga, ma  
 fasiotia outou; e inosia foi  
 outou e atunuu uma ona o  
 lo'u igoa. Ona po ia e tau- 10  
 suai ai tagata e toatele, e  
 fefaalaloai ma feitagai i la-  
 tou. E tutupu foi perofeta 11  
 pepelo e toatele, latou te  
 faasese foi i tagata e toatele.  
 E maalili foi le loto o tagata 12  
 e toatele, ona ua tupu tele o  
 le agaletonu. A o lē tumau 13  
 seia oo i le gataaga, e faa-  
 olaina lea. E talaiina atu 14  
 lenei tala lelei o le malo i  
 nuu uma e fai ma molimau  
 i atunuu uma: ona oo mai  
 ai lea o le gataaga. Pe a 15  
 iloa e outou le soesa e faata-  
 funaina ai, na fai mai ai e le  
 perofeta o Tanielu, ua tu i  
 le mea paia, (ina lagona ia  
 o lē faitau;) O e o i lutaia 16  
 i ia ona po, ia latou sosola i  
 mauga; O lē ua i luga foi 17  
 o le fale, aua nei alu ifo ia

e ave se mea ai lona fale:  
 18 O lē ua i le fanua foi, aua  
 nei foi atu e ave i ona ofu.  
 19 Oi talofa foi i e ua totō, ma  
 e fesusui i a latou tama i ia  
 20 ona po. A ia outou tatalo  
 ina nei oo ona outou sosola  
 i le taumaalili, poo le sapatu.  
 21 Auā o ia ona po e oo ai le  
 puapuaga tele, e leai sona  
 tusa talu le amataga o le  
 lalolagi, ua oo lava i ona po  
 22 nei, e le toe tupu foi. A le  
 faapuupuaina ia ona po, e  
 le faolaina se tasi; a e faa-  
 puupuaina ia ona po ona  
 23 o e ua filifilia. Afai e fai  
 ane se tasi ia te outou i ia  
 ona po, Faauta, o i ai iinei,  
 poo iila, le Mesia; aua tou  
 24 te faalogo i ai. Auā e tu-  
 tupu mai o Mesia pepelo,  
 ma perofeta pepelo, latou  
 te fai foi i faailoga tetele ma  
 vavega; ina ia faasese ai i e  
 ua filifilia, pe afai e mafai  
 25 ai. Faauta, ua ou muai  
 tauina atu ai ia te outou.  
 26 O lenei afai latou te fai mai  
 ia te outou, Faauta, o i le  
 vao tuufua ia; aua tou te o  
 atu i ai; faauta, o i se afeafe  
 ia; aua tou te faalogo i ai.  
 27 Auā e pei ona emo mai o le  
 uila i sasae, ma malama atu  
 i sisifo; e faapea foi ona  
 sau o le Atalii o le tagata.  
 28 Auā o le mea ua i ai le ta-  
 gata oti, e aofaga i ai le vao  
 29 aeto. A mavae atu le pu-  
 puaga o ia ona aso ona faa-  
 pogisaina loa lea o le la, e  
 le susulu mai foi le masina,  
 e pauu foi fetu mai le lagi,  
 e luluina foi o malo o le

lagi. Ona iloa ai lea i le 30  
lagi o le faailoga o le Atalii  
o le tagata : ona taufaita-  
gitui ai lea o aiga uma o le  
lalolagi, latou te iloa atu foi  
le Atalii o le tagata ua sau  
i ao o le lagi, ma le mana,  
ma le mamalu tele, E aau- 31  
ina atu foi e ia o ana agelu  
ma le leo tele o le pu, latou  
te faapotopoto foi i e ua fili-  
filia e ia mai itu lagi e fa, e  
amata ai i lea pito lagi, ia  
oo i lea pito lagi.

Ia outou mataulia le faa- 32  
taoto i le laau o le mati ;  
pe a faatoa tutupu ona la,  
ma matala mai ona lau, tou  
te iloa ai ua latalata le tau-  
vevela ; E faapea foi outou, 33  
pe a outou iloa o nei mea  
uma, tou te iloa ai, ua lata-  
lata ia ua i faitotoa lava.  
E moni ou te fai atu ia te 34  
outou, E le mavae atu lava  
lenei tupulaga, seia oo mai  
nei mea uma. E mavae atu 35  
le lagi ma le lalolagi, a o  
a'u upu e le mavae lava ia.  
A o lea aso ma lea ituaso e 36  
le iloa e se tagata, poo ni  
agelu i le lagi, ua na o lo'u  
Tamā lava. A e pei o le 37  
tausaga ia Noa, e faapea foi  
pe a sau le Atalii o le tagata.  
Auā e pei ona faia i ona tau- 38  
saga a o lei oo le lolo, ua  
latou aai ma inu, ua latou  
fai ava foi ma faaavaga, ua  
oo lava i le aso na ulu ata  
ai Noa i le van, Na le iloa 39  
foi e i latou ina seia oo le  
lolo ma aveesea i latou ; e  
faapea foi ona sau o le Atalii  
o le tagata. O ia ona po 40

e i ai i le fanua o tagata e  
toalua, e avea le tasi, a e  
41 tuua le tasi. E olo faatasi  
o fafine e toalua i le mea e  
olo ai saito, e avea le tasi a  
e tuua le tasi.

42 O lenei, ia outou mataala ;  
auā tou te le iloa poo le fea  
ituaso e sau ai lo outou

43 Alii. Ia outou iloa lenei  
mea, ana iloa e le matai o  
le fale poo le fea itupo e  
sau ai le gaioi, poo ua na  
leoleoina, a e le tuua e ia

44 lona fale ia sofaia. Lenei  
la, ia outou nofo sauni ; auā  
o le ituaso tou te le mana-

45 o le tagata. O ai foi le  
aauauna faamaoni ma le poto,  
na tofia e lona alii e pule i  
ana auauna ma tufatufa atu  
i a latou mea e 'ai i ona itu

46 aso ? Amuia lea auauna ;  
pe a sau lona alii e iloa mai

47 ia o loo faapea ona fai. E  
moni ou te fai atu ia te  
outou, e tofia ia e pule i

48 ana mea uma. Ae afai e  
fai ifo lea auauna leaga i  
lona loto, E tuai mai lo'u

49 alii ; Ona fasi ai lea o ia  
i ona uso a auauna, ua aai  
foi ma inu faatasi ma e fia-

50 onā ; E sau lava le alii o  
lea auauna i le aso e le faa-  
talitali atu ai ia, o le itu-

51 aso foi e le iloa ai e ia,  
Ona tulia lea o ia e ia, ma  
avatu ia te ia lona tofi faa-  
tasi ma tagata pepelo ; e i  
ai le taufaitagiaue ma le  
lilivan o nifo.

## OLE MATAUPU XXV.

*Ole faataoto o taupou e toasefulu.*

**E** TUSA foi le malo o le 1  
lagi ma taupou e toase-  
fulu, o e na ave i a latou  
lamapa, e o atu e faafetaiai  
ma le faatoafaiava. Ua po- 2  
poto le toalima o i latou, a  
e vālea le toalima. O e 3  
vālea ua ave a latou lamapa,  
a e lei ave ni suā uu ma  
latou. A o e popoto ua 4  
ave ni suā uu i a latou fagu  
ma a latou lamapa. Ua 5  
tuai mai le faatoafaiava, ona  
taufaitulemomoe ai lea i la-  
tou uma, ua momoe lava.  
A ua oo i le tulua o po ona 6  
faapea mai ai lea o le valaau,  
Faauta, ua sau le faatoafai-  
ava; ina o ia outou e faa-  
fetaiai ia te ia. Ona tutu 7  
ai lea o taupou uma lava,  
ma teuteu i a latou lamapa.  
Ona fai atu ai lea o e vālea 8  
i e popoto, Au mai ni a  
outou suā uu ma matou;  
suā o le a mamate a matou  
lamapa. A ua tali mai o e 9  
popoto, ua faapea mai, Aua,  
nei le lava ia i tatou uma:  
a e o ia i e faatan e faatau  
mai ai ni a outou. Ua latou 10  
o e faatan ai, ona sau ai lea  
o le faatoafaiava: o e ua  
saunia foi ua latou o faatasi  
ma ia i le tausamaaga, ona  
pupuni ai lea o le faitotoa.  
E mulimuli ane, ona o mai 11  
ai lea o isi taupou, ua faapea  
mai, Le Alii e, le Alii e, ia  
e to ane le puipui ma i ma-

- 12 tou. Ona tali atu ai lea o  
ia, ua faapea atu, E moni  
ou te fai atu ia te outou, ou  
13 te le iloa outou. O lenei,  
ia outou mataala, auā tou  
te le iloa le aso poo le itu-  
aso, e sau ai le Atalii o le  
tagata.
- 14 E faapei o le tasi tagata  
foi na alu malaga, ua faa-  
potopoto mai i ana auauna,  
ona tuuina atu ai lea e ia o  
15 ana mea ia te i latou. Ua  
avatu e ia taleni e lima i le  
tasi, a e i le tasi le lua, a e i  
le isi le tasi; ua avatu faa-  
tatau ia te i latou; ona alu  
loa lea o ia i lana malaga.
- 16 Ona alu ai lea o le na i ai  
talení e lima ua faatau atu  
ai, ua maua ai foi o isi taleni  
17 e lima. Na faapea foi o le  
na i ai taleni e lua, ua maua  
ai foi e ia o isi taleni e lua.
- 18 A o le na i ai le taleni e  
tasi, ua alu ma eli i le  
eleele, ua tanu ai tupe a  
19 lona alii. Ua mavae po e  
tele ona sau ai lea o le alii  
o ia auauna, e faamasino i  
ana mea na ia te i latou.
- 20 Ona sau ai lea o le na i ai  
talení e lima ua au mai isi  
talení e lima, ua faapea mai,  
Le alii e, na e tuuina mai  
ia te au taleni e lima;  
faauta, ua au maua ai o isi  
21 taleni e lima. Ona fai atu  
ai lea o lona alii ia te ia,  
Ua lelei ia, le auauna lelei  
e, ma le faamaoni, ua e faa-  
maoni i mea itiiti, ou te  
tofia oe e pule i mea e tele:  
ina ulufale mai ia i le fiafia  
22 o lou alii. Ua sau foi le na

i ai taleni e lua, ua faapea mai, Le alii e, na e tuuina mai ia te au taleni e lua: faauta, ua au maua ai isi taleni e lua. Ona fai atu 23 ai lea o lona alii ia te ia, Ua lelei ia, le auauna lelei e, ma le faamaoni; ua e faamaoni i mea itiiti, ou te tofia oe e pule i mea e tele: ina ulufale mai ia i le fiafia o lou alii. Ua sau foi le 24 na i ai le taleni e tasi, ua faapea mai, Le alii e, na au iloa o oe o le tagata sau, ua e selesele i le mea e te lei luluina ai, ua e faapopototo foi i le mea e te lei faataapeapeina ai mea. Ona 25 au fefe ai lea ma au alu e tanu i lau taleni i le eleele; faauta, o lau mea lea. Ona 26 tali atu ai lea o lona alii, ua faapea atu ia te ia, Le auauna leaga e, ma le paie, ua e iloa ou te selesele i le mea na au le luluina ai, ou te faapopototo foi i le mea na au le faataapeapeina ai mea. O lenei, e tataua pe 27 ana e tuuina atu a'u tupe i e faatau tupe, po ua a'u sau ona o'u maua ai lea o a'u tupe ma ona tupu. O lenei, 28 ia outou fao le taleni na i ia te ia, ma avatu i le ua i ai taleni e sefulu. Aua o 29 se ua i ai ni mea, e foaiina atu ia te ia e atili ai ana mea: a o le ua le i ai ni mea, e faoa le mea ua i ai. Ia outou lafoaiina le auauna 30 le aoga i le pouliuli i fafo, e i ai le taufaitagitui ma le lilivau o nifo.

31 Pe a sau le Atalii o le tagata i lona mamalu, ma ana agelu paia uma faatasi ma ia, ona tietie ai lea o ia 32 i lona nofoa mamalu: E faapopototoina foi i ona luma o atunuu uma: ona vaeluaina lea o i latou e ia, e pei o le leoleo mamoe ona vaeluaina mamoe ma 'oti; 33 Ona faatutuina ai lea e ia o mamoe i lona lima taumatau, a o 'oti i lona lima tau-agavale. 34 Ona fai atu ai lea o le Tupu i e o i lona lima taumatau, O mai ia, o outou ua faamanuiaina e lo'u Tamā, ia fai ma outou tofi le malo ua saunia mo outou a o lei 35 foafoaina le lalolagi; Aua na au fia 'ai, ona outou avane ai lea ni mea ou te 'ai ai; na au fia inu, ona outou avane ai lea ni vai ou te inu ai; o a'u le tagata ese, ona outou 36 talia mai lea o a'u. Na a'u le lāvalavā, ona outou fao-fuina lea o a'u; na a'u ma'i, ona outou asiasi mai lea o a'u; na a'u i ai i le falepui-pui, ona outou o mai ai lea 37 ia te a'u. Ona tali mai ai lea ia te ia o e amio tomu, e faapea mai, Le Alii e, o anafea na matou iloa ai oe ua fia 'ai, ma matou fagina oe? poo fia inu, ma matou 38 avane e te inu ai? O anafea foi na matou iloa ai oe o le tagata ese, ma matou talia mai oe? poo le lāvalavā, ma matou fao-fuina 39 oe? O anafea foi na matou iloa ai oe ua ma'i, poo i

le falepuipui, ma matou o  
atu ai ia te oe? Ona tali 40  
atu ai lea o le Tupu, ua faa-  
pea atu ia te i latou, E mo-  
ni ou te fai atu ia te outou,  
e pei ona faia e outou, i le  
tasi o e aupito itiiti o o'u  
uso nei, o a'u lea na outou  
faia i ai.

Ona fai atu ai lea foi o ia 41  
i e o i lona lima tauagavale,  
O outou ua faafanoina, o ese  
atu ia ia te au i le afi faava-  
van ua saunia mo le tiapolo  
ma ana agelu. Auā na au 42  
fia 'ai, a e tou te lei avane  
ni mea o'u te 'ai ai: na a'u  
fia inu a e tou te lei avane ni  
vai ou te inu ai: O a'u le 43  
tagata ese, a e lei talia mai  
a'u e outou: na a'u le lāva-  
lavā, a e tou te lei faaofuina  
mai a'u; na a'u ma'i, na a'u  
i ai foi i le falepuipui, a e  
tou te lei asiasia mai a'u.  
Ona tali mai ai lea i latou 44  
ia te ia, e faapea mai, Le  
Alii e, o anafea na matou  
iloa ai oe ua fia 'ai, pe fia inu,  
poo se tagata ese, pe le lāva-  
lavā, poo ma'i, poo i le fale-  
puipui, ma matou lei auau-  
na atu ia te oe? Ona tali 45  
atu ai lea o ia ia te i latou,  
e faapea atu, E moni ou te  
fai atu ia te outou, e pei ona  
outou lei faia i le tasi o e  
aupito itiiti o i latou nei, o  
au lea ua outou le faia i ai.  
Ona o atu ai lea i latou i le 46  
malaia e faavavan; a o e  
agatonu i le ola faavavan.

## O LE MATAUPU XXVI.

*Ua taupulepule le au faitaula-  
ga sili ia Iesu e fasioti ia  
te ia.*

- 1 **U**A faai e Iesu o nei  
upu uma, ona fai atu
- 2 ai lea o ia i ona soo, Ua  
outou iloa a mavae po e lua  
ona oo mai ai lea o le pase-  
ka, ona faalataina ai lea o  
le Atalii o le tagata ina ia
- 3 faasatauroina. Ona po ia  
ua faapotopoto ai le au fai-  
taulaga sili, ma le au failau-  
tusi, ma e matutua o le nuu  
i le maota o le faitaulaga
- 4 sili, e igoa ia Kaiafa, Ua  
latou taupulepule i se mailei  
e ala ai ona pue, ma fasioti
- 5 ia Iesu. Ua latou faapea  
ane, Aua, ma le tausamiga,  
ina nei faanunununu i le  
nuu.
- 6 Sa i Petania o Iesu i le  
fale o Simona le lepela,
- 7 Ona sau ai lea ia te ia o le  
tasi fafine na i ai le fagu  
alapasa ua i ai le suā uu  
manogi ma le taugatā, ua  
liligi foi e ia i lona ulu o loo
- 8 taoto ia i le aiga. Ua iloa  
e ona soo, ona tiga ai lea o  
latou loto, ua latou faapea  
ane, Se a le mea ua faamau-
- 9 mau ai lenei mea? Auā  
ana faatauina lenei suā uu  
manogi poo ua tele sona tau  
e foaiina atu ai i e matitiva.
- 10 A ua silafia e Iesu, ona  
faapea atu ai lea ia te i  
latou, Se a le mea ua outou  
faatiga ai i le fafine? auā o

le mea lelei na na faia ia te au nei. Auā tou te nonofo 11 pea ma e matitiva: a e tatou te le nonofo pea ma a'u. Auā na liligi e ia lenei 12 suā uu manogi i lo'u tino e fai ma faataimuaga i lo'u tanuga. E moni ou te fai 13 atu ia te outou, o nuu uma i le lalolagi e talaiina atu i ai lenei tala lelei e ta'u ai le mea na faia e lenei fafine, e fai ma faamanatuga ia te ia.

Ona alu ai lea o le tasi o 14 le toasefulu ma le toalua, e igoa ia Iuta le Sikara, i le au faitaulaga sili, Ua faapea 15 atu i ai, Se a le mea tou te au mai ma a'u, o a'u foi o'u te faalataina o ia ia te outou? ona latou folafola mai ai lea ia te ia o tupe ario e tolugafulu: Talu ai foi i lea aso ua 16 lamalama e ia se itu aso e mau gaogaoina ai ina ia faalataina ia.

O le muai aso o areto e 17 le faafefeteina ua oo mai ai le au soo ia Iesu, ua faapea mai ia te ia, Poo fea le mea e te loto i ai matou te saunia e te 'ai ai le paseka? Ona faapea atu ai lea o ia, 18 Ia outou o atu i le aai i le tasi tagata ma fai atu ia te ia, Ua fai mai le Aoao, ua latalata o'u po; matou te fai ai le paseka ma o'u soo i lou fale. Ona faia lea e le au 19 soo e pei ona fai atu ai Iesu ia te i latou, ua latou saunia foi le paseka.

Ua oo i le afiafi, ona taoto 20 ai lea o ia i le aiga faatasi ma le toasefulu ma le toalua.

21 Ua latou aai, ona fai atu ai lea o ia, E moni ou te fai atu ia te outou, e faalataina o 22 a'u e so outou. Ona latou matua atuatuvaale ai lea, ua latou taitasi ma fai mai ia te ia, Le Alii e, o a'u ea?

23 Ona tali atu ai lea o ia ua faapea atu, O le fufui faatasi lona lima ma lo'u i le tanoa, o lea lava na te faalataina o 24 a'u. E alu lava le Atalii o le tagata e pei ona tusia ia te ia, oi talofa i lea tagata na te faalataina le Atalii o le tagata; e lelei i lea tagata pe ana le fanau mai.

25 Ona tali mai ai lea o Iuta le na na faalataina ia, ua faapea mai, Rapi e, o a'u ea? Ua fai atu ia ia te ia, O lona lava.

26 Ua latou aai, ona tago ai lea o Iesu i le areto, ma faafetai, ua tofoti, ma avatu i le au soo, ua faapea atu, Ina tago ia outou ma aai; o lo'u

27 tino lenei. Ua tago foi ia i le ipu, ua faafetai, ona avatu ai lea e ia ia te i latou, ua faapea atu, Ina inu ia outou

28 uma i ai; Auā o lo'u toto lenei, o le toto o le feagaiga fou, ua faamaligiina mo tagata e toatele e faamagalalo 29 ai sala. Ou te fai atu foi ia te outou, ou te le toe inu i lenei fua o le vine, seia oo i lea aso ou te inu ai i le uaina fou faatasi ma outou i le malo o lo'u Tamā.

30 Ua latou pepese i le pese, ona latou o atu ai lea i le 31 mauga o Oliveta. Ona fai atu ai lea o Iesu ia te i



latou, E tausuai outou uma  
ona o au i lenei lava po;  
auā ua tusia, "Ou te taia le  
leoleo mamoe, ona taape-  
ape ai lea o le fagagā ma-  
moe." A e a mavae lo'u 32  
toe tu ona au muamua atu  
ai lea ia te outou i Kalilaia.  
Ona tali mai ai lea o Petelu 33  
ua faapea mai ia te ia, E ui  
lava ina a tausuai atoa uma  
ona o oe, ou te le tausuai ai  
lava au. Ona fai atu ai lea 34  
o Iesu ia te ia, E moni ou  
te fai atu ia te oe, o lenei  
lava po, a e le vivini lé moa,  
e te faafiti faatolu mai ai ia  
te au. Ona fai mai ai lea o 35  
Petelu ia te ia, E ui ina a ta  
oti lava faatasi ma oe, ou te  
le faafiti lava oe. Na faa-  
pea foi ona fai mai le au soo  
uma lava.

Ona oo ai lea o Iesu faa- 36  
tasi ma i latou i le tasi lotoā  
na taua o Ketesemane, na  
faapea atu foi ia i le au soo,  
Ia outou nonofo iinei, seia  
ou alu atu iila ou te tatalo.  
Ua taitai ane e ia o Petelu 37  
ma atalii o Sepetaio e toa-  
hua; ona lailoa lea o ia ma  
atuativale. Ona fai atu ai 38  
lea o ia ia te i latou, Ua ma-  
tua tiga lo'u loto e oo i le  
oti; ia outou nonofo pea  
iinei, ma ia outou mataala  
faatasi ma au. Ua alu faa- 39  
itiiti atu ona faapa'u fao ai  
lea o ia ma tatalo, ua faa-  
pea atu, Lo'u Tamā e, a  
mafai ona ave ese lenei ipu  
ia te au; a e ana le faia lo'u  
loto, a o lou finagalo. Ona 40  
alu ane lea o ia i le au soo,

ua iloa atu ia te i latou o  
momoe, ona fai atu ai lea o  
ia ia Petelu, Pe faapefea  
ona outou le mafaia ona ta-  
tou mataala faatasi ma au i  
41 le ituaso e tasi? Ia outou  
mataala ma tatalo, ina nei  
outou oo i le faasoosoga:  
ua loto i ai le agaga, a o le  
42 tino ua vaivai. Ua foi faa-  
lua ia, ua tatalo, ua faapea  
atu, Lo'u Tamā e, a le ma-  
fai ona ave ese lenei ipu ia  
te au seia ou inu ai, ia faia  
43 lou finagalo. Ona alu ane  
ai lea o ia ua iloa atu ia te  
i latou ua toe momoe; auā  
ua maaa o latou laumata.  
44 Ona tuua lea o i latou e ia;  
ua toe alu, o lana tatalo faa-  
tolu lea i le upu lava e tasi.  
45 Ona alu ane ai lea o ia i  
ona soo, ua faapea atu ia te  
i latou, Ina momoe pea ia,  
ma malolo; faauta, ua lata-  
lata i le itu aso e faalataina  
ai le Atalii o le tagata i  
46 lima o tagata agasala. Ina  
tutu ia, ia tatou o, faauta ua  
latalata mai o lē na te faala-  
taina o au.  
47 Faauta, ua sau Iuta, o le  
tasi o le toasefulu ma le toa-  
hua, a o tauāla ia, na faatasi  
mai foi ma ia le motu o ta-  
gata e toatele, mai le au fai-  
taulaga sili ma e matutua o  
le nuu, ua ia te i latou o  
48 pelu ma uatogi. Na tuu-  
ina atu foi e lē na na faala-  
taina ia le faailoga ia te i  
latou, ua faapea atu, O lē ou  
te sogi atu i ai, o ia lea; ia  
49 outou pue ia te ia. Ona alu  
loa lea o ia ia Iesu, ua faa-

pea mai, Rapi e, si o'u alofa ;  
 ona sogi ai lea o ia ia te ia.  
 Ona fai atu ai lea o Iesu ia 50  
 te ia, Sole, se a le mea ua e  
 sau ai ? Ona latou o mai  
 ai lea, ua oo o latou lima ia  
 Iesu, ua latou pue ia te ia.  
 Faauta foi, o le tasi o e 51  
 na ia Iesu, ua tago ia i lana  
 pelu, ua sei, ona ia taia lea  
 e le auuana a le faitaulaga  
 sili, ua tipi esea lona taliga.  
 Ona fai atu lea o Iesu ia te 52  
 ia, Ina sulu ia o lau pelu i  
 lona faamoega : auā o e  
 tago-atoa uma i le pelu e oti  
 i latou i le pelu. Fa te oe ea 53  
 ou te le mafaia ona aioi atu  
 nei i lo'u Tamā, ona aauina  
 mai ai lea e ia ia te au o  
 agelu e sili ona toatele i  
 lekeona e sefulu ma le lua ?  
 A e ana faapea, e faapefea 54  
 ona taunuu o upu ua tusia, e  
 oo lava ia mea ?

O lea itu aso ua fai atu ai 55  
 Iesu i le motu o tagata, Ua  
 outou o mai ea ma pelu ma  
 uatogi e pue ia te au, pe la se  
 gaioi ? na au i ai ia te outou  
 i le malumalu, ma aao i aso  
 fai soo, tou te lei pueina ai  
 au. A ua oo ia mea uma, ina 56  
 ia taunuu ai upu ua tusia e le  
 au perofeta. Ona tuua ai  
 lea o ia e le au soo uma a e  
 sosola i latou.

Ua latou pue ia Iesu, ona 57  
 latou ave ai lea ia te ia ia  
 Kaiafa le faitaulaga sili, na  
 faapotopoto ai le au failau-  
 tusi ma e matutua. A ua 58  
 mulimuli mamao mai Petelu  
 ia te ia ua oo i le maota o  
 le faitaulaga sili, ua ulufale

atu i ai, ua nofo foi ia faa-  
 tasi ma auuana, ia iloa ona  
 59 iu. A o le au faitaulaga  
 sili, ma e matutua, ma le au  
 taupulega uma, ua latou sa-  
 iliili ni molimau pepelo e  
 tuua'i ia Iesu, ina ia latou  
 60 fasioti ia te ia : A e lei  
 māua ; e ui lava ina o mai  
 ni molimau pepelo e toatele,  
 a e lei maua lava. E muli-  
 muli ane ua o mai ni moli-  
 mau pepelo e toaula, ua  
 61 faapea mai, Na fai mai  
 lenei tagata, Ou te mafaia  
 ona lēpeti o le malumalu o  
 le Atua, ma au toe faatu-  
 62 ina i po e tolu. Ona tu ai  
 lea i luga o le faitaulaga  
 sili, ua faapea mai ia te ia,  
 E leai ea sa'u tali ? Pese a le  
 mau a nei tagata ia te oe ?  
 63 A ua faalologo Iesu. Ona  
 fai mai ai lea o le faitau-  
 laga sili ua faapea mai ia te  
 ia, Ou te matua fai atu ia  
 te oe i le suafa o le Atua  
 soifua, e te fai mai ia te i  
 matou, poo oe o le Mesia o  
 64 le Atalii o le Atua. Ona fai  
 atu ai lea o Iesu ia te ia, O  
 lea lava ; ou te fai atu foi ia  
 te outou, E mulimuli ane tou  
 te iloa ai le Atalii o le ta-  
 gata e nofo i le aao tauma-  
 tau o le mana, e sau foi ia i  
 65 ao o le lagi. Ona saeia ai  
 lea e le faitaulagi sili ona  
 ofu, ua faapea ane, Ua fai-  
 fāi ia i le Atua ; se a se toe  
 aogā o molimau ia te i ta-  
 tou ? faauta ua outou faa-  
 logo nei i lana fāifāi i le  
 66 Atua. Pe ni a fa outou ?  
 Ona latou tali mai ai lea,

ua faapea mai, E tatau ona  
eti o ia. Ona latou taufai- 67  
faanu ai lea i ona fofoga, ua  
taufaitui foi ia te ia: ua  
taufaipo atu foi nisi, Ua 68  
faapea atu, Keriso e, ina sei  
e matea mai ia te i matou,  
po o ai na na po atu oe?

Sa nofo Petelu i fafo i le 69  
maota; ona alu atu ai lea o  
le tasi teine ia te ia, ua faa-  
pea atu, O oe foi, sa oulua  
faatasi ma Iesu le Kalilaia.  
Ona faafiti lea o ia i o latou 70  
luma atoa, ua faapea ane,  
Ou te le iloa le mea e te fai  
mai ai na. Ua ulu fafo ia i 71  
le faapaologa, ona iloa mai  
ai lea o ia e le isi teine, ua  
na fai atu i e na i ai, O lenei  
tagata foi sa la faatasi ma  
Iesu le Nasareta. Ona toe 72  
faafiti ai lea o ia ma le au-  
gani, Ou te lei iloa lea taga-  
gata. Ua toe itiiti, ona o 73  
ane ai lea o e na tutu mai,  
ua faapea mai ia Petelu,  
E moni o oe lava lo latou;  
auā ua iloa oe i lou leo.  
Ona tōtōai ai lea o ia ma au- 74  
gani, *ua faapea atu*, Ou te  
lei iloa lava lea tagata, Ona  
vivini loa lea o le moa. Ona 75  
manatua lea e Petelu o le  
upu na fai atu ai Iesu ia te  
ia, E le vivini le moa seia e  
faafiti faatolu mai ia te au.  
Ona ulu fafo ai lea o ia, ua  
tagi lotulotu.

## O LE MATAUPU XXVII.

*Ua tuuina atu Iesu ia Ponetio  
Pilato.*

- 1 **U**A malamae le taeao, ona  
taupulepule ai lea o le  
au faitaulaga sili uma ma e  
matutua o le nuu ia Iesu e
- 2 fasioti ia te ia: Ua latou  
saisai ia te ia, ona ave ai lea  
o ia e i latou ma tuu atu ia  
te ia ia Ponetio Pilato le alii  
faipule.
- 3 Ua iloa e Iuta, na na  
faalataina ia na faasalaina o  
ia, ona salamo ai lea o ia,  
ua toe ave tupe ario e tolu-  
gafulu i le au faitaulaga sili
- 4 ma e matutua, Ua faapea  
atu, Ua au agasala, ua au  
faalata le tagata e lē sala.  
A ua latou faapea mai, Sa  
matou mea ea lena mea?
- 5 Faitalia lava oe. Ona lafo  
ai lea e ia o tupe ario i le  
malumalu, ua alu ese, ona  
alu ai lea o ia ua faatau-
- 6 tauina o ia e ia. Ona tago  
ai lea e le au faitaulaga sili  
o tupe ario ua faapea ane, E  
lē tatau ona lafo i ai i le tuu-  
gāoa auā o le tau o le toto.
- 7 Ona latou filifilia lea e faa-  
tau a'i le fanua o le tufuga  
fai-ipu, e tatanu ai tagata ese.
- 8 O le mea lea ua ta'u ai lea  
fanua, O le fanua o le toto,  
ua oo lava i nei ona po.
- 9 Ona taunuu ai lea o le upu  
a le perofeta o Ieremia, ua  
faapea mai, "Ua latou tago  
i tupe ario e tolugafulu, o le  
tau lea o le na faatatauina,

na faatatauina e nisi o sa Isaraela. Ona latou faa-  
tau a'i lea o le fanua o le  
tufuga fai ipu, e pei ona fai  
mai ai ia te au o Ieova."

Ua tu Iesu i luma o le  
alii faipule; ona fesili mai  
ai lea o le alii faipule ia te  
ia, ua faapea mai, O oe ea  
o le Tupu o Intaia? Ona  
fai atu ai lea o Iesu ia te ia,  
O lea lava. Ua tuua'i ia te  
ia e le au faitaulaga sili ma  
e matutua, a ua leai sana  
tali. Ona fai mai ai lea o  
Pilato ia te ia; Ue e faalogo  
ea i le tele o mea ua latou  
molina mai ai oe? A ua le  
tali atu ia ia te ia i se upu e  
tasi; ona matua' ofo ai lea o  
le alii faipule.

O lea tausamiga na  
sani ai le alii faipule e ta-  
tala atu i le motu o tagata  
se tasi tagata ua noanoatia,  
o le na latou loto i ai.  
Ona po ia sa i ai ia te  
latou le tagata ua noanoatia  
ua lau iloa lona leaga, e  
igoa ia Parapa. O lenei,  
ua faapotopotoina i latou,  
ona fai atu ai lea o Pilato  
ia te i latou, Poo le fea ta-  
gata tou te loto i ai ou te  
tatalaina atu ia te outou?  
O Parapa ea? Poo Iesu le  
na taua o Keriso? Aua ua  
na silafia o le mataua na  
latou tuuina atu ai ia. Ua  
tietie ia i le nofoa faama-  
sino, ona sau ai lea o le feau  
mai lona faletua, ua faapea  
mai, Nei e mao i lea tagata  
agatonu; aua na au li'a i le  
aso i mea e tele ona o ia.

20 A ua faaoso e le au faitau-  
laga sili ma e matutua le mo-  
tu o tagata ia latou fai atu;  
o Parapa, a ia fasiotia Iesu.

21 Ona fai atu ai lea o le alii  
faipule, ua faapea atu ia te  
i latou, O ai so laua tou te  
loto i ai ou te tatalaina atu  
ia te outou? Ona latou fai

22 mai ai lea o Parapa. Ona  
fai atu ai lea o Pilato ia te  
i latou, Se a foi le mea ou te  
faia ia Iesu le na taua o Ke-  
riso? Ona fai mai ai lea o  
i latou uma ia te ia, Ia faa-

23 satauroina ia. A ua fai atu  
le alii faipule, Pe se a se  
leaga na ia faia? A ua  
atili ai ona alalaga i latou, ua  
faapea mai, Ia faasatauroina

24 ia. Ua silafia e Pilato, ua  
le aoga lana finau, a e atili  
ai le vavao, ona tago ai lea  
o ia i vai, ua fafano ona  
lima i luma o le motu o  
tagata, ma faapea atu, Ou  
te mamā au i le toto o lenei  
tagata agatonu; faitalia la-

25 va outou. Ona tali mai ai  
lea o le nuu uma, ua faapea  
mai, Ia i luga ia i matou,  
ma a matou fanau lona toto.

26 Ona tatalaina atu ai lea e ia  
o Parapa ia te i latou, a ua  
sasaina e ia o Iesu, ua tuuina  
atu e faasatauroina.

27 Ua taitaiina Iesu e le au  
fitafita o le alii faipule i le  
fale faamasino, ona latou  
faapotopoto ina ai lea ia te

28 ia o le 'au uma. Ua latou  
talaiesaina ona ofu, ona latou  
faaofuina ai lea o ia i le ofu

29 mumū. Ua latou lalaga foi  
se pale i laau tuitui, ona

latou faace ai lea i lona ao, ua tun foi le u i lona aao taumatau; ona latou tootuli ai lea i ona luma, ua faatauemu mai ia te ia, ua faapea mai, Talofa, le tupu o Iutaia! Ona taufaifeanu ai 30 lea o i latou ia te ia, ua tago foi i le u ma ta i lona ao. Ua latou faatauemu mai ia 31 te ia, ona latou tatala ese lea le ofu ma faaofu ia te ia i ona lava ofu, ona latou ave ai lea o ia e faasatauroina. Ua latou o atu, ona iloa ai 32 lea e i latou le tasi tagata, le Kureni, e igoa ia Simona, ua latou inoino ia te ia e ave i lona satauro.

Ua latou oo atu i le mea 33 ua taua Kolokota, o lona uiga, o le mea o i ai uhupoo, Ua latou avatu foi ia te ia le 34 vineta ua fefiloi ma le laau ona, ia inu ai; ua tofotofa e ia, ua le mafai ona inu. Ua latou faasatauro ia te ia, 35 ona vaevae ai lea e i latou ona ofu, ona latou faia lea o le vili; ina ia taunuu ai le upu a le perofeta, "Ua latou vaevae i o'u ofu mo i latou, ua latou faia foi le vili i lo'u ofu lelei." Ua latou nonofo i 36 lea mea e leoleo ia te ia. Ua latou tun i luga ae o 37 lona ao le tusi o lona tuu-afiga, O IESU LENEI, O LE TUPU O IUTAIA. Ua latou faasatauro foi ma 38 ia tagata gaioi e toalua, o le tasi i le lima taumatau, ma le tasi i le lima tauagavale.

Ua faifai foi ia te ia o e 39 na ui ane ma lialia'i o latou

40 ulu, Ua faapea mai, Oe na, o lē lepeti i le malumalu, ma faatuina i po e tolu, ina faaola ia oe ia te oe. Afai o oe le Atalii o le Atua, ina 41 alu ifo ia i le satauro. Ua faapea foi ona faatauemu le au faitaulaga sili, ma le au failautusi, ma e matutua, 42 ua faapea atu, Na ia faaolaina isi tagata, e le mafai e ia ona faaola ia te ia. Afai o le Tupu o Isaraela ia, ina alu ifo nei lava ia i le satauro, ona matou faa- 43 tuatua ai lea ia te ia. Na faatuatua ia i le Atua, ina laveai mai ia o ia ia te ia, afai e fiafia mai ia ia te ia, auā na ia fai mai, O a'u o le 44 Atalii o le Atua. Na faapea foi ona faifai ia te ia o tagata gaioi na faasatauroina ma ia. 45 Ua oo i le itu aso e ono, ona pogisa uma ai lea o le nuu, ua oo lava i le itu aso e 46 iva. Ua oo i le itu aso e iva ona alaga ai lea o Iesu ma le leo tele, ua faapea atu, Eli, Eli, lama sapatani? o lona niga lenei, Lo'u Atua e, lo'u Atua e, se a le mea 47 ua e lafoai mai ai au? Ua faalogo i ai o nisi o e na tutu mai, ona latou faapea atu ai lea, Ua valaau atu 48 ia ia Elia. Ona vave mo- mo'e ai lea o so latou, ua tago i le omomi, ua fufui ai i le vineta, ma fafau i le u, ua 49 tuu ae ia te ia e inu. A ua faapea ane o nisi, Tuu ai pea ia, seia tatou iloa pe sau Elia na te faaolaina. 50 Ua toe alaga Iesu ma le

leo tele, ona tuuina atu ai  
lea e ia o lona agaga.

Faauta foi, ua masae lua 51  
le puipui o le malumalu ua  
amata ifo i le pito i luga ua  
oo i le pito i lalo; ua luluina  
foi le fanua, ua mavaevae  
foi papa. Ua malaga foi 52  
tuugamau, ua toe tutu mai  
foi tagata paia e toatele na  
oti, Na mavae foi lona toe 53  
tu mai, ona latou o mai ai  
lea na i tuugamau ma latou  
o atu i le aai paia, ua iloa i  
latou e tagata e toatele.

Na iloa e le taitai o le 54  
toaselau, ma e na leoleo ia  
Iesu faatasi ma ia, le mafuie,  
ma mea na faia, ona latou  
matuā matatau ai lea, ua  
faapea atu, E moni o le  
Atalii lava lenei o le Atua.

Sa i ai foi o fafine e toa- 55  
tele na vaavaai mamao mai,  
o i latou ia na mulimuli mai  
ia Iesu mai Kalilaia, ma  
auauna mai ia te ia; Sa i 56  
ai foi ia te i latou o Maria  
le Makatala, ma Maria le  
tina o Iakopo ma Iose, o le  
tina foi o atalii o Sepetaio.

Ua oo i le afiafi, ona sau 57  
ai lea o le tasi tagata mau-  
oa o le Arimataia, e igoa ia  
Iosefa o le tasi lea soo o  
Iesu: Ua alu atu ia ia 58  
Pilato, ua faanoi atu i le  
tino o Iesu. Ona poloai atu  
ai lea o Pilato ia tuu ane le  
tino. Ua ave e Iosefa le 59  
tino, ona teuteuina ai lea i  
le ie lelei. Ua tuu atu i ai 60  
i lona tuugamau fou na foa  
i le papa; ua fuli atu e ia  
le maa tele e punita'i le tuu-

gamau, ona alu ai lea o ia.

61 Sa i ai Maria le Makatala,  
ma le isi Maria, sa la nonofo  
faafeagaai i le tuugamau.

62 O le taeao, o le aso lea e  
mulimuli ai i le aso o le  
sauniga, ua faapotopoto faa-  
tasi ai ia Pilato le au faitau-  
laga sili ma le au faresaio,

63 Ua faapea atu, Le alii e, ua  
matou manatua, na fai mai  
lena tagata pepelo, ina e

64 ola mai o ia, A mavae  
po e tolu ou te toe tu mai  
ai. O lenei, ia e poloai  
ane, ia faamauina le tuuga-  
mau seia mavae po e tolu,  
ina nei o atu ona soo i le po,  
ma faagaoi ia te ia, ma latou  
fai atu i le nuu, Ua toe tu  
mai ia na i e ua oti, ona sili  
ai lea o le pepelo e muli-

65 muli i le na muamua. Ona  
fai ane ai lea o Pilato ia te i  
latou, Ua ia te outou leoleo,  
ina o ia, faitalia lava outou se

66 tofagiti e faamau ai. Ona  
latou o ai lea, ua faamauina  
le tuugamau, ua tuu ai le  
faailoga i le maa, ma tagata  
e leoleo ai.

## O LE MATAUPU XXVIII.

*Ua ta'u atu e le agelu i fafine  
ua toe tu mai Iesu.*

1 U A mavae le sapati, ua  
tafa ata o le uluai aso  
o le vai aso sa, ona o atu ai  
lea o Maria le Makatala  
ma le isi Maria e asiati i le  
2 tuugamau. Faauta foi, na  
to le mafuie tele; auā na  
alu ifo le agelu a le Alii mai

le lagi, ua alu atu ma fuli  
ese le maa ai le gutu o le tuu-  
gamau, ma tietie ai. E pei 3  
o le uila ona mata, ma lona  
ofu ua sinasina pei o le ki-  
ona; Ua tetemū foi i le 4  
matatau o e na leoleo, ua  
liu i latou e pei ni tagata  
oti. Ona fai atu ai lea o le 5  
agelu i fafine ua faapea atu,  
Aua lua te matatau oulua:  
aunā ua au iloa ua oulua  
silia mai Iesu na faasatau-  
roina. E le o iinei ia; aunā 6  
ua toe tu mai ia, pei ona fai  
atu ai o ia. O mai, ina vaa-  
vaai i le mea na taoto ai le  
Alii. Ina o atu ia ia vave, 7  
lua te ta'u atu i ona soo, ua  
toe tu mai ia na i e ua oti;  
faauta foi, e muamua atu ia  
ia te outou i Kalilaia: tou te  
iloa ai o ia; faauta foi, ua  
au fai atu ia te oulua. Ona 8  
la vave o ai le nai le tuuga-  
mau ma le fefe ma le fiafia  
tele; ua la taufetuli e ta'u  
atu ai i ona soo. Na la o 9  
e ta'u atu ai i ona soo, faauta  
foi, ua fetaiai Iesu ma i  
laua, ua faapea atu, Si o'u  
alofa. Ona la o mai ai lea  
ua fetagofi i ona vae, ma ta-  
puai mai ia te ia. Ona fai 10  
atu ai lea o Iesu ia te i laua,  
Aua lua te matatau; ina o  
atu ia, lua te ta'u atu i o'u  
uso ina ia latou o atu i Ka-  
lilaia, latou te iloa mai ai  
au.

Ua la o, ona o atu ai lea 11  
i le aai o nisi o e na leoleo,

e ta'u atu i le au faitaulaga  
12 sili mea uma na faia. Ona  
latou faapotopoto ai lea faa-  
tasi ma e matutua, ua latou  
filifili, ona avatu ai lea o  
tupe e tele i e na leoleo,  
13 Ua faapea atu, Ia outou  
ta'uta'u atu, Na o mai ona  
soo i le po, ua faagaoi ia te  
14 ia a o matou momoe. Afai  
e faalogo i ai le alii faipule,  
matou te faaoleole atu ia te  
ia, ma faasao ia te outou.  
15 Ona latou talia lea o tupe,  
ma fai e pei ona aoaoina ai  
i latou; ua salalau foi lea  
tala i Iutaia ua oo mai lava  
i nei ona po.  
16 Ona o atu ai lea o le au  
soo e toasefulu ma le toa-  
tasi i Kalilaia, i le mauga  
na poloai atu ai Iesu ia te i  
17 latou. Ua latou iloa o ia  
ona latou tapuai mai ai lea  
ia te ia; a ua masalosalo  
18 vale ai nisi. Ona alu ane  
ai lea o Iesu ua fai atu ia te  
i latou, ua faapea atu, Ua  
tuuina mai ia te au o le pule  
uma lava i le lagi ma le la-  
19 lolagi. O lenei, ia outou o  
atu e fai nuu uma lava ma  
soo, ma papatiso atu ia te i  
latou i le suafa o le Tamā,  
ma le Atalii, ma le Agaga  
20 Paia. Ia outou aao atu  
foi ia te i latou ia anaana i  
mea uma na au fai atu ai ia  
te outou; faauta foi, e le  
aunoa ona tatou faatasi ma  
au, e oo lava i le gataaga o  
le lalolagi. Amene.

## O LE EVAGELIA

# NA TUSIA E MAREKO.

### O LE MATAUPU I.

*Ia Ioane le Papatiso, ma le  
Papatisoga o Iesu.*

**O** LE amataga o le eva- 1  
gelia a Iesu Keriso o  
le Atalii o le Atua. Pei o 2  
lē ua tusia e le au perofeta,  
Faauta ou te auina atu la'u  
auauna, e muamua atu i ou  
luma, na te saunia lou ala.  
O le leo o le tasi o loo ala- 3  
ga i le vao tuufua, Ina  
sauni i le ala o Ieova, ina  
fai foi ia ala tonu mona. Sa 4  
faia e Ioane lana papatisoga  
i le vao tuufua, ma faailoa  
atu ai le papatisoga o le  
salamo ina ia aveeseina le  
sala. Na oo ane foi le nuu 5  
uma o Iutaia ia te ia, atoa  
ma e o nonofo i Ieruselema,  
na papatisoina i latou e ia  
i le vai tafe o Ioritana, o  
loo faaali atu i a latou aga-  
sala. Ua ofu Ioane i le 6  
fulufulu kamela, ua fusia  
ona sulugātiti i le fusi pa'u :  
o ana mea e ai foi o le ake-  
risi ma le meli vao ia. Na 7  
talai atu ia, ua faapea atu,  
O le a mulimuli mai le tasi

ia te au, e sili lona malosi i  
lo'u, ou te aoga au e punou  
ifo ma tatalaina le nonoa o  
8 ona se'evae. O au nei ou  
te papatiso atu ia te outou i  
le vai ; a o ia na te papa-  
tisoina outou i le Agaga  
Paia.

9 Na afio ane Iesu i na ona  
aso mai Nasareta o Kali-  
laia, na papatisoina foi ia  
10 e Ioane i Ioritana. O loo  
maliu a'e ia i le vai, ona  
iloa loa lea e ia le lagi o loo  
māvae, ma le Agaga i lona  
afio ifo ia te ia, faapei o le  
11 lupe. Ua oo mai foi le leo  
mai le lagi, ua faapea mai,  
O lo'u Atalii pele oe, ou te  
fiafia i ai.

12 Ona tosina ai lea o ia e le  
13 Agaga i le vao tuufua. Sa  
i ai foi ia i le vao tuufua, i  
po e fagafulu, o loo faaosoo-  
soina e Satani ; sa i ai ma  
manu feai, sa auuina foi  
14 agelu ia te ia. Na tuuina  
atu o Ioane i le fale puipui  
ona maliu ane lea o Iesu i  
Kalilaia, o loo tālai atu ai i  
le tala lelei o le malo o le  
15 Atua ; ua faapea atu, Ua  
oo mai le tau, ua latalata



mai le malo o le Atua; ina  
 salamo ia, ma tali tonu le  
 tala lelei. O loo savali ane 16  
 ia e latalata ane i le sami o  
 Kalilaia, ona vaai atu lea o  
 ia ia Simona, ma Aneterea  
 lona uso, o loo lafo le upega  
 i le sami; aua o tagata fa-  
 gogota i laua. Ua fai atu 17  
 foi Iesu ia te i laua, o mai  
 ia, ina mulimuli mai ia te  
 au, ou te faia oulua ma fa-  
 gogota i tagata. Ona la 18  
 tuua loa lea o la upega ma  
 mulimuli atu ia Iesu. Ua 19  
 faaitiiti atu Iesu i luma, ona  
 vaai atu lea o ia ia Iakopo  
 o le atalii o Sepetaio ma  
 Ioane lona uso, o loo i le  
 vaa, o loo fai motu i lo la  
 upega; I le ua valaau atu o 20  
 ia ia te i laua; ona la tuua  
 lea o lo la tama o Sepetaio,  
 o loo i ai i le vaa ma le au  
 faifetaui, ua la mulimuli atu  
 ia te ia.

Na o foi i latou i Kapa- 21  
 naumi; o le aso sa, ua ulu-  
 fale ai o ia i le sunako ma  
 aoao atu ai. Ua matua ofo 22  
 foi i latou i lana aoaoga aua  
 ua aoao ia faapei o le tasi o  
 loo i ai le pule, e le pei o le  
 au failautusi. Sa i ai foi i 23  
 lo latou sunako le tagata ua  
 uluitinoina e le temoni leaga.  
 Ua alaga foi o ia, ua faapea 24  
 atu, Soia Iesu e le Nasareta!  
 se a lāu ia te i matou? Ua  
 e maliu mai ea e faaumatia  
 i matou? ua au iloa oe o le  
 paia oe o le Atua. Ona 25  
 vavao atu lea o Iesu ia te ia,  
 ua faapea atu, Ina faalologo  
 ia, ma e sau i fafo ia te ia.

26 Ona faataafiti lea le agaga  
 leaga ia te ia, ua alaga foi  
 ma le leo tele, ona sau lea  
 27 o ia i fafo: Ona matua tetei  
 ai lea o i latou ma fesilisili  
 ai, ua faapea, Pe se a lenei?  
 Se a foi lenei mataupu fou?  
 aua ua pule ia i agaga leaga,  
 ma fai atu i ai ona latou  
 faalogo lava lea ia te ia.  
 28 Ona faasalalauina lea le logo  
 ia te ia i le nuu uma o Ka-  
 29 lilaia. Ua latou o ane na i  
 le sunako, ona ulu atu lea i  
 le fale o Simona ma Ane-  
 terea, ma Iakopo, ma Ioane,  
 30 Sa taoto ai foi le tina o le  
 avā a Simona, ua ma'i i le  
 ma'i vevela; ona latou ta'u  
 atu lea ia te ia ia Iesu.  
 31 Ona soso atu lea o ia ia te  
 ia ua tago ifo i lona lima, ua  
 faatu ia te ia i luga; ona  
 mavae loa lea lona ma'i,  
 ona auaina lea o ia ia te i  
 latou.  
 32 Ua oo i le afafi i le goto  
 o le la, ona latou au mai lea  
 ia te ia i e mama'i uma,  
 atoa ma e ua uluitinoina e  
 33 temoni. O loo potopoto  
 uma ane foi le aai i luma o  
 34 le faitotoa. Na faamalolo  
 foi ia i le toatele o e na  
 maua e ma'i eese, na ia  
 tulia foi temoni e tele, na ia  
 vavao foi i temoni aua le  
 tautala i latou, auā na latou  
 35 iloa o ia. Na malei fua po  
 ia, ona maliu atu lea i le  
 vave ao i le mea tuufua ma  
 36 talotalo ai. Na mulimuli  
 atu foi ia te ia Simona ma  
 37 e sa ia te ia. Ua latou iloa  
 o ia ona fai atu lea ia te ia,

O loo sailiili tagata uma ia te oe. Ona fai atu lea o ia 38 ia te i latou, Ina tatou o atu ia i faoa aai e latalata ane ia ou folafola atu i ai *le tala lelei*, aua o le mea lea na au sau ai. Na ia folafola foi *le tala lelei* i o latou sunako i itu uma o Kalilaia, ma tutuli i temoni. Ua sau foi 40 le tasi lepela ia te ia, ua tootuli ia te ia ma aioi foi ia te ia, ua faapea atu, Afai ua e finagalo i ai, e te mafaia ona faamamā ia te au. Ona mutimutivale lea o Iesu 41 i lona alofa ia te ia, ua fālo atu foi i lona lima, ua pai atu ia ia te ia ma fai atu foi i ai, Ou te loto i ai, ina mamā ia oe. Ua mavae atu 42 le afioga a Iesu ona te'a loa lea le ma'i lepela ia te ia, ona mamā ai lea o ia. Ona 43 matua vavao atu lea o Iesu ia te ia, ma au ese atu loa ia te ia. Ua faapea atu foi 44 ia te ia, Ia oe nei e tau atu i sina tala i se tasi; a ia e alu ma faaali atu ia oe i le ositaulaga; ma avane ia te ia o mea na fai mai ai Mose, ona ua mamā oe e fai ma faailoga mo i latou. Ua alu 45 atu ia ona afua lea e matuā folafola atu ma faasalalau i le tala, o lea e lei toe mafai ai Iesu ona alu faaali i le aai; a ua nofonofa i mea tuufua, na o ane foi tagata ia te ia mai itu uma.

## O LE MATAUPU II.

*O le fetalaiga a Iesu ma le au faresaio.*

- 1 **U**A mavae ane isi aso, ona toe maliu atu lea o ia, i Kapanauumi; ua logoina foi sa i ai ia i le fale.
- 2 I le ua potopoto mai ai e toatele ua le ma toe faalatalata atu ai i le faitotoa, ua folafola atu foi ia i le upu ia te i latou.
- 3 Ua latou au mai foi ia te ia le tasi supa, o loo fataina ia e le toafa. Ua le mafai foi i latou ona faalatalata atu ia te ia, aua le motu o tagata, ona latou tatala lea i le ufi o le fale sa i ai o ia, ua faasosofa i ai, ona latou tuu ifo ai lea o le moega o
- 5 taoto ai le supa. Ua silafia e Iesu lo latou faatuatua, ona fai atu lea o ia i le supa, Lou atalii e, ua aveeseina
- 6 lau sala. Sa i ai ni o le au failautusi, sa femasalosaloa'i
- 7 i o latou loto; Se a le mea e fāifāi ai faapea lenei tagata i le Atua? E mafaia ea ia te ai ona aveeseina sala
- 8 na o le Atua lava? Ua silafia fua e Iesu i lona finagalo o loo o latou femasalosaloa'i i latou faapea, ona fai atu ai lea i ai, Se a le mea ua outou masalosalo ai
- 9 faapea i o outou loto? Pe faigofie le fai atu i le supa ua tatalaina au sala, poo le fai atu i ai, ina tulai ia, ina sii ia lou moega, ma savali?
- 10 Ina ia outou iloa foi o i ai i

le Atalii o le tagata i lalo  
nei le pule e aveese ai sala  
(ua fai ane ia i le supa),  
Ou te fai atu nei ia te oe, 11  
ina tula'i, ina sii ia i lou  
moega ma alu atu i lou fale.  
Ona tulai loa lea o ia, ua sii 12  
foi i lona moega ma savali  
ane i o latou luma. Ona  
ofotele ai lea o i latou uma,  
ma vivii atu i le Atua, ua  
faapea, Ua tatou faatoa iloa  
nei o mea faapena!

Ua toe alu ane ia i gatai, 13  
ona o mai lea le motu o  
tagata uma ia te ia, ona  
aao atu lea o ia ia te i  
latou. O loo maliu ane ia 14  
ona silasila lea o ia ia Levi  
o le atalii o Alefaio, o nofo i  
le taliga a telo, ona fai atu  
lea o ia, Mulimuli mai ia ia  
te au. Ona tulai lea o ia  
ma mulimuli atu ia te ia.  
O loo taumafa Iesu i lona 15  
fale, e toatele foi telona ma  
e agasala ua aai faatasi ma  
ia ma ona soo; e toatele foi  
e na mulimuli atu ia te ia.  
O loo vaai atu le au failau- 16  
tusi ma le au faresaio ia te  
ia, o loo taumafa faatasi ma  
telona ma tagata agasala,  
ona latou fai atu lea i ona  
soo, Se a le mea e 'ai ai ia  
ma inu faatasi ma telona ma  
e agasala? Ua lagona i ai 17  
Iesu, ona fai atu lea o ia ia  
te i latou, E le aoga le fo-  
mai i e o malolo, na o e  
mama'i; na ou le sau e va-  
laau atu i e agatonu, a o e  
agasala ina ia salamo.

O loo faapā'upā'u le au 18  
soo o Ioane, ma soo o le au

faresaio o le mea lea ua latou  
o ane ai ma fai atu ia te ia,  
Se a le mea e faapā'upā'u ai  
soo o Ioane ma o le au  
faresaio, a o ou soo e le  
19 faapā'upā'u i latou? Ona  
fai atu lea o Iesu ia te i  
latou, Pe mafai ea tagata o  
le faatoafaiavā ona faa-  
pā'upā'u manu o ia te i  
latou le faatoafaiava? Latou  
te le mafai ona faapā'upā'u  
manu o ia te i latou le faa-  
20 toafaiava. A e peitai e oo  
i ona po e aveeseina ai le  
faatoafaiava ia te i latou ona  
latou faapā'upā'u ai lea i na  
21 ona aso. E leai foi se tasi  
e su'isu'i i se fasi ie fou i le  
ofu tuai; a faapea, e saeia  
le ofu tuai i le ie fou, ona  
22 atili ai lea le masaesae. E  
le liligi foi e se tasi le uaina  
fou i fagupa'u tuai, a faapea,  
e masaa ai le uaina, e mau-  
mau ai fagu pa'u, a e peitai  
a liligi ai le uaina fou i fagu  
pa'u fou e tatau ai.  
23 I le tasi aso, o le aso sa  
foi, ua maliu ane ai ia i  
lotoā saito, ona tau lea ona  
soo i fua o le saito ina o  
24 savavali. Ona fai atu la  
lea o le au faresaio ia te ia,  
Faauta, se a le mea latou te  
fai ai i le mea e sa ona fai i  
25 le sapati? Ona fai atu lea  
o ia ia te i latou, ua outou  
le faitau lava ea le mea na  
faia e Tavita ina ua leai ni  
ana mea, ua fia aai foi ia  
atoa ma i latou sa ia te ia,  
26 Ina ua ulu atu o ia i le fale  
o le Atua (i le augā tagata  
o Aviata le ositaulaga sili)

ua ia 'ai ai foi i le areto e laulauina i luma, ma avane foi i esa ia te ia? O le mea foi e sa ona 'ai ai o se tasi, na o le ositaulaga lava. Ua 27 ia fai atu foi ia te i latou, ua faatuina le aso sa ona o tagata, ua le faia tagata ona o le aso sa. Lenei ia, o le 28 Atalii o le tagata, o le Alii lava lea o le aso sa.

### O LE MATAUPU III.

*Ua tofia le toatinoagafulu ma le toalua.*

U A toe ulu atu ia i le 1 sunako, sa i ai foi le tasi tagata ua gase lona lima. Ona latou lamalama 2 lea ia te ia, pe na te faamaloloina i le aso sa, ina ia latou tuua'i ai ia te ia. Ua 3 fai atu foi ia i le tagata lima gase, Ina tulai mai ia. Ona fai atu lea o ia ia te i 4 latou, Pe tatau ea le agalelei i le aso sa, poo le agaleaga; le faaola poo le fasioti? A o i latou ua faalologo. O 5 loo feliuliuai ia ma silasila atu ia te i latou ma le toasa, ina ua tiga o lona finagalo, aua o latou loto ina maaa. Ona fai atu lea i le tagata, Ina faaloaloa ia i lou lima. Ona faaloaloa lea o ia i lona lima, ona liua lea, ua malolo, (ua pei o le tasi.) Ona o i fafo lea o le au 6 faresaio, ua fai loa la latou fono ma le itu aiga o Herotia ia te ia, ina ia latou fasioti ai ia te ia.

7 A o Iesu, ua toe foi atu ia ma ona soo i tai, ua mulimuli atu foi ia te ia le motu o tagata e toatele, mai Kailaia, atoa ma Iutaia, Mai Ieruselema, atoa ma Itumaia, ma nuu e latalata ane i Ioritana, atoa ma lo le itu o Turio ma Saitonu, e toatele lava na toloa'i atu ia te ia, ina ua latou iloa ia mea 9 uma sa na faia. Ua fai atu foi ia i ona soo ia latou siliili i se vaa ma talitali mai ai ia te ia, aua o le motu o tagata ina ua fetaomi mai i 10 latou ia te ia. Aua e toatele na ia faamaloloina, o lea ua fetaomia'i ai ia te ia e na maua e ma'i tele ina ia 11 latou papai atu ia te ia. O agaga leaga foi, ina ua latou iloa atu ia te ia, ua ifo i ona luma, ma alalaga atu, ua faapea atu, O oe lava o 12 le Atalii oe o le Atua. A ua matua vavao atu ia te i latou, aua nei latou faaalua o ia. 13 Ua maliu ae ia i luga o le mauga, ona valaau atu lea i e ua ia finagalo i ai, ona latou o mai foi lea ia te ia. 14 Ona tofia lea e ia le toatinoagafulu ma le toalua, ina ia latou faatasi ma ia, ia na auuina atu i latou e tala'i atu 15 ai; Ina ia tuuina atu foi le pule ia te i latou, latou te faamalolo ai ma'i, ma tutuli 16 ai foi temoni. O Simona, ua ia faaigoa i ai o Peteru; 17 Ma Iakopo le atalii o Sepe-taio, ma Ioane le uso o Iakopo; ua ia faaigoa foi ia te i laua o Poaneki, (o lona

faamatalaga lea, o Tagata  
Faititili;) Ma Aneterea, 18  
ma Filipino, ma Patolomaio,  
ma Mataio, ma Toma, ma  
Iakopo le atalii o Alefaio,  
ma Tataio, ma Simona o le  
Kanana, Ma Iuta le Sekara, 19  
o le na faalataina ia, ua o  
atu i latou i le fale.

Ona toe potopoto mai lea 20  
o le motu o tagata ia te ia,  
ona latou lemafai ai lea ona  
'aai ai ni a latou mea e 'ai.  
Na iloa e lona aiga le tala 21  
ia te ia, ona latou o atu ai  
lea e pue ia te ia; aua na  
latou faapea ane, O le faa-  
valea ia. A o le au failau- 22  
tusi mai Ierusalem, ua faa-  
pea atu i latou, O ia te ia  
Pelesepulu, o le taitai foi ia  
o temoni e tuli ai e ia te-  
moni. Ua valaau atu foi 23  
ia ia te i latou, ma fai atu i  
ai i upu faataoto, E mafai  
faapefea e Satani ona tuli ai  
Satani? Afai foi e fevae- 24  
vaea'i se malo, e le mafai  
ona tumau lena malo. Afai 25  
e fevaevaea'i le aiga, e le  
ma tumau foi lena aiga. A 26  
o Satani, afai e tetee atu e  
ia ia ia, ma fevaevaea'i ia,  
ona le ma tumau ai lea o ia,  
a ua oo i lona iuga. E leai 27  
se na te mafaia ona ulu atu  
i le fale o le tagata malosi,  
ma vete ai i ana mea sei ia  
lua'i noanoatia le tagata  
malosi, ona mafai ai lea ona  
vete lona fale. E moni la'u 28  
e fai atu nei ia te outou, e  
aveeseina agasala uma e faia  
e tagata, atoa ma upu faifai  
uma, latou te faifai ai; A 29

e peitai o lē faifai i le Aga-  
ga Paia, e leai lava se ave-  
esega o ana agasala, a le tu,  
a le tu lava; a e peitai e ta-  
tau ia te ia le sala o le oti  
30 faavavau. Na ia faapea  
atu, auā na latou fai mai o  
ia te ia le agaga leaga.

31 E i ai ona o mai ona uso  
ma lona tina, ua tutu i fafo  
ma feau atu ia te ia e valaau  
32 atu ia te ia. O loo o vaga-  
vagaiina ia e le motu o ta-  
gata, ua latou fai ane foi ia  
te ia, Faaute o lou tina ma  
ou uso, o la i fafo, o sailiili  
33 ia te oe. Ona tali atu lea o  
ia ia te i latou, ua faapea  
atu, o ai ea lo'u tina? O  
34 ai foi ea o'u uso? Ona fe-  
vaavaai ai lea ia i e o nonofo  
mai i ona tafatafa, ma faa-  
pea atu ai, Faaute i lo'u ti-  
na ma o'u uso! Auā o lē  
35 fai i le finagalo o le Atua,  
o lo'u uso lea, ma lo'u tua-  
fafine, ma lo'u foi tina.

#### O LE MATAUPU IV.

*O le faataoto o le tagata lulu  
fua, ma lo le fua o sinapi.*

1 **U**A toe amata e ia ona  
aoao atu, e latalata i le  
sami, ua potopoto mai le  
motu o tagata e toatele ia te  
ia; ona maluu a'e lea o ia i  
luga o le vaa ma nofo ai i  
tai, a o i ai le motu uma o  
tagata i gauta e latalata i le  
2 sami. E tele ana upu faa-  
taoto na ia aoao atu ai ia te  
i latou, ua faapea atu foi ia  
3 i lana aoaoga. Ina faalogo-

logo mai ia outou, faauta, o le tagata lulu fua, na alu atu ia e lulu ai i fua. O loo 4 lulu ai, ona pa'u lea isi i le au ala, ona felelei mai lea o manu felelei, ua aai ai. Ua 5 pa'u foi isi i le mea papa, o itiiti lava le eleele i ai; ona tupu lise lea ia, aua o le eleele ina itiiti. Ua alu a'e 6 le la, ona muina ai lea, ina ua leai sona tafu'e, ua mago ai foi ia. Ua pa'u foi isi i to- 7 tonu o le vao tuitui, ua tutupu a'e le vao tuitui, ona matua filia lea ia, e lei fua mai foi ni ona fua. Ua pa'u foi 8 isi i le eleele lafulemu, ua fua mai, ua tutupu atili, tai tolu sefulu i le fua e tasi, tai ono sefulu, tai tasi le selau. Ua ia fai atu foi, o le 9 e ona taliga e faalogo ai, ina faalogo mai ia o ia.

Ua toatasi ia, ona fesili- 10 sili ane lea ia te ia o e ua latalata i ai, atoa ma le toatinogafulu ma le toalua, i le faataoto. Ona fai atu lea o 11 ia ia te i latou, ua tuuina atu ia te outou ina ia outou iloa ia upu lilo o le malo o le Atua; a o i latou o i tua, o loo fai atu i mea uma ia te i latou i upu faataoto: Ina 12 ia latou le iloa o mea latou te matua vaavaai i ai; ina ia latou le lagona foi, i mea latou te matua faalogologo i ai, ina nei liua i latou ma mauai le aveesega o sala. Ua ia fai 13 atu foi ia te i latou, Tou te le o iloa ea lenei faataoto? Pe faapefea ona outou iloa o faataoto uma?

14 O le lulu fua, e lulu ia i 15 le upu. O i latou ia i le au ala e luluina i le upu, a latou faalogo; ona alu atu lea o Satani ma fao i le upu na 16 luluina i o latou loto. E faapea foi ia na luluina i le mea papa, o i latou ia na faalogo i le upu, ona tali loa lea 17 i ai, ma le fiafia. A e peitai, ua leai se tafu'e i totonu ia te i latou, e puupuu lo latou taofi; pe a tupu le puapua po le sau'a ona o le upu, ona latou suai ai lea. 18 O ia foi sa luluina ai i le vao tuitui, o i latou ia e na faa- 19 logo i le upu, O le loto popole foi i mea a le lalolagi, ma le faatautala o le oa, ma le loto tele i le fiafai mea eseele, na fili ai le upu, ona ia lea ina le fua mai. 20 O ia foi na luluina ai i le eleele lafulemu, o i latou ia e na faalogo i le upu ma tali atu i ai, ma fua mai tai tolugafulu o isi i fua, tai ona sefulu, tai selau foi o isi. 21 Na fai atu foi ia ia te i latou, E au mai na ea se lamepa ina ia tuuina ai i lalo o le ato laau, poo i lalo o le moega? E le faatuina ea ia i luga o le tuuga a lamepa? 22 Aua e leai se mea lilo e le faaaliina; e leai foi se mea e natia, a e faailoa uma. 23 O le e ona taliga e faalogo, ina faalogo mai ia o ia. 24 Na ia fai atu foi ia te i latou, Ia outou, i a outou e faalogo ai: o le fua tou te fua atu ai, o le fua lea e toe fuaina mai ai ia te outou; o

outou o e faalogo, e faaopo-  
opoina ia te outou. Aua o lē 25  
ua i ai mea, e avatua pea ia  
te ia; a o lē e leai ni mea, e  
aveeseina le mea ua maua.

Ua ia fai atu foi, o le 26  
malo o le Atua ua faapei o  
le tagata na na lafoina atu  
o fua i le eleele. Ua moe 27  
foi ia i le po, ma ala i le  
ao; ua totago a'e le fua,  
ma tutupu, ua le iloa foi e  
ia le uiga o lona tupu a'e;  
Aua ua tupu fua ia i le ele- 28  
ele; e muamua ona lau,  
ona oo lea i lona fuga mai,  
mulimuli ane foi le fua ma-  
tua i le fuga. A otātā ona 29  
fua, ona selesele lea, aua ua  
oo i le seleselega.

Ua fai atu foi ia: o le ā 30  
tatou te faatusaina ai le  
malo o le Atua, se a foi le  
faataoto tatou te faataoto i  
ai? O loo o faapei o se fua 31  
sinapi ia; a saaluu ina ia i  
le eleele, e sili ona la itiiti i  
fua uma e tutupu i le eleele.  
Pe a luluina ia ona tupu ai 32  
lea, ua avea foi ma laau tele,  
ua sili i laau puupuu uma,  
ua fai ona la tetele foi, e  
mafai ai manu felelei ona faa-  
paolo ai i lalo ifo i lona  
paolo.

Na ia fetalai atu foi i le 33  
upu ia te i latou i upu faa-  
taota faapea e tele, e pei ona  
latou lavā ona tali atu i ai.  
E leai foi se upu na ia tau- 34  
tala atu sa'o ia te i latou; a  
e peitai na ia faamatalatala-  
ina mea uma i ona soo i  
tua.

I lea aso, ua oo i le afiafi, 35

ona fai atu lea o ia ia te i  
latou, ina tatou o atu ia i le  
36 tasi itu. Ua latou tuua le  
motu o tagata, ua i le vaa  
ia, ona latou avea lea o ia,  
ua faatasi foi ma i latou isi  
37 vaa iti. Ona tupu lea o le  
afā, o le matagi tele naua;  
ona laai mai ai lea o peau i le  
38 vaa, ua tumu ai lava. O loo  
i ai Iesu i le taumuli o le vaa,  
o loo moe i le aluga; ua la-  
tou fafagu foi ia te ia, ma fai  
atu i ai: Le aoso e, e te le  
manatu mai ea ia te i matou  
39 a fano? Ona tula'i lea o ia  
i luga ma ia vavao atu i le  
matagi, ma fai atu foi i le  
sami, Faalologo ia, ina soia  
ia. Ona mate lea o le ma-  
tagi; i le, ua matua malu.  
40 Ona fai atu lea o ia ia te i  
latou, Se a le mea tou te po-  
pole ai faapea? se a le mea  
tou te lē faatuatua mai ai?  
41 Ona matua matatau lava lea  
o i latou, ma felafolafoai a  
latou upu. Fai poo ai lenei,  
o faalogo lava le matagi ma  
le sami ia te ia?

## O LE MATAUPU V.

*O le fanaega a temoni, na  
uhitino ina ai le lafu puaa.*

1 **N**A o ane i latou i le itu  
tala atu o le sami, i le  
fanua o le nuu o Katara.  
2 Ua alu atu ia na i le vaa,  
ona fetalai lea ma ia le tasi  
tagata mai le atutuugamau  
o ia te ia le temoni leaga,  
3 sa nofo i tuugamau; E lē  
mafai foi se tasi ona noa-

noatia o ia i maea uamea. Aua na noanoatia soo ia i 4  
maea uamea, e fusi ai lima ;  
atoa ma maea foi e fusi ai  
vae ; na motumotusia foi  
e ia maea o lima, na tui-  
palaina foi maea o vae ; e  
leai foi se na ia mafaia  
ona faalata ia te ia. O loo 5  
i ai pea lava i tuugamau,  
ma mauga i le po ma le  
ao ; o loo alaga, ma selei  
ia ia te ia i maa. Ua iloa 6  
e ia Iesu, o loo mamao, ona  
momo'e atu lea ma punou  
ia te ia, Ua alaga atu foi 7  
ma le leo tele, ua faapea  
atu, Se a lāu na ia te au nei,  
Iesu e, le Atalii o le Atua  
maualuga silisili ? o'u te  
aioi atu ia te oe ona o le  
Atua, aua e te faatiga mai  
ia te au. Aua sa fai atu ia 8  
ia te ia, Sau ia i fafo i le  
tagata, o oe na le agaga  
leaga. Ua fesili atu ia ia te 9  
ia, Poo ai lou igoa ? Ona tali  
mai lea o ia, ua faapea mai, O  
Lekeono lo'u igoa, aua e toa-  
tele i matou. Ua matua 10  
aioi atu foi o ia ia te ia ina  
ia na le tulieseina i latou i  
lea nuu. O loo i ai foi le 11  
lafu puaa e tele, o loo o  
tataa i luga o le mauga. Ua 12  
aioi atu foi temoni ia te ia,  
ua faapea atu, Ia e aauina  
atu ia te i matou i le lafu  
puaa, matou te uluitino ai.  
Ona tuu ane lea e Iesu i ai. 13  
Ua o ane i fafo agaga leaga  
ona uluitino lea i puaa ; ona  
feosofi ifo ai lea o le lafu  
uma (pe atoa le lua o afe)  
i le mato, i le sami ; ona

malelemo uma ai lea i le  
14 sami. Ona sosola lea e sa  
fagaina puaa, ma faailoa  
atu ai i le aai, ma ona faoa  
aai ; ona latou o atu lea e  
vaai atu i le mea na faia.  
15 Ua latou o mai foi ia Iesu,  
ma vaavaai ia te ia sa i ai le  
temoni, sa i ai foi le Leke-  
ono, o loo nofo i lalo, ua  
ofu ma atamai, ona latou  
16 matatau ai lea. O e na ilo  
atu, na latou faailo ane ia  
te i latou i le uiga o le mea  
na faia i le na uluitinoia,  
17 ma le lafu puaa. Ona amata  
ai lea o i latou e aioi atu ia  
te ia ina ia alu ese atu ia i  
18 lo latou nuu. Ua maliu ane  
ia i le vaa, ona aioi atu lea  
ia te ia lē na i ai temoni ina  
19 ia la faatasi ma ia. A o  
Iesu ua le mafai, a e peitai  
ua fai atu i ai, Alu atu ia  
oe i lou fale, ma lou aiga,  
ma ia e faailo atu ia te i  
latou, i mea tetele na faia e  
le Atua ia te oe, ma lona  
20 alofa ia te oe. Ua alu foi  
ia ma na faasalalauina solo  
i Tekapoli mea tetele na  
faia e Iesu ia te ia, ona ofo  
ai lea o tagata uma.  
21 Ua toe foi atu Iesu i le  
vaa i le tasi itu, ona potopoto  
mai lea o le motu o  
tagata e toatele ia te ia, o  
loo o latalata ane ia i le  
22 sami. Faauta foi o le tasi  
matai o le sunako, ua sau, o  
Iaeiro lona igoa, ua na iloa  
o ia ona punou ifo ai lea i  
23 tafatafa o ona vae. Ua ia  
matua aioi atu foi ia te ia,  
ua faapea atu, O le ā oti nei



si o'u afafine itiiti, ina e  
maliu atu, ma ia e faaee i ou  
aao i luga ia te ia e malolo  
ai, ma ola ai ia. Ona la 24  
maliu atu lea ma Iesu, o  
mulimuli atu foi i ai le motu  
o tagata e toatele, ma latou  
fetaomi lava ia te ia.

O le tasi fafine foi, o loo 25  
ma'i, o le puna toto lona ma'i,  
ua atoa le sefulu ma le lua  
ona tausaga. E tele foi 26  
mea na ia tiga ai i foma'i e  
toatele. Na uma foi ona  
oloa ona avatua ia te i latou,  
ua leai lava se aoga ia te  
ia, a e peitai ua tupu pea  
lona ma'i. Ua iloa e ia o 27  
Iesu, ona sau lea ua alo mai  
i tua, i totonu lava o le  
motu o tagata. Ua pa'i ane 28  
i lona ofu; aua na faapea  
ifo ia ia te ia, Afai ou te  
pa'i atu i lona ofu, ona ou  
malolo ai lea. Ona utu loa 29  
lea o lona puna toto; ona  
iloa lea o lona tino ua faa-  
maloloina ia i lona ma'i  
leaga. Na silafia loa e Iesu 30  
i totonu ia te ia, ua mavae  
sina ona mana ia te ia, ona  
faasaga lea o ia i le motu o  
tagata, ma fai atu i ai, Poo  
ai ea na na pa'i mai i o'u  
ofu? Ona fai atu lea ona 31  
soo ia te ia, Ua e silafia le  
solo a tagata, o loo fetaomi  
mai i latou ia te oe, e te fai  
mai foi Poo ai na pa'i mai  
ia te au? Na fevaavaai ai 32  
foi ia ina ia silafia e ia lē na  
faia lea mea. Ona alu ane 33  
lea o le fafine, ma le mata'u  
ma le gatete, aua ua na  
iloa le mea na faia ia te ia,

ona punou lea o ia i ona  
luma ma ta'utino atu i ai o  
34 mea uma. A ua fai atu ia  
ia te ia, Lou afafine e, ua  
e ola oe i lou faatuatua; ina  
alu ia oe ma le manuia, ma  
ia e malolo i lou ma'i tele.  
35 O loo o fetalai atu ia, ua oo  
mai isi mai le taitai o le  
sunako, ua faapea mai, Ua  
oti lou afafine, se a le mea  
e te faatiga ai pea i le aao?  
36 A o Iesu ina ua faafofoga i  
le tala ua ta'uina mai ai, ona  
fai atu lea o ia i le taitai o  
le sunako, Aua e te matau;  
tau lava ina e faatuatua.  
37 Ua vavao atu ia i tagata  
uma, aua latou te mulimuli  
ia te ia, na o Peteru, ma  
Iakopo, ma Ioane le uso o  
38 Iakopo. Ua oo i le fale o  
le taitai o le sunako, ona  
silafia lea e ia o le lau aitu,  
ma e o taufaitagi, ma e o  
39 taufai aue tele. Ua ulu atu  
ia, ona faapea atu lea, ia te  
i latou, Se a le mea ua outou  
faapea ai, ma outou feta-  
gisi ai? E le oti le teine, a  
40 o moe. Ona latou faatau-  
emu ai lea ia te ia. A o  
ia ua ia tulia i latou uma i  
falo, ona taitai ane lea i le  
tama o le teine atoa ma lona  
tina ma e na o mai ma ia, ua  
ulu atu foi i le mea o loo  
41 taoto ai le teine. Ona tago  
ifo lea o ia i le lima o le  
teine, ma fai atu ia te ia,  
Talita kumi; (o lona faama-  
talaga lea, Funa e, ou te fai  
atu ia te oe, ia e tula'i.)  
42 Ona tula'i loa lea o le teine  
ua savali, auā ua sefulu ma

le lua ona tausaga; ona matua tete'i lea o i latou. Ua vavao lava ia ia te i 43 latou, ne'i latou ta'uina atu i se tasi; ma na fai atu foi, ia avatua ia te ia sina ana mea e ai.

## O LE MATAUPU VI.

*Ua fauina atu le au Apose-  
tolo: o le fasiga o Ioane le  
Papatiso.*

**N**A tuua e Iesu lea mea, 1 ma alu ane i lona lava nuu; na mulimuli atu foi ona soo ia te ia. Ua oo i 2 le aso sa, ona afua lea o ia i lana aoaoga i le sunako, ua ofo ai foi e toatele o e na faalogo i ai, ua faapea atu, Maifea ua maua ai e lenei tagata ia mea? Se a foi lenei poto ua tuuina atu ia te ia, ina ua faia e ona lima vavega faapea? E le 3 o le tufuga ea lenei, le tama a Maria, le uso o Iakopo, ma Iose, ma Iuta, ma Simona? E le o iinei foi ea ia te i tatou ona tuafafine? ona latou tausuai ai lea ia te ia. A o Iesu, ua fai atu 4 ia ia te i latou, e leai se perofeta e mamafi ina o i lona lava nuu, ma i lona aiga, ma i lona fale. Ona 5 le mafai lea e ia ina fai se vavega i lea mea, na o nai tagata mama'i e toaititi na ia faaee i ona lima i luga ia te i latou, ma faamaloloina ai. Ua ofo foi ia, i lo latou 6

le faalogo, ua maliu solo foi i faoa aai i ona tala ane, ma aao atu i ai.

- 7 Ua valaau atu ia i le toatinoagafulu ma le toalua, ona aau atu lea ia te i latou, tai toalua, ua ia tuu atu foi ia te i latou i le pule i agaga
- 8 leaga; Ma na poloai atu ia te i latou, Aua latou te ave i se mea ma la latou malaga, tau lava o le tootoo e tasi, aua se taga, aua ni mea e ai, aua foi le tupe i o
- 9 latou tali sela, Na o see vae; aua foi le tai lua o
- 10 latou ofu e ofu ai. Na fai atu foi ia ia te i latou, e iloga le mea tou ulu atu ai i le fale, ia outou nonofo pea i ai sei ia outou o ese
- 11 atu ai. O e lē talia foi outou, ma lē faalogo ia te outou, a tou te o ese, i le tou tūtū atu ai i le eleele ai outou vae, e fai ma faailoga ia te i latou: e moni ou te fai atu ia te outou, e faifai feoloolo Sotoma ma Komora, i le aso faamasino, i lea aai.
- 12 Ona latou o atu ai lea ma tala'i atu ina ia latou salamo.
- 13 E tele foi temoni na latou tulia, e toatele foi o e ua mama'i ua latou faau'u i ai i le suā u'u, ma faamaloloina.
- 14 Ua iloa e le alii o Herota (aua ua faasalalauina lona suafa) ona fai ane lea o ia, Ua tula'i o Ioane le papatiso nai e na oti, o le mea lea ua fai ai e ia o mea mamana.
- 15 Ua fai ane isi, O Elia lenei; a o isi, ua faapea ane, O le

perofeta ia, pe faapei o se  
tasi o le au perofeta. A o 16  
Herota ua na iloa, ona fai  
ane lea, O Ioane lenei sa'u  
tutia lona ulu; ua toe tula'i  
ia nai e na oti. Aua sa fe- 17  
auina e Herota le feau e pue  
ia Ioane, ma noanoa ia te ia  
i le fale puipui, ona o Hero-  
tia le avā a Filipino o lona  
uso, ina ua fai o ia ma ana  
avā. Aua sa fai atu Ioane 18  
ia te ia, E le tatau ina e fai  
avā i le avā a lou uso. O 19  
lea ua ita ai Herotia ia te  
ia, na loto foi ia e fasi oti  
ia te ia, a e le mafai; Aua 20  
ua mata'u Herota ia Ioane,  
ina ua iloa o le tagata aga-  
tonu o ia, ma le paia; sa  
maunau foi ia ia te ia, ma  
faalogo foi i ai, ma na ana-  
ana lelei i ai, ma faalogo ia  
te ia ma le fiafia. Ua oo i 21  
ona aso e tatau, o le aso foi  
e fai ai le faamanatuga o  
lona fanauga, na fai ai e  
Herota le faiga'ai tele'i ona  
uso alii, ma alii totoa, ma  
matai sili o Kalilaia. Ua 22  
ulu fale foi le tamā teine a  
Herotia ma saa, ma faafiafia  
ai ia Herota, atoa ma e sa  
alaala ma ia; ona fai atu ai  
lea o le alii i le teine, Ia e  
fai mai ia te au i se mea e  
te loto i ai, ou te avatu lava  
ia te oe: Ua ia augani foi 23  
ia te ia, E iloga le mea e te  
ole mai ai, ou te avatua la-  
va, sei ia oo lava i le vaelu-  
aga lemu o lo'u malo. Ona 24  
alu ane lea o ia i fafo, ma  
fai atu i lona tina, Se a le  
mea ou te ole atu i ai? ua

fai mai foi ia, O le ulu o  
25 Ioane le papatiso. Ona ulu  
fale loa lea o ia i le mea o i  
ai le alii, ua tele lise, ma  
ole atu ia te ia, ua faapea  
atu, Ou te loto ina e au mai  
nei lava le ulu o Ioane le  
26 papatiso, i se tanoa. Ona  
tiga tele ai lea o le finagalo  
o le alii: ona o lana augani,  
ma i latou o alaala ma ia,  
ua ia le mafai ona faafiti atu  
27 ia te ia. Ua feau loa foi le  
alii i le tasi fitafita, ua fai  
atu i ai, Ina au mai ia i lona  
ulu; ona alu ai lea o ia, ma  
tutū mai i lona ulu i le fale  
28 puipui. Ua ia au mai foi  
i lona ulu i le tanoa, ua ava-  
ne i ai i le teine; ua avatu i  
ai foi le teine i lona tina.  
29 Ua iloa e ona soo, ona o ane  
lea o i latou, ma ave i lona  
tino, ma tuu i ai i le tuuga-  
mau.  
30 Ua potopoto uma mai le  
au aposetolo ia Iesu, ua la-  
tou faailo atu foi ia te ia i  
mea uma, o mea na latou  
faia, ma mea na latou aoao i  
31 ai. Ona fai atu lea o ia ia  
te i latou, Ina o mai ia, tau  
lava o i tatou, i le mea tuu-  
fua, sei tou mapu ae teisi;  
aua e toatele e na feoai ai ia  
te i latou, na le ma fai ai i  
32 latou ona aai. Ona latou o  
lemu atu ai lea i le vaa i le  
33 mea tuufua. A o le motu  
o tagata, o e na vaai atu ia  
te i latou ina o ane, na iloa  
foi o ia e le toatele, ona  
latou taufetuli atu ai lea  
mai aai uma, ua ui i uta,  
ua muamua ia te i latou;

ua toloa'i mai ia te ia. Ua 34  
ulu ane Iesu, ua silafia le  
mou tagata e toatele, ona  
mutimuti alofa atu lea ia  
te i latou, aua o loo o faa-  
pei o mamoe i latou e leai  
se na te leoleoina; ona aoao  
atu lea o ia ia te i latou i  
mea e tele.

Ua leleva le ao, ona o 35  
mai ai lea ona soo ia te ia,  
ua faapea atu ai, O le mea  
tuufua lenei, ua leleva foi le  
ao: Ina e aaui atu ia te i 36  
latou ina ia latou o atu i  
faoa aai ma aai o tala ane,  
ma faatau ai i ni a latou mea  
e ai, aua ua leai sa latou mea  
e aai ai. A ua tali atu ia 37  
ia te i latou, ua faapea atu,  
Ina avatu ia outou ia te i  
latou, latou te aai ai. Ona  
latou fai atu foi lea ia te ia,  
A matou o ea ma faatau ni  
mea e ai e tusa ma tenari e  
lua selau, ma avatu ai ia te  
i latou? Ona fai atu ai lea 38  
o ia ia te i latou, Pe fia a  
outou areto? ina o ia sei ilo-  
ilo ai; Na latou iloa, ona  
fai atu ai lea, E lima, ma  
i'a e lua. Ona fai atu lea o 39  
ia ia te i latou, ina ia latou  
tofi vasega i tagata uma, ma  
faataoito ai ia te i latou i  
luga o le mutia. Ona ta- 40  
oito ai lea o i latou i vasega,  
tai toaselau, ma tai toali-  
magafulu. Ona tago lea o 41  
ia i areto e lima, ma i'a e  
lua, na ia tepa a'e i le lagi,  
ua faafetai, ona tofofi lea i  
areto ma avatu i ona soo,  
latou te avatu ai ia te i la-  
tou; ma i'a foi e lua, ua na

tufatufa atu i ai ia te i latou  
42 uma. Ona aai uma lea o i  
43 latou, ua maoona. Ua latou  
ave foi i ato e sefulu ma le  
lua, o tutumu i mea totoe,  
44 atoa ma i'a. O i latou na  
aai i areto, pe limagaafe o  
tagata.

45 Ona uunai atu lea o ia i  
ona soo ina ia latou o i le  
vaa, e muamua atu i le tasi  
itu o Petesaita, ina sei ia  
aauiina atu e ia le motu o  
46 tagata. Ua faamavae ia ia  
te i latou, ona maliu ane lea  
o ia i le mauga e talotalo ai.  
47 Ua oo i le afiafi, o loo i tai  
le vaa, ua mamao foi i tai;  
48 ua toatasi foi ia i uta. Ua  
silafia e ia i latou, o loo o  
taupati i le taufai alo, aua o  
loo agi taumua mai le ma-  
tagi; o i le itu po e fa, ua  
maliu atu ai ia ia te i latou,  
o loo o savali i luga o le  
49 sami, peiseai a alu ese. A  
o i latou ina ua iloa o ia o  
savali i luga o le sami, ona  
latou masalosalo ai lea, ai se  
aitu ia; ona latou tauala-  
50 laga ai lea. Aua ua latou  
iloa atu uma ia te ia, ua atu-  
atuvale ai; ona fetalai mai  
lea o ia ia te i latou, ua faa-  
pea mai, Soia le atuatuvalet;  
o au lenei, aua tou te mata-  
51 tau. Ona maliu a'e lea o ia  
i luga o le vaa ia te i latou,  
ona malū ai lea o le matagi;  
ona matua tete'i tele ai lea o  
52 i latou, ma ofo ai. Aua ua  
le manatunatu i le areto, ina  
53 ua maaa o latou loto. Ua  
latou o ane i le itu, o le  
fanua lea o Kenesereta, ua

latou tuūta atu i ai. Ua 54  
latou o atu nai le vaa, ona  
iloa lea o ia e tagata; Ona 55  
taufetuli mai ai lea o ilatou  
i lena oga nuu uma, ma au  
mai ai i e mama'i i luga o  
moega i mea na iloa e i  
latou o i ai ia. O mea uma 56  
na ia maliu atu i ai, poo  
faa aai, poo aai tetele, poo  
mea gaogao, ua latou tuu ai  
i e mama'i i malae, ma aoi  
atu ai ia te ia, ina ia latou  
papa'i ane ia te ia, tau lava  
o le pao o lona ofu; o e na  
papai foi ia te ia, na latou  
malolo ai uma.

## O LE MATAUPU VII.

*O le mea e leaga ai tagata, ma  
le faaolaina o isi tagata ma-  
ma'i.*

**N**A potopoto ane le au 1  
faresaiio ia te ia, ma nai  
isi o le au failautusi, o e na o  
mai mai Ieruselema. Na la- 2  
tou iloa nai isi o ona soo o loo  
'aai i latou ma o latou lima  
tataga, (o lea le lima tataga,  
o lima e le fafanoina) ona  
latou faaleaga atu ai lea.  
Aua o le au faresaiio, atoa 3  
ma Iutaia uma, e le 'aai i  
latou ina sei uma ona fafano  
lelei i o latou lima; o loo  
tausisi i latou i upu-tuu a le  
au matutua. A foi mai foi 4  
i latou mai le malae, pe afai  
latou te le fufuluina, ua le  
aai lava; o isi foi mea e tele,  
ua latou tali i ai, ma taofi i  
ai, o le fuluga o ipu ma ipu  
laau, ma ipu 'apa atoa ma

5 moega. Ona fesili ane lea  
o le au faresaiio ma le au  
failautusi ia te ia, Se a le  
mea e le usiusitai ai ou soo  
i upu-tuu a le au matutua,  
ina ua latou aai ma o latou  
6 lima e le fafanoina? Ona  
tali atu lea o ia ia te i latou,  
ua faapea atu, Ua tataua lelei  
le valoaga a Isaia na ia  
vavalo ai ia te outou tagata  
pepelo, o loo tusia mai, O  
loo vivii mai nei tagata ia  
te au i o latou laugutu, a o  
latou loto o loo avea mamao-  
7 lava ia te au. Ua faaleaoga  
foi la latou tapua'i mai ia te  
au, ma acao atu ai i poloai-  
8 ga a tagata. Aua ua outou  
tuua le poloaiga a le Atua,  
ma taofi i upu-tuu a tagata,  
o le fuluga o tanoa laau ma  
ipu, atoa foi ma mea eseece  
faapea e tele ua outou faia.  
9 Na fai atu foi ia ia te i latou,  
Ua faapea ona lelei o lo  
outou tuueseina o le poloai-  
ga a le Atua, ina ia outou  
10 taofi a outou upu-tuu. Auā  
na fai mai Mose, Usiusitai  
ia i lou tamā ma lou tina,  
ma lea, O lē fai upu leaga i  
lona tamā poo lona tina, ia  
11 matuā oti lava ia. A o outou  
ua fai mai, Afai e fai ane se  
tagata i lona tamā, poo lona  
tina, o au mea uma e aoga  
ia te oe, ua Kopano ia (o  
lona uiga, o le mea ua foai-  
12 ina.) Ua outou le toe tuu-  
ina ia te ia le faitalia, ina ia  
fai se mea aoga i lona tamā  
13 poo lona tina; Ma outou  
faaleaogaina le poloaiga a  
le Atua i a outou upu-tuu,

ua outou faatuina. O isi  
foi mea faapea e tele ua  
outou faia.

Ua valaau atu ia i le 14  
motu o tagata uma, ona fetai  
atu lea ia te i latou, Faalogo  
uma mai ia outou, ma  
ia outou iloa. E leai se 15  
mea o loo i fafo o le tagata  
e alu ane i totonu ia te ia e  
mafai ona leaga ai o ia ; a o  
mea e luai mai i totonu ia te  
ia, o mea ia e leaga ai le  
tagata. O le ua i ai taliga 16  
e faalogo ai ina faalogo mai  
ia o ia.

Ua alu ane ia i totonu 17  
o le fale, ua tuua i fafo  
le motu o tagata, ona fesi-  
sili ane lea ona soo ia te ia  
i le uiga o le faataoto na,  
Ona fai atu lea o ia ia te i 18  
latou, Tou te valelea faapea  
foi ea outou? Tou le iloa  
ea, o mea i fafo uma e alu  
ane i totonu o le tagata e lē  
mafai ia ona leaga ai o ia.  
Aua e le oo ia mea i lona 19  
loto, a o le manava ; e oo ane  
foi i fafo i le māliuga, o lea  
e tea ai o mea e'ai uma.  
Na fai atu foi ia, o le mea 20  
e sau ai totonu o le tagata,  
o mea ia e leaga ai le tagata.  
Aua mai totonu o le loto o 21  
le tagata o manatu leaga,  
o mulilua, o faitaaga, o fasi-  
oti tagata, O gaioi, o manu- 22  
manu, o le amio paaā, o le  
pepelo, o le mataaitu, o le  
mataua, o upu faifai, o le  
loto vii, o le valea. O ia 23  
mea leaga uma e luai mai  
mai totonu, ma leaga ai le  
tagata.

24 Na tuua e ia lea mea, ma  
alu ane i tuaoi o Turo ma  
Saitonu ; ua alu atu ia i to-  
tonu o le fale, ua finagalo  
foi ina ia le iloa o ia e se  
isi ; a e le mafaaliloina ia,  
25 Aua o le tasi fafine ua ului-  
tinoina lana tama teine e  
le agaga leaga, ua na iloa  
o ia, ona alu ai lea o ia ia  
te ia ma ifo atu i ona vae.  
26 (O le fafine Eleni ia, o le  
Surofoinikia) na faatoga atu  
ia te ia ina ia tulia i fafo le  
27 temoni i lana tama. A o  
Iesu ua fai atu ia te ia, Sei  
ia luai maona le au fanau ;  
aua e le tatau ina ave mea  
e'ai a le fanau, ma lafo i ai  
28 i maile. Ona tali mai lea o  
ia ia te ia, ua faapea mai,  
Alii e, moni a oe ; ona aai  
pea o maile i momo i mea  
iti a tama e pau ifo i lalo  
29 i le lao'ai. Ona fai atu ai  
lea o ia ia te ia, Ina alu ia ;  
ua te'a le temoni sa i totonu  
i lau tama teine, ona o lāu  
30 sa e fai mai na. Ona alu  
atu lea o ia i lona fale, ua  
maua atu ai lana tama teine  
o taoto i luga o le moega, a  
ua te'a le temoni.  
31 Ona toe tuua lea e ia le  
itu o Turo ma Saitonu, ua  
oo atu i le sami o Kalilaia ;  
na ui i le itu o Tekapoli.  
32 Na latou au mai ia te ia i le  
tasi tagata tutuli, ma le leo  
oolo ; ma aioi atu ia te ia ina  
ia faaee e ia ona aao i luga ia  
33 te ia. Ona taitai ese ane lea  
o ia ia te ia mai le motu o  
tagata, ua tuu foi ona ta-  
matamai lima i ona taliga,

ua feano ifo foi, ma pai ane  
i lona laulaufaiva. Ua si- 34  
lasila ae ia i le lagi, ma  
ga'ega'e loloa, ona ia fai  
atu lea ia te ia, Efato, o lona  
faamatalaga lea, ia to ina  
le puipui. Ona pūpū loa 35  
lea ona taliga, ma matala  
foi lona laulaufaiva, ona  
tautala lelei mai ai lea.  
Na ia vavao atu foi ia te i 36  
latou, ina ia latou le ta'u  
atu i ai i se isi; a e ui lava  
ina vavao ia ia te i latou, ua  
atili ai la latou faaali atu  
solo pea lava i ai; Ma faa- 37  
pea atu, ma le ofo ua ma-  
tuā tele, Ua malie lava ana  
mea uma sa fai; na ia faa-  
faalogoina e na tutuli, atoa  
ma e sa gūgū ua ia faagaga-  
naina.

## O LE MATAUPU VIII.

*Ua fagaina le Motu o tagata e  
Iesu.*

**O** IA ona aso ua toatele 1  
lava le motu o tagata,  
ua leai foi ni a latou mea e  
'ai, ona valaau atu ai lea e  
Iesu i ona soo ma fai atu ia  
te i latou, Ua tele lou alofa 2  
i le motu o tagata, aua ua  
aso tolu i latou ia te au, ua  
leai foi se mea ia te i latou,  
latou te 'aai ai; Afai foi 3  
ou te aaui atu ia te i latou i  
o latou aiga, ma le laina, e  
lailoa i latou i ala, aua e  
mamao mea na o mai ai isi  
o i latou. Ona tali mai lea 4  
ona soo ia te ia, Maifea e  
mafai ai se tasi ona faananea

ai ia te i latou i lenei mea  
5 gaogao? Ona fesili atu lea  
o ia ia te i latou, Pefia ni a  
outou areto? ona latou fai  
6 mai lea, e fitu. Ona fai atu  
foi lea o ia i le motu o ta-  
gata ina ia latou taoto i  
lalo i le fanua; ona tago lea  
o ia i areto e fitu, ma faafe-  
tai, ma tofosi, ma avane i ai  
i ona soo, latou te avatu i  
ai; ona latou avatu ai lea i  
7 le motu o tagata. Na i ai  
foi ni a latou i'a lau iti, ua  
ia faafetai foi ai, ma fai atu  
8 e avatua foi ia. Ona latou  
'aai lea ua maoona, ua ave  
foi i ato e fitu o tutumu i toe  
9 'aiga. O i latou foi na 'aai  
pe fa afe, na ia aaui atu foi  
ia te i latou.  
10 Na o loa foi o ia ma ona  
soo i le vaa, ua o ane i itu o  
11 Tamanuta, Ona o mai lea  
ia te ia, o le au faresaio, i  
le ua fesilisili ia te ia ma  
ole atu i se faailoga mai le  
lagi, o loo faaosooso i latou  
12 ia te ia. Ona ga'ega'e loloa  
lea o ia i lona agaga, ma  
faapea atu, Se a le mea o  
saili ai lenei tupulaga i le  
faailoga? E moni ou te fai  
atu nei au ia te outou, E  
leai lava se faailoga e ava-  
13 tua i lenei tupulaga. Ona  
tuu lea o ia ia te i latou,  
ona toe alu ae lea o ia i le  
vaa, ua alu atu i le tasi itu.  
14 O lenei ua galo ia te i  
latou ona ave ni mea e 'ai,  
ua na o le areto e tasi ua ia  
15 te i latou i le vaa. Na aoi  
atu foi ia ia te i latou ua  
faapea atu, Ia outou matuā

‘alo‘alo ese i le mea faafefete a le au faresaio, ma le mea faafefete a Herota. Ona latou fetautalatala‘i ai 16  
lea, ua faapea mai, Ona ua leai ni a tatou mea e ‘ai. Ua silafia e Iesu, ona fai atu 17  
ai lea o ia ia te i latou, Se a le mea tou te fetautalatala‘i ai, ina ua leai ni a tatou mea e ‘ai? ‘Tou te le iloa ea, pe tou te le manatunatu ea? ua maaa pea foi ea o outou loto? O ia te outou mata, 18  
tou te lei pupula ai ea? O ia te outou taliga foi tou te le lagona ai ea? e le faamanatunatu ea outou? Na au 19  
totofi o areto e lima i le lima o afe o tagata, ma ato o tutumu i toe aiga pe fia? Ona fai mai lea o i latou, e tasi le sefulu ma le lua. Atoa ma le fitu, i le fa o 20  
afe, ma ato o tutumu i toe aiga pe fia na outou fu‘e? ona latou fai mai lea E fitu. Ona fai atu lea o ia ia te i 21  
latou, pe faapefea ona outou le iloa?

Ua oo ia i Petesaita, ona 22  
latou au mai lea i le tauaso ia te ia, ma aioi ia te ia ina ia pa‘i ane ia ia te ia. Ona 23  
tago atu lea o ia i le lima o le tauaso, ma ta‘ita‘i ane ia te ia i fafo o le aai. Ua feanu foi ia i ona mata ona faaee lea o ia i ona lima i luga ia te ia, ma fesili atu i ai, poo ua na iloa se mea? Ua faasaga a‘e ona mata, 24  
ona fai mai lea o ia, ua ou iloa atu o tagata, ua faapei o laau o loo savavali. Ona 25

toe tuu atu lea o ia i ona lima i luga ona mata, ua faasagaina a‘e foi ona mata; ona lelei lea o ia, ua na iloa 26  
lelei foi o tagata uma. Ona au atu lea o ia ia te ia i lona aiga, ua faapea atu foi i ai, Aua e te alu ane i le aai, aua foi e te ta‘u i ai i 27  
se tasi i le aai. Ua o atu Iesu ma ona soo i aai o Kaisareia Filipi; o loo i le ala i latou, ona fesili atu lea o ia i ona soo, ua faapea atu ia te i latou, Pe se a le upu a tagata ia te au nei poo ai? 28  
Ona latou tali mai lea, O Ioane le papatiso; a o isi, O Elia; o isi foi, O le tasi o 29  
le au perofeta. Ona fai atu lea o ia ia te i latou, a o outou na, Se a la outou upu ia te au nei, poo o ai? Ona tali mai foi lea o Peteru ia te ia, ua faapea, O oe na o 30  
le Mesia. Ona vavao atu lea o ia ia te i latou, ina ne‘i latou ta‘u atu o ia i se tasi.  
31 Ona faatoa aoao atu lea o ia ia te i latou i mea e tele e tiga ai le atalii o le tagata, e tatau ai; e tetee o ia foi e le au matutua, ma le au faitaulaga sili, ma le au failautusi, e fasiotia foi; a mavae po e tolu, i le toe tumai.  
32 Na ia faaali tino lava i lena upu, ua ta‘ita‘i lemu ane Peteru ia te ia, ona vavao 33  
atu lea o ia ia te ia. A o ia ua liliu ese, ma silasila ane i ona soo, ona vavao atu lea o ia ia Peteru, ua faapea atu, Ina alu ia i o‘u tua



Satani; auā e te le loto atu i mea a le Atua, a o mea a tagata.

Ua valaau atu ia i le mo- 34  
tu o tagata, atoa ma ona soo,  
ona fai atu lea o ia ia te i la-  
tou, O lē loto e mulimuli  
mai ia te au, ina soia le usi-  
usitai o ia ia te ia, ia siitia  
e ia lona satauro ma muli-  
muli mai ai ia te au. Aua 35  
o lē fiasaogalemu lona ola,  
e faamaumau lea i ai, a o lē  
faamaumau i lona ola ona o  
au, ma le evagelia e ola ia i  
ai. Aua, se a le mea e aoga 36  
ai i le tagata, pe afai ua  
maua ia te ia le lalolagi  
uma, ma maumau ai lona  
ola? Poo leā foi le mea e 37  
togi ola a'i le tagata i lona  
ola? Lenei la, o lē mā ia 38  
te au, ma a'u upu i lenei  
tupulaga mulilua ma le aga-  
sala; e mā foi le Atalii o le  
tagata ia te ia, pe a sau ia  
ma ana agelu paia i le ma-  
malu o lona Tamā.

## O LE MATAUPU IX.

*O le liliu eseina o Iesu: O le  
tagata na uhaitinoia e temo-  
ni, ua faamaloloina.*

**N**A fai ane foi ia ia te i 1  
latou, E moni ou te fai  
atu nei ia te outou, o loo  
tutu mai nei isi, e le iloa e  
i latou le oti, sei ia latou  
vaavaai i le malo o le Atua  
ona oo mai ma le mama-  
na.

Ua mavae aso e ono, ona 2  
taitai lea e Iesu ia Peteru,

ma Iakopo, ma Ioane; ua  
ia taitai faalilolilo foi ia te i  
latou i luga o le tasi mauga  
maualuga, ua na o i latou  
lava; ua liua foi o ia i o la-  
3 tou luma. Ua pupula ona  
ofu, ua matua pa'epa'e lava  
ia, pei o le kiona; e leai foi  
se tagata ta ofu i le atu nuu  
uma na te mafaia ona faasi-  
4 nasina faapea. Na aliali  
mai foi ia te i latou o Elia  
ma Mose; na fetautalatala'i  
i latou, o i laua ma Iesu.  
5 Ona fai atu lea o Peteru ia  
Iesu, ua faapea atu, Rapi e,  
e lelei ina tatou nonofo pea  
iinei: ma matou faia ni api-  
taga se tolu; o le tasi mo  
oe, o le tasi mo Mose, o le  
6 tasi mo Elia. Aua na ia le  
iloa lana upu e fai atu ai;  
ina ua polepole vale i latou.  
7 Sa i ai foi le tasi ao ua ufi-  
tia ai i latou; ma le leo mai  
totonu o le ao, ua faapea  
mai, O lo'u atalii pele lenei,  
ina faalogo ia outou ia te ia.  
8 Ona fevaavaai a'i lea o i la-  
tou, ua le toe iloa foi se tasi,  
ua na o Iesu lava ma i la-  
tou.  
9 O loo o ifo i latou i le  
mauga, ona vavao atu lea o  
Iesu ia te i latou, Ne'i latou  
ta'u atu i se tasi o mea sa la-  
tou iloa, ai sei ia tumai le  
Atalii o le tagata nai e na  
10 oti. Ona latou taofi ai lea  
i lea upu, ma femasalosaloa'i,  
pe seā le upu i le tpe tu mai  
11 nai e na oti. Ona latou fe-  
siliisili atu lea ia te ia, ua  
faapea atu, Se a le mea e  
fai mai ai le au failautusi,

E muamua Elia ona sau? Ona tali atu lea o ia, ma 12  
fai atu ai ia te i latou, E moni e luai sau Elia, ma toe fuata'i mea uma; pei o le na tusia i le Atalii o le tagata, e tiga ia i mea e tele, e inosia foi ia. A ou 13  
te fai atu foi ia te outou, ua mavae Elia ona sau, na faia foi e i latou mea uma na loto i ai ia te ia, pei o lē na tusia foi ia te ia.

Ua maliu atu ia i ona 14  
soo, ona silasila atu lea i le motu o tagata e toatele, o i ai ia te i latou atoa ma le au failautusi, o loo fesili-silia'i ai ma i latou. Ua 15  
iloa ia e le motu o tagata uma, ona ofo tele ai lea o i latou, ma taufetuli atu ia te ia, ma alolofa atu i ai. Na 16  
fesili foi o ia i le au failautusi, Pe seā tou te fesili-silia'i ai ma i latou? Ona 17  
tali atu lea o le tasi o le motu o tagata, ua faapea atu, Le aoao e, ua o'u au mai i lo'u atalii ia te oe ua i ai le agaga faalegagana ia te ia; E iloga foi le mea 18  
e osofa'i ia ia te ia, ua lafotu ai ia ia te ia; ua fāuā le gutu, ua lilivau ona nifo, ua tino vale ai foi ia; ua uma foi ona a'u fai atu i ou soo ina ia latou tulia, a ua le lavā i latou. Ona tali 19  
atu lea o ia ia te ia, ua faapea atu, Le tupulaga faalogatā e! tatou te nonofo faatasi ma outou sei afea? ou te faapalepale atu foi ia te outou sei afea? ina au

20 mai ia ia te au. Ona latou taitai mai lea o ia ia te ia: ua na iloa o ia, ona faatafitia loa lea o ia e le agaga, i le ua pau ia i le eleele, ona taaflifili ai lea o ia, ma fāuā  
21 lona gutu. Ua fesili atu Iesu i lona tamā, Pe fia po talu ona maua ai o ia e le-nei? ona ta'u atu lea o ia,  
22 Talu ina o itiiti. Ua lafo soo foi ia ia te ia i le afi, atoa ma le vai, ina ia fano ai o ia; a e peitai, ai se mea e te mafaia, ina ia e alofa mai ia te i matou, ma ia e fesoasoani mai ia te i matou.  
23 Ona fai atu lea o Iesu ia te ia, Afai ua e mafaia ona faatuatua, e mafaia mea uma  
24 lava i lē faatuatua. Ona alaga atu loa lea o le tamā o le tama, ma loi mata, Le Alii e, ua o'u faatuatua lava; ia e fesoasoani i lo'u  
25 faatuatua itiiti. Ua silafia e Iesu o loo taufetuli solo mai le motu o tagata, ona vavao atu lea o ia i le agaga leaga, ua faapea atu ia te ia, O oe na, le agaga gūgū ma tutuli, ou te fai atu nei au ia te oe na, ina e sau i fafo ia te ia, aua foi e te toe  
26 alu i totonu ia te ia. Ona alaga lea o le agaga, ma faatafiti tele ia te ia, ona sau lea i fafo; ona liua lea o ia peiseai ua oti; ona fai mai lea o e toatele, ua oti lava  
27 ia. A o Iesu ua tago ifo ia i lona lima, ma faatu ia te ia, ona tulai lea o ia.  
28 Ua maliu ane Iesu i le fale, ona fesili lemu lea ona

soo ia te ia, Se a le mea na matou le mafai ai ona tulia o ia? Ona fai atu lea o ia 29 ia te i latou, E le mafai ona alu atu mea faapea, na o le tatalo ma le faapā'upā'u e mafai ai.

Na tuua foi e i latou lena 30 mea ma o ese, ua ui ane i Kalilaia; o lona finagalo foi ina ia lē iloa o ia. Aua 31 na ia aoao atu i ona soo, ma fai atu foi ia te i latou, Ua tuuina atu le Atalii o le tagata i lima o tagata, latou te fasi oti foi ia te ia; a uma foi ona fasia o ia, e toe tumai ia i ona po e tolu. A 32 o i latou ua le iloa lea upu, na matata'u foi e fesili ane i ai ia te ia.

Ua oo ia i Kapanaumi, o 33 loo i le fale, ona fesili lea o ia ia te i latou, Pe se a na outou fefinaua'i ai i le ala? A o i latou ua faalologo; 34 aua sa latou fefinaua'i i le ala poo o ai so latou e sili? Ua nofo ia i lalo, ona valaau 35 atu lea. i le toatinogafulu ma le toalua, ma fai atu ia te i latou, Afai e loto se tasi ina ia muamua ia, e tatau ona mulimuli lava lea i tagata atoa uma, e fai foi ma auauna a tagata uma. Ona tago lea o ia i le tasi 36 tama itiiti, ma faatu ia te ia i o latou luma: ua na sapa-sapaia o ia i ona lima, ona fai atu lea ia te i latou, O 37 lē talia se tasi tama itiiti faapei o lenei i lo'u nei igoa, o a'u lea ua talia e ia; o lē tali mai foi ia te a'u, e le o

au ua ia tali i ai, a o ia na 38 feauina mai a'u. Ona fai atu lea o Ioane ia te ia, ua faapea atu, Le aoao e, na matou iloa se tasi ona tutuliina temoni i lou suafa, ua ia le faatasi mai ia te i tatou; na matou vaoia o ia, aua ua ia le faatasi mai ma 39 i tatou. Ao Iesu, ua fai atu ai, Aua le vaoia, aua e leai se tagata e fai se vavega i lo'u nei igoa, e mafai ona tautala leaga mai ia te a'u.

40 Auā foi o le lē tetee mai ia te outou, o lo outou lava lea.

41 O se na te avatua foi se ipu vai mālulu ia te outou i lo'u nei igoa, auā o a le Mesia outou; e moni o'u te fai atu ai ia te outou, e le maumau ia te ia lona tau.

42 O lē faatausuaia se tasi o nei tagata aupito iti o e faatuatua mai ia te a'u, ua faafeoloolo ia pe ana noatia se maa olo i lona ua ma

43 lafotuina ia i le sami. A faatausuaia foi oe e lou lima ina tutu ese ia i ai; e lelei ia te oe ina e sao i le ola ma le lima e tasi i le alu i Kēna ma ou lima atoa e lua, i le afi foi e le toe pe

44 lava. O i ai e le mate la latou tuga, e le pe foi le

45 afi. A faatausuaia foi oe e lou vae, i le tutū ese ia i ai; e lelei ia te oe ina e sao i le ola ma le pipili, i le lafotuina o oe ma ou vae e lua

46 i Kēna; O i ai e le mate la latou tuga, e le pe foi le

47 afi. A faatausuaia foi oe e lou mata, i le sali ane ia i

ai; e lelei ia te oe ina e  
sao i le malo o le Atua ma  
le mata e tasi, i le lafotuina  
oe ma ou mata e lua i le  
afi o Kēna; O i ai e le 48  
mate la latou tuga, e le pe  
foi le afi. Aua e tai tasi 49  
uma ma faamasimaina i le  
afi, e tai tasi foi taulaga  
uma ma faamasima ina i le  
masima. O le mea lelei le 50  
masima, a e a magalo le ma-  
sima, i le tou te faamāi lea  
i ai i se a? Ia ia te outou  
le masima, ma ia fifilemu  
outou ia te outou.

### O LE MATAUPU X.

*O le fefinaua'i o Iesu ma le  
au faresaio i le alei o fafine;  
o lona alofa i tama iti, ma  
ana aoaiga i ona soo.*

**N**A tuua e ia lea mea, ua 1  
ui ane i pito nuu o Iu-  
taia e lata ane i Ioritana;  
ona toe faapotopoto mai lea  
o le motu o tagata ia te  
ia, ua na aoao atu foi ia  
te i latou, faapei ona ma-  
sani ai.

Ua o mai le au faresaio 2  
ia te ia, ua fesilisili atu foi  
i ai, o loo tofotofa ia te ia,  
E tataua ea ina aleia e le tane  
lana avā? Ona tali atu ai 3  
lea o ia ia te i latou, ua faa-  
pea atu, se a le mea na  
poloai ai Mose ia te outou?  
Ona fai mai ai lea o i la- 4  
tou, Na fai mai Mose ia te i  
matou, Ia matou tusia se  
tusi alei ma faate'a ia te ia.  
Ona tali atu lea o Iesu ia 5

te i latou, ua faapea atu;  
Onā o le au gata o outou  
loto, na tusi atu ai e Mose  
lena poloaiga ia te outou;  
6 A e peitai talu le amataga  
o mea na faia, na faia i laua  
e le Atua o le tane ma le  
7 fafine. O le mea foi lea, e  
tuua ai e le tane lona tamā  
ma lona tina, ma faatasi ma  
8 lana avā, E avea i laua  
ma tino e tasi; lenei ia, e  
lē toe toalua i laua, a e  
9 peitai ua tino e tasi. Lenei,  
o lē ua faasooina e le Atua,  
aua le faateaeeseina e se  
tagata.

10 Ua toe fesilisili ane ona  
soo ia te ia i lona mea i le  
11 fale. Ona fai atu ai lea o  
ia ia te i latou, O lē faatea  
i lana avā, ma fai ava i le  
tasi, ua mulilua lea ia te ia.  
12 Afai foi e faatea e le fafine  
lana tane, ma fai ma avā a  
13 se tasi, ua mulilua ia. Ona  
latou au mai lea o tama iti  
ia te ia, ina ia pa'i ane ia ia  
te i latou; a ua vavao atu  
le au soo i e na au-mai na.  
14 A o Iesu, ua silafia, ona  
tiga tele ai lea o lona fina-  
galo, ua na fai atu foi ia te  
i latou, Ina tuu mai pea ia  
i tama iti, ia latou o mai  
pea ia te au; aua le vavao  
ia te i latou; auā e faapei  
o i latou nei o e i le malo o  
15 le Atua. E moni la'u e fai  
atu ai nei ia te outou, o le  
lē talia le malo o le Atua  
faapei o se tama itiiti, e le  
16 sao lava ia i ai. Ona sapa-  
sapai lea o ia ia te i latou i  
ona aao, ua tuu foi i ona

lima i luga ia te i latou, ma faaamuia i ai.

O loo o alu ane ia i le 17 ala, ua momo'e mai ai se tasi ua tootuli ia te ia, ma fesili atu i ai, Le aoao lelei e, se a le mea o'u te faia ina ia o'u maua ai le ola e lē uma? A o Iesu, ua fai atu 18 ia ia te ia, Se a le mea e te ta'ua mai ai a'u ua lelei? e le o lelei se tasi, na o le toatasi lava, o le Atua lea. Ua e iloa tulafono, Aua e 19 te mulilua; Aua e te fasioti tagata; Aua e te gaosi; Aua e te molimau pepelo; Aua e te agaletonu; Ia e faa-  
logo i lou tamā ma lou tina. Ona tali atu lea o ia 20 ia te ia, ua faapea atu, Le aoao e, ua o'u anaana i na upu uma, talu ina o'u ititi. O loo o silasila atu Iesu ia 21 te ia, ona alofa atu lea ia te ia, ma fai atu foi i ai, E tasi le mea e le o i ai ia te oe. Ina alu ia, faatau atu, i lou oa sei ia uma, ma avātu i e ua matitiva, ona e maua lea o le oa i le lagi, i le, e sau ai ma ave i le sa-  
tauro, ma mulimuli mai ai ia te au. Ona tagi lea o ia 22 ona o lea upu, ua alu ese foi ma le atuatuvaile, aua ua tele ana oloa.

Ona silasila feliuliua'i lea 23 o Iesu, ma fai atu i ona soo, E faapea ona saogata e ua maua i le malo o le Atua! Ona ofo ai lea o le au soo i 24 ana upu. A o Iesu ua ia toe tali atu ia te i latou, ua faapea atu, Le au fanau e,

e faapea ona saogata e faa-  
tuatua i le oa, i le malo o  
25 le Atua! E faigofie i le  
kamela ona ofi i le pu o le  
au, i le mauoa ona sao i le  
26 malo o le Atua. Ona matua  
tele naua lea lo latou ofo,  
ua latou felafolafoai foi, ua  
faapea, Poo ai se na te ma-  
27 faia ona faaolaina! A ua  
silasila atu Iesu ia te i la-  
tou, ma na faapea atu, E le  
mafaia foi i tagata na o le  
Atua; aua e mafaia uma  
lava mea i le Atua.  
28 Ona fai atu lea o Peteru,  
ia te ia, Faaata ua matou  
tuua uma mea, ma mulimuli  
29 atu ia te oe. Ona tali atu  
lea o Iesu ia te ia, ma fai  
atu ai, E moni ou te fai atu  
ai nei ia te outou, atoa uma  
e tuua le fale, poo uso, poo  
tuaafafine, poo tamā, poo  
tina, poo le ava, poo le  
fanau, poo le fanua, ona o  
30 au ma le evagelia, E maua  
lava ia te ia tai selau i lenei  
tau, o fale, ma uso, ma tua-  
fafine, ma tina, ma fanau,  
atoa foi ma sauaga, a o  
tupulaga e faavavau, le ola  
31 e le uma. A e peitai e  
toatele o e ua muamua e  
avea ma mulimuli, o e ua  
mulimuli foi e avea ma  
32 muamua. O loo i le ala i  
latou, o loo o a'e i Ierusa-  
lema, o muamua foi Iesu ia  
te i latou, ua ofo i latou, ua  
latou mulimuli atu foi ia te  
ia ma le mata'u, i le ua toe  
taitai ane ia i le toasefulu  
ma le toalua, ma faailoa  
atu ia te i latou i mea a

taunuu ia te ia. *Ua faapea* 33  
*atu*, Faautea a tatou o a'e  
 nei i Ierusalemā, e tuuina  
 ai le Atalii o le tagata i le  
 au faitaulaga sili, ma le au  
 failautusi, e faasala latou ia  
 te ia, ia oti; e tuuina atu  
 foi o ia i nuu ese. E faa- 34  
 tauemu i latou ia te ia, e  
 sasa foi ia te ia, e feanu foi  
 ia te ia, ma fasi oti ia te ia;  
 e toe tu mai foi o ia i ona  
 aso e tolu.

Ua o mai Iakopo ma 35  
 Ioane ia te ia, o atalii o  
 Sepetaio i laua, ua faapea  
 atu, Le aao e, ua ma loto  
 nei ina ia e faia mo i maua  
 le mea a ma ole atu i ai.  
 Ona fai mai lea o ia ia te i 36  
 laua, Se a le mea lua te ma-  
 nanao i ai ou te faia ma  
 oulua? Ona la fai atu lea 37  
 ia te ia, ina ia e tuu mai ia  
 te i maua, ma te nonofo o  
 le tasi i lou aao taumatau,  
 ma le tasi i lou aao tauaga-  
 vale, i lou mamalu. A o 38  
 Iesu ua fai atu ia te i laua,  
 Lua te le iloa le mea lua te  
 ole mai ai na; E mafai ea  
 oulua ona inu i le ipu ou te  
 inu ai nei; ma papatisoina  
 i le papatisoga e papatisoina  
 ai nei a'u? Ona la fai mai 39  
 lea ia te ia, ma te mafaia;  
 a o Iesu ua fai atu ia te i  
 laua, E moni, lua te inu i le  
 ipu ou te inu ai; atoa ma  
 le papatisoga e papatisoina  
 ai a'u e papatisoina ai foi  
 oulua; A o le nonofo i 40  
 lo'u lima taumatau ma lo'u  
 lima tauagavale, e lē o ia  
 te a'u ona tuuina atu ai, a e

*tuuina atu* mo i latou ua  
 saunia i ai.

- 41 Ua iloa e le toasefulu,  
 ona tiga tele ai lea o latou  
 loto ia Iakopo ma Ioane.  
 42 A o Iesu ua valaau atu ia  
 te i latou, ma ia faapea atu  
 foi ia te i latou, Ua outou  
 iloa e o nonofo i le malo o  
 le atunuu, latou faamaualu-  
 luga i ai; ma o latou foi alii  
 silisili, ua latou pule ia te i  
 43 latou: A e aua nei outou  
 faapea ia te outou; a e pei-  
 tai, o lē fia sili ia te outou,  
 e tatau ona aveā o ia ma a  
 44 outou auaua; O lē fia  
 muamua foi e tatau ona  
 aveā o ia ma tautua a outou  
 45 uma. Aua foi o le Atalii  
 o le tagata na le sau ia ina  
 ia auaua tagata ia te ia, a  
 e peitai ia auaua ia, ma  
 foai atu lona ola o le togi-  
 ola e sui ai e toatele.  
 46 Ua oo i latou i Ieriko, o  
 loo o ese ane foi ia mai Ieri-  
 ko, atoa ma ona soo, ma le  
 solo a tagata e toatele; sa  
 nofo i le au ala o Paratimaio  
 le tauaso, le atalii o Timaio,  
 o loo faatoga i mea ma ana;  
 47 Ua faalogo ia o i ai Iesu le  
 Nasareta, ona alaga atu ai  
 lea, ua faapea atu, Iesu, e,  
 le atalii o Tavita, ia e alofa  
 48 mai ia te au. Ona matua  
 vavao atu lea e toatele ia te  
 ia, ina ia faalologo ia; a o  
 ia ua atili ai ona alaga, Le  
 Atalii o Tavita e, ia e alofa  
 49 mai ia te au. Ua tu Iesu,  
 ma fai ane, Ina valaau i ai  
 ia sau ia; ona latou valaau  
 atu lea i le tauaso, ua faapea

atu ia te ia, Ia e loto tele,  
ina tu ia, o loo valaau ia ia  
te oe. Ona tiai lea o ia i 50  
lona ofu, ma tu i luga, ma  
alu ane ia Iesu. Ona oo 51  
atu lea o le afiga a Iesu,  
ua faapea atu ia te ia, Se a  
le mea e te loto i ai ou te  
faia ia te oe? Ona fai atu  
lea o le tauaso ia te ia, Ra-  
poni e, ina ia pupula o'u nei  
mata. Ona fai atu lea o 52  
Iesu ia te ia, Ina alu ia; ua  
e ola oe i lou faatuatua.  
Ona pupula loa lea ona ma-  
ta; ona mulimuli atu ai lea  
o ia ia Iesu i le ala.

# O LE MATAUPU XI.

*O le malaga a Iesu i Ierusa-  
lema, ma le mati le'i fua na  
na tu'itu'ia.*

U A faalatalata atu i latou 1  
i Ierusalem, ua oo foi  
i Petefake ma Petania, i le  
manga o Oliveta, ona aau  
atu lea o ia i le toalua o ona  
soo, Ua faapea atu foi ia 2  
te i laua, O ia oulua i le  
aai, lua te lumana'iina; a  
oo i ai, i le lua te iloa ai se  
tama'i asini o loo noatia, e  
lei se na tietie i ai; i le  
tahina ia, ma au mai i ai.  
A fai ane foi se tasi ia te 3  
oulua, Se a le mea lua te fai  
ai lea mea? ina fai atu i ai,  
e aoga ia i le Alii; ona tuu  
mai loa lea o ia i ai. Ona 4  
o ai lea o i laua, ua maua  
foi le tama'i asini o noatia  
i le faitotoa i fafo i le fetau-  
la'iga ala; ona la tatala lea

5 i ai. Ona fai ane lea o isi  
o e na tutu i ai ia te i laua,  
Se a le mea lua te talatalai  
6 i le tama'i asini? Ona la fai  
atu lea ia te i latou pei o la  
Iesu na poloaiina: ona la-  
tou tuu mai lea ia te i laua.  
7 Ona la taitai atu lea i le  
tama'i asini ia Iesu, ua lafo  
foi i o latou ofu i luga i ai,  
ona tietie lea o ia i luga i  
8 ai. Na fofolaina ni e toa-  
tele o latou ofu i le ala: a o  
isi na latou ta ifo lala o laau  
ma folafola foi i ai i le ala.  
9 Na alalaga foi e na mua-  
mua, ma e na mulimuli, ua  
faapea, Osana! Amuia lē  
afio mai i le suafa o le Alii;  
10 Ia faafetaia le malo o lo ta-  
tou tamā o Tavita, e oo mai  
i le suafa o le Alii: Osana  
i mea e sili ona maua! luga!  
11 Ua oo Iesu i Ierusalem, o  
loo i le malumalu; ua na  
silasila feliulua'i i mea uma,  
ua oo i le afiafi, ua tū po;  
ona maliu atu lea o ia i Pe-  
tania, o ia ma le toatinoaga-  
fulu ma le toalua.  
12 Ua malamalama'e le taeao,  
ona o atu lea o i latou mai  
Petania, ua laina foi o ia.  
13 Na silasila atu ia i le tasi  
mati o mamao atu, ua i ai  
foi lau, ona maliu ane lea o  
ia i ai, pe maua ai sina mea;  
(ua oo i ai, ona lei lava se  
mea na ia maua, na o lau),  
aua e lei oo mai le tau o  
14 mati. Ona fai atu lea o  
Iesu i ai, ua faapea atu,  
Aua le toe aiina lava e se  
tagata i sina ou fua e faava-  
vau; Na faalogo foi i ai ona

soo. Ua latou oo i Ierusa- 15  
 lema; ua ulufale Iesu i le  
 malumalu, ona afua lea o ia  
 e tuli i fafo i e na fefaatau'a'i  
 i le malumalu, ma fuli i lalo  
 i fata o e na faatau tupe,  
 ma nofoa o e na faatau lupe.  
 Na ia le mafai foi ina ia ui 16  
 ane se tasi i le malumalu  
 ma se avega. Na aao atu 17  
 foi ia ia te i latou, ua faapea  
 atu, E le ua tusia ea, "E  
 ta'ua lo'u fale o le fale talo-  
 talo mo le atu nuu uma"?  
 a ua outou liua ma ana o le  
 au gaioi. Ua iloa e le au 18  
 failautusi ma le au faitau-  
 laga sili, ona latou sailiili ai  
 lea, pe latou te faapefea ia  
 fasioti ia te ia; aua na latou  
 matatau ia te ia, ina ua ofo  
 le motu o tagata uma i lana  
 aaoaga. Ua oo i le afiai 19  
 ona alu ona lea o ia i fafo o  
 le aai.

O le taeao na o ane ai i 20  
 latou, ua vaavaai i le mati  
 ua manae, e oo i ona lava  
 a'a. Ona manatu ai lea o 21  
 Peteru ma fai atu ai ia te  
 ia, Rapi e, faauta i le mati  
 na e tu'itu'ia, ua manae.  
 Ona tali atu lea o Iesu ia te 22  
 i latou, ua faapea atu, Ia  
 outou faatuatua i le Atua;  
 Auā e moni la'u e fai atu ai 23  
 nei ia te outou, o lē fai atu  
 i lenei mauga, ia siitia oe  
 ma ia lafoina i le sami, ma  
 le lē fefo'ifo'ia'i i lona loto,  
 a e peitai e faatuatua ia i  
 lana e fai atu, e taunuu lava  
 ia, e maua ia te ia le na te  
 fai atu ai. O le mea lea ou 24  
 te fai atu ai ia te outou, o

mea uma lava tou te ole i ai  
 i a outou talotalo, ina faa-  
 tuatua ia e maua e outou, i  
 25 le tou te maua lava. Peā  
 tou tutu ma tatalo, afai o i  
 ai ia te outou se mea i se  
 tasi, ia outou tuuese atu i  
 ai; ina ia tuueseina e lo  
 outou tamā o i le lagi a  
 26 outou agaletonu. Afai foi  
 tou te le tuueseina atu, e le  
 tuueseina e lo outou tamā i  
 le lagi a outou agaletonu.  
 27 Na toe o ane i latou i  
 Ierusalemā, o loo savali ia i  
 le malumalu, ona o mai lea  
 ia te ia o le au ositaulaga  
 sili, ma le au fai lautusi, ma  
 28 le au matutua, Ua faapea  
 mai ia te ia, O le a ea le pule  
 e te fai ai ia mea? Poo ai  
 foi na ia avātu ia te oe lena  
 pule e te faia o ia mea?  
 29 Ona tali atu lea o Iesu ia te  
 i latou, ua faapea atu, Ou  
 te fesili atu foi i se tasi mea  
 ia te outou, ia outou tali  
 mai ai ia te au; ona a'u  
 ta'u atu ai lea ia te outou  
 le pule ou te fai ai nei mea.  
 30 O le papatisoga a Ioane, pe  
 mai le lagi ea? pe mai ta-  
 gata? Ina tali mai ia ia te  
 31 au. Ona latou fetautala-  
 tala'i lea, ua faapea ane,  
 Afai tatou te fai atu, Mai  
 le lagi, ona fai mai lea o ia,  
 Se a foi le mea na outou le  
 32 talitonu i ai? A e peitai a  
 tatou fai atu, Mai tagata;  
 ua latou matatau i le nuu;  
 aua ua manatunatu uma i  
 latou ia Ioane, o le perofeta  
 33 a'ia'i ia. Ona latou tali  
 mai lea ia Iesu, ua faapea



mai, Matou te le o iloa. Ona tali atu foi lea o Iesu ia te i latou, ua faapea atu, Ou te le faailoa atu foi ia te outou le pule o'u te fai ai nei mea.

## O LE MATAUPU XII.

*O le faataoto o le tovine; Ua aoao atu Iesu i le vao tagata, ne'i latou faaaoao i le au faresaio, ma le au failautusi.*

**O**NA amata lea o ia e 1 fetalai atu ai ia te i latou i upu faataoto, Na toto e le tasi tagata i le tovine ua ia siomia i le ai, ua eli foi i se mea e fai ai le tau-gāuaina, ua fai foi se 'olo ma tuu ane i ai i faigaluega; ona alu lea o ia i le nuu ese. Ua feau mai foi ia i lana 2 auauna i le tau e fua ai i le au faigaluega, ina ia latou au mai i ni fua o le tovine, mai le au faigaluega. Ona latou pue lea ia te ia, 3 ma sasa, ma aau ese atu ia te ia; ua leai lava ni mea ua avatu ai. Ona toe feau 4 atu lea o ia se tasi auauna ia te i latou; ona latou fetogi lea ia te ia i ma'a, ua foa i lona ulu, ma aau ese atu foi ia te ia ma le aga-leaga tele. Ua toe feau atu 5 foi ia i se tasi; ua latou fasiotia lava ia, ma isi foi e toatele; ua latou sasaina nisi, ua fasioti foi nisi. Ona 6 toe lea ia te ia na o lona atalii e tasi, o lona atalii pele, ua i'u foi ona feauina atu o ia ia te i latou, ua faa-

pea ana, Anei latou te ē'e i 7 lo'u atalii. A o ia faigaluega, ua latou fetautalatala'i, ua faapea ane, O le suli lea; ina o mai ia, tatou fasioti ia te ia, e fai ai le 8 tofi mo i tatou. Ona latou pue lea ia te ia, ua fasioti, ma lafo i ai i tuā-pa o le 9 tovine. A faapefea le alii e ona le tovine? E sau foi ia e faaumatia na faigaluega, ma tuu ane le tovine i nisi. 10 Ua outou le o faitau foi ea lē ua tusia; "O le maa na lafoaiina e tufuga fai-fale ua fai lea ma maa o le tuli 11 manu aupitoaluga? O le mea lea na faia e Ieova, o le mea foi e matua ofo ai 12 i tatou?" Ona latou sailiili ai lea e pue atu ia te ia, a ua latou matatau i le vao tagata; aua na latou iloa, na ia faatu i le faataoto ia te i latou; na latou tuu foi ia te ia ma o ese atu. 13 Na latou feauina mai foi o isi o le au faresaio ma o le au Erotiano ia te ia, latou te faalavelavei ia te ia i lana 14 aoaoga. Ua latou oo ane ia te ia, ona fai atu lea, Le aoao e, ua matou iloa ua e faamaoi lava, ma ua e le matau i se tagata auā ua e le faailogaina se tagata; a e peitai ua e aoao faamaoni lava i le ala o le Atua; E tatou ea ona avatu le telo 15 ia Kaisara pe leai? A matou avatu ea? pe matou te lē avatu? A ua silafia la latou pepelo, ona fai atu ai lea ia te i latou, Se a le mea

tou te faaososo mai ai ia te au? ina au mai ia i se tenari, sei ou matamata i ai. Ona latou au mai lea. Ona 16 fai atu lea o ia ia te i latou, poo ai lenei faatagata, ma lenei tusi faailoga? ona latou fai mai lea ia te ia, o a Kaisara ia. Ona tali atu 17 lea o Iesu ia te i latou, ua faapea atu, Ina avātu ia i ā Kaisara ia Kaisara; ma ā le Atua i le Atua. Ona latou ofo ai lea ia te ia.

Ona o mai lea ia te ia o 18 le au satukaio, o e fai mai e leai se toe tu, ma latou fesili mai ia te ia, ua faapea mai: Le aoao e, na tusi mai 19 Mose ia te i matou "Pe a oti le uso o le tasi tagata, ma tuu ai lana avā ua leai se fanau, i le fai avā lea o lona uso i le fafine, e faatupuina ai se gafa ma lona uso. Sa i ai le au uso e 20 toafitu: na fai avā le ulumatua, ua oti foi, ua leai se gafa. Ona fai avā lea o lē 21 aupito ane i le fafine, ua oti foi ia, ua leai foi se gafa; na faapea foi lona toatolu. Atoa uma le toafitu ua fai 22 avā ia te ia, ua leai lava se gafa; ona iu lea ina oti foi le fafine: O lenei a oo i le 23 toe tu, pe a toe tumai i latou, o ai so latou e ana le fafine? auā sa fai ava le toafitu i lenei fafine? Ona tali atu 24 lea o Iesu ia te i latou, ua faapea atu, E le o lenei ea ua outou sese ai, ina ua outou le iloa le upu ua tusia, ma le mana o le Atua?

25 Auā pe a latou toe tutu mai i le oti, latou te lē fai avā ma lē faaavagaina; ae peitai latou te faapei o agelu i 26 le lagi. O e na oti foi, ma o latou toe tu, ua outou le faitau ea i le lautusi a Mose, i le mea na tusi ai i le pupu vao, i le fai ane o le Atua ia te ia, ua faapea, "O au nei o le Atua o Aperaamo, ma le Atua o Isaako, ma le Atua o Iakopo"? 27 E lē o le Atua ia o e ua oti, a o le Atua o e ola; o lenei ua tele lava lo outou sese. 28 Ua sau foi le tasi o le au failautusi, ua faalogo ane i la latou fesilisili, ua na iloa foi ua malie ana sa tali atu ai ia te i latou, ona fesili atu lea o ia ia te ia, o lefea upu ua sili i le tulafono? 29 Ona fai atu lea o Iesu ia te ia, o le upu sili lenei o le tulafono uma, "Ia e faalogo mai Isaraela e, o Ieova le tatou Atua, o Ieova tasi ia. 30 Ia e loto foi ia Ieova lou Atua ma lou loto atoa, ma lou agaga atoa, ma lou manatu atoa, ma lou malosi atoa." O le upu sili lea. 31 Faapei o lea foi lona lua, o lenei, "Ia e alofa atu i le tagata lata mai ia te oe pei o lou alofa ia te oe." E leai lava se tasi tulafono e sili i 32 nā. Ona fai atu lea o le failautusi ia te ia, Malie a oe le aoao e, o le tonu lea ua e fai mai na; aua e tasi lava le Atua; e leai foi se 33 tasi ua na o ia lava. O lē loto foi ia te ia ma le loto

atoa, ma le manatu atoa, ma le agaga atoa, ma le malosi atoa; ma le alofa foi i le tagata o lata mai ia te ia, pei o lona alofa ia te ia, e sili lea i tāulaga uma e susunuina atoatoa, ma tau-  
laga. Ua silafia e Iesu ua 34  
atamai ana upu na tali mai ai, ona fai atu lea ia te ia, E te le vavamamao oe ma le malo o le Atua. Talu i lena aso ua matatau uma ai tagata e fesili ia te ia i se tasi mea.

O loo aoao Iesu i le ma- 35  
lumalu, ona fai atu lea o ia, Faapefea le au failautusi ona latou fai mai, o le Mesia o le atalii ia o Tavita? Auā, o loo fai mai Tavita 36  
ia, i le Agaga Paia, "Na fai mai Ieova i lo'u Alii, Ia e nofo oe i lo'u lima taumatau, sei o'u avea e ua ita mai ia te oe, ma ou tulagā vae." Ua ta'u atu lava e 37  
Tavita ia te ia o le Alii; faapefea foi ona avea o ia ma ona atalii. Na faalogo fiafia foi le motu o tagata e toatele ia te ia.

Na fai atu foi ia ia te i 38  
latou i lana aoaoga, Ia outou i le au failautusi, o e ua fia evaeva ma ofu faamanaia, ma ia ofo mai tagata i le malae, Atoa ma nofoa sili 39  
i fale sa, ma faafiasilisili i faigaai. O e faaumatia fale 40  
o fafine otitane, ma faalevalava foi i le talotalo e fai ma ufiufi, e tele ai lava lo latou tau. O loo nofo Iesu 41  
i luma o le tuugā oloa, ua

silafia foi e ia le vao tagata o loo lafo i tupe i le tuugā-  
oloa; e toatele foi e mauoa, ua tele a latou ua lafo i ai.

42 Ua alu ane foi le tasi fafine mativa ua oti lana tane, ua lafo ane ai i tupe iti e lua, o le kotane e tasi ia.

43 Ona valaau atu lea o ia i ona soo, ma na fai atu ai ia te i latou, E moni la'u e fai atu ai nei ia te outou, e sili lava la lenei fafine mativa ua oti lana tane, ua lafoina i le tuugā-oloa, i la latou uma  
44 na lafo i ai; Auā, ai la latou oa tele, na latou lafo ai; a o ia, o lona mativa na ia lafo ai atoa uma ana mea na maua, atoa uma foi ana e ola ai.

### O LE MATAUPU XIII.

*Ua faailo mai e Iesu le faaumatia o le malumalu.*

1 **O** LOO alu ane o ia i fafo i le malumalu, ona fai atu lea o le tasi o ona soo ia te ia, Le aoao e, ina silasila ia i nei maa ua faapea ona tetele, ma nei foi fale ua  
2 faapea ona tetele! A o Iesu, ua tali atu ia te ia ma faapea atu, E te iloa ea i nei fale tetele? e le tuua le tasi maa i luga o le tasi maa, e uma lava ona fulisia i lalo.

3 O loo nofo ia i luga o le mauga o Oliveta, o loo i ona luma le malumalu, ona fesili lemu lea o Peteru, ma Iakopo, ma Ioane, ma Ane-  
terea ia te ia, ua faapea atu;

Ina ta'u mai ia ia te i matou, 4  
pe fai afea ia mea? Pe se a  
foi le faailoga pe a lata ona  
taunuu ia mea uma? Ona 5  
tali atu lea o Iesu ia te i  
latou, ua faapea atu, Ia ou-  
tou nei faaseseina outou e se  
isi: Aua e toatele e o mai 6  
i lo'u nei igoa, ma faapea  
mai, O a'u o ia, ma faasese  
atu i ni toatele. Pe a tou 7  
faalogo i taua, ma logo foi o  
taua, aua le popole: auā ia  
faia lava ia mea e tonu ai; a  
e peitai ua le oo mai le iuga.

Auā e laga le tasi nuu 8  
i le tasi nuu; o le tasi malo  
foi i le tasi malo; e i ai foi  
mafuie i lea itu ma lea itu;  
e i ai foi oge ma fouvale: o  
amataga ia o puapuaga. Ia 9  
outou, ia te outou; aua e  
tuuina atu outou e i latou i  
le fono tele, ma sasaina foi  
outou i o latou sunako; e tai-  
taiina foi outou i luma o taitai  
ma alii ona o au nei, e fai  
ma molimau ia te i latou. Ia 10  
nuuai foi ona tāla'iina le eva-  
gelia i le atu nuu uma lava  
e tatau ai. Pe a latou taitai 11  
ia te outou, ma tuuina atu ai  
i faamasinoga, aua nei muai  
manatu popole i la outou e  
fai atu ai, aua foi le luai  
fatufatu ai; a o lē e foai-  
ina ia te outou i lena itu aso,  
o lea tou te fai atu ai; auā  
e le o outou e fai atu ai, a o  
le Agaga Paia. E tuuina 12  
atu foi le uso e le uso ia  
oti, e faapea foi le tamā i  
lona atalii, e tu foi le fanau i  
o latou matua, ma tuua'i ina  
ia fasiotia. E inosia outou 13

e tagata uma ona o lo'u nei  
igoa; a o lē oono sei ia  
oo i le iuga e faaolaina lea.

- 14 Pe a tou iloa foi le soesa  
e faatafunaina a'i, o lē na  
taua e Tanielu le perofeta,  
o loo tu i le mea e lē tatau  
ai, (o lē faitau ai ia ma fau-  
fau i ai!) e i ai o e o loo i  
Iutaia, ina latou sosola ia i  
15 le mauga; O lē i luga o  
le fale, a ua nei alu ifo ia i  
lona fale, ma ulu ai e ave ai  
16 sina mea ai lona fale: O lē  
o i le fanua foi, aua nei toe  
foi ia e ave ai i lona ofu.  
17 A o fafine o totō, ma e faa-  
susu tama i na ona aso, o i  
18 talofa ia te i latou! Ia ou-  
tou talotalo foi ia ina ne'i  
sosola outou i le tau maa-  
19 lili; Aua i na ona aso e i ai  
le puapuaga, e tele i mea  
uma lava na tutupu, talu  
lava le amataga o mea na  
faia e le Atua ua oo mai nei  
lava, e leai foi sona tusa e  
20 tupu. Afai foi e le faapu-  
puuina ia aso e le Alii e  
leai se tagata e ola: a e  
peitai onā o le au filifilia ua  
filifilia e ia ua ia faapuupu-  
ina ai ia aso.  
21 E i ai a fai mai se tasi ia  
te outou, Faauta o lenei le  
Mesia; faauta o lela; aua  
22 nei talia. Aua e tutu mai  
Mesia pepelo, ma perofeta  
pepelo, ma tuu mai i faai-  
loga ma vavega, e faatau-  
tala ai le au filifilia, pe afai  
23 e mafai ai. Lenei, ia ou-  
tou; faauta, ua ou muai  
ta'uina atu ia te outou o ia  
mea uma.

O aso ia foi e tuaoi ma 24  
 lena puapuaga, e faapogi-  
 maina ai le la; o le masina  
 foi e le susulu mai lea; E 25  
 pauu mai fetu o le lagi, e  
 luluina foi mamana o le  
 lagi; Ona iloa atu lea o i 26  
 latou le Atalii o le tagata  
 ona alu ifo i ao o le lagi ma  
 le mana tele, ma le ma-  
 malu. E i ai foi e aauina 27  
 mai e ia ana lava agelu,  
 latou te faapotopotoina ona  
 lava tagata na filifilia mai  
 matā matagi e fa; mai le  
 tuluiga o le lalolagi e oo  
 atu i le tuluiga o le lagi.  
 Lenei la, ia outou mātāu i 28  
 le tasi faataoto i le mati, pe a  
 alu ae ona moemoe, ma ma-  
 tala mai i lau, ona outou  
 iloa ai lea ua latalata mai  
 le tau vevela. E faapena 29  
 foi outou, pe a iloa ia mea  
 uma ina tutupu mai, ia ou-  
 tou iloa ua latalata mai ia,  
 o i faitotoa lava. E moni 30  
 la'u e fai atu ai nei ia te  
 outou, e le mavae lenei tu-  
 pulaga sei ia taunuu uma ia  
 mea. E mavae le lagi ma 31  
 le lalolagi; a e peitai a'u  
 upu e le mavae ia.  
 A o lena aso, ma lena itu- 32  
 aso, e le iloa e se isi, poo  
 agelu o le lagi, poo le Ata-  
 lii; ua na o le Tama lava.  
 Ia outou, mataala foi ia ma 33  
 talotalo, auā tou te le iloa  
 pe oo mai afea le tau. Faa- 34  
 pei o se tagata a alu ma-  
 laga i se mea mamao, o le  
 na tuua lona lava aiga ma  
 avāne le pule i ana lava au-  
 auna tai toatasi ma lana

lava galuega, ma fai atu i  
 le leoleo faitotoa ina ia ma-  
 35 taala ia. Ina mataala ia foi  
 outou: auā tou te le iloa pe  
 afea e sau ai le Alii o le  
 aiga, poo i le afiafi, poo i le  
 tautuluaga o le po, poo i le  
 vivini o moa, poo i le taeao.  
 36 Ne'i faafuasei ona sau, ma  
 maua mai outou o momoe.  
 37 O la'u foi e fai atu ai nei  
 ia te outou, o'u te fai atu  
 ai foi lea i tagata uma, Ina  
 mataala ia.

## O LE MATAUPU XIV.

*Ua faatu e Iesu le faamanatu-  
 ga; ua faalataina o ia e  
 Iuta.*

1 **U**A mavae po e lua ona  
 fai lea le tausamiga  
 paseka, ma le areto e lei faa-  
 fefeteina; ua sailili foi le  
 au faitaulaga sili ma le au  
 failautusi, pe faapefea so  
 latou maille e pue ai ia te  
 ia, ma fasioti foi ia te ia.  
 2 A ua latou faapea ane, Aua  
 i le nunu, nei fouvale ai  
 3 le nuu. O loo i Petania  
 o ia i le fale o Simona le le-  
 pela, o loo taoto i le tāuma-  
 fataga, ona sau lea o le tasi  
 fafine ma le fagu alapasa, o  
 i ai le u'u nato maugata; ua  
 toina le fagu, ua liligi i ai  
 4 i luga o lona ao. Ona tiga  
 lea o latou loto, ma latou  
 faapea ane, Pe se a le mea  
 5 ua māunāu ai le u'u? Auā  
 afai ana faatauina, po ua  
 maua ai tenari se tolu galau  
 ma ona tupu, e foaiina atu

i e ua matitiva; ona latou muimui lea ia te ia. A o 6 Iesu ua fai atu i ai o ia, tuupea ia ia te ia; se a le mea tou te faatiga ai ia te ia? o le galuega lelei sa faia e ia ia te au nei. Auā o loo 7 nonofo tumau pea e matitiva ia te outou, pe ā tou loto i ai ua outou mafai ona agalelei atu ia te i latou; a o a'u nei, ou te le nofo tumau ia te outou. Ua faia e ia le mea na ia 8 mafai ai ua na muai uuina lo'u tino, o le sauniga o lo'u tanuga. E moni foi la'u 9 e fai atu ai ia te outou, o mea uma lava o i le lalolagi e talaiina ai lenei evagelia, e ta'ua foi i ai lenei na faia e ia, e fai ma faamanatuga ia te ia.

Ona alu lea o le tasi o le 10 toatinoagafulu ma le toalua, o Iuta le Sekara, i le au faitaulaga sili e faalataina ai o ia ia te i latou. Ua 11 latou iloa ona fiasia lea, ma fai atu ni tupe e avātua ia te ia, ona saili lea o ia se aso e augalemu ai e faalataina ai o ia. O le aso 12 muamua o le areto e lei faafefeteina, o loo osi ai le paseka, ua fai ane ai ona soo ia te ia, Poo fea e te finagalo i ai, matou te o e sauniuni ai e te tāumafa i le paseka? Ona feau atu lea 13 o ia se toalua o ona soo, māna fai atu foi ia te i lava, Ina o ia oulua i le aai, tou te fetai ai ma se tasi tagata o loo avāne i le vai

omea, lua te mulimuli atu 14 ia te ia; E iloga foi le mea na te ulufale atu ai, fai ane ia i le matai o le fale, o loo o fai mai le aoao, O ifea le mea e api ai malo, o'u te 'ai ai le paseka ma o'u soo? 15 Na te faaali ane ia te oulua i le tasi potu tele e aupito i luga ua uma ona teu; lua te sauniuni ai mo i tatou. 16 Ona o atu ai lea ona soo, ua oo i le aai, ua iloa atu ai foi pei o la Iesu na fai mai ai ia te i lava: ona la sauniuni lea i le paseka. 17 Ua oo i le afiasi, ona maliu ane lea o ia ma le toatinoagafulu ma le toalua. 18 O loo taooto i latou ma aai, ona fai atu lea o Iesu ia te i latou, E moni la'u e fai atu ai ia te outou, o le tasi o outou o le 'ai faatasi nei ma 19 a'u, e faalata ina au. Ona atuatuva lea o i latou, ma latou faapea atu ia te ia taitasi ma lana upu, O au ea? ua fai ane foi le tasi, O au 20 ea? Ona tali atu lea o ia ia te i latou, ua faapea atu, O le tasi o le toatinoagafulu ma le toalua, o lē fufui faatasi nei o ma lima i le tanoa. 21 O le, a alu foi le Atalii o le tagata, faapei o lē na tusia ia te ia: a e talofa lava i lea tagata na te faalataina le Atalii o le tagata, e lelei ia te ia pe a na le fanau mai o ia. 22 O loo aai i latou, ona tago ifo lea o Iesu i le areto, ma faafetai, ona tofofi lea, ma avātu ai ia te i latou,

ma fai atu foi i ai, Ina tago ia, ina aai, o lo'u tino lenei. Ua tago foi ia i le ipu, ma 23 faafetai ma avatu i ai ia te i latou, ua latou inu uma i ai. Na fai atu foi ia ia te i 24 latou, O lo'u toto lenei o le feagaiga fou, ua faamali-giina mo tagata e toatele. E moni foi la'u e fai atu ai 25 nei ia te outou, o'u te le toe inu i le fua o le vine, sei ia oo lava i le aso ou te inu ai le uaina fou i le malo o le Atua. Ua uma ona pepese i 26 la latou pese, ona latou o atu lea i le mauga o Oli-veta.

Na fai atu foi Iesu ia te 27 i latou, tou te tausuai uma ia te au i lenei po: auā o loo tusia le upu, "Ou te taia le leoleo, ona salalau ai lea o le au mamoe." A 28 e peitai pe a ou toe tu, ou te muamua atu ia te outou i Kalilaia. A ua fai atu 29 Peteru ia te ia, afai e faa-tausuaiina i latou uma ia te oe, ou te le faapea lava au. Ona fai atu lea o Iesu ia te 30 ia, E moni ou te fai atu ai nei ia te oe o lenei aso, i le po lava nanei e le oo i le atu lua o le vivini o moa, e te faafiti faatolu mai ia te au. Ona atili ai lea ona 31 ta'utino mai Peteru ia te ia, ua faapea mai, Pe afai ta oti faatasi ma oe, o'u te le faafitia lava oe. Ua faapea mai foi i latou uma.

Ua latou o atu i le tasi 32 lotoā, o Ketesemane lona igoa: ona fai atu lea o ia i

ona soo, Ina nonofo ia outou 33 iinei, sei o'u talotalo. Ua taitai ane foi o ia ia Peteru; ma Iakopo ma Ioane ona mata'utia lea o ia, ma atu- 34 atuvale. Ona fai mai lea o ia ia te i latou, O loo matua tiga lava lo'u nei loto i le tiga o le oti; ina nonofo ia outou iinei ma mataala. 35 Ua faaitiiti atu ia i luma ma pa'u i lalo i le eleele, mana talotalo atu, ina ia mavae ese ane na ona aso ia te ia, 36 pe afai e mafaia? Ua faa-pea atu, Ava, lo'u Tama e, e te mafaia e oe mea uma lava; ina aveeseina atu lenei ipu ia te au; a e peitai aua o le mea ou te loto i ai, a o lā oe lava. 37 Ua toe foi ane ia, ua maua i latou o momoe; ona fai mai lea o ia ia Peteru, Simona e, o e moe na ea? e te le lavā ea ona mataala 38 i le ituaso e tasi? Ina mataala ia, ma talotalo, ne'i tou maua e le faaososoga: o loo malosi lava le agaga, 39 a o le tino e vaivai. Ua toe alu atu o ia, ua toe talo-talo atu i le upu lava e tasi. 40 Ua toe foi ane ia, ua maua i latou o loo toe momoe, aua ua maaa o latou lau mata; na latou le iloa foi pe se a latou te tali atu ai ia 41 te ia. Ua toe foi mai ia ia te i latou; o le atu tolu lea, ua fai atu foi i ai, Lenei, momoe pea ia, ma malolo ia: soia lea, ua oo mai le ituaso; faauta ua tuuina atu le Atalii o le tagata i

lima o le au agasala. Ina 42  
tutu ia, ina tatou o. Faauta  
o loo latalata mai o ia na te  
faalataina mai au. A o fe- 43  
talai atu ia ua sau Iuta, o  
le tasi o le toatinoagafulu  
ma le toalua, ma le 'au foi e  
toatele ma pelu ma laau, na  
feauina mai e le au ositaulaga  
sili, ma le au failautusi, ma  
le au matutua. Lenei, sa 44  
tuu ane lē na te faalataina  
o ia se faailoga ia te i  
latou, ua *faapea atu*, O ia  
ou te sogi atu i ai, o ia  
lea, tou te pue ia te ia, ma  
tou te taitai ese atu, ma  
taofimau ia te ia. Ua oo 45  
mai ia, ona soso atu lea ia  
te ia, ma fai atu i ai, Rapi  
e, Rapi e, ma sogi ane foi  
ia te ia. Ona oo atu lea 46  
o latou lima ia te ia, ua  
latou pu'e foi ia te ia. Le- 47  
nei o le tasi o i latou, o e  
na tutu i ai, ua toina lana  
pelu ua ta i le tasi auauna a  
le ositaulaga sili, ua motu  
ese ai lona taliga. Ona 48  
sauni atu lea e Iesu ia te i  
latou, māna fai atu ai, Ua  
outou o mai ea ma pelu, ma  
laau e pue mai ai ia te au,  
peiseai o le puega o se gaioi?  
Sa tatou i ai i le malumalu, 49  
sa o'u aoao atu foi i ai e lei  
aunoa le aso, na outou le  
pue mai ia te au: ai ua  
taunuu ai o upu ua tusia.  
Ona latou tuua uma lea o 50  
ia ma sosola.

Na o le tasi, o le taulea- 51  
lea ua mulimuli atu ia te  
ia, ua lavalava ai lona tino  
i le ie lino, ua pue atu foi e

52 tāulelea ia te ia: A o ia  
ua tuua lona ie, ua sola ese  
atu ia te i latou ma le lē  
lavalava.

53 Ona latou taitai lea ia  
Iesu i le ositaulaga sili, o  
loo potopoto uma foi i ai le  
au faitaulaga sili, ma le au  
matutua, ma le au failau-  
tusi. Na mulimuli atu foi  
54 Peteru ia te ia, o loo vava-  
mamao, ua oo lava i le  
maota o le ositaulaga sili,  
ua nofo ai i lalo ma auauna  
ma mumulu ai i le afi.

55 A o le au ositaulaga sili  
uma, ma le fono atoa, ua  
latou sailiili i mau ia Iesu,  
e taufaalani ai ia te ia, a e  
56 lei maua lava. E toatele  
foi na latou molimau pepelo

ia te ia a e le tutusa a latou

57 mau. Ona tutu lea isi ma  
molimau pepelo ia te ia, ua

58 faapea mai, Na matou faa-  
logo atu ia te ia, ua faapea  
mai lana upu, Ou te lepetia  
lenei malumalu na faia e  
lima, ma ou toe faia se tasi  
i aso e tolu, e lei faia e

59 lima. Ua le tutusa foi a

60 latou mau. Ona tu lea le  
ositaulaga sili i le totonuga  
lemu, ma fesili atu ia Iesu,  
ua faapea atu, E te le tali  
mai lava ea? Pe se a lea o  
loo molimau mai ai latou

61 na ia te oe? A ua faalologo  
ia, ua leai foi sana na tali  
atu ai. Ona toe fesili mai  
lea o le ositaulaga sili ia te  
ia, ua faapea mai foi i ai, O  
oe na, o le Mesia ea oe, o

62 le Atalii o le Loo-viia? Ona  
fai atu lea o Iesu, O a'u



lava lea; tou te iloa foi e outou le Atalii o le tagata e nofo i le aao taumatau o le mana, e sau foi i ao o le lagi. Ona saeia lea o le 63 ositaulaga sili i ona ofu, māna faapea mai, Se a le toe aoga peā molimau mai isi ia te ia? Ua outou faalogo 64 i lana faifai i le *Atua!* Pe nia fa outou? Ona latou fai mai uma lea, e tatau ona oti o ia. Ona feanu ai lea 65 o isi ia te ia, ma ufufi i ona fofoga, ma tu'i foi ia te ia, ma fai atu i ai, Ina taumate mai ia: o le au auauna foi, na latou tau fai po atu ia te ia.

O loo i lalo Peteru i le 66 maota, ua alu ane foi le tasi auauna teine a le ositaulaga sili. Ua iloa e ia o Peteru 67 o loo mumulu i le afi, ua na vaai atu foi ia te ia, ma fai atu i ai, Sa e ia Iesu le Nasareta foi. A o ia ua 68 faafiti, ua faapea, Ou te lei iloa o ia, ou te lei lagona foi la oe e fai mai na. Ona alu atu lea o ia i fafo i le lotoā i lumā fale, ona vivini lea o le moa. Ua toe iloa 69 o ia e le teine, ona fai atu lea o ia i e o tutu mai, O le tasi lena o i latou. Ona toe faafiti lea o ia. Muli- 70 muli ane ua toe fai atu e o tutu i ai, ia Peteru, E moni lava, o le tasi oe o i latou! auā o le Kalilaia oe, ua tusa ai lau gagana. A o ia ua 71 fuai lea ona tōtōai ma augani, ua faapea, Ou te lei iloa lava le tagata tou te

72 fai mai na. Ona vivini mai lea o le moa, o le atu lua lea. Ona manatu ifo lea e Peteru i le upu na fai ane e Iesu ia te ia, E le oo i le atu lua o le vivini o moa, e te faafiti faatolu mai ai ia te au. Ua manatunatu ifo ia i ai ona tagi ai lea o ia.

## O LE MATAUPU XV.

*O le faasatauroina o Iesu.*

- 1 **O** LE taeao lava ua fono ai le au ositaulaga sili, atoa ma le au matutua, ma le au failautusi, ma le fono atoa, ma latou noanoa ia Iesu, ma taitai atu ia te ia, 2 ma tuuina atu ia Pilato. Ona fesili atu lea o Pilato ia te ia, o le tupu ea oe o Iutaia? Ona tali atu lea o ia ia te ia ma fai atu foi i ai, O lea 3 lava, ua e fai mai na. Na tuuai foi le au ositaulaga sili i mea e tele ia te ia. 4 Ona toe fesili atu lea o Pilato ia te ia, ua faapea atu, E te le tali mai lava ea? Faauta i le tele o mea ua latou molimau ai ia te 5 oe. A o Iesu e lei tali atu lava ia, o le mea lea ua ofo tele ai Pilato. 6 O loo faapea le tasi tu o lea tausamiga, e talaina atu ai ia te i latou se tasi tagata noatia, o loo latou o loto 7 i ai. Lenei o loo i ai le tasi o ta'ua o Parapa, o loo noatia, ma isi o e na fouvale, na fasioti tagata foi ia 8 i le fouvale sa fai. Ona

alalaga atu ai lea o le motu o tagata, ma ole atu ia te ia, ina ia faapea mai ia ia te i latou, faapei o lē ua ia masani ai. Ona tali atu lea o 9 Pilato ia te i latou, Tou te loto ea ina ia ou tatalaina atu ia te outou le tupu o Iutaia? Auā ua ia silafia 10 o le mataua na tuuina atu ai le au ositaulaga sili ia te ia. A o le au ositaulaga 11 sili, na latou faasooso i le mou tagata, ina ia tuuina mai e ia o Parapa ia te i latou, A o Pilato ua toe tali 12 atu ia te i latou, ma fai atu ai, Se a se mea tou te loto i ai ou te faia ia te ia e ta'ua e outou o le tupu o Iutaia? Ona latou toe alalaga ai 13 lea, ua faapea, Ina faasatauro ia ia te ia. Ona toe 14 fai atu lea o Pilato ia te i latou, Se a se mea leaga ua na faia? A o i latou ua atili ai ona alalaga, Ina faasatauro ia ia te ia. Ua 15 fia faalotomalie o Pilato i le motu o tagata, o le mea lea ua tatalaina atu ai Parapa ia te i latou; ua uma ona sasa ina o Iesu e ia, ona tuu atu lea o ia ia te ia e faasatauroina.

Ona taitai atu lea o le 16 au fitafita ia te ia i fafo o le fale faamasino, na latou faapotopotoina le 'au atoa. Ona latou faaofu lea ia te ia 17 i le ofu ulaula, ma lalaga i le laau tuitui, ua fai ma pale, ua faapaleina ai o ia. Ona latou alolofa atu lea ia 18 te ia, ua faapea atu, Talofa

19 le tupu o Iutaia; Na ta atu foi i latou i lona fofoga i le u, ma feanu ia te ia, ma tootuli i ona luma, ma pu- 20 nonou ia te ia. Ua uma ona latou faatauemu ia te ia, ona toeseina lea o le ofu ulaula ma faaofu ia te ia i ona lava ofu, ma taitai atu ia te ia e faasatauroina.

21 O loo alu ane le tasi tagata o Simona, le Kurene, o lē sau nai faoa aai, o le tamā foi ia o Alesana ma Rufou, ona latou faaū lea ia te ia, ina ia amo ia i lona 22 satauro. Na latou taitai foi ia te ia i le tasi fasi o Kolokota, o lea lona uiga, O le 23 mea o i ai ulupoo. Na latou avāne foi ia te ia le uaina o loo palu fefiloi ma le muro, e inu ai: a ua le 24 tali i ai ia. Ua uma ona latou faasatauroina o ia, ona latou tufatufa lea i ona ofu, ma fai ai le vili i ai, e iloa ai le mea a le tagata na te 25 avea. O le ituaso e tolu, na latou faasatauro ai ia te 26 ia. O loo i ai foi le tusi i le mea ua tuua'i ai ia te ia, ua tusia, O LE TUPU O IUTATAIA. Na latou faasatauro 27 foi i gaoi e toalua; o le tasi i lona lima taumatau, o le tasi i lona lima tauaga- 28 vale. Na taunuu ai le upu ua tusia, o loo faapea, "O loo ta'ua faatasi ia ma e pagotata."

29 O i latou foi na o ane ai na latou fai upu leaga ia te ia, ma lialia'i o latou ulu, ma faapea atu, ia te ia

Uel o oe na o lē lepeti  
i le malumalu ma toe faa-  
tu i ai i po e tolu, Ina 30  
faola ia oe ia te oe, ma  
ifoifo ai i le satauro. Atoa 31  
ma le au ositaulaga sili na  
felafolafoa'i upu faatauemu  
i latou, ma le au failautusi,  
ua faapea, Na ia faaolaina  
isi tagata; na te le mafaia  
ona faola o ia ia te ia. Ia 32  
alu ifo le Mesia, le tupu o  
Isaraela, i le satauro, tatou  
te vaavaai ai, ma tatou te  
faatuatua atu ai. O i laua  
foi, e na faasatauroina ma  
ia, na la fai upu leaga foi ia  
te ia.

Ua oo i le itu aso e ono, 33  
ona pouliuli lea atoa uma o  
le nuu, na oo lava i le itu  
aso e iva. I le itu aso e 34  
iva ua alaga ai Iesu, ua leo  
tele, ua faapea atu, Eloi,  
Eloi, lama sapatani? o lona  
uiga pea faamatalaina, Lo'u  
Atua e, lo'u Atua e, se a le  
mea ua e lafoai mai ai ia te  
au? Ona fai mai lea o isi 35  
o e na tutu i ai, ma faa-  
logo i ai, Faauta, o loo va-  
laau mai o ia ia Elia. Ona 36  
momo'e lea o le tasi, ma  
fufui i se omomi i le vineta,  
ua fafau foi i ai i le u, ma  
avatu ia te ia e inu ai, ma  
faapea atu, Tuupea ia; sei  
tatou iloa pe sau Elia e tuu  
ifo ai ia te ia. Ona alaga 37  
lea o Iesu i le leo tele, ona  
mavae atu lea ia te ia o  
lona agaga.

Ona masae lua lea o le 38  
ie puipui o le malumalu, ua  
amata i le itu pito i luga, ua

oo ifo i le itu pito i lalo.

39 O le taitai o le toaselau foi,  
o le na tu i ona luma, ina o  
loo iloa e ia ua faapea ona  
alaga o Iesu, ma le mavae  
atu o lona agaga, i le ua  
fai atu ai, E moni, o le  
Atalii o le Atua lenei ta-  
gata.

40 O loo i ai foi isi fafine, o  
loo matamata mamao ane, o  
i ai foi ia te i latou o Maria  
le Makatala, o i laua ma  
Maria le tina o Iakopo le  
itiiti, ma Iose, atoa ma Sa-  
41 lome. O e na mulimuli atu  
ia te ia ina o i ai ia i Kalilaia,  
ma auauna ia te ia; atoa ma  
isi fafine e toatele, o e na o  
ae faatasi ma ia i Ierusa-  
42 lema. Lenei ua oo i le afi-  
afi, auā o le sauniga ia, o le  
aso lea e tuaoi ma le aso sa.

43 Ua alu ane ai Iosefa le Ara-  
mataia, o le tasi o le taupu-  
lega, o le logoleleia, o le na  
faatali foi i le malo o le  
Atua, ua faamalosi ona alu  
atu o ia ia Pilato, ma faa-  
toga atu ai i le tino o  
44 Iesu. Ona ofo lea o Pilato  
ina ua vave maliu o ia; ua  
na valaau atu foi i le taitai o  
le toaselau ma fesili atu i ai,  
poo ua leva lona maliu?

45 Ua silafia e ia i le taitai o  
le toaselau ona avatu ai lea  
46 i le tino ia Iosefa. Na  
taulia foi e ia le ie lino, ua  
tuuina ifo foi o ia, ma teu-  
teu i ai i le ie lino, ua tuu  
foi ia te ia i le tuugamau ua  
foaina i le papa, ua fuli ane  
foi i ai i se maa i le faitotoa  
47 o le tuugamau. Na vaa-

vaai foi Maria le Makatala, ma Maria le tina o Iose, i le mea na tuuina ai o ia.

## O LE MATAUPU XVI.

*O le toe tu o Iesu nai e na oti, ma lona toe foi i luga i le lagi.*

U A mavae le aso sa, ona 1 faatau lea e Maria le Makatala, ma Maria le tina o Iakopo, ma Salome, i mea manogi, ina ia latou o atu e faauu ai ia te ia. O le 2 taeao lava, o le aso muamua o le vai-aso-sa, na latou o atu ai i le tuugamau i le faatoa alu ae o le la. Na 3 fetautalatala'i foi i latou, *ua faapea ane*, O ai e'a se na te fulieseina le maa mo i tatou i le faitotoa o le tuugamau? Ua latou vaavaai 4 atu ai, ona iloa lea, ua uma ona fulieseina le maa, auā ua matua tele ia. O loo ulu 5 atu i latou i le tuugamau, ona latou iloa lea o le tāulealea o loo nofo i le itu taumatau, o loo o ofu i le ofu paepae, ma le umi; ona latou matatau ai lea. A ua 6 fai atu ia ia te i latou, Aua tou te matatau: o loo o outou o sailiili ia Iesu le Nasareta o le na faasatauroina; ua tumai ia; e lē o i ai iinei: ina vaavaai ia i le fasi na latou tuu ai ia te ia. Ina o atu foi ia, ina ta'u atu 7 ia i ona soo, atoa ma Peteru, e muamua atu ia ia te outou i Kalilaia: o i ai tou te iloa ai o ia, faapei o lana na fai

8 atu ai ia te outou. Ona latou vave o atu ai lea i fafo, ma sosola ese i le tuugamau; ua maua foi i latou i le gatete, ma le ofo tele lava, ua latou le fai atu foi 9 i se isi, auā ua matatau. Ua tu mai Iesu i le taeao lava o le uluai aso o le vai-aso-sa, ona luai iloa lea o ia e Maria le Makatala, o lē na ia tuli i ai temoni e toafitu. 10 Ua alu atu foi ia māna tau-tala atu i ai ia te i latou, o e sa ia te ia, o loo o latou faa- 11 noanoa ma fetagisi. O i latou lava ua latou faalogo i le tala ua soifua ia ma iloa o ia e ia: a e lei tali tonu ai i latou. 12 Mulimuli ane ua aliali mai o ia, ua ese mai lona tino, i le isi toalua o i latou, o loo la savalivali atu i 13 faoaaai. Ona o lea o i laua ma ta'u atu i e na nonofo; a e lei tali tonu i ai latou. 14 Mulimuli ane foi, ona iloa lea o ia e le toatinoagafulu ma le toatasi; o loo o taooto i latou i le aiga, ona aoai atu lea o ia ia te i latou ina ua faalogogata i latou, ma loto maaa auā na latou le talitonu ia te i latou o e na vaavaai ia te ia, ina ua toe 15 tu mai nai e na oti. Ua fai atu foi ia ia te i latou, O atu ia outou i le lalolagi uma, ina tala'i atu ai i le evagelia 16 i tagata atoa uma lava. O lē faatuatua ma papatisoina, e faaolaina ia; a o le lē faa- 17 tuatua, e faasalaina ia. E mulimuli atu foi nei faailoga

i e faatuatua; e tutuli e i  
latou o temoni i lo'u nei  
igoa; e tautalatala i gagana  
fou. E fetagofi i gata; 18  
afai foi latou te inu i se mea  
e oti ai, latou te le afaina ai  
lava; e faaee atu foi i o  
latou lima i luga o e mamai,  
ma faamaloloina i latou.

Lenei foi, ua mavae ona 19

fetalai atu e le Alii, ona  
siitia lea o ia i luga i le lagi,  
i le ua afio ai i le aao tau-  
mataua o le Atua. Ona  
latou o atu lea, ma tala'i atu  
i mea uma; o loo galue faa-  
tasi foi le Alii ma i latou,  
ma faamauiina o le upu i  
faailoga na mulimuli ane ai.  
Amene.

# O LE EVAGELIA

## NA TUSIA E LUKA.

---

### O LE MATAUPU I.

*O le fanauga o Ioane, ma le  
valoaga a Sakaria.*

**O**NA ua taumafaia e toa- 1  
tele e tusi faasolo i le  
tala i mea na mautinoa ia  
te i tatou nei, E faapei 2  
ona latou tuuina mai ia te i  
matou nei, o e na matamatai,  
ma auauna i le tala talu le  
amataga; Ua ou manatu 3  
foi, Le alii e, Teofilo, ona 4  
ua ou matua su'e i mea uma  
lava talu lava le amataga, e  
tusi faasolo atu ia te oe, ina  
ia e silafia le moni o ia mea  
ua aaoaina ai oe.

Sa i le tausaga o le tupu 5  
o Herota i Iutaia, o le tasi  
faitaulaga e igoa ia Sakaria,  
o le vasega o Apia, o lana  
avā foi o lo sa Aronā, e igoa  
ia Elisapeta. Ua la amio 6  
tonu i luma o le Atua, o  
savali foi i laua i poloaiga  
ma faatonuga a le Alii e lei  
mata'uleagaina. E leai sa 7  
la fanau, ina ua pa o Elisa-  
peta, ua la matutua uma  
lava.

Ua oo ina o fai e ia le 8

faiva o le faitaulaga i luma  
o le Atua, e au a'i i lona  
9 vasega. Pei o le tu a fai-  
taulaga, o lona tofi foi e alu  
i le malumalu o le Alii e  
10 faamu ai i mea manogi. O  
loo tatalo foi i fafo le motu  
o tagata uma, i le ituaso e  
fai ai le tāulaga manogi.  
11 Ua iloa atu e ia le agelu a  
le Alii, o loo tu i le itu  
taumatau o le fata e fai ai  
12 le tāulaga manogi. Ua iloa  
e Sakaria, ona atuavale  
ai lea, ua oo ia te ia le  
13 mata'u. Ua faapea mai le  
agelu ia te ia, Sakaria e,  
aua e te matau; auā ua  
faalogoina lau tatalo; e  
fanau lau ava o Elisapeta i  
sou atalii, e te faaigoa ia te  
14 ia o Ioane. E ia te oe le  
fiafia, ma le olioli; e toatele  
foi e fiafia i lona fanauga.  
15 Aua e sili ia i luma o le  
Alii, e le inu ia i le uaina  
poo ni sua oona, e faatumu-  
ina ia i le Atamai Paia talu  
ona o i le manava o lona  
16 tina. E faaliliu e ia o  
Isaraela e toatele i le Alii  
17 lo latou Atua. E savali ia  
i ona luma ma le loto, ma

le mana o Elia, e faaliliu e i loto o mātua i fanau; o e angata foi i le potō o e amio tonu; e sauni le nuu e faatatauina mo le Alii. Ua fai atu Sakaria i le 18 agelu, E faapefea ona ou iloa e a'u le mea nei? aua ua ou toeaia, o la'u ava foi ua loomatua ia. Ua tali 19 mai le agelu, ma faapea mai ia te ia, O au o Kaperielu, o lē tu i luma o le Atua; ua auina mai o a'u e fai atu, ma ta'u atu ia te oe i lenei tala lelei. Faauta e gūgū 20 oe, e te le magagana seia oo i le aso e oo ai nei mea, auā na e le talitonu mai i a'u upu, e taunuu lava pe a oo i ona po.

O loo faatali le nuu ia 21 Sakaria, ma ofo ina ua tuai mai ia i le malumalu. Ua 22 alu ia i fafo, ua le magagana ia te i latou; ua latou iloa ai ua vaia e ia se ata i le malumalu; ua soona genogeno atu ia te i latou, ua gūgū pea ia. Ua oo i le 23 aso na tuu ai lona faiva, ona alu ai lea o ia i lona aiga.

Ua mavae ia ona aso, ua 24 to o Elisapeta lana ava, ua lafililo ia ia i ona masina e lima, o loo faapea aue, Ua 25 faapea ona faia e le Alii ia te au, i ona aso ua silasila mai ai ia ia te au, e ave ese ai i le mea ou te mā ai i luma o tagata.

Ua oo i le ono o masina 26 ona auina mai ai lea e le Atua o le agelu o Kaperielu i le aai o Kalilaia, o Nasa-

27 reta le igoa; I le tasi tāupou o le aiga o Tavita, na faufau tane i le tasi tagata e igoa ia Iosefa; o Maria 28 foi le igoa o le tāupou. Ua ulufale mai le agelu ia te ia ma fai mai i ai, siou alofa ia te oe lē faapelepeleina, ua ia te oe le Alii; Amuia oe 29 i fafine uma. Ua vaai atu foi ia, ua atuatuvaie ia i lana fetalaiga, ua taumate foi i lona loto, poo faapefea 30 le uiga o lenei alofa. Ua fai mai foi le agelu ia te ia, Maria e, aua e te fefe; auā ua alofaina mai oe e le Atua. 31 Faauta foi o le a to oe ma e fanauina se tama tane, e te faaigoa ia te ia o Iesu. 32 E sili ia, e ta'ua foi o le Atalii o Le Silisili ese; e foai atu e le Alii o le Atua ia te ia le nofoaiga a Tavita 33 lona tamā; E nofo ia i le malo i le aiga o Iakopo e āu tupulaga; o lona malo 34 foi e leai sona gataaga. Ua fai atu Maria i le agelu; A faapefea le mea nei; auā ou 35 te lei iloa sa'u tane? Ua tali mai le agelu ma faapea mai ia te ia, e afo mai le Atamai Paia ia te oe, e faamaluina foi oe e le mana o Le Silisili ese; o lenei foi e ta'ua ai le tama paia, o le 36 Atalii o le Atua. Faauta foi o lou aiga o Elisapeta ua to ia ina ua loomatua, o le tama tane foi lana tama; o le onogamasina foi lenei i 37 lē na ta'ua e pa. Auā e leai lava se mea e tasi e le 38 mafaia e le Atua. Ua fai

atu Maria: Faaute o au nei le auauna a le Alii, ia taunuu mai ia te a'u lau fetalaiga. Ona tuua ai lea o ia e le agelu.

O aso lava ia na alu ai le 39 malaga a Maria, ua tele vave, i le atu mauga, i le tasi aai o Iutaia; Ua ulu 40 atu foi o ia i le fale o Sakaria, ma alofa atu ia Elisapeta. Ua faalogo Elisapeta 41 i le alofa o Maria, ona osooso ai lea le tama i lona manava; Ua faatumuina foi Elisapeta i le Atamai Paia; Ua alaga ia, ua leo tele, ma 42 fai atu, Amuia oe i fafine, amuia foi le fua o lou manava. Sea la'u nei mea, 43 ina ua sau le tina o lo'u Alii ia te au nei? Faaute 44 foi, ua oo mai le leo o lou alofa i o'u taliga, ona osooso ai lea le tama i lo'u manava, ma le olioli. E manuia le 45 fafine e talitonu, aua e taunuu upu na fetalai mai le Alii ia te ia. Ua fai ane 46 Maria, Ua faavivii atu nei lo'u loto i le Alii. Ua fia- 47 fia lava lo'u atamai i le Atua o lo'u Faaolataga; Ina 48 ua silasila mai ia i le mativa o lana auauna; auā e amata i le tausaga nei ona faa- 49 muia mai ia te au e tupulaga uma. Aua o lē Ma- 50 mana ua fai e ia vavega ia te au; e paia foi lona suafa. O lona alofa i e matatau ia 51 te ia e āu tupulaga lava. Ua fai ia faamalosi lona aao, 51 ua faataapeapeina e ia o e faasiasia i le manatunatu o

52 latou loto. Ua tulei ifo e ia i malo nai o latou nofoa ua faamaualugaina e ia o e 53 maualalo. Ua faamaoona e ia i e fia aai i mea lelei, a o e mau mea ua aufuaina atu 54 e ia. Ua fesoasoani ia i lana auauna o Isaraela i lona manatu mai i lona alofa 55 tunoa, Ia Aperaamo, mana fanau e āu tupulaga, pei ona folafola mai e ia i o tatou 56 mātua. Ua nofo Maria ma ia, pe tolu masina, ona foi ai lea o ia i lona aiga. 57 Ua oo i le masina o Elisapeta e fanau ai, ona fanau ai lea e ia o le tama tane. 58 Ua faalogo lona aiga ma le atu fale uma, ua alofa tele mai le Alii ia te ia, ona olioli ai lea i latou ma ia. 59 Ua oo i ona po valu ona o mai lea i latou e peritome ai i le tama, o loo faaigoa e i latou ia te ia i le igoa o 60 lona tamā o Sakaria. Ona fai atu lea lona tina, ua faapea atu; aua, e faaigoa lava 61 ia te ia o Ioane. Ua latou fai mai ia te ia, E leai se tasi o lou aiga e igoa a'i. 62 Ua latou genogeno atu i lona tamā, pe se a lona loto 63 i sona igoa. Ua fai ane ia i se lau papa tusi e au mai, ona tusi ai lea; o Ioane lona igoa. Ona latou ofo 64 uma ai lea. Ona matala loa lea lona gutu, ma lona laulaufaiva, ua tautala ia ma 65 faafetai i le Atua. Ua oo le mata'u i le atu fale uma, ua soo foi le tala o nei mea uma i le atu mauga uma o



Iutaia. O e na faalogo ua 66  
mafaufau i ai, o loo faapea  
mai, Pe faapefea le tama  
nei? Ua ia te ia le aao o le  
Alii.

Ua faatumuina o Sakaria 67  
lona tamā i le Atamai Paia,  
ona perofeta ane ai lea, o  
loo faapea ane, Faafetaia 68  
i le Alii o le Atua o Isa-  
raela, ina ua asiasi mai o ia,  
ma faaola i lona nuu, Ma 69  
ua faatuina so tatou tupu  
faaola i le aiga o lana au-  
auna o Tavita, (Faapei 70  
ona fai mai e ia i gutu o  
lana au perofeta paia talu i  
le amataga.) O lo tatou 71  
ola lava lea i o tatou fili,  
mai i lima uma lava o e ita  
mai ia te i tatou; Ina ia 72  
faaoo mai lona alofa na  
folafolaina i o tatou mātua,  
ma manatu mai i lana fea-  
gaiga paia; Le tautoga na 73  
ia taoto ai ia Aperamo lo  
tatou tamā; E foai mai 74  
mo i tatou le ola mai lima o  
e ita mai, tatou te le fefefe  
ai, tatou te tapuai ai ia te ia,  
Ma le paia ma le agatonu i 75  
aso uma.

O oe foi le tama e, e taua 76  
oe o le perofeta a le Silisili  
ese, auā e te muamua atu i  
luma o le Alii, e teuteni ona  
ala; E faailoa atu i le ola 77  
i ona tagata, i le aveesega o  
a latou sala. Ona ua muti- 78  
mutivale le alofa o lo tatou  
Atua, ua asiasi mai ai le  
malamalama mai lugā. E 79  
faamalalama ai i e no-  
noso i le pouliuli ma le  
pogisa o le oti, e taitai i o

tatou vae i le ala o le ma-  
nuia.

80 Ua tupu le tama ma le  
malosilosilo o lona atamai, ua  
i le fanua tuufua, seia oo i  
i le aso o lona tofiga ia Isa-  
raela.

## O LE MATAUPU II.

*O le poloaiga a Aukuso, ma le  
fanauga o Iesu.*

1 **O** ASO lava ia na oo ai  
le poloaiga a Kaisara  
Aukuso ia tusia uma atu le  
2 nuu. (Ua faaii lenei uluai  
tusiga ina o pule o Kurenio  
3 i Suria.) Ua o uma atu foi  
i latou, taitasi i lana lava  
4 aai. Ua alu ae foi Iosefa  
mai Kalilaia, mai le aai o  
Nasareta, i Iutaia i le aai a  
Tavita, ua taua o Petelee-  
ma, aua o le aiga ia ma le  
5 gafa o Tavita, Etusia faa-  
tasi ma Maria lana ava sa  
faufau tane ia te ia, o loo  
6 to ia. O loo i ai laua, ua  
7 oo i ona po e fanau ai. Ua  
fanau ia i lana tama uluma-  
tua, ua aui i le ie ma faataoto  
ia te ia i le fale povi, auā  
latou te le ofi i le fale e tali  
ai malo.

8 Sa i lea fanua o isi leo-  
leo mamoe, o loo matamoe  
i latou i itu po i a latou  
9 fagaga a mamoe. Faau-  
ta ua tu mai ia i latou le  
agelu a le Alii, ua pupula  
faataalioli, mai foi ia te i  
latou le mamālu o le Alii,  
ua matuā fefefe i latou, ma  
10 le mata'u. Ua fai mai le

agelu ia te i latou, aua tou te matatau, faauta foi ou te ta'u atu ia te outou le tala lelei e olioli tele ai atoa uma tagata, Aua o le aso 11 nei ua fanau ai i le aai a Tavita, so outou Faaola o le Alii ia o le Mesia. O 12 le faailoga lenei ia te outou, e iloa e outou le tama mea-meae, na aui i le ie, o loo taoto i le fale povi. Ua 13 faafuasei ona iloa mai ua faatasi ma le agelu o le aofaga mai le lagi e toatele, o loo pepese i le Atua, ma fai ane, O le viiga o le 14 lagi aupitoaluga i le Atua lava; ma le manuia i le lalolagi, o le finagalo alofa i tagata.

Ua o i le lagi agelu sa ia i 15 latou, ona felafolafoai ai lea le au leoleo mamoe, a tatou o nei i Peteleema, tatou te vaavaai i lenei mea ua faia, ua faailoa ia te i tatou e le Alii. Ua latou faataalise 16 atu, ma iloa atu ia Maria ma Iosefa ma le tama foi o loo taoto i le fale povi. Ua latou iloa, ona faailoa 17 ai lea le mea na taua mai ia te i latou i lea tama. O i latou uma e na faalogo, 18 ua ofo i mea na taua mai ia te i latou e le au leoleo mamoe. A o Maria ua tuu 19 nei mea uma i lona loto, ua mafaufau i ai. Ua foi mai 20 le au leoleo mamoe, o loo vivii ma pepese i le Atua, ona o mea uma na latou faalogo ma vaai i ai, pei ona taua mai ia te i latou.

21 Ua oo i le po valu e peritome ai i le tama, ua faaigoaina o ia o Iesu, na faaigoai e le agelu ina le o i 22 le manava o lona tina. Ua atoa ona aso o le faamamaina o i lava, pei o le tulafono a Mose, ua latou au mai ia te ia i Ierusalema, e tuu atu ai i luma o le Alii. 23 (Pei ona tusia i le tulafono a le Alii, o tama tane ulumatua uma e paia mo le 24 Alii.) E ave atu foi i le taulaga pei ona fai mai ai le tulafono a le Alii; o le ulugā manu tagi, poo tamai lupe e lua sua. 25 Faauta sa i Ierusalema le tasi tagata e igoa ia Simeona; o le amio tonu ma le mata'u i le Atua, o loo faatalitali atu o ia i le fesoasoani o Isaraela, ua ia te ia 26 le Atamai Paia. Ua iloa e ia i le Atamai Paia, e le oo ia te ia le oti seia muai iloa atu i le Mesia o le Alii. 27 Ua alu ia ona o le Atamai i le malumalu; ua au mai i le tama o Iesu e ona mātua, e fai ai ia te ia faapei 28 o le tulafono. Ua sapaia e ia i ai i ona lima, ua faafetai atu i le Atua, ma fai atu, 29 Le Alii e, e te tuuina atu nei lau auauna ma le manuia, pei o lau afioga; Aua ua iloa e o'u mata o le faa- 30 olataga mai ia te oe; Na e saunia i luma o nuu uma 32 lava; O le malamalama e faamalamalama ai i atunuu, ma le mamalu o lou nuu o Isaraela.

Ua ofo lava Iosefa ma 33  
lona tina i mea na taua ia  
te ia. Ua faaamua atu 34  
Simeona ia te i latou, ma  
fai atu ia Maria lona tina,  
Faauta, ua tuu le tama nei  
e pauu ai ma toe tutu ai e  
toatele o i Isaraela, e fai foi  
ma faailoga e faaleagaina;  
(A e tuia foi lou lava loto i 35  
se pelu,) ina ia faaalua mai  
ai o manatu o loto o tagata  
e toatele. Sa i ai le tasi 36  
perofeta fafine o Ana, o le  
afafine o Fanuelu o le itu  
aiga o Asera, ua loomatua  
ia, sa la nonofo ma lana  
tane e fitu tausaga talu ina  
o tāupou. O lea foi ua nofo 37  
fua, ona tausaga atoa ua  
valugafulu ma le fa, e lei  
alu ese ia i le malumalu, a  
ua tapuai i talosaga ma faa-  
vauvau i le ao ma le po.  
I lea lava ituaso, ua ulu 38  
fale ia, ua faafetai atu i le  
Alii, ma tautala ia te ia i  
tagata uma lava e na faa-  
tali atu i le faaola i Ieru-  
salema.

Ua faia e i laua mea uma 39  
e tatau i le tulafono a le  
Alii, ona foi atu lea i Kali-  
laia, i la laua aai o Nasa-  
reta. Ua tupu le tama, ua 40  
malosilosilosi lona loto, ua tumu  
i le poto; ua ia te ia le alofa  
tunoa o le Atua.

Ua o i Ierusalem ona 41  
mātua i lea tausaga ma lea  
tausaga i le tausamiga o le  
paseka. Ua oo ia i ona 42  
tausaga e sefulu ma le lua,  
ona o ae lea i latou i Ieru-  
salema, o le tu lea o le tau-

43 samiga. Ua mavae ona aso,  
ona foi mai lea o i laua, a  
ua nofo le tama o Iesu i  
Ierusalem, e lei iloa e Io-  
44 sefa ma lona tina. Fa te i  
laua o i le au malaga o ia;  
ua la po tasi i le ala, o loo  
sailiili i laua ia te ia i lo la  
aiga ma e na iloa e i laua.  
45 Ua le iloa o ia, ona la foi  
atu lea i Ierusalem, o loo  
46 saili ia te ia. Ua oo i le  
po tolu ona la iloa ai lea o  
ia i le malumalu o loo nofo  
i totonu o le au aoao, ma  
faalogo, ma taufesili foi ia  
47 te i latou. Ua matuā ofo  
uma lava e na faalogo ia te  
ia i lona poto ma ana upu e  
48 tali. Ua la maofa ina ua  
iloa atu ia e i laua; ua fai  
ane lona tina ia te ia, La'u  
tama e, se a e te faapea mai  
ai ia te i maua? Faauta o  
i maua ma lou tamā sa ma  
saili lava ia te oe ma le  
49 tagi. Ona fai atu lea o ia  
ia te i laua, se a ea na oulua  
saili mai ai ia te au? lua  
te le iloa ea e tatau ia te au  
ona au i le fale o lo'u Tamā?  
50 E lei iloa e i laua le upu na  
fai mai ai ia ia te i laua.  
51 Ua alu ifo ia ma i laua, ua  
oo i Nasareta, o loo anaana  
ia ia te i laua: a o lona tina  
ua tausi i nei mea uma i  
52 lona loto. Ua tupu tele le  
poto ma le tino o Iesu, ua  
pelepeleina o ia e le Atua  
atoa ma tagata.

## O LE MATAUPU III.

*O le tala'iga a Ioane, ma lana papatisoga.*

**O** LE tausaga e tasi le 1  
sefulu ma le lima i le  
nofoaiga a Tiperio Kaisara,  
o loo pule Ponotio Pilato i  
Iutaia, o Herota le tupu o  
Kalilaia ma Filipino lona uso  
le tupu o Ituraia ma le  
fanua o Telekoniti, o Lu-  
sario foi o le tupu o Api-  
lene. O Ana ma Kaiasa o 2  
faitaulaga sili ia, ua oo ane  
ai le afioga a le Atua ia  
Ioane le atalii o Sakaria i  
le fanua tuufua. Ua alu 3  
atu ai ia i le itu uma o  
Ioritana, ma tala'i i le pa-  
patisoga o le salamo mo le  
aveesega o sala. Pei ona 4  
tusia i le lautusi o upu a  
Isaia le perofeta, o loo faa-  
pea ane, O loo alaga i le  
fanua tuufua le leo o le  
tasi, Ina teuteu ia outou i  
le ala o Ieova, ma faasao i  
ona savaliga. E faatumuina 5  
o vanu uma, e faamaualalo-  
ina foi o mauga, ma mea  
māupuepue uma; e faasao-  
ina foi o mea piopio, ma ala  
gāoā e faalauleleiina ia. E 6  
iloa ai taitasi e tagata uma  
le Faaolataga mai le Atua.  
Ua fai atu ia i le motu o 7  
tagata, e na o mai e papa-  
tisoina e ia, Fanau a gata  
feai e, o ai na na faasino atu  
ia te outou e sosola i le  
toasa a tali? Ia outou fua 8  
mai ni fua e tataua ma le  
salamo, aua tou te masalo

ifo o Aperaaamo lo outou  
tamā, aua ou te fai atu ia te  
outou, e mafaia lava e le  
Atua ona faatuina mai i nei  
maa ni fanau ma Aperaaamo.  
9 O loo tuu nei foi le matau i  
tafu'e o laau; o laau uma  
foi e lē fua mai i fua lelei,  
e taia, ma lafoaiina i le afi.  
10 Ua fesili mai le motu o ta-  
gata ia te ia, ma faapea  
mai, se a le mea matou te  
11 faia? Ua tali atu ia ma  
faapea atu ia te i latou. O  
le tagata e lua ona ofu  
kitone, e ave ane ia te ia  
e leai sona ofu; o le tagata  
e ia te ia mea e 'ai, ia faa-  
12 pea foi ona fai. Ua o mai  
le au telona e papatisoina,  
ma faapea mai ia te ia, Le  
aoao e, se a le mea matou te  
13 faia? Ona faapea atu lea  
o ia ia te i latou, Aua tou te  
fai mea e sili i la le tula-  
14 fono. Ua fesili foi le au  
fitafita, ma faapea mai ia te  
ia, se a foi le mea matou te  
faia? Ona faapea atu lea  
o ia ia te i latou, aua tou te  
faamatau atu i se tasi, aua  
tou te tuuai i se tasi; ia  
outou tali filemu mai i lo  
outou tau. 15  
O loo faatalitali le nuu,  
ma masalosalo ifo uma lava  
ia Ioane po o ia le Mesia.  
16 Ua tali atu Ioane ia te i  
latou uma, ua faapea atu,  
O au nei lē papatiso atu ia  
te outou i le vai, a o loo  
maliu mai le tasi ua sili  
lona mana i lo'u, ou te le  
tusa ona au tatala i le nonoa  
o ona seevae: o ia lava na

te papatiso ia te outou i le Atamai Paia, ma le afi ; O 17 i lona lima lana asu, e faamama e ia i lana faaputugā saito ; e faapotopoto foi e ia le saito i totonu o le fale e tuu ai saito, a e susunu i le aputi i le afi e le mate. O 18 isi foi upu faamafanafana e tele na ia folafola ai i le tala lelei i le nuu.

A ua vaolia le tupu o 19 Herota e ia, ona o Herotia le ava a lona uso, ma mea leaga uma na faia e Herota. Ua na faapoopoina lenei 20 mea i mea uma, ua tuuina atu e ia o Ioane i le fale pui-pui.

Ua papatisoina foi le nuu 21 uma, ona papatisoina ai lea o Iesu, o loo ua tatalo ia, ona tatala ai lea o le lagi. Ua afio ifo le Atamai Paia, 22 ua tino mai ua pei o le lupe, ua oo mai le leo mai le lagi, ua faapea mai, O lo'u Atalii pele oe, ua ou fiafia lava ia te oe.

O Iesu foi, ua faatoa oo i 23 le tolu gafulu ona tausaga (ua manatua foi) o ia le atalii o Iosefa, o ia le atalii o Heli, O ia le atalii o 24 Matata, o ia le atalii o Levi, o ia le atalii o Meleki, o ia le atalii o Iana, o ia le atalii o Iosefa, O ia le atalii o 25 Matatia, o ia le atalii o Amosa, o ia le atalii o Nau-mo, o ia le atalii o Eseli, o ia le atalii o Nagae, O ia le 26 atalii o Maato, o ia le atalii o Matatia, o ia atalii o Semei, o ia le atalii o Iosefa,

27 o ia le atalii o Iuta. O ia le atalii o Ioana, o ia le atalii o Resa, o ia le atalii o Serupapelu, o ia le atalii o Salatielu, o ia le atalii o 28 Neri, O ia le atalii o Meleki, o ia le atalii o Ati, o ia le atalii o Kosamo, o ia le atalii o Elemotamo, o ia 29 le atalii o Eru, O ia le atalii o Iose, o ia le atalii o Elieseru, o ia le atalii o Ioreimo, o ia le atalii o Matata, o ia le atalii o Levi, 30 O ia le atalii o Simeona, o ia le atalii o Iuta, o ia le atalii o Iosefa, o ia le atalii o Ionano, o ia le atalii o 31 Eliakeimo, O ia le atalii o Melea, o ia le atalii o Mainano, o ia le atalii o Matata, o ia le atalii o Natano, o 32 ia le atalii o Tavita, O ia le atalii o Iese, o ia le atalii o Opeto, o ia le atalii o Poasu, o ia le atalii o Salemona, o ia le atalii o 33 Naasona, O ia le atalii o Aminatapu, o ia le atalii o Aramo, o ia le atalii o Eseroma, o ia le atalii o Faresu, 34 o ia le atalii o Iuta, O ia le atalii o Iakopo, o ia le atalii o Isaako, o ia le atalii o Aperamo, o ia le atalii o Teraa, o ia le atalii o Na- 35 kori, O ia le atalii o Seruko, o ia le atalii o Rakau, o ia le atalii o Fareko, o ia le atalii o Eperu, o ia le 36 atalii o Sala, O ia le atalii o Kainano, o ia le atalii o Afasata, o ia le atalii o Semu, o ia le atalii o Noa, 37 o ia le atalii o Lameko, O

ia le atalii o Metusela, o ia le atalii o Enoku, o ia le atalii o Iareto, o ia le atalii o Maleleelu, o ia le atalii o Kainano. O ia le atalii o 38 Enosa, o ia le atalii o Setu, o ia le atalii o Atamu, o ia le atalii o le Atua.

#### O LE MATAUPU IV.

*O le faaososoga o Iesu, ma lona manumalo i le tiapolo.*

U A foi ae Iesu mai Iori- 1 tana, o loo tumu i le Atamai Paia, ua taitaiina ane e le Atamai i le fanua tuufua, Ua faaososoina e 2 le tiapolo i aso e fagafulu. O aso lava ia e lei 'ai ai ia sina mea e tasi, ua mavae ia aso ona fia 'ai ai lea o ia. Ua fai mai ia te ia le tia- 3 polo, Afai o oe le Atalii o le Atua, ina fai ane ia i lenei maa ia liu ma mea e 'ai. Ua tali atu Iesu ia te 4 ia, ua faapea atu, Ua tusia, E lē ola lava se tasi a ina na o mea e 'ai, a o mea uma e saunia e le Atua. Ua 5 taitai ae foi le tiapolo ia te ia i le mauga mauvaluga, ma faasino atu ia te ia i malo uma o le lalolagi, pei se emo lava. Ua fai mai foi 6 le tiapolo ia te ia, ou te ave atu ia te oe i lenei pule uma, mona mamalu, auā ua tuuina mai ia te au, ou te ave atu ai foi i lena ou te manao i ai. Afai e te ifo 7 mai ia te au, e ave atu uma nei mea ma au. Ua tali 8

atu Iesu, ua faapea atu ia te ia, Satani e, ina alu ese ia oe i o'u tua; ua tusia, E te ifo ia Ieova lou Atua, na o ia lava e te tapuai i ai. 9 Ua taitai ia ia te ia i Ierusalem, ua faatu ia te ia i le tumutumu o le malumalu, ua fai mai ia te ia; Afai o oe le Atalii o le Atua ina oso ia oe i lalo i le mea nei. 10 Aua ua tusia, ua poloai o ia i ana agelu ia te oe, e tausi 11 ia te oe; Latou te taofi ia te oe i o latou lima, nei tuia 12 lou vae i se maa. Ua tali atu Iesu, ua faapea atu ia te ia: O loo faapea le upu; Aua e te faaonoono ia Ieova 13 lou Atua. Ua uma ona tofotofoina o ia e le tiapolo, ona alu ese ai lea ia te ia seia i se aso. 14 Ua foi atu Iesu i le mana o le Atamai i Kalilaia; ua soo lava le atunuu uma i 15 lona logo. O loo aoso ia i o latou sunako, ua viia ia e tagata uma. 16 Ua oo foi ia i Nasareta, na tupu ai ia, ua ulu fale ia, o lana masani lea, i le sunako i le sapati; ua tu i luga 17 a faitau. Ua tuuina mai ia te ia le lautusi a le perofeta o Isaia. Ua fofola e ia le lautusi, ona maua ai lea le mea na tusia ai lenei upu, 18 Ua ia te au le Atamai o Ieova, ina ua faauu mai ia ia te au, e folafola i le tala lelei i e matitiva; ua auina mai o a'u e ia e faamalolo i e loto momomo, e tala'i i le saolotoga i le au faaifoga,

ma le pupula o mata o e  
 tauaso, e tuu faitalia i e  
 tuia. E tala'i i le tausaga 19  
 e finagalo malie mai ai  
 leova. Ua taai e ia le lau 20  
 tusi, ona tuu atu ai lea i le  
 auauna, ua nofo i lalo; ua  
 pulatoa mai ia te ia mata o  
 tagata uma i le sunako.  
 Ua fai atu ia ia te i latou, 21  
 O le aso nei ua taunuu ai  
 lenei tusi i o outou lava  
 taliga. Ua latou faalelei 22  
 ane uma ia te ia, ma ofo i  
 upu alofa na pau mai lona  
 fofoga; ua latou fai ane, E  
 le o le atalii lenei o Iosefa?  
 Ua fai atu ia ia te i latou, 23  
 E fai mai lava e outou le-  
 nei upu faatusa ia te au, Le  
 foma'i e, ina faamalolo ia  
 oe ia te oe; o mea na faia  
 i Kapanau, na matou faa-  
 logo ai, ia e faia foi iinei, i  
 lou nuu moni. Ua fai atu 24  
 ia, E moni ou te fai atu nei  
 ia te outou; E le talia se  
 perofeta i lona nuu moni.  
 E moni o lo'u te fai atu ia 25  
 te outou; sa i Isaraela i le  
 tausaga o Elia, o fafine ua  
 oti tane e toatele, na puni-  
 tia le lagi i ona tausaga e  
 tolu, ma masina e ono, ua  
 oge tele ai le nuu uma. A 26  
 e lei auina atu o Elia i so  
 latou, tau lava i Salefata le  
 aai o Saitonu, i le taei fa-  
 fine ua oti le tane. Sa i 27  
 Isaraela o e lepela e toatele  
 i le tausaga o le perofeta o  
 Elisaia, a e lei faamamaina  
 so latou, tau lava o Naa-  
 manu o le Suria. Ua faa- 28  
 logo uma o e na i le sunako

i nei mea, ona matua tupu  
 29 ai lea o latou loto. Ua la-  
 tou feosofi i ai, ua tuli ia te  
 ia i tua o le aai, ua taitai ia  
 te ia i le tofē o le mauga,  
 na faatu ai la latou aai, a  
 30 faatitō ifo ia te ia. A ua  
 savali ane ia i o latou va,  
 ua alu ese.  
 31 Ua alu ifo ia i Kapanau-  
 mi, o le aai o Kalilaia; o  
 loo aoao ia ia te i latou i le  
 32 sapati. Ua matua ofo i  
 latou i lana mataupu, auā  
 o le fetalaiga a le fai pule  
 33 lana. Sa i le sunako le  
 tasi tagata ua i ai le agaga,  
 o le temoni leaga; ua ala-  
 34 ga mai, ua leo tele, Ua  
 faapea mai, Soia! Iesu e, le  
 Nasareta, se a ea lāu na ia  
 te i matou? Ua e maliu  
 mai ea e faauma ia i matou?  
 Ua au iloa o oe le Paia o le  
 35 Atua. Ua vavao Iesu ia te  
 ia, ua faapea atu, sei faalo-  
 logo ia, alu ia i fafo ia te ia.  
 Ua lafo i lalo le temoni ia te  
 ia i o latou va; ona alu lea i  
 fafo ia te ia, e lei afaina  
 36 lava ia. Ona oo lea ia te i  
 latou uma le maofa, ua fe-  
 tautalatalaai, ua faapea ane,  
 O le a lenei mataupu? aua  
 o le pule ma le mana ua  
 fai atu ai ia i agaga leaga,  
 ona latou o ese atu lea.  
 37 Ua oo atu lava lona logo i  
 mea uma o le atunuu.  
 38 Ua tuua e ia o le sunako,  
 ua ulu atu i le fale o Simo-  
 na. Ua maua le tina o le  
 ava a Simona e le mā'i ve-  
 vela, ua tele; ua latou faa-  
 39 toga atu ia te ia mo ia. Ua

soso ia i ona tafatafa ma vavao i le vevela, ona mavae ai lea, ona tulai loa lea ia e auauna ia te i latou.

Ua goto le la, ona latou 40 au mai lea ia te ia i e mamai i mai esee; ua paipai tasi atu ona lima ia te i latou, ma faamalolo ia te i latou. Ua o atu foi temoni i fafo i 41 e toatele, o loo alalaga, ma faapea mai, O oe lava le Mesia, le Atalii o le Atua. O loo vavao ia ia te i latou, aua lava nei latou ta'u ane, ua latou iloa o ia le Mesia.

Ua ao, ona savali atu lea 42 o ia i le mea tuufua, ua sili ia te ia le motu o tagata, ona o mai ai lea ia te ia ma taofi ia te ia, aua le alu ese ia ia te i latou. Ua fai atu 43 ia ia te i latou, e tatau ona au folafola i le tala lelei o le malo o le Atua i isi aai foi; aua o le mea lea na auina mai ai au. Ua tala'i foi ia 44 i sunako o Kalilaia.

## O LE MATAUPU V.

*Ua aoao Iesu mai le vaa o Peteru.*

Ua tu ia i le au vai o le 1 vai tele o Kenesareta, o loo fetuleni mai le motu o tagata ia te ia, e faalogologo i le upu a le Atua. Ua iloa 2 atu e ia i vaa e lua, a e o ese ai le au faiva, sa ta i o latou upega. Ua alu ae ia 3 i le tasi vaa, o le vaa lea o Simona, ma faatoga atu ia te ia e faaititi atu i tai le

vaa. Ua nofo i lalo ia ma aoao mai ai mai le vaa i le 4 motu o tagata. Ua uma lanna lauga, ona fai atu lea o ia ia Simona, Ina tuutuu atu ia i le loloto, ma tuu ifo ai i o outou upega e maua ai 5 ni i'a. Ua tali mai Simona, ua faapea mai ia te ia, Le Alii e, na matou fai faiva po, ua aoina, e leai ni mea e maua; a onā o lau upu ou 6 te tuu ifo ai i le upega. Ua uma ona fai ai i latou, ona latou siomia lea o le au i'a tele, o loo ua masae lo latou 7 upega. Ua latou genogeno atu i o latou o i le tasi vaa, e o mai e fesoasoani ia te i latou, ua latou o mai ua faatumu e i latou vaa uma e 8 lua, ua tali gogoto ai. Ua iloa e Simona Peteru ona faapa'u lea o ia i vae o Iesu, ua faapea mai, Le Alii e, ina maluu ese atu ia oe ia te au, aua o au le tagata aga- 9 sala. Aua na oo ia te ia atoa ma lo latou au faiva le maofa, aua o le au i'a ua la- 10 tou maua; O loo faapea foi Iakopo ma Ioane, o atalii o Sepetaio, o lo latou faiva faatasi ma Simona. Ua fai atu Iesu ia Simona, Aua e te fefe, e amata i nei ona po ona e maua ni tagata. 11 Ua ae mai o latou vaa i uta, ona latou tuu ai lea o mea uma, a e mulimuli atu ia te ia. 12 Sa i le tasi aai ia, faauta o le tasi tagata ua lilo ia i le lepela, ua iloa atu e ia o Iesu, ona punou ai lea ia i



lalo, ma aioi mai ia te ia, ua faapea mai, Le Alii e, a e finagalo e mafai lava ia te oe ona faamama ia te au. Ua faaloaloa ia lona lima, 13 ua pai atu ia te ia, ua faapea atu, ou te loto i ai; ia mama oe. Ona te'a ese loa lava lea le lepela ia te ia. Ua fai atu ia te ia, 14 ana le faailoa atu i se tasi; ina alu ia e faailoa oe i le faitaulaga, ma ave atu ma lou faamamaina, pei o le poloaiga a Mose, e fai ma faailoga ia te i latou. Ua 15 atili ai le oo o lona logo. Ua faapotopoto motu o tagata e toatele e faalogologo ia te ia, ma faamaloloia e ia i o latou vaivai. A ua 16 masani ia i alu lemu i le mea tuufua ma tatalo.

O loo aoao ia i le tasi aso, 17 ua nonofo mai ai faresaio ma aoao o le tulafono, e na o mai mai faoa aai uma o Kalilaia, ma Iutaia ma Ierusalem; ua i ai le mana o le Alii e faamalolo ia te i latou. Faauta foi, na au 18 mai e nisi tagata, i luga o le moega, o le tasi tagata ua mai i le supa, na latou tau-mafaia ona au mai ia te ia ma tuu ifo i ona luma. E 19 lei iloa e i latou se mea e au mai ai ia te ia, onā o le motu o tagata, ua fe'aei i latou i luga o le fale, ua tuutuu ifo ai i le loto fale i luma o Iesu. Ua iloa e ia lo latou 20 faatuatua, ona fai atu lea o ia ia te ia, Sole, ua tuueseina an sala. Ua femasalosaloi 21

le au failautusi ma le au faresaio, ua faapea ane, o ai lenei ua na faifai i le Atua? O ai na te mafaia ona tuuese i sala, na o le Atua lava?

22 Ua silafia e Iesu o latou manatunatu, ua tali atu ia, ua faapea atu ia te i latou, se a le mea tou te masalosa-

23 lo ai i o outou loto? Pe se a le faigofie? o le fai atu, ua tuueseina au sala: poo le fai atu, Tulai ia, ma ia 24 savali? A e peitai ina ia iloa ai e outou o i le Atalii o le tagata le mana uma i le lalolagi e tuuese ai i sala, (ua fai atu ia i le supa) Ou te fai atu ia te oe, Tulai ia, ina tago ae i lou moega, ma 25 alu ia i lou aiga. Ona tulai loa lea o ia i o latou luma, ma tago i le mea na taoto ai ia, ua alu i lona aiga, o 26 loo vii atu i le Atua. Ua matuā ofo i latou uma, ma vivii atu i le Atua; ua latou matuā fefefe, ua faapea ane, ua fai ese na mea na tatou iloa i le aso nei.

27 Ua mavae o nei mea, ona alu ai lea o ia i fafo ua vaa-vaai atu i le tasi telona e igoa ia Levi, o loo nofo i le fale e fai ai tāulaga; ua fai atu ia te ia, Ina mulimuli 28 mai ia ia te au. Ua lafoai e ia mea uma, ua tulai, ma 29 mulimuli ia te ia. Ua faia e Levi le faiga-'ai tele mo ia i lona fale; sa i ai telona e toatele, ma isi tagata e na 'aai faatasi ma i latou; 30 A o failautusi ma faresaio ua latou muimui i ona soo

ua faapea atu, se a le mea  
 tou te 'aai ai, ma feinu ai,  
 ma le au telona ma e ua  
 agasala? Ua tali atu Iesu 31  
 ma faapea atu ia te i latou,  
 O e malolo e le aoga i ai le  
 fomai, na o e mamai. Na'u 32  
 le sau e valaau i e ua amio  
 tonu, a o e agasala, ina ia  
 latou salamo.

Ua latou fai mai ia te ia, 33  
 se a le mea e faavauvau soo  
 ai, ma fai tatalo le au soo o  
 Ioane, ma soo foi o le au  
 faresaio, peitai ou soo ua  
 latou 'aai ma inu? Ona fai 34  
 atu lea o ia ia te i latou, E  
 mafai ea le au faaiipoipoga  
 ona faavauvau, ina o ia te i  
 latou le tane? A e oo mai 35  
 i ona po e aveeseina ai ia te  
 i latou le tane, o le tau lea  
 latou te faavauvau ai.

Ua fai atu ia ia te i latou 36  
 i le tasi faataoto; E leai se  
 tagata na te fonoa le ofu  
 tuai i le fasi ie o le ofu fou;  
 a faapea, ona saeia lea le  
 ofu tuai i le mea fou, e le  
 tusa foi le mea fou ma le  
 ofu tuai. E leai foi se tasi 37  
 na te liligi i le uaina fou i  
 fagu pa'u tuai, a faapea ona  
 pa ai lea o fagu i le uaina  
 fou, ona masaa ai lea, e  
 maumau ai fagu. A e pei- 38  
 tai e liligi le uaina fou i  
 fagu pa'u fou, ona saoga-  
 lemu lea. E leai foi se 39  
 tagata ua ia inu i le uaina  
 tuai, ua manao loa i le uaina  
 fou; aua ua fai mai ia, Ua  
 lelei le uaina tuai.

## O LE MATAUPU VI.

*Ua aoai Iesu i le au faresaio  
 i lo latou valea i le sapati.*

1 **O** LE sapati e tuaoi ma  
 le aso lua, ua sayali ai  
 ia i to saito; ona sei ai lea  
 ona soo ni fua o le saito, ma  
 mili ai i o latou alofi lima,  
 2 ua aai ai. Ua fai mai ia te  
 i latou o isi o le au faresaio;  
 se a le mea tou te fai ai i  
 le mea e sa ona fai i le sa-  
 3 pati? Ua tali atu Iesu ma  
 faapea atu ia te i latou, E  
 lei faitau ea e outou i le  
 mea na faia e Tavita ina ua  
 fia 'aai ia, atoa ma lana au  
 4 malaga: Ina ua ulu atu ia  
 i le fale o le Atua, ma ua  
 maua areto e laulauina i  
 luma, ua 'ai ai ma ave ane  
 i lana au malaga, e sa ona  
 'ai ai, tau lava o le au fai-  
 5 taulaga? Ua fai atu ia ia  
 te i latou, o le Atalii o le  
 tagata o le Alii lea o le  
 6 sapati. O le tasi sapati foi  
 ua ulu ai ia i le sunako ma  
 aoao; sa i ai le tasi tagata  
 ua gase lona lima taumatau.  
 7 Na lamalama ia te ia le au  
 failautusi ma le au faresaio  
 pe faamalolo ia i le sapati,  
 ina ia latou maua se mea e  
 8 tuuai ai ia te ia. A ua sila-  
 fia fua e ia lo latou manatu-  
 natu, ua fai atu i le tagata  
 ua gase lona lima, Ina tulai  
 ia, ma tu mai. Ona tulai lea  
 9 o ia, ua tu mai. Ona fai atu  
 lea Iesu ia te i latou, ou te  
 fesili atu ia te outou i le tasi  
 mea; Pe tataua ea i le sapati

ona agalelei, pe agaleaga? poo le faaola, poo le faaumatia o le ola? Ua fevaavaaiaia 10 ia ia te i latou uma, ua fai atu ia te ia, Ina faaloaloa ia lou lima: ona faapea ai lea ia; ona toe lelei ai lea lona lima, pei o le tasi. Ona 11 matua ita ai lea o i latou, ua fetautalatalaai i se mea latou te faia ia Iesu.

O aso lava ia ua alu ae ai 12 ia i le tasi mauga e tatalo, ua aoina lana tatalo i le Atua. Ua ao foi, ona va- 13 laan atu lea o ia i ona soo, ua filifilia e ia o i latou e toasefulu ma le toalua, ua ta'ua foi i latou e ia o Apotolo; O Simona (na faa 14 igoa atu foi e ia o Peteru), ma Aneterea lona uso, o Iakopo ma Ioane, o Filipino ma Patolomaio; O Mataio 15 ma Toma; o Iakopo le atalii o Alefaio, ma Simona ua ta'ua Selote; O Iuta foi le 16 uso o Iakopo, ma Iuta le Sikara, o ia le faalata. Ua 17 alu ifo ia ma i latou, ua tu ia i le tasi mea laugatasi, ma ona soo e toatele, ma tagata foi e toatele mai Iutaia uma, ma Ieruselema, mai i tai le matafaga o Turo ma Saitonu, ua latou o mai e faalogologo ia te ia, ma faamaloloina o latou mai; O e na tigaina e agaga leaga 18 ua faamaloloina i latou. Ua 19 tausisi le motu o tagata uma, e papai atu ia te ia, aua ua alu ane le mana na i ia te ia, ua faamalolo ai ia te i latou uma.

20 Ua vaai atu ia i ona soo ma fai atu, Amuia outou e matitiva; aua mo outou le 21 malo o le Atua. Amuia outou e fia 'aai nei; aua e faamaonaina outou. Amuia outou e tagi nei; aua e 22 ataata outou. Amuia outou pe a itagia outou e tagata, pe a teteeseina, ma faaleagaina e i latou, ma lafoaiina lo outou igoa, pei o se mea leaga, ona o le Atalii o le 23 tagata. Ia outou olioli i lea aso, ma ia outou saasaa ma le fiafia; faauta foi, o i le lagi lo outou tauu ua tele; ua faapea foi o latou matua 24 i le au perofeta. Peitai outou e mauoa, oi talofa ia te outou! aua ua outou 25 maua so outou lelei. Oi talofa ia te outou e na maonaa, auā e fia 'aai outou. Oi talofa ia te outou e ataata nei! auā e faanoanoa 26 outou, ma tagi aue. Oi talofa ia te outou pe a tautala lelei tagata ia te outou! aua na faapea lava o latou matua i le au perofeta pepelo. 27 A ou te fai atu ia te outou o e faalogo mai, Ina alofa atu i e o fai outou mo latou fili; ia agalelei atu i e ita mai ia 28 te outou, Ia outou faalelei atu i e fetuu mai ia te outou, ia outou tatalo mo e faifai 29 mai ia te outou; O le tui ia te oe i le tasi alafau, ina liliu atu i ai le tasi; o le ave ese i lou ofu, aua e te vaoina atu lou ofu kitone 30 foi ia te ia. Ina ave atu ia

i le tagata e isi mai ia te oe ;  
o lē fao i au mea, aua e te  
toe aamiina atu. Pei ona 31  
outou loto i tagata ona ia  
latou faia mai ia te outou, ia  
outou faapea atu lava ia te  
i latou.

Pe afai tou te alofa atu 32  
i e alofa mai ia te outou, se  
a ea lo outou tau? aua ua  
alofa atu o e agasala i e  
alofa mai ia te i latou. Pe 33  
afai tou te agalelei atu i e  
agalelei mai ia te outou, se  
a ea lo outou tau? aua ua  
faapea lava foi o e ua aga-  
sala. Pe afai tou te ave atu 34  
i se mea ua nonoina, ma loto  
e toe maua mai ai, se a ea lo  
outou tau? aua e ave atu e  
toe au mai o e agasala i e  
agasala ina ia faapea mai i  
latou. Peitai outou, ia ou- 35  
tou alofa atu i e o fai outou  
mo latou fili, ma ia agalelei  
atu ; ma ia ave atu e toe au  
mai, aua le toe faatuatua i  
se mea e tasi ; e tele ai so  
outou tofogi, e avea outou  
ma fanau a le Silisili ese ;  
auā o ia le agamalu i e aga-  
vale, atoa ma e amio leaga.  
O lenei foi ia mutimuti vale 36  
lo outou alofa, pei o le alofa  
o lo outou Tamā. Aua tou 37  
te faamasino atu, ona le faa-  
masinoina mai ai lea outou ;  
aua tou te faasalala, ona le  
faasalaina mai ai lea outou ;  
ia outou faamagaloina atu, e  
faamagaloina mai ai outou.  
Ia outou foai atu, e foaiina 38  
mai ai ia te outou ; e foai  
mai i latou i lo outou lava  
siapo le fuaga lelei, e taomia

ma luluina ; e tumu ma solo  
i tua. Auā o le fua tou te  
fuaina atu ai, e fuaina mai  
ai ia te outou.

39 Ua fai atu ia i le tasi faa-  
taoto ia te i latou ; E mafai  
ea le tauaso ona taitai i le  
tauaso? la te le pauu uma  
40 lava ea i le utu? E le sili  
le soo i lona aoao, a ua tai-  
tasi ma faapei o lona aoao o  
41 e ua uma ona aoao. Se a  
le mea e te iloa ai si fasi  
laau i le mata o lou uso, a e  
le iloa e oe le utupoto i lou  
42 lava mata? Se a le mea e  
te fai atu ai i lou uso, Lo'u  
uso e, ina tuu mai ia ia te  
au e eu ese ai i si fasi laau i  
lou mata, ona le iloa e oe le  
utupoto i lou lava mata?  
O oe na le pepelo, ina muai  
tiaia ia oe i le utupoto mai  
lou mata, ona iloa lelei ai  
lea e eu ese ai i si fasi laau  
43 i le mata o lou uso. E leai  
foi se laau lelei e fua mai i  
le fua leaga ; e leai foi se  
laau leaga e fua mai i le fua  
44 lelei. O laau taitasi ma  
lona lava fua e iloa ai ; auā  
e le tau e tagata fua o le  
mati i laau tuitui, latou te  
le fai foi i le au vine i le  
45 laau talatala. Ua au mai  
le tagata lelei i mea lelei  
mai le faulaiga lelei i lona  
loto ; o le tagata leaga foi ua  
au mai i mea leaga mai le  
faulaiga leaga i lona loto ;  
aua o le tumu o le loto e  
46 tala mai ai lona gutu. Se a  
ea le mea e tau'ai i au e  
outou, Le alii e, le alii e, a e  
tou te le faia i mea ou te fai

atu ai? O sē sau ia te au 47  
ma faalogo i a'u upu ma  
anaana i ai, ou te faailoa atu  
ia te outou i lona faatusa.  
E tusa ia ma le tagata e fai 48  
i lona fale, ua eli loloto ia,  
ua tuu i le faavae i luga o  
le papa, ona lolofi ai lea, ua  
fafati tetele mai le vai tafe  
i lea fale, e le magaoioi ai  
lava: aua ua faatuina i luga  
o le papa. A o lē faalogo 49  
ma le lē anaana, e tusa ia  
ma le tagata e fai i lona fale  
i luga o le eleele, e leai sona  
faavae; ua fafati tetele mai  
le vai tafe i ai, ona pa'u loa  
lea, ona tele ai lea lona nu-  
tipalaina.

# O LE MATAUPU VII.

*Ua faamaloto e Iesu le auuama  
a le alii o le toaselau.*

U A faauma ia i ana upu 1  
uma, o loo faalogo ai le  
nuu, ona alu ai lea o ia i  
Kapanaumi. Ua ma'i le 2  
auauna a le tasi alii o le  
toaselau, sa faapelepeleina e  
ia, ua tali oti. Ua faalogo 3  
ia ia Iesu, ona auina mai  
lea e ia o matutua o Iutaia,  
e aioi mai ia te ia e alu ma  
faola i lana auuama. Ua 4  
latou o mai ia Iesu, ua latou  
faatoga mai ia te ia ua faa-  
pea mai, Ua aoga lena e te  
fai ai le mea nei. Aua ua 5  
alofa mai ia i lo latou nuu,  
ua na fai foi i le sunako mo  
i matou. Ona o ai lea o 6  
Iesu ma i latou, ua latalata  
ia i le fale, ona auina mai

lea e le alii o le toaselau o  
ana uo ia te ia, ua faapea  
mai ia te ia, Le alii e, aua  
e te faatiga ia te oe, auā ou  
te le aoga ina ia ulu mai oe  
7 i lo'u fale. O lea foi na au  
manatu ai ou te le aoga ona  
ou alu atu ia te oe, a ia e  
fai mai sau upu e faamalo-  
8 lona ai la'u auuama. Aua  
o au foi le tagata ua tofia  
e pule, ua usiusitai mai ia  
te au le au fitafita; a'u fai  
atu i se tasi, ina alu ia, ona  
alu ai lea; poo i se tasi, ina  
sau ia, ona sau ai lea; poo  
i la'u auuama ina fai oe i  
9 lenei, ona fai ai lea. Ua  
faalogo Iesu i nei mea ona  
oso ai lea ia te ia, ua faliu,  
ma fai atu ia i le motu o  
tagata e na mulimuli mai ia  
te ia, ou te fai atu ia te  
outou, ou te lei iloa se faa-  
tuatua e faape na ona tele i  
10 Isaraela uma. O e na auina  
mai ua foi atu i le fale, ona  
iloa lea e i latou le auuama  
sa ma'i, o loo malolo.  
11 I le taeao ua alu ai ia i  
le tasi aai, o Naina le igoa,  
ua e gatasi ma ia ona soo e  
toatele, ma le motu o tagata  
12 e toatele. Ua latalata ia i  
le faitotoa o le aai, faauta  
ua fata mai i le tagata oti,  
o le tama e toatasi o ia a  
lona tina, o ia foi se fafine  
ua oti le tane; ua ia te ia  
foi tagata o le aai e toatele.  
13 Ua vaai atu le Alii ia te ia,  
ona mutimuti alofa lea o ia  
ia te ia, ma fai atu ia te ia,  
14 aua e te tagi. Ua alu ane  
ia ua pai atu ai i le fata, ona

tutu mai ai lea le au fata, ua fai atu ia, Le taulealea e, ou te fai atu ia te oe, Ina tulai ia. Ona nofo i 15 luga ai lea lē na oti o loo tautala, ua tuu atu o ia ia te ia i lona tina. Ua oo le 16 mata'u ia te i latou uma, ua latou faaneenee atu i le Atua; ua fai ane, Ua tupu ia te i tatou nei le perofeta sili; ua asiasi mai le Atua i lona nuu. Ua soo lava 17 lutaia uma ma le atunuu i lenei logo ia te ia.

O le au soo o Ioane ua 18 faailoa atu ia te ia i nei mea uma. Ua valaau atu Ioane 19 isi ona soo e toalua, ua aauina atu i laua ia Iesu, ua faapea ane, Poo oe ea lē maliu mai? pe matou te faatali atu i se tasi? Ua o 20 mai tagata ia ia te ia, ua fai mai, ua aauina mai i maua e Ioane le papatiso ia te oe, ua fai mai ai, poo oe ea lē maliu mai? pe matou te faatali atu i se tasi? I 21 lea lava ituaso ua famalolo e ia, o ma'i, ma tiga, ma agaga leaga e toatele; ua foai alofa atu i le vaai i e tauaso e toatele. Ua tali 22 atu Iesu ia te i laua, ua faapea atu, Ina o atu ia oulua ma faailoa atu ia Ioane i mea na oulua vaai i ai, ma faalogo i ai; ua pupula tauaso, ua savavali pipili, ua faamamaina lepela, ua logo tutuli, ua tutu o e na oti, ua folafolaina le tala lelei i e matitiva. E ma- 23 nuia o sē le suai ona o au.

24 Ua o faifeau a Ioane, ona oo ane ai lea lana lauga ia Ioane i le motu o tagata, Na outou o i le fanua tuufua e vaavaai i se a? O le u ea

25 ua luluina e le matagi? Na outou o e vaavaai i se a? O le tagata ea ua ofu i ofu malulu? Faauta o e oofu i ofu manaia, ma le solo lelei, o i afioaga o tupu ia.

26 Na outou o e vaavaai i se a? o le perofeta ea? Ioe, ou te fai atu ia te outou, a

27 e sili ia i le perofeta. O lenei na tusia i ai, Faauta ou te auina atu la'u faifeau i ou luma na te teuteu i lou

28 ala i ou luma. Ou te fai atu foi ia te outou, O e na fananau i fafine e leai se perofeta e sili ia Ioane le papatiso; peitai o lē itiiti i le malo o le Atua, e sili lea ia

29 te ia. Ona ta'ua agatonu ai lea o le Atua e le num uma lava e na faalogo ai atoa ma le au telona, ina ua papatisoina i latou i le

30 papatisoga a Ioane. A o le au faresaio ma le au acaotulafono ua latou faaleaoga ia te i latou le finagalo o le Atua, ina ua le papatisoina i latou e ia.

31 Ua fai atu le Alii, ou te faatusa ia te ai tagata o lenei tupulaga? latou te tusa

32 i se a? E tusa ia ma tama iti o nonofo i le malae ma fevalaauai o loo faapea ane, Na matou faaili atu ia te outou, tou te lei sasaa mai; na matou pepese faanoanoa atu ia te outou, tou te lei

taufaitagi mai, Aua na sau 33  
Ioane le papatiso, ma le lē  
'ai ma le lē inu i le uaina ;  
ua outou fai mai, ua ia te ia  
le temoni. Na sau le Atalii 34  
o le tagata ma le 'ai ma le  
inu foi ; ua outou fai mai,  
Faauta i le tagata 'ai tele  
ma le inu i le uaina, o le uo  
a telona ma a-ua sala ! A 35  
ua ta'uaatonuina le potō  
e ana fanau uma.

Ua faatoga mai le tasi o 36  
le au faresaio sei la 'aai ma  
ia, ua alu atu ia i le fale o  
le faresaio ua taoto i le aiga.  
Faauta o le tasi fafine i le 37  
ai, o le agasala ia, ua iloa  
e ia ua 'ai ia i le fale o le  
faresaio, ona au mai lea o  
ia ile fagu alapasa e i ai le  
suāuu. Ua tu ia i tua i 38  
ona vae, o loo tagi, ua faa-  
sisina ifo e ia i loi mata i  
ona vae, ua soloi ai i lona  
lava lauulu, o loo sogisogi  
i ona vae ua faauu i ai i le  
suāuu. A ua iloa e le fa- 39  
resaio na fai atu ia te ia, ua  
fai ifo ia ua faapea, afai o le  
perofeta lenei, po ua iloa e  
ia poo o ai le fafine, ma  
amio faapefea, ua pa'i atu  
ia te ia, aua o le agasala ia.  
Ona fai atu ai lea Iesu ia te 40  
ia, Simona e, o la'u upu, ou  
te fai atu nei ia te oe, ua fai  
mai ia, Le aoso e, fai mai  
ia. O tagata e toalua sa la 41  
nono mai tupe i le tagata  
e toatasi ; sa nono mai le  
tasi i tenari e lima galau, e  
a le tasi e lima gafulu.  
Ina ua leai ni a la tupe e 42  
toe ave atu, ua tuitui fua atu

ia ia te i laua. Fai mai oe,  
poo o ai so laua e tele lona  
43 alofa ia te ia ? Ua tali mai  
Simona, ua faapea mai, ai  
lava o lea na tuituiina atu  
ana mea e tele. Ua fai atu  
ia ia te ia, ua moni a oe.  
44 Ua faliu atu ia i le fafine,  
ua fai atu ia Simona, ua e  
iloa ea le fafine nei ? na  
a'u ulu mai i lou fale ; e  
te lei au mai ni vai mo  
o'u vae, peitai o ia, ua  
faasisina ifo e ia i loi mata  
i o'u vae, ma soloi ai i lona  
45 lava lauulu. E te lei fea-  
sogi mai ia te au, peitai o ia,  
ua le aunoa ona sogisogi ia  
i o'u vae talu lava ona ulu  
46 fale mai o ia. E te lei  
faauu mai i lo'u ulu i le  
suāuu fua, peitai o ia, ua  
faauu e ia i o'u vae i le suā  
47 uu magoni. O lea foi ou te  
fai atu ai ia te oe, Na faa-  
magaloina ana sala e tele,  
aua ua alofa tele mai ia ; a  
o lē ua faamagaloina i ai se  
mea itiiti, ua itiiti foi lona  
48 alofa. Ua fai atu ia ia te  
ia, ua tuueseina au sala.  
49 O e na taoto i le aiga ua  
latou fai ifo, o ai foi lenei o  
50 lē tuu ese i sala ? Ua fai  
atu ia i le fafine, ua e ola i  
lou faatuatua ; ina alu ia oe  
ma le manuia.

## O LE MATAUPU VIII.

*O le faataoto i le lulu fua.*

1 **M**ULIMULI ane ua sa-  
vali solo ia i aai ma

faoa aai, o loo tala'i ma fola-fola i le tala lelei o le malo o le Atua, o i latou ma ia le toasefulu ma le toalua. O isi fafine foi, e na faama- 2 loloina i agaga leaga ma vaivai; o Maria na taua le Makatala, na o i fafo ia te ia temoni e toafitu, Ma 3 Ioana le ava a Kusa le faa- tamā lea o Herota, ma Susana; atoa ma isi fafine e toatele, e na auauna atu ia te ia i a latou mea.

Ua faapotopotoina mai le 4 motu o tagata e toatele, o loo lolofi mai ia te ia i lea aai ma lea aai, ua fai atu ia i upu faataoto. Ua alu atu 5 le tasi lulu-fua e lulu i ana fua; o loo lulu ia, ua pa'ū ai isi i le au ala; ua solia, ua aiina ai e manu felelei. Ua pa'ū isi i le mea papa; 6 ua faatoa tupu, ona mamea ai lea, auā e le su. Ua pa'ū 7 foi isi i laau tuitui; ua tu- tupu faatasi ia ma laau tui- tui, ona fetinaia ai lea. Ua pa'ū foi isi i le eleele 8 lelei; ua tupu, ua fua mai i fua taise lau i fua. O loo fai atu ia i nei mea, ua ala- ga atu, O lē e ona taliga e faalogo ai, ina faalogo mai ia o ia.

Ua fesili mai ona soo ia 9 te ia, se a le faataoto nei? Ona fai atu lea o ia, Ua 10 foaiina atu ia te outou e iloa i mea lilo a le malo o le Atua; a ua fai atu i isi i upu faataoto; ina ia latou le iloa i lo latou iloa, ina ia le lagona i lo latou faalogo.

11 O lenei foi le faataoto; O le fua, o le upu lea a le 12 Atua. O e i le au ala, o e faalogo ia; ona alu ane ai lea le tiapolo ma fao i le upu na i o latou loto, nei latou faatuatua ma faaolaina.

13 O e i le mea papa, o i latou ia, pe a faalogo i le upu, ua talia ma le fiafia; a e leai so latou tafue; ua faatuatua e le pine, ua oo atu i aso e faaososoina ai ona o ese ai

14 lea. O lē na pa'ū i laau tuitui, o i latou ia, e na faalogo ua o atu ai, ona fetinaia ai lea i popole, ma oloa, ma mea faafiafia o le olaga nei, e le oo ina

15 matua ona fua. Peitai o lē na i le eleele lelei, o i latou ia, e na faalogo i le upu, ma tausi i ai i le loto sa'o ma le lelei, ua fua mai i fua i le onosai.

16 E leai se tagata na te tutu i se afi e ufiufi i ai i le tanoa, poo tuu i ai i lalo o le moega; a e tuu i ai i luga o le lanepa, ina ia iloa atu i le malamalama o e ulu

17 mai. Aua e leai se mea e lilo e le faaaliga; poose mea natia, e le faailoa, ma oo e

18 faasalalauina. Ia outou, pe faapefea lo outou faalogo; aua o sē ua maua, e foaiina mai ia te ia; o sē ua le maua, e fao mea e fai ni ana.

19 Ua o mai ia te ia lona tina mona uso, a ua le masao mai ia te ia ona o le motu 20 o tagata. Ua fai mai o isi ia te ia, Ua tutū lou tina



mou uso i tua, o mananao e tautala ma oe. Ua tali atu 21 ia, ua faapea atu ia te i latou, O e faalogo i le upu a le Atua, ma fai ai, o lo'u tina mo'u uso lava ia.

Ua alu ae ia i le tasi aso 22 i le vaa mona soo; ua fai atu ia ia te i latou, tatou o ia i le itu vai, ona latou tuuvaa atu lea. Ua latou 23 o, ua moe ai ia, ua to ifo le āfā i le vai, ua osofia mai, ua tāli goto. Ona latou o 24 mai lea ua fafagu ia te ia, ua faapea mai Le Alii e, le Alii e, ai matou a fano: ona tu lea o ia, ua vavao i le matagi ma peau o le vai; ona mavae ai lea, ua malu. Ua fai atu ia ia te i latou, 25 O i fea ea lo outou faatua-tua? Ua matatau lava o i latou ma ofo; ua felafolafoai, O ai ea lenei! aua ua poloai ia i matagi ma le vai, ona usiusitai ai lea ia te ia.

Ua latou tūta atu i le 26 fauua o Katara, le itu vai lea ua feagai ma Kalilaia. Ua alu ia i uta, ua fetai ai 27 ai ma ia le tasi tagata mai le aai ua leva ona i ai o temoni, ua le ofu, e faleeseina lava, na i tuugaman. Ua iloa mai e ia o Iesu, ona 28 alaga mai lea o ia ma faapa'u mai ia te ia, ua fai mai ma le leo tele, Se a lāu na ia te au nei, Iesu e, o oe na le Atalii o le Atua silisili ese? ou te aioi atu ia te oe, aua e te faatiga mai ia te au. (Aua na poloai ia i le 29 agaga leaga e alu i fafo i le

tagata. Aua na pue soo ia te ia; ua fusifusia o ia i maea uamea, ua leoleoina; ua mau foi ona lima ma vae, a ua motumotusia maea ia te ia, ua avea ia e le temoni 30 i le mea tuufua.) Ua fesili atu Iesu ia te ia, ua faapea atu, O ai ea lou igoa? ua fai mai ia o Lekeono, (aua na uluitino ia te ia o temoni

31 e toatele.) Ua latou aioi mai ia te ia, aua le poloai ia ia te i latou e o i le fafā. 32 Sa i ai le fagagā puaa e tele, ua tataa i luga o le mauga; ua latou faanoi mai ia te ia sei latou uluitino i ai. Ua 33 na tuu ia te i latou. Ona latou o lea i fafo i le tagata, a ua uluitino i puaa, ona feosofi ifo lea le fagaga uma i le tofē, i lalo lava i le vai,

34 ua malelemo ai. Ua iloa e sa fagā puaa i le mea na faia, ona sosola ai lea, ua o atu e faailoa i ai i le aai ma 35 ona faoa aai. Ona latou o mai lea e vaavaai i le mea na faia; na o mai ia Iesu, ua latou iloa atu le tagata, ua o i fafo ai temoni, o loo nofo i vae o Iesu; ua faaofuina, ma ua atamai; ona 36 latou matatau ai lea. Ua tala atu o e na iloa ia te i latou i le mea na malolo ai le tagata sa uluitinoia.

37 Ona aioi mai lea ia te ia o nuu uma o Katara, ina ia alu ese ia ia te i latou; aua ua oo ia te i latou le mata'u tele; ona alu ai lea o ia i le vaa ua toe foi atu.

38 Ua aioi mai ia te ia le

tagata na o i fafo ai temoni,  
la te faatasi ma ia ; a ua  
tuuina atu ia e Iesu, ua faa-  
pea atu, Ina foi atu ia oe 39  
i lou aiga, ma ia faamatala  
atu i le tele o mea na faia e  
le Atua ia te oe. Ona alu  
ai lea o ia ua faaali i le aai  
uma i le tele o mea na faia  
e Iesu ia te ia.

Ua toe foi Iesu i le tasi 40  
itu, ona talia lelei ai lea o  
ia e le motu o tagata ; o loo  
faatali mai i latou uma ia  
te ia. Faauta ua sau le 41  
tasi tagata e igoa ia Iaeiro,  
o ia foi le tasi taitai o le  
sunako ; ua punou ia i vae  
o Iesu ma faatoga mai ia te  
ia, e alu ia i lona fale : Aua 42  
o lona afafine e toatasi, ua  
sefulu ma le lua ona tau-  
saga, o le a oti ia ; a ua alu  
ia, ua fetaomi mai ai ia te  
ia le motu o tagata. O le 43  
tasi fafine sa ia te ia le puna  
toto i tausaga e sefulu ma  
le lua, ua uma atu ana mea  
i fomai, a ua le mafaia e se  
tasi ona faamalolo i ai. Ua 44  
alu atu ia i ona tua ma pa'i  
atu i le tafatafa o lona ofu ;  
ona utu loa lea lona puna  
toto. Ua fai atu Iesu, O 45  
ai ea na na pa'i mai ia te au ?  
Ina ua faafiti mai tagata  
uma, ua fai mai Peteru ma  
i latou uma, Le Alii e, ua  
fetaomia ma fetuleni mai le  
motu o tagata ia te oe, e te  
fai mai ea, O ai na na pa'i  
mai ia te au ? Ua fai atu 46  
Iesu, na pa'i mai lava se  
tasi ia te au ; aua ua au iloa  
o le mana na alu atu nai ia

47 te au. Ua iloa e le fafine  
ua le lilo ia, ua alu atu ma  
le gatete, ua faapa'ū mai ia  
te ia, ma faamatala mai ia  
te ia i luma o le nuu uma  
i le mea na pa'i atu ai ia ia  
te ia, ona faamaloloina lea  
48 o ia. Ua fai atu ia ia te ia,  
Lo'u afafine e, aua e te faa-  
vaivai ; ua e ola oe i lou  
faatuatua ; ina alu ia oe ma  
49 le manuia. O loo tautala  
ia, ua sau le tasi mai le fale  
o le taitai o le sunako, ua  
fai mai ia te ia, Ua oti lou  
afafine ; soia le faatiga i le  
50 aoao. Ua faalogo, ma tali  
atu Iesu ia te ia, ua faapea  
atu, aua e te fefe ; tau ina  
e faatuatua ; e ola ai ia.  
51 Ua alu atu ia i le fale, e le  
mafai ia te ia ona ulu atu se  
tasi, tau o Peteru, ma Ioane  
ma Iakopo, o le tamā foi  
52 ma le tina o le teine. Ua  
fetagisi i latou uma, ma ta-  
gitu'i ona o ia : a ua fai  
atu ia, soia le fetagisi ; e lei  
53 oti ia, a ua moe. Ua latou  
taufaitauemu ia te ia, ua  
54 latou iloa ua oti ia. Peitai  
o ia, ua na tulia o i latou  
uma, ua tago ia i lona  
lima, ua valaau ma faapea  
atu, Funa e, ina tulai ia.  
55 Ua toe foi mai lona agaga,  
ona tulai loa lea o ia ; ua  
fai atu ia, ia avatu ni anā  
56 mea e ai. Ona tetei ai lea  
ona mātua ; a ua vavao ia  
ia te i latou, aua nei latou  
tala atu i se tasi i le mea na  
faia.

O LE MATAUPU IX.

*Ua aauina atu e Iesu ona Aposetolo e tala'i i le malo o le Atua.*

**U**A faapotopotoina e ia 1  
ona soo e toasefulu ma  
le toa lua, ua tuu atu ia te i  
latou le mana ma le pule i  
temoni uma, ma faamalolo  
foi i mai. Ua aauina atu o 2  
i latou e ia, e tala'i i le  
malo o le Atua, e faaola foi  
i e mamai. Ua fai atu ia 3  
ia te i latou, aua tou te ave  
i se mea i le malaga, aua ni  
tootoo, aua se taga, aua ni  
mea e 'ai, aua ni tupe, aua  
nei tailua ofu kitone. O se 4  
fale foi tou te ulu atu i ai,  
ia nonofo ai i le tou o ai  
lava. O e lē talia foi ou- 5  
tou, a outou o ese i lea aai,  
ia tuu ai le eleele i o outou  
vae, ma le faailoga ia te i  
latou. Ua latou o atu, ona 6  
o solo ai lea i aai, e folafola  
i le tala lelei ma faamalolo  
i mai, i mea uma.

Ua faalogo le tupu o He- 7  
rota i mea uma na faia e ia,  
ua fememeai ia, ina ua fai  
mai isi, ua tu mai Ioane i e  
ua oti. E a isi foi, ua iloa 8  
mai o Elia; e a isi foi ua  
toe tu mai le tasi o le au  
perofeta anamua. Ua fai 9  
ane Herota, na au tutu-ese-  
ina le ulu o Ioane; peitai o  
ai lenei na au faalogo ai i  
mea faapena? Ua manao  
ia e vaai mai ia te ia.

Ua toe foi mai le au apo- 10

- setolo, ua faamatala mai ia te  
ia i mea uma na latou faia ;  
Ua taitai ia ia te i latou i  
alo lemu atu i se mea gao-  
gao o le nuu, o Petesaita le  
11 igoa. Ua iloa e le motu o  
tagata, ona latou mulimuli  
atu lea ia te ia: ua talia e  
ia o i latou, ua folafola foi  
ia te i latou i le malo o le  
Atua, ma faamalolo i e na  
oo mai i le fiasaamaloloina.  
12 Ua i gagaifo le la, ona o  
mai lea ia te ia le toasefulu  
ma le toalua, ua fai mai, Ia  
e tuuina atu le motu o ta-  
gata, ina ia latou o atu i aai  
ma faoa aai, e api, e maua  
ai mea e ai; aua o le mea  
gaogao ua tatou i ai nei.  
13 A ua fai atu ia ia te i latou,  
Ia outou avane, latou te 'aai  
ai, Ua latou fai mai, E leai  
ni a tatou mea, na o areto e  
lima gafua, ma i'a e lua  
lau; sei iloga matou te o e  
faatau ni mea e 'ai ma lenei  
14 nuu uma. Aua o i latou  
pe toalima gaafe. Ua fai  
atu ia i ona soo, Ia outou  
faataooto ia te i latou i va-  
sega, e taitoalima gafulu.  
15 Ua latou faapea lava, ma  
faataooto ia te i latou i lalo.  
16 Ona tago ai lea o ia i areto  
e lima gafua, ma i'a e lua  
lau, ua tepa ae i le lagi, ua  
faafetai ai, ma tofofi, ua  
avatu i ona soo latou te tu-  
fatufa ane i le motu o ta-  
17 gata. Ua latou 'aai, ua  
maoona uma lava; ua fu'e  
o a latou toe 'aiga, ua tuma  
ato e sefulu ma le lua i mo-  
moi mea.

Ina o tatalo lemu ia, ua 18  
na o i latou mona soo, ua  
fesili atu ia ia te i latou, ua  
faapea atu, o ai ea a'u nei i  
upu mai a tagata? Ua 19  
latou tali ma faapea mai, o  
Ioane le papatiso; a o isi, o  
Elia; a o isi foi, ua toe tu  
mai o le tasi o le au pero-  
feta anamua. Ua fai atu ia 20  
ia te i latou, A o ai ea foi  
a'u i a outou upu mai?  
Ona tali mai lea Peteru ua  
faapea mai, o le Mesia o le  
Atua. Ona vavao loa lea o 21  
ia ia te i latou, ua poloai ane,  
nei ta'uta'u i lea mea i se  
tasi. Ua faapea atu, E ta- 22  
tau i le Atalii o le tagata  
ona tiga i mea e tele, ma  
lafoaiina e le au matutua,  
ma faitaulaga sili, ma le au  
failautusi, e fasiotia foi ma  
faatuina i le po tolu. Ua 23  
fai atu ia i tagata uma, a fia  
mulimuli mai se tasi ia te  
au, aua le usiusitai ia ia te  
ia, ia siitia e ia lona satauro  
i aso fai soo; ma mulimuli  
mai ia te au, Aua o se fia 24  
saogalemu lona ola e faa-  
māumāu lea i ai: a o se  
faamāumāu i lona ola ona o  
au, e faaola e ia i ai. Aua, 25  
se a le mea e aoga ai i le  
tagata pe afai ua maua e ia  
le lalolagi uma, ma faamāu-  
māu e ia ia ia, pe lafoaiina?  
Aua o lē mā ia te au, ma 26  
a'u upu, e mā foi ia te ia le  
Atalii o le tagata, pe a sau  
ia i lona mamalu, ma lo le  
Tamā, ma le au agelu paia. 27  
E moni ou te fai atu ia te  
outou, o loo tutū mai o isi,

latou te lē iloa le oti seia  
latou iloa le malo o le Atua.  
28 Ua mavae nei upu, po ua  
po valu, ona taitai lea o ia  
ia Peteru, ma Ioane ma  
Iakopo, ua alu ae i le mau-  
29 ga e tatalo. O loo tatalo  
ia, ua liua lona tino, ua pae-  
pae ma pupula tele mai lona  
30 ofu. Faauta ua tautala ma  
ia o tagata e toalua, o Mose  
31 ma Elia o i laua, E na  
tutu mai, ma le mamalu;  
ua latou fetautalatalai i lona  
maliu o le a faaiuina i Ieru-  
32 salema. A ua moe gagase  
Peteru ma i latou; ua latou  
ala, ona latou iloa lea lona  
mamalu, ma tagata e toa-  
lua e na tutu faatasi ma ia.  
33 Ua oo ina la o ese ia te ia,  
ona fai mai lea Peteru ia  
Iesu, Le Alii e, e lelei ina  
i ai tatou iinei; matou te  
faia ni fale apitaga e tolu;  
mo oe le tasi, mo Mose le  
tasi, mo Elia foi le tasi; ua  
le iloa e ia le mea na fai  
34 atu ai ia. O loo fai mai ia,  
na oo mai ai le ao ma faa-  
malumalu ifo ia te i latou,  
ua latou matatau ina a oo  
35 atu, i le ao. Ona oo mai  
lea le tasi leo na i le ao, o  
loo fai mai, o lo'u Atalii  
pele lenei; ia outou faalogo  
36 i ai. Ua mavae atu le leo,  
ona iloa mai lea na o Iesu.  
Latou te lei gagana lava, e  
lei tau atu foi i se tasi i ia  
ona aso i se mea o nei mea  
uma, na latou vaavaai i ai.  
37 I le taeao ua latou o ifo  
i le mauga, ona fetaiiai lea  
ma ia le motu o tagata e

toatele. Faauta ua alaga 38  
mai le tasi nai le motu o ta-  
gata ua faapea mai, Le acao  
e, ou te aioi atu ia te oe, e  
te silasila mai i lo'u atalii ;  
aua, o ia lo'u atalii toatasi.  
Faauta foi, ua pue ia te ia e 39  
le agaga, ona alaga loa lea,  
ma faatafitifti ia te ia, ma  
le faua, ua tuitui ia te ia,  
manu e lei alu ese ia te ia.  
Na au aioi atu foi i ou soo e 40  
tuli ia te ia i fafo ; a ua le  
mafai lava ia te i latou. Ua 41  
tali atu Iesu, ua faapea atu,  
Le tupulaga lē faatuatua ma  
le faapiopio, ou te i ai ia te  
outou, ma onosai ia te outou  
seia afea ? Ina au mai ia i  
lou atalii iinei. O loo sau 42  
ia, ua lafo atu ia te ia le te-  
moni, ma faatafitifti i ai.  
Ona vavao lea Iesu i le aga-  
ga leaga, ua faamalolo i le  
tama, ma toe tuu atu ia te  
ia i lona tamā. Ua latou 43  
matuā ofo uma i le vavega  
o le Atua. O loo ofo i la-  
tou i mea uma na faia e Iesu,  
ona fai atu lea o ia i ona  
soo, Ia outou matuā faalo- 44  
gologo i nei upu, aua, o le  
a tuuina atu le Atalii o le  
tagata i lima o tagata. A 45  
ua le iloa e i latou lenei  
upu, ua lilo ia te i latou, o  
lea na latou le lagona i ai ;  
ua latou matatau foi e fesili  
ia te ia i le upu nei.

Ona tupu lea ia te i latou 46  
le femasalosaloai, poo o ai  
so latou e sili ? Ua silafia 47  
e Iesu le manatu o latou lo-  
to, ua tago ia i le tama itiiti,  
ma tuu i ai i ona tafatafa.

48 Ua fai atu ia ia te i latou,  
O lē tali atu i lenei tama  
ona o lo'u igoa, o lē talia  
lea o au ; o lē talia foi o au,  
o le talia lea o lenei na au-  
ina mai au ; aua o le itiiti  
ia te outou uma, o le sili  
lea.

49 Ua tali Ioane ua faapea  
mai, Le alii e, na matou vaa-  
vaai i le tasi na ia tulia te-  
moni i lou suafa, ona matou  
vavao lea ia te ia, auā ua le  
50 faatasi ia ma i tatou. Ua  
fai atu Iesu ia te ia, aua tou  
te vavao ia te ia, auā o le lē  
tetea ia te i tatou, o lo ta-  
tou lea tagata.

51 Ua oo atu i ona po e sii-  
tia ai ia, ua tuu i lona fina-  
galo, ua faamalosi a alu i  
52 Ierusalem ; Ua auuina atu  
e ia o faifeau i ona luma,  
ua latou oo ma afe i le tasi  
aai o Samaria, e sauni ai mo

53 ia. A ua lē talia ia e i la-  
tou, aua ua faasaga atu lana  
54 malaga i Ierusalem. Ua  
iloa e ona soo o Iakopo ma  
Ioane, ua fai mai ai, Le alii  
e, pe e te finagalo, matou te  
fai ane i le afe e alu ifo mai  
le lagi, e faafano ia te i la-  
tou pei ona faia e Elia ?

55 Ua faliu ia ma vavao ia te  
i laua, ua faapea atu, E le  
iloa e oulua le uiga o lo ou-  
56 lua loto ; Aua e lei sau le  
Atalii o le tagata e faauma-  
tia le ola o tagata, a e faa-  
ola i ai. Ona latou o atu  
lea i le tasi aai.

57 Ua latou o i le ala ona fai  
mai lea le tasi ia te ia, Le  
alii e, ou te mulimuli atu ia

te oe i mea uma e te alu i ai. Ua fai Iesu ia te ia, E 58  
fai lua o alope, e fai foi ofa-  
ga o manu felelei; a o le  
Atalii o le tagata, e leai sa-  
na mea e taoto ai. Ua fai 59  
atu ia i le tasi, Iua mulimuli  
mai ia ia te au, a ua fai mai  
ia, Le alii e, tuu mai, sei  
ou alu e muai tanu i lo'u  
tamā. Ua fai atu Iesu ia te 60  
ia, Ina tuu pea ia o e ua oti  
e tanu i o latou oti, a o oe,  
e te alu ma faaali atu i le  
malo o le Atua. Ua fai 61  
mai foi le tasi ia te ia, Le  
alii e, ou te mulimuli atu ia  
te oe, a ia tuu mai, sei ou  
muai faamavae i lo'u aiga.  
Ua fai atu Iesu ia te ia, O 62  
le tuu i lona lima i le suo-  
solo, ma tepa i tua, e le ta-  
tau ia i le malo o le Atua.

### O LE MATAUPU X.

*Ua aauina atu e Iesu le toafitu  
gafulu e fai vavega, ma talai  
i le malo o le Atua.*

**M**ULIMULI ane, ua to- 1  
fia e le Alii o isi e toa-  
fitu gafulu, ua aauina atu o i  
latou e taitoalua i ona luma, i  
aai uma ma mea uma, o le a  
alu i ai ia. Ua fai atu foi ia ia 2  
te i latou, Ua tele le selese-  
lega, a o le au faigaluega e  
toaitiiti ia; ia outou aioi i  
le Alii o le seleselega, ina  
ia faaoso atu e ia o e galu-  
lue i lana seleselega. Ina 3  
o atu ia, faauta, ou te aau-  
ina atu outou pei o alenio i

4 le va o luko. Aua tou te  
ave i se ete tupe, aua se  
taga, aua ni seevae; aua  
tou te alofa atu i se tasi  
5 i le ala. O le fale tou te  
ulu atu i ai, tou te muai  
fai atu, Ia i le fale nei le  
6 manuia. Pe afai o i ai le  
tagata o le manuia, e oo  
ia te ia lo outou manuia;  
a leai, e toe liliu mai ai  
7 ia te outou. Ia outou no-  
noso i lea fale, ma 'aai ma  
inu i mea latou te au mai;  
aua e tusa le faigaluega i  
lona tani. Aua tou te  
feoai i lea fale ma lea fale.  
8 O le aai tou te oo atu i ai,  
ua latou talia foi outou, ia  
outou 'aai i mea e tufatufa-  
9 ina mai ia te outou; Ia  
outou faamalolo foi i e ma-  
mai o i ai, ma ia fai atu ia  
te i latou, Ua latalata ia te  
outou le malo o le Atua.  
10 O le aai foi tou te oo atu  
i ai, ua latou le talia foi  
outou, tou te o ai i o latou  
11 malae, ma fai atu, O le  
eleele lava mai la outou aai,  
ua pipii mai ia te i matou,  
matou te soloi atu ia te ou-  
tou; a ia iloa ai e outou,  
ua latalata ia te outou le  
12 malo o le Atua. Ou te fai  
atu ia te outou, O lea aso e  
faifai feoloolo ai Sotoma i  
lea lava aai.  
13 Oi talofa ia te oe Koasi-  
na! o i talofa ia te oe Pe-  
tesaita! auā ana faia i Turo  
ma Saitonu o vavega na faia  
ia te outou, po ua leva ona  
latou salamo i le ofu leaga  
14 ma le lefulefu. A e faifai

faaloolo o Turo ma Saitonu i le faamasinoga ia te outou. O oe foi, Kapanaumi, ua 15 faamanualugaina e oo i le lagi, e lafotuina oe i lalo lava i le po. O lē faalogo 16 ia te outou, o lē faalogo lea ia te au; o lē tetee ia te outou, o lē tetee lea ia te au; o lē tetee foi ia te au o le tetee lea i lē na auina mai au.

Ua toe foi mai le toafitu 17 gafulu ma le olioli, ua faapea mai, le Alii e, ua usi-usitai mai temoni ia te i matou, ona o lou suafa. Ua fai atu ia ia te i latou, 18 Ua au vaai ia Satani na paʻū mai le lagi pei o le uila. Faauta ou te foai i 19 le pule ia te outou e soli ai i gata ma akarava, i mana uma foi o le fili; e leai lava se mea e leagaina ai outou. Peitai outou, aua 20 tou te olioli i lenei mea, ina ua usi-usitai o agaga ia te outou; na o lenei tou te olioli ai ina ua tusia o outou igoa i le lagi.

I lea lava ituaso, ua ma- 21 tua fiafia ai le finagalo o Iesu, ua faapea atu ai, Ou te faafetai ia te oe loʻu Tamā e, o le Alii o le lagi ma le lalolagi, ina ua e nanā i nei mea i e popoto, ma atamamai, a ua faaalua atu ia mea i tama valevale; o lea lava loʻu Tamā, aua o lou lea finagalo alofa. Ua tuu- 22 ina mai o mea uma ia te au e loʻu Tamā; e leai se tasi ua iloa le Atalii po o ai, ua

na o le Tamā; e leai foi se iloa le Tamā po o ai, ua na o le Atalii, ma lena e loto le Atalii e faailoa atu i ai.

23 Ua faliu ia i ona soo, ma fai lemu ane, amuia mata o e iloa o mea tou te iloa;

24 Auā ou te fai atu ia te outou, o perofeta e toatele ma alii e na fia iloa o nei mea ua outou iloa ai, a ua latou le iloa lava; ma fia faalogo foi i nei mea ua outou faalogo ai, a e lei faalogo lava.

25 Faauta ua tulai le tasi aoao-tulafono ma faaososo ia te ia, ua faapea mai, Le aoao e, se a le mea ou te faia ina ia ou maua ai le ola e le

26 uma? Ua fai atu ia ia te ia, o le a ea ua tusia i le tulafono? o le a lau faitau?

27 Ua tali mai ia, ua faapea mai, E te loto atu i lou Atua o Ieova, ma lou loto atoa, ma lou agaga atoa, ma lou malosi atoa, ma lou manatu atoa, e te alofa atu i le tagata e lata mai ia te oe, ia

28 pei o oe lava ia te oe. Ona faapea atu lea o ia ia te ia, moni a oe; ia e faapea

29 ona fai e te ola ai. A ua fiasaatonuina o ia e ia, ua fai mai ia Iesu, O ai ea le tagata lata mai ia te au?

30 Ua tali Iesu ma faapea atu, o le tasi tagata na alu ifo ia mai Ierusalem i Ieriko, ua maua ia e tagata gaioi; va latou fao i ona ofu, ma fasi ia te ia, ua o ese, i le ua

31 tuua ia, ua tali oti. Ua oo ina alu ifo foi le tasi faitau-

laga i lea ala ua vaai ia te ia, ona alu lea i le itu ala. Ua faapea foi le tasi Levita, 32 ua i le mea ma matamata ai; ona alu loa lea foi o ia i le itu ala. O loo malaga 33 mai le tasi Samaria, ua oo ia te ia, ua iloa, ona alofa atu ai lea; Ua alu atu ma 34 nonoa i ona manu'a, ua liligi foi i ai le suāuu, ma le uaina; ua faatietie ia te ia i luga i lana lava manu, ma taitai ia te ia i le fale e tali ai malo, ua tausi ia te ia. I le taeao ua alu ia, ua 35 to ae i tenari e lua ma avatu i le matai o le fale, ua fai atu ia te ia, Ina tausi ia oe ia te ia; o toe mea e te faatau ai, ou te avatu ia te oe pe a ou toe sau. Pe ni a fa 36 te oe, o ai le tasi o le tootolu nei ua lata mai i lē na maua e tagata gaioi? Ua 37 fai mai ia, o lē na alofa atu ia te ia. Ona faapea atu ai lea Iesu ia te ia, Ina alu ia ma ia e faapea ona fai.

Ua latou o, ona afe atu 38 lea o ia i le tasi aai; o le tasi fafine foi e igoa ia Mareta, ua talia o ia i lona fale. O lona uso e igoa ia 39 Maria, ua nofo i lalo i vae o Iesu, ma faalogo i lana aasoga. A ua tiga i le fa- 40 tuāiga Mareta, ua tu mai ma faapea mai, Le Alii e, e te le manatu mai ea, ina ua tuu mai e lo'u uso ia te au e sauni toatasi? ia e fai ane ia te ia, e fesoasoani mai ia te au. A ua tali Iesu ma 41 faapea ane ia te ia, Mareta

e, Mareta e, O oe le popole, ma ua pupu lou loto i mea e tele; A o le mea e tasi e tatau ai, ua filifilia foi e Maria le tofi lelei, e le ina aveeseina ia te ia.

## O LE MATAUPU XI.

*Ua aao mai Iesu i le tatalo.*

1 SA i le tasi mea ia, ua S uma ona tatalo, ona fai mai lea ia te ia le tasi o lana au soo, Le Alii e, ia e aao mai ia te i matou i le tatalo; e faapei o Ioane foi ona 2 aao i ona soo. Ua fai atu ia ia te i latou, pe a outou tatalo, tou fai atu, Lo matou Tamā e, o i le lagi, ia pāia lou suafa; ia oo mai lou malo. Ia faia lou finagale i le lalolagi, pei ona fai i le 3 lagi. Ia e foai mai i mea e 'ai e tusa ia i matou, i le aso 4 ma le aso. Ia tuu ese i a matou sala; auā matou te tu'itu'i taitasi atu i e nai ai a matou mea: aua le tuuna i matou i le faasoosoga; a ia faaola mai ia i matou a i 5 le leaga. Ua fai atu ia ia te i latou, o ai so outou e ana le uo e alu ia te ia i le tulua o 6 po, ma fai atu ia te ia, Sole, sei au mai ni areto e tolu gafua, a e tau ai atu; aua ma sau la'u uo ia te au i lana malaga, e leai ni a'u mea e 7 laulau atu i ai; E tali mai ia mai le fale, ma faapea mai, aua e te faatiga mai ia te a'u; ua pupuni le faito- toa, ua matou taoto ma



la'u fanau ; ou te le mafai  
 ona tulai e ave atu ma oe.  
 Ou te fai atu ia te outou, E 8  
 ui lava ina le tulai ia ma  
 avatu ia te ia, ona o ia lana  
 uo, a e tulai ia ma avatu i  
 mea uma e manao ai, ona o  
 lana faatauana ane. Ou te 9  
 fai atu foi au ia te outou, Ia  
 outou ole atu e foaiina mai  
 ai ia te outou ; ia outou sa-  
 ilili tou te maua mai ai ; ia  
 outou tu'itu'i atu, e toina  
 mai ai ia te outou. Auā o 10  
 lē ole atu, e maua e ia ; o  
 lē saili, e iloa e ia ; o lē  
 tu'itu'i, e toina mai ia te ia.  
 O ai se tamā ia te outou e 11  
 avatu ea e ia i lona atalii se  
 maa pe a ole mai i se areto ?  
 pe a ole mai i se i'a, e avatu  
 ea ia te ia se gata ? Pe a ole 12  
 mai ia i se fuāmoa ; e avatu  
 ea ia te ia i se akarava ? Ia, 13  
 afai ua outou iloa e outou o  
 loo leaga ona avatu i mea  
 lelei ma outou fanau ; e le  
 foai i se a lo outou Tamā o  
 i le lagi i lona Atamai paia  
 i e ole atu ia te ia ?

O loo tuli ia i le tasi 14  
 temoni, na gugu foi ia, ua  
 alu i fafo le temoni, ona  
 gagana ai lea le gugu, ua  
 ofo lava le motu o tagata.  
 Peitai o isi o latou ua fai 15  
 ane, Ua tulia e ia o temoni,  
 ona o Pelesepulo o le matai  
 o temoni. O isi ua faao- 16  
 sooso, ma aloi mai ia te ia i  
 se faailoga mai le lagi. A 17  
 ua silafia fua e ia o latou  
 manatu, ua fai atu ia te i  
 latou, O malo uma e fevae-  
 va'ai, e taitasi ma faatafu-

naina ; poo se aiga e faape-  
 18 ina, e malaia lea. Afai foi  
 e fevaeva'ai Satani ma ia, e  
 faapefea ea ona tumau lona  
 malo ? aua ua outou fai mai  
 e tulia e au temoni ona o  
 19 Pelesepulo. Afai e tulia e  
 au temoni ona o Pelesepulo,  
 ia, e tulia temoni e a outou  
 fanau ona o ai ? o lenei,  
 latou te fai mo outou faa-  
 20 masino. Peitai, afai e tulia  
 e au temoni ona o le aao o le  
 Atua, e moni ua oo mai ia  
 te outou le malo o le Atua.  
 21 Ina o leoleo le fitafita ma  
 lana auupega i lona maota,  
 ua suogalemu ai ana mea.  
 22 Pe afai e oso atu ia te ia le  
 tasi e sili lona fitafita, ua  
 manumalo i ai, ona fao ai  
 lea lana auupega uma na  
 fauatua ia i ai, ma tufa i  
 23 ana mea na fao. O le lē ia  
 te au, o lē tetee lea ia te  
 au ; o le lē faaputu mea  
 faatasi ma au e faataapeape  
 lea.

24 Pe a alu le agaga leaga i  
 fafo o le tagata, ua fealua-  
 luai ia i mea matutu, o loo  
 saili lava i se mapusaga ;  
 ua le iloa ai foi, ona fai ane  
 lea, ou te toe foi i lo'u fale  
 25 na au sau ai. Ua oo i ai,  
 ona iloa ai lea, ua uma ona  
 26 taitasi ma teuteu. Ona alu  
 ai lea, e taitai mai ia isi  
 agaga e toafitu, e sili lo  
 latou leaga i lona ; ua latou  
 ulufale ma nonofo i ai ; ona  
 leaga ai lea le iuga o lea  
 tagata, a e feoloolo lona  
 amataga.

27 O loo fai ane ia i nei mea,

ua alaga tele mai ai le tasi  
fafine mai le motu o tagata,  
ua faapea mai ia te ia, Amuia  
le manava na fanau mai ai  
oe, ma susu foi na e susu ai.  
A ua fai atu ia, a e amuia 28  
foi lava o e faalogo i le upu  
a le Atua ma tausi i ai.

Ua lolofi mai le motu o 29  
tagata, ona afua ai lea o ia  
e fai atu, o le tupulaga leaga  
lenei, ua saili mai se faai-  
loga, a e le foaiina atu i ai  
se faailoga, tau lava o le  
faailoga o Iona le perofeta.  
Auā pei o Iona ona fai ma 30  
faailoga i Nineva, e faapea  
foi le Atalii o le tagata i le  
tupulaga nei. O le tupu 31  
fafine o le itu i toga e tulai  
ia i le faamasinoga i tagata  
o le tupulaga nei, e faasala  
foi ia te i latou; aua na  
sau ia i le gataaga o le lalo-  
lagi e faalogo i le poto o  
Solomona; faauta foi o iinei  
lava lē sili ia Solomona. E 32  
tutu tagata o Nineva i le  
faamasinoga i le tupulaga  
nei, e faasala i ai, aua na  
latou salamo i le talaiga a  
Iona; faauta foi, o iinei  
lava lē sili ia Iona.

E leai se tutu i le afi i le 33  
tuu ai i le mea lilo, poo i  
lalo o le tanoa, a e i luga  
lava o le tuugaafi, ina ia  
iloa mai ai le malamalama i  
e ulufale mai. O le mata, 34  
o le malamalama lea o le  
tino; o lenei, pe afai ua  
lelei lou mata, e malamalama  
uma ai lou tino; a e afai ua  
leaga, e pouliuli ai lou tino.  
Ia oe, nei pogisa le mala- 35

36 malamalama ua ia te oe. Afai  
foi ua malamalama lou tino,  
e leai sona pouliuli, e mala-  
malama uma ai, pei ona faa-  
malamalama mai ia te oe o  
le lamepa i lona susulu mai.

37 Ua tautala o ia, ona fai  
mai lea le tasi faresaio ia te  
ia, la te 'aai ma ia; ona  
ulufale lea o ia, ua taoto i  
38 le 'aiga. Ua iloa e le fare-  
saio, ua ofo lava ina ua le  
muai taele ia, i le 'ai ai.  
39 Ua fai atu le Alii ia te ia,  
Lenei, outou faresaio, ua  
faamamaina e outou le tua o  
le ipu ma tanoa, peitai o  
totonu o outou ua tumu sai-  
sai i le faasaua ma le leaga.

40 Outou na o valea! o lē  
na faia o fafo, e lei faia ea  
41 foi e ia o totonu? Peitai  
outou, ia outou avatu i a  
outou mea ma mea alofa;  
ona mama ai lea o mea uma  
42 ia te outou. Oi talofa ia te  
outou faresaio, auā tou te  
foai atu i lona sefulu o le  
mili ma le pekano ma laau  
uma foi e ina a'i, ua tuua e  
outou le faatonuga, ma le  
loto atu i le Atua; e tatau  
ona fai nei mea, a e aua le  
43 tuua ia la mea. Oi talofa  
ia te outou faresaio; aua o  
mananao outou i nofoaga  
lelei i sunako, ina ia alofa-  
44 ina foi i malae. Oi talofa  
ia te outou failautusi ma  
faresaio, tagata pepelo;  
auā tou te tutusa ma tuu-  
gamau e lilo; o tagata foi  
o e savavali i o latou luga,  
ua le iloa e i latou.

45 Ona fai mai lea le tasi o

le au aoao-tulafono, ua faapea mai ia te ia, Le aoao e, ua e faaleaga mai ia te i matou i lāu e fai mai na. Ua fai atu ia, Oi talofa 46 ia te outou foi le au aoao-tulafono! aua o tuu atu outou i avega mamafa i tagata, a o outou, tou te le papai lava i na avega ma le tasi o outou tamatamai lima. Oi talofa ia te outou; 47 aua o faatu outou i tuugamau o le au perofeta, o outou mātua foi na latou fasioti ia te i latou. Ua 48 molimau lava outou i le amio a o outou mātua, ma fafia i ai; aua na latou fasioti ia te i latou, tou te faatu i o latou tuugamau. O lea foi na fai mai ai le 49 poto o le Atua, ou te auina atu ia te i latou ni perofeta ma ni aposetolo: e fasioti foi e i latou ia isi, ma aga-leaga atu ia isi; Ina ia 50 suea i le tupulaga nei le toto o perofeta uma, na faamaligiina talu le foafoaga o le lalolagi; O fua mai 51 i le toto o Apelu, e oo atu i le toto o Sakaria, na fano i le va o le fata e fai ai taulaga ma le malumalu: e moni ou te fai atu ia te outou, e suea lava ia i lenei tupulaga. Oi talofa ia te 52 outou le au aoao-tulafono! aua ua avega e outou le ki o le malamalama; tou te le ulu atu ai, tou te vavao foi i e ua ulu mai. O loo fai atu 53 ia i nei upu ia te i latou, ua matua ita o le au failautusi

ma le au faresaio ia te ia; ua fuai i latou ona fesilisili 54 ia te ia i mea e tele; O lamalama ia te ia, ua saili e taofi i se upu mai lona fofoga, ina ia latou tuuai ai ia te ia.

## O LE MATAUPU XII.

*Ua aoai Iesu i ona soo ina ia latou alo ese i le pepelo.*

- 1 **O** LOO faia ia mea ina ua faapotopotoina le motu o tagata e manomānō ua latou fesoliai ai, ua muai oo atu lana lauga i ona soo, Ia outou matua alo ese i le faafefete a le au faresaio, o le 2 pepelo lea. Aua e leai se mea e ufiufitia, e le faaalila; poo se mea lilo e le iloa.
- 3 O lea foi, o mea uma tou te faia i le poulinli e logo lea i le malamalama, o le mea na outou tala lemu atu i le afeafe, e alagaina lea i luga o fale.
- 4 A ou te fai atu ia te outou na, o a'u uo, aua tou te matatau ia te i latou e fasioti i le tino; a mavae lea, ua leai se toe mea latou 5 te mafai ai. A ua ou faasino atu ia te outou i lena tou te matatau i ai; Ia outou matatau ia te ia, a mavae ona fasioti e ia, e ana le pule e lafo atu i Kēna; e moni, ou te fai atu nei ia te outou, ia outou matata'u ia 6 te ia. E le faataulia ea manu iti e lima gafua i asari e lua? e leai foi so latou e

tasi ua galo i luma o le Atua. E moni, ua uma ona 7 faitaulia o outou lauulu uma lava. Lenei foi, aua tou te matata'u; ua outou sili i manu iti e tele.

Ou te fai atu foi ia te 8 outou, O sē ta'ua o au i luma o tagata, e ta'ua ia e le Atalii o le tagata i luma o agelu a le Atua. A o le faafiti 9 mai ia te a'u i luma o tagata, e lafoaiina lea i luma o agelu a le Atua. O sē lafo foi 10 i se upu i le Atalii o le tagata, e faamagaloina lea; a o lē faifai i le Atamai paia, e le faamagaloina lea.

Pe a taitaiina outou i su- 11 nako, ma alii ma faipule, aua tou te popole i sa outou e tali atu, pe faapefea le upu tou te fai atu; Auā e 12 aoao le Atamai Paia ia te outou, i lea lava ituaso, i upu e tataua ona fai atu ai.

Ua fai mai ia te ia le tasi 13 mai le motu o tagata, Le aoao e, ia e fai ane i lo'u uso, ina ia vaea le oloa ma a'u. Ua fai atu ia ia te ia, 14 Sole, o ai ea se na na fai a'u ma faamasino, ma pule ia te outou? Ua fai atu foi ia ia 15 te i latou, Ia outou, ma ia alo ese i le matape'ape'a: aua e le ola se tasi i le faulai o ana mea. Ua fai atu ia 16 ia te i latou i le faataoto, o loo faapea atu, Na fua tele mai le fanua o le tasi tagata mauoa; Ua manatunatu ifo 17 ia, ua faapea ifo, se a le mea ou te faia, aua e leai sa'u mea e faaputu ai i a'u mea?

18 Ua fai ane, o lenei le mea ou te faia; ou te sa'ena i o'u fale o'o, e faatu, ia tele; ou te tuu i ai i a'u fua

19 ma a'u mea uma. Ou te fai ifo i lo'u agaga, Lo'u agaga e, e ia te oe mea e tele ua faaputuina mo tausaga e tele; ina nofo sa'o ia, ina 'ai ia ma inu, ma ia e olioli

20 foi. A ua fai atu le Atua ia te ia, O oe na le vale, e aamiina atu lou agaga nai ia te oe i le po nei; e fai ma ai

21 mea ia sa e saunia? O loo faapea foi le faaputu i oa ia te ia, a e le mauoa i le Atua.

22 Ona fai atu lea o ia i ona soo, o lea foi ou te fai atu ai ia te outou, aua tou te popole i lo outou ola, o le mea tou te aai ai; poo i le tino, le mea tou te oofu ai.

23 Ua sili le ola i le mea e 'ai, ua sili foi le tino i le ofu.

24 Ia outou mafau'au i oreva, latou te le lulu fua; latou te le selesese foi; e leai lava so latou afeafe, poo se fale o'o, a e tausila lava le Atua ia te i latou: e le ua sili ea lo outou lelei, i lo le

25 manu? O ai ea so outou ua mafai ia te ia i lona popole ona faatele ai i lona umi i le tuli lima e tasi?

26 Afai foi tou le mafai i se mea itiiti lava, se a le mea tou te popole ai i mea o to-

27 toe? Ia outou mafau'au pe faapefea ona tupu le laualotalo. E le galue ia, e le milo foi; a ou te fai atu ia te outou e lei ofu lava o

Solemona ma lona manaia  
tele pei o le tasi lava o nei  
mea. Ia, afai e faapea ona 28  
faaofuina e le Atua le vao,  
o ola mai i le lotoa i le asō,  
a e lafoina taeao i le ogā-  
umu; e le faaofuina foi outou  
e ia i se a, o outou e faatuatua  
itiiti? O outou foi aua tou 29  
te saili i se mea tou te 'aai  
ai, poo se mea tou te inu ai,  
aua foi le faaletonu o outou  
loto. O mea uma ia, e sa- 30  
ilia e atunuu o le lalolagi;  
ua silafia foi e lo outou Ta-  
mā o ia mea e aoga ia te  
outou. Peitai outou, tou te 31  
saili i le malo o le Atua;  
ona faaopoopoina ai lea ia  
mea uma ia te outou.

Aua e te fefe oe le fa- 32  
gagā mamoe itiiti e; auā e  
finagalo alofa lo outou Ta-  
mā e foai mai i le malo ia  
te outou. Ia outou faatau 33  
ata i a outou mea, tou te  
avatu ai ma mea alofa; ia  
fai outou ni a outou taga e  
anagatā, o le oa i le lagi e  
lē au uma, e lē sao i ai se  
gaoi, e lē atia foi e se moga-  
moga. Auā o le mea o i ai 34  
lo outou oa, e i ai atos foi  
lo outou loto.

Ia fusifusia o outou sulu- 35  
gātiti, ma ia mumu o outou  
lamepa; O outou foi ia ou- 36  
tou faapei o tagata e faatali  
atu i lo latou alii, seia foi ia  
mai le faigaai; ia latou to  
loa mai le puipui ia te ia pe  
a sau ma tu'itu'i mai. Amu- 37  
ia ia auauna, e maua ia e lo  
latou alii, o mataala pe a sau.  
E moni ou te fai atu nei ia

te outou, e fusi ia ia ia, e  
faataoito ia te i latou i le  
'aiga, ma alu ane lava, ma  
auauna mai ia te i latou.  
38 Pe afai e sau ia i le tulua o  
po ma ao, pe sau i le vivini  
o moa mua, a maua o i la-  
tou e faapea, amuia ia auau-  
39 na. A ia outou iloa lenei  
mea, ana iloa e le matai o  
le fale le ituaso e sau ai le  
gaoi, po ua na leoleo, e lei  
tuua e ia lona fale ia sofaia.  
40 Lenei la ia outou nofo sauni;  
auā o le ituaso tou te le  
manatunatu ai, e sau ai le  
Atalii o le tagata.

41 Ona fai mai lea Peteru ia  
te ia, Le Alii e, ua e fai mai  
ea i lena faataoto ia te i ma-  
42 tou, poo i tagata uma? Ua  
fai atu le Alii, O ai ea foi  
le faatamā, e faamaoni ma  
le poto, e tofia ia e lona  
Alii e pule i ana auauna,  
ma tufatufa atu i lona itu-  
aso i le mea e 'ai ia te i  
43 latou? Amuia lea auauna  
pe a sau lona alii e maua ia,  
44 o loo faapea ona fai. E  
moni ou te fai atu ia te  
outou, e tofia o ia e ia e  
45 pule i ana mea uma. Pe  
afai foi a fai ifo lea auauna  
i lona loto, E tuai mai lo'u  
alii; ona fasi ai lea o ia i  
auauna tane ma auauna fa-  
fine, e 'ai foi, ma inu, ma  
46 onā. E sau lava le alii o  
lea auauna i le aso e le faa-  
talitali atu ai ia; i le itu-  
aso foi e le iloa e ia, na te  
tulua o ia, ma avatu lona  
tofi faatasi ma e le faalogo.  
47 O lea auauna foi ua na iloa

le finagalo o lona alii, a e lei sauni lava ia, e lei faia foi mea e tatau ma lona finagalo, e tele ona sasaina. A o le lē iloa, ua faia e ia 48 mea e tatau ina sasaina ai, e māmā ona sasaina. Auā o lona ua foaiina atu i ai o mea e tele, e sueina atu foi ia te ia o mea e tele: o lona foi na latou tuuina atu i ai o mea e tele, latou te fai atu e au mai mea atili.

Ua au sau e lafo i le afi i 49 le lalolagi; se a le mea ou te manao i ai, ona ia mu nei lava? O lo'u papatisoga 50 o le a papatisoina ai au; ua au matuā tiga lava seia faaiuina ai. Fa te outou ea na 51 au sau e tuu atu i le manuia i le lalolagi? Ou te fai atu ia te outou, e leai; a o le fevaevaeai. Auā e amata i 52 nei ona po e i ai i le fale e tasi tagata e toailima e fevaevaeai i latou, o le toatolu ma le toalua, o le toalua foi ma le toatolu. E fe- 53 vaevaeai le tamā ma le atalii, o le atalii foi ma le tamā; o le tina ma le tama teine, o le tama teine foi ma le tina; o le tina ma le avā a lana tama, o le avā foi ma le tina o lana tane.

Ua fai atu ia i le motu o 54 tagata, pe a outou iloa le ao o loo alu ae i sisifo, ona outou fai ane loa lea, anei e ua; ona taunuu lea foi. Pe a outou iloa o le toga ua 55 agi mai, ua outou fai ane, anei e la; ona taunuu lea foi. O outou tagata pepelo 56

e, ua outou popoto i le amio o le lagi, ma le lalolagi; se a foi le mea tou te le popoto ai i uiga o lenei 57 tausaga? Se a foi le mea tou te le filifili ai e outou i 58 mea tonu? Pe a lua o ma lē tagi i ana mea ua ia te oe i luma o alii, ia e taurmafai lava i le ala ina ia oulua lelei ma ia, ne'i toso ia ia te oe i le faamasino, e tuu atu le faamasino ia te oe i le sogā, e tuu atu foi le sogā ia te oe i le fale puipui. 59 Ou te fai atu ia te oe, e te le alu ese ai, seia avatua e oe e oo lava i le tupe e uma ai.

### O LE MATAUPU XIII.

*Ua tala'i Iesu i le salamo.*

1 **O** IA ona aso, ua o mai ai isi tagata, ua tala mai ia te ia i tagata Kalilaia, ina ua fefiloi e Pilato lo latou toto ma le toto o a latou 2 taulaga. Ua tali atu Iesu ma faapea atu ia te i latou, Fa te outou ea, ua agasala tele ia Kalilaia i Kalilaia uma, ina ua faapeaina i la- 3 tou? Ou te fai atu ia te outou, e leai; a e afai tou te le salamo, e faapea lava 4 ona oti outou uma. I le ma le toasefulu ma le toavalu, sa pa'ū i o latou luga le olo i Siloanna, na latou oti ai; fa te outou ea, ua sili a latou sala i tagata uma e na 5 nonofo i Ierusalema? Ou te fai atu ia te outou, e leai;

a e afai tou te le salamo, e faapea lava ona oti outou uma.

Ua tala atu ia i le faata- 6  
oto nei; ua i le tasi tagata  
le laau o le mati, na toto i  
lana tovine; na alu atu ia e  
saili ni fua i ai, e lei maua.  
Ona fai atu lea o ia i le ga- 7  
hue vine, Faauta, na au sau  
ai ia tausaga ua tolu e saili  
ni fua i le laau nei o le  
mati, ou te lei maua lava,  
ina tuu ia i lalo; se a foi le  
mea e faaleaogaina ai e ia  
le fanua? Ua fai mai ia ia 8  
te ia, le Alii e, tuu pea ia i  
lenei tausaga foi, sei au eli  
faataalioloina, ma avane  
mea e tapue ai. Afai foi e 9  
fua mai, e lelei; pe afai e  
leai, e mulimuli ane ona  
tuu ai lea i lalo.

O loo aao ia i le tasi su- 10  
nako i le sapati. Faauta foi, 11  
ua i ai le tasi fafine e i ai  
le temoni e vaivai ai ona  
tausaga ua sefulu ma le  
valu, ua faanounou lava ia,  
e le lavā lava ia ona tu  
iluga. Ua silasila atu Iesu 12  
ia te ia, ona valaau atu lea  
o ia ia te ia, ua fai atu foi i  
ai, Funa e, ua matala lou  
vaivai. Ua faaee atu ia i 13  
ona lima ia te ia; ona faa-  
a'oloina lea o ia, ua faa-  
fetai atu foi ia i le Atua.  
Ona fai ane ai lea le matai 14  
o le sunako, ua ita ina ua  
faamalolo Iesu i le sapati,  
ua fai ane ia i le motu o ta-  
gata, E ono ia aso e tatau  
ona galulue ai tagata; o aso  
ia tou te o mai ai e faama-

holoina ai, a e aua lava i le  
15 sapati. Ua fai atu le Alii  
ia te ia, ua faapea atu, o oe  
na, le pepelo, e le ua taitasi  
ea o outou i le sapati ma ta-  
tala i lana povi, poo lana  
asini i le fale povi ma taitai  
16 e faainu ai? A o le fafine  
nei, o le afafine o Aperaaamo,  
ua noanoatia e Satani, fa-  
auta ona tausaga ia ua se-  
fulu ma le valu, e le tatau  
ea ona tatalaina le maea nei  
17 ia te ia i le sapati? O loo  
fai ane ia nei upu, ona ma-  
mā uma ai lea o e ita mai  
ia te ia; a ua olioli lava le  
motu o tagata uma ona o ia  
mea mamana uma na faia e  
ia.

18 Ua fai ane foi ia; E tusa  
le malo o le Atua i se a?  
ou te faatatau i ai i se a?  
19 E tusa ia i le fatu sinapi, ua  
totoina e le tasi tagata i la-  
na lotoa; ua tupu, ua avea  
ma laau tele; ua ofaga foi  
20 manu felelei i ona la. Ua  
toe fai atu ia, ou te faatatau  
i le malo o le Atua i se a?  
21 E tusa ia ma le mea faafe-  
fete ai, na tuu e le tasi fafi-  
ne e nanā i ai i totonu i le  
falaoa e tolu tumu, seia fe-  
feteumaina ai.

22 O loo savali ane ia i aai  
ma faoa aai, ua aao ua alu  
malaga atu i Ierusalem.  
23 Ua fai mai a le tasi ia te ia,  
le Alii e, e toaitiiti ea e faa-  
olaina? Ona fai atu lea o  
24 ia ia te i latou. Ia outou  
finafinau e sao atu ai i le fai-  
totoa apiapi; aua, ou te fai  
atu ia te outou, e sailiili e

toatele ia sao atu, a e le mafaia lava. A uma ona tulai 25  
le matai o le fale ma pupuni  
i le faitotoa, ma outou o tu-  
tu foi i fafo, e tu'itu'i i le  
faitotoa ma faapea mai, Le  
Alii e, le Alii e, ia e to mai  
ia te i matou; a e tali ia  
ma faapea atu, ou te le iloa  
outou pe mai fea. Ona fai 26  
mai ai lea outou, na matou  
'aai ma inu i ou luma, na e  
aoao foi i o matou malae.  
E faapea atu ia, ou te fai 27  
atu ia te outou, ou te le iloa  
outou pe mai fea; ina o ese  
ia outou ia te au, outou uma  
e fai amio leaga. E i ai le 28  
taufaitagi aue ma le lilivau  
o nifo, pe a iloa e outou o  
Aperaamo, ma Isaako, ma  
Iakopo, ma le au perofeta  
uma i le malo o le Atua, a  
o outou ua tulia i fafo. E 29  
o atu tagata mai sasae, mai  
sisifo, mai le itu lagi i mātu,  
atoa ma le itu i toga, e ta-  
ooto i le 'aiga i le malo o le  
Atua. Faauta foi, o e mu- 30  
limuli e avea ia ma tagata  
muamua, o e muamua foi e  
avea ia ma tagata mulimuli.

O lea lava aso ua o mai 31  
ai isi o le au faresaio, ua fai  
mai ia te ia, Alu ia oe, ina  
alu lava; auā o Herota ua  
fiarafasioti ia te oe. Ua fai 32  
atu ia ia te i latou, Ina o ia,  
fai atu i lela alope, Faauta  
ou te tuli i fafo i temoni, ou  
te faamalolo foi i e mamai i  
le asō, ma taeao foi, i e luā  
ou te faaiuina ai. Peitai e 33  
tatau ona au fealualuai i le  
asō, ma le taeao, atoa ma e

luā foi; auā e le mafaia la-  
va ona fano se perofeta i tua  
34 o Ierusalema. Ierusalema  
e, Ierusalema e, o lē fasioti  
i le au perofeta, ma fetogi i  
e na aauina atu ia te oe: ua  
tele naua o'u manao e faa-  
potopoto i au fanau, pei o le  
moa ona ofaofatai i lana to-  
loai i lalo ona apaau! a e le  
35 mafafai outou. Faauta, e  
tuu fua lo outou fale, e le āi-  
na; a e ou te fai atu ia te  
outou, tou te le iloa mai la-  
va au, seia oo atu i le aso  
tou te fai ane ai, Amuia lē  
maliu mai i le suafa o le  
Alii.

#### O LE MATAUPU XIV.

*Ua faamalolo e Iesu le ma'i  
suavai.*

1 **U**A oo i le tasi sapati, ua  
alu atu ai ia i le fale o  
le tasi taitai o le au faresaio e  
'ai ai, o latou o lamalama ia  
2 te ia. Faauta foi sa i ona  
luma le tasi, ua ma'i i le mai  
3 suavai. Ua fai atu Iesu i  
le au aoao-tulafono, ma le  
au faresaio, ua faapea atu,  
pe sa ea ona faamalolo i ma'i  
4 i le sapati? Ua latou faa-  
lologo lava. Ua tago atu  
foi ia ia te ia, ua faamalolo  
5 ia te ia, ua tuu atu ai, Ua  
fai atu ia ia te i latou, ua  
faapea atu, O ai so outou e  
ana le asini poo se povi, ua  
pa'ū i le lua, e le vave ona  
alu e toso a'e i luga i le aso  
6 sapati? Aua la tou le ma-



fai ona tali mai ia te ia i nei mea.

Ua tala atu ia i e na tala'i- 7  
ina, le faataoto, ina ua iloa  
e ia o i latou o filifili i mea  
faasilisili; ua faapea atu ia  
te i latou. Pe a fai atu se 8  
tasi ia te oe, e alu i le fai-  
gaai, aua e te taoto i le mea  
faasilisili, nei i ai foi se tasi  
ua tala'iina e ia ua sili ia te  
oe: Ona alu atu lea lē na 9  
tala'i ia te oulua ma ia, ma  
fai atu ia te oe, Ina soso ese  
ia ma lenei; ona e alu ai lea  
ma le mā i le mea faatauvaā.  
Peitai oe, pe a tala'iina oe, 10  
e te alu e taoto i le mea faa-  
tauvaā; ina ia fai atu lē na  
tala'i ia te oe, pe a sau, Sole,  
ina alu a'e ia oe i le mea e  
sili; ona mamalu ai lea oe  
i luma o ia tagata latou te  
'aai ma oe. Auā o lē faa- 11  
maualuga e ia ia ia, e faa-  
maualaloina lea; o lē faa-  
maualalo e ia ia ia, e faa-  
maualugaina lea.

Ua fai atu foi ia i lē na 12  
tala'i mai ia te ia, Pe a e  
sauni i le faigaai, poo se ta-  
lisuaga, aua e te tala'i i au  
uo, poe ou uso, poo tagata o  
lou aiga, poo tagata mauoa  
tou te tuaoi, ne'i latou toe  
tala'i mai foi ia te oe, ona  
tauia mai lea o oe. Peitai 13  
o oe pe a e sauni i le faigaai,  
ina tala'i ia oe i e matitiva,  
i e mumutu, i e pipili, atoa  
foi ma e tauaso; E manuia 14  
ai oe; aua latou te le lava  
ona tau mai ia te oe, e tauia  
mai oe i le toe tutu mai o e  
amio tonu.

15 Ua faalogo le tasi o e na  
taoto ma ia i nei mea ona  
fai mai lea ia te ia, Amuia  
lē 'ai i le malo o le Atua.  
16 Ona fai atu lea ia ia te ia,  
Na saunia e le tasi tagata le  
talisuaga tele, na tala'i atu  
foi e ia i tagata e toatele;  
17 Ua oo foi i le ituaso e fai  
ai le talisuaga ua au atu la-  
na auauna e fai atu i e na  
talaiina, Ia outou o mai, aua  
ua uma ona saunia o mea  
18 uma. Ona latou fealoalofa'i  
ai lea, ua tasi le loto. Na  
fai mai le tasi ia te ia, na  
au faatau i se fanua, e tatau  
ona au alu atu e matamata  
ai: ia e tuu mai ia te au.  
19 Na fai mai foi le tasi, na au  
faatau i povi e lima gaoa,  
ou te alu e faataitai i ai: ia  
20 e tuu mai ia te au. Na fai  
mai foi le tasi, ua au fai  
avā; o le mea lea ou te le ma-  
21 fai ai ona alu. Ua alu atu  
lea auauna ua faamatala atu  
ia mea i lona alii. Ona tiga  
ai lea le loto o le matai o le  
fale, ua fai atu ia i lana au-  
auna, Ina alu ia ia vave i  
malae ma ala tele o le aai,  
ma ia aami mai i e matitiva,  
i e mumutu, i e pipili, atoa  
22 ma e tauaso. Ona fai mai  
lea le auauna, Le alii e, ua  
uma ona faia le mea na e  
poloai mai ai, a e lei nofoia  
23 le fale. Ua fai atu le alii i  
le auauna, Ina alu atu ia i  
ala tele, ma magā ala, ma ia  
pulunaunau atu latou te o  
mai, ina ia tumu lo'u nei  
24 fale. Auā ou te fai atu ia  
te outou, E leai lava so la-

tou e na tala'iina, e 'ai i la'u talisuaga nei.

Ua lolofi mai ia te ia le 25 motu o tagata e toatele; ua faliu ia ua fai atu ia te i latou, Pe afai e sau se tasi 26 ia te au, a le lafoai i lona tamā ma le tina, ma le avā, ma le fanau, ma le au uso e oo lava i lona ola, e le mafai ia te ia ona fai mo o'u soo. A le ave se tasi i 27 lona satauro, ma mulimuli mai ia te au, e le mafai ia te ia ona fai ma o'u soo. O ai foi so outou, o loo 28 manao e fai se fale toa, e le muai nofo i lalo e faitau tupe e totogai a'i po ua lava ia te ia e faauma ai? Ina 29 nei tauemu mai ia te ia o tagata uma e maimoa, ina ua tuu le faavae, a e le mafai ona faauma ai, ua faapea mai, O le tagata lenei, na 30 afua ona fai, a e le'i mafai ona faauma. Poo o ai le 31 tupu, o le a sii atu le taua i le tasi tupu, e le muai nofo i lalo e filifili, pe mafai ia te ia, ma ona tagata e tasi le mano, ona tau ma lona fili e lua ona mano? Pe 32 afai e leai, ina o mamao ia, e feau atu e ia le tausāvali e faatoga atu ia ola le taua. E faapea foi so outou e lē 33 lafoai i ana mea uma, e le mafai ia te ia ona fai ma o'u soo.

O le mea lelei le masima; 34 a e afai e magalo le masima, pe se a se mea e faamasima a'i. E le aoga ia i le fanua, 35 e le aoga foi ona tapu'e a'i;

a ua lafoaiina i fafo e tagata. O lē ona taliga e faalogo ai, ina faalogo ia o ia.

## O LE MATAUPU XV.

*O le faataoto i le mamoe na se.*

- 1 **U**A faalatalata ia te ia le au telona uma ma e agasala, e faalogologo ia te
- 2 ia. Ona muimui ai lea le au faresaio ma le au failautusi, ua faapea ane, Ua talia e lenei tagata o e agasala, ua 'aai faatasi foi ia ma i latou.
- 3 Ona fai atu ai lea o ia lenei faataoto ia te i latou,
- 4 ua faapea atu, O ai ea so outou e ana mamoe e selau, afai e sē le tasi e le tuua e ia le iva gafulu ma le iva i le fanua tuufua, e alu ma saili i lē na sē, seia maua?
- 5 A maua, ua faafuata ma le
- 6 olioli. A oo atu foi i lona aiga, ua faapotopoto ai i ana uo atoa foi ma e tuaoi ma ia, ua fai atu foi ia te i latou, Ia tatou olioli ia, aua ua au maua i la'u mamoe
- 7 na se. Ou te fai atu ia te outou, e faapea foi e i ai i le lagi le olioli i le tagata agasala e toatasi e salamo, a e itiiti le olioli i e amio tonu e toaiva gafulu ma le toaiva e le tusa i ai le salamo.
- 8 O ai ea foi le fafine e ana tupe e fuagafulu, afai e le iloa e ia o le tasi tupe, e le tutu i se afi ma tafitafi i le fale ma matua saili i ai, seia
- 9 maua? A maua ua faa-

potopoto ai i ana uo atoa  
foi ma e tuaoi ma ia, ma fai  
atu, Ia tatou olioli ia; aua  
ua au maua le tupe na le  
iloa ia te au. O lenei, ou 10  
te fai atu ia te outou, e faa-  
pea foi le olioli i luma o  
agelu a le Atua, ona o le  
tagata agasala e toatasi e  
salamo.

Ua fai atu o ia, o le tasi 11  
tagata e toalua ona atalii.  
Na fai atu le ui'i i lona 12  
tamā, Sena e, ia e au mai  
ia te au i lo'u tofi o le oa;  
ona vaelua lea e ia ana mea  
ia te i laua. Ua toe ititi 13  
ni aso, ona faapotopoto ai  
lea le ui'i i mea uma, ua  
aunuu ai i le nuu mamao,  
na faataapeape ai i ana mea  
i ai ua soona ulavale. Ina 14  
ua uma atu ana mea, ona  
oge tele ai lea o lea nuu;  
ona faatoa mativa ai lea o  
ia. Ua alu ia ua nofo i le 15  
tasi tagata o lea nuu, ua  
auna ia te ia i ona fanua  
e fafaga i puaa. Ua tupu 16  
lona manao i atigi mea e  
'aiina e puaa, e maona ai  
ia; e leai lava se tasi na  
avane i ai. Ona faaatamai- 17  
ina ai lea o ia, ua faapea  
ane, E lē toatele ea o au-  
auna a lo'u tamā ua faulai  
a latou areto ua totoe, a ou  
te matelaina au! O le a au 18  
alu i lo'u tamā, ou te fai  
atu ia te ia, Lo'u tama e,  
ua au agasala i lē o i le  
lagi, atoa ma ou luma; Ua 19  
a'u le toe aoga ona ta'ua o  
lou atalii; ia e avea o au  
pei o isi āu auna. Ona 20

alu ai lea o ia i lona tamā.  
Ua iloa mamao atu foi i ai  
e lona tama, ua mutimuti-  
vale lona alofa, ua momoe  
atu ia ua faapa'u atu i lona  
21 ua, ua feasogi ia te ia. Ua  
fai mai le atalii ia te ia,  
Lo'u tama e, ua au agasala  
i lē o i le lagi atoa ma ou  
luma, ua au le toe aoga ona  
22 taua o lou atalii. A ua fai  
atu le tamā i ana auauna,  
au mai ia i le ofu tā'ua, ma  
faaofu ia te ia; ma ia tuu i  
sē mama i lona lima, ma  
faasee foi i ona vae; Au  
mai ia foi i le tamai povi  
peti ma fasi; tatou te aai  
24 ma olioli; Auā o lo'u lenei  
atalii, na oti, ua toe ola  
mai; na le iloa foi ia, ua  
maua; Ona fuai lea lo latou  
25 olioli. Sa i le fanua lona  
atalii ulumatua; o loo sau  
ia, ua latalata mai i le fale,  
ona faalogo ai lea o ia i leo  
26 malie, ma le siva. Ua va-  
laau atu ia i le tasi auauna,  
ua fesili atu po o le a le  
27 uiga o nei mea? Ua fai  
mai ia ia te ia; ua sau lou  
uso; ua fasi ai foi e lou  
tamā le tamai povi peti, ina  
28 ua iloa ola mai o ia. Ona  
tiga ai lea lona loto, e le  
mafaia ona ulufale i ai; ona  
alu atu ai lea lona tamā i  
fafa, ua faamolemole ia te  
29 ia. Ona tali mai ai lea o  
ia, ua faapea mai i lona  
tamā, Faauta o tausaga ua  
tele, na au auauna ai ia te  
oe, ua leai lava sau poloaiga  
na au soli ai; e te lei au  
mai lava i se tamai oti ma

au, matou te olioli ai ma a'u uo. Peitai o lou atalii 30 lena, sana faaumatia i au mea faatasi ma fafine faita-aga, ua sau ia, na e fasi i le tamai povi peti māna. Ua 31 fai atu ia ia te ia, Tā e, ta te nonofo pea ma oe, o a'u mea uma foi, o āu ia. E 32 tatau foi, ona tatou fiafia ma olioli, auā o lou uso lenei na oti ua toe ola mai; na le iloa foi ua maua.

### O LE MATAUPU XVI.

*O le faataoto i le faatamā ua amio le tonu.*

U A fai atu foi ia i ona 1 soo, o le tasi tagata mauoa sa i ai le faatamā; na molia ia i ai, o le faa-  
taapeape i ana mea. Ua 2 na valaau atu ia te ia, ua fai atu i ai, O le a lenei mea ua au faalogo ai ia te oe? Sei tala mai i le tala i lau faatamā; aua ou te le mafai ona e toe faatamā.

Ona fai ifo ai lea le faa- 3 tamā, Sea le mea ou te faia? auā o le a faate'aina au e lo'u alii i le faatamā; ou te le mafai ona eli; ou te mā foi i aisi. Ua au iloa le 4 mea ou te faia, ina ia talia au i o latou aiga pe a tuueseina o au i le faatamā, Ua amiami i taitasi tagata 5 uma e na no mea i lona alii, ua fai atu ia i le tasi, Pe fia mea a lo'u alii ua ia te oe e te toe avāne? Ona fāi mai 6 ai lea o iā, o fua o suā u'u

e selau. Ua fai atu ia ia te ia, Ina tago ia i lau tusi, ia vave nofo, ma tusi e lima 7 sefulu. Ona fai atu lea o ia i le tasi, pe fia mea ia te oe? ua fai mai ia o fuaga o saito e selau. Ona fai atu lea o ia ia te ia, Ina tago ia i lau tusi, ma tusi e valu 8 sefulu. Ua vivii atu le alii i le faatamā amioletonu, auā ua na fai ma le poto; auā e sili le poto o tagata o le olaga nei i lo tagata o le malamalama, e taitasi ma 9 lo latou ituaiga. Ou te fai atu foi ia te outou, O le oa o le agalētonu, ia outou fai ai uo ma outou, ina ia latou talia mai o outou i maota e faavavau, pe a tuueseina outou.

10 O lē faamaoni i le mea itiiti, o le faamaoni foi lea i mea e tele; o lē agaletonu i le mea itiiti, o le agaletu-  
11 nu lea i mea e tele. Afai foi tou te lei faamaoni i le oa o le agaletonu, o ai se na te tuu atu ia te outou i 12 le oa moni e tausi? Afai foi na outou le faamaoni i mea a le tagata ese, o ai se na te tuu atu ia te outou i a 13 outou mea? E le mafai se auauna ona auauna i alii e toalua, aua e 'ino'ino ia i le tasi, a e loto atu i le tasi; a le o lea, e faapiipii atu ia i le tasi, ma faasiasia i le tasi. Tou te le mafaia ona auau-  
14 na i le Atua ma mamone. Ua faalogo le au faresaio i ia mea uma, o loo matape'ape'a; ua latou tauemu

mai ia te ia. Ona fai atu 15  
lea o ia ia te i latou, O ou-  
tou o le au faafiaagatonu  
outou i luma o tagata; a  
ua silafia e le Atua o outou  
loto; aua o le mea e sili  
i luma o tagata, e inosia lea  
e le Atua. O le tulafono 16  
ma le au perofeta na oo  
lava ia Ioane; talu ai ia  
ona po ua folafolaina le  
tala lelei o le malo o le  
Atua, taitasi foi ma faama-  
losi atu i le ulufale i ai.  
E mavae gofie atu le lagi 17  
ma le lalolagi, a e le pa'u  
se matai tusi itiiti e tasi a  
le tulafono. O sē faatea 18  
i lana avā, ma faiaavā i se  
tasi, o le mulilua lea; o sē  
fai avā i lē na faateaina ma  
lana tane, o le mulilua foi  
lea.

O le tasi tagata mauoa, 19  
na ofu i le ofu mūmū, ma  
le ie lelei, ua tailileiia lava  
ia i aso uma: O le tasi ta- 20  
gata mativa foi e igoa ia  
Lasalo, na taatia i lona  
faitotoa ia, o le papala ia,  
O loo manao tele ia e 'ai 21  
momoi mea na pa'uū ifo i  
le laoa i o le mauoa; a ua  
o mai maile ua etoeto ona  
papala. Ua oo foi i le oti 22  
o le tagata mativa, ua avea  
o ia e agelu i le fatafata  
o Aperaaamo. Na oti foi le  
mauoa, ua tanu; O loo i 23  
le po ua faataugaina, ona  
tepaē ai lea, ua na iloa ma-  
mao atu ia Aperaaamo ma  
Lasalo i lona fatafata: Ua 24  
alaga atu foi ia ma fai atu,  
Lo'u tamā e, Aperaaamo, ia

e alofa mai ia te au, ma ia  
e feau mai ia Lasalo, na te  
fufui i le tumutumu o lona  
tamatamai lima i se vai, e  
faamalulu a'i i lo'u nei lau-  
laufaiva; aua ua au puapua-  
ga i le mumū o le afi nei.  
25 Ua fai mai Aperaaamo, Lo'u  
atalii e, ia e manatu mai oe,  
na e maua o au mea lelei i  
lou olaga, na maua foi e  
Lasalo o mea leaga; a o  
lenei, ua faaolioliina ia, a  
26 ua puapuagaina oe. E le  
gata i nei mea uma, a ua  
tumau le vanu tele i lo ta-  
tou va; o le mea lea, e le  
masao ai o e fia oo atu iinei  
ia te outou; e le masao mai  
foi o e fia oo mai iila ia te i  
27 matou nei. Ona fai atu lea  
o ia, Lo'u tamā e, ou te  
faatoga atu ia te oe, ina ia  
e feau atu ia te ia i le aiga  
28 o lo'u tamā; Aua e toali-  
ma o'u uso; ina ia molitino  
atu ia ia te i latou, nei  
latou o mai foi i lenei mea  
29 puapuga. Ua fai mai Ape-  
raamo ia te ia, o ia te i latou  
o Mose ma le au perofeta, ia  
30 latou faalogo i ai. Ua faa-  
pea atu ia, Lo'u tamā e,  
Aperaaamo, aua; pe afai e  
alu atu se tasi na i e ua oti  
ia te i latou, e salamo ai i  
31 latou. Ua fai mai ia ia te  
ia, Pe afai latou te le faa-  
logo ia Mose ma le au pe-  
rofeta, e ui lava ina tu mai  
se tasi na i e ua oti, latou  
te le mafafai lava.

## O LE MATAUPU XVII.

*Ua folafola mai Iesu i le leaga  
o le faasuai.*

**U**A fai atu o ia i le au 1  
soo, E le mafai lava  
ona lē oo mai mea e suai  
ai; a oi talofa i lena e oo  
mai ai ia. E aoga ia te ia 2  
a noatia i lona ua se maa-  
olo i le lafo ai i le sami, a e  
leaga lava ona faasuai e ia  
o se tasi o ia tagata aupito  
iti. Ia outou, ia te outou, 3  
Pe afai a e agasala mai ia  
te oe lou uso, ia e aoai atu ia  
te ia; pe afai e salamo ia, ia  
e faamagalo atu i ai. Pe 4  
afai ae taifitu i aso ona aga-  
sala mai ia te oe, ma taifitu  
i aso ona liliu mai, ma faa-  
pea mai, ua au salamo, ia e  
faamagalo atu i ai. Ona fai 5  
mai lea le au aposetolo i le  
Alii, Ia e faapoopoina mai  
lo matou faatuatua. Ua fai 6  
atu le Alii, Afai ua tusa lo  
outou faatuatua ma le fatu  
sinapi, ua outou fai atu i le-  
nei sukamina, Ia lia'iina oe,  
ma ia totoina i le sami; e  
anaana mai lava ia te outou.  
O ai foi so outou, e ana le 7  
auauna o galue i le suosolo,  
po o leoleo i mamoe, e fai  
atu ia te ia, pe a sau ia mai  
le lotoā, Sau loa ia ina 'ai?  
A e le fai atu ea ia te ia, 8  
Ina sauni mai ia sa'u sua,  
ma ia fufusia oe, i le laulau  
mai o mea sei 'ai ae a'u ma  
inu; a mavae, i le 'ai ai oe

- 9 ma inu? E faafetai atu ea  
ia i lea auuina ina na fai  
mea na poloiina atu ia te  
10 ia? ai lava e leai. E faa-  
pea foi outou, pe a uma ona  
fai o mea na poloiina atu  
ia te outou, tou te fai ane,  
O auuina faaleaoga i matou  
nei, aua o mea e tatau ona  
matou fai, o mea ia ua ma-  
tou faia.
- 11 O loo alu malaga atu ia i  
Ierusalema, ua ui ai ia i Sa-  
12 maria ma Kalilaia. Ua alu  
atu ia i le tasi aai, ona fetai-  
ai lea ma ia o lepela e toa-  
tinoagafulu, ua tutu mamao  
13 mai. Ua latou alalaga mai,  
ua faapea mai, Le aoao  
e, Iesu, ia e alofa mai  
14 ia te i matou. Ua iloa  
mai e ia, ona fai atu lea o  
ia ia te i latou, Ina o ia, e  
faaali atu ia te outou i le au  
faitaulaga. Ina ua latou o;  
15 ua faamamaina i latou. O  
le tasi o i latou, ua na iloa  
ua faamamaina ia, ua toe foi  
mai, ua vivii atu i le Atua,  
16 ma le leo tele; Ua punou  
mai ia i lalo i ona vae, ua  
faafetai mai ia te ia; o le  
17 Samaria foi ia. Ona fai atu  
lea o Iesu, E lei faamama-  
ina ea le toatino-agafulu?  
a o i fea o i ai le toaiva?  
18 Ua le iloa ni e toe foi mai e  
vivii atu i le Atua, na o le-  
19 nei tagata ese. Ua fai atu  
ia ia te ia, Ina tulai ia, ina  
alu; ua e ola i lou faatua-  
tua.
- 20 Ua fesili mai ia te ia le  
au faresaio, pe oo mai afea  
le malo o le Atua? Ua tali

atu ia, ua faapea atu, E le  
sau le malo o le Atua ma  
le faalialia. E le fai ane 21  
foi i tagata, Faautea o iinei!  
poo faautea o iila! aua, fa-  
autea foi o i totonu ia te ou-  
tou le malo o le Atua. Ua 22  
fai atu ia i le au soo, E oo  
mai lava le tau tou te ma-  
nanao tele ai e iloa se tasi  
aso o le Atalii o le tagata,  
a e le iloa. E fai mai ta- 23  
gata ia te outou, Faautea o  
iinei; poo, faautea o iila;  
aua tou te o i ai, poo muli-  
muli atu i ai. Aua e pei 24  
ona emo mai le uila mai le  
tasi itulagi, e malamalama  
atu i le tasi itulagi; e faa-  
pea foi le Atalii o le tagata  
i lona aso. A e tatau ona 25  
muai tiga ia i mea e tele,  
ma teteaina e lenei tupulaga.  
Pei ona faia i le tausaga ia 26  
Noa, e faapea lava i le tau-  
saga o le Atalii o le tagata.  
Na 'aai i latou ma inu, na 27  
latou fai-avā foi ma latou  
faaavaga, e oo lava i le aso  
na ulu ai Noa i le vaa, ua  
oo mai ai le lolo, ua fano ai  
i latou uma. E pei ona 28  
faia foi i le tausaga ia Lo-  
ta; na latou 'aai, ma inu,  
ma faatau, ma avane e faa-  
tau, ua toto, ma fai fale;  
A o lea lava aso, na alu atu 29  
ai Lota i Sotoma, ua liligi  
ifo e le Atua le afi ma le  
teio mai le lagi, ma faauma-  
tia ai o i latou uma. E faa- 30  
pea foi lava i le aso e faaal-  
ia mai ai le Atalii o le tagata.  
O le i luga i le fale i lea 31  
aso, ma ana mea i le fale,

aua le alu ifo ia e ave: e  
faapea foi o le i le fanua,  
32 aua le toe foi mai ia. Ia  
outou faamanatu i le ava a  
33 Lota. O sē saili foi ia sao-  
galemu lona ola, e faamau-  
mau ia i ai; o sē faamau-  
mau i lona ola, e faasao e ia  
34 i ai. Ou te fai atu ia te ou-  
tou, I lea lava po, e i le  
moega e tasi e toalua; e  
malu le tasi, e tuulafoaiina  
35 le tasi. E olo faatasi o fa-  
fine e toalua, e malu le tasi,  
e tuulafoaiina foi le tasi.  
36 E i le fanua tagata e toalua,  
e malu le tasi e tuulafoaiina  
37 le tasi. Ua latou fai mai  
ia te ia, Le Alii e, po o fea  
e fai ai? Ua fai atu ia ia  
te i latou, o le mea o i ai le  
tino na oti, e aofaga i ai le  
vao aeto.

## O LE MATAUPU XVIII.

*O le nanati o le fafine ua oti le  
tane i le faamasino ua amio-  
letonu.*

1 **U**A fai atu ia i le faataoto  
ia te i latou, o lona  
uiga foi ia tatalo soo, aua le  
2 faavaivai e tatau ai; Ua  
faapea atu, Sa i le tasi aai  
le faamasino, ua le mata'u i  
le Atua, e le āva foi i taga-  
3 ta; Sa i lea aai foi le tasi  
fafine ua oti le tane, na alu  
atu ia te ia, ua faapea atu,  
Ia e faatonu atu i lē ua i ai  
4 a'u mea. O nai aso e lei  
mafai ai ia; a e mulimuli  
ane ua fai ifo ia, e ui lava

ina au le mata'u i le Atua, ma au le āva foi i tagata; A e peitai ona o le faatiga 5 mai ia te au o le fafine nei ua oti le tane, ou te faatonu au i ana mea, ina nei faatiga mai ia te au i lona sau soo. Ona fai atu ai lea o 6 le Alii, Ia outou faalogo mai i le upu a le faamasino agaletonu. E lē faatonu 7 mai ea e le Atua i a e na filifilia e ia, o loo alalaga ia te ia i le ao ma le po, e tuai mai foi ia i ai ona o i latou? Ou te fai atu ia te 8 outou, e le pipine o ia ona faatonu mai i a latou. Peitai a sau le Atalii o le tagata, e iloga ea e maua mai e ia le faatuatua i le lalolagi?

Ua fai atu ia i lenei faa- 9 taoto i nisi tagata e na faatuatua ia te i latou fa'i ua amio tonu, a e ta'ufaatauvaina e i latou tagata ese; Na o ae i le malumalu taga- 10 gata e toalua e tatalo, o le faresaio le tasi, o le telona le tasi. Na tulai le faresaio, ua tatalo lemu atu i nei upu, Le Atua e, ou te faafetai atu ia te oe, ina ua qu le pei o tagata ese, o e faasaua, o e amioletonu, o e mulilulua, e le pei o lela telona foi. E tailua o o'u 12 faavauvau i vai-aso-sa, ou te avatu lona sefulu i a'u mea uma. O le telona foi, 13 ua tu mamao atu, e le mafai ona tepa'e ona mata i le lagi, a o loo pōpō i lona fatafata, ua fai atu, Le Atua

e, ia e faamagalo mai ia te 14 au le tagata agasala. Ou te fai atu ia te outou, ua alu ifo lenei tagata ua ta'ua agatonuina, a e le faapea lē isi; aua o lē faamaualuga ia te ia, e faamaualoina lea; o lē faamaualalo foi ia te ia, e faamaualugaina lea.

15 Ua au mai e isi tagata tama iti ia te ia, ina ia pai ane o ia ia te i latou; ua iloa i ai e le au soo, ona latou vavao lea ia te i latou.

16 Peitai o Iesu ua fai atu ia i tama iti, ia latou o mai ia te ia, ua faapea ane, Ina tuu mai pea ia o tama iti e o mai ia te au, aua tou te vavao ia te i latou; auā o tagata faapena o i le malo o 17 le Atua ia. E moni ou te fai atu ia te outou, O se lē tali i le malo o le Atua pei o le tama itiiti e lē masao lava i ai.

18 Ua fesili mai ia te ia le tasi taitai, ua faapea mai, Le aoao lelei e, se a le mea ou te faia, ou te maua ai le

19 ola e faavavau? Ua fai atu Iesu ia te ia, Se a le mea e te tau lelei mai ai i a'u? e leai se lelei, na o le toatasi, 20 o le Atua lea. Ua e iloa poloaiga; aua e te mulihua, aua e te fasioti, aua e te gaioi, aua e te molimau pepelo, Ina usiusitai atu ia i lou tamā ma lou tina.

21 Ua fai mai ia, Na au fausia ia mea uma talu lava ina 22 ou o itiiti. Ua faalogo Iesu i nei upu ona fai atu lea, te

te ia, Ua toe le mea e tasi



e te lei maua ai ; e te faatau atu i āu mea uma, ma ia tufatufa i e matitiva, ona ia te oe lea le faulaigā oloa i le lagi ; i le e sau ai ma mulimuli mai ia te au. Ua 23 faalogo ia i lenei mea, ona tiga tele ai lea lona loto ; aua o le mauoa lava ia. Ua 24 iloa e Iesu o ia, ua tiga tele lona loto, ona fai atu lea o ia, O le mea faigata nauā ona sao atu tagata mauoa i le malo o le Atua ! E fai- 25 gofie ona ofi le kamela i le pu o le au, a e faigata ona sao atu le tagata mauoa i le malo o le Atua. O e na 26 faalogo i ai ua fai mai, O ai sē mafai ona faaolaina ? Ua 27 fai atu ia, O mea e le mafaia e tagata, e mafaia e le Atua. Ona fai mai lea Peteru, 28 Faauta, ua matou lafoai i mea uma, ua mulimuli atu ia te oe. Ua fai atu ia ia 29 te i latou, E moni ou te fai atu ia te outou, Ai se tagata na lafoai i le fale, poo mā-tua, poo uso, poo le avā, poo le fanau, ona o le malo o le Atua, E maua e ia o 30 mea sautualasi i lenei tausaga, o le soifua foi e faavavau i le olaga atali.

Ua taitai ia ia te ia i le 31 toasefulu ma le toalua, ua fai atu ia te i latou, Faauta, o le a o ae i tatou i Ierusalem, e taunuu ai foi o mea uma na tusia e le au perofeta i le Atalii o le tagata. Atua e tuuina atu ia i le 32 nuu, e faatanemuina, e faaleagaina, e tuufeanu foi i ai

33 tagata, E sasa foi i ai ma fasiotia ; o le po tolu foi e 34 toe ola mai ai. E lei lagona lava i latou i nei mea : ua lilo foi o lenei upu ia te i latou, e lei iloa e i latou o mea na fetalai mai.

35 O loo latalata ia i Ieriko, ua nofo i le au ala le tasi tagata tauaso o loo faatoga 36 i mea ; Ua faalogo ia i le motu o tagata ua savavali ane, ona fesili lea, pe se a 37 lea ? Ua latou tala mai ia te ia, o Iesu le Nasareta ua 38 alu ane. Ona alaga mai ai lea o ia, ua faapea mai, Iesu e, le atalii o Tavita, ia e 39 alofa mai ia te au. Ua vavao ia te ia o e na muamua mai, ina ia faalologo o ia ; peitai o ia ua atili ai ona alaga pea, Le atalii o Tavita e, ia e alofa mai ia te au.

40 Ua tu Iesu ua poloai atu ia taitaiina mai ia ia te ia ; ua latalata mai ia, ona fesili atu lea o ia ia te ia, ua faa- 41 pea atu, Se a le mea e te manao i ai ou te faia mo oe ? Ua fai mai ia, Le Alii 42 e, ina ia a'u pupula. Ua fai atu Iesu ia te ia, Ina pupula ia ; o lou faatuatua 43 ua e ola ai. Ona pupula loa lea o ia, ua mulimuli atu ia te ia, ua vivii atu i le Atua ; ua iloa atu i ai e le nuu uma, ona latou faafetai atu foi lea i le Atua.

## O LE MATAUPU XIX.

*Ua valaauina Sakaio le telona  
e Iesu.*

U A oo atu ia i Ieriko, ua 1  
ui ane i ai; Faautea, o 2  
le tasi tagata ua igoa ia Sa-  
kaio, o le tasi matai o le au  
telona, o le tagata mauoa  
foi ia. Ua fiamaimoa ia i 3  
le tino o Iesu; a e le ma-  
faia ona o le motu o tagata;  
aua o le tagata saasaa ia.  
Ua momo'e ia i luma, ua 4  
a'e i luga i le tasi laau, o  
le sukaminō, e vaavaai ia  
te ia; aua o le a ui ai.  
Ua oo atu Iesu i lea mea, 5  
ua tepae, ua iloa atu ia te  
ia, ua fai atu i ai, Sakaio e,  
ia e vave ifoifo ia i lalo,  
aunā e tatau ona au nofo i  
lou fale i le aso nei. Ona 6  
vave ifoifo ai lea o ia, ua  
tali mai ia te ia ma le fiafia.  
Ua muimui uma e na iloa, 7  
ma faapea ane, ua afe atu  
ia i le tagata agasala e moe  
ai. Ua tu mai Sakaio, ma 8  
faapea mai i le Alii, Fa-  
autea le Alii e, o le a ou vae-  
luagalemuina o a'u mea, ou  
te avatu i le tasi vaega ma  
tagata matitiva; afai foi ua  
tiga se tasi i lo'u tu'uai ane  
ou te avatu ai faafa. Ua 9  
fai ane Iesu ia te ia, Ua oo  
mai le faaolataga i le aiga  
nei i le asō, ina ua fai ia ma  
atalii o Aperamo. Aua 10  
ua sau le Aatalii o le tagata  
e saili ma faaola i le na le  
iloa.

Ua latou faalogo i nei 11

mea, ua toe fai atu ia i le  
tasi faataoto, ina ua latalata  
ia i Ierusalema, aunā foi fa-  
te i latou e oo mai nei lava  
12 le malo o le Atua. O lea  
foi ua fai atu ai ia, Na alu  
le tasi alii i le fanua mamao  
e maua ai sona ao e tupu a'i,  
13 i le toe foi mai. Ua faapo-  
topoto ia i ana auaua e toa-  
sefulu, ua avatu ia te i  
latou i mina e fuagafulu,  
ua fai atu foi ia te i latou,  
tou te faataua'i sei a'u toe  
14 sau. A ua inosia ia e lona  
nuu, ua latou feau atu i le  
tausavali e mulimuli atu ia  
te ia, ma faapea atu, Matou  
te le mananao i lenei tagata  
15 e fai mo matou tupu. Ua  
toe foi mai ia ina ua maua  
lona ao e tupu a'i, ona fai  
ane ai lea, e aami ia auaua,  
na ia avatu i ai le alio, e oo  
mai ia te ia, ina ia iloa e ia  
taitasi a latou faatau poo ua  
16 faapefea. Ona sau ai lea  
le tasi ua faapea mai, Le  
alii e, o la'u mina ua maua  
17 ai isi mina e fuagafulu. Ua  
fai atu ia ia te ia, Le auau-  
na lelei e, ina ua e faamaoni  
i le mea itiiti lava, ina pule  
aoao ia oe i nuu e sefulu.  
18 Ua sau foi lona toalua, ua  
faapea mai, Le alii e, o la'u  
mina na maua ai o mina e  
19 lima gafua. Ua fai atu foi  
ia i lenei, ina pule aoao foi  
20 ia oe i nuu e lima. Ua sau  
foi le tasi, ua faapea mai,  
Le alii e, faautea o la'u mina  
lenei, sa au tausia ua teu i  
21 le solosolo; Aua na au  
mata'u lava ia te oe, aua, o

oe le tagata sauā: ua e  
ava'e i le mea na e le tuu-  
ina i lalo, ua e faapotopoto  
foi i le mea e te lei totoina.  
Ua na fai atu ia te ia, Le 22  
auna leaga e, o lau upu  
lava, ou te faasala ai ia te  
oe, Na e iloa lava, o a'u lē  
faasaua, lē ava'e i le mea  
na au le tuuina i lalo, lē  
faapotopoto foi i le mea na  
au le totoina. Se a le mea 23  
na e le avatu ai i la'u alio i  
le laupapa, pea a'u sau ona  
ou maua ai lea atoa mona  
tupu? Ua fai atu ia i e 24  
na tutu mai, Ia outou fao i  
le mina, e avatu i lē ua i ai  
o mina e fuagafulu. (Ua 25  
latou fai mai ia te ia, Le  
alii e, ua ia te ia mina e  
fuagafulu.) Aua, ou te fai 26  
atu nei ia te outou, O se o i  
ai mea, e avatu i ai; a o le  
ua leai sana mea, e faoa  
mea ua ia te ia. Peitai i 27  
latou ua fai au mo latou  
fili, e na le mafafai ia te au  
ona fai mo latou tupu, ia  
outou taitai mai ma fafasi  
ia te i latou i o'u luma.

Ua mavae atu nei upu 28  
ona alu atu ai lea o ia i  
luma, ua alu malaga i Ie-  
rusalema. Ua latalata ia i 29  
Petefake ma Petania i le  
mauga, o Oliveta le igoa,  
ona aau atu lea ia i ona soo  
e toalua, ua faapea atu,  
Lua te o atu i le aai oulua 30  
lumana'i, a oulua oo i ai, lua  
te iloa se tamai asini ua  
noanoa, e lei tietie lava se  
tasi i ai, lua te talaina, i le  
taitai mai. Afai foi e fesi- 31

li mai se tasi ia te oulua, Se  
a le mea lua te tatala ai i le  
asini? lua te fai atu, ma  
faapea atu ia te i latou, auā,  
e aoga i le feau a le Alii.  
32 Ua o e na aauina atu, ona  
la maua ai lea, pei ona fai  
33 mai ia ia te i laua. O ta-  
tala e i laua i le tamai asini,  
ua fai mai ia te i laua taga-  
ta e a latou le mea, Se a le  
mea lua te tatala ai i le ta-  
34 mai asini? Ona la fai atu  
lea, Ua aoga i le feau a le  
35 Alii. Ua la taitai mai i ai  
ia Iesu; ua latou faae'e i o  
latou ofu i luga i le tamai  
asini, ona latou faati'eti'e  
36 lea ia Iesu i ai. O loo ma-  
liu ane ia, ua latou folafola  
i o latou ofu i le ala.  
37 Ua latalata ia i le aai, o  
loo i le mauga o Oliveta, e  
alu ifo i lalo, ona fuai lea o  
le olioli o le motu o tagata  
uma o le au soo, na latou  
pepese atu i le Atua ma  
le leo tele, aua o vavega  
uma na vaaia e i latou;  
38 Ua faapea ane, Ia faaamua  
le tupu, ua maliu mai i  
le suafa o le Alii; o le ma-  
nuia i le lagi, o le viiga foi  
39 i mea aupitoaluga. O isi  
o le au faresaio mai le motu  
o tagata ua fai mai ia te ia,  
Le aoao e, ia e aoai atu i  
40 ou soo. Ua tali atu ia ia  
te i latou ma faapea atu, ou  
te fai atu ia te outou a lē  
feganavai i latou e alalaga  
mai lava o maa.  
41 Ua latalata ia, ua iloa e ia  
42 le aai, ua tagi i ai, O loo  
faapea ane, ana e iloa, o o-

lava i lenei loa lava aso,  
o mea e te manuia ai! A  
o lenei ua lilo i ou mata.  
Aua e oo mai i ona aso ia 43  
te oe, e eli faataaliolio ai e  
ou fili se utu ia te oe, latou  
te sioina mai lava ia te oe,  
e puipui ia te oe i itu uma;  
E faagatasi foi e i latou ia 44  
te oe ma le elele, atoa ma  
au fanau i totonu ia te oe;  
latou te fai foi seia le toe se  
maa i luga o le tasi maa i  
totonu ia te oe: aua na le  
iloa e oe le aso na asia mai  
ai oe.

Ua ulu atu ia i le malu- 45  
malu ona tulia lea i fafo e  
ia o e na fefaataua'i; Ua 46  
faapea atu ia te i latou, ua  
tusua, "O lo'u fale o le fale  
tatalo lea;" a ua outou faia  
ma ana o tagata faasaua.  
Na aoao ia i aso fai soo 47  
i le malumalu. A o le au  
faitaulaga sili, ma le au  
failautusi, atoa ma alii o le  
nuu, ua saili e fasi-oti ia  
te ia; A e lei maua e i 48  
latou se mea e fai ai, aua  
ua faapipii atu ia te ia o le  
nuu uma.

## O LE MATAUPU XX.

*Ua fesili mai le au faitaulaga  
sili ma le au failautusi ia  
Iesu, pe maifaa lana pule.*

**O** LE tasi o ia aso o loo 1  
aoao ia i tagata i le  
malumalu, ma folafola i le  
tala lelei, ua oo mai ai ia te  
ia le au faitaulaga sili, ma  
le au failautusi, ma le au

- 2 matua alii. Ua latou fai  
mai ia te ia, ma faapea mai,  
Fai mai ia ia te i matou, se  
a le pule e te fai ai nei  
mea; po o ai foi na na avatu  
3 ia te oe i lenei pule? Ua  
tali atu ia, ma faapea atu ia  
te i latou, ou te fesili atu ia  
te outou i le mea e tasi;  
tou te fai mai ia te au;
- 4 Mai le lagi ea le papatisoga  
a Ioane, pe mai tagata?
- 5 Ua latou fetautalatalai, ua  
faapea ane, Afai tatou te  
fai atu, Mai le lagi, ona fai  
mai ai lea o ia, Se a foi toa  
te le faatuatua ai ia te ia?
- 6 A tatou fai atu, Mai tagata;  
ona fetogi mai ai lea le nuu  
uma ia te i tatou; auā o lā  
latou lea taofi, o Ioane o lē  
7 perofeta ia. Ua latou tall  
mai, matou te lei iloa, pe
- 8 maifaa. Ua fai atu Iesu ia  
te i latou, Ou te le ta'u atu  
foi ia te outou i le pule o  
te fai ai nei mea.
- 9 Ona fai atu lea o ia i  
lenei faataoto i le nuu: Na  
fai le tasi tagata se tovine,  
ua tuu atu i ai i e ai fanua,  
ua aunuu ia ua fai po.
- 10 Ua oo i le tausaga na feau  
atu e ia le auaua i e ai  
fanua ia latou au mai ia te  
ia ni fua o le tovine; a ua  
fasia o ia e ai fanua, ua  
latou au fua mai foi ia te ia.
- 11 Ua toe feau atu ia i le tasi  
auaua; ua latou fasi foi ia  
te ia ma fala, ua latou au
- 12 fua mai foi ia te ia. Ua  
feau atu e ia i lona toatolu,  
ua faamanu'a foi e i latou  
ia te ia ma tulei atu i fafo.

Oña fai ane ai lea le alii e 13  
 ona le tovine, Se a le mea  
 ou te faia? Ou te au atu i  
 lotu atalii pele; atonu latou  
 te āva mai ia te ia, pe a  
 iloa mai ia. A ua iloa atu 14  
 i ai o e ai fanua, ona latou  
 fofautalatalai ai lea, ua faa-  
 pea ane, O le suli lenei;  
 o mai ia, ina tatou fasioti  
 ia te ia, e maua ai le fanua  
 mo i tatou. Ua latou tulei 15  
 ia te ia i fafo o le tovine,  
 ua fasioti foi ia te ia. Se a  
 foi le mea e fai ia te i latou  
 e le alii e ona le tovine?  
 E alu atu ia e faauma ia 16  
 tagata ai fanua e tuu atu  
 foi le tovine i tagata ese.  
 Eia latou faalogo, ona latou  
 fai mai lea, aua lava nei oo.  
 Eia vaavaai ia ia te i latou 17  
 ma fai atu, Se a foi lenei  
 na tusia, O le maa na faa-  
 ta e tufuga faufale, ua  
 aveā lea ma le maa o le  
 tulimanu aupitoalaga? O 18  
 lē pa'ū i luga o lea maa, e  
 gāugāu lea; a o lena e pa'ū  
 ifo i ai le maa e nutipalaina  
 lea.

Ua faapu'e ia te ia le au 19  
 faitaulaga sili ma le au  
 failautusi i lea lava ituaso,  
 aua latou matatau i le nuu,  
 aua ua latou iloa ua faatu  
 a ia lenei faataoto ia te i  
 latou. Ua latou lamalama 20  
 ia te ia, ua feau atu i e  
 vaavaai ia te ia, ua latou  
 faataga amio tonu, ina ia  
 latou maua ai sana upu, e  
 tuu atu ai ia te ia i le malo,  
 ma le pule a le alii faipule.  
 Na latou fesili mai ia te ia, 21

ua faapea mai, Le aoao e,  
 ua matou iloa ua e tautala  
 ma aoao mai ma le tonu, e  
 lei faailogaina e oe se ta-  
 gata, a ua e aoao i le ala  
 22 o le Atua ma le moni. Pe  
 sa ea ona matou avatu i le  
 taulaga ia Kaisara, pe lei?  
 23 A ua silafia e ia la latou  
 togafiti, ona fai atu ai lea o  
 ia ia te i latou, Se a le mea  
 tou te faaonono mai ai ia  
 te au? Au mai ia te au se  
 24 tenari. O ai ea e ona le  
 faatagata, ma le tusi e i ai?  
 Ua latou fai mai, a Kaisara  
 25 ia. Ona fai atu lea o ia ia  
 te i latou, o mea a Kaisara  
 avatu ia ma Kaisara, o mea  
 foi a le Atua, avatu ia ma  
 26 le Atua. Latou te le ma-  
 faia lava ona maua i ana  
 upu i luma o le nuu; ua  
 latou ofo i lana tali mai, ua  
 latou le feganavai ai.  
 27 Ua o mai ia te ia isi o le  
 au satukaio, o e fai mai ua  
 lei se toe tu; ua latou fe-  
 28 sili mai ia te ia. Ua faapea  
 mai, Le aoao e, Ua tusia  
 mai e Mose ia te i tatou, pe  
 afai e oti se tasi, e fai lana  
 avā, a ua oti ia e lei sana  
 fanau, ia fai avā lona uso i  
 le fafine, ina ia tausi tama  
 29 ai mo lona uso. Ia, e toa-  
 fitu le au uso; o le tasi ua  
 fai avā, ua oti e lei sana  
 30 fanau. O lona toalua ua  
 fai avā i le fafine, ua oti  
 31 foi ia e lei sana fanau. Ua  
 fai avā foi i ai lona toatolu,  
 na faapea foi ua oo i lona  
 toafitu, ua latou oti ua lei  
 32 ni a latou fanau. A e mu-

liai oti foi le fafine. A oo 33  
 foi i le toe tu, o ai so latou  
 e ana le avā? aua na fai  
 avā ai le toafitu. Ua tali 34  
 atu Iesu, ma faapea atu ia  
 te i latou, o tagata o le  
 olaga nei ua fai avā, ma  
 nofo tane: A o e ta'uaoga- 35  
 ina e maua e i latou i lea  
 olaga, ma le toe tu mai i e  
 ua oti, latou te le fai avā,  
 poo nofo tane; Latou te le 36  
 matoeoti foi; aua ua latou  
 tutusa ma agelu; o fanau  
 ia a le Atua, aua o tagata  
 o le toe tu. A ua faatuina 37  
 o e ua oti, ua faailoa mai i  
 a Mose i le tala i le pupu  
 vao, ina ua ta'u atu e ia ia  
 Ieova o le Atua o Aperam-  
 o, ma le Atua o Isaako,  
 mā le Atua o Iakopo. E 38  
 le o le Atua ia o tagata oti,  
 na o tagata ola; aua ua ola  
 uma ia te ia. Ona tali mai 39  
 ai lea isi o le au failautusi,  
 ua faapea mai, Le aoao e,  
 ua tonu lau upu. A e muli- 40  
 muli ane, latou te lei toe  
 faamalosi ona fesili mai ia  
 te ia se mea e tasi.

Ona fai atu lea o ia ia 41  
 te i latou, Pe faapefea ona  
 ta'u mai tagata i le Mesia o  
 le Atalii o Tavita? O loo 42  
 fai foi Tavita i le lautusi o  
 Salāmo, "Na fetalai atu  
 Ieova i lo'u Alii, Ina nofo  
 ia oe i lo'u lima taumatau,  
 Seia a'u fai i e ua fai oe mo 43  
 latou fili ma ou tulagavae."  
 O lenei ua taua o ia e Ta- 44  
 vita o lona Alii, e faapefea  
 ona atalii ia te ia? Ona fai 45  
 atu lea o ia i ona soo, ua

46 faalogo mai foi le nūu. Ia  
 outou, ma le au failautusi  
 e na fiasavalivali ma ofu  
 laei, ua fiasia foi ia alofagia  
 i le malae, ma nofoaga lelei  
 i sunako, ma mea lelei e ta-  
 47 ooto ai i faigaa; O e faa-  
 uma i mea a fafine ua oti  
 tane, ua faaleleva foi a la-  
 tou tatalo e fai ma ufiufi;  
 e atili ai foi le faasalaina o  
 i latou.

## O LE MATAUPU XXI.

*Ua vavalo mai Iesu i le faata-  
 funaina o le malumalu, atoa  
 ma Ierusalem.*

- 1 **U**A tepae ia, ua iloa o ta-  
 gata mauoa, o loo lafo i  
 a latou taulaga i le tuugaoa.
- 2 Ua iloa foi e ia le tasi fafine  
 mativa ua oti le tane, o loo
- 3 lafo i ai i tupe iti e lua. Ua  
 fai atu ia, E moni ou te fai  
 atu ia te outou, o mea a le-  
 nei fafine mativa ua oti le  
 tane ua lafo i ai, ua sili i a
- 4 latou uma. Aua na lafo i  
 latou uma i taulaga ma le  
 Atua mai le faulai o a latou  
 mea; a ua lafo ia i ai i anā  
 mea uma sa ia te ia, mai  
 lona lava mativa.
- 5 Ua tautalatala isi i mea  
 o le malumalu, i lona teu-  
 teuga i maa lalelei, ma mea o
- 6 taulaga, ua fai atu ia, O ia  
 mea ua outou vaavaai i ai,  
 e oo mai lava ona aso, e le  
 toe ai se tasi maa i luga o  
 le tasi maa, a e uma ona so-
- 7 loia i lalo. Ona latou fesili  
 mai ai lea ia te ia, ua faa-

pea mai, Le aoao e, e tau-  
nuu ea ia mea afea? Se a  
foi le faailoga pe a tāli tau-  
nuu ai ia mea? Ua fai atu 8  
ia, Ia outou, nei faaseseina  
outou; aua e o mai e toatele  
i lo'u igoa, taitasi ma faa-  
pea mai, o au le *Mesia*; o  
latalata foi le tau; o lenei,  
aua tou te mulimuli atu ia  
te i latou. Pe a logoa mai 9  
ni taua ma faaletaupulea,  
aua tou te atuatuvaile; aua  
e tatau lava ona muai tau-  
nuu mai ia mea; a e le oo  
loa mai le gataaga. Ona 10  
fai atu lea o ia ia te i latou,  
E tau lea nuu ma lea nuu,  
o lea malo foi ma lea malo.  
O mafuie tetele i lea mea 11  
ma lea mea, e oge foi ma  
faamai, ma faaitete, ma faa-  
iloga tetele mai le lagi.  
A e lei oo i nei mea, e mu- 12  
ai ona latou pupue ma aga-  
leaga mai ia te outou, ma  
tuuina atu foi ia te outou i  
sunako, ma fale puipui, ma  
taitaiina atu foi outou i tu-  
pu, ma alii faipule, ona o  
lo'u nei igoa. E oo ia mea 13  
ia te outou e fai ma moli-  
mau. Ia tuu i o outou loto, 14  
tou te le muai mafaufau i se  
upu tou te tali atu. Auā, 15  
ou te avatu ma outou le upu  
ma le poto, e leai so latou o  
finau mai ia te outou na te  
mafaia ona tali mai, poo fi-  
nau mai ia te outou. E 16  
tuuina foi outou e o outou  
mātua, ma uso, ma aiga, ma  
uo foi; o isi o outou e fasi-  
otia e i latou. E inosia foi 17  
outou e tagata uma, ona o

18 lo'u nei igoa. A e leai lava  
so outou lauulu e tasi e pa'ū.  
19 O lo outou onosai e maua  
ai lo outou ola.  
20 A iloa e outou ua siosio-  
mia Ierusalem a i toagalaui-  
api, ia outou iloa i lea aso  
ua latalata lona faatafunā-  
21 ina. O lea aso, o e i Iutaia  
ia latou sosola i mauga; o e  
i totonu i lea aai, ia latou  
o ese; o e i faoa aai foi,  
aua nei latou o atu i totonu.  
22 Aua o ona aso ia o le faa-  
tonuga, ina ia taunuu mai  
23 o mea uma na tusia. O i  
talofa i fafine ua toto, atoa  
foi ma e faasusu i ia lava  
aso! aua e oo le puapuaga  
tele i le fanua, ma le toasa  
24 i le nuu nei. E pa'ūū ma  
oti i latou i le mata o le  
pelu; e tafea foi i atunuu  
uma: e solia foi Ierusalem a  
e nuu ese, seia faaiiina o  
25 tausaga o nuu ese. E i ai  
foi faailoga i le la, ma le  
masina, ma fetu; o i le  
fanua foi le puapuaga o  
atunuu, ma le fememeai, e  
ū foi le sami ma le sousou;  
26 E oti foi tagata i le mata-  
ta'u, ma le faatalitali i mea  
e oo mai i le lalolagi; aua  
e luluina o malo i le lagi.  
27 Ona iloa ai lea e i latou le  
Atalii o le tagata e sau i le  
ao ma le mana, atoa ma le  
mamalu tele.  
28 A fuai ona faia nei mea,  
ia ea outou, ma ia maau,  
auā e latalata mai lo outou  
29 faaolataga. Ua fai atu ia  
ia te i latou i le tasi faata-  
oto; Ina vaai ia i le mati,

atoa ma laua uma; Pe a 30  
faatoa laua, ua outou vaai,  
ona outou iloa ai lea ua la-  
talata le tausaga vevela.  
Ia faapea outou foi, pe a 31  
iloa e outou nei mea na faia,  
ia outou iloa ua latalata le  
malo o le Atua. E moni, 32  
ou te fai atu nei ia te outou,  
E le mavae atu lenei tupu-  
laga, sela tāunuu mea uma.  
E mavae atu lava le lagi 33  
atoa ma le lalolagi; peitai  
o a'u upu e le mavae atu  
lava ia.

Ia outou, nei faamama- 34  
faina o outou loto, ma le  
faaniniva, ma le onā, ma le  
popole o le olaga nei, nei  
faafuasei mai lea aso ia te  
outou. Auā e pei o se mai- 35  
lei, ona oo mai ai i e nonofo  
uma lava i le lalolagi uma.  
Aua le aunoa lo outou ma- 36  
taala, ma tatale, ina ia ta'u-  
aogaina outou e sao mai ia  
mea uma ua tali oo mai, ma  
tutu i luma o le Atalii o le  
tagata.

Ua masani ia i acao i le 37  
malumalu i le ao; a o le po  
o loo alu atu ai ia i tua, ma  
noso i le mauga, o Oliveta  
le igoa. Ua malama ae le 38  
faao, ona o mai ai lea ia te  
ia le nuu uma e faalogo ia te  
ia i le malumala.

## O LE MATAUPU XXII.

*Ua saunia le Paseka, ua fau-  
tuina foi le faamanatuga.*

**U**A latalata foi le tausaga- 1  
miga o areto e le faa-

fefeteina, e ta'ua o le pas-  
2 seka. Ua saili e le au fai-  
taulaga sili ma le au faiaua-  
tusi se mea e fasioti ai ia  
te ia; aua ua latou matatani  
3 i le nuu. Ona uluitino ai  
lea Satani ia Iuta e ta'ua le  
Sikara, o le tasi lea o le  
4 toasefulu ma le toalua. Ua  
alu ia, ua tatalatala ma le  
au faitaulaga sili, ma tai-  
tai o le au fitafita o le malu-  
malu i se mea na te faalata  
5 ai o ia ia te i latou. Ua  
latou fiasia, ua latou taita-  
latala faafeagai ma ia e ava-  
6 tu ni alio. Ua folafola mai  
ia, o loo saili i se ituaso e  
maugaogaoina ai na te faa-  
lataina ai o ia ia te i latou.  
7 Ona oo mai ai lea le aso  
o areto e le faafefeteina e  
tatau ona fasi ai i le paseka,  
8 Ua feau atu ia ia Petera  
ma Ioane, ua faapea atu,  
Lua te o e sauni i le pa-  
seka mo i tatou, tatou te  
9 aai ai. Ona la fai mai ai  
lea ia te ia, O i fea e te  
koto i ai ma te saunia?  
10 Ua fai atu ia ia te i laua;  
Faauta a oo i totonu o le  
aai, tou te fetatai ma le tasi  
tagata, o loo ave ia i le vai  
uamea, lua te mulimuli atu  
ia te ia i le fale e ulu atu ai  
11 ia. Lua te fai atu i le ma-  
tai o le fale, Ua fai mai le  
abao ia te oe; Po o i fea le  
afeafe matou te aai ai i le  
12 paseka, ma o'u soo? Ona  
tusi atu ai lea o ia i le afe-  
afe tele aupitoaluga na uma  
ona teu; lua te sauni ai  
13 Ona la o ai lea, ua iloa ai



pei, ona fai atu lava ia te i lona, ona la sauni ai lea i le paseka.

Ua oo i le ituaso, ona 14 taoto ai lea o ia i le 'aiga, ma le au aposetolo e toasefulu ma le toalua ma ia.

Ua fai atu ia ia te i latou, 15

O lo'u manao, ua tele lava lo'u manao, e muai 'ai i lenei paseka ma outou i lo'u oti puapuaga. Aua ou te 16

fai atu ia te outou, ou te le toe 'ai ai lava seia oo ina faaiuina i le malo o le Atua. Ona tago ai lea o 17

ia i le ipu ua faafetai, ua fai atu, Ia outou tago i lenei ipu, ma ia tufatufa

ane ia te outou; Auā ou 18

te fai atu ia te outou, ou te le inu lava i le fua o le

vine, seia oo ina sau le malo o le Atua. Ona tago ai 19

lea o ia i le areto ua faafetai ua tofofi, ua avatu ia te i latou, ma faapea atu, O

lo'u tino lenei na foaiina atu mo outou; tou te faia

le mea nei e faamanatunatu mai ai ia te au. E faapea 20

foi ona tago i le ipu, ua uma le talisua, ua faapea

atu, O lenei ipu o le feagaiga fou ia i lo'u toto ua faamaligiina mo outou.

A e faauta, o ia te au i le 21

laulu nei ma atu le lima o le faalatalata ia te au. E 22

alu foi le Atalii o le tagata nei ona tofia; peitai o lea tagata na te faalatalata i ai

o talosa ia te ia. Ona latou 23

fesucui ai lea po o ai so latou o le a na faia le mea nei.

24 Ua latou fefinaui foi, po

25 o ai so latou e sili. Ua fai atu ia ia te i latou, O tupu

o nuu ese, ua pule acao ia te i latou; o e pule foi ia i

latou ua taua o e agalelei. 26 A e le faapea outou; peitai

o le sili ia te outou, ia pei o le itiiti ia, o le taitai foi ia

27 pei o le auuna ia. Auā po o ai le sili; o le taoto

ea i le laulan, po o le anau na mai? O au nei foi, o

loo ia te outou pei o le 28 auuna lava. O outou e

na pipii mai ia te au i 29 mea na au tiga ai. E

faapei ona tofi mai e lo'u tamā o le malo ia te au,

e faapea foi ona au tofia 30 ia te outou, Ina ia outou

aai ma inu i la'u laoi i lo'u malo, ma ia nonofo

i nofoalii, ma faamasino atu i itu aiga o Isaraela e sefulu

ma le lua. 31 Ua fai atu le Alii, Si-

mona e, Simona e, faautu ua manao Satani ia te outou

e lulu ia te outou uma, pei o le saito; A ua au faa-

toga mo oe, ina nei mavae lou faatutua; i si aso foi,

pe a foi mai oe, e te faama- 33

losi i ou uso. Ua fai mafai ia ia te ia, Le Alii e, ou

te fiaalu faatasi ma oe i le falepuipui, atoa ma le oti. 34

Ua fai atu ia, Peteru e, ou te fai atu ia te oe, e le vi-

vini le moa i le aso nei seia e faafiti faatolu mai ua e

iloa ia te au. 35 Ua fai atu ia ia te i latou,

na au auuna atu ia te ou-

tou e leai sa outou taga, poo  
se ato, poo ni see-vae, na  
outou matitiva ea i se mea  
e tasi? Ua fai mai i latou,  
E leai lava. Ona fai atu 36  
ai lea o ia ia te i latou, A o  
lenei, ai se tagata e ana se  
taga ina tago ia i ai, e faa-  
pea foi i sana ato, o le  
tagata foi e leai sana pelu,  
ia avatu ia i lona ofu e faa-  
tau mai ai. Aua ou te 37  
fai atu ia te outou, e tatau  
ona taunuu mai ia te au le  
mea na tusia, o lea, Ua  
ta'ua foi o ia ma e ua aga-  
sala, aua o le a faaiiina foi  
o a'u mea. Ua latou fai 38  
mai ia te ia, Le Alii e, fa-  
auta o pelu nei e lua. Ona  
fai atu lea o ia ia te i latou,  
Ua lava foi. Ua alu i fafo 39  
ia, ua savali atu i le mauga  
o Oliveta, ua faapea lana  
masani; ua mulimuli atu  
foi ona soo ia te ia. Ua oo 40  
atu ia i le mea, ona fai atu  
lea o ia ia te i latou, Ia  
outou tatalo ne'i outou oo i  
le faaososoga. Ua alu ese 41  
ia na ia te i latou, e pei o  
le togī o le maa *ona mamao*  
ona tootuli ai lea o ia i  
le tatalo, Ua faapea atu, 42  
Lo'u Tamā e, a tatau ia te  
oe, ia e ave ese i lenei ipu  
ia te au; a e aua le faia  
lo'u loto, a o lou finagalo.  
Ona iloa mai ai lea ia te ia 43  
le agelu mai le lagi e faa-  
malosi ia te ia. Ua pua- 44  
puaga, ua atili ai lana ta-  
talo, o lona afu foi ua pei o  
potopotogā toto tele ua si-  
sina ifo i le elelee. Ua 45

tulai ia nā i le tatalo, ona  
alu atu lea i ona soo ua  
iloa atu ia te i latou o loo  
46 momoe, ma le atuvale. Ua  
fai atu ia ia te i latou, Se a  
le mea tou te momoe ai?  
ina tulai ia, ina tatalo, nei  
outou oo i le faaososoga.  
47 O loo tautala ia, faauta  
o le motu o tagata: ma lē  
na taua o Iuta, o le tasi o  
le toasefulu ma le toalua,  
ua muamua mai ia te i  
latou, ma soso mai ia Iesu  
48 efeasogi ia te ia. Ua fai  
atu Iesu ia te ia, Iuta e, e  
te faalatalata ea i le Atalii  
o le tagata ma lefeasogi?  
49 Ua iloa e i latou na faatasi  
ma ia o le mea o le a fai,  
ona latou fai mai ai lea ia  
te ia, Le Alii e, a matou  
50 taia ea i le pelu? O le  
tasi tagata o i latou, ua ta  
e ia i le auuna a le faitau-  
lagi sili, ua tipi ese i lona  
51 taliga taumatau. Ona fai  
atu lea o Iesu ua faapea  
atu, Tuupea ia, soia. Ona  
tago ai lea o ia i lona taliga  
52 ua faamalolo ia te ia. Ua  
fai atu Iesu i le au faitau-  
lagi sili, i matai o le au  
fitafita ma matua alii, e na  
o mai ia te ia, Ua outou o  
mai ma pelu ma uatogi,  
53 pela ou te se gaoi? Sa au  
i le malumalu ma outou i  
aso fai soo, e lei oo mai  
lava o outou lina ia te au:  
a o lo outou ituaso lenei,  
ma le pule a le pouliuli.  
54 Ona latou pue lea ia te  
ia, ma ave e taitai ia te ia i  
le fale o le faitaulaga sili.

O loo mulimuli mamao atu Peteru. Ua latou tafu i le 55 afi i totonu o le maota, ua latou nonofo i lalo, ua nofo foi Peteru ma i latou. A 56 ua iloa atu ia te ia e le tasi auauna fafine o nofo i tafa-tafa o le afi, ua pulatoa ia te ia, ma faapea ane, sa ia te ia foi lenei tagata. A 57 ua faafitia ia e ia, ua faapea atu, Funa e, ou te le iloa ia. Ua toe itiiti, ua vaai 58 mai le tasi ia te ia, ua faapea mai, o oe foi le tasi o i latou. Ona fai atu lea Pe- 59 teru, Sole, e leo au. Ua mavae, pe le ituaso e tasi, ona matua faamaoni ai lea o le tasi, ua faapea ane, E moni lava, sa ia te ia lenei tagata; aua o le Kalilaia foi o ia. Ona fai atu lea 60 Peteru, Sole, ou te le iloa le mea e te fai mai na. Ua tautala ia, ona vivini loa lea le moa. Ua faliu le Alii, 61 ma vaai atu ia Peteru. Ona manatu mai ai lea Peteru i le upu a le Alii, na fai mai ia te ia, E le vivini lava le moa, seia e faafiti faatolu mai ia te au. Ona alu ai 62 lea Peteru i fafo, ua tagi lotulotu ia.

O e na taofi ia Iesu, ua 63 latou tauemu ia te ia, ma fasi i ai. Ua latou pupuni 64 i ona mata, ona po mai ai lea ia te ia i ona fofoga, ua fesili mai ia te ia, ua faapea mai, E te itea mai, po o ai na na po atu ia te oe? O 65 isi foi upu e tele na latou lafo ia te ia ma faifai.

66 Ua malamalama le ao, ona faapotopoto ai lea o le taupulega o le nuu, o le au faitaulaga sili, ma le au faitautusi, ua aami atu ia te ia i la latou fono, ua faapea 67 mai, Afai o oe o le Mesia, fai mai ia te i matou. Ua fai atu ia ia te i latou, Pe afai ou te fai atu ia te outou, tou te le faalogo mai 68 lava; Afai foi ou te fesili ia te outou, tou te le tali mai lava ia te au, poo tatala 69 mai ia te au. E amata i nei ona po ona nofo le Atalii o le tagata i le aao tau-matau o le mana o le Atua. 70 Ua fai mai i latou uma, o oe ea foi le Atalii o le Atua? Ua fai atu ia ia te i latou, O au lea na outou 71 ta'u mai na. Ona latou fai ane ai lea, Se a le aoga o sa tatou toe molimau? aua ua tatou faalogo i lona lava gutu.

## O LE MATAUPU XXIII.

*Ua faamasinoina Iesu ma ua faasatauroina.*

1 **U**A tutu i luga lo latou nuu uma, ua taitai ia te 2 ia ia Pilato. Ona latou tuu-a'i ai lea ia te ia, ua faapea atu, Na matou iloa i lenei tagata, ua faasese ia i le nuu, ua vavao foi le avatu i taulaga ia Kaisara, ma fai ane ia o ia le Tupu, o 3 Keriso. Ua fesili mai foi Pilato ia te ia, ua faapea

mai, O oe ea le tupu o Iutaia? Ua tali atu ia ia te ia, ua faapea atu, O lea lava. Ona fai ane lea Pilato i le 4 au faitaulaga sili ma le motu o tagata, ou te le iloa se mea e sala ai lenei tagata. A ua latou finau pea, ua 5 faapea mai: Ua faaososo ia i le nuu, ua aoao i Iutaia uma, ua fua mai i Kalilaia ua oo mai iinei. Ua lagona 6 e Pilato i Kalilaia, ona fesili ane lea, pe se Kalilaia le tagata nei. Ua iloa e 7 Pilato, o ia mai le itumalo o Herota, ona tuu atu lea ia te ia ia Herota, o loo i Ierusalem o ia i ia ona po.

Ua iloa atu e Herota ia 8 Iesu, ona fiasia tele ai lea o ia; aua ua leva ona fiavaai ia te ia, ona o mea e tele ua logo ia ia te ia; ua faatalitali foi ia ina ia vaavaai i se vavega e faia e ia. O 9 loo fesili mai ia ia te ia i upu e tele; a e lei tali atu ia ia te ia. Ua tutū i luga 10 le au faitaulaga sili, ma le au failautusi ua naunau lo latou tuua'i ia te ia. Ua 11 faaleaogaina e Herota ma ona fitafita ia te ia, ma tauemu mai ia te ia, ua latou faaofu foi ia te ia i le ofu pupula, ona tuu mai ai lea ia te ia ia Pilato. Ua 12 toe lelei o Pilato ma Herota i lea lava aso; aua sa la faitagai.

Ua faapotopoto foi e Pi- 13 lato i le au faitaulaga sili ma le au faipule ma le nuu, Ua fai atu ia te i latou, Na 14

outou au mai i lenei tagata ia te au, e pei o se faasese atu i le nuu; faauta mai foi, na au suesue ia te ia i o outou luma, ou te lei iloa se mea e sala ai lenei tagata i mea na outou molia mai ai 15 ia te ia. A ua le iloa foi e Herota; na au aau atu ia te outou i ai; faauta foi, e leai se mea na faia e ia e 16 tusa ai ona oti. O lenei foi ou te aoai atu ia te ia 17 i le ou tuuina atu ai. (Ua tatau foi ona tuu faitalia e ia le tagata e toatasi ia te i latou i le tausamiga.) 18 A ua alaga mai le motu o tagata uma lava, ua faapea mai, ave ese i lena, a ia tuu mai ia Parapa ia te i matou; (O le tagata lea na 19 tuuina i le fale puipui, ona o le fouvale sa i le aai, ma 20 le fasioti tagata.) O lenei foi ua toe aami mai ai Pilato ia Iesu, ua fiatuuina 21 atu ia te ia. A ua latou leo tetele mai, ua faapea mai, Ina faasatauro ia, ina 22 faasatauro ia ia te ia. Ua fai atu faatolu foi ia ia te i latou, se a foi lona leaga na faia? Ou te lei iloa se mea e faasalaina ai ia; o lea foi ou te aoai atu ai ia te ia i le ou tuuina atu 23 ai ia te ia. A ua latou nati mai ma le leo tele, o faatoga mai e faasatauroina ia; ua malo o latou leo tele, ma o le au faitaulaga sili. 24 Ua fai atu e Pilato, ia faia 25 lo latou manao. Ua tuuina e ia ia te i latou o le na

tuuina atu i le falepuipui  
ona o le fouvale, ma le fasi-  
oti tagata ; a ua tuuina atu  
e ia o Iesu i lo latou manao.

Ua latou taitai atu ia te 26  
ia, ona latou pue atu lea ia  
Simona, o le tasi Kulene  
lea, o loo sau ia mai faoa  
aai ; ua latou tuu i ai le  
satauro e faafuata ai i tua o  
Iesu. Na mulimuli atu ia 27  
te ia le motu o tagata e  
toatele, ma fafine, e na tau-  
faitagitu'i, ma faanoanoa  
ia te ia. A ua faliu Iesu 28  
ia te i latou, ua fai atu,  
afafine o Ierusalem e, soia  
le tagi ia te au, a ia outou  
tagi ia te outou, atoa foi ma  
a outou fanau. Faaata foi, 29  
e oo mai ona aso, e fai mai  
ai tagata, Amuia o e pa,  
ma fafine e lei fananau, ma  
susu e lei susuina. Ona fai 30  
atu lea o tagata i mauga,  
Mafuli mai ia ia te i matou ;  
e fai foi i mea maupuepue,  
Ina tanu ifo ia ia te i ma-  
tou. Afai foi e faia nei 31  
mea i le laau mata, se a le  
mea e fai i le laau mago ?  
O isi foi pagotata e toalua, 32  
ua taitaiina atu ma ia, e  
fasiotia.

Ua latou oo atu i le mea, 33  
e taua o le mea o le ulupoo,  
na latou faasatauro ia te ia  
i ai, ma e pagotata, o le tasi  
i le lima taumatau, ma le tasi  
i le lima tauagavale. Ona 34  
fai atu lea o Iesu, Lo'u  
Tama e, ia e faamagaloina  
atu ia te i latou ; aua ua  
latou le iloa le mea o loo  
latou faia. Ua vaea e i

latou ona ofu, ona vili ai  
35 lea. Ua tutu mai le nuu, ma  
vaavaai mai. O le au fai-  
pule foi ma i latou ua tau-  
emu mai ia te ia, ua faapea  
mai, Na faaola e ia isi ta-  
gata, ina faaola ia ia te ia,  
afai o le Mesia lena ua fili-  
36 filia e le Atua. Ua tau-  
emu mai foi ia te ia le au  
fitafita ; ua o ane ia te ia, ma  
37 avatu i ai se vineta, Ma faa-  
pea atu, Afai o oe o le tupu  
o Iutaia, ina faaola ia oe ia  
38 te oe. Na tusia foi le tusi  
i ona luga, i le upu faaeleni,  
ma faaroma, ma faaepelu, O  
- LE TUPU LENEI O IUTAIA.

39 O le tasi foi o e na pago-  
tata na faatautau, o loo fai-  
fai ia ia te ia, ua faapea  
mai, Afai o oe o le Mesia,  
ia faaola ia oe ia te oe atoa  
40 ma i maua nei. Ua tali  
atu le isi, ua vavao ia te ia,  
ua faapea atu, E te le ma-  
tau ea i le Atua ina ua  
41 tatou sala faatasi ? Ua  
tonu lava la ta sala ; aua  
ua tauia mai i taua e tusa  
ma mea na ta faia ; a o ia  
nei, e leai se mea e le tusa  
42 na faia e ia. Ona fai mai  
lea o ia ia Iesu, Le Alii e,  
ia e manatua mai au, pe a  
43 e afio i lou malo. Ona fai  
atu ai lea o Iesu ia te ia,  
E moni ou te fai atu nei ia  
te oe, o le aso ta te faatasi  
ai ma oe i Parateiso.

44 Po ua oo i le ituaso e  
ono, ua pogisa uma ai le  
fanua ua oo lava i le itu-  
45 aso e iva. Ua faapouliuli-  
ina foi le la, o le puipui foi

i le malumalu ua saeluagalemuina. Ona valaau ai 46  
lea o Iesu, ua leo tele ua faapea atu, Lo'u Tamā e, ou te tuuina atu lo'u nei atamai i ou aao; ua na fai ia upu, ona maliu ai lea. Ua iloa foi e le taitai o le 47  
toaselau o le mea na faia, ua vivii atu i le Atua, ua faapea atu, E moni o le amio tonu lenei tagata. O 48  
tagata uma e na faapoto-potoina e maimoa i lea mea, ua vaavaai i mea na faia, ua pōpō i latou i o latou lava fatafata, ma toe foi atu. Ua tutū mamao atu 49  
foi tagata uma e na iloa ia, ma fafine foi e na mulimuli atu ia te ia mai Kalilaia, o loo vaavaai mai i ia mea.

Faauta foi o le tasi taga- 50  
ta e igoa ia Iosefa, o le failauga ia, o le tagata amio lelei ma le tonu; (E lei 51  
loto faatasi ia ma fetalaiga i la latou mea na fai,) o le Arimataia, o le aai lea o Iutaia, o ia foi o lē faatalitali atu i le malo o le Atua. Ua alu atu lenei ia Pilato, 52  
ma faatoga atu i le tino o Iesu. Ua na ave ifo ai, ua 53  
aui foi i le ie lelei, ua tuu foi i ai i le tuugamau e foa i le papa, e lei tanu ai se tagata. O le aso lea o le 54  
sauniga, ua segisegi, o le a sapati.

Ua mulimuli atu foi fa- 55  
fine e na o mai ma ia mai Kalilaia, ua latou vaavaai i le tuugamau, ma lona tino, pefaapefea ona tuu ai. Ua 56

latou toe foi atu, ua saunia mea magoni, ma suā uu; ualatau malolo foi i lesapati, e tusa ma le poloaiga.

## O LE MATAUPU XXIV.

*Ua faailoa mai i fafine o le toe tu o Iesu na i e ua oti.*

1 **O** LE uluai aso o le vai-  
sapati, ua latou o atu ai i le tuugamau, i le tafa o ata, ua ave i mea monogi na latou saunia, o isi foi 2  
fafine ma i latou. Ua iloa e i latou ua fulieseina le maa na i le tuugamau; 3  
Ua o atu i totonu, a e lei iloa o le tino o le Alii o 4  
Iesu. Ua faaletonuga i latou i lenei mea, faauta foi, ua tutu mai tagata e 5  
toalua ma ofu pupula. Ua oo ia te i latou le mata'u, o loo ifo i latou i lalo, ua la fai mai ia te i latou, se a le mea tou te sailiili ai i lē 6  
ola i e ua oti? E le o iinei o ia, a ua tu; ia outou manatua mai i lona ta'u atu ia te outou, ina o i Kalilaia, 7  
Ua faapea atu, E tatau ona tuuina atu le Atalii o le tagata i lima o tagata agasala, ma faasatauroina, ma 8  
toe tu i le po tolu. Ona latou manatu ai lea i ana 9  
upu. Ua latou toe foi mai na i le tuugamau, ua faa-  
matala mai i nei mea uma i le toasefulu ma le toatasi, 10  
ma le isi atoa lava. O Maria foi le Makatala, ma

Ioana, ma Maria le tina o Iakopo, ma i latou uma sa ia te i latou, o ia e na faamatala mai i nei mea i le au aposetolo. Na latou 11 manatu foi i a latou upu e pei o se talanoaga; e lei talitonu ia te i latou. A 12 ua tu i luga Peteru, ua momo'e i le tuugamau; ua punou foi, ua iloa e ia o ie ua taatia ese, ona alu atu ai lea, ua ofo i le mea na faia.

Faauta foi o toalua o le 13 au soo e na o i lea aso i le aai, o Emau le igoa, o lo la va ma Ierusalema e onogafulu o setatio. O loo fetau- 14 talatala ai laua i nei mea uma na faia. Ua la fetau- 15 talatala ai, ma fesueai, ona faalatalata mai ai lea o Iesu, o faatasi ma i laua. A ua taofina o laua mata, 16 o lea ua le iloa ai o ia e i laua. Ua fai atu ia ia te i 17 laua, o a ia upu ua oulua felafofoai ai ma oulua savali faauu ai? O le tasi o i laua 18 e igoa ia Kaleopa, ua tali mai ia te ia, ua faapea mai, Na o oe ea le nofo i Ierusalema ma le le iloa o mea ua tutupu i ona po nei? Ona 19 fai atu lea o ia te i laua, O a mea? Ona la fai mai ai lea ia te ia, Ia Iesu le Nasareta, o le perofeta lea, o le malosi i mea na na faia, atoa ma ana upu i luma o le Atua, ma le nuu uma. Ma ona 20 tuuina atu ia te ia e le au faitaulaga sili, ma o tatou faipule, e faasalaina e oti ai

ia, ma lo latou faasatauroina 21 ia te ia. Sa matou faatalitali atu foi, o ia lava o le a faaola ia Iseraela; a e le gata i nei mea uma, ua potolu le aso talu ona faia o 22 nei mea. A ua matou ofo lava i isi o matou fafine sa i le tuugamau i le tafa o ata. 23 E lei iloa e i latou lona tino, a ua latou o mai ai ma faapea mai, ua vaaia e i latou le ata o agelu, e na 24 fai mai, ua ola mai ia. O isi foi o matou, na latou o i le tuugamau, ua faapea foi ona iloa e i latou pei ona fai mai ai o fafine; a e lei iloa e i latou o ia.

25 Ona fai atu lea o ia ia te i laua, o tagata valea, ma le loto faalogogata i nei mea uma na folafolaina e 26 le au perofeta. E le tatatau ea ona tiga le Mesia i mea faapena, i le oo ai ia 27 i lona mamalu? Ona faamatala ai lea o ia ia te i laua i mea na tusia ia te ia i tusi uma, ua amata mai ia Mose ua oo atu i le au perofeta uma. Ua latou faalatalata atu i le aai, na latou o i ai; ua aga ia a 29 alu loa. A ua la pulunau- nau ia te ia, ua faapea mai, E te nofo ma i maua nei; aua ua taugagaifo le la, ua lata i le afiafi. Ona ulu atu lea o ia, a nonofo 30 ma i laua. Ua taoto ia i le 'aiga faatasi ma i laua, ua tago ai i le areto, ua faafetai, ma tofofi i ai, ma 31 avatu ia te i laua. Ona

pupula ai lea o laua mata, ua la iloa ia; a ua mou ia na ia i laua. Ona la tau- 32 talatala ai lea, E lei mu ea o ta loto i totonu ia i taua, ina ua tautala o ia ma i taua i le ala, ina ua faamatala mai foi e ia o tusi ia te i taua? Ua la tu i luga i 33 lea lava ituaso, ua toe foi atu ai i Ierusalem, ua mana atu foi e i laua o le toasefulu ma le toatasi i le faapotopotoga ma i latou uma. O e na fai mai, E moni ua 34 tu le Alii, na iloa foi o ia e Simona. O i laua foi na 35 faamatala atu i mea na faia i le ala, ma ona iloa foi o ia e i laua ina o tofofi i le areto.

O loo tautalatala i latou 36 i nei mea, ua tu mai ai Iesu, o ia lava, i lo latou va, ua fai atu ia te i latou, Ia outou manuia. Ua oo 37 ai ia te i latou le fefe, ua matua matatau lava, fa te i latou o le agaga na latou vaia. Ua fai atu foi ia ia 38 te i latou, Se a le mea ua outou atuatuvaie ai? se a foi e tutupu ai masalo i o outou loto? Ia outou vaa- 39 vaai mai i o'u lima ma o'u vae, aua o au lava lenei; ia outou tagotago mai ia te au, ma ia vaavaai mai, aua o le agaga e leai sona aano, ma ni ivi pei o au nei, ua outou vaavaai i ai. Ua uma ona fai atu, 40 ona faaali ai lea o ia ia te i latou i ona lima ma ona vae. O loo faalogogata i 41 latou i le olioli, ma ofo, ua

fai atu ia ia te i latou, O ia te outou iinei ea ni mea e 42 ai? Ona latou avatu ai lea ia te ia se fasi i'a tunu, ma 43 se fasi melikerio. Ua tago ia i ai ma ai ai i o latou 44 luma. Ua fai atu ia ia te i latou, O upu ia na au fai atu ai ia te outou, ina o ou ia te outou, e tatau ona faaiiina o mea uma na tusia ia te au i le tulafono ia Mose, ma le au perofeta, ma sa- 45 lamo. Ona faamatala lea e ia i o latou loto ina ia 46 latou lagona ai i tusi. Ua fai atu ia ia te i latou, Ua faapea ona tusia, e faapea foi ona tatau ina tiga le Mesia ma toe tu na i e ua 47 oti i le po tolu; Ina ia talaiina foi le salamo ma le aveesega o le sala i atunuu uma, i lona igoa e amata 48 mai i Ierusalem. O moli- mau foi outou i nei mea; 49 Faautea foi ou te au atu i le na folafolaina e lo'u Tamā, ia te outou; a ia outou nonofo i le nuu o Ierusalem seia maua e outou le mana mai luga.

50 Ua taitai atu ia ia te i latou ua oo lava i Petania; ua sisii ia i ona lima ma 51 faaamuia ia te i latou. Ua oo ina o faaamuia ia ia te i latou, ua tea ese ia ia te i latou, ua siitia i le lagi. 52 Ua latou tapuai foi ia te ia, ua toe foi mai i Ierusa- 53 lema, ma le olioli tele: Sa i le malumalu i latou e le aunoa, o vivii ma faafetai atu i le Atua. Amene.



# O LE EVAGELIA

## NA TUSIA E IOANE.

---

### O LE MATAUPU I.

*Ua liliu tino-tagata le Lokou.*

**S**A i le amataga le Lokou, 1  
sa i le Atua le Lokou,  
o le Atua foi le Lokou. O 2  
ia foi sa i le Atua i le ama-  
taga. Na ia faia mea uma 3  
lava; e leai foi se mea e  
tasi sa fai e lei faia e ia.  
O ia te ia le ola; o le ola 4  
foi lea, o le malamalama o  
tagata. Ua pupula mai 5  
foi le malamalama i le po-  
uliuli, a e lei tali atu i ai e  
le pouliuli.

Ua auina mai, mai le 6  
Atua, le tasi tagata, o Ioane  
lona igoa. Na sau ia o le 7  
molimau, na te faailoa mai  
le malamalama, ina ia faa-  
logo i ai o tagata uma lava  
ia te ia. E le o le malama- 8  
lama ia, a ua sau ia e faa-  
iloa mai i lea lava malama-  
lama. O le malamalama 9  
moni ia, na te faamalama-  
lama mai i tagata uma  
lava, i lona maliu mai i  
le lalolagi.

Sa i le lalolagi o ia, na 10  
ia faia foi le lalolagi; a e

lei iloa lava ia e le lalolagi.  
11 Ua maliu mai o ia i āna  
lava, a e lei tali atu e ona  
12 tagata. A o e na tali atu  
ia te ia, ma faatuatua i  
lona suafa, na ia avatu i ai  
o lea lelei, ia avea i latou  
13 ma fanau a le Atua. O i  
latou, e le o le toto na  
fanau ai, e le o le loto foi o  
le tino, e le o le loto o le  
tagata, a o le Atua lava.  
14 Ua liu tino-tagata le  
Lokou, ua api mai ia i ta-  
tou, (na matou vaavaai i  
lona mamalu: o le mamalu  
lea pei o le mamalu o le  
Alo e toatasi o le Tamā,) 15  
ua tumu i le alofa tunoa  
ma le mea moni. Na mo-  
limau e Ioane i ai, ma  
alaga ane, o loo faapea, O  
ia lenei sa au fai atu ai, o  
ia o loo mulimuli mai ia te  
au, e sili ia ia te au nei,  
auā o ia na muamua ia te  
16 au. O lona tumu, na mau  
ai e i tatou uma lava, le  
lelei tunoa, e tusa ma lona  
17 lelei tunoa. Aua na tu-  
ina mai e Mose le tulafono,  
a o le lelei tunoa, ma le  
mea moni, e a le Mesia o

Iesu ia. E leai lava se tasi 18  
na na vaai le Atua, na o  
le Alo e toatasi, o i le fata-  
fata o le Tamā, na na faa-  
iloa mai ia te ia.

O le molimau lenei a 19  
Ioane; ina o aauina atu e  
tagata lutaia o ni osi tau-  
laga ma ni au Levita, mai  
Ierusalemā, ina ia latou fe-  
sili atu ia te ia, O ai ea oe?  
Ua ta'u tino ia, e lei natia, 20  
a ua ta'u tino mai, E lē o  
le Mesia a'u. Ua fesili atu 21  
foi i latou ia te ia, A o ai  
foi? O Elia ea? Ua tali  
mai ia, E lē o a'u, O le  
perofeta ea oe? Ua tali  
mai o ia, E leai. Ona latou 22  
fai atu ai lea ia te ia, O ai  
foi oe? ina ia matou ave le  
tali i e na aauina mai i ma-  
tou; se a ea lāu e te fai  
mai ai ia te oe? Ona faa- 23  
pea mai ai lea o ia, O au o  
le leo o lē alaga i le fanua  
tuufua, Teuteu lelei ia le ala  
o Ieova, faapei ona fai mai  
le perofeta o Isaia. O e na 24  
aauina mai, o nisi o le au  
faresai o latou. Na latou 25  
fesili foi, ma faapea atu ia  
te ia, Se a ea foi e te papa-  
tiso ai, afai e lē o oe o le  
Mesia, e lē o Elia, e lē o  
lea perofeta? Na tali mai 26  
e Ioane, ua faapea mai, Ou  
te papatiso i le vai, a o le  
tasi, lē tu mai nei, i inā ia te  
outou, tou te le iloa o ia. O 27  
ia foi o loo mulimuli mai ia  
te au, e sili lava ia te au, e  
le aoga ia te au ona ou ta-  
talaina le nonoa o lona  
see-vae. O mea ia na faia 28

i Petania, i le itu Ioritana,  
sa papatiso ai Ioane.

29 I le taeao, na vaai atu  
Ioane ia Iesu, ina o alu atu  
ia te ia, ua fai ane, Vaai  
atu ia i le Alenio a le Atua,  
na te aveesea le sala a le  
30 lalolagi! O ia lea na au  
fai atu ai, O loo mulimuli  
mai ia te au le tagata, e  
sili ia te au nei, aua o ia na  
31 muamua ia te au. Ou te  
lei iloa foi e au ia; a ina  
ia faaalai o ia i Isaraela o  
le mea lea na au sau ai, e  
32 papatiso i le vai. Na moli-  
mau foi e Ioane, ua faapea,  
Na au iloa le Agaga ona  
ifoifo mai le lagi, pei o le  
manu tagi, ma nofo i ona  
33 luga. Ou te lei iloa e au  
ia, peitai o lē na auina mai  
au e papatiso i le vai, o lea  
na fai mai ia te au, O ia e  
te iloa e oe le Agaga, ona  
ifoifo ma nofo i luga ia te  
ia, o ia lava lea na te papa-  
34 tiso i le Agaga Paia. Ua  
ou vaai foi e au ma moli-  
mau i ai, o ia lava le Atalii  
o le Atua.  
35 I le taeao, sa toe tu ai  
Ioane ma ona soo e toalua;  
36 Na ia vaai foi ia Iesu, o loo  
savali ane, ua faapea ia,  
Vaai atu ia i le Alenio a le  
37 Atua! Ua faalogologo foi  
ona soo e toalua i lana ua  
fai atu, ona la mulimuli mai  
38 ai lea ia Iesu. Na faliu  
Iesu, ua vaai atu ia te i  
laua, ua mulimuli mai ia te  
ia, ona fetalai atu lea ia te  
i laua, se a la oulua e saili  
39 na? Ua fai mai i laua ia

te ia, Rapi e! (o lona aano  
pe a faatatauina, le aoa e!)  
o ifea ea e te nofo ai oe?  
Ua fetalai atu ia ia te i 40  
laua, Ina o mai ia, ina vaai.  
Ua la o ane ma vaai atu i  
le mea sa nofo ai ia. Ua  
latou nonofo ma ia i lea aso,  
sa pei o le ituaso e sefulu.  
O Aneterea o le uso o Si- 41  
mona Petelu, o le tasi lea o  
i laua na faalogologo ia  
Ioane, ma mulimuli atu ia  
Iesu. Na ia uluai iloa lona 42  
uso moni, o Simona; ua fai  
atu ia te ia, Ua matou iloa  
le Mesia, (o lona faatatau  
o le Keriso.) Na ia taitai 43  
atu foi ia te ia ia Iesu; na  
vaai atu Iesu ia te ia, ua  
fetalai atu i ai, O Simona  
oe, o le atalii o Iona, e  
ta'ua oe o Kefa, (o lona  
faatatau o Petelu.)

I le taeao, ua finagalo 44  
Iesu e alu atu i Kalilaia.  
Ua na silafia Filipino, ma fe-  
talai atu ia te ia, Mulimuli  
mai ia ia te au. O le Pete- 45  
saita foi Filipino; o le aai lea  
a Aneterea ma Petelu. Na 46  
iloa e Filipino o Natanielu,  
ua fai atu ia te ia, Ua ma-  
tou iloa o lē na tusia e  
Mose i le tulafono, atoa ma  
le au perofeta; o Iesu lea,  
o le atalii o Iosefa, o le  
Nasareta. Ua fesili mai 47  
Natanielu ia te ia, E matu-  
pu ea se mea lelei mai Na-  
sareta? Ua fai atu Filipino 48  
ia te ia, Ina sau ia, ina vaai.  
Na vaai atu Iesu ia Nata-  
nielu, o loo sau ia te ia, ua  
fetalai ane foi i ai, Faaata

o le Isaraela moni, e leai  
49 sona pepelo. Ua fai mai  
Natanielu ia te ia, na e  
silafia au ifea? Ua tali atu  
Iesu, ma faapea atu ia te ia,  
Na au iloa oe i lalo o le  
mati, a o lei valaau atu lava  
50 o Filipino ia te oe. Ona fai  
mai lea o Natanielu, ua  
faapea mai ia te ia, Rapi e,  
o oe lava o le Atalii o le  
Atua, o oe lava le Alii o  
51 Isaraela. Ua tali atu Iesu,  
ma faapea atu ia te ia, Ua  
e faalogo ea aua na au fai  
atu ia te oe, na au iloa oe i  
lalo o le mati? e te vaai atu  
i mea e silisili i nei mea.  
52 Ua fetalai atu foi ia ia te ia,  
E moni, e moni, ou te fai  
atu ia te outou na, mulimuli  
ane e iloa e outou le lagi  
ona avanoa; o agelu foi a  
le Atua, ona o ae, ma ifoifo  
i luga o le Atalii o le ta-  
gata.

## O LE MATAUPU II.

*O Iesu ua na faatoa fai ona  
vavega.*

1 **N**A oo i le aso e tolu, ua  
fai le tausamaaga i  
Kana i Kalilaia; sa i ai foi  
2 le tina o Iesu. Na fai atu  
foi ia Iesu ma ona soo e o  
3 ane i le tausamaaga. Na  
uma foi le uaina, ua fai atu  
le tina o Iesu ia te ia, Ua  
4 leai sa latou uaina. Ua fai  
mai Iesu ia te ia, Funa e, se  
a ea lāu na ia te au? e lei  
5 oo foi i lo'u ituaso. Ua  
fai ane lona tina i auauna,

O āna e fai mai ai ia te outou, ia outou faia. Sa i ai 6  
 foi o vai maa tetele e ono,  
 tai lua poo tai tolu pato i  
 vai, pei o le tu o le faama-  
 maga o Iutaia. Ua fai atu 7  
 Iesu ia te i latou, Ina faatu-  
 tumu ia o vai i vai. Ona  
 latou faatutumuina lea, ua  
 oo lava i lau. Ua fetalai 8.  
 atu ia ia te i latou, Ina asu  
 ane ia, ina ave i le matai o  
 le tausamaaga. Ua latou 9  
 avatua. Na tofo foi le  
 matai o le tausamaaga i le  
 vai, ua liu uaina, (na na le  
 iloa foi le mea na mauai ai,  
 a o auauna na asu i le vai  
 ua iloa,) ona fai atu lea *le*  
*matai* i le faatoa-faiava, ua  
 faapea atu. E muamua ona 10  
 aumai, e lea tagata ma lea  
 tagata, o le uaina lelei; pe  
 a tele foi le inu i ai o tagata,  
 ona aumai ai lea o le uaina  
 leaga; a ua tuu e oe le uaina  
 lelei, ina seia aumai nei.  
 Na faia e Iesu lenei uluai 11  
 faailoga i Kana i Kalilaia,  
 ma faaali mai ai lona ma-  
 malu: ona faatuatua lea  
 ona soo ia te ia.

Mulimuli ane ua alu atu 12  
 ia i Kapanaumi, o ia ma  
 lona tina, ma ona uso, ma  
 ona soo; a e lei nonofo ai  
 i ni aso e tele. Ua lata mai 13  
 foi le paseka a Iutaia; ona  
 alu ae lea o Iesu i Ierusa-  
 lema. Ua na iloa i le malu- 14  
 malu o e sa faatau povi, ma  
 mamoe, ma manu tagi; o e  
 na fefaatauai foi tupu, o loo  
 nonofo mai ai. Na ia faia 15  
 le sasa i maea tua iti, ua

tutuli atu ai ia te i latou  
 uma lava i fafo o le malu-  
 malu, ma mamoe atoa ma  
 povi; ua sasaa ifo foi tupe  
 a tagata fefaatauai, ma fuli  
 16 atu laupapa i lalo. Na faa-  
 pea atu foi i e na faatau  
 manu tagi, Ave ese ia nei  
 mea, aua le fai le fale o  
 lo'u Tamā ma fale faatau  
 17 oa. Ona faamanatu ai lea  
 ona soo i le upu na tusia,  
 Ua 'aina lava a'u i le manao  
 18 tele i lou fale. O lea ua  
 fai mai ai tagata Iutaia, ua  
 faapea mai ia te ia. Se a  
 lou faailoga, e faaali mai ai  
 ia te i matou, ina ua e fai o  
 19 nei mea? Na tali atu Iesu  
 ma faapea atu ia te i latou,  
 Ina lepeti ia o lenei malu-  
 malu, i ona aso e tolu foi,  
 20 qu te faatuina. Ona fai  
 mai lea o Iutaia, E faga-  
 fulu ma le ono o tausaga o  
 lenei malumalu ona fau, pe  
 mafaia foi ia te oe, ona  
 21 faatu i aso e tolu? A o  
 lona tino, o le malumalu  
 lea na ia fetalai mai ai.  
 22 Na faatuina mai foi o ia na  
 i e ua oti, ona faamanatu  
 ai lea ona soo, ua na fai  
 mai lenei upu ia te i latou,  
 ona latou faalogo lea i lē  
 na tusia, ma le upu a Iesu  
 na fai mai ai.  
 23 Sa i Ierusalem ia, i le  
 paseka, i le tausamiga, ona  
 toatele ai lea o e na faatua-  
 tua i lona suafa, ina ua  
 latou vaai atu i faailoga na  
 24 ia faia. A o Iesu, e lei  
 umi atu ia te i latou, aua  
 ua na silafia tagata uma

lava. E le aoga foi ina ia 25  
faaali atu se tasi tagata ia  
te ia, aua foi ua na iloa mea  
o i totonu o tagata.

### O LE MATAUPU III.

*O fetalaiiga a Iesu ma Nikote-  
mo.*

**O** LE tasi tagata, o lo le 1  
au faresaio, o Nikotemo  
lona igoa, o le tasi lea taitai  
o Iutaia. Na alu ane ia 2  
Iesu i le po, ua fai mai ia  
te ia, Rapi e, ua matou iloa,  
o oe o le aoao, na e maliu  
mai mai le Atua, aua e le  
mafai e se tasi ona fai o nei  
faailoga e te faia nei, ana le  
se anoa le Atua ma ia. Ua 3  
tali atu Iesu ma faapea atu  
ia te ia, E moni, e moni, ou  
te fai atu nei a'u ia te oe, a  
le toe fanau le tagata, e le  
mailoa e ia le malo o le  
Atua. Ua fai mai Niko- 4  
temo ia te ia, e mafai ea  
faapefea ona fanau o le ta-  
gata ua matua? E toe ofi  
faapefea i le manava o lona  
tina, e fanau mai ai? Ona 5  
faapea atu ai lea o Iesu ia  
te ia, E moni, e moni, ou te  
fai atu nei a'u ia te oe, afai  
e le fanau le tagata i le vai,  
ma le Agaga, e le masao ia  
i le malo o le Atua. O la 6  
le tino e fanau mai ai, o le  
tino lea; o la le Agaga e  
fanau mai ai, o le agaga lea.  
Aua e te ofo auā na au fai 7  
atu nei ia te oe, ia outou  
toe fanau e tonu ai. O le 8  
agi le matagi i le mea e

loto i ai, e te faalogo foi  
lona agi, a e te le iloa le  
mea na sau ai, ma le mea e  
alu atu ai; e faapea atoa  
uma foi ia e fanau mai e le  
9 agaga. Ua tali mai Niko-  
temo, ma faapea mai ia te  
ia, E mafai faapefea nei  
10 mea ona fai? Ona tali atu  
lea o Iesu, ma faapea atu  
ia te ia, O oe o le aoao o  
Isaraela, a e te lei iloa ea  
11 nei mea? E moni, e moni,  
o lo'u te fai atu nei ia te oe,  
matou te tautala i mea na  
matou iloa ai, e molimau  
foi i mea na matou vaavaai  
i ai, a e le talia mai e outou  
12 la matou mau. Afai ou te  
ta'u atu nei i mea o le lalo-  
lagi, a e le faalogo mai  
outou, pe faapefea ona outou  
faalogo pe a au ta'u atu ia  
13 te outou mea o le lagi? E  
leai foi se tasi na alu ae i le  
lagi, na o ia na ifoifo mai  
le lagi, o le Atalii lea o le  
14 tagata o loo i le lagi. Faa-  
pei o Mose, ona faamaua-  
luga i le gata i le fanua  
tuufua ia faapea ona faa-  
maualugaina le Atalii o le  
15 tagata e tonu ai; Ina ia  
le oti se tasi e faatuatua ia  
te ia, a ia maua le ola le  
16 uma. Sa faapea lava le  
alofa mai o le Atua i le  
lalolagi, ua foai mai lona  
Atalii e toatasi, ina ia le  
oti se tasi e faatuatua ia  
te ia, a ia maua le ola le  
17 uma. E lei auina mai foi e  
le Atua lona Atalii i le lalo-  
lagi, e faasala i le lalolagi,  
a ia ola le lalolagi ia te ia.

O lē faatuatua ia te ia, e le 18  
faasalaina lea, a o le lē faa-  
tuatua, ua faasalaina lea,  
aia e lei faatuatua lava ia i  
le suafa o le Atalii e toatasi  
o le Atua. O le faasala foi 19  
lenei, ua oo mai le mala-  
malama i le lalolagi, a o  
tagata e tele lo latou loto  
atu i le pouliuli i lo latou  
loto atu i le malamalama,  
aia e leaga a latou amio.  
Aia o e fai mea leaga e 20  
‘ino‘ino uma lava i le mala-  
malama, e le soso atu foi i  
le malamalama, nei faailoa-  
ina a latou amio. A o lē 21  
fai le mea moni, e soso atu  
lava i le malamalama, ia  
faaalia ana amio, ona tatai  
i le Atua. Mulimuli ane, 22  
ua malii atu Iesu, o i latou  
mona soo, i le fanua o Iu-  
taia; ua nofo ai ma i latou,  
ma papatiso ai. Sa papa- 23  
tiso foi Ioane i Ainona, tala  
ane i Saleima, aia e tele ai  
le vai; na o mai foi tagata,  
ua papatisoina ai. A o lei 24  
tuuina lava Ioane i le fale  
puipui.

Ona fefinauai lea isi soo 25  
o Ioane ma le Iutaia i le  
faamamaga. Ua latou o 26  
mai ia Ioane ma fai mai ia  
te ia, Rapi e, O ia ma oe  
sa oulua i ai, e tala ane i  
Ioritana, na e molimau le-  
lei i ai, faauta foi o loo pa-  
patiso ia, o loo o atu foi ia  
te ia, o tagata uma lava.  
Ona fai atu lea o Ioane, ua 27  
faapea atu, e le maua lava  
le mana e le tagata pe a  
le foi mai ia te ia mai le

28 lagi. O o’u molimau foi o  
outou na ou fai atu, e le o  
le Mesia au nei; na auina  
mai lava au, e muamua  
29 ia te ia. O le tagata e ana  
le ava, o le faotoa-fai-ava  
lea, a o le uo a le tane, e  
tu mai ma faalogo ia te ia,  
e tele lona olioli i le leo  
o le tane: o lea foi ua  
30 tumu lo’u nei olioli. Ia  
tupu pea ia e tonu ai;  
peitai au nei, ou te faaitiiti  
31 lava au. O ia na malii  
mai mai luga, e sili lea i  
mea uma. O ia na i le  
lalolagi, o lo le lalalagi  
lava ia, o la le lalalagi  
foi lana tautala; a o lē  
na malii mai mai le lagi, e  
sili lea i mea uma lava.  
32 O mea uma foi na ia vaaia  
ma faalogo i ai, o loo molii-  
mau i ai; e leai foi se tasi  
33 e tali atu i lana mau. O  
lē tali atu i lana mau ua na  
faamauina e moni lava le  
34 Atua. O ia na auina mai  
e le Atua, ‘o loo tautala  
lava ia i la le Atua; e le  
foai faatatauina mai foi le  
35 Agaga e le Atua. E loto  
le Tamā i le Atalii, ua tuu  
mai foi mea uma i lona  
36 lima. O lē faatuatua i le  
Atalii, o le ola le uma  
lona, o le lē faatuatua i  
le Atalii e le iloa e ia le  
ola, a o le toasa o le Atua  
o loo tumau lava i ona  
luga.

## O LE MATAUPU IV.

*O le malaga i Kahilaia.*

**N**A silafia e le Alii ua 1  
faalogologo e le au fa-  
resaio, e tele soo na faia e  
Iesu ma papatisoina, a e  
itiiti a Ioane: (Peitai o 2  
Iesu, e lei papatiso ia, na o  
ona soo,) Ona tuua lea o 3  
Iutaia, ua toe alu atu ia i  
Kahilaia. E ui atu ia i 4  
Samaría e tonu ai. Ua oo 5  
atu ia i le tasi aai o Sama-  
ria, o Suka le igoa, e lata-  
lata ane i le fanua na avatu  
e Iakopo i lona atalii, o  
Iosefa. E i ai le vai puna 6  
a Iakopo. Ina ua le lava  
foi Iesu i lana malaga, ua  
noso ai ia i luga o le vai,  
na oo foi i le ituaso e ono.

Ua sau le tasi fafine o Sa- 7  
maria e utu vai. Ua fetalai  
atu Iesu ia te ia, aumai ia  
ia te au, ou te inu ai. Aua 8  
na o atu ona soo i le aai e  
faatau ai ni mea e ai. Ona 9  
fai mai lea o le fafine o Sa-  
maria ia te ia, Se a le mea  
e te isi mai ai ia te au, o le  
fafine o Samaria, a o oe o  
le Iutaia, aua foi, e leai ni  
mea e feaveai a Iutaia ma  
Samaría. Ua tali atu foi 10  
Iesu, ma faapea atu ia te ia,  
Ana e iloa le mea foai fua  
a le Atua, ma iloa foi poo  
ai le fai atu nei ia te oe,  
Aumai ia te a'u, ou te inu  
ai; po ua e ole ai ia te ia,  
ona foai atu lea e ia ia te oe  
le vai ola. Ua fai mai le fa- 11  
fine ia te ia, Le Alii e, e leai

sau mea e utu ae ai, e mau-  
lalo foi le vai eli; e te maua  
12 ea ifea le vai ola? E sili  
ea oe i lo matou tama, o  
Iakopo, na na tuu mai ia  
te i matou le vai, ma inu  
ai foi ia ma lana fanau ma  
13 ana manu? Na tali atu  
Iesu ma faapea atu ia te ia,  
O le inu i lenei vai e toe  
14 fia inu foi. A o le inu i le  
vai ou te avatu ia te ia,  
e le toe fia inu lava; o le  
vai foi ou te avatua ia te ia,  
e avea i totonu ia te ia o le  
vai puna, e punai i luga i  
15 le ola e le uma. Ua fai  
mai le fafine ia te ia, Le  
Alii e, aumai ia te au lenei  
vai, ina ia au le toe fia inu,  
ina ia au le toe sau foi iinei  
16 e utu ai le vai. Ua fetalai  
atu Iesu ia te ia, Alu ia oe,  
valaau i lau tane, i le toe  
17 sau iinei. Ua tali mai le  
fafine, ma faapea mai, E  
18 leai sa'u tane. Ona fetalai  
atu lea o Iesu ia te ia, Ua  
tonu foi lau upu, E leai sa'u  
tane, aua sa ia te oe tane e  
toalima, o ia foi ua ia te oe i  
ona po nei, e le sau tane lea;  
o le mea moni lava na e fai  
19 mai na. Ua fai mai le fa-  
fine ia te ia, Le Alii e, ua  
20 ou iloa o oe o le perofeta. O  
matou mātua sa tapuai i  
lenei mauga; tou te tautala  
nei o Ierusalem le mea e  
21 tusai ona tapuai ai. Ua  
fetalai atu Iesu ia te ia,  
Funa e, faalogo mai ia ia  
te au, e oo mai le tau, e le  
tapuai ai outou i le Tama  
tau lava o lenei mauga, poo

i Ierusalemā. Tou te ta- 22  
puai ma le lē iloa, a ua ma-  
tou tapuai ma le iloa, aua  
mai Iutaia le faaolataga.  
A e oo mai le tau, ua oo 23  
nei foi i ai, o e tapuai faa-  
maoni i le Tamā e tapuai  
ma le agaga ma le upu moni,  
aua o loo saili le Tamā i e  
faapea e tapuai ia te ia. O 24  
le agaga le Atua; o e ta-  
puai ia te ia, e tatau ona ta-  
puai atu i ai, ma le agaga  
ma le upu moni. Ua fai 25  
mai le fafine ia te ia, Ua au  
iloa o le a sau le Mesia, (o  
lē ua ta'ua o le Keriso) pe  
a sau ia, e faailo mai i mea  
uma ia te i matou. Ona feta- 26  
lai atu lea o Iesu ia te ia, O  
a'u lenei, o lē tala atu nei ia  
te oe. Ona o mai ai lea ona 27  
soo, ua ofo ina ua tautala i  
laua ma le fafine; a e lei  
faapea mai foi se tasi, poo  
le a lau mea e saili na, o le  
a le mea ua oulua tautala  
ai ma ia? Ona tuu lea o 28  
le fafine i lana ipu vai, na  
alu atu foi i le aai; ua fai  
atu i tagata, Ina o mai ia; 29  
ina vaai i le tagata, na na  
faaali mai ia te au, i mea uma  
lava na au faia, pe le o le  
Mesia ea lea? Ona latou 30  
o ai lea i fafo o le aai ua o  
atu ia te ia.

Ua va i lea mea, na aioi 31  
atu ona soo ia te ia, ma faa-  
pea atu, Rapi e, ina taumafa  
ia. Ona fai atu lea o ia ia 32  
te i latou, O ia te au mea e  
ai, tou te le iloa. Ua fela- 33  
folafafoi le au soo, Pe na  
aumai e se isi sina mea e ai

34 ia te ia. Ona fetalai atu  
lea o Iesu ia te i latou; O  
la'u mea e ai, ia ou fai le  
finagalo o le na auina mai  
au, ma faaii i lana galuega.

35 Tou te le fai mai ea e toe  
fa masina, i le sau ai le se-  
leselega; o lo'u te fai atu  
nei ia te outou, faasaga ia i  
o outou mata, ma vaavaai i  
le fanua ua sinasina mai nei

36 i le seleselega. O lē selesele  
foi, e maua lana totogi ma  
faaputu le fua i le ola faa-  
vavau, ina ia faatau olioli,

37 o lē lulu ma lē selesele. O  
i lenei upu foi le mea moni,  
Ese lē lulu, ese lē selesele.

38 Ou te auina atu nei outou,  
e selesele i le mea sa outou  
le galulue ai; na galulue iai  
tagata, a ua oo atu outou i  
la latou galuega.

39 I lea aai e toatele o Sa-  
maria ua faatuatua ia te ia,  
ona o le tala a le fafine, Ua  
na faaali mai ia te au i mea  
40 uma lava na au faia. O  
lea foi na o mai tagata o  
Samarina ia te ia, ona aioi  
atu lea ia te ia, latou te  
nonofo, o ia ma i latou;  
Ona nofo ai lea i aso e lua.

41 Ua atili ai ona toatele o ta-  
gata o e na faatuatua ona o  
lana upu; ua fai atu foi i

42 latou i le fafine, E le ona  
o lau upu ua matou faalogo  
ai nei, a o lenei aua ua ma-  
tou faalogologo lava e i ma-  
tou, ma iloa foi e moni lava  
o le faaola lenei o le lalolagi,  
43 o le Mesia lava. Na ma-  
vae ia aso e lua, ua tuua  
lea mea, ona alu atu lea o



ia i Kalilaia, aua na faapea  
lava Iesu, E le mamafi se 44  
perofeta i lona lava nuu.  
Na oo foi Iesu i Kalilaia, 45  
ona talia mai lea o ia e ta-  
gata o Kalilaia, aua na la-  
tou vaai atu i mea uma lava  
na ia faia i Ierusalemā, i le  
tausamiga, ina ua o atu foi  
i latou i le tausamiga.

E i ai ua toe maliu atu 46  
Iesu i Kana i Kalilaia, na  
liu uaina ai o le vai. Sa i ai  
foi le tasi alii na ma'i lona  
atalii i Kapanaumi. Na iloa 47  
e ia ua maliu mai Iesu, mai  
Iutaia i Kalilaia, ua alu  
atu ai ia te ia, ma faatoga  
atu ia te ia, e alu ifo e faa-  
malolo i lona atalii ua tāli  
oti. Ona fetalai atu lea o 48  
Iesu ia te ia, Pe a tou te le  
vaavaai atu i faailoga ma  
vavega, tou te le faalogo  
lava. Ua fai mai le alii ia 49  
te ia, Le Alii e, sei ia e ma-  
liu ifo, nei vave oti lo'u  
atalii. Ona fai atu lea Iesu 50  
ia te ia, alu ia oe, o loo ola  
lou atalii. Ua tali tonu le  
tagata i le fetalai a Iesu  
na fai atu ia te ia, ona alu  
ai lea. I lona alu ifo lava 51  
foi na fetalai ma ana au-  
auna, ua latou tau atu ia te  
ia ma faapea atu, Ua ola  
lou atalii. Ona fesili atu 52  
lea o ia ia te i latou, O le fea  
ituaso na fuafua ai lona  
malolo? Ua fai mai i latou  
ia te ia, Ua mavae lava lona  
vevela ananafi, i le ituaso e  
fitu. Ona iloa lea e le tamā, 53  
o le ituaso lava lea na fai  
mai ai Iesu ia te ia, O loo

ola lou atalii. Ona faa-  
tuatua lea o ia, atoa ma lona  
54 aiga uma. O le lua lea o  
faailoga na faia e Iesu, a  
o maliu mai nai Iutaia i  
Kalilaia.

## O LE MATAUPU V.

*O le vavega o Iesu i Petesa.*

1 **N**A mavae nei mea, ona  
oo lea i le tasi nuu  
o Iutaia; ua maliu ae Iesu  
2 i Ierusalemā. O i Ierusa-  
lema le tasi taelega, e vava-  
lalata i le faitotoa mamoe,  
na taua o Petesa, i le upu  
Epelu; e lima ona faapao-  
3 loga. Sa taooto ai tagata  
vaivai e toatele, ma tauaso,  
ma pipili, ma tino vavale;  
o faatalitali ai le gaepu o le  
4 vai; Aua i ona aso, ua  
alu ifo ai le isi agelu i le ta-  
elega, ma faagaepu i le vai;  
e i ai o lē na muamua ifo,  
ina o gaepu le vai, ua ma-  
lolo ai o ia i le mai na mai  
ai ia.  
5 Sa i ai foi le tasi tagata  
na vaivai e tolugafulu ma  
6 le valu ona tausaga. Ua  
vaai atu Iesu ia te ia, o ta-  
oto ia; na silafia foi ua loa  
ona i ai, ua fetalai atu ia te  
ia, E te manao ea ina ia e  
7 malolo? Ua fai mai le na  
vaivai ia te ia, Le Alii e, e  
leai lava se tagata na te  
tuuina ifo a'u i le taelega,  
pe a gaepu le vai: a o alu  
ifo a'u, e muamua ifo le tasi  
8 ia te au. Ua fetalai atu  
Iesu ia te ia, ina tu ia i

luga, sii ia lou moega, savali ia. Ona malolo loa 9  
lea o le tagata; ua sii lona moega, ua savali foi. O le  
aso sa foi lea aso. Lenei 10  
la, ua fai atu Iutaia i le tagata na faamaloloina, ua faapea atu, O le aso sa lenei, e le tatau ia te oe ona sii ai o lou moega. Ua fai mai 11  
ia ia te i latou, O ia na faamalolo mai ia te au, ua fai mai ia te au, sii ia lou moega, savali ia. Ona fesili 12  
atu lea i latou ia te ia, O ai ea le tagata na fai atu ia te oe, Sii lou moega, savali ia? A e lei iloa e le na faa- 13  
maloloina po o ai, aua ua alualu lemu ese Iesu; na i ai foi le motu o tagata i lea mea.

Na mavae ia mea, ua toe 14  
iloa e Iesu le tagata i le malumalu. Ona fai atu lea o ia ia te ia. Faauta ua e malolo oe; aua e te toe fai se agasala, nei oo atu ia te oe se leaga e tele i lena. Ua alu atu le tagata ma 15  
faailo atu i tagata Iutaia, o Iesu na faamalolo ia te ia. O le mea lea na faasaua ai 16  
tagata Iutaia ia Iesu, ua saili foi e fasioti ia te ia, aua na ia fai nei mea i le aso sa.

Ona faapea atu lea o 17  
Iesu ia te i latou, o loo galue lo'u Tama ina seia oo mai lava i aso nei; o loo galue foi au. O le 18  
mea lea ua atili ai ona saili o Iutaia e fasi-oti ia te ia, aua, e le gata ina na soli

i le aso sa, a ua fai mai ia, o le Atua lona Tama moni; ua faapea ona faatusa o ia 19  
ma le Atua. Ona fetalai atu lea o Iesu ia te i latou, ua faapea atu, E moni, e moni, ou te fai atu ia te outou na, e le mafai e le Atalii ona fai se mea, na o ia lava; a o mea e vaai atu i le Tamā o faia; o mea foi o faia e ia, o loo 20  
faia e le Atalii. Auā o loo faapelepele mai le Tama i le Atalii, e faaali mai foi ia te ia mea uma lava e faia e ia; e faaali mai foi ia te ia i galuega silisili i nei *galuega*, ina ia outou 21  
ofo ai. Aua, faapei ona faatutu e le Tamā i e ua oti, ma toe faaola; faapea foi le Atalii, e toe faaola e ia ia te i latou, o e loto ia i 22  
ai. Aua e le faamasino le Tamā i se tasi, a ua tuu mai i le Atalii le faamasi- 23  
noga uma lava: Ina ia faaneenee tagata uma lava i le Atalii, faapei ona latou faaneenee i le Tamā. O le le faaneenee i le Atalii, e lē faaneenee foi ia i le 24  
Tamā na auina mai ia. E moni, e moni, ou te fai atu ia te outou, O lē faalogo mai i la'u upu, ma tali tonu ia te ia na na auina mai au, e ia te ia le ola e le uma; e le oo foi ia i le faasala, a ua aveia lena i le ola, sa i le oti. 25  
E moni, e moni, ou te fai atu ia te outou, e oo i le aso, ua oo nei foi, o i ai e faalogologo e ua oti i

le leo o le Atalii o le  
 Atua; o e faalogologo foi,  
 e ola ai latou. Aua foi, 26  
 faapei o le Tamā, e ona le  
 ola, o i ia te ia lava, faapea  
 foi na foi mai ia i le  
 Atalii, ia ia te ia le ola, o i  
 ia te ia lava. Ua foi mai 27  
 foi ia te ia le mana, ina ia  
 fai e ia le faamasinoga, aua  
 o ia o le Atalii o le tagata.  
 Aua tou te ofo i lenei mea, 28  
 aua e oo i le aso, e i ai  
 atoa e o i o latou tuugamau  
 e faalogologo i lona leo,  
 ma o mai i fafo. O e na 29  
 agalelei, e toe tutu i le ola;  
 o e na agaleaga foi, e toe  
 tutu i le faasala. Ou te le 30  
 mafai ona fai se tasi mea,  
 na o au; faapei oua ou  
 faalogo atu, faapea foi lea  
 ou te faamasino ai; ua  
 tonu lava la'u faamasinoga,  
 aua ou te le usiusitai i lo'u  
 lava loto, a o le finagalo o le  
 Tamā, o le na auina mai au.

Afai e molimau ia te au, 31  
 tau o au nei, e le moni la'u  
 mau; O loo molimau mai 32  
 foi le tasi ia te au, ua ou  
 iloa foi e moni le mau, o  
 loo molimau mai ia ia te  
 au. Ua outou aauina atu 33  
 ai ia Ioane, na na molimau  
 foi le mea moni. A e le 34  
 talia e au le mau a le ta-  
 gata; peitai ou te tala atu i  
 nei mea ia te outou ina ia  
 outou ola ai. O le mala- 35  
 malama ia, o le mumū ma  
 pupala tele; ua outou ma-  
 manao foi i nai isi aso e  
 elioli i lona malamalama.

A ua ia te au le mau 36

e sili i la Ioane; o galuega  
 foi na tuuina mai ia te au e  
 le Tamā ia ou faaumatia, o  
 nei galuega ou te faia, e  
 molimau mai ia te au, na  
 auina mai au e le Tamā.

37 O le Tamā foi ua auina mai  
 au, o ia lava ua molimau  
 foi ia te au. E lei faa-  
 logologo lava outou i lona  
 leo, e le vaavaai atu foi i  
 38 lona tino. E le tumau foi  
 lana upu i totonu ia te  
 outou, aua o le na na auina,  
 tou te le faalogo i ai.

39 E suesue outou i tusi  
 paia, aua ua outou manatu,  
 tou te maua ai le ola le  
 uma; o ia foi o loo faailoa

40 mai ai o au. E le mananao  
 foi outou e o mai ia te au ia

41 outou maua ai le ola. Ou  
 te le talia le faaneeneega

42 mai tagata. A o lenei ou  
 te iloa atu lava ia te outou,  
 e leai se loto atu i le Atua

43 i totonu ia te outou. Na  
 au sau i le suafa o lo'u  
 Tama, a e lei talia au e  
 outou; a sau se tasi i lona  
 lava igoa, ona talia lava lea

44 o ia e outou. E mafai faa-  
 pefea ona outou tali tonu o  
 e talia le faaneeneega o le  
 tasi i le tasi; a o le faane-  
 neega mai le Atua, tou te

45 le au sailia lava? Aua tou  
 te manatunatu, ou te taua  
 outou i le Tamā; o i ai le  
 tasi o lē taua outou, o Mose  
 foi lea, ua outou faatuatua i

46 ai. Afai foi ana outou tali  
 tonu ia Mose po ua outou  
 tali tonu mai ia te au, aua

47 na tusia au e ia. Afai a e

tou te le tali tonu i ana tusi,  
 tou te le tali tonu foi i a'u  
 upu.

## O LE MATAUPU VI.

*Ua fafagaina tagata i le nuu  
 tinafua.*

**N**A mavae ia mea, ua alu 1  
 atu Iesu i le la itu sami  
 o Kalilaia, o Tiperia foi  
 lona ta'u. Ua mulimuli atu 2  
 ia te ia le motu o tagata e  
 toatele, aua na latou vaai i  
 ona faailoga sa fai i e na  
 mamai. Ua alu ae foi Iesu 3  
 i le mauga, ma nofo ai i  
 lalo, o ia ma ona soo. Ua 4  
 latalata le paseka, o le tasi  
 lea tausamiga o Iutaia.

Ona tepa ae ai lea o Iesu 5  
 ona fofoga, na silasila atu  
 foi, ua o mai ia te ia le motu  
 o tagata e toatele, ua fetalai  
 atu ia ia Filipino, O ifea tatou  
 te faatauina mai ai ni areto,  
 ina ia aai ai i latou? Na 6  
 faapea atu Iesu, o lana tofo-  
 tofo ia te ia, aua ua silafia  
 lava e ia le mea o le a na  
 faia. Ua fai mai Filipino ia 7  
 te ia, e le lava areto, pe a  
 faatauina e lua selau o te-  
 nari, ina ia tofu atoa taitasi  
 i latou ma sina ana mea iti-  
 iti. Ona fai atu lea ia te ia 8  
 le tasi ona soo, o Aneterca,  
 o le uso o Simona Petelu,  
 O loo iinei le tasi tama o i 9  
 ia te ia o areto Karite e  
 lima, ma nai i'a iti e lua  
 lau; pe iloga ea e tofu ai i  
 latou e toatele.

Ona faapea atu lea o Iesu, 10

e fai ane ia taooto tagata.  
 E tele foi le mutia i lea mea.  
 Ona taooto ai lea o tagata;  
 o tane foi na faitaulia, pe  
 11 lima o afe. Ona tago lea o  
 Iesu i areto; ua faafetai;  
 ua tofitofi i ona soo, ona  
 tufatufa lea e ona soo i e na  
 taooto i lalo. Ua faapea  
 foi ma nai i'a, ua avatu fai-  
 12 talia i latou. Ua maona  
 lava i latou, ona fai ane lea  
 o ia i ona soo, ia faapotopoto  
 mea na totoe, nei maumau  
 13 sina mea. Ona faapotopoto  
 ai lea o mea ua totoe, ua  
 tutumu ai ato agafulu ma le  
 lua, i mea na totoe o areto  
 Karite e lima, i e na aai.  
 14 Lenei foi, o tagata na vaa-  
 vaai atu i lena faailoga o  
 Iesu, ua faapea atu i latou,  
 E moni o lea lava perofeta  
 lenei, o lē sau i le lalolagi.  
 15 Na silafia foi e Iesu, o le a  
 o mai i latou e pue ia te ia,  
 e faanofo ia i le malo, ona  
 toe alo ane ai lea o ia, e  
 toatasi i le mauga.  
 16 Ua oo i le afiafi, ona e  
 ifo lea ona soo i le sami, ua  
 o foi i le tasi vaa, ona latou  
 o lea i lela itu sami i Kapa-  
 17 naumi. Na pouliuli foi, a  
 e lei alu lava Iesu ia te i  
 18 latou. Ua sousou foi le  
 sami, i le matagi agi tetele.  
 19 Ua taualo i latou, pe lua  
 sefulu ma le lima, pe tolu  
 gafulu o setatio, ona vaai  
 atu lea i latou ia Iesu, e  
 savali lava i luga o le sami,  
 ua latalata atu foi ia i le  
 20 vaa; ua latou fefefe ai. A  
 ua fai atu ia ia te i latou,

Aua tou te fefefe, o au lava.  
Ona talia lea o ia e i latou i 21  
le vaa, ma le fiafia; ona  
vave tuūta lea le vaa i le  
nuu na latou o i ai.

I le taeao, o le motou o 22  
tagata e na tutu i lela itu  
sami, na iloa e i latou e leai  
se tasi vaa na i ai, na o lea  
lava na o ai ona soo, e lei o  
faatasi foi o Iesu ma ona soo  
i le vaa, na o ona soo lava;  
(A ua o mai nisi vaa na i 23  
Tiperia, ua lata ane i le mea  
na fai ai le aiga, ina ua faa-  
fetai e le Alii,) O lenei, 24  
na iloa e le motu o tagata e  
lei i ai Iesu, e lei i ai foi  
ona soo, ona o ai lea o i  
latou i nisi vaa, ma o atu i  
Kapanaumi, ina ia sailiili ia  
Iesu. Ua iloa foi ia e i 25  
latou i le la itu o le sami  
ona faapea atu lea o i latou  
ia te ia, Rapi e, na e oo mai  
e iinei anafea? Ua fetalai 26  
mai Iesu ia te i latou, ua  
faapea mai, E moni, e moni,  
so'u fai atu ia te outou, e  
lei saili mai outou ia te au,  
aua na outou vaai mai i faa-  
iloga, a ina na outou aai i  
areto, ma outou maona ai.  
Aua tou te galulue i mea e 27  
ai e pala, a ia galulue outou  
i le mea e ai e tumau i le  
ola le uma, e foi mai ia te  
outou e le Atalii o le tagata;  
aua na faamaonia o ia e le  
Atua le Tamā. Ona faapea 28  
lea i latou ia te ia, Se a sa  
matou e fai ai, ina ia matou  
galulue i galuega a le Atua?  
Ua tali mai Iesu, ma faapea 29  
mai ia te i latou, O lenei le

galuega a le Atua, ia outou  
faatuatua ia te ia na auina  
30 mai e ia. Ona faapea atu  
lea o i latou ia te ia, se a se  
faailoga e te faia matou te  
vaai atu i ai, ma faalogo ai  
ia te oe? Se a a e galue i  
31 ai? Na aina e o matou  
matua le māna i le fanua  
tuufua faapei o le na tusia,  
ua foi atu ia ia te i latou  
le areto mai le lagi, e aai  
32 ai. Ua fetalai mai Iesu ia  
te i latou, E moni, e moni,  
so'u fai atu ia te outou, E le  
o Mose na foi atu ia te  
outou i lena areto mai le  
33 lagi; Peitai o lo'u Tamā,  
e foi ia te outou le areto  
moni mai le lagi, auā o le  
areto a le Atua, o ia lea na  
alu ifo mai le lagi, ma foi  
34 le ola i le lalolagi. Ona  
fai atu lea o i latou ia te ia,  
Le Alii e, aumai ia te i  
matou lena areto, aua le  
35 aunoa. Ua fetalai mai Iesu  
ia te i latou, o au nei le  
areto o le ola; o lē sau ia  
te au, e le laina lava ia; o  
lē faatuatua ia te au, e le  
toe fia inu lava ia.  
36 A ua ou fai atu ia te  
outou, ua outou vaavaai  
mai ia te au, a e tou te lei  
37 faatuatua lava. O e taitasi  
ma foiina mai ia te au e  
le Tamā, e sau ia ia te au;  
o ia foi e sau ia te au, o e  
te le tulia lava e au i fafo.  
38 Aua ou te lei alu ifo mai  
le lagi e fai lava i lo'u loto;  
a o le finagalo o le na  
39 auina mai au. O lenei foi  
le finagalo o le Tamā o lē

na auina mai au, ia le faau-  
matia lava se mea e tasi ua  
na foaiina mai ia te au, a  
ia ou toe faatu i ai i le aso  
gataaga. O lenei foi lona 40  
finagalo ua na auina mai  
au, e tai toatasi o e vaai i  
le Atalii, ma faatuatua ia  
te ia, e maua ia le ola le  
uma; ou te toe faatuina foi  
ia i le aso gataaga. Ona 41  
muimui ai lea ia te ia o  
tagata Iutaia, aua na fai  
atu ia, O au le areto na alu  
ifo mai le lagi, Ua faapea 42  
ane foi i latou, E le o Iesu  
ea lenei le Atalii o Iosefa,  
e le ua tatou iloa ea lona  
tamā ma lona tina? O  
lenei foi pe se a le mea ua  
faapea mai ai ia, Na au alu  
ifo mai le lagi? Ona feta- 43  
lai atu lea o Iesu ia te  
i latou, ma faapea atu, aua  
tou te femuimui ai. E le 44  
mafai e se tasi ona sau ia te  
au, pe a le tosina mai e le  
Tamā na auina mai au; ou  
te toe faatuina foi ia i le  
aso gataaga. Ua tusia i le 45  
au perofeta, e aaoaina i  
latou uma lava e le Atua;  
lenei la, o i latou atoa o e  
faalogo i le Tamā, o e a-  
aoaina foi, e o mai ia te au;  
A e lei vaai lava se tasi i le 46  
Tamā; na o ia mai le  
Tamā, na vaai atu lava ia i  
le Tamā. E moni, e moni, 47  
au fai atu ia te outou, o lē  
faatuatua mai ia te au, e  
ia te ia le ola le uma. O 48  
au o le areto o le ola. Ua 49  
‘aaina e o outou mātua le  
māna i le fanua tuufua, a

50 ua oti i latou. O lenei le  
areto na alu ifo mai le lagi;  
ina ia ‘aiina e le tagata ia  
51 le oti ia. O au le areto ola  
na alu ifo mai le lagi; pe  
a ‘ai se tasi i lenei areto ona  
ola ai lea o ia e faavavaa.  
O le areto foi ou te avatua,  
o lo’u tino lea, ou te avatua  
ma ola o le lalalagi.  
52 Ona fefinauai ai lea o  
Iutaia, ua faapea, E mafai  
faapefea e lenei tagata ona  
aumai lona tino ia te i tatou,  
53 tatou te aai ai? Ona feta-  
lai atu lea o Iesu ia te i  
latou, E moni, e moni, ou  
te fai atu ia te outou, afai  
tou te le aai i le tino o le  
Atalii o le tagata, e le inu  
foi i lona toto, e leai lava  
54 se ola ia te outou. O lē ‘ai  
i lo’u tino, ma inu i lo’u  
toto, e ia te ia le ola le uma;  
ou te toe faatuina foi ia i le  
55 aso gataaga: Aua e moni  
o lo’u tino o le mea e ‘ai  
lea; e moni o lo’u toto, o  
56 le mea e inu ai lea. O  
lē ‘ai i lo’u tino, ma inu  
i lo’u toto, ma te tumau  
lea ma au, o maua foi ma  
57 ia. Faauta, ona ola le Ta-  
mā, na na auina mai au, o  
loo ola foi au i le Tamā;  
faapea foi o lē ‘ai ia te au,  
58 e ola lea ia te au. O lenei  
le areto na alu ifo mai le  
lagi, e le pei o outou mātua,  
na aai i le māna, ua oti foi:  
o lē ‘ai i lenei areto e ola ia  
59 e faavavau lava. Ua faa-  
pea mea na fetalai ai Iesu,  
ina o acao ia i le fale-sa i  
60 Kapanaumi. Ua faalogo-

logo o isi ona soo, e toatele, ona faapea ai lea o i latou, o le mea faigata lenei upu; o ai ea se na te mafaia ona talia? Na silafia e Iesu ia 61 te ia lava, ua latou muimui ai, ona fetalai atu ai lea o ia ia te i latou, Tou te tau-suai ea i le mea nei? Pe 62 faapefea, pe a outou vaai atu i le Atalii o le tagata, pe a alu ae ia i luga, i le mea sa i ai anamua? O la 63 le agaga, o le mea faaola ai lea, e le aoga lava la le tino: o upu ou te fai atu na ia te outou, o mea ia o le agaga ma le ola. Peitai o isi o 64 outou e le faalogo lava; aua ua silafia e Iesu, talu lava le amataga o isi o e na le faalogo, ma le tasi na te faalataina ia. Na ia fetalai 65 atu foi, o lenei le mea na ou fai atu ai ia te outou, e le mafai e se tasi ona sau ia te au, pe a le tosinā mai ia e lo'u Tamā.

Talu lea aso ua o ese isi 66 o ona soo e toatele i tua, e lei toe feoai latou ma ia. O lenei ua faapea atu Iesu, 67 i le toasefulu ma le toaluā, Pe tou te fia o ese foi? Ona fai mai lea o Simona 68 Petelu ia te ia, Le Alii e, a matou o ea ia te ai? O ia te oe upu o le ola le uma. Ua matou faalogo ma iloa o 69 oe o le Mesia, o le Atalii o le Atua soifua. Ua tali atu 70 Iesu, na ua le filifilia ea outou, e toasefulu ma le toa-lua, a o le tasi o outou na ua fai au ma ona fili? Ua 71

fetalai atu ia faapea, ia Iuta o le atalii o Simona le Si-kara; aua o ia o le a na faa-lata Iesu, o le tasi foi lea o le toasefulu ma le toaluā.

## O LE MATAUPU VII.

*O le nmu o fale apitaga.*

- 1 **N**A mavae ia mea, ona fealualuai ai lea o Iesu i Kalilaia; e lei finagalo foi e savali i Iutaia, aua o loo saili e Iutaia e fasi-oti ia 2 te ia. Ua latalata le nunu 3 o fale fetafai o Iutaia. O le mea lea na fai atu ai ona uso ia te ia, Ia tuua e oe lenei mea, alu ane ia i Iutaia, ina ia vaavaai atu foi ou soo i au galuega, e te 4 fai ai. Aua foi e leai se tasi e fai faalilolilo i le mea o faia, pe a fia faaalila ia; a e te faia nei mea, ia e faaalila oe e oe i le lalolagi.
- 5 Aua e lei faatuatua ona uso 6 ia te ia. E i ai ona fetalai atu ai Iesu ia te i latou, E lei oo mai a'u po, a o po uma lava e tatau mo outou.
- 7 E le mafai le lalolagi ona loto leaga ia te outou, a e loto leaga mai ia te au, aua ou te ta'uina atu i ana ami- 8 oga ua leaga. O ae ia outou i le nunu, ou te le alu nei i le nunu, aua e lei oo 9 mai o'u po. Na mavae atu nei mea, ua nofo pea ia i Kalilaia.
- 10 Ua o ae ona uso, ona ma-liu ae lea o ia i le nunu e lei faaali, a ua faalilolilo.

Ona tausaili ai lea Iutaia ia 11  
te ia i le nunu, ma faapea ane,  
O ifea o i ai ia? Ua tele 12  
foi le femusuai o le motu o  
tagata ia te ia; ua faapea  
isi, Ua lelei ia, a ua faapea  
isi, E leai, ua na faasese i  
tagata. A e lei tautala faa- 13  
ali se tasi ia te ia, ona o le  
mataui i Iutaia.

Na oo i le taulotoaiga o 14  
le nunu, ua alu ae Iesu i le  
malumalu, ma aoao ai. Ona 15  
ofo ai lea o tagata Iutaia,  
ua faapea ane, Mai fea ea  
le potu o lautusi o lenei ta-  
gata, e lei aoaoina ia? Ua 16  
fetala'i Iesu ia te i latou, ma  
faapea atu, O la'u mataupu,  
e le se a'u, a o lana na  
auina mai au. A manao 17  
se tasi e fai lona finagalo,  
ona iloa ai lea le mataupu,  
pe mai le Atua, poo ou te  
aoao fua lava au. O le 18  
aoao fua ia te ia, ua saili ia  
i lona faaneeneega; a o le  
saili i le faaneeneega o le  
na auina o ia, e moni lea, e  
leai sana amio le tonu. E 19  
lei tunu atu ea, e Mose le  
tulafono ia te outou, a e  
leai se tasi o outou e gauai  
i le tulafono; pe se a le mea  
tou te saili ai e fasi-oti ia  
te au? Ona fai mai lea o 20  
le motu o tagata ma faapea  
mai, O ia te oe le temoni;  
o ai ea e saili e fasi ia te  
oe? Ua fetala'i atu Iesu ia 21  
te i latou, Ua ou faia le  
tasi vavega, na outou ofo ai  
atoa. Na tunu atu e Mose 22  
le peritome ia te outou, (a  
e lei mafua ia Mose, a o e

matutua.) I le aso sa fai  
tou te faaperitomeina ai  
23 tagata. Pe afai e talia e se  
tagata le peritome, i le aso  
paia, nei le malu le tulafono  
a Mose, pe se a le mea, tou  
te ita mai ai ia te au, aua  
na au faamaloloina le tino  
atoa o le tagata i le aso sa?  
24 Aua le soona faamasino, a ia  
faamasino i le faamasinoga  
tonu.  
25 Ona faapea ane lea o isi  
tagata o Ierusalem, E le o  
lenei ea latou te saili ai e  
26 fasi-oti? Faauta o loo aoao  
faaali lava, a e le fai atu sa  
latou upu ia te ia; po ua  
iloa lava e le au faipule o  
27 le Mesia lava lenei? Pei-  
tai ua tatou iloa mai ifea  
lenei; a o le Mesia, pe a  
maliu mai, e leai se tasi na  
28 te iloa pe mai ifea ia. Ona  
alaga lea o Iesu, ina o aoao  
i le malumalu, ma faapea  
atu, Ua outou iloa au, na  
iloa foi e outou mai ifea au  
nei; ou te le sau fua au, a  
ua moni lava ia na auina  
mai au, e lei iloa o ia e  
29 outou: A ou te iloa o ia,  
aua foi mai ia te ia lava au;  
o ia foi na auina mai au.  
30 Ona saili lea e i latou e pue  
ia te ia, a e lei oo se lima o  
se tasi ia te ia; aua e lei oo  
31 i ona po. A ua faatuatua  
ia te ia e toatele foi na i lea  
motu o tagata, ma latou  
faapea ane, Pe a maliu mai  
le Mesia, e tele ea ona faa-  
iloga e fai i faailoga ua faia  
e lenei tagata?  
32 Ua iloa e le au faasese



le femusuai o le motu o tagata ia te ia i mea nei, ona aauina lea e le au faresaio ma le au osi taulaga sili nai anauna e pue ia te ia. Ona 33 faapea atu lea o Iesu ia te i latou, Toe itiiti ona ou i ai ia te outou i lo'u alu atu ai ia te ia na na auina mai au. E saili outou ia te au, a e 34 le iloa au; i le mea foi ou te i ai au, tou te le lavā ona o i ai. Ona faapea lea o 35 tagata Intaia o le tasi i le tasi, Poo ifea e alu i ai ia, e le mafai ai ona tatou iloa atu o ia? Pe alu ia i tagata ua taaapeape i nuu Eleni, e acao ai foi i nuu Eleni? O le a lena upu na 36 fai mai na, E saili outou ia te au, a e le iloa au, i le mea foi ou te i ai au, tou te le lava ona o i ai?

I le toe aso, le aso tele o 37 le nunu, ua tulai Iesu, ma alaga, ua faapea atu, Afai a e fia inu se tasi, ina sau ia ia te au e inu ai. O se 38 faatuatua ia te au, e faapei ona tusi mai i le lautusi, e tafe mai o vai tafe mai totonu ia te ia, o le vai ola lava. Ua fetalai mai ia i le- 39 nei upu i le Agaga, e maua e o faatuatua ia te ia, aua i ona po ia e lei maua ai le Agaga Sa, aua e lei faamamaluina Iesu. Ua faalogo 40 e toatele o le motu o tagata i lea upu, ona faapea ai lea o i latou; E moni, o lea lava perofeta lenei, Ua faa- 41 pea foi isi, O lenei le Mesia; a ua faapea foi isi, Pe

tupu mai le Mesia mai Ka- 42 lilaia? E lei tusia ea, e tupu mai le Mesia mai le fanauga a Tavita, mai le aai foi o Peteleema, sa i ai Ta- 43 vita? Ua faapea ona vae- luaina le motu o tagata ia 44 te ia. O le manao o isi e pue atu ia te ia, a e lei tago atu se lima o se tasi i ai. 45 Ua foi atu o auauna i le au osi taulaga sili, ma le au faresaio, ona faapea mai ai lea o i latou ia te i latou, Pe se a le mea ua outou le 46 taitai mai ai ia te ia? Ona faapea atu lea o auauna, ua leai se tasi tagata e acao pei 47 o lenei tagata. Ona faa- pea mai lea le au faresaio, Poo ua faaseseina foi outou? 48 Poo ua na faatuatua ia te ia se tasi alii, poo se tasi o le 49 au faresaio? A o nei taga- tānuu, e le iloa le tulafono, ua fetuuina lava i latou. 50 Ua fai atu Nikotemo ia te i latou, (o le na alu ia te ia i le po, o le isi foi o i la- 51 tou,) Pe e faasala se tagata i la tatou tulafono, afai e le muamua ona faalogologo ia te ia, ma faamasino i ana 52 amioga? Ona faapea mai lea i latou ia te ia, E te se Kalilaia ea foi oe? Ia e saili ma ia e iloa, e le tupu lava se perofeta mai Kalilaia. 53 Ona o ane lea i latou, e tai toatasi i lona fale.

## O LE MATAUPU VIII.

*O le fafine na mulilua. O nisi  
lauga a Iesu.*

ONA alu lea o Iesu i le 1  
mauga o Oliveta. Ua 2  
oo lava i le taeao, ona toe  
maliu ane lea o Iesu i le  
malumalu; ua oo atu foi le  
nuu atoa ia te ia. Na nofo  
ia i lalo ma aoao atu ia te i  
latou. Ua taitaiina e le au 3  
failautusi, ma le au faresaio,  
le tasi fafine na mulilua; ua  
tuuina ia e i latou i totonu:  
Ua faapea atu i latou ia te 4  
ia, Le aoao e, o lenei fafine,  
ua maua ina o mulilua. I 5  
le tulafono a Mose ua poloai  
mai ia te i tatou, ina ia  
latou fetogia o e aga faapea;  
pe ni a fa au e fai mai i ai?  
Ua latou faapea atu e tofo- 6  
tofo ia te ia, ina ia maua e i  
latou se mea e tuuai ai ia te  
ia; a ua punou Iesu ma  
tusi i lona tamatamai lima  
i le eleele. A ua latou 7  
fesili atu pea lava ia te ia.  
Ona toe nofo lea o ia i luga,  
ma faapea mai ia te i latou,  
O ia e leai sana agasala, ia  
luai togī se maa ia te ia.  
Ona toe punou lea ma tusi 8  
i le eleele. Na latou faa- 9  
logologo i ai ua iloa a latou  
sala i le loto fuatia; ona  
latou o uma lea i fafo, e tai  
toatasi e fua mai i e na mua-  
mua, ua oo atu i le tupito.  
Ua totoe na o Iesu lava, ma  
le fafine o loo tu i totonu.  
Na toe nofo i luga Iesu, ua 10  
vaai atu, e leai se tagata,

ua na o le fafine lava, ona  
fetalai atu lea o ia ia te ia,  
Funa e, o ifea ea i latou e  
na tuuai mai ia te oe? Ua  
le faasala mai ea se tasi ia  
11 te oe? Ua fai mai ia, Le  
Alii e, E leai lava se tasi.  
O lenei ua fetalai atu Iesu  
ia te ia, Ou te le faasala foi  
ia te oe; alu ia oe, aua e te  
toe agaleaga.  
12 Ua toe fai atu Iesu ia te  
i latou ma faapea atu, O  
au nei o le malamalama o  
le lalolagi; O lē mulimuli  
mai ia te au, e le savali ia i  
le pouliuli, a e maua e ia le  
13 malamalama o le ola. Ona  
fai mai lea le au faresaio ia  
te ia, ua e molimau oe ia te  
oe, o lenei, e le faamaoni  
14 lau mau. Ua tali atu Iesu  
ia te i latou ma faapea atu,  
Afai ou te molimau au ia  
te au, e faamaoni pea lava  
la'u mau aua ou te iloa le  
mea na au sau ai, ma le  
mea ou te alu i ai; a ua  
outou le iloa le mea na au  
sau ai ma le mea ou te alu  
15 i ai. Tou te faamasino faa-  
le tino, ou te le faamasino i  
16 se tasi. A e pe afai ou te  
faamasino e au e moni la'u  
faamasinoga; aua e le na  
o au lava, peitai o i maua  
atoa ma le Tamā na avina  
17 mai au. Ua tusia i la outou  
tulafono, ua faapea mai, E  
moni le mau a tagata e toa-  
18 lua. O loo faailo atu au ia  
te au nei, o loo faailo atu  
foi ia te au le Tamā na au-  
ina mai au. O le mea lea  
na latou faapea atu ai ia te

ia, O ifea lou Tamā? Ua faapea mai Iesu, E lei iloa e outou ia au, e lei iloa foi outou lo'u Tamā; ana iloa e outou ia te au, ona iloa lea e outou o lo'u Tamā foi. Na fetalai Iesu i mea nei i 20 le tuugāoloa, ina o aoao ia i le malumalu; e lei puea o ia e se tasi, aua ua le oo i ona po. Ona toe fetalai atu 21 lea o Iesu ia te i latou, Ou te alu ese, e saili outou ia te au, a e oti foi outou i a outou sala; e le mafai e outou ona o i le mea ou te alu i ai. Ona fai ane lea 22 o tagata Iutaia, E fasioti ea ia ia te ia? ina ua faapea mai ia, E le mafai e outou ona o i le mea ou te alu i ai. Na faapea atu foi 23 ia ia te i latou, O outou o lalo nei, o au le lugā, o outou o le lalolagi nei, e le se lalolagi au. Lenei la 24 ua ou fai atu ai ia te outou, E oti outou i a outou sala, aua a outou le tali tonu, o au lenei o ia, ona oti lea outou i a outou sala. O 25 lenei ua faapea atu ai i latou ia te ia, O ai ea oe na? Ona fetalai mai lea o Iesu 26 ia te i latou, O au le na au fai atu ai ia te outou talu le amataga. E tele mea ia te outou, o ia te au ona tau atu i ai ma faamasino ai; a e peitai e moni lava o ia na auina mai au. O mea ua au iloa mai ai ia te ia, ou te tautalaai i le lalolagi nei. E lei iloa e i latou na 27 ia tautala ia te i latou i le

28 Tamā. Ona fetalai atu lea o Iesu ia te i latou, Pe a faamaualugaina e outou le Atalii o le tagata, ona iloa lea e outou o au lenei o ia; ou te le fai fua foi se mea, a e peitai, faapei ona aoao mai e lo'u Tamā ia te au, e faapei o lea foi na au fai 29 atu ai. O ia foi na auina mai au o loo ia te au ia; e le tuua au e toatasi e le Tamā, aua e lelei ia te ia mea ou te faia e le aunoa. 30 Na oo ia i nei mea, e toatele o e na faatuatua ia te ia. 31 Ona fetalai atu lea o Iesu i tagata Iutaia, e na faatuatua ia te ia, Afai tou te tumau pea i la'u mataupu o 32 o'u soo moni outou. E iloa foi e outou le mea moni, e tuu faitalia foi outou i le mea moni. 33 Ua faapea mai latou, O i matou nei, o le fanau a Aperaamo, e lei fai lava i matou ma pologa o se tasi, pe se a le mea e te faapea mai ai, 34 E tuu faitalia outou? Ona tali atu lea o Iesu ia te i latou, E moni, e moni, ou te fai atu ia te outou, o se fai amio leaga, o le auaua 35 lea a le agasala. O ia na te fai ma auaua e le tumau pea ia i le aiga, a o le Atalii, e tumau pea lava i 36 ai. O lenei, pe a tuu faitalia outou e le Atalii, ua 37 tuu faitalia lava outou. Ua ou iloa o le fanau outou a Aperaamo, a e saili outou e fasi-oti ia te au, aua ua le talia la'u upu i totonu ia te

outou. O au nei, ou te tau- 38  
 tala i mea na au iloa i lo'u  
 Tamā. O outou foi, tou te  
 fai mea na outou iloa mai lo  
 outou Tamā. Ona fai mai lea 39  
 o i latou ia te ia, ua faapea  
 mai, O Aperaaamo lo matou  
 Tamā. Ua faapea atu Iesu  
 ia te i latou, Afai o le fanau  
 outou a Aperaaamo, ona fai  
 lea e outou le amio a Ape-  
 raamo. Lenei foi tou te 40  
 saili e fasioti ia te au, o le  
 tagata na tau atu ia te ou-  
 tou i le mea moni sa au  
 iloa mai le Atua, e lei faa-  
 pea Aperaaamo ona fai. O 41  
 fai lava e outou i amio a lo  
 outou tamā. Ona faapea  
 mai lea o i latou ia te ia, E  
 lei fanau i matou i se to-  
 efale; e tasi lo matou Tamā,  
 o le Atua lea. Ona fetalai 42  
 atu Iesu ia te i latou, Afai  
 o lo outou Tamā le Atua,  
 ona outou faapelepele mai  
 lea ia te au, aua na i le  
 Atua au, i lo'u sau; aua foi  
 ou te le sau fua, a o ia na  
 auina mai au. Se a le mea 43  
 e le iloa ai e outou la'u nei  
 aoga, aua tou te le mafaia  
 ona tali i la'u upu. O 44  
 outou, na i lo outou tamā  
 le tiapolo, tou te mananao  
 e fai le loto o lo outou tamā.  
 O le fasi-tagata ia talu le  
 amataga, e le tumau lava  
 foi ia i le mea moni, auā e  
 le o i totonu lava ia te ia le  
 mea moni; a tautala ia i le  
 tala pepelo, o lana lava lea e  
 tautala a'i, aua o le pepelo  
 ia, ma le tamā o le pepelo.  
 A o au nei, tou te le tali 45

tonu mai ia te au, aua ou te  
 faailoa atu i le mea moni.  
 46 O ai ea na te faaili i sa'u  
 pepelo? Afai ou te tautala  
 i le mea moni, pe se a le  
 mea tou te le tali tonu mai  
 47 ai ia te au? O lē mai le  
 Atua, e faalogo ia i upu a  
 le Atua; o le mea lea tout  
 te le faalogo ai, aua e le  
 48 mai le Atua outou. Ona  
 tali mai lea o Iutaia ma faa-  
 pea mai ia te ia, E le o  
 tusa ai ea la matou upu, O  
 le tagata Samaria oe, o lo  
 uluitinoia e se temoni?  
 49 Ua tali atu Iesu, E le ulu-  
 tinoia lava au e se temoni;  
 a ou te faaneene lava au i  
 lo'u Tamā; tou te faaleaga  
 50 mai foi ia te au. Ou te le  
 saili foi i so'u faaneeneega,  
 o le tasi o loo saili o loo  
 51 faamasino foi. E moni, e  
 moni, ou te fai ata ia te  
 outou; ai se toaga i la'u  
 upu, e le iloa e ia le oti, e  
 52 leai lava. Ona fai mai lea  
 o Iutaia ia te ia, Lenei ua  
 matou iloa ua uluitinoia ee  
 e se temoni: ua oti Ape-  
 raamo ma le au perofeta, a  
 ua e fai mai oe, ai se toaga  
 i la'u upu e le oti lava ia,  
 53 e leai lava. Ua e faaili  
 ea oe i lo matou tama, o  
 Aperaaamo, ua oti ia; ma  
 le au perofeta, ua oti i la-  
 tou; po o ai ea oe e fai fua  
 54 lava oe ia te oe? Ua fetai  
 lai atu Iesu, afai ou te faa-  
 maualuga fua au ia te au, e  
 le aoga lo'u faamaua-  
 lugaina au o loo outou tau-

talatala i ai, o lo outou  
 Atua lea. E lei iloa ia e 55  
 outou, a ua ou iloa lava ia;  
 afai foi ou te fai atu, ou te  
 le iloa lava ia, ona avea lea  
 o au o le tagata pepelo; e  
 tusa ma outou; peitai ou  
 te iloa lava ia, ou te toaga  
 foi i lana upu. O Ape- 56  
 raamo lo outou tamā, na  
 faanaunau ma le fiafia i lo'u  
 nei tau, ua na iloa mai foi,  
 ma olioli: Ona faapea mai 57  
 lea o tagata Iutaia ia te ia,  
 E le oo i le limagafulu o ou  
 tausaga, po ua e iloa e oe  
 Aperaamo? Ua faapea mai 58  
 Iesu ia te i latou, E moni,  
 e moni, ou te fai atu ia te  
 outou, o au nei, a o lei fanau  
 mai Aperaamo. Ona latou 59  
 fetagofi lea i maa, e fetogi ia  
 te ia. Ona lasi lea o Iesu ua  
 alu ese na i le malumalu, ua  
 savali ese na i totonu ia te i  
 latou; ma alo ane ai.

### O LE MATAUPU IX.

*O le faapupulaina o le tauaso.*

**N**A savali ane Iesu, ua 1  
 vaai atu i le tagata ua  
 tauaso talu ina fanau mai.  
 Ua fesili atu foi ona soo ia 2  
 te ia; ua faapea atu, Rapi  
 e; po o ai le na agasala, ina  
 ua fanau mai ai ia o tauaso?  
 po o ia nei, poo ona mātua?  
 Ua tali mai Iesu, E lei 3  
 agasala lenei, e lei agasala  
 foi ona mātua, a ia faaali  
 ai o galuega a le Atua  
 ia te ia. E tatau ia te au 4  
 ona fai le galuega a le na

auina mai au, manu o ao;  
 a oo i le po, e le lavā e se  
 5 tasi ona galue ai. O au o  
 le malamalama o le lalolagi  
 nei, manu ou i ai i lalo nei.  
 6 Na mavae atu nei upu ua  
 feanu ifo ia; ona fai lea o  
 le palapala i le feanuga, ua  
 nini a'i i mata o le tagata  
 7 tauaso i le palapala: Ua  
 faapea atu foi ia te ia, Alu  
 ane ia, mulumulu ia i le ta-  
 elega o Siloama, (o lona ui-  
 ga pe a faamatalaina, o le  
 auina.) Ona alu ane lea o  
 ia, ua mulumulu, ua foi  
 8 mai, ua vaai. O lenei, o e  
 na felata'i ma ia, ma e na  
 muamua ona vaai atu i le  
 tagata, ina o ole atu i mea;  
 ua faapea ane i latou, E le  
 o lenei ea sa nofo ma ole  
 9 atu i mea? Ua faapea isi,  
 O ia lenei; a ua faapea isi,  
 E tusa lenei ma ia; a o ia  
 na fai mai, O au lava lenei.  
 10 Ona fai atu lea i latou ia te  
 ia, Pe na faapefea ona faa-  
 11 pupulaina ou mata? Ua  
 fai mai ia ma faapea mai,  
 O le tasi tagata, e taua o  
 Iesu, ua na fai le palapala,  
 ua nini a'i ou mata; ua fai  
 inai foi ia te au, Alu ane  
 ia i le taelega o Siloama,  
 mulumulu ia i ai. O lea  
 na au alu ane ai, ma au mu-  
 lumuluina, ona ou vaai lea:  
 12 Ona fai atu lea o i latou ia  
 te ia, O ifea o i ai o ia? Ua  
 faapea mai ia, Ou te lei iloa:  
 13 Ona taitaina lea e i la-  
 tou, o le na tauaso i le au  
 14 faresaio. (O le aso sa foi  
 na fai ai e Iesu le palapala,

ma faapupula i ona mata.)  
 Ona toe fesili lea o le au fa- 15  
 resai o ia te ia. Pe na faa-  
 pefea ona faapupulaina ona  
 mata. Ua faapea mai ia ia  
 te i latou, ua tuu mai ia le  
 palapala i o'u mata, ua au  
 mulumuluina, o lenei ua ou  
 vaai. Ona fai ane lea o isi 16  
 o le au faresai, E le se  
 mai le Atua lenei tagata,  
 aua e lei toaga ia i le aso  
 sa. A ua faapea isi, Pe  
 mafai e se tagata agasala  
 ona fai o faailoga faapena?  
 O lea ua vaeluaina ai i la-  
 tou. Ona toe faapea atu 17  
 lea o i latou i le tauaso, Pe  
 se a lau tala ia te ia, aua na  
 faapupula ia i ou mata?  
 Ua faapea mai ia, O le pe-  
 rofeta lava ia.

A e lei tali tonu Iutaia 18  
 ia te ia na tauaso o ia, ma  
 ua faapupulaina, seia vala-  
 auina e i latou o mātua o le  
 tagata na faapupulaina ona  
 mata. Ona fesili atu lea ia 19  
 te i laua, ma faapea atu,  
 Poo la oulua tama lenei,  
 lua te fai mai ai, ua tauaso  
 ina o fanau mai? Pe na 20  
 faapefea ona vaai ai nei?  
 Ua fai mai ona mātua ia te  
 i latou ua faapea mai. Ua  
 ma iloa, o la ma tama lenei,  
 na tauaso foi ina o fanau  
 mai. A e ma te lei iloa pe 21  
 na faapefea ona vaai nei; ma  
 te lei iloa foi po o ai lē na  
 faapupula ia te ia. Ua ma-  
 tua ia; fesili atu ia ia te ia,  
 ina ia tautala atu o ia ia te  
 ia. Na tautala atu ona mā- 22  
 tua faapea, aua ua la fefefe

i Iutaia, auā foi ua iu le fo-  
 no a Iutaia, ua faapea, Afai  
 e tau e se tasi, O le Mesia  
 ia, ona tuu ai lea o ia i tua.  
 23 O le mea lea, na faapea atu  
 ai ona mātua, ua matua ia,  
 ia outou fesili atu ia te ia.  
 24 O lenei ua latou toe valaau  
 i le tagata sa tauaso, ma faa-  
 pea atu ia te ia, Vivii atu ia  
 i le Atua. Ua matou iloa  
 o le tagata agasala lenei.  
 25 Ona fai mai ai lea o ia, ua  
 faapea mai, Ou te le iloa pe  
 se agasala ia, a o le mea e  
 tasi ua ou iloa, na au tauaso  
 au, a o lenei ua ou vaai.  
 26 Ona toe faapea atu lea o i  
 latou ia te ia, Pe se a le  
 mea na ia faia ia te oe? Na  
 faapefea ea ona faapupulaina  
 27 ou mata? Ua faapea mai  
 ia ia te i latou, Ua uma le  
 faailo atu ia te outou, a e  
 tou te lei faalogo lava. Pe  
 se a le mea tou te mananao  
 ai e toe faalogologo mai?  
 Tou te mananao ea e fai ma  
 28 ona soo? Ona faifai lea i  
 latou ia te ia, ua faapea atu,  
 o oe lona soo, a o i matou  
 nei, o le au soo o Mose o i  
 29 matou. Ua matou iloa, ua  
 fetalai mai le Atua ia Mose;  
 a o lenei tagata, matou te le  
 30 iloa pe mai fea ia. Ua tali  
 mai le tagata ma faapea mai  
 ia te i latou, O le mea e ofo  
 ai lenei, e lei iloa e outou  
 mai fea ia, ui lava ina faa-  
 pupula mai e ia o'u mata.  
 31 Ua tatou iloa foi, e le faa-  
 fofoga le Atua i e agasala,  
 a e peitai a mata'u se tasi  
 i le Atua, ma tali atu i lona

finagalo, ona faafofoga mai  
lea ia te ia. E lei iloa lava 32  
talou le amataga o le lalolagi,  
ona faapupulaina e se tasi o  
mata o se na fanau mai o  
tauasos. Ana le mai le Atua 33  
lenei tagata, na te le mafaia  
se mea e tasi ona fai. Ua 34  
latou tali atu ma faapea atu  
ia te ia. Ua e fanau mai  
ma le sala lava, e te aoao  
mai ea ia te i matou? Ona  
tulua lea o ia e i latou i fafo.

Na faafofogaina e Iesu 35  
ua tulua ia e i latou, ua toe  
iloa foi o ia ma faapea atu  
ia te ia, Po ua e faatuatua  
i le Atalii o le Atua? Ua 36  
tali mai o ia ma faapea mai  
Le Alii e, o ai ea ia, ina ia  
ou faatuatua i ai? Ua fe- 37  
talai atu Iesu ia te ia, Ua e  
vaai ia te au, O au foi lenei  
ta te tautala nei ma oe, Ona 38  
faapea mai lea o ia, Le Alii  
e, Ua au faatuatua; ona  
punou lea o ia i ai. Ona 39  
faapea ane ai lea o Iesu, O  
le faamasinoga, o le mea lea  
na au sau ai i le lalolagi  
nei; ina ia latou vaavaai o  
e le vaavaai, ia faatauaso  
foi i latou o e vaavaai. Na 40  
faalogologo i nei mea isi o  
le au faresaio, sa latou i ai  
ma ia, ua faapea mai i latou  
ia te ia, Ua matou tauaso  
ea foi? Ua faapea atu Iesu 41  
ia te i latou, Afai ana ou-  
tou tauaso ua lei sa outou  
sala; lenei o loo faapea ou-  
tou, Matou te vaai; o lena  
e tumau pea ai la outou sala.

## O LE MATAUPU X.

*O Iesu le leoleo mamoe lelei.*

1 **E** MONI, e moni, ou te  
fai atu ia te outou, o le  
le ulu atu i le faitotoa i  
totonu o le lotoa mamoe, a  
e alu ae ese i ai, o le gaioi  
2 lea ma le faasaua. O le  
leoleo mamoe, e ulu atu  
3 lava ia i le faitotoa. E to  
mai i ai le puipui e le leoleo  
faitotoa; e faalogologo foi  
o mamoe i lona leo. E va-  
laau ia i ana lava mamoe i  
o latou igoa; e taitai foi e  
4 ia i latou. Pe a tunina i  
fao i ana lava mamoe, e  
muamua atu ia i ai. Ona  
mulimuli atu ai lea o ma-  
moe ia te ia, aua e iloa e i  
5 latou lona leo. E le muli-  
mulu atu i latou i se tagata  
ese, a e sosola ese ai, aua  
latou te le iloa leo o tagata  
6 ese. Ua tala atu Iesu ia te  
i latou i lenei faataoto, a e  
lei lagona mai e i latou i  
mea na na talaina atu ia te  
7 i latou. Ona toe fetalai atu  
lea o Iesu ia te i latou,  
E moni, e moni, ou te fai  
atu ia te outou, o au lenei  
o le faitotoa o le lotoa ma-  
8 moe. O i latou atoa na  
muamua ia te au, o gaioi  
latou ma faasaua. A e lei  
faalogo mamoe ia te i latou.  
9 O au nei o le faitotoa: afai  
e ulu mai se tasi ia te au, e  
faaolaina ia, e faamasani ai,  
e maua foi e ia le mea e ai.  
10 Pe a sau le gaioi, e sau lava  
e gaioi ai; e fasi ai, e faauma

ai; ua au sau ina ia latou maua le ola, ia maua atili ai lava.

O au le leoleo mamoe 11 lelei; e tuu ifo e le leoleo mamoe lelei lona ola, o le sui o mamoe. A o le leoleo 12 ma faifetaui, e le o le leoleo moni foi lea, e le ni ana mamoe; a vaai atu ia i le luko ua sau ona lafoai lea e ia o mamoe ma sola; ona sau lea o le luko, e feūta ma faasalalauina mamoe. E 13 sola le faifetaui, aua o le faifetaui lava ia, e le toaga foi i mamoe. O au nei o le 14 leoleo mamoe lelei; ua ou iloa a'u mamoe, ua iloa foi a'u e a'u mamoe: Pei ona 15 iloa au e le Tamā, ma au iloa foi le Tamā. Ou te tuuina ifo lo'u ola ma sui o mamoe. Ua ia te au foi 16 isi mamoe, e le o i lenei lotoā; e tatau ia te au ona taitai mai i ai. E faalogologo foi i latou i lo'u nei leo; Ona tasi ai lea o le fagagāmamoe, ma le leoleo mamoe e toatasi. O le mea 17 lea e faapelepele mai ai le Tamā ia te au, aua ou te tuuina ifo lo'u ola, ina ia ou toe tago i ai. E leai 18 se tasi na te aveeseina, a e peitai au, ou te tuuina ifo lava. O ia te au le pule e tuuina ifo lava, o ia te au foi le pule e toe tago i ai; na au talia lenei poloaiga mai lo'u Tamā.

Ona toe vaeluaina lea o 19 Iutaia i nei upu. Ua faa- 20 pea ni toatele, o loo o i

totonu ia te ia se temoni, o le vale ia; pe se a le mea tou te faalogologo ai ia te 21 ia? A'ua faapea mai isi, O upu nei e le a se tagata ua uluitinoia: e mafai ea e se temoni ona faapupula i mata o tauaso?

22 Ua fai i Ierusalem le nunu o le faaulufalega, o le 23 tau maalili foi. Ua savali- vali Iesu i le malumalu; i le faapaologa o Solomonai.

24 E i ai ona vagavaga ai e Iutaia ia te ia, ua latou faa- pea atu ia te ia, E te faale- tonu mai ia te i matou seia afea? Afai o oe o le Mea, ia matua ta'u tino mai ia te

25 i matou. Ua tali mai Iesu ia te i latou. Ua uma ia'u tala atu ia te outou, a'ua outou le tali tonu mai lava. O galnega sa au faia, i le suafa o lo'u Tama, e mōf-

26 mau mai ia ia te au. A'le tou te le tali tonu mai lava outou, aua e le ni au ma- moe outou, pei ona au fai

27 atu ia te outou. O au ma- moe e faalogologo mai i lo'u leo, ou te iloa foi i latou; latou te mulimuli mai foi ia te au. Ou te avatu le ola le uma ia te i latou.

28 Latou te le oti lava, e le mafai lava e se tasi ona fao ia te i latou ai lo'u lēna.

29 Lo'u Tama ua na foai mai ai ia te au, e sili ia i mea uma atoa; e le mafai e se tasi ona fao ai le lēna o 30 lo'u Tamā. O au nei ma le Tamā, o i maua lava e tasi.



Ua toe fetagofi tagata 31  
Iutaia i maa, e fetogi ia te  
ia. Ona faapea atu lea o 32  
Iesu ia te i latou, E tele  
galuega lelei ua au faaali  
atu ia te outou na, mai lo'u  
Tamā; o se fea ea o ia  
galuega tou te fetogi mai ai  
i au. Ua tali mai o Iutaia 33  
ia te ia, ma faapea mai, E  
leai se galuega lelei matou  
te fetogi ai oe, na o le fai-  
fai; aua o oe o le tagata,  
ua e faa-Atua oe. Ua tali 34  
atu Iesu ia te i latou, E le  
tusia ea i la outou tulafono,  
Na taus outou e au o Atua?  
Afai na taus i latou e ia o 35  
Atua, e ua i ai le afiga a  
le Atua; e le mafaaleao-  
gaina foi le upu a le Atua;  
Tou te faapea ea ia te ia o 36  
le na faasaina ma auina mai  
o le Tamā i lalo nei, Ua e  
fifai, aua ua au faapea atu,  
O au nei o le Atalii o le  
Atua? Afai ou te le fai le 37  
galuega a lo'u Tamā, aua  
tou te tali tonu mai ia te  
au. A e pe afai ou te faia 38  
lava, e ui lava ina outou le  
tali tonu mai ia te au, ia  
outou tali tonu pea i le ga-  
luega; ina ia iloa e outou,  
ma ia tali tonu foi, o i to-  
tonu ia te au le Tamā, o au  
fai o i totonu ia te ia.

Ona toe saili lea e i latou 39  
e pue ia te ia, a ua alu ese  
ia na i o latou lima. Ua 40  
toe malia ane Iesu e lata  
ane i Ioritana, i le mea na  
aluai papatiso ai e Ioane;  
ua nofo ai. Ona o mai lea 41  
ia te ia e toatele, ua faapea

foi i latou, E leai lava se  
faailoga na faia e Ioane, a  
o mea atoa uma na tala mai  
e Ioane ia te ia nei, e moni  
42 ia. E toatele foi e na faa-  
tuatua ai ia te ia.

## O LE MATAUPU XI.

*Ua toe faaolaina Lasalo.*

1 U A ma'i le tasi tagata, o  
Lasalo, le Petania, o  
le aai a Maria ma lona uso  
2 o Mareta. O le Maria lea  
foi na na u'u le Alii i le  
lolo, ua solo'i foi ona vae i  
lona lauulu, o loo ma'i lona  
3 tuagane, o Lasalo. Ua  
feau atu e ona tuafafine ia  
te ia, ma faapea atu, Le  
Alii e, faauta o loo ma'i o  
4 le faapelepeleina e oe. Ua  
silafia e Iesu, ona faapea lea  
o ia, o lenei ma'i e le iu ina  
oti, a ona o le viiga o le  
Atua, ina ia viia ai o le  
5 Atalii o le Atua. Na alofa  
lava Iesu ia Mareta, ma  
lona uso, ator ma Lasalo.  
6 Na faapea foi ia, ina ua iloa  
o loo ma'i ia, ua nofo ai  
pea e lua ona aso i le mea  
7 sa i ai. Mulimuli ane la  
lea, ua faapea atu ia i ona  
soo, Ia tatou toe o i Iutaia.  
8 Ona faapea mai lea ona soo  
ia te ia, Rapi e, o loo saili  
tagata Iutaia e fetogi ia te  
oe, e te toe afio atu ea i ai?  
9 Ona tali atu lea o Iesu, E le  
i le aso ea e sefulu ma le  
lua ona ituaso. Afai e ta-  
fatafao se tasi i le ao, e le  
tausuai ia, auā o vaai ia i le

malamalama o lenei lalolagi. A e afai e tafatafao 10  
se tasi i le po, e tausui ia,  
aia e leai se malamalama ia  
te ia. Na mavae atu lena 11  
upu, ona faapea atu lea ia ia  
te i latou, O loo moe la  
tatou uo pele, o Lasalo, a e  
ou alu e fafagu ia te ia.  
Ua faapea mai ona soo, Le 12  
Alii e, afai o moe ia, e ma-  
lolo ai. Na fetalai Iesu i 13  
le oti o Lasalo, a ua latou  
masalo na fetalai ia i le  
taoto ma moe. Ona matua 14  
tau tino atu lea e Iesu ia te  
i latou, Ua oti Lasalo. Ou 15  
te olioli foi ona ou te lei i  
ai, ona o outou, ina ia outou  
tali tonu mai: a e tatou o  
ia ia te ia, Ua fai atu Toma, 16  
o le na taua foi o Titumo,  
i lona au uso a soo, Tatou  
te o foi, ina ia tatou oti ma  
ia.

Ua oo atu Iesu i *Petania*, 17  
ona iloa lea ua aso fa ona  
tuu i le tuugamau. Ua va- 18  
valalata *Petania* ma Ieru-  
salema, pe sefulu ma le  
lima o setatio. E toatele 19  
foi o Iutaia na o atu i ai,  
ona o Mareta ma Maria,  
ina ia faamaise ia i lava ona  
o lo la tuagane. Na iloa 20  
foi e Mareta ona oo mai o  
Iesu, ua alu na te faafetaiai  
ia, a ua nofo Maria i le fale.  
Ua faapea atu Mareta ia 21  
Iesu, Le Alii e, ana e iinei,  
po ua le oti lo'u tuagane.  
A e peitai ua ou iloa, o 22  
mea uma e te isia i le Atua,  
e foai mai e le Atua ia te oe.  
Ua fetalai mai Iesu ia te ia, 23

24 E toe tu lou tuagane. Ua  
fai mai Mareta ia te ia, Ua  
ou iloa, e toe tu lava ia i le  
toe tu i le aso gataaga.  
25 Ona fetalai atu lea o Iesu  
ia te ia, O au nei o le toe  
tu ma le ola; o lē faa-  
tuatua mai ia te au, ui lava  
26 ina oti, a e ola lava ia. O  
tagata ola uma, o e faatua-  
tua mai ia te au, e le oti  
lava e faavavau: po ua e  
tali tonu mai i lenei mea?  
27 Ona faapea mai lea o ia;  
Ioe, le Alii e, ua ou tali  
tonu lava, o oe le Mesia le  
Atalii o le Atua, o loo san-  
28 i le lalolagi. Na mavae  
atu nei upu, ua alu ane ia  
e valaau lemu i lona uso, o  
Maria; ua faapea atu, Ua  
oo mai le aoao, ua fai mai  
29 e te alu ane. Na faalogo  
ia, ona vave tu lea i luga,  
30 ua alu ia te ia, A o lei alu  
ane foi Iesu i le aai, a o i le  
mea lava na la fetai ai ma  
31 Mareta. O lea foi, o taga-  
ta Iutaia, sa i le fale ma ia;  
na faamaise ia te ia, ua vaai  
atu ia Maria ua vave tu i  
luga ma alu i fafo, ona mu-  
limuli atu lea o i latou ia te  
ia, ua faapea ane, O le a alu  
ia i le tuugamau, e tagi ai.  
32 Ona oo lea o Maria i le mea  
o i ai Iesu; na vaai atu ia  
te ia, ua faapa'u i ona vae,  
o loo faapea atu ia te ia, Le  
Alii e, ana e iinei poo ua  
33 le oti lo'u tuagane. Na  
vaai atu foi Iesu ia te ia o  
loo tagi, ma tagata o Iu-  
taia, na o mai ma ia, o loo  
fetagisi, ua mutimuti vale

lona finagalo, ma oono tele ;  
 ona faapea atu lea, O ifea  
 na outou tuuina ai ia? Ua 34  
 faapea mai i latou ia te ia,  
 Le Alii e, afo mai ia, e te  
 silasila i ai. Ua tagi Iesu. 35  
 Ona faapea anc ai lea o ta- 36  
 gata o Iutaia, Faaata i le  
 tele o lona alofa ia te ia!  
 A o isi o i latou, ua faapea 37  
 ane, E le mafai ea e lena,  
 na ia faapupula i le tauaso,  
 ona vavao atu foi le oti o  
 lenei tagata? Ona toe 38  
 mutimuti vale lea o Iesu i  
 lona finagalo, ua oo i le  
 tuugamau. O le ana lea,  
 na tuuina foi le maa i lona  
 gutu. Ua fetalai atu Iesu, 39  
 Fuli ese atu ia le maa.  
 Ona faapea mai lea le tua-  
 fafine o le na oti, o Mareta,  
 Le Alii e, Faaata-na elo, o  
 lona po fa lenei. Ua feta- 40  
 lai atu Iesu ia te ia, Pe na  
 au le fai atu ea ia te oe,  
 Afai e te faatuatua, ona e  
 vaai atu lea i le mamalu o  
 le Atua? Ona latou ave 41  
 ese lea o le maa. Ona faa-  
 saga ae lea e Iesu ona fofoga,  
 ua faapea ana, Lo'u  
 Tamā e, ou te faafetai atu  
 ia te oe, auā na e faafofoga  
 mai ia te au. Ua ou iloa 42  
 foi e au, e te faafofoga mai  
 ia te au e le aunoa: o lea  
 foi na au faapea atu ai, ona  
 o le motu o tagata o loo  
 vagavaga ai, ina ia tali tonu  
 i latou, na e auina mai au e  
 oe. Ua mavae atu nei upu, 43  
 ona alaga lea o Iesu ua leo  
 tele, Lasalo e, ina sau ia i  
 fafo. Ona alu ai lea i fafo 44

o le na oti, o loo fusifusia  
 ona vae ma ona lima i le ie  
 na tanuma'i, o loo fusifusia  
 foi ona mata i le soloi.  
 Ona fetalai atu lea o Iesu  
 ia te i latou, Tatala ia, ina  
 45 tuu atu ia e alu. O lea foi  
 e toatele o Iutaia, e na o  
 atu ia Maria, ina ua vaai  
 atu i mea na faia e Iesu, ua  
 46 faatuatua ia te ia. A o isi  
 o i latou, ua o atu i le au  
 faresaiio, ma faailo atu ia  
 te i latou i mea na faia e  
 Iesu.  
 47 Ona fai lea o le fono e le  
 au osi taulaga sili ma le au  
 faresaiio; ua latou tautala-  
 tala ai faapea, Se a sa tatou  
 mea e fai? Aua lela taga-  
 ta, ua fai faailoga e tele.  
 48 Afai tatou te tuu ai pea ia,  
 e faapea lava pea, e faatua-  
 tua ia te ia tagata uma  
 lava; e o mai foi tagata o  
 Roma: ona tinei lea o a  
 tatou mea atoa ma lo tatou  
 49 nuu. Na o le tasi o i latou,  
 o Kaiafa, o le osi taulaga  
 sili ia i lea tausaga, ua fai  
 50 atu ia te i latou, Tou te  
 le iloa lava se mea e tasi;  
 tou te le mafaufau foi, e  
 aoga lava ia te i tatou ona  
 oti o le tagata e toatasi ma  
 sui o le nuu; ina nei faau-  
 51 matia le nuu uma lava. E  
 lei fai atu fua ia i lea mea,  
 a e auā o le osi taulaga sili  
 ia i lea tausaga, o lea foi  
 na iite ai ia, a oti Iesu, o le  
 52 sui o le nuu. E le gata foi  
 i lea nuu, a ia faapotopoto-  
 ina, ia faatasi, le fanau a  
 53 le Atua na taaapeape. Ta-

Iu foi i lea aso ua latou taupulepule faatasi e fasioti ia te ia. Lenei foi, e 54 lei toe savali faaaliali Iesu i luma o tagata o Iutaia, a ua alu ia i le oganuu lata ane i le fanua tuufua, i le aai na taua o Efaraima, ua nofonono ai ma ona soo.

Na lata mai le paseka o 55 Iutaia, e toatele mai oganuu ua o ae i Ierusalem a i le paseka, ina ia latou faasa ia te i latou. Ona 56 latou saili lea o Iesu ua fetautalatalaai foi ina o latou o tutu i le malumalu, Pe ni a fa te outou? E le sau ea ia i le tausamiga nei? Ua pule foi le au osi tau- 57 laga sili, ma le au faresaio, Afai ua iloa e se tasi poo fea o i ai ia, ia faailo atu ia, ina ia latou pueina atu ai.

## O LE MATAUPU XII.

*Ua afio Iesu i Ierusalem.*

U A toe ona aso i le fai 1 ai le paseka; ona oo atu lea o Iesu i Petania, e i ai Lasalo, na oti, na na toe faatu ia na i e ua oti. Ona sauni ai lea e i latou 2 le faiga-ai mana; na auauna ai Mareta: o Lasalo foi le isi o e na aai faatasi ma ia. Ona tago ai lea o 3 Maria i le litara o le lolo nato maugata; ona u'u ai lea o vae o Iesu, ma soloi ona vae i lona lauulu. Ua tumu foi le fale i le nanamu

4 manogi o le lolo. Ona fai ane lea le isi o ona soo, o Luta le atalii o Simona le Sikara, o lē faalata ia te ia; 5 Pe se a le mea na le faatau ai lena lolo i tenari e tolu selau, ma avatu i e matititiva? E lei faapea ane ia, 6 aua na alofa ia i e matititiva, a e auā o le gaioi ia, ua ia te ia foi le ete, ma mea na 7 fafao ifo ai. O le mea lea, na faapea mai ai Iesu, Tuu pea ia ia te ia; ua tuu e ia lenei mea i le aso o le teu- 8 teuga o lo'u tanuga. E ia te outou pea le au matititiva, a o au, ou te le i ai pea ia te outou. 9 Na iloa e le motu o tagata Iutaia e toatele le mea sa i ai ia, ona o atu lea o i latou; e le ona o Iesu lava, a e ina ia latou maimoa foi ia Lasalo, na ia toe faatu 10 nai e ua oti. Na taupulepule foi le au osi taulaga sili, e fasioti ia Lasalo. 11 Aua e toatele tagata Iutaia na o ese ona o ia, ma faatua- tua ia Iesu. 12 Na oo i le taeao, ua iloa e le motu o tagata, na o i le tausamiga, ua oo Iesu i 13 Ierusalem, Ona avea lea e i latou o la o pama; ua o e faafetaiai ia te ia, ona latou alaloga lea, Osana! Amuia lava ia o lē afio mai i le suafa o Ieova, o le Alii ia 14 o Isarela. Ua maua e Iesu le tamai asini, ona tietie ai lea faapei o le na tusia, 15 Aua e te fefe, le afafine e o Siona, faauta e afio mai lou

Alii, o loo tietie i le tamai  
asini. Ua le iloa e ona soo 16  
nei mea i le fuataiga, peitai  
na faamamaluina o Iesu,  
ona latou faamanatu lea ua  
tusia nei mea i ai; ua latou  
fai foi nei mea ia te ia.  
Ona moliman ai lea o le 17  
motu o tagata, sa i ai ma  
ia, ina o valaauina e ia o  
Lasalo mai le tuugamau, na  
toe faatu mai foi ia na i e  
ua oti. O le mea lea na 18  
fetaiai ai ma le motu o taga-  
ta, aua ua latou faalogologo  
na ia fai lenei faailoga. O 19  
lea foi na fetalai ai le au  
faresajo ua faapea, Tou te  
le iloa ea, ua tatou le faia  
lava se mea aoga. Faauta!  
ua mulimuli atu ia te ia le  
lalolagi nei.

O isi Eleni foi o e na o ae 20  
e tapuai ai i le tausamiga.  
Ua latou o ane ia Filipino, o 21  
le Petesaita i Kalilaia ia,  
ua latou ole atu ia te ia, ma  
faapea atu, Le Alii e, ma-  
tou te mananao e maimoa  
ia Iesu. Ona alu ane lea o 22  
Filipo ma faailoa atu ia  
Aneterea: ona ta'u atu ai  
lea e Aneterea ma Filipino  
Iesu. Ua tali atu foi Iesu 23  
ia te i latou, ma faapea atu,  
Ua oo mai i ona po, e ma-  
malu ai le Atalii o le taga-  
gata. E moni, e moni, ou 24  
te fai atu ia te outou, Afai  
a e le pa'u le fua saito i le  
eleele ma mate ai, e tumau  
pea o le mea e tasi; a e pe  
afai e mate, ona fuai lea o  
fua e tele. O le faapelepele 25  
i lona ola, e maumau ai, a

o le inoino i lona ola i lenei  
lalolagi, e leoleo ai ia ia oo  
26 i le ola faavavau. A ma-  
nao se tasi ona auauna mai  
ia te au, ia mulimuli mai ia  
ia te au; o i le mea ou te i  
ai au, e i ai foi la'u auauna:  
pe a auauna mai foi se tasi  
ia te au, ona viia lea o ia e  
27 le Tamā. O loo ātu nei  
lo'u loto, pe se a se mea ou  
te faiina atu? Ou te faa-  
pea ea, Lo'u Tamā e, faaola  
mai ia te au i ona po nei,  
28 A e peitai o lenei lava le  
mea na au oo mai ai i ona  
po nei. Lo'u Tamā e, vivii  
ia i lou suafa. Ona sau ai  
lea o le leo mai le lagi, Ua  
au vivii i ai, ou te toe vivii  
29 foi i ai. Ona faapea ai lea  
o le motu o tagata sa tutu  
ma faalogologo i ai, O loo  
ua faititili; a ua fai mai isi,  
na fetalai se agelu ia te ia.  
30 Ona fetalai lea o Iesu ma  
faapea atu, E lei sau lenei  
leo ona o au; a ona o outou.  
31 O loo fai nei le faasala o  
lenei lalolagi, e tulia nei le  
32 taitai o lenei lalolagi. O  
au foi a faamaualugaina au  
i le fanua nei, ou te tosina  
uma mai tagata ia te au.  
33 Ua fai ane ia lea upu e faa-  
iloa ai le uiga o lona oti, o  
34 le a oti ai ia. Ona tali mai  
lea o le motu o tagata ia te  
ia, ua matou iloa i le tusi  
tulafono, e tumau pea le  
Mesia e faavavau, a se a  
foi na e fai mai ai, E tatau  
ai ona faamaualugaina le  
Atalii o le tagata? O ai  
ea lenei Atalii o le tagata?

Ona fetalai atu lea o Iesu ia 35  
te i latou, E le tuai ona ia te  
outou le malamalama; sava-  
vali ia manu o malamalama,  
nei maua outou e le pogisa;  
o lē savali i le pogisa e le  
iloa e ia le mea e alu ai.  
Ia tali lelei atu i le mala- 36  
malama, manu o malamala-  
ma; ina ia avea o outou ma  
fanau a le malamalama. Ua  
fetalai nei mea e Iesu, ona  
alu ane lea faalilolilo ia i  
latou.

Na faapea ona faailoga 37  
na na faia i o latou luma, a e  
lei faatuatua i latou ia te ia,  
Ina ia taunuu ai le upu a 38  
Isaia le perofeta; na faapea  
mai, Ieova e, o ai ea na tali  
tonu i lo matou ganagana?  
Na faaali atu foi ia te ai le  
aao o Ieova? E le mafai 39  
foi e i latou ona tali tonu,  
aua foi na toe faapea mai  
Isaia, Na ia faatauasoina 40  
o latou mata, ua na faa-  
maaina o latou loto, nei  
vaai o latou mata, nei iloa  
e so latou mafaufau, nei  
liliuina foi, ma au faamalo-  
loina. Ua fai mai nei mea 41  
e Isaia ina o vaai atu o ia i  
lona mamalu ma folafola  
mai foi ia te ia. A e peitai 42  
e toatele o taitai silisili na  
faatuatua ia te ia, a e lei  
faaali atu ai, ona o le au fare-  
saio, nei tulia i latou i le  
sunako. Aua e faasilisili o 43  
latou loto i le viiga o tagata,  
i o latou loto i le viiga o le  
Atua. Ua alaga atu foi 44  
Iesu ma fetalai atu, O lē  
faatuatua mai ia te au, e

le faatuatua mai ia ia te au,  
a e ia te ia na auina mai au.  
45 O lē vaai mai foi ia te au,  
e vaai atu foi ia te ia na  
46 auina mai au. Ua au sau  
o le malamalama o le lalo-  
lagi nei, ina ia le tumau pea  
i le pouliuli se tasi e faa-  
47 tuatua mai ia te au. Afai  
foi e faalogologo se tasi i  
a'u upu, a e le tali tonu i ai  
ou te le faasala ia te ia, aua  
ou te lei sau e faasala i le  
lalolagi, a ia ou faaolaina le  
48 lalolagi. O lē faatea mai ia  
te au, na te le talia foi au  
upu, o ia te ia le tasi na te  
faasalaina ia: O le upu na  
au folafolaina atu e faasala  
lea ia te ia i le aso gataaga.  
49 Aua ou te le aao, na o au;  
a o le Tamā na auina mai  
au, na ia pule mai ia te au  
i mea ou te fai atu ai, ma  
50 mea ou te aaoina ai. Ua  
ou iloa foi o lana lava pule  
o le ola le uma lea. O lea  
foi o mea ou te aaoina,  
faapei ona fai mai ai le  
Tamā ia te au, e faapea foi  
ona ou aaoina.

### O LE MATAUPU XIII.

*Ua mulumulia e Iesu o vae o  
ona soo.*

1 **A** O lei oo i le tausamiga  
paseka, o loo silafia e  
Iesu ua oo mai ona po, ina  
ia tuua ai e ia lenei lalo-  
lagi, a e alu i le Tamā;  
aua ua na faapelepele i ona  
o i ai i le lalolagi, ua ia  
faapelepele i ai ina seia oo i

le gataaga. Sa fai le aiga 2  
afafi, (ua tuu foi e le tiapolo  
le manatu i le loto o Iuta le  
Sikara, o le atalii o Simona  
e faalata ia te ia;) Ua 3  
silafia e Iesu ua tuuina mai e  
le Tamā mea uma lava i  
ona lima; ua maliu mai foi  
ia mai le Atua; a toe maliu  
atu foi i le Atua. Ona tu 4  
lea o ia i luga i le aiga, na  
tau ese lona ofu, ua tago i  
le ie, ua lavalava. Ona 5  
liligi lea e ia o le vai i le  
ipu mulumulu, ma mulu-  
mulu i vae o ona soo, ma  
soloi ai i le ie na ia lava-  
lava ai.

Na oo atu ia ia Simona 6  
Petelu, a ua fai mai ia ia te  
ia, Le Alii e, e te mulumulu  
mai ea e oe i o'u vae? Ua 7  
fetalai atu Iesu ia te ia,  
ua faapea atu, o le mea ou  
te faia e au, e te le iloa nei e  
oe, a e mulimuli ane e te  
iloa. Ua fai mai Petelu 8  
ia te ia, aua e te mulu-  
mulu mai o'u vae e oo  
ia le tu lava. Ona fetalai  
atu lea o Iesu ia te ia,  
Afai ou te le mulumulu  
atu ia te oe, e leai sou tofi  
ia te au. Ona faapea mai 9  
lea o Simona Petelu, Le  
Alii e, aua lava le tau o'u  
vae, a o'u lima foi, atoa ma  
lo'u ulu. Ona faapea atu 10  
lea o Iesu ia te ia, O lē ua  
taele, e le tatau ona mulu-  
mulu a e tau o ona vae,  
ona mama foi outou, a e lei  
atoa uma. Aua ua silafia e 11  
ia lē na te faalataina ia;  
o lea foi na fai mai ai,

E lei mama outou uma  
lava.

- 12 Ua uma ona mulumulu-  
ina o latou vae, na toe tago  
foi i lona ofu ma taoto, ua  
faapea atu ia te i latou, Ua  
outou iloa ea le mea sa au
- 13 faia nei? Tou te tautauina  
mai au, o le aao ma le  
Alii; ua lelei ia outou e  
fai mai na, aua o au lava
- 14 lea. Afai foi o lo outou  
Alii au, mā aao, na au  
mulumuluina o outou vae e  
au; e tatau ia te outou ona  
femulumuluai o outou vae.
- 15 Ua au avatu le faaaoa ia  
te outou, ina ia faapei ona  
au faia ia te outou, ia faa-  
pea lava e outou ona fai.
- 16 E moni, e moni, ou te fai  
atu ia te outou, E lē sili  
le auauna i lona alii; e  
le sili foi le auina e ana le
- 17 feau. Afai ua outou iloa  
nei mea, amuia outou pe a  
outou faia.
- 18 Ou te le tautala atu ia te  
outou uma, aua ou te iloa o  
e na au filifilia: a e peitai  
ia taunuu ai le na tusia, O  
le 'ai faatasi ma au, o loo  
a'a mai ia ia te au i lona
- 19 mulivae. E amata foi i  
lenei ona ou muai fai atu  
ai ia te outou, ina ia outou  
tali tonu mai, pe a taunuu,
- 20 o au lava o ia. E moni,  
e moni, ou te fai atu ia  
te outou, o lē tali mai ia te  
ia ou te auina atu ai, e talia  
foi e ia o au; o lē tali mai  
ia te au, e talia foi e ia le  
na auina mai au.
- 21 Na fetalai Iesu i nei

mea ua mutimuti vale lona finagalo ona tau tino atu lea ia, ma faapea atu, E moni, e moni, ou te fai atu ia te outou, e faalataina au e le tasi o outou na. Ona 22 fevaaiia lea o le au soo, ma latou femasalosaloai pe na fetalai mai ia ia te ai. Na 23 faalagolago foi le tasi o ona soo i le fatafata o Iesu, e le na faapelepeleina e Iesu. Ona negonego lea o Si- 24 mona Petelu ia te ia, e fesili atu po o ai le fai mai na i ai. Ona fai atu lea le 25 na faalagolago i le fatafata o Iesu ia te ia, Le Alii e, o ai ea? Ua tali mai Iesu, o 26 lala, o le a ou fuia sina mea e ai, ou te avatu ia te ia. Ona fufui lea o le mea, ma avatu ia Iuta le Sikara, le atalii o Simona. Na mavae le fuiga, ona 27 aluitinoia lea e Satani o lea tagata. Ua faapea atu Iesu ia te ia, O mea. a e fai, ia vave ia ona fai. A 28 e lei iloa e se isi o i latou sa taoto, le mea na ia fai atu ai faapea ia te ia. Aua ua 29 masalo isi na fetalai atu Iesu i le ete tupe, sa ia Iuta; pe na fai atu Iesu ia te ia, Ina faatau mai ia ni mea e tatau ia te i tatou i le tausamiga; pe e avatu sina mea i le au matitiva. Na talia foi e ia le mea na 30 fufui, ona vave alu lea o ia i fafo; ua po foi.

Na alu ia i fafo, ona 31 faapea lea o Iesu, O loo viaa nei le Atalii o le taga-

ta, o loo viaa foi e ia le 32 Atua. Afai foi e viaa e ia le Atua, ma vivii mai le Atua e ia lava ia te ia, e vave foi ona vivii ia ia te 33 ia. La'u fanau e, e tae ititi lo'u nofo ia te outou, tou te ssili mai ia te au, 'a e pei ona au fai atu i tagata o Iutaia, I le mea ou te alu i ai, tou te le lavā e outou ona o i ai; faapea lava foi ona ou fai atu nei ia te 34 outou. O le poloaiga fou, ou te tutu atu ia te outou, ia outou fealofani; ia faapei e au ona alofa atu ia te outou 35 lo outou fealofani. Ona iloa lea e tagata uma lava, o o'u soo outou na, pe a 36 outou fealofani. Ona fai mai lea o Simona Petelu ia te ia, Le Alii e, po o ifoa le mea e te maluu atu i ai? Ua tali atu Iesu ia te ia, I le mea ou te alu i ai, e le lavā e oe ona mulimuli mai nei, a o se aso e te mulimu- 37 li mai ai ia te au. Ona fai mai lea o Petelu ia te ia, Le Alii e, pe se a le mea ou te le lava ai ona mulimuli atu nei ia te oe? Ou te tuuina lava lo'u ola ona 38 e oe. Ua tali atu Iesu ia te ia, E te tuuina ea lou ola ona o au? E moni, e moni, ou te fai atu ia te oe, e le vivini le mea, seia e faafiti faatolu mai ia te au.



## O LE MATAUPU XIV.

*Ua faamafanafana atu Iesu i ona soo.*

**A**UA le atuatuvaale o 1  
outou loto; ia outou  
faatuatua i le Atua, faatua-  
tua mai ia foi ia te au. E 2  
tele maota i le afoaga o  
lo'u Tamā; ana leai, ua au  
fai atu ia te outou: ou te  
alu e sauni ai se mea e nofo  
ai mo outou. Afai foi ou 3  
te alu ma sauni se mea e  
nofo ai mo outou, ou te toe  
sau, ou te talia mai foi ou-  
tou, ina ia i le mea ou te i  
ai au, ia i ai foi outou. Ua 4  
outou iloa le mea ou te alu  
i ai, ua outou iloa foi le ala.  
Ona fai mai lea o Toma ia 5  
te ia, Le Alii e, matou te  
le iloa le mea e te alu i ai,  
matou te mafaia faapefa  
ona iloa le ala? Ua tali 6  
atu Iesu ia te ia, O au nei  
le ala, ma le mea moni, ma  
le ola; e le soso atu lava se  
tasi i le Tamā, pe a le ia te  
au. Ana iloa e outou au, 7  
ua iloa foi e outou lo'u  
Tamā; e amata foi i lenei  
aso ona iloa ia e outou; tou  
te vaai atu i ai.

Ona faapea atu lea o 8  
Filipo ia te ia, Le Alii e,  
ia e faailoa mai le Tamā ia  
te i matou, ona soia ai lea o  
i matou. Ona fetalai mai 9  
lea o Iesu ia te ia, Filipo e,  
le o ua loa ea lo'u ia te ou-  
tou o au? A e te lei iloa  
ea au? O ia e vaai mai ia  
te au, ua vaai foi ia i le

- Tamā; pe se a foi e te fai  
mai ai, Faailoa mai le Tamā  
ia te i matou? E te le iloa  
ea, o au e i totonu o le  
Tamā, o le Tamā foi e i  
totonu ia te au? O upu ou  
te aaoaina e au ia te outou;  
ou te le aaoaina, na o au;  
a o le Tamā o loo nofo i  
totonu ia te au, o loo fai nei  
11 galuega. Ia outou tali tonu  
mai ia te au, o au e i totonu  
o le Tamā, o le Tamā foi e  
i totonu ia te au; a leai, ia  
outou tali tonu mai ia te au,  
12 ona o ia galuega. E moni,  
e moni, ou te fai atu ia te  
outou, o lē faatuatua mai ia  
te au, e faia lava e ia o  
galuega ou te faia; e fai  
foi e ia mea e tele i nei mea,  
aua ou te alu i lo'u Tamā.  
13 O mea uma foi tou te ole  
atu ai i lo'u igoa, ou te faia  
lava, ina ia viia le Tamā e  
14 le Atalii. Afai tou te ole  
atu ai i se mea i lo'u nei  
igoa, ou te faia lava.  
15 Afai tou te loto mai ia te  
au, ia usiusitai mai i au  
16 poloaiga. Ou te faatoga  
atu foi i le Tamā, e foai  
mai ia te outou le tasi Fe-  
soasoani, ina ia tumau pea  
ia ia te outou e faavavau.  
17 O ia o le Agaga o le mea  
mon i, e le mafai e le lalolagi  
ona tali atu i ai, aua e le  
vaai atu i ai, e le iloa foi  
o ia; a o outou, ua outou  
iloa ia, aua e tumau pea ia  
ia te outou e i ai foi ia i  
18 totonu ia te outou. Ou te  
le tuua outou pei o mātua  
oti, ou te sau ia te outou.

E toe itilti ona le vaai mai 19  
lea le lalolagi ia te au, a e  
vaai mai pea outou ia te au.  
E ola outou aua ou te ola  
au. I lea aso e iloa e outou 20  
o au e i totonu o lo'u Tama;  
o outou foi o i totonu ia te  
au, o au foi e i totonu ia te  
outou. O lē maua au polo- 21  
aiga ma gauai i ai, o le loto  
mai lea ia te au; o lē loto  
mai foi ia te au, e lotoina  
atu ia e lo'u Tamā; ou te  
loto atu foi ia te ia, ou te  
faaali atu i au ia te ia. Ua 22  
fai atu ia te ia o Iuta, (e le  
o le Sikara lea,) Le Alii e,  
pe se a le mea o le a e  
faaali mai ai e oe ia oe ia  
te i matou, a e le i le lalo-  
lagi? Ona fetalai mai lea 23  
o Iesu, ua faapea mai ia te  
ia, Afai e loto mai se tasi ia  
te au, e gauai ia i la'u upu;  
e loto atu lo'u Tama ia te  
ia; e o mai foi i maua, ma-  
tatu te nonofo ma ia. O le 24  
lē loto mai ia te au, e le  
gauai ia i au upu. O le  
upu foi tou te faalogologo i  
ai, e le sa'u upu, a o la le  
Tamā na auina mai au.  
O mea ia ou te fai atu ai 25  
ia te outou, manū o tatou o  
nonofo. A o le Fesoasoani, 26  
o le Agaga Paia lea, e auina  
mai e le Tamā i lo'u igoa,  
o ia lava lea e aoao atu ia  
te outou i mea uma lava; e  
faamanatu mai foi i mea  
uma ou te fai atu ai ia te  
outou. Ou te tunina atu ia 27  
te outou le manuia; o lo'u  
manuia ou te avatu ia te  
outou: e le faapei ona avatu

e le lalolagi, ou te avatu ai  
ia te outou. Aua le atuale  
o outou loto; aua tou te  
28 matatau. Na outou faa-  
logologo mai, ua ou fai atu  
ia te outou, Ou te alu, ma  
au toe sau ia te outou. Ana  
outou loto mai ia te au, ona  
outou olioli ai lea i lo'u fai  
atu, ou te alu atu i le Tamā,  
aua e sili le Tamā ia te au.  
29 Ou te muai fai atu nei ia te  
outou, ina ia outou tali tonu  
30 mai, pe a taupuu. O le a  
ou le toe tautala atu ia te  
outou i ni upu e tele, aua o  
le a sau le taitai o le lalo-  
lagi, e leai foi sana mea o  
31 ia te au. Peitai ona ia iloa  
e le lalolagi nei, ou te loto  
atu i le Tamā, ma faapei  
ona poloai mai le Tamā ia  
te au, faapea lea ou te faia:  
Tutu ia i luga, ina tatou o  
ese ia.

## O LE MATAUPU XV.

*O le vine moni ma ona ia.*

1 **O** AU nei lava o le vine  
moni, o lo'u Tamā o le  
2 galue vine. O la uma lava  
o i ia te au, e le o fua, e  
ave eseina ia, a o la uma e  
fua, e teuteu e ia ia mama,  
3 ina ia fua ai atili. Ua uma  
foi ona faamamaina o outou  
i le upu na au aoacina atu  
4 ia te outou. Ina tumau ia o  
outou ia te au, ma au foi ia  
te outou. Faapei o le la e le  
mafua noa, pe afai e le man  
i le vine, e faapeaina foi  
outou, pe afai tou te le at-

man ia te au. O au nei lava 5  
o le vine, o la outou. O lē  
tumau ia te au, ma au ia te  
ia, e tele ona fua: aua e le  
mafaia e outou ona fai se  
mea, pe au le i ai. Afai e 6  
le tumau se tasi ia te au, ona  
lafaaiina lea o ia i fafo, pei  
o le la ua faapotopoina ma  
faapotopoto e tagata, ua  
lafa i le afi, ma susunu ai.  
Afai tou te tumau ia te au, 7  
a mau foi a'u upu ia te ou-  
tou, o mea uma lava tou te  
ele atu ai, e faia ia mo  
outou.

E viia lo'u Tamā i lenei 8  
mea, ia outou fua tele mai,  
ona fai ai lea outou ma o'u  
soo. Faapei o le Tamā 9  
ona loto mai ia te au, ma  
lo'u loto atu ia te outou, ia  
tumau pea outou i lo'u  
alofa. Afai tou te gauai 10  
mai i a'u poloaiga, ona  
tumau lea outou i lo'u alofa  
pei ona au gauai i poloaiga  
a lo'u Tamā ma tumau i  
lona alofa. Na au fai atu 11  
nei upu ia te outou, ina ia  
tumau ai lo'u olioli ia te  
outou, ia faatumuina foi  
outou i le olioli. O la'u 12  
poloaiga lenei ia te outou ia  
outou faalofani, pei o lo'u  
alofa atu ia te outou. E le 13  
sili lava se alofa o se isi i  
lenei, ia tuu ifo e se tasi  
lona ola, ma sui o ana uo  
pele. O a'u uo pele outou, 14  
afai tou te fai mea uma lava  
ou te poloaia atu ai ia te ou-  
tou. Ou te le toe ta'u atu o  
outou, o auauna, aua e le  
iloa e le auauna mea e faia

e lona matai; a ou te ta'u  
atu o outou, o uo pele, aua  
na au faailoa atu ia te ou-  
tou mea uma na au faalogo  
16 i ai mai lo'u Tamā. E le  
filifilia au e outou, a ua fili-  
filia outou e au. Na au  
tuuina atu foi outou, ia  
outou fua mai le fua, ma ia  
tumau foi lo outou fua: ina  
ia faaiina atu ia te outou e  
le Tamā, mea uma lava tou  
te ole atu i ai, i lo'u nei  
igoa.

17 Ou te poloaia atu ia te  
outou i nei mea, ina ia ou-  
18 tou faalofani. Afai e ita  
mai, le lalolagi nei ia te  
outou, ua outou iloa na  
muamua lona ita mai ia te  
au, i le ita ai ia te outou.  
19 Afai ni o le lalolagi outou,  
ona loto mai lea le lalolagi  
i ana; a e le ni o le lalolagi  
outou, a na au filifili atu ia  
te outou na i le lalolagi, o  
le mea lea e ita ai le lalolagi  
20 ia te outou. Ia faamanatu  
outou i le upu na au fai atu  
ai ia te outou, E le sili le  
auna i lona Alii. Afai  
na latou agaleaga mai ia te  
au, e agaleaga atu foi ia te  
outou; ana gauai i la'u upu,  
21 e gauai foi i la outou. A e  
faia e i latou nei mea uma,  
ia te outou, ona o lou igoa;  
aua e lei iloa e i latou o ia  
22 na auina mai au. Afai ana  
au le sau ma aoa atu ia te i  
latou, ua lei sa latou sala;  
a o lenei, e lei se mea e ufi-  
23 ufi la latou sala. O le ita  
mai ia te au, ua ita atoa foi  
24 i lo'u Tamā. Ana au lei

faia o galuega ia te i latou,  
e lei faia faapea lava e se  
tasi, e lei sa latou sala; a o  
lenei, ua latou vaai mai ma  
latou ita mai ia te au, atoa  
ma lo'u Tamā. A ua iu ai 25  
le na tusia i a latou tulafono,  
Ua latou ita mai fua lava ia  
te au. A maliu mai le Fe- 26  
soasoani, o le ou te auina ia  
te outou mai lo'u Tamā, o  
ia o le Agaga, o le mea  
moni, o lē maliu mai mai le  
Tamā, o ia lava e molimau  
ia te au. Tou te molimau 27  
foi, ana ua ia te au outou na,  
talū le amataga.

## O LE MATAUPU XVI.

*O le faamavaeiga a Iesu.*

**N**A au fai atu nei mea ia 1  
te outou ina nei mai-  
leia outou. E tulia outou i 2  
sunako e i latou; e oo foi  
lava i le aso e manatu ai se  
na te fasioti ia te outou ua  
na fai le taulaga i le Atua.  
E fai e i latou nei mea, aua 3  
latou te lei iloa le Tamā ma  
au. A ua au fai atu ia te 4  
outou nei mea ina ia outou  
faamanatu i ai a oo atu i le  
aso, na au fai atu ai ia te  
outou. Ou te lei fai atu nei  
mea ia te outou a i le fua-  
taiga ana na au i ai ia te  
outou. A ou te alu atu nei 5  
ia te ia na na auina mai au,  
E lei fesili mai foi se isi o  
outou, Poo fea le mea e te  
adu i ai? A ua tumu o 6  
outou loto i le faanoanoa, aua

na au fai atu nei mea ia te  
outou.  
7 A e peitai au, o le mea  
moni lava ou te fai atu ai  
nei ia te outou, E aoga ia te  
outou pe a au ala ese: aua  
afai ou te le alu ese, e le ma-  
liu mai le Fesoasoani ia te  
outou. A e pe a ou alu,  
ou te auina mai o ia ia te  
8 outou. A maliu mai foi o  
ia, e faatonu atu ia i le lalo-  
lagi, i a le agasala, ma le  
9 agatonu, ma le faasala. I a  
le agasala, aua e lē faatua-  
tua mai ia te au; I a le  
10 agatonu, aua ou te alu atu i  
lo'u Tama, tou te le toe  
11 vaai mai foi ia te au; I a le  
faasala, aua ua faasalaina le  
taitai o le lalolagi nei.  
12 O totoe ia te au mea e  
tele e fai atu ai ia te outou  
na, a e tou te le mafaia ona  
13 tali mai i nei ona po. A e,  
a maliu mai ia, o le Agaga  
o le mea moni, e taitai e ia  
ia te outou i le mea moni  
uma: aua e le aoao fua ia,  
peitai o mea uma e faalogo-  
logo ia i ai, e aoao ai lava,  
ma faailoa mai ia te outou  
14 mea e tutupu. O ia lava e  
vivii mai ia te au, aua e  
maua e ia mai ia te au ona  
faailoa atu ai lea ia te ou-  
15 tou. O mea uma lava o i  
le Tamā, o ia te au foi ia;  
o le mea lea na au fai atu  
ai, E maua e ia mai ia te au,  
ona faailoa atu ai lea ia te  
outou.  
16 E le pine ona outou le  
vaai mai ia te au; e le pi-  
pine foi ona outou toe vaai

inai ia te au, aua ou te  
 alu atu i lo'u Tamā. Ona 17  
 fetautalatalai lea o isi ona  
 soo, Pe se a lenei mea na  
 na fai mai nei ia te i tatou,  
 E le pine ona outou le vaai  
 mai ia te au; e le pipine foi  
 ona outou toe vaai mai ia  
 te au, aua ou te alu atu i  
 lo'u Tama? Ona latou faa- 18  
 pea ane lea, Pe se a lenei  
 mea na na fai mai nei, E le  
 pine? Tatou te lei iloa le  
 mea na fai mai ai na. Ua 19  
 silafia e Iesu o lo latou  
 manao e fesili mai ia te ia;  
 ona faapea atu lea o ia ia te  
 i latou, Pe tou te felafola-  
 foai ea i le mea na au fai  
 atu na, E le pine ona ou-  
 tou le vaai mai ia te au, e le  
 pine foi ona outou toe vaai  
 mai ia te au? E moni, e 20  
 moni, ou te fai atu ia te ou-  
 tou, e tagi outou ma faanoa-  
 noa, a e olioli le lalolagi; e  
 tiga outou, a e liua lo outou  
 tiga ma olioli. A fanau se 21  
 fafine ua tiga ai ia, aua ua  
 oo i lona vai-aso e fanau ai,  
 i le, a uma le fanau mai o le  
 tama ua le toe faamanatu i  
 lona tiga, ona o lona olioli,  
 ina ua fanau mai le tagata i  
 le lalolagi. Lenei foi ua 22  
 maua nei outou e le tiga, a  
 e ou te toe asiasi mai au ia  
 te outou, ona olioli ai lea o  
 outou loto, e le faateaina  
 foi e se tasi lo outou olioli.  
 I lea aso tou te le toe fesili 23  
 mai ai ia te au i se tasi mea.  
 E moni, e moni, ou te fai  
 atu ia te outou, o mea uma  
 tou te ole atu ai i le Tamā

ona o lo'u igoa, e foai mai  
 24 e ia ia te outou. Ua oo  
 mai nei lava tou te lei ole  
 atu i se mea, ona o lo'u  
 igoa. Ina ole atu ia, ona  
 outou mau ai lea, ina ia  
 tumu ai lo outou olioli.

25 Na au aoao atu ia te ou-  
 tou i nei mea, i upu faa-  
 tusa; a e oo atu i ona aso,  
 ou te le toe aoao ai i ni  
 upu faatusa ia te outou; a e  
 ou te faailoa atu ia te outou,  
 matua faaali lava, i a le

26 Tamā. I lea aso, e ole atu  
 ai outou ona o lo'u igoa;  
 ou te le fai atu foi ia te  
 outou, ou te faatoga i le

27 Tamā mo outou. Aua foi,  
 e alofa mai lava le Tamā ia  
 te outou, ona o lo outou loto  
 mai ia te au ma tali tonu mai

28 i lo'u sau mai le Atua. Ua  
 au sau mai le Tamā, na  
 au sau i le lalolagi, o le a  
 au tuua foi le lalolagi ma

29 au alu atu i le Tamā. Ona  
 fai mai lea ona soo ia te ia,  
 Faauta o lenei ua e tau tino  
 mai lava, ua e le tau mai i

30 le upu faatusa. Lenei foi  
 ua matou iloa ua e silafia  
 mea uma lava, e le aoga foi  
 ia te oe ina fesili atu se tasi  
 ia te oe. O le mea nei ua

31 mai mai le Atua. Ua tali  
 atu Iesu ia te i latou, Ua  
 outou tali tonu mai nei, ea?

32 Faauta e oo i le aso, a oo nei  
 foi i ai, e taaapeape ai outou  
 e tai tasi ma alu i lona aiga  
 e tuua foi au e toatasi; a ou  
 te le toatasi foi, aua o le

33 Tamā o ia te au. Na au

fai atu ia te outou nei mea ina ia outou maua le manuia ia te au: e maua foi outou e le atuvale i le lalolagi, a ia outou loto tetele, ua au manu malo i le lalolagi.

## O LE MATAUPU XVII.

*O le faatoga a Iesu i lona Tama.*

**N**A fetalai atu nei mea e 1 Iesu, ona tepa ae lea ona fofoga i le lagi, ua faapea atu, Lo'u Tama e, ua oo mai i lo'u nei aso. Tuu mai ia le mamalu i lou Atalii, ina ia tuu atu foi, e lou Atalii le mamalu ia te oe. Aua ua e foai mai ia te ia 2 le pule i tagata uma lava, ina ia avatu e ia le ola le uma ia te i latou uma lava o e na e foaia mai ia te ia. O le ola le uma foi lenei, o 3 lo latou iloa o oe o le Atua moni, e leai se tasi, ma ia foi na e auina mai, o le Mesia lea o Iesu. Ua au tuu 4 atu i lalo nei le mamalu ia te oe; ua au faaumaina le galuega na e tuuina mai ia te au, ou te faia. Lenei foi, 5 Le Tamā e, ia e tuu mai ia te au le mamalu faatasi ma lo oe mamalu, sa ia te i taua ma oe, a o lei faia le lalolagi.

Na au faaali atu i lou 6 suafa i le vao tagata na e foai mai ia te au a i le lalolagi nei. Sa latou ia te oe, ua e foai mai i latou ia te au, ua latou gauai i lau afioga. Ua latou iloa ai nei, 7

o mea uma na e foaiina mai ia te au, mai ia te oe lava 8 ia. O upu foi na e tuu mai ia te au, na au tuuina atu ia te i latou; ua latou. talia mai foi; ua iloa moni e i latou, na au sau mai ia te oe: ua tali tonu foi i latou, na e auina mai au. Ou te faatoga atu mo i latou, ou te le faatoga atu mo le lalolagi; tau lava o latou na e foaiina mai ia te au, aua o 10 ou lava i latou. O a'u mea uma, o āu foi ia; o āu mea, o a'u foi ia; ua ou maua foi le mamalu ia te i latou. 11 Ou te le i ai pea i le lalolagi, a o latou, e i le lalolagi lava i latou. Ou te alu atu foi ia te oe. Le Tamā paia e, taofi ia mau i latou i lou suafa, o e na e foai mai ia te au; ina ia gatasi o i 12 latou, faapei o taua. Sa ou ia te i latou i le lalolagi, na au taofimauina i latou i lou suafa; na au leoleo atu i e na e foai mai ia te au; e lei oti se tasi o i latou, na o le tagata malaia, ia taunuu ai 13 le na tusia. A ou te alu atu nei ia te oe, ou te fai atu foi nei mea i le lalolagi ina ia maua e i latou nei lo'u olioli, ia tutumu ai lava. 14 Na au tuu atu i lau afioga ia te i latou. Ua ita mai le lalolagi ia te i latou, aua e le ni o le lalolagi i latou: faapei o au, ou te le se lalolagi au. Ou te le ole atu ia 15 e ave ese ia te i latou i le lalolagi, a ia e leoleo atu ia 16 te i latou i le leaga. E le

ni o le lalolagi i latou, faapei o au foi, ou te le se lalolagi. Ia e faapaiaina i latou, i lau mea moni: o lau afioga o le mea moni lea. Faapei ona e auina mai au i 17 le lalolagi, faapea foi au, ou te auina atu i latou i le lalolagi. Ou te faapaia nei au 19 o lo latou sui, ina ia faapaiaina o i latou i le mea moni.

Ou te le ole atu, tau lava 20 i latou, a e mo i latou foi atoa uma, e faatuatua mai ia te au, ona o la latou upu. Ia tasi i latou uma, faapei o 21 oe le Tamā e i totonu ia te au, o au foi e i totonu ia te oe, ina ia tasi i latou i totonu ia te i taua; ina ia iloa ai e le lalolagi, na e auina mai au e oe. O le mamalu foi 22 na e foai mai ia te au, ua au avatu ia te i latou, ina ia tasi i latou, faapei o i taua e tasi. O au o i totonu ia 23 te i latou, o oe foi o i totonu ia te au, ina ia uma lava i latou ona aveia ia tasi; ina ia iloa ai e le lalolagi, na e auina mai au, ma e alofa mai foi ia te i latou, faapei o lo oe alofa mai ia te au. Lo'u Tamā e, o lo'u 24 lea loto ia te i latou na e foaiina mai ia te au, ina ia i le mea e i ai au nei, ia i ai foi i latou faatasi ma au, ina ia latou maimoa mai i lo'u mamalu, na e foaia mai ia te au; aua ua e alofa mai ia te au a o lei faavaeina le lalolagi. Le Tamā agatonu 25 e, e lei iloa oe e le lalolagi,

na o au, ua au iloa oe; ua iloa foi e i latou nei, na e 26 auina mai au. Na au faailoa atu i lou suafa ia te i latou; ou te toe faailoa atu ai foi, ina ia tuuina atu ia te i latou le alofa na e alofa mai ai ia te au; o au foi e i totonu ia te i latou.

## O LE MATAUPU XVIII.

*Ua faamasinoia Iesu.*

1 **N**A mavae atu nei upu, ona alu lea o Iesu ma ona soo i lela itu o le vaitafe o Ketarono lona igoa; o i ai le lotoa. Ua 2 latou o i ai ma ona soo. Ua iloa foi lea mea e Iuta, lē na faalataina ia, aua na latou o soo i ai, o Iesu ma 3 ona soo. Ua taitaiina ai foi e Iuta le au fitafita, ma isi auauna a osi taulaga sili ma le au faressaio, ua i ai sulu, ma lamepa, ma le au upega. 4 Ua silafia foi e Iesu mea uma o le a oo ia te ia, ua alu atu ma faapea atu ia te i latou, O ai ea tou te sailia 5 na? Na latou tali mai ia te ia, o Iesu, o le Nasareta. Ona fetalai atu lea o Iesu ia te i latou, O au lenei. O tutu faatasi foi Iuta ma i latou, o lē na faalataina ia. 6 Na faapea atu Iesu ia te i latou, O au lenei; ona tuumuli ai lea o i latou, ua 7 pauu foi i le elelee. Ona toe fesili atu lea o Iesu ia te i latou, O ai ea tou te

sailia na? Ua fai mai i latou, o Iesu o le Nasareta. Ona tali atu lea o Iesu, ua 8 uma lau fai atu ia te outou, o au lenei; o lenei afai tou te saili mai ia te au, tuu pea ia o nei tagata, ia latou o ese. Ua faapea ona taunuu 9 ai lena upu na faapea mai, O i latou na e foi mai ia te au, e lei oti se tasi. O 10 Simona Petelu foi, na i ai le pelu, ua se'i e ia, ma tai a'i le auauna a le osi taulaga sili, ua tipi a'i lona taliga taumatau; o Maliko le igoa o le auauna. Ona fetalai 11 atu lea o Iesu ia Petelu ia tuu le pelu i lona faamoega; ou te le inu ea i le ipu na aumai ai ia te au e lo'u Ta'ua?

Ona pue atu lea e le au 12 fitafita, ma le taitai ma auauna a tagata Iutaia ia Iesu ma saikai ia te ia. Ona 13 latou uluai taitaiina lea o ia ia Ana, o le tamā lea o le ava a Kaiafa, o le osi taulaga sili lea i lea tausaga. O le Kaiafa foi lea na fai 14 atu i Iutaia, ua aoga pe a oti se tagata e tasi ma sui o le nuu.

Na mulimuli atu ia Iesu 15 o Simona Petelu ma le tasi soo. Ua iloa foi lea soo e le osi taulaga sili. Ua ulu fale atu o i lau ma Iesu i le maota o le osi taulaga sili; A o Petelu ua tu i 16 fafo o le faitotoa. Ona alu ane lea o le isi soo na iloa e le osi taulaga sili, ua tautala ane i le leoleo fai-

totoa, ma taitai atu ia 17 Petelu i totonu. Ona faapea mai lea le fafine na leoleo i le faitotoa ia Petelu, E le o oe ea le tasi soo o lenei tagata? Ua fai atu 18 ia, E le o au. Ua tutu ai foi o tautua ma auauna, na latou tafu i le afi malala, aua o le tau maalili lea, ua latou faamafanafana ai foi i latou, o loo faamafanafana ai ia ia ia.

19 Ona fesili mai lea le ositaulaga sili ia Iesu i ona 20 soo ma ana mataupu. Ua fai atu Iesu ia te ia, Ua au aoao faaali i luma o tagata, ua au aoao soo i sunako, ma le malumalu, e faapotopoto soo ai Iutaia, a ou te lei aoao faalilohilo 21 lava. Pe se a le mea e te fesili mai ai ia te au? Ia e fesili i ai i e na faalogo mai, se a le mea na au aoao atu ai ia te i latou? Faa- 22 uta ua latou iloa mea na au fai atu ia te i latou. O loo tautala ia i nei mea, ua po atu ia Iesu le isi auauna sa tu ai o loo faapea mai foi, E te tali atu ea faapea 23 i le ositaulaga sili? Ona fetalai atu lea o Iesu ia te ia, Afai ua leaga la'u upu faailo mai ia o sona leaga, a e afai ua lelei, se a le mea ua e po mai ai nei i au? 24 Na auina o ia, ua saikai, e Ana ia Kaiafa, le ositaulaga 25 sili. Sa tu ai foi Simona Petelu, o loo faamafanafana lava e ia ia ia. Ona latou fai mai lea ia te ia, E le o



oe ea le tasi ona soo? Ua faafiti atu ia ma fai atu, E le o an. Ua toe fai mai ia 26 te ia le tasi auuna a le ositaulaga sili (o le aiga o le na taia lona taliga e Petelu.) Ou te lei vaai atu ea ia te oe ma ia i le lotoa? Ua toe faafiti atu foi Petelu, 27 ona vivini loa lea o le moa.

Ona latou taitaiina lea o 28 Iesu na i ia Kaiafa'i le fale faamasino; ua malama ae le taeao: a e lei ulu fale i latou i le fale faamasino; nei pisia i latou ona le ma aai lea o le paseka. O le 29 mea lea ua alu ai i fafo Pilato ia te i latou, ma fai atu, Se a la outou tuuai i lena tagata? Ua latou tali mai 30 ma faapea mai ia te ia, Afai ana lei agaleaga ia po ua le tuuina atu ia e i matou ia te oe. Ua fai atu 31 Pilato ia te i latou, Ina ave ese ia e outou, ina faamasino atu ia te ia i a outou tulafono. Ona fai mai lea o Iutaia, E le tatau ia te i matou ona fasioti o se tagata. Ua taunuu ai faa- 32 pea le upu a Iesu, na fai atu ai ia, ina o faailoa atu i le uiga o lona oti o le a oti ai ia.

Ona toe ulufale lea o 33 Pilato i le fale faamasino, ua valaau ia Iesu ma fai mai ia te ia, O oe ea le Alii o Iutaia? Ua fetalai 34 atu Iesu ia te ia, E fua tasi ea ia te oe lea upu, pe se upu ia te an, na fai atu ai nisi ia te oe? Ua tali mai 35 Pilato, Ou te se Iutaia ea?

Ua tuuina mai oe ia te au, e lou nuu ma le au ositaulaga sili; pe se a le mea na 36 e faia? Ua fetalai atu Iesu, E le se malo faalelailolagi nei lo'u malo, afai a se malo faalelailolagi nei lo'u malo, po ua faamalosia'u auuna, ina nei tuuina atu au ia Iutaia; a o lenei o lo'u malo e le mai iinei. 37 Ona fai mai lea o Pilato ia te ia, Lenei foi, E te se tupu ea oe? Ua fetalai atu Iesu, O lea lava na e fai mai ai na, o au o le Tupu. O lenei le mea na au fanau mai ai ma au sau ai i le lailolagi, ina ia ou molimau i le mea moni. O le tai toatasi uma lava o i le mea moni, e faalogo mai i lo'u 38 leo. Ua fai mai Pilato ia te ia, Poo le a le mea moni? Ua mavae atu ana, ona toe alu lea i fafo, i tagata o Iutaia ma fai atu ia te i latou, Ou te lei iloa 39 sona leaga. O la outou tu lenei ou te tatalaina atu mo outou se tasi tagata i le paseka. Pe tou te manao ina ia ou tatala atu le 40 tupu o Iutaia? Ona toe alalaga lea i latou uma lava, ua faapea, Aua lava lena; a o Parapa. O le gaofi foi Parapa.

## O LE MATAUPU XIX.

*Ua faasatauroina Iesu.*

1 **O**NA ave lea e Pilato ia Iesu ma sasa ia te ia.

Na lalaga foi e le au fitafita, 2  
le pale tuitui, ua tuu i lona  
ulu, ua faaofu foi ia te ia i  
le ofu-alii ulaula. Ona la- 3  
tou fai atu lea, Talofa! le  
Tupu o Iutaia. Ua latou  
po atu foi ia te ia. Ona 4  
toe alu lea o Pilato i fafo,  
ma fai atu ia te i latou,  
Faaute! ou te taitaiina atu  
ia te ia i fafo, ia te outou,  
ina ia outou iloa, ou te lei  
iloa lava sona leaga. Ona 5  
alu lea o Iesu i fafo ma le  
pale tuitui ma le ofu-alii  
ulaula. Ua fai atu foi Pi-  
lato ia te i latou, Faaute i  
le tagata! Na vaai atu ia 6  
te ia le au ositaulaga sili,  
ma le au auauna, ua alalaga  
i latou ma faapea, Ina faa-  
satauro ia! faasatauro ia!  
Ua fai atu Pilato ia te i  
latou, Ina ave ese atu ia  
e outou ia te ia, ma faasa-  
tauro atu ai, aua, ou te lei  
iloa sona leaga. Ua tali 7  
mai Iutaia ia te ia, O ia te  
i matou le tulafono, e tusa i  
la matou nei tulafono ona  
fasiotia o ia, aua ua fai o  
ia ia ia ma Atalii o le  
Atua.

Na faafofoga Pilato i lea 8  
upu, ua atili ai lona matau;  
Ua toe alu i le fale faama- 9  
sino, ma fai mai ia Iesu, Se  
fea ea oe? a o Iesu e lei  
tali atu lava ia te ia. Ona 10  
faapea mai lea o Pilato ia  
te ia, E te le gavana mai  
ea ia te au? Po ua e le  
iloa, o ia te au le pule, e  
faasatauro ia te oe, ma le  
pule e tatala ia te oe? Ua 11

tali atu Iesu, E leai sau  
pule ia te au nei, ana le  
foai mai ia te oe, mai lugā:  
o le mea lea, e sili ai lona  
leaga na na tuuna mai au ia  
12 te oe. Ona talu ai lea, ona  
saili e Pilato e tatala ia te  
ia, a ua alalaga pea o  
tagata Iutaia, ua faapea  
atu, Afai e te tatala atu  
i lenei tagata, e te le se  
usitai ia Kaisara: o sē  
faafia-alii o ia ia ia, e teteē  
13 atu lea ia Kaisara. Na  
faalogologo Pilato i lea  
upu, ua taitai e ia ia Iesu i  
fafo; ua nofo i le nofoa  
faamasino i le mea na ta'ua,  
O le paepae, a o i le upu  
14 Epelu, o Kapata. Na oo i  
le sauniga o le paseka, ai o  
le ituaso e ono. Na fai  
mai ia i tagata o Iutaia,  
Faaute, i lo outou tupu!  
15 A ua alalaga i latou, Ave  
ese ia! ave ese ia! Ina  
faasatauro ia te ia! Ua  
faapea mai Pilato ia te i  
latou, Ou te faasatauro ea i  
lo outou tupu? Ua tali atu  
le au ositaulaga ia te ia, E  
leai so matou tupu, na o  
16 Kaisara. Ona ia tuuina  
atu lea o ia ia te i latou,  
ina ia faasatauroina.  
17 Ona ave lea o Iesu, e i  
latou; ua taitaiina ane. Ua  
ave foi ia i lona satauro.  
Ua alu ane i le mea e taua,  
O le mea o ulu-poo, o lona  
faatatau i le upu Epelu, o  
18 Kolokota. Ona latou faa-  
satauro ai lea ia te ia, atoa  
ma isi tagata e toalu; o le  
tasi i le tasi itu ma le isi i

le isi foi itu ; a e i totonu Iesu. Ua tusia foi e Pilato 19 o le tusi faailoga, ma tuu i luga o le satauro. O le upu lenei na tusia, O IESU LENEI, O LE NASARETA, O LE TUPU O IUTAIA. Ona fai- 20 taulia lea o lea faailoga e toatele o Iutaia, aua o le mea na faasatauroina ai Iesu, e lata ane i le aai ; ua tusia foi i le upu Epelu, ma le Kerika, ma le Roma. Ona 21 faapea lea o le au ositaulaga o Iutaia ia Pilato, Aua e te tusi faapea, O le Tupu o Iutaia ; a ia faapea ona tusi, Ua fai mai ia, O au o le Tupu o Iutaia. Ua tali atu 22 Pilato, O lenei na au tusia, na au tusia lava.

Ua avea ona ofu e tagata 23 fitafita, ina ua latou faasatauro atu ia Iesu ; ua vae fa, tai tasi le fitafita ma ana mea ; o le ofu kitoni foi : a e leai se suiga i le ofukitoni ; ua lalaga faatasi mai le pito i luga, atoa uma lava. Ona fetautalatalaai 24 lea o i latou, Aua tatou te saea, a sei tatou vili, po o ai le fai ma ona. Ua faapea ona taunuu ai le tusi, na faapea mai, Ua tufatufaina o'u ofu ia te i latou, ua latou vili foi i lo'u ofu lelei. Sa faapea le au fitafita ona fai o ia mea.

Sa tutu latalata ane foi i 25 le satauro o Iesu lona tina, ma le uso o lona tina, o Maria le ava a Kalopa, ma Maria le Makatala. Na 26 vaai atu Iesu i lona tina, ma

le soo sa faapelepeleina e ia, o loo tutu mai, Ua fai atu i lona tina, Sena e, vaai atu 27 ia i lau tama ! Ua faapea atu foi i lea soo, Vaai atu ia i lou tina ! Na talu foi lea ituaso ua ave lea soo ia 28 te ia ma ona. Mulimuli ane, na silafia e Iesu, ua tali taunuu mea uma ; o le mea lea ina ia iu ai le na tusia, ua na fetalai ane, 29 Ou te fia inu. Sa tuu foi le ipu, ua tumu i le vineta. Ua latou ligi tumu sina omomi i le vineta ; ua nonoa i se la isopo, ma tuu 30 atu ai i lona gutu. Na talia le vineta e Iesu, ona fetalai ane lea o ia, Ua uma ! Ua faagaugau lona ulu, ona tuuina atu lea o lona agaga.

31 Ua faapea foi tagata o Iutaia, ina ia le tumau pea o tino i luga o le satauro i le aso sa, ua oo foi i le aso e sauni ai, (o le aso sa tele foi lea aso,) ua latou faatoga atu ia Pilato, ia gauia o latou vae, ia ave eseina foi 32 i latou. Ona o ane lea o tagata fitafita, ua gau i vae o le tasi, ma le tasi, na faa- 33 satauroina faatasi ma ia. A ua oo i latou ia Iesu, ua latou iloa ua maliu lava ia, ona le gauia ai lea ona vae ; 34 A o le tasi fitafita ua tutui lona itu i lona tao ; ona sisina loa lea o le toto ma 35 le vai. O ia na vaai atu i ai, o loo molimau ai nei ; e moni foi lana mau : ua iloa lava e ia, e moni lava ana na fai mai ai, ina ia outou

tali tonu i ai. Ua faia nei 36  
mea, ia taunuu ai le na  
tusua, E le gauia sona ivi.  
Ua toe faapea foi le tasi 37  
tusi; E vaai atu i latou ia  
te ia na latou tuia.

Ua mavae nei mea ona 38  
ole atu lea o Iosefa le Ara-  
mataia, (o le tasi lea soo o  
Iesu, a e faalilolilo, ona o  
le fefe i tagata o Iutaia,) ia  
Pilato, ina ia ave ese e ia o  
le tino o Iesu; ua lelei foi  
ia Pilato. Ona alu ane  
lea o ia, ua ave i le tino o  
Iesu. Ua alu ane foi Ni- 39  
kotemo na muai alu ia Iesu  
i le po; ua na avea foi le  
muro fefiloi ma le aloa, ai  
e selau o litara. Ona avea 40  
lea o le tino o Iesu, ua teu-  
teu i le ie e tanuma'i, ma le  
mea manogi, faapei o le tu  
a Iutaia i le teuteuga o le  
tanuga: Sa i le mea na 41  
faasatauroina ai o ia, o le  
tasi lotoa; e i lea lotoa foi  
le tuugamau fou, e lei tanu  
ai se tasi. Lenei foi ua 42  
tanu ai Iesu, ona o le sau-  
niga o tagata Iutaia, aua  
foi sa latalata i ai le tuuga-  
mau.

## O LE MATAUPU XX.

*Ua toe soifua mai Iesu.*

**I** LE uluai aso o le vai aso 1  
sa, i le taeao, ina o segi-  
segi lava, ua alu ane Maria  
le Makatala, i le tuugamau:  
ua vaai i le maa ua aveese  
na i le tuugamau. Ona 2  
momo'e lea, ua alu ia Si-

mona Petelu, ma le tasi sou  
sa peleina e Iesu, ma fai  
atu ia te i laua, ua latou  
aveese i le Alii na i le tuu-  
gamau; matou te le iloa foi  
le mea na latou tuuina ai ia.

3 Ona o atu lea o Peteru ma le  
tasi soo; ua la oo atu i le

4 tuugamau. Ua taufetuli i  
laua; a o le tasi soo, ua mo-  
mo'e atu, emuamua ia Peteru  
ua muai oo i le tuugamau.

5 Ua punou ai, o loo matamata  
i le ie na tanuma'i, na tui  
ai; a e lei alu lava i ai.

6 Ona oo atu lea o Simona  
Petelu, na mulimuli atu ia  
te ia; ua alu ia i totonu i  
le tuugamau ua vaai atu i

7 ie na teuteu ai ua tuu, Ma  
le soloi sa i lona ao, e lei  
tuu faatasi ma ie, a ua tuu  
ese, ma taataai i le tasi

8 mea. Ona ulu atu lea o le  
tasi soo, na muamua i le  
tuugamau, ua vaai atu, ona

9 tali tonu lea. A o lei iloa  
e i latou le tusi, ia toe tu ia  
na i e ua oti e tonu ai.

10 Ona toe o lea o le au soo  
11 i o latou lava aiga; A e

peitai Maria, ua tu i fafo e  
lata ane i le tuugamau ma  
tagi ai. Na tagi ia ma pu-

12 nou i le tuugamau, Ua ilo  
atu e ia i agelu e toalua, o  
loo nonofo ai, ma ofu sisina,

i le mea na tuu ai le tino o  
Iesu; o le tasi e i ulu, o le

13 tasi e i vae. Ua la fai mai  
ia te ia, E una e, se a le mea  
e te tagi ai na? Ua faapea

atu ia ia te i laua, Aua na  
latou aveese i lo'u Alii, en  
te lei iloa foi le mea na la-

tou tuuina ia. Na uma ia 14  
 upu, ua faliu i tua : ona va-  
 ai atu lea ia Iesu ua tu mai ;  
 a e lei iloa e ia o Iesu lava  
 lea. Ua fetalai atu o Iesu 15  
 ia te ia, Funa e, se a le mea  
 e te tagi ai na ? O ai ea e  
 te saili ana ? Fa te ia o le  
 leoleo ia o le lotoa, ua fai  
 mai ia te ia, Le Alii e, Afai  
 ua e aveese ia te ia, ta'u  
 mai ia ia te au, poo fea le  
 mea na e tuuina ai, ou te  
 aveeseina. Ona fetalai atu 16  
 lea o Iesu ia te ia, Maria e :  
 Ona faliu lea o ia, ua fai  
 mai ia te ia, Raponi e, (o  
 lona faatatau, le aoso e,) Ua  
 fetalai atu Iesu ia te ia, 17  
 Aua e te papai mai ia te au,  
 auā ou te lei alu ae lava i  
 lo'u Tamā ; a ina alu ia i  
 o'u uso, ma fai atu i ai, Ou  
 te alu ae i lo'u Tamā, ma lo  
 outou Tamā, i lo'u Atua ma  
 lo outou Atua. Ua oo atu 18  
 Maria le Makatala, ua faa-  
 iloa atu i le au soo, ua vaai  
 atu ia i le Alii, ua na fai  
 mai foi e ia nei upu ia te ia.

O loo i le afafi lava i lea 19  
 aso, o le uluai aso lea o le  
 vai aso sa, ua punitia o fai-  
 totoa, o i ai na potopoto mai  
 le au soo, ona o le fefe i lu-  
 taia ; ua alu atu Iesu, ua tu  
 i totonu i o latou luma. Ona  
 fetalai atu lea o ia ia te i  
 latou, Ia outou manuia !  
 Ua uma atu ana, ona faaali 20  
 atu lea ia te i latou i ona  
 lima ma lona itu. Ona oli-  
 oli ai lea le au soo ina ua  
 latou vaai atu i le Alii. Ua 21  
 toe fetalai atu Iesu ia te i

latou, Ia outou manuia !  
 Faapei o le Tamā ona auina  
 mai au, ou te auuina foi ou-  
 22 tou. Na faapea ana ia te i  
 latou, ona mānava lea o ia  
 i ai, ma faapea atu ia te i  
 latou, Ia outou talia e outou  
 23 le Agaga Paia. O i latou  
 uma lava, tou te tuuese ai a  
 latou sala, ua tuueseina ia.  
 O i latou uma lava tou te  
 tuu pea i ai a latou sala, ua  
 tuu pea lava ia.

24 A o Toma, o le isi o le  
 toasefulu ma toalua, o Titu-  
 mo foi lona tau, e lei i ai  
 ma i latou, ina o alu atu ai  
 25 Iesu. Ona fai atu lea le au  
 soo ia te ia, ua matou vaai  
 atu i le Alii. A ua fai mai  
 ia ia te i latou, Afai a e ou  
 te le vaai atu i ona lima, i  
 mea na tutui ai fao, ma tuu  
 lo'u lima i mea na tutui ai  
 fao, ma tuu lo'u lima i to-  
 tonu o lona itu, ou te le tali  
 26 tonu lava. Na toe oo i le  
 valu o po, ua toe i fale ona  
 soo, o loo faatasi ai foi ma  
 Toma, ua toe alu Iesu i ai,  
 (ua pupuni faitotoa,) ua tu  
 ia i totonu i o latou luma,  
 ma fetalai atu, Ia outou  
 27 manuia ! Ua fai atu foi ia  
 Toma, Aumai ia lou tama-  
 tamai lima iinei, faauta mai  
 i o'u lima ! aumai ia foi lou  
 lima ma tuu i lo'u itu ; aua  
 foi e te faalogogata, a ia e  
 28 faalogogofie. Ua tali mai  
 Toma, ma faapea mai ia te  
 ia, Lo'u Alii e, lo'u Atua e !  
 29 Ua fetalai atu Iesu ia te ia,  
 Toma e, ua e faalogo mai  
 ea, aua ua e vaai mai ia te

au? Amuia o e lē vaai mai, a e faalogo mai pea. E tele foi faailoga eese sa 30 faia e Iesu i luma o ona soo, e lei tusia i lenei lautusi. A ua tusia nei mea, ina ia 31 tali tonu ai outou, O Iesu lava, o le Mesia lava lea, o le Atalii foi o le Atua, ina ia maua ai foi e outou le ola i lona suafa, o e tali tonu i ai.

### O LE MATAUPU XXI.

*Ua fetalai Iesu ma ona soo.*

**N**A mavae nei mea, na 1 toe faaali atu Iesu ia ia i ona soo, e lata ane i le sami o Tiperia; ua faapea ona faaali i ai. Sa faatasi 2 Simona Peteru ma Toma, na taua o Titumo, ma Natanielu, o le Kana i Kalilaia, ma atalii o Sepetaio, ma isi ona soo e toalua. Ua fai atu Petelu ia te i 3 latou, Ou te alu, ou te fagota. Ua fai mai i latou ia te ia, Tatou te o foi ma oe. Ua latou o atu. Ua vave faaee le vaa; a e lei maua sina mea i lea po. Na oo 4 lava i le taeao, ua tu Iesu i le matafaga a e lei iloa e ona soo, o Iesu lea. Ua 5 fetalai atu Iesu ia te i latou, E la'u fanau e, e ai ea ni a outou mea e ai? Ua latou tali mai ia te ia, E leai. Ua fetalai atu ia ia te i la- 6 tou, Ina lafo ia outou le upega i le itu matau o le vaa, ona maua ai lea. Ona

lafo lea; a ua le toe mafai e i latou ona toso ae, ona o 7 tāumafa o i'a. Ua fai atu lena soo na faapelepeleina e Iesu ia Petelu, O le Alii foi lenei. E i ai na faalogologo o Simona Petelu, o le Alii ia, ua ofu i lona ofu; aua na faasauina o ia; i le, 8 ua oso i le sami. A ua o pea isi o le au soo i le vaa; aua e le vava mamao ma uta, ai e lua selau o kupito: ua toso malosi mai le upega, 9 ua tumu i i'a. Na latou oo lava i uta, ua iloa le afi malala, o le i'a foi ua tunu ai, 10 ma le areto. Ua fetalai atu Iesu ia te i latou, au mai ia nisi i'a na outou maua mai 11 na. Ona alu ane lea o Simona Petelu, ma toso mai le upega i uta, na tumu i i'a tetele; e lau selau, ma le lau lima, ma le tolugalau, a e le masae lava le upega, ui 12 lava ina tāumafa o i'a. Ua fetalai atu Iesu ia te i latou, O mai ia, ina fai le aiga; a e lei faamalosi se tasi o le au soo e fesili atu ia te ia, O ai ea oe? aua ua latou 13 iloa, o le Alii lava ia. Ona maliu ane lea o Iesu, ua tago i le areto, ma avatu ia te i latou: ua faapea foi ma 14 i'a. O lona faaali faatolu mai lea o Iesu i ona soo, talu lona toe ola na i e ua oti. 15 Na uma foi le aiga, ua fetalai atu Iesu ia Simona Petelu, Simona e, le atalii o Iona, pe tele mai lou loto ia te au, pe tele o latou nei?

Ua fai mai ia ia te ia, ua e silafia e oe, ou te faapelepele ia te oe. Ona fetalai atu lea o ia ia te ia, Ia e fafagaina a'u tamai mamoe. Ua fetalai atu ia te ia, faa- 16  
lua, Simona e, le atalii o Iona, pe e te loto mai ia te au? Ua fai mai ia ia te ia, Ioe, le Alii e, ua e silafia e oe ou te faapelepele ia te oe. Ona fetalai atu lea o ia ia te ia, Ia e leoleo i a'u mamoe. Ua 17  
fesili faatolu atu ia ia te ia, Simona e, le atalii o Iona, pe e te faapelepele mai ia te au? Ua tiga Petelu, aua na fai faatolu mai ia te ia, Pe e te faapelepele mai ia te au? Ua fai mai ia te ia, Le Alii e, ua e silafia e oe mea uma lava, ua e silafia e oe, ua ou loto lava ia te oe. Ona fetalai atu lea o Iesu ia te ia, Ia e fafagaina i a'u mamoe. E moni, e 18  
moni, ou te fai atu ia te oe, i lou taulealea, ua e fusi-fusi lava ia te oe, ma fealualuai i mea, faitalia lava oe i ai; a e pe a e toaina, e faaloaloa oe i ou lima, e fusifusi foi ia te oe e se tasi tagata, e taitaiina foi oe i mea e te'le manao ai. Na 19  
ia fai atu i lea upu e faailoa

atu ai ia te ia, le uiga o lona oti e vivii ai ia i le Atua. Na mavae lena, ua fai atu ia ia te ia, Ia e mulimuli mai ia ia te au.

20 Na faliu foi Petelu, na vaai atu ia i lena soo, sa faapelepeleina e Iesu, o loo mulimuli mai, (o lena foi na faalagolago i le fatafata o Iesu, i le faiga-ai, na na fai atu foi, Le Alii e, o ai 21  
ea e faalaina oe?) O Petelu, ina o vaai atu ia te ia, ua fai atu ia Iesu, Le Alii e, pe faapefaina o ia nei?

22 Ua fetalai atu Iesu ia te ia, Afai ou te manao ia tumau pea ia, sei ia ou sau, pe a lea mea ia te oe? Ia e mu- 23  
limuli mai oe ia te au. O lea foi ua tupu ai le tala a le au soo, E le oti lava lea soo; a e lei faapea atu Iesu ia te ia, E le oti ia, a e faapea, Afai ou te manao ia tumau pea ia sei ia ou sau, 24  
pe a lea mea ia te oe? O le soo lena o lē molimau i nei mea, mana tusia foi; ua tatou iloa foi e moni lava 25  
lana mau. O isi foi mea e tele na faia e Iesu; afai e uma lava ona tusi, ou te manatu au e le matautuu i le lalolagi atoa uma ia lautusi pe a tusia. Amene.

## TALA I LE GALUEGA

## LE AU APOSETOLO.

## O LE MATAUPU I.

*O le afio o Iesu i le lalolagi ina  
ua toe soifua mai, ma le faa-  
aposetoloina o Matatia.*

**T**EOFILO e, na au tusi 1  
le muai tala i mea uma  
lava na faia lava e Iesu ma  
aoao atu, E oo i le aso na 2  
si'itia ai ia, ina ua uma ona  
poloai atu i le au aposetolo,  
ona o le Atamai Paia, o e  
na filifilia e ia; Ua mavae 3  
o lona tiga, ona faailoa mai  
lea e ia ia ia te i latou ua  
soifua ia, ma faailoga e le  
sese e tele; e fagafulu ona  
po o iloa ia e i latou, o loo  
tautala atu foi i mea o le  
malo o le Atua. O loo o 4  
faapotopoto foi o i latou ma  
ia, ua na fai atu i ai, Aua  
le tuua Ieruselema, a ia  
faatali i le na folafolaina e  
le Tamā, na outou faalogo  
ai ia te au. Aua na papa- 5  
tiso lava Ioane i le vai, a o  
outou, e papatisoia outou  
i le Atamai Paia e le tele  
ni aso e va a'i. Ua poto- 6  
poto i latou, ua fesili ai ia  
te ia, ua faapea mai, Le

Alii e, ona po nei ea e te  
toe faaea mai ai le malo ia  
7 Isaraela? Ua fetalai atu o  
ia ia te i latou, E le tusa ona  
outou iloa ona po ma ona  
tausaga, ua tu'u e le Tamā i  
8 lana lava pule. A e maua  
e outou le mana, pe a afio  
ifo le Atamai Paia i luga  
ia te outou; e fai foi outou  
ma a'u molimau i Ierusa-  
lema, ma Iutaia uma lava,  
ma Samaria, e oo lava i le  
9 gataaga o le lalolagi. Ua  
fetalai atu ia i nei mea, ona  
si'itia lea o ia, o latou o  
vaavaai atu; ua avea foi o  
ia i le ao na i o latou luma.  
10 O latou o tulimata'i ae foi i  
le lagi, o afio ae ia, faauta  
foi i tagata e toalua ua tutu  
mai ia tei latou ma ofu si-  
11 sina. Ua la fai mai; O  
outou Kalilaia e, se a le  
mea tou te tutu ma vaavaai  
ai i le lagi? O le Iesu nei,  
ua siitia nai ia te outou i le  
lagi, e faapea ona toe afio  
mai o ia pei o lona afio atu  
i le lagi na outou vaavaai i  
12 ai. Ona latou toe o atu  
lea i Ieruselema na i le  
mauga e taua o Oliveta, e



latalata lea i Ieruselema, o le savaliga o le aso sa lo la va.

Ua latou oo atu i ai, ona 13 o ae lea o i latou i le tasi afeafe aupitoaluga, o loo nonofo ai, o Peteru ma Iakopo, ma Ioane ma Anete-rea, o Filipino ma Toma, o Patolomaio ma Mataio, o Iakopo *le atalii* o Alefaio ma Simona le Selota, ma Iuta le uso o Iakopo. O 14 loo finafinau pea o i latou nei uma lava ma le lotogatasi i le tatalo ma le ai oi, atoa ma fafine, ma Maria le tina o Iesu, atoa foi ma ona uso.

Ona po ia na tulai ai 15 Peteru i luma o le au soo, ma faapea atu; (o le faitau o igoa o e na i ai poo ua toaselau ma le toaluafulu;) Le au uso e, ua tatau ona 16 taunuu o le na tusia, sa muai fetalai mai e le Atamai Paia i le fofoga o Tavita ia Iuta, sa fai ma ta'ita'i ia te i latou e na pue ia Iesu. Aua na taua faatasi 17 o ia ma i matou, ua tofia foi o ia i lenei faiva. (Na 18 faatau foi e lenei tagata le fanua i le tofogi o le amio faaletonu; na pau fao foi o ia ua pa ai lona manava, na masaa ai i fafo lona gaau uma lava. Na iloa 19 foi lenei mea e o nonofo i Ieruselema atoa uma lava, o le mea lea na ta'u ai lea fanua i a latou lava gaganaga, o Akeletama, o lona niga, o le fanua o le toto.)

20 Auā foi ua tusia i le lautusi o Salāmo, Ia tuu fua lona nofoaga, aua foi se nofo ai; i le ma *lea upu*, Ia fai lona 21 faiva e se tasi. O lenei foi e tatau ona fai ma molimanu i lona toe tu, faatasi ma i matou nei, o se tasi o ia tagata sa feoi ma i tatou i ona po uma lava, a o faatasi mai le Alii o Iesu ma i 22 tatou, E afua mai i le papatisoga a Ioane, e oo lava i le aso na siitia ai 23 o ia. Na tuu mai foi e i latou le toalu, o Iosefa e igoa o Pasapa, ua taua foi 24 ia Iuso, ma Matatia. Na tatalo foi i latou, ua faapea atu, Le Alii e, o oe o le silafia loto o tagata uma lava, ia e faailoa mai o ai so laua nei ua e filifilia, 25 Na te maua le tofi o lenei faiva ma aposetolo, na lafoaiina e Iuta ina ia alu i 26 lona lava nofoaga. Ona fai ai lea o la la vili, ona faasaga ai lea o le vili ia Matatia: ua faatasi ai o ia ma le au aposetolo e toatinogafulu ma le toatasi.

## O LE MATAUPU II.

*O le Atamai Paia ua foaiina e Iesu i le au Aposetolo, ua faamanaina ai i latou, ua liliu ai foi e toatele i le Atua.*

1 **U**A oo atu foi lava i le aso Penetekoso, o loo i ai i latou uma lava i le mea e tasi ma le loto gatasi. 2 Na faafuasei mai foi le taa-

lili mai le lagi peiseai o le matagi ua agi tetele mai, ua tumu uma ai le fale o loo latou o nonofo ai. Na 3 iloa foi e i latou o laulaufai-va magamaga peiseai o le afi, ua tuu taitasi i o latou luga. Na faatutumuina foi 4 i latou uma i le Atamai Paia, ua fuai ona tautala i upu eseese, pei ona foa'iina mai e le Atamai o le gagana ia tei latou.

O loo ua nonofo foi i 5 Ierusalem, tagata Iutaia, e matatau i le Atua, mai nuu uma lava o le lalolagi. Ua faia foi lenei va, ona 6 lolofi mai ai lea o le motu o tagata, ua fememeai, ina ua taitasi ma faalogo atu ia tei latou o loo tautala mai i lana lava gagana. Ua tetei 7 i latou ma ofo atu, ua fetautalatalai, Faauta ea, e le o tagata Kalilaia uma lava o e tautala mai nei? E faapefea tatou ona taitasi 8 ma faalogo i lana lava gagana, na tupu ma ia? O 9 Patia, ma Mitia, ma Elama, ma e o nonofo i Mesopotamia, ma Iutaia ma Kapatokia, ma Pono ma Asia, Ma Ferukia ma Pafulia, 10 ma Aikupito ma pito nuu o Lipua ua tuaoi ma Kurene, o e ua aunuu'ua foi i Roma, (o Iutaia ma e ua lotu mai,) O Kereta ma Arapi; ua 11 tatou faalogo atu ia te i latou o loo tautala mai i a tatou upu i vavega a le Atua. Ua tetei i latou 12 uma, ma fememeai, o loo

fetautalatalai, Se a le uiga 13 o lenei mea? Peitai isi o loo tauemu i latou, ua faapea ane, Ua onā nei tagata i le suāvine.

14 Ona tulai lea o Peteru, atoa ma le toatinogafulu ma le toatasi, ua fai atu ma le leo tele, ua faapea atu ia te i latou, O outou Iutaia e, atoa uma lava o e nonofo i Ierusalem, ia iloa e outou lenei mea, ma ia faalogologo 15 mai i a'u upu. Aua ua le onā nei tagata pei ona outou masalosalo i ai; aua o le 16 ituaso tolu lenei, A o le mea lenei na fai mai e le 17 perofeta o Ioelu; I ona aso e gata ai, (o loo faapea mai le Atua,) e iu ina ou liligi ifo ai i lo'u Atamai i luga o tagata uma lava: e perofeta mai foi o outou atalii ma o outou afafine, e faali'a ina o outou taulelea, e faamoemitia foi o outou toe 18 aina. O ia aso foi ou te liligi ifo ai i lo'u Atamai i a'u auaua tane, ma a'u auaua fafine; latou te perofeta mai ai. Ou te tuu atu foi vavega i le lagi i luga, ma faailoga i le lalolagi i lalo; o le toto, ma le afi, ma le asuasua e alu ae. 20 E muamua ona liua o le la i le pouliuli, ma le masina i le toto, i le oo ai i le aso tele ma le silisili o Ieova. 21 E iu foi, ina taitasi ma faaalaina uma lava o e valaau 22 atu i le suafa o Ieova. O outou Isaraela e, faalogo mai ia i nei upu; o Iesu o

le Nasareta, o le tagata ua faasinoia e le Atua ia te outou i mea mamana ma vavega ma faailoga, na faia e le Atua ia te ia i o outou luma, pei ona outou iloa foi. O ia ua tuuina mai e le pule 23 tonu ma le filifiliga o le Atua anamua, na maua e outou, ma outou faamau i le laau ma fasioti i lima o tagata faaletaupulea; O ia 24 ua faatuina mai e le Atua, ua na tatala i puapuaga o le oti, aua na le mafai ona taofiina o ia i ai. Aua o loo 25 fai mai e Tavita ia te ia, Na au ilo atu ia Ieova o i o'u luma e le aunoa, aua o i lo'u lima taumatau o ia, ina nei faagaioiina o au. O 26 le mea lea na fiasia ai lo'u loto, ma olioli ai lo'u gutu; i le ma lea foi, e malolo lo'u tino ma le faatalitali: Auā 27 e te le tuuna lo'u agaga i seoli, e te le tuu atu foi lou Tagata Paia ia oo i ai le pala. Ua e faailoa mai ia 28 te au le ala o le ola; e te faatumu mai ia te au i le fiasia i ou luma. Le au uso 29 e, sei ou matuā faamatala atu lava ia te outou i lea tupuga o Tavita, na maliu o ia ua tanumia foi, ua ia i tatou lona tuugamau i ona po nei. O lenei foi auā o 30 le perofeta o ia, ma na iloa foi e ia na matuā tauto mai le Atua ia te ia, na te faatuina mai lana fanau o le Mesia, i la le tino, ma faanofo i lana nofoaiga: Ina 31 ua muai iloa e ia, ua na fai

mai i le toe tu mai o le Mesia, ua le tuuina lona agaga i seoli, ua le oo foi 32 le pala i lona tino. O lenei lava Iesu ua faatuina e le Atua, o ana molimau 33 uma foi i matou nei. O lenei foi ona ua faamaualugaina o ia i le aao taumatau o le Atua, ma ua maua mai e ia mai le Tamā le Atamai Paia na folafolaina, ua liligi ifo e ia lenei mea ua outou 34 iloa ma faalogo ai nei. Aua e le alu ae Tavita i le lagi, a ua fai mai o ia, Na fetalai mai Ieova i lo'u Alii, Ina nofo ia i lo'u lima taumatau, 35 Seia ou fai i e ua fai oe ma o latou fili ma ou tulagāvae. 36 O lenei foi ia matuā iloa e aiga o Isaraela uma lava, o lena lava Iesu na faasatauroina e outou, ua faia lea e le Atua ma Alii ma Mesia. 37 O loo faalogo mai i latou, ua tuia o latou loto, ua latou fai mai ia Peteru ma le au aposetolo uma, Le au uso e, se a se mea matou te 38 faia? Ona fai atu lea o Peteru ia te i latou, Ina salamo ia, ma ia taitasi ma papatisoina outou uma i le suafa o Iesu Keriso, mo le aveesega o sala, ona maua lea e outou le mea foai fua 39 mai o le Atamai Paia. Auā o ia te outou ma a outou fanau le mea na folafolaina, atoa uma ma e o mamao, uma lava o e a talaiina e le 40 Alii lo tatou Atua. O isi upu foi e tele na ia molitino atu ma apoapoi atu ai o loo

faapea atu, Ina faaola ia outou ia te outou ai lenei tupulaga faapiopio.

Ona papatisoina lea o e 41  
na tali atu i lana upu ma le  
fiafia: i lea aso foi ua faao-  
poopoina ai pe tolu afe o  
tagata. O loo finafinau foi 42  
i latou i le acaoga a le au  
aposetolo, ma le fefaaauoai,  
ma le tofitofiga o le areto,  
ma talotaloga. Ua oo foi 43  
le fefe taitasi i tagata uma;  
o loo faia foi e le au apose-  
tolo vavega ma faailoga e  
tele. Ua faatasia foi e ua 44  
faatuatua uma lava, ua tuu  
tele a latou mea uma lava;  
Ua faatau atu foi o latou 45  
fanua ma oloa, ma ua tufa-  
tufa i ai i tagata uma, o le  
tagata ma le mea ua mativa  
ai. Ua latou nonofo pea 46  
ma le lotogatasi i le malu-  
malu i lea aso ma lea aso,  
ua tofitofi foi i le areto i lea  
fale ma lea fale, ua latou  
fai a latou mea e ai ma le  
fiafia ma le loto faamaoni,  
O loo latou vivii atu i le 47  
Atua, ma ua alofaina e le  
nuu uma lava. Ua faaopoo-  
poina i le ekalesia e le Alii  
i aso-fai-soo o e o faaolaina.

### O LE MATAUPU III.

*O le pipili ua faamaloloina e  
Peteru ma Ioane—ma le  
acaiga a Peteru i le nuu o  
Iutaia.*

**N**A o ae faatasi o Peteru 1  
ma Ioane i le malumalu  
i le ituaso e fai ai le tatalo,

2 o le ituaso eiva lea. O loo  
ave foi le tasi tagata ua pi-  
pili talu ina fanau mai, ua  
tuuina ifo o ia e i latou i  
aso-fai-soo i le faitotoa o le  
malumalu e taua o le ma-  
tagofie, e faatoga atu i se  
mea alofa i e ulu atu i le  
3 malumalu: Ua iloa mai e  
ia o Peteru ma Ioane a ulu  
atu i le malumalu, ua faa-  
4 toga ia i se mea alofa. Ona  
pulatoa lea o Peteru ma  
Ioane ia te ia, ua faapea  
atu, Vaai mai ia ia te i  
5 maua. Ua naunau atu foi  
o ia ia te i laua, fa'i e maua  
se mea mai ia te i laua.  
6 Ona fai mai lea o Peteru,  
E leai sa'u ario poo sa'u  
auro; a o le mea ua ia te au  
ou te avatu ia te oe; I le  
suafa o Iesu Keriso o le  
Nasareta, ina tu ia i luga  
7 ina savali. Ua tago atu foi  
o ia i lona lima taumatau,  
ua faatu ia te ia i luga: ona  
faamalosia loa lea ona tapu  
8 vae ma ponaponavae. Ua  
oso ia i luga ma tu, ua sa-  
vali foi, ua ulu faatasi foi  
ma i laua i le malumalu, o  
loo savali ia, ma oso, ma  
9 vivii atu i le Atua. Ua iloa  
mai foi e le nuu uma o ia o  
loo savali ma vivii atu i le  
10 Atua. Ua latou iloa o ia  
lava sa nofo i le faitotoa  
matagofie o le malumalu  
ma faatoga atu i mea alofa;  
ua matua ofo i latou ua  
segia o latou mauili i le mea  
11 na oo ia te ia. O loo pipii  
atu ia Peteru ma Ioane le  
pipili na faamaloloina, ua

fermo'e i mai le nuu uma lava ia te i latou i le faapaologa e taua o lo Solomona, ma le ofo tele.

Ua iloa e Peteru, ona fai 12  
atu lea o lana lauga i le  
nuu, O outou Isaraela e, se  
a le mea tou te ofo ai i lenei  
mea? se a foi tou te pula-  
toa mai ai ia te i maua,  
peiseai o so maua mana, *ma*  
*sa maua* amio-atua ua faa-  
sawaliina ai lenei tagata?  
O le Atua o Aperamo, 13  
ma Isaako, ma Iakopo, o le  
Atua o tatou mātua, ua  
tu'uina atu e ia le mamalu i  
lana Auauna o Iesu; o ia  
na outou tuuina atu, ma  
outou tetee atu i luma o  
Pilato, a ua manatu o ia e  
tuu atu ia te ia e alu. Peitai 14  
outou ua outou tetee atu le  
Faia ma le Agatonu, ma  
outou faatoga ia foaiina mai  
ia te outou le fasioti-tagata;  
Ua fasioti foi e outou le Alii 15  
o le ola, o ia na faatuina e  
le Atua na i e na oti; o ana  
molimau o i matou nei. O 16  
lona suafa foi, ona o le faa-  
tuatua i lona suafa, ua faa-  
malosia e ia lenei tagata ua  
outou vaavaai nei i ai, ma  
outou iloa; o le faatuatua  
ona o ia, ua foai atu ai ia te  
ia lenei faamalosi o lona  
tino i o outou luma uma  
lava. O lenei le au uso e, 17  
ua au iloa, na faia e outou  
ma le lē iloa, e faapea foi o  
outou taitai. A o ia mea, 18  
na muai faailoa mai e le  
Atua i fofoga o ana perofeta  
uma lava, e tiga le Mesia,

ua faapea ona faataunuaina  
19 e ia. O lenei foi, ina sa-  
lamo ia outou ma liliu,  
ina ia soloia o a outou aga-  
sala, ina ia oo mai ai foi  
tausaga e filemu ai mai luma  
20 o le Alii; Ina ia auina  
mai foi e ia le na muai ta-  
la'iina ia te outou, o Iesu  
21 Keriso lea: E tatau ona  
talia o ia i le lagi seia oo i  
tausaga e taunuu ai mea  
uma lava, na fetalai mai e  
le Atua i fofoga o ana perofeta  
paia uma lava talu ona  
22 amataina o le lalolagi. Aua  
na fai mai lava e Mose i  
mātua, E faatuina e Ieova  
lo outou Atua le perofeta  
mo outou i o outou uso, e  
faapei o au nei; tou te faa-  
logo ia te ia i mea uma lava  
na te faia mai ia te outou.  
23 E iu foi ina faaumatia tai-  
tasi ai le nuu o tagata uma  
lava, o e le faalogo i lona  
24 perofeta. O perofeta uma  
foi e na fai mai, e āfua ia  
Samuela, ma e na mulimuli  
mai, o i latou uma lava, ua  
muai tala mai i latou i nei  
25 aso. O fanau outou a le au  
perofeta, ma le sauniga sa  
faia e le Atua ma o tatou  
matua, ua faapea mai ia  
Aperamo, O so lau fanau  
e ta'ufaaamuiaina ai aiga  
26 uma lava o le lalolagi. O  
le Atua foi, ua na faatuina  
mai lana Auauna o Iesu, ua  
auina mai o ia e muamua ia  
te outou, o le faamanuia  
mai ia te outou i lo outou  
liliu ese taitasi i a outou  
agasala.

## O LE MATAUPU IV.

*O le tuuina i le falepuipui o Peteru ma Ioane e taitai o Iutaia, o le tatalo a le ehale-sia ua manuia tele ai.*

**O** LOO o tautala atu i 1  
laua i le nuu, ona tutu  
mai lea ia te i laua o faitaula-  
ga, ma le taitai o le au fitafita  
o le malumalu, ma le au sa-  
tukaio. Ua tiga i latou ona 2  
ua la aoao atu i le nuu, ma  
tala'i atu i le toe tu mai na  
i e na oti ona o Iesu. Ua 3  
pupue ia te i laua, ma tuu  
atu ia taofia seia oo i le tae-  
ao; aua ua afiafi. Ua tali 4  
tonu foi e toatele o i latou  
e na faalogologo i le upu;  
o le faitau foi o tagata poo  
ua oo i ai i le lima gaafe.  
Ua oo foi i le taeao, i 5  
le faapotopotoina i Ierusa-  
lema o latou taitai, ma le  
au matutua, ma le au fai-  
lautusi, Ma Ana, le fai- 6  
taulaga sili, ma Kaiafa, ma  
Ioane, ma Alesana, atoa  
uma lava ma le aiga o le au  
faitaulaga sili. Ua latou 7  
tuu ia te i laua i totonu,  
ona latou fesili mai lea, O  
se fea mana, ma se fea igoa,  
na oulua fai ai lenei mea?  
Ona fai atu lea o Peteru ia 8  
te i latou, o loo tumu ia i  
le Atamai Paia; O outou  
taitai o le nuu, ma le au  
matutua o Isaraela, Afai 9  
e faamasinoina i maua i lenei  
aso i le alofa na faia i le ta-  
gata vaivai, pe se fea *igoa*  
na malolo ai ia; Ia iloa e 10

outou uma, atoa uma lava  
ma le nuu o Isaraela, o le  
suafa o Iesu Keriso o le Na-  
sareta, o le na faasatauroina  
e outou, o le na faatuina e  
le Atua na i e na oti, ona o  
ia lava ua tu mai ai lenei  
tagata na malolo i o outou  
11 luma. O le maa lenei na  
ta'ufaanuaaina e outou tu-  
fuga fai fale, ua avea ia ma  
le tulimanu aupitoaluga.  
12 E leai foi se tasi o i ai le  
ola; e leai lava se isi igoa  
i lalo o le lagi ua foaiina  
mai i tagata e mafaia ona  
faaolaina ai o i tatou.  
13 O loo vaai e i latou le  
faamalosi o Peteru ma Io-  
ane, ma ua iloa o tagata e  
le iloa lautusi i laua ma ta-  
gatānuu, ua latou ofo ai,  
ma latou iloa lelei o i laua  
14 sa latou fecai ma Iesu. O  
loo ilo atu foi e i latou i le  
tagata na faamaloloina ua  
tutu faatasi ma i laua, ua le  
15 mautali i latou. Ua fai atu  
ia te i laua e o ese ia ma le  
fono; ona fetautalatalai lea  
16 i latou, Ua faapea, Se a le  
mea tatou te faia i nei taga-  
ta? aua ua matuā iloa e o  
nonofo i Ierusalem a uma  
lava ua faia lava e i laua le  
vavega sili; e le mafai sa  
17 tatou toe upu e fai atu. A  
e peitai ina nei toe salalau-  
ina i le nuu, ia tatou matuā  
faamatau atu ia te i laua, ia  
soia lava le toe tautala i se  
18 tasi i lena igoa. Ua aami  
atu ia te i laua, ua vavao  
atu i ai, aua lava nei tautala  
atu, poo aoao atu, i le igoa

o Iesu. A ua tali mai Pe- 19  
teru ma Ioane ua faapea  
mai ia te i latou, Pe tonu i  
luma o le Atua, ona ma faa-  
logo ia te outou a e ma te  
le *faalogo* i le Atua, ina fili-  
filifi ia outou. Aua ma te 20  
le mafaia ona faalologo i  
mea na ma vaai i ai ma ma  
faalogo i ai. Ua latou toe 21  
faamatau atu ia te i laua,  
ona tuu lea, ua le maua e i  
latou se mea e oo ai le tau  
ia i laua, ona o le nuu; aua  
ua vivii tagata uma lava i  
le Atua, ona o le mea na  
faia. Aua ua fagafulu o 22  
tausaga ma ona tupu, o le  
tagata, sa fai i ai le vavega  
na malolo ai.

Ua tuuina mai i laua, ona 23  
la o atu lea i o latou, ma la  
faamatala atu ia te i latou  
mea uma lava na fai mai e.  
le au faitaulaga sili ma le  
au matutua ia te i lana. Ua 24  
faalogo i latou i ai, ona la-  
tou leo tele lea i le Atua  
ma le lotogatasi, ua faapea  
atu, Le Alii e, o le Atua  
oe, o lē na faia le lagi ma  
le lalolagi, ma le sami, ma  
mea uma lava o i ai; O 25  
lē na fai mai i le fofoga o  
lau auauna o Tavita, ua faa-  
pea mai, Se a le mea ua li-  
livau ai o atunuu, ma ma-  
faufau ai tagata i mea e le  
aoga? Ua tutu mai tupu o 26  
le lalolagi, ua faapotopoto  
foi taitai, ua tetee atu ia  
Ieova ma lona Mesia. Aua 27  
e moni lava, na faapotopo-  
toina o Herota, ma Ponotio  
Pilato, atoa uma ma atu-

nuu, ma nuu o Isaraela, ona  
o lau Auauna paia o Iesu,  
28 ua e faauuina; Ina ia faia  
o mea uma lava na tuu ana-  
mua i lou aao, ma lau fili-  
29 filiga ia faia. O lenei le  
Alii e, ia e silasila i lo la-  
tou faamatau mai; ma ia e  
foai mai i au auauna, ina ia  
latou matuā ta'u i lau afio-  
30 ga ma le faamalosi, I le  
faaloaloa mai o lou aao e  
faamalolo ai, ina ia faia foi o  
faailoga ma vavega, i le suafa  
o lau Auauna paia o Iesu.

31 Ua mavae atu la latou ta-  
talo, ona luluina lea o le  
mea o latou o faapotopoto  
ai: ua tutumu foi i latou  
uma i le Atamai Paia, ma  
ua ta'u atu i le afioga a le  
32 Atua ma le faamalosi. Ua  
tasi lava le loto ma le ma-  
natu o le au faatuatua uma  
lava; ua le fai mai foi e se  
tasi i se isi ana mea, o lana  
lea; a ua tuutele a latou  
33 mea uma. Ua molitino atu  
e le au aposetolo ma le ma-  
na tele le toe tu mai o le  
Alii o Iesu; ua alofateleina  
34 foi i latou uma. Ua leai  
foi so latou e mativa; aua  
o i latou ua i ai fanua, ma  
fale, ua latou faatau atu i  
ai, ua aumai foi le tau o  
35 mea na faatauina. Ma tuu  
atu i le au aposetolo e pule:  
ua tufatufa taitasi ia te i la-  
tou, o le tagata ma le  
36 mea ua mativa ai. O Iose  
foi, e faaigoaina e le au apo-  
setolo o Panapa, (o lona uiga  
pe a faamatalaina, o le ta-  
gata o le faamafanafanaga,)

o le Levita, o le tagata na fanau i Kuperu, Sa ia te 37 ia le fanua, na ia faatau atu i ai, ua avatu foi tupe, ma tuu atu i le au aposetolo e pule.

### O LE MATAUPU V.

*O le pepelo ma le oti o Anania ma Safaira—ma le toe tuuina o le au aposetolo i le falepuipui.*

**O** LE tasi tagata o Anania lona igoa, ma Safaira lana ava, na ia faatau atu i le fanua. Ua tuu foi 2 ma ana isi mea o le tau, ua la iloa foi ma lana ava, ua avatu foi nisi ma tuu atu i le au aposetolo e pule. A 3 ua fai atu Peteru, Anania e, se a le mea ua faatumu ai e Satani lou loto ina ia e pepelo atu i le Atamai Paia, ma ia tuu ai ma oe nisi mea o le tau o le fanua? A o 4 le i faatauina, e le o lou lava ea? ina ua uma foi ona faatauina, e le o i lau pule ea? Se a le mea ua tuu ai lenei mea i lou loto? ua e le pepelo i tagata, a o le Atua. O loo faalogo Anania i nei 5 upu, ona pa'u lea o ia i lalo ua to lana mānava; ona oo ai lea o le mata'u tele i e o faalogo uma i nei mea. Ona 6 tutu lea i luga o taulelea, ua teuteu ia te ia ma ave i fafo e tanu. Ua mavae atu 7 ona ituaso pe tolu, i le ulufale mai ai lana ava, e lei iloa le mea na faia. Ua fai 8

atu foi Peteru ia te ia, Fai mai ia te au, pe na oulua faatau atu ea le fanua i ia lava mea? Ua fai mai ia, 9 Ioe, o lea lava. Ona fai atu lea o Peteru ia te ia, Se a le mea ua oulua lotogatasi ai e tofotofo i le Atamai o le Alii? faauta, o i le faito-toa i latou e na tanu lau tane, latou te ave foi ia te 10 oe i fafo. Ona pa'u loa lea o ia i ona luma, ua to lana mānava: ua ulufale mai taulelea, ma latou iloa o ia ua oti, ua ave e i latou ia te ia i fafo e tanu i tafatafa o 11 lana tane. Ua oo foi le mata'u tele i le ekalesia uma lava, ma e o faalogo uma i nei mea. 12 O loo faia foi e lima o le au aposetolo faailogo ma vavega e tele i luma o le nuu. O loo i le faapaologa o Solomona foi i latou uma 13 lava ma le lotogatasi. A o isi tagata ua leai so latou ua faamalosi e faatasi ma i latou; a ua viia i latou e le 14 nu'u, (A e peitai o lea ua faaopoopoina ai e o faatua-tua i le Alii, o tāumafa o 15 tane atoa ma fafine: Ua oo ina au mai e i latou i e mamai i malae, ma faata-ooto ai i moega ma fata, ina ia faapaoloina ai nisi o i latou i le ata lava o Peteru 16 pe a ui ane. O loo lolofi mai foi le motu o tagata mai aai na vagavagai i Ierusalem, ua au mai e i latou e na mamai ma e na faatigaina i agaga leaga: ua



faamaloloina i latou uma lava.

Ona tutu lea i luga o le 17  
faitaulaga sili, ma i latou  
uma, o le lotu lea a le au  
Satukaio, ua matuā mātā-  
taua lava, Ua pupue atu foi i 18  
le au aposetolo ma tuu atu  
ia te i latou i le falepuipui  
o le nuu. A ua to mai 19  
puipui o le fale e le agelu a  
le Alii i le po, ua na taitai  
ia te i latou i fafo, ma  
faapea atu, Ina o ia, ina 20  
tutu i le malumalu ma fola-  
fola atu i le nuu, upu uma  
lava o lenei olataga. O loo 21  
faalogo i latou ona latou  
ulufale lea i le malumalu i  
le tafa o ata, ma aoao ai.  
Ona sau lea o le faitaulaga  
sili ma i latou sa ia te ia,  
ua faapotopoto e i latou le  
fono, atoa ma le taupulega  
uma lava o le nuu o Isa-  
raela, ua feau atu i le  
falepuipui e aami ia te i  
latou. Ua oo atu auauna, 22  
ua latou le iloa ia te i latou  
i le falepuipui; ona toe foi  
mai lea, ma tala mai, faa-  
pea, Na matou iloa le fale 23  
ua puipui ma ua mausali  
lava, ma leōleo o loo tutu i  
fafo i luma o faitotoa; a  
ina ua matou to atu, ua le  
iloa e i matou se tasi i  
tononu. Ua faalogo i nei 24  
upu e le faitaulaga ma le  
taitai o le au fitafita o le  
malumalu, atoa ma le au  
faitaulaga sili, ua taumatea  
e i latou, pe se a lenei mea.  
Ona alu atu lea o le tasi ma 25  
tala mai ia te i latou, ua

faapea mai, Faauta, o ta-  
gata sa outou tuu i le fale-  
puipui o loo i le malumalu  
i latou, o tutu, ma aoao atu  
26 i le nuu. Ona alu lea o le  
taitai o le au fitafita ma  
auna, ua taitai mai ia te  
i latou ma le fifilemu; (aua  
ua fefefe i latou i le nuu,)   
ina nei fetogia i latou i  
27 maa. Ua latou taitai mai,  
ona tuu lea ia te i latou i  
luma o le fono; ua fesili  
atu foi le faitaulaga sili ia  
28 te i latou. Ua faapea atu,  
Pe na matou le matuā fai  
atu ea ia te outou ia soia le  
toe aoao i lenei igoa? faa-  
uta foi, ua outou faatumu i  
Ieruselema i la outou ma-  
taupu, ma outou fiafaao  
mai ia i matou le toto o  
29 lenei tagata. Ona oo mai  
lea o le lauga a Peteru ma  
le au aposetolo, ua faapea  
mai, E tusa ona sili o lo  
matou anaana i le Atua i lo,  
30 matou anaana i tagata. O  
le Atua o tatou mātua ua  
na faatu mai ia Iesu, lē na  
oti ia te outou i lo outou  
31 faatautau i le laau. O ia  
ua faamaualugaina e le  
Atua i lona aao taumatau e  
fai ma Alii ma Faaolataga,  
na te avatua i Isaraela le  
salamo ma le aveseega o  
32 sala. O ana molimau foi i  
nei mea o i matou, atoa foi  
ma le Atamai Paia, ua foai-  
ina atu e le Atua i e anaana  
ia te ia.  
33 O loo faalogo i latou ona  
matuā lotōa ai lea, ua latou  
taupulepule e fasioti ia te i

latou. Ona tulai lea o le 34  
 tasi faresaio i le fono, o  
 Kamalielu le igoa, o le aoa-  
 tulafono, e tauleleia e le  
 nuu uma lava, ua fai atu ia,  
 ia tuu atu le au aposetolo i  
 fafo seia toe itiiti; Ona 35  
 fai atu lea o ia ia te i la-  
 tou, Isaraela e, ia outou,  
 ma mea a outou faia i nei  
 tagata. Aua ua fai po talu 36  
 ona tu mai o Tiuta, sa fai  
 atu e sili lava ia; na pipii  
 foi ia te ia o tagata e toa-  
 fagalau pe a faitauina: na  
 fasiotia o ia; na taapeape  
 foi, ma iu vale i latou uma  
 lava e na anaana ia te ia.  
 Mulimuli ane i lenei tagata 37  
 ua tu mai Iuta o le Kali-  
 laia i ona po o le tusiga;  
 ua na taitai ese le nuu, e  
 toatele ane teisi, e mulimuli  
 ia te ia; na oti foi o ia,  
 ua faasalalauina foi i latou  
 uma lava e na anaana ia te  
 ia. O lenei ou te fai atu ia 38  
 te outou, faamamao ia ma  
 nei tagata, ia tuupea ia ia  
 te i latou: aua afai ua tupu  
 mai tagata lela sauniga, ma  
 lela galuega, e faaumatia  
 ia; A e afai ua tupu mai 39  
 le Atua, tou te le mafaia ona  
 faaumatia i ai; ina nei iloa  
 ua outou fai taua i le Atua.  
 Na usiusitai i latou ia te 40  
 ia; ua aami foi le au apo-  
 setolo, ua sasa i ai, ma fai  
 atu, ia soia le tautala i le  
 igoa o Iesu, ona tuuina atu  
 lea ia te i latou. Ona o lea 41  
 o i latou na i luma o le  
 fono, ua olioli ina ua ta'ua-  
 gaina i latou e faaleagaina

42 ona o lona suafa. Ua le  
 aunoa foi le aso ma latou  
 aoao atu ma talai atu i le  
 malumalu, ma lea fale ma  
 lea fale i le tala lelei ia  
 Iesu le Mesia.

## O LE MATAUPU VI.

*O le filifiliga ma le faatuina o  
 tiakono e to'ufitu.*

- 1 **O**NA po ia, na toatele ai  
 le au soo, ua tupu ai  
 le muimui o tagata Elenisi  
 i Eperu, auā ua galo o la-  
 tou fafine ua oti tane i le  
 tufatufaga i aso fai soo.
- 2 Ona talaiina lea e le toa-  
 tinoagafulu ma le toalua le  
 toatele o le au soo, ma faa-  
 pea atu, E le tatau ona  
 matou tuua o le afioga a  
 le Atua i le tufatufa i
- 3 oloa. O lenei, le au uso e,  
 ina filifili ia ni o outou ta-  
 gata e toafitu e ta'uleleia, e  
 tutumu i le Atamai Paia ma  
 le poto, ia matou faatuina  
 ia te i latou i lenei faiva.
- 4 A o i matou, matou te fina-  
 finau i le talotaloga ma le  
 tufatufa o le upu.
- 5 Na lelei foi le upu i le  
 vao tagata uma lava; ona  
 filifili lea e i latou ia Sete-  
 fano, o le tagata ua tumu i  
 le faatuatua ma le Atamai  
 Paia, ma Filipino, ma Pokoro,  
 ma Nikanora, ma Timona,  
 ma Pamena, ma Nikolao o  
 le Anetioka ua lotu mai;
- 6 Ua latou tuu atu ia te i  
 latou i luma o le au aposet-  
 tolo; ona tatalo lea, ma

faaee o latou lima i o latou  
luga. Ua tupu foi le afa- 7  
oga a le Atua: o loo atili  
ai ona faatoateleina o le au  
soo i Ierusalem; ua anaana  
foi o faitaulaga e toatele  
lava i le mataupu o le faa-  
tuatua.

A o Setefano, o loo tumu 8  
ia i le faatuatua ma le mana,  
ua na fai vavega ma faai-  
loga tetele i luma o le nuu.  
Ona tutu mai lea o isi o le 9  
sunako, e taua o le *sunako*  
o le au Lipetino, ma ni  
Kurene, ma ni Alesania,  
ma o e mai Kilikia ma Asia,  
o loo fefinaua'i ma Setefano.  
Ua le mafaiia foi i latou ona 10  
tetele atu i le potu ma le  
atamai ua na tautala ai.  
Ona latou fai lemu atu lea 11  
i tagata, ia latou tuua'i faa-  
pea, Ua matou faalogo atu  
ia te ia o loo lafo upu faifai  
ia Mose, ma le Atua. Ua 12  
faanununu ai i latou i le  
nuu, ma le au matutua, ma  
le au failautusi; ona tutu  
mai lea o i latou, ua pue ma  
taitai ane ia te ia i le fonu.  
Ua faaalu foi e i latou mo- 13  
limau pepelo, latou te faa-  
pea atu, E le mapu lava  
lena tagata i le lafo upu  
faifai i lenei mea paia, ma  
le tulafono. Auā ua ma- 14  
ton faalogo ia te ia o loo  
faapea mai, E faaumatia e  
lenei Iesu o le Nasareta  
lenei mea, ma faaliliu e ia  
tu sa tuuina mai e Mose ia  
te i tatou. Ua pulatoa uma 15  
lava e o nonofo i le fonu ia  
te ia, ua iloa e i latou ona

mata ua pei o fofoga o se  
agelu.

## O LE MATAUPU VII.

*O le lauga ma le afaiga a Se-  
tefano i le nuu o Isaraela—  
ma la latou fetogiati ia te ia  
i maa.*

- 1 **O**NA faapea mai lea o le  
faitaulaga sili, E moni  
2 ea ua faapea na mea? Ona  
fai atu lea o ia, Le au uso  
e, ma tamā e, ina faafofoga  
mai ia; Na iloa le Atua  
mamalu e lo tatou tamā o  
Aperaamo, ina o i Mesopo-  
tamia o ia, a o le i oo i lo-  
3 na nofo i Karana, Ua na  
fetalai mai foi ia te ia, Ina  
tuua ia o lou nuu, ma lou  
aiga, a e alu atu i le nuu  
ou te faasino atu ia te oe.  
4 Ona tuua lea e ia le nuu o  
Kaletaia, a ua nofo i Kara-  
na; ua oti o lona tamā, ona  
ia taitai lea ia te ia na i lea  
*nuu* e nofo i le nuu nei, ua  
5 outou nonofo ai. Ua na le  
avatu foi ia te ia se tofi i ai,  
e leai lava se tulagāvae; a  
ua folafola mai, na te avatu  
i ai ia te ia e fai ma ona fa-  
nua tumau, ma sana fanau  
e mulimuli ia te ia, a o leai  
6 sana fanau. Na faapea mai  
foi le Atua, E mau lana fa-  
nau i le nuu ese, latou te  
faatagata-o-taua ma faasau-  
noa i ai i tausaga e fagalau.  
7 Na faapea mai foi le Atua,  
Ou te faasala i le nuu ua  
latou tagata-o-taua i ai; a  
mavae foi ia mea e o atu i

latou, ma latou tapuai mai ia te au i lenei nuu. Na 8 ia foi atu foi ia te ia le sauniga o le peritome; o lea foi na fanau lona atalii o Isaako, ua ia peritomeina o ia i le aso valu; o le atalii foi o Isaako, o Iakopo; o le fanau foi a Iakopo e toasesufulu ma le toalua, o tupuga ia.

O le au tupuga foi, ina o 9 matataua ia Iosefa, ua latou faatau atu ia te ia i Aikupito; a o loo ia te ia le Atua. Ua na faaola foi ia 10 te ia i ona puapuga uma lava, ma foi mai i ai ia ta'uleleia ma ta'upotoina i luma o Farao, le tupu o Aikupito; ua na tofi foi ia te ia e taitai i Aikupito, atoa ma lona aiga uma. Na 11 oo foi le oge, ma le puapuga tele i le nuu o Aikupito uma lava atoa ma Kanana: ua le maua foi ni mea e ai e o tatou tamā. A ua faa- 12 logo e Iakopo o loo i Aikupito saito, ua na aau atu faatasi i o tatou tamā. I 13 lo latou foi faalua ua faailoa ane Iosefa i ona uso, ua faaalila ane foi le aiga o Iosefa ia Farao. Ona feau 14 atu lea e Iosefa, ua aami i lona tamā lava o Iakopo, atoa ma lona aiga uma lava, e toafitu gafulu ma le toalima o tagata. Ona alu 15 ifo lea o Iakopo i Aikupito, ua malia ai, atoa ma o tatou tamā; Ua molia foi i 16 latou i Sukema, ma ua tuuina i le tuugamau na faa-

tau e Aperaaamo i le tau atio na i le fanau a Emorō le tamā o Sukema.

17 A o latalata le tausaga na folafolaina ai, sa tauto ai le Atua ia Aperaaamo, ua tutupu le nuu ua faatoate- 18 leina i Aikupito, E oo i le nofo mai o le tasi tupu, sa 19 le iloa e ia Iosefa. Ua na togafiti-leagaina i o tatou aiga, ma faasaunoa atu i o tatou mātua, ia tuulafoai o a latou tama meamea, ina 20 nei ola i latou. O le tausaga lea na fanau ai Mose, ua maeu le tino lelei, e tolu masina foi ua tausi ai o ia i 21 le aiga o lona tamā; Ua tuulafoaiina foi o ia, ua ava'e e le afafine o Farao, ua na tausi foi ia te ia e fai 22 ma ana tama. Na aoaoina foi Mose i le poto uma lava o tagata Aikupito, ua malosi i ana upu ma ana mea 23 na faia. Ua oo i le fagafulu o ona tausaga, ona manatu ai lea o ia e asiasi atu 24 i ona uso o sa Isaraelā. Ua iloa atu foi o ia i le tasi ua agaleagaina, ua na fesoasoani i ai, ma tauai atu i lana agaleaga, ma fasi i le Aikupito. Fa te ia e iloa e 25 ona uso e faaola le Atua ia te i latou i lona lima; a 26 ua le iloa e i latou. I le taeao foi ua tu atu o ia i isi o i latou o tau, ua na pupulu ai ia lelei, ua faapea atu, Soma e, o le uso oulua; se a le mea ua agaleaga'i ai 27 oulua ia te oulua? A o lē agaleaga atu i le tasi ua na

tulei ese ia te ia, ua faapea mai, O ai na fai oe ma taitai ma faamasino ia te i matou? O oe foi, e te fiafia 28  
 sioti ea ia te au, pei ona e fasioti i le Aikupito ananafi? Ona sola lea o Mose i 29  
 lea upu, ua mau ai i le nuu o Mitiana, ua fanau ai ona atalii e toalua. Ua mavae 30  
 foi tausaga e fa gafulu, i le ilo atu ai e ia i le vao tuufua o le mauga o Sinai, le agelu a le Alii i le afi o le laau faapuloulou na mumu. Ua 31  
 vaai e Mose i ai ua ofo i le mea na vaaiā : o faalatalata atu o ia e matamata i ai, ona oo mai lea o le siufofoga o le Alii ia te ia, Ua 32  
 faapea mai, O au o le Atua o ou tamā, o le Atua o Aperaamo, o le Atua o Isaako, o le Atua foi o Iakopo. Ona gatete lea o Mose, ua le mafai ona faamalosi e matamata i ai. Ona fetalai mai lea o le Alii 33  
 ia te ia, Tatala ia i ou seevae; auā o le mea ua e tu ai o le elelee paia lea. Ua 34  
 o'u matuā vaavaai i le aga-leagaina o lo'u nuu o e i Aikupito, ua ou faalogo foi i o latou ōi, ma o'u alu ifo nei e lavea'i ia te i latou. O lenei, sau ia, ou te auina atu oe i Aikupito. O lenei 35  
 Mose sa tetee e i latou, (ua faapea atu, O ai se na faia oe ma taitai ma faamasino,) na auina o ia e le Atua e fai ma taitai ma faaolataga, i le lima o le agelu sa iloa e ia i le laau faapuloulou.

36 O ia lava na taitai atu ia te i latou, ua fai vavega ma faailoga i le nuu o Aikupito, ma le sami ulaula atoa ma le vao tuufua, i tausaga e fa gafulu.  
 37 O le Mose lea, sa fai atu i sa Isaraela, E faatupu e Ieova lo outou Atua le perofeta mo outou i o outou uso, pei o a'u nei; tou te 38  
 faalogo ia te ia. O ia sa i le ekalesia i le vao tuufua, sa feoi ma le agelu na fetalai mai ia te ia i le mauga o Sinai, ma o tatou mātua; ua na talia foi afioga o le ola, e foai mai ia te i tatou.  
 39 Ua le loto e o tatou mātua ina anaana i ai, a ua tetee atu, ma toe foi atu i o latou loto 40  
 i Aikupito, Ua faapea atu ia Arona, Ina faia ia Atua mo i tatou, latou te muamua atu ia i tatou; auā o lena Mose, sa taitai ia i tatou na i le nuu o Aikupito, tatou te le iloa poo ua faapefea 41  
 ia. Na faia foi e i latou i ia ona po le tama'i povi, ua latou fai foi le taulaga i le tupua, ma olioli foi i latou i galuega a o latou lava lima. Ona liliu ese lea o le 42  
 Atua, ma tuu atu ia te i latou e tapuai i le au aofaga o le lagi: pei ona tusia i le lautusi a le au perofeta, Le aiga o Isaraela e, na outou au mai ea manu ua fasia ma taulaga ia te au i ona tausaga e fa gafulu i le vao tuufua?  
 43 Na ave foi e outou le falefetafa'i o Moloka ma le fetu o lo outou atua o Refana,

o faatusa na outou faia tou te punonou i ai; o le mea lea ou te taitai ai ia te outou e nonofo i tala atu o Pape-lonia. Sa i o tatou mātua i 44 le vao tuufua le falefetafa'i o i ai le mau, pei ona faato-nuina e lē na fetalai mai ia Mose, ia faia e ia pei o le faatusa na vaaia e ia. Na 45 talia foi lea, ua au mai foi e o tatou mātua ma Iosua i fanua o nuuese, e na tulia e le Atua i luma o tatou mā-tua, e oo i le tausaga o Ta-vita. O ia ua alofaina e le 46 Atua, ua na faatoga atu foi ia maua e ia se mea e afio ai le Atua o Iakopo. A ua 47 faia e Solomona le fale ma ona. A e peitai le Maua- 48 luga silisili ua le afio o ia i malumalu e faia e lima, pei ona fai mai i le perofeta. O le lagi o lo'u nofoālii lea, 49 o le lalolagi foi lo'u tulagā-vae; o loo faapea mai Ie-ova, pe faapefea se fale tou te faia mo a'u? poo i fea se mea ou te nofo ai? E le 50 faia ea e lo'u lima nei mea uma?

O outou e ua maaa le 'ua, 51 ma e le peritomeina o loto ma taliga, ua outou tetee atu pea lava i le Atamai Paia; pei o outou mātua ua faapea foi outou. O ai so 52 le au perofeta e le i saua i ai o outou mātua? ua fa-siotia e i latou e na muai talai i le afio mai o le Aga-tonu: o ia ua outou faalata-ina ma fasiotia nei: O 53 outou, e ua talia le tulafono

i sauniga a agelu; a ua le taofia.

- 54 O loo faalogo i latou i nei upu, ona matua lotoa lea o i latou; ua lilivau o 55 latou nifo ia te ia. A o loo tumu o ia i le Atamai Paia, ua pulatoa i le lagi, ua iloa atu i le mamalu o le Atua, ma Iesu o loo tu i le aao taumatau o le Atua, ua na 56 fai mai, Faauta, ua o'u iloa i le lagi ua avanoa, ma le Atalii o le tagata o loo tu i le aao taumatau o le 57 Atua. Ona alalaga lea o i latou ma le leo tele, na pupuni i o latou taliga, ma feosofi mai ia te ia ma le 58 lotogatasi, Ua tulei atu foi ia te ia i tua o le aai, e fetogi ia te ia i maa; ua tuu atu foi e molimau o latou ofu i le taulealea, o Saulo le igoa, e leleo ai. 59 Ua fetogi foi i latou ia Setefano, o loo valaau o ia ua faapea atu, Le Alii e, Iesu, ia e talia mai lo'u nei agaga. 60 Ua tootuli foi o ia, ma alaga atu ma le leo tele, Le Alii e, aua e te tuuina atu lenei agasala ia te i latou. Ua uma atu i lenei upu, ona moe ai lea o ia.

## O LE MATAUPU VIII.

*O le faasalalavina o le ekalesia o i Ierusalem i le saua tele; ma lo latou o, ma folafola solo i le tala lelei.*

- 1 **O** LOO lotogatasi foi Saulo ma i latou i lona

fasiga. I lea lava aso ua  
tupu ai le saua tele i le  
ekalesia o i Ierusalema; na  
faasalalauina foi i latou  
uma i oganuu o Iutaia, ma  
Samaria, ua toe na o le au  
apostolo. Na teuteu foi 2  
Setefano e tagata e matatau  
i le Atua e tanu, ua matuā  
taufaiaue i latou ia te ia.  
A ua soona saua o Saulo i 3  
le ekalesia, o loo ulufale ia  
i lea fale ma lea fale, ma  
fetoso mai i tane ma fafine,  
ma tuu i ai i le falepuipui.  
Ua o solo foi e na faasala- 4  
lauina, ma folafola atu i le  
tala lelei o le upu.

Ua alu ifo foi o Filipo i 5  
le aai o Samaria, ma talai  
atu ai ia te i latou i a'le  
Mesia. Ua naunau le motu 6  
o tagata ma le lotogatasi i  
upu na fai atu e Filipo, o  
loo latou o faalogologo ma  
vaavaai i faailoga ua faia e  
ia. Auā o loo o i fafo 7  
agaga leaga i le toatele sa  
i ai, o loo alalaga ma le leo  
tele: ua faamaloloina foi le  
toatele e sa gagase tino, ma  
pipili. Ua tele lava le 8  
olioli i lea aai.

A o le tasi tagata, o 9  
Simona le igoa, sa muai fai  
togafiti faataulaaitu i lea  
aai ia ofo ai le nuu o Sa-  
maria, o loo faapea mai, o  
ia lava o le silisili: Ua 10  
naunau atu i latou uma lava  
ia te ia, o tagatānuu atoa  
ma alii, o loo faapea ane,  
O le mana tele o le Atua  
lenei tagata. Ua latou 11  
naunau ia te ia, aua ua leva

lona faaofa ia te i latou i  
ana togafiti faataulaaitu.

12 Ua oo ina talitonu i latou  
ia Filipo o loo folafola i  
mea lelei o le malo o le  
Atua, ma le suafa o Iesu  
Keriso, ua papatisoina i  
latou, o tane atoa ma fa-  
fine. Ma Simona foi ua  
talitonu ia: ua papatisoina  
foi ia, ona pipii pea lea o ia  
ia Filipo, ua matuā ofo, ina  
o matamata i faailoga ma  
vavega tetele na faia.

14 Ua faalogo foi e le au  
apostolo o i Ierusalema, ua  
talia e Samaria le upu a le  
Atua, ua latou aauina atu  
o Peteru ma Ioane ia te i

15 latou. Ua o foi i laua ua  
tatalo mo i latou, ina ia  
maua e i latou le Atamai

16 Paia: (Auā ona po ia e  
lei pa'u atu ai i se tasi o i  
latou; ua na ona papatisoina  
o i latou i le suafa o le Alii

17 o Iesu.) Ona faaee atu lea  
o laua lima ia te i latou, ona  
maua lea e i latou le Atamai

18 Paia. Ua vaaia foi e Si-  
mona, o le faaee o lima o le  
au apostolo ua foai atu ai  
le Atamai Paia, ona avatu  
ai lea o ia o tupe ia te i

19 laua, Ua faapea atu, Foai  
mai ia te au foi lenei pule,  
ina ia maua le Atamai Paia  
e le tagata ou te faaee i ai

20 o'u lima. A ua fai mai  
Peteru ia te ia, Ia fano ia  
oe faatasi ma au ario, auā  
ua e manatu e faatauina le  
mea foai fua a le Atua i

21 tupe. E leai sou tufaaga  
ma sou tofi i lenei mea;

auā e le tonu lou loto i luma o le Atua. O lenei, 22 ia e salamo ia i lou nei leaga, ma e faatoga atu i le Atua, pe faamagaloina le manatu o lou loto. Auā ua ou iloa 23 ua e oo i le au oona, ma le tani o le agaletonu. Ona 24 tali atu lea o Simona, ua faapea atu. Faatoga ia oulua i le Alii mo au, ina ia le oo mai ia te au se tasi o ia mea ua oulua fai mai na. Ua 25 uma foi lo laua molitino ma faamatala atu i le afiga a le Alii, ona la toe foi atu lea i Ierusalemā, ma folafola i le tala lelei i aai e tele o Samaria.

Na fai mai foi le agelu a 26 le Alii ia Filippo, ua faapea mai, Ina tu ia, ina alu i le itu i toga, i le ala e alu ifo mai Ierusalemā i Kasa o le mea ua tuufua lea. Ona tu 27 lea o ia i luga ua alu; faautā foi, i le tagata Aitiopi, o le eunuka, o le auāuna sili a le tupu fafine o Aitiopi, o Kanake, le na tausi ana oloa uma lava; na alu atu o ia i Ierusalemā e tapuai ai. Ua toe foi mai o 28 loo tietie i lona nofoataavalevale, ma faitau i le Isaia, o le perofeta. Na 29 fai mai foi le Atamai ia Filippo, Faalatalata atu ia ma e faatasi i lena nofoataavalevale. Ona momo'e 30 atu lea o Filippo, ua faalogo atu ia te ia o loo faitau i le Isaia, o le perofeta, ua na fai atu foi, Pe ua e lagona i mea ua e faitauina? Na 31

fai mai o ia, Ou te mafua faapefea, pe a le faasino mai se tasi ia te au? Ua na fai mai foi ia Filippo ia alu 32 ae la te nonofo ma ia. O le fuaiupu foi o le tasi ua na faitau ai, o lenei, Pei o le mamoe ua taitaiina i le fasiga; pei o le tamai mamoe foi i luma o le selesese i ai e le tagi, e faapea foi o ia ua le alaga. 33 I lona faamaulaloina na aveesea lona faamasinoga; o ai foi se na te talaina mai lona tupulaga? auā ua aveesea lona ola ai le lalolagi. 34 Na fai mai e le eunuka ia Filippo, ua faapea mai, So'u fesili atu ia te oe, ua fai mai lenei mea e le perofeta ia te ai? ia te ia ea, pe se 35 tagata ese? Ona oo ane lea o le lauga a Filippo, e afua i le lava tusi, ma folafola ia te ia i le tala lelei ia 36 Iesu. Ua o ane foi i laua i le ala, ua oo i le tasi vai: ona fai mai lea o le eunuka, Faauta, o le vai; e sa ea i se ā ona papatisoina o au? 37 Na fai atu e Filippo, Afai ua e talitonu ma le loto atoa, e le sa. Ua tali mai o ia, ua faapea mai, Ou te talitonu o Iesu Keriso o le 38 Atalii o le Atua ia. Ona fai atu lea o ia ia faapau mai le nofoataavalevale; ona la o ifo lea i le vai, o Filippo ma le eunuka; ua na papatiso foi ia te ia. 39 Ua o ae i laua na i le vai, ona segia lea o Filippo e le Atamai o le Alii, ua le toe



iloa o ia e le eunuka; ua alu foi ia i lana malaga ma le olioli. Ua iloa foi Fi- 40 lipo i Asota; ua alu foi ia, ma folafola solo i le tala lelei i aai uma lava, ua oo ai ia i Kaisareia.

## O LE MATAUPU IX.

*O le faaaposetolo ina ma le papatisoina o Saulo—o le filemu o ehalesia: o vavega na faia e Peteru.*

**A** O loo mapugatama'i 1 pea o Saulo i le faa- matau ma le fasioti i le au soo o le Alii, ua alu atu ia i le faitaulaga sili. Ua faa- 2 toga atu ia te ia i ni tusi e ave i sunako i Tamaseko, ina ia fusifusi ma taitai mai e ia i Ierusalem, tagata uma lava o lena lotu e maua e ia, o tane atoa ma fafine. O loo alu atu o ia ua lata- 3 lata i Tamaseko; ua faafua- sei ai ona pupula faasiosio mai ia te ia le malamalama mai le lagi: Ona pa'u 4 lea o ia i lalo i le eleele, ua faalogo atu i le leo o loo faapea mai ia te ia, Saulo, Saulo e, se a le mea ua e saua mai ai ia te au? Ona fai atu lea o ia, Le 5 Alii e, o ai ea oe? Ona fetalai mai lea o le Alii, O au o Iesu ua e saua mai i ai; o le mea faigata ia te oe ona aa i tui. O loo 6 gatete ia, ua mata'u foi, ua faapea atu, Le Alii e, se a le mea e te faigatalo i ai ou

te faia? ona fetalai mai o le Alii ia te ia, Tu ia oe i luga ina alu ia i le aai, ona ta'uina atu lea ia te oe o le 7 mea e tusa ona e faia. A ua tutu tagata na o malaga ma ia, ua le mafeganavai; o loo faalogo lava i latou i le leo, a e le iloa atu i se 8 tasi. Na tu i luga Saulo na i le eleele: ua pupula ona mata, a na le iloa se tasi; ua fetagofi i latou i ona lima, ua taitai ia te ia 9 i Tamaseko. Ua tolu foi aso e le o vaai ai, e le i ai, e le i iou. 10 Sa i Tamaseko foi le tasi soo, o Anania le igoa: na fetalai mai foi le Alii ia te ia i le faali'a mai, Anania e. Na tali atu o ia, Le 11 Alii e, o au lenei. Ona fetalai mai lea o le Alii ia te ia, Ina tu ia i luga, ina alu i le ala e taua o le Sa'o, ina saili i le fale o Iuta i le tagata, o Saulo le igoa, o le Taso, aua, faauta o loo 12 tatalo ia. Ua na iloa atu foi i le faali'a o le tagata o Anania le igoa, o loo ulufale mai ma faace lona lima i ona luga, ina ia toe 13 vaai o ia. Ona tali atu lea o Anania, Le Alii e, na au faalogo i tagata e toatele i le tala i lena tagata, i mea leaga e tele ua na faia i ou tagata paia i Ierusalem; 14 E ana le pule mai le au faitaulaga sili, e fusifusi uma lava i e ua valaau i 15 lou suafa iinei. A na fetalai mai le Alii ia te ia,

ma le fitafita amio-atua o le tasi o i latou e lē te'a ia te ia; Ua ia faamatala ia te 8 i latou mea uma, ona aau atu lea o ia ia te i latou i Iopa.

I le taeao, o loo i le ala 9 i latou, ma ua latalata i le aai, ua alu ae Peteru i luga o le fale e tatalo, pe le ituaso e ono. Ua matua 10 laina o ia, ua manatu e 'ai; o latou o sauni, ua oo ia te ia le faali'a: Ua vaai atu 11 i le lagi ua avanoa, ma le tasi mea o loo alu ifo ia te ia, pei se ie lautele, ua noatia i ona pito e fa, ma tuutuu ifo i le lalolagi, O i 12 ai uma lava manu vaefa o le lalolagi, ma manu feai, ma mea fetolofi, ma manu felelei. Na oo mai foi le 13 leo ia te ia, Peteru e, ina tu ia i luga, ina fasi, ma ai. A ua fai atu Peteru, Le 14 Alii e, aua lava; auā ou te le i 'ai lava se mea e lē paia, poo se mea e lē mamā. Ua foi faalua mai le leo ia 15 te ia, O mea ua faamamāina e le Atua, aua e te ta'ua e le paia. Ua fai faatolu 16 mai lenei mea; ona toe avae lea o le mea i le lagi.

O loo masalosalo o Peteru 17 i lona lava loto pe se a lea faali'a ua iloa e ia, faauta foi, i tagata na aauina e Konēlio, sa latou sailiili i le fale o Simona, ua tutu mai i le faitotoa, O loo valaau 18 ma fesili, poo mau ai Simona e ta'ua o Peteru. O loo 19 manatunatu ifo e Peteru i

le faali'a, ua fetala'i mai ai le Atamai ia te ia, Faauta, o loo saili mai tagata e toa- 20 tolu ia te oe. A e tu ia i luga, ina alu ifo, tou te o ma i latou, aua lava le masalosaloale; auā ua aauina 21 i latou e au lava. Ona alu ifo lea o Peteru i ia tagata na aauina e Konēlio ia te ia, ua fai atu ai, Faauta, o au lea ua outou saili na: se a le mea ua outou o mai ai 22 nei? Ona fai mai lea o i latou, O Konēlio o le taitai o le toaselau, o le tagata amio tonu, ma le mata'u i le Atua, ma le ta'uleleia e le nuu o Iutaia uma lava, na aoaoina o ia mai le Atua e le agelu paia e aami ia te oe e te alu i lona fale, ia 23 faalogo o ia i au upu. O loo valaau ia ia te i latou e o ane i le fale ma na talimalo i ai. I le taeao foi ua latou o ma Peteru, ua o foi faatasi ma ia isi o le au uso 24 mai Iopa. I le tasi taeao ua oo atu i latou i Kaisareia. O loo faatali foi Konēlio ia te i latou, ua faapotopotoina e ia lona aiga ma ana aumeamamae. 25 O loo ulufale atu o Peteru, ua faafetaia'i e Konēlio ia te ia, ua ifo i ona luma, ua 26 punou ia te ia. A na faatu Peteru ia te ia, ma faapea atu, Ina tu ia i luga: o au 27 nei lava o le tagata. Ua ulufale foi, o loo tatala i laua, ua iloa e ia e toatele 28 ua faapotopotoina. Na fai atu o ia ia te i latou, Ua

outou iloa lava ua sa i le tagata Iutaia ona faatasi ma faalatalata i le tagata ese: a ua faasino mai e le Atua ia te au aua ou te ta'uina atu ua le paia ma ua le mama se tasi tagata. O le mea lea na ou sau ai 29 ma le le faaloalofai, ina ua aami atu o au; o lenei, ou te fesili atu, se a le mea ua outou aami atu ai au? Ona 30 fai mai lea o Konelio, Ana a po fa sa ou faapā'upā'u ai na oo i le ituaso faape nei; le ituaso e iva foi sa au tatalo ai i lo'u fale, faauta foi, na tu mai le tagata i luma ia te au ma le ofu pupula, Ua na fai mai, Ko- 31 nelio e, ua faafogaina lau tatalo, ua manatua foi au mea alofa i luma o le Atua. O lenei ia e aauina atu nisi 32 i Iopa, e aami ia Simona, e taua foi o Peteru: o loo mau o ia i le fale o Simona, le fai pa'u puaa, e latalata i le sami; a sau ia e tautala mai ia te oe. O lea na ou 33 aauina atu loa nisi: ua lelei lava ina ua e maluu mai. O lenei o loo iinei i matou uma lava i luma o le Atua, e faalogologo atu i mea uma lava ua poloai mai ai le Atua ia te oe.

Ona oo atu lea o le lauga 34 a Peteru, ua faapea atu. E moni ua ou iloa e le faalogaina tagata e le Atua; A e peitai o le mata'u ia te 35 ia i nuu uma lava ma fai le amio tonu ua talia lea e ia. Ua outou iloa le upu na 36

molua e ia i sa Isaraela, o lona folafola i le tala lelei o le manuia ia Iesu Keriso, o le Alii ia o tagata uma 37 lava. O le upu lea sa i Iutaia uma, na afua i Kalilaia, ina ua mavae o le papatisoga sa tala'iina e 38 Ioane; O Iesu o le Nasareta, o le na faauuina e le Atua i le Atamai Paia ma le mana, o ia sa femaliua'i solo ma agalelei ma faamalolo atu uma lava i e na faateilaloina e le tiapolo; 39 aua sa ia te ia le Atua. O molimau foi i matou i mea uma lava na faia e ia i le nuu o Iutaia atoa ma Ierusalem; o le na oti foi ia te i latou i lo latou faatautau 40 i le laau. O ia na faatuina e le Atua i le aso tolu, ina 41 ia faaalitoina o ia; E le o i nuu uma lava, a e tau lava o molimau na ulua'i filifilia e le Atua, o i matou nei sa matou aai ma feinu ma ia ina ua toe tu mai i e 42 na oti. Ua na poloai mai foi ia te i matou e tala'i atu i le nuu, ma molitino atu, o ia lava le na tofia e le Atua e fai ma faamasino i e o ola 43 ma e ua oti. Na molitoina mai o ia e le au perofeta uma, ona o lona suafa e maua ai le aveesega o sala a e faatuatua taitoatasi uma ia te ia. 44 O loo tautala atu Peteru i nei upu, ona pa'u ifo lea o le Atamai Paia ia te i latou uma lava o e na faalogo i le 45 upu. Ua matua ofo foi le

au faatuatua, na peritome-  
ina, e na o mai ma Peteru,  
ina ua liligi ifo i nuu ese le  
alofa o le Atamai Paia.  
Aua o loo latou faalogo atu 46  
ia te i latou ua tautala mai  
i gagana *eseese*, ma vivii atu  
i le Atua. Ona fai atu lea 47  
o Peteru, E mafai ea e se  
tasi ona vavao i le vai, ina  
ia le papatisoina ai i latou  
nei, o e ua maua le Atamai  
Paia pei o i tatou nei? Ua 48  
fai atu foi o ia ia papatisoina  
i latou i le suafa o le Alii.  
Ona aioi lea o i latou ia te  
ia ia latou nonofo ma ia i  
nisi aso.

### O LE MATAUPU XI.

*O le faatonu atu a Peteru i  
loma alu atu i nuu ese, ma le  
tala'iga o le tala lelei i atu-  
nu'u.*

**N**A faalogo foi e le au 1  
aposetolo ma le au uso  
o i Iutaia, ua talia e nuu ese  
le afioga a le Atua. Ua 2  
alu ae foi Peteru i Ierusa-  
lema, ona fefinaua'i lea ma  
ia o le au peritome, Ua 3  
faapea mai, Na e alu atu i  
tagata e le peritomeina, na  
outou aai faatasi foi ma i  
latou. Ona afua lea o 4  
Peteru ona folafola faasolo  
ia te i latou, ua faapea atu.  
O au nei, sa au tatalo i le 5  
aai o Iopa; na ou iloa ina  
faali'a mai o le ata, o le tasi  
mea o loo alu ifo pei se ie  
lautele, ua tuutuu ifo mai le  
lagi i ona pito e fa: ua oo  
lava ia te au; Ua ou pula- 6

toa ma naunau i ai, ona ou  
iloa atu lea i manu vae'a o  
le lalolagi, ma manu feai,  
ma mea fetolofi, ma manu  
7 felelei. Na au faalogo atu  
foi i le leo o loo faapea mai  
ia te au, Peteru e, ina tu ia  
8 i luga: ina fasi ma ai. A  
ua ou fai atu: Le Alii e;  
aua lava; auā e le i to'ia  
lava lo'u gutu i sina mea e  
ai e lē paia ma se mea e lē  
9 mama. A ua foi faalua  
mai le leo mai le lagi ia te  
au, O mea ua faamamaina e  
le Atua, aua e te taua e le  
10 paia. Na faia foi faatolu  
lenei mea: ona toe siitia  
lea o mea uma lava i le lagi.  
11 Faauta foi, sa tutu loa mai  
tagata e toatolu, i le fale sa  
i ai au, na aauina mai i  
12 Kaisareia ia te au. Na fai  
mai foi le Atamai ia te au e  
o faatasi ma i latou, e aua  
lava le masalosalovale. Na  
matou o foi ma le au uso  
nei e toaono, na matou ulu  
atu foi i le fale o le tagata.  
13 Ua na tala mai foi ia te i  
matou i lona iloa atu i le  
agelu na tu mai i lona fale,  
ma fai atu ia te ia, Ina aau  
atu ia ni tagata i Iopa, e  
aami ia Simona e taua o  
14 Peteru; Na te fai mai upu  
ia te oe, e faaolaina ai oe  
atoa ma lou aiga uma lava.  
15 Na amata ona o'u tautala  
atu, ona pa'u ifo lea o le  
Atamai Paia ia te i latou,  
faapei ona pa'u ifo ia te i  
16 tatou i le amataga. Ona o'u  
manatua lea i le upu a le  
Alii, o loo faapea mai, Na

papatiso lava Ioane i le vai, a e papatisoina o outou i le Atamai Paia. O lenei, afai 17 e tusa le alofa ua foaiina mai e le Atua ia te i tatou uma lava ma i latou, ina ua faatuatua i le Alii o Iesu Keriso,—o ai ea a'u nei, ou te mafaia ona vavao atu i le Atua? Ua latou faalogo 18 mai i nei upu, ona latou faalologolea, ua vivi'i atu foi i le Atua, ua faapea ane, E moni ua foa'i atu foi e le Atua i nuu ese le salamo e ola ai.

Na o atu e na faasalalau- 19 ina i le sauaga na tupu ona o Setefano, na oo lava i Foini'e, ma Kuperu, ma Anetioka, ua le ta'u atu i le upu i se tasi na o tagata Iutaia lava. O Kuperu, 20 ma Kurene foi o isi o i latou, ua oo foi i latou i Anetioka; ua tautala i le au Elenisi, ma folafola atu i le tala lelei i le Alii o Iesu. Sa ia te i 21 latou le aao o le Alii; ua tali tonu foi le vao tagata e toatele ma liliu mai i le Alii. Ua logo atu i latou 22 i taliga o le ekalesia o i Ierusalem: ona aau atu lea o i latou ia Panapa, ia oo lava i Anetioka. Ua oo 23 atu foi o ia, ma ua iloa le alofa tunoa o le Atua, ona olioli lea o ia, ma apoapoai atu ia te i latou uma lava, ia tui o latou loto ina ia pipii atu i le Alii. Aua o 24 le tagata lelei o ia, ua tumu i le Atamai Paia ma le faatuatua; ua faaopoopoina ai

foi tagata e toatele i le Alii.

- 25 Ona alu lea o Panapa i Taso, e saili ia Saulo. Ua na maua foi, ona taitai lea 26 ia te ia i Anetioka. Na la faatasi foi ma le ekalesia ua atoa le tausaga, ma aao atu i tagata e toatele: na ulua'i ta'ua foi le au soo o Kerisiano i Anetioka.
- 27 Ona po ia na o ifo ai perofeta mai Ierusalem i 28 Anetioka. Na tu i luga foi le tasi o i latou, o Akapo le igoa, na faailoa e ia i le Atamai le oge tele o le a tupu i le lalolagi uma lava: sa taunuu ai foi i le nofoaiga a Kaisara o Kalaotio.
- 29 Ona filifili lea taitoatasi o le au soo, o le tagata ma le mea ua manuia ai, e avatu se alofa faitele i le au uso o 30 nonofo i Iutaia; Na fai ai foi e i latou, ua momoli e Panapa ma Saulo i le au matutua.

## O LE MATAUPU XII.

*O le sau a o Herota i le ekalesia; ma lona oti puapugahi.*

- 1 **O**NA po ia na amata ai le tupu o Herota ona sau atu i isi o le ekalesia.
- 2 Ua na fasioti foi ia Iakopo le uso o Ioane i le pelu.
- 3 Ua iloa foi e ia ua fiafia ai tagata Iutaia, ona faasosolo ai lea ona toe pue ia Peteru. (Ona aso ia o areto e 4 le faafefeteina.) Ua taofi foi ia te ia, ona tuu ai lea i

le falepuipui, ma tuuina atu i fitafita e taitoafa i vasega e fa, e leoleo ia te ia o loo manatu ia e taitai ane ia te ia i le nuu pe a mavae le paseka. O lenei ua leoleo- 5 ina Peteru i le falepuipui : a o loo faia le tatalo faa- tauanau i le Atua e le eka- lesia mo ia. O le a taitai 6 e Herota ia te ia i fafo, i lea lava po na moe ai Peteru i le va o fitafita e toalua, ua noanoatia e maea uamea e lua : o leoleo foi i luma o faitotoa na leoleo i latou i le falepuipui. Faautea foi 7 le agelu a le Alii ua tu mai i ai, ua pupula mai foi le malamalama i le fale : ua na ta ia Peteru i lona itu, ma fafagu ia te ia, na faa- pea atu, Ina tu ia i luga ia vave. Ona pauu ifo lea o maea na i ona lima. Na 8 fai atu le agelu ia te ia, Fusi ia ou ofu, ma faamau ifo ou seevae. Ona faia lea e ia. Ua na fai atu foi ia te ia, Ina pulupulu ia o oe, ma mulimuli mai ia te au. Ona alu lea o ia i fafo, 9 ua mulimuli atu ia te ia ; ua le iloa e ia ua moni le mea o loo faia e le agelu ; fa te ia na ona faali'a mai. Ua mavae foi i tua ia te i 10 laua le mua'i leoleoga ma lona lua, ona oo lea o i laua i le puipui u'amea e o ai i le aai : ua matala fua lea ia te i laua ; ona la o atu lea i fafo, ma savali atu i le ala e tasi ; ona tuua loa lea o ia e le agelu. Ua faa- 11

toa maumanatu ai e Peteru ; ona faapea lea o ia, Ua ou iloa nei e moni ua aumai mai e le Alii lona agelu, ma ua lavea'i mai o ia ia te au ai le lima o Herota ; ma le faatuatuaga uma lava o 12 tagata Iutaia. Ua mafau- fau o ia, ona alu lea i le fale o Maria le tina o Ioane, e taua foi o Mareko : sa faapotopotoina ai le toa- 13 tele o loo talotalo. Ua tu'itu'i atu foi Peteru i le puipui o le ala, ona sau lea o le tasi teine na te asia 14 mai, o Rosa le igoa. Ua iloa foi e ia le leo o Peteru, ua le toina le puipui ona o le olioli, a ua momo'e i le fale, ma fai atu o loo tu mai Peteru i le faitotoa. 15 Ua fai mai i latou ia te ia, ua e valea. A ua finau atu pea ia e moni lava. Ona faapea mai lea o i 16 latou, Ai o lona agelu. A ua tu'itu'i atu pea Peteru ; ona tatala lea e i latou, ua ilo atu ia te ia, ona mataa 17 ofo ai lea o i latou. Ua tala atu o ia i lona lima ia te i latou ia faalologo, ona fa- lafola lea ia te i latou i lona taitaiga mai e le Alii na i le falepuipui. Ua na fai atu foi, Ia outou tala atu nei mea ia Iakopo ma le au uso. Ona alu atu lea o ia i fafo, ua alu i le tasi mea. 18 Ua ao foi, ona le Atitiiti Do se atuatuvaile i le au fitafita, 19 pe na faapefea Peteru. Ua saili foi e Herota i le tasi, ua le maula, ona faamamam

lea o le i leoleo, ma fai ata  
ia, ta'ita'ina i latou i le oti.  
Ona, maliu lea o ia na i  
Iutaia i Kaisareia, ua nofo

Na ita foi Herota i Turo 20  
ma Saitonu; a ua latou o  
mai ia te ia ma le lotoga-  
tasi, na latou aiai atu foi ia  
Paso le teuteu i tofaga o le  
tupu, na te faalaulelei atu,  
ona latou ole atu lea ia ola  
le taua: auā na fagaina o  
latou nuu e le nuu o le  
tupu. O lea aso foi na tau 21  
i ai, ua teuteu Herota i ona  
ofualii, ma nofo i le tulaga,  
ua luga atu ia te i latou.  
Ona alalaga lea o le nuu, 22  
O le siufofoga o se atua, e  
le se leo o se tagata. Ona 23  
faafuasei lea, ona taia o ia  
e le agelu a le Alii, aua e  
le avatu e ia le viiga i le  
Atua; ona atiolaina lea o  
ia e tuga, ua oti ai.

A, ua tupu le afioga a le 24  
Atua, ma ua faateleina. Na 25  
toe foi mai foi Panapa ma  
Saulo na i Ierusalem, ina  
ua uma o la la feau, ua latou  
mai ma Ioane e taua o  
Mareko.

### O LE MATAUPU XIII.

O le tauina atu o Paulo ma  
Panapa i atamui, ma o le  
faatititesea o i lava.

Ma i Auetioka i le eka- 1  
lasi o i ai isi perofeta  
ma aco; o Panapa, ma  
Simona e taua o Nikelu,  
ma Inakio o le Kurene, o

Manaena o le uso o Herota  
le tupu, sa la tutupu ma  
2 Saulo. O loo latou o tapuai  
i le Alii, ma faapā'upā'u,  
ua fetalai mai le Atamai  
Paia, Totofi ia mo au ia  
Panapa ma Saulo i le galu-  
ega ua ou togia i ai i lava.  
3 Ona faapā'upā'u lea o i latou  
ma tatalo, ma faae'e o latou  
lima ia te i lava, ona faa-  
mavae atu lea.

4 O lenei ua sauina nei  
tagata e le Atamai Pa'ia,  
ona o lea o i lava i Solu-  
keia; ua folau atu na i lea  
5 mea i Kuperu. Ua i Sala-  
mina, ona la folafola ai lea  
i le afioga a le Atua i sunako  
o tagata Iutaia; na auauna  
6 foi Ioane ia te i lava. Na  
latou sopo itu i le motu, ua  
oo atu i Paso, ua iloa ai e i  
latou le tasi makoi, o le  
perofeta pepelo, o le Iutaia,  
7 o Pa'iesu lona igoa: Sa i  
ai o ia i le suikoneula, o  
Sekio Paulo, o le tagata  
poto lea: na aami lenei ta-  
gata ia Panapa ma Saulo,  
ua finagalo e faalogo i le  
8 afioga a le Atua. A o  
Elima o le makoi, (o le  
uiga lea o lona igoa,) ua  
finau mai o ia ia te i lava,  
na manao e faaliliu ese atu  
o ia i le suikoneula ai le  
9 faatuatua. A o Saulo, (o  
Paulo foi lea,) o loo tumu  
ia i le Atamai Paia, ua pu-  
latoa ia te ia, ma faapea atu,  
10 O oe na ua tumu i le pepelo  
uma lava ma le faiga uma  
lava, o le atalii o le tiapolo,  
o le 'ino'ino i le amio tauu

uma lava! e te le se'i soia  
 ea lou faapiopio i ala tonu  
 o le Alii? Faauta nei, o 11  
 le a oo ia te oe le aao o le  
 Alii, e tauaso oe, e te le toe  
 vaai i le la seia se aso.  
 Ona faafuasei lea ona pa'ū  
 ia te ia le popogi ma le  
 pouliuli; ona faaluai lea o  
 ia ma saili ni tagata e tata'i  
 ia te ia. Ua iloa foi e le 12  
 suikonesula le mea na faia,  
 ona faatuatua lea o ia, o loo  
 matuā ofo i le mataupu a le  
 Alii.

Na tuu vaa atu Paulo ma 13  
 lana malaga i Pafō, ua oe  
 i latou i Pereka i Pafulia:  
 na tuua foi i latou e Ioane,  
 ua toe foi o ia i Ierusalem.  
 Ua tuua foi Pereka e i 14  
 latou ona latou o loa lea i  
 Anetioka i Pisitia, ua ulu-  
 fale i latou i le sunako i le  
 aso sa, ma nonofo i lalo.  
 Ua uma foi ona faitau i le 15  
 tulafono ma perofeta, ona  
 aau atu lea e le au taitai o  
 le sunako i ia te i latou,  
 ua faapea atu, Le au uso e,  
 afai ua ia te outou se upu  
 faamafanafana i le nuu nei,  
 ina fai mai ia, Ona tu lea 16  
 o Paulo i luga, ma tālo atu  
 i lona linu, ma faapea atu,  
 Outou Isaraela e, ma outou  
 o e matatau i le Atua, faa-  
 fofoga mai ia. O le Atua 17  
 o lenei nuu o Isaraela na  
 filifilia e ia o tatou matua,  
 ma ua faamaualuga i le nuu  
 ina o nonofo i le nuu o  
 Aikupito, na ia taitai ese  
 atu ai foi ia te i latou i le  
 aao malosi. Na tana'i foi o 18

ia ia te i latou i le var'itu-  
 fua i ona tausaga pe figa-  
 fulu. Ua uma foi ona olo-  
 ina e ia o nuu e fitu i  
 Kanana, ona tofi ai lea o  
 20 latou fanua mo i latou. Ua  
 mavae foi o nei mea, ona  
 tuu atu lea alii faamasino  
 mo i latou e oo lava i le  
 perofeta o Samuela, i tau-  
 saga pe fa o selau ma le  
 21 lima gafulu. Mulimuli ane  
 ua latou faatoga i se tupu;  
 ona tuu atu lea e le Atua ia  
 te i latou ia Saulo, le atalii  
 o Kiso, o le tagata o le  
 ituaiga o Peniamina; i tau-  
 22 saga e fagafulu. Ua na  
 tuuese foi ia te ia, ona  
 faatupu lea e ia ia Tavita  
 e fai ma o latou tupu; ua  
 ia molitino foi ia te ia, ua  
 faapea ane, Ua ou mana  
 Tavita le atalii o Iese, o le  
 tagata e tusa ma lō'u nei  
 23 loto na te faia o mea uma  
 lava ou te manao i ai. O  
 le aiga o lenei tagata ua  
 faatupu ai e le Atua ia Isa-  
 raela le Faatolaga, o Iesu,  
 pei ona folafolaina e ia:  
 24 Ina ua muai tala'i e Ioane  
 i lona maliu mai, i le papa-  
 tisogo o le salamo i le nuu  
 25 o Isaraela uma lava. O  
 loo faauma e Ioane lona  
 faiva, ua fai mai o ia, O ai  
 ea a'u nei i o outou mā-  
 natu? E le o ia au nei.  
 A e faauta, o loo malimuli  
 mai ia te au le tasi, ou te le  
 aoga ona ou tatala i lona  
 seevae.

26. Le au uso e, o fanau aua  
 Aperaamō, ma e matatau i



le Atua o ia te outou, ua  
molia mai le upu o lenei  
ola ia te outou. Aua o i 27  
latou e nonofo i Ierusalema,  
ma o latou taitai ina ua le  
iloa e i latou o ia, ma upu  
a le au perofeta ua faitauina  
i lea aso sa ma lea aso sa,  
ua taunu ai ia te i latou i  
lo latou faasala ia te ia.  
Ui lava ina ua le maua e i 28  
latou se mea e tatau ai ia te  
ia le oti, ua latou faatoga  
atu ia Pilato ia fasiotia o  
ia. Ua faai'u foi e i latou 29  
mea uma lava na tusia ia te  
ia, ona ave ifo lea o i latou  
ia te ia i le laau, ma tuu i  
le tungamau. A ua faatu 30  
mai le Atua ia te ia i e na  
oti; E tele foi aso na iloa 31  
ai o ia e tagata na o ae ma  
ia na i Kalilaia i Ierusa-  
lema; o ana molimau i  
latou i le nuu. Ua matou 32  
folafola atu foi le tala lelei  
ia te outou, i le mea na  
folafolaina atu i o tatou  
matua; Ua faao lea e le 33  
Atua ia te i tatou o a latou  
fanan, i lona toe faatuina o  
Iesu; pei ona tusia foi i le  
Salamo e lua, "O lo'u Ata-  
lii oe, ua fanaua oe e au i  
le aso nei." Ona ua toe 34  
faatuina mai o ia ia te ia i  
e na oti, ia le toe foi atu  
lava i le mea e pala ai, o  
lea ua na faapea mai ai,  
"Ou te foi atu ia te outou le  
vao mea paia ma le faamaoni  
a Tavita." O le mea foi 35  
lea ua fai mai ai o ia i le  
tasi *fusi upu*, "E te le tuu  
atu lea tagata paia ia oo i

36 ai le pala. O Tavita foi  
ina ua uma ona auuina i le  
finagalo o le Atua i lona  
lava tupulaga, na moe ia,  
ma ua faatasiina atu i ona  
matua, na oo ia te ia le  
37 pala. A o le na faatuina  
mai e le Atua, na le oo ia  
te ia le pala.  
38 O lenei le au uso e, ia  
outou iloa, ua folafolaina ia  
te outou le aveesega o sala  
39 ona o lenei tagata; E tai-  
tasi le tagata e faatuatua  
ma ta'uagatonuina ia te ia  
i mea uma lava, na le ma-  
fai ona ta'uagatonuina ai  
outou i le talafono a Moe.  
40 O lenei, ia outou ne'i oo ia  
te outou, le ua fai mai i  
41 perofeta, "O outou o e  
'ino'ino ina vaai mai ia, ma  
ofa, ma mou ia; auā ou te  
faia lava e au se galuega i  
o outou tausaga, o le galu-  
ega e ui ina faamatalaina  
ai ia te outou e se tasi tou  
te le talitonu i ai."  
42 Ua o foi i latou i fafo o  
le sanako o Iutaia ona faa-  
toga atu lea e tagata o  
nuu ese ia folafolaina mai  
ia upu ia te i latou i le aso  
43 sa atali. Ua tuua le faa-  
potopotoga ona mulimuli  
lea ia Paulo ma Panapa o  
tagata o Iutaia ma e ua  
lotu mai e tapuai e toatele;  
ua la tautala atu, ma apoa-  
poa'i ia te i latou, ina ia  
tumau i le alofa tunoa o le  
Atua.  
44 Ua oo foi i le aso sa, ona  
tali o uma mai lea o le nau  
e faalogo i le afioga a le

Atua. Ua iloa e tagata 45  
 Iutaia le motu o tagata, ona  
 matua matataua lea o i  
 latou, ma upu ese mai i  
 mea na fai atu ai Paulo, o  
 loo upu ese ma faifai ia  
 Iesu. Ona faamalosi atu 46  
 lea o Paulo ma Panapa, ua  
 faapea atu, Na tatau lava  
 ona ua muai folafolaina atu  
 le afioga a le Atua ia te  
 outou: a ua outou tetee  
 mai, ma ua ta'uleaogaina  
 outou i le ola le uma e ou-  
 tou, o le mea lea ma te  
 liliu atu ai i nuu ese. Aua 47  
 ua faapea ona poloai mai o  
 le Alii ia te i matou, "Ua  
 o'u tofi ia te oe e fai ma  
 malamalama o nuu ese, ina  
 ia avea oe ma faaolataga e  
 oo i le gataaga o le lalolagi."  
 O loo faalogo tagata o nuu 48  
 ese, ua olioli, ma vivii atu  
 i le afioga a le Alii: ua  
 faatuatua foi uma lava e ua  
 saunia i le ola le uma. Na 49  
 logoina foi le afioga a le  
 Alii i lea nuu uma lava.  
 A ua taufaaloane e taga- 50  
 ta Iutaia i fafine e tapua'i  
 ma sa'otamaitai ma sa'oalii  
 o le aai, ma faatupu le  
 sauaga ia Paulo ma Panapa,  
 ma tutuli atu ia te i laua i  
 lo latou tuaoi. A ua tūtū 51  
 atu i laua i le eleele na i o  
 laua vae ia te i latou, ona  
 oo atu ai lea o i laua i  
 Ikonio. Na tutumu foi 52  
 le au soo i le olioli, ma le  
 Atamai Paia.

## O LE MATAUPU XIV.

*O le saua na oo ia Paulo ma  
 Panapa i Ikonio, ma le va-  
 vega a Paulo.*

- 1 SA i Ikonio o i lata, ua  
 S la ulufale faatasi i le  
 sunako o Iutaia, o upu foi  
 na la lauga ai, ua faatuatua  
 ai tagata Iutaia ma tagata
- 2 Eleni e toatele lava. A e  
 peitai o tagata Iutaia e le  
 faalogo ua latou faaososo  
 atu, ma ita atu i loto o ta-  
 gata o nuu ese i le au uso.
- 3 O leni ua nonofo loa i  
 laua ma tautala faamalosi  
 atu i la le Alii, ua molitino  
 mai foi o ia i le upu o lona  
 alofa tunoa, ma ua foai ia  
 faia faailoga ma vavega i o
- 4 laua lima. A ua vaeluaina  
 o le toatele o le aai; e i  
 tagata Iutaia isi, o i le au
- 5 aposetolo isi. Ona ua tau-  
 pulepule foi tagata o nuu  
 ese, atoa ma tagata Iutaia  
 ma o latou taitai e faasana,  
 ma fetogi ia te i laua i mea,
- 6 Ua mafaufau ai i laua, ona  
 la sosola lea i Lusa ma  
 Teipe, o aai ia o Lukaonia,  
 ma le ogānuu e vagavagai.
- 7 O loo folafola i ai i le tala  
 lelei.
- 8 Sa nofo foi i Lusa le tasi  
 tagata, ua le lavā i ona vae,  
 ua pipili talu lava ona faia
- 9 mai, e lei savali lava. Na  
 faalogo mai leni tagata ia  
 Paulo o loo tautala; na pu-  
 latao atu o ia ia te ia, ua  
 iloa foi ua ia te ia le faatua-
- 10 tua e mālolo ai, Ua fai atu

ma le leo tele, Ina tu sao ia i luga o'ou vae. Ona oso lea o ia ma savali. Ua iloa 11 foi e le motu o tagata le mea na faia e Paulo, ona alalaga lea, ua tautala i le gagana a Lukaonia, Ua afio ifo atua ia te i tatou ua liu tagata. Ua faaigoa atu 12 foi e i latou ia Panapa, o Seu; a o Paulo, o Elemea ia, auā o ia o le 'autu o upu. A o le faitaulaga a Seu, o le 13 na i luma o la latou aai *lona malumalu*, ua au mai e ia i faitotoa o povi tane ua faa-paleina, o le a osi taulaga o ia atoa ma le motu o tagata. Ua faalogo i ai e 14 aposetolo, o Panapa ma Paulo, ua saei o laua ofu ma feosofi atu i le motu o tagata, o loo alalaga i laua, Ua faapea atu, Alii e, se a 15 le mea ua outou fai ai na mea? O tagata lava i maua nei e tutusa ma outou, ua ma folafola atu i le tala lelei ia te outou, ia outou *lafaai* nei mea le aoga ma liliu mai i le Atua soifua, o lē na faia le lagi, ma le lalolagi, ma le sami, ma mea uma lava o i ai: O lē na 16 tuufaitalia i nuu ese uma lava o augatagata ua mavae atu latou te savali ma a latou amio. E ui lava i 17 lea, ua le tuu e ia ona faailoga, i lona agalelei mai, ma foai mai o ua mai le lagi ia te i tatou, ma tau-saga o fuata a le tau, ma ona ua faamalilie i o tatou loto i le mea e 'ai, ma le

18 olioli. O loo fai atu o nei upu, se manu a le mavavao ai i le motu o tagata ia soia le faitaulaga mai ia te i laua. 19 A ua o mai ni tagata Iutaia mai Anetioka ma Ikonio; na latou faalalo ane i le motu o tagata, ua uma foi ona fetogi ia Paulo i maa, ona latou toso lea ia te ia i tua o le aai, fa te i 20 latou ua oti ia. Ua vagavagai o ia e le au soo, ona tu lea o ia i luga, ma alu i le aai; i le taeao foi na la o atu ma Panapa i Teipe. 21 Ua uma foi ona la folafola i le tala lelei i lea aai, ma la faia ni toatele ma soo, ona la toe foi lea i Lusa, ma 22 Ikonio, ma Anetioka, O loo faamalos i loto o le au soo, ma apoapoai atu ia tu-mau i le faatuatua; ua faapea atu foi, O puapuagā e tele e tataua ona tatou sao atu ai i le malo o le Atua. 23 Ua uma ona tofia e i laua o matutua mo i latou i lea ekalesia ma lea ekalesia, ua tatalo ma faapā'upā'u, ona tuuina atu lea e i laua o i latou i le Alii, sa latou faa- 24 tuatua i ai. Ua uma ona la ui ane i Pisitia, ona oo 25 lea i Pafulia. Ua la folafola foi i le upu i Pereka, ona la o ifo lea i Ataleia; 26 Ona folau atu ai lea o i laua na i lea mea i Anetioka, sa *la o atu* ai ina ua tuuina atu ai i laua i le alofa tunoa o le Atua ona o 27 le galuega sa la faia. Ua oo foi i laua, ona la faapo-

topoto lea i le ekalesia, ma faamatalaina atu mea uma na faia ia te i laua e le Atua, ma lona faaava i faitotoa e le faatuatua mo nuu ese. Na la nonofo ai foi i po e 28 tele faatasi ma le au soo.

### O LE MATAUPU XV.

*O le finauga i le peritome, ma le fono a le au aposetolo ma matutua i ai.*

**N**A o ifo foi isi tagata 1 mai Iutaia ma aao atu i le au uso, e faapea atu, Afai e le peritomeina outou pei o le tu a Mose, e le faaolaina outou. O lenei 2 ona ua tele o le upu ese ma le fefinauai o i latou ma Paulo ma Panapa, ua totofi i latou ia Paulo ma Panapa, atoa ma isi o i latou, ia o ae i le au aposetolo ma le au matutua i Ierusalem, i lenei finauga. Ua molia 3 foi i latou e le ekalesia, o leo ui i latou i Foini'e ma Samaria, ua faamatalaina atu le hiliu mai o nuu ese: o loo faatupu atu foi le olioli tele i le au uso uma lava. Ua oo foi i latou i Ierusa- 4 lema, ona talia lea i latou e le ekalesia ma le au aposetolo ma le au matutua, na folafolaina atu foi mea e tele na faia e le Atua ia te i latou. Ona tupu mai lea o 5 isi o le lotu a le au faresai o na faatuatua, ma faapea ane, E tatau ona peritomeina i latou, ma fai atu ia te i latou ia taofi i le tulafono a Mose.

6 Ona faapotopototo lea o le au aposetolo ma le au matutua, e faamasino i lenei 7 mea. Ona ua tele foi le fefinauai, ua tu o Petera i luga ma faapea atu ia te i latou, Le au uso e, ua outou iloa ua leleva ona filifili e le Atua so tatou, ia logona mai e tagata o nuu ese le upu o le tala lelei i lo'u nei gutu, ma latou talitonu i ai. 8 O le Atua foi o le silasila lotu, ua molitino atu e ia ia te i latou, i lona foai atu o le Atamai Paia ia te i latou, pei ona foai ina mai ai ia 9 te i tatou nei. Ua na le faaeeseeseina o i tatou ma i latou i lona faamamaina o latou lotu i le faatuatua. 10 O lenei, se a le mea tou te faanoono atu ai i le Atua, i lo outou faaee atu i le ua o le au soo i le amo na le lavatia e o tatou matus-poo 11 i tatou nei? A e peitai e le alefa tunoa o le Alii e Iesu Keriso ua tatou mau-tinoa e faaolaina ai i tatou, 12 faapei o i latou lava. Ona faalologo uma lava lea o le faapotopotoga, ma faalogo- 13 logo mai ia Panapa ma Paulo, o loo faamatalaina atu o faailoga ma vavega e tele na faia e le Atua i ma- 14 ese ia te i laua. Ua faalogo i laua, ona fai mai lea o Iakopo, ua faapea ane, Le au uso e, faalogo mai i ia 15 te au: Ua talaina mai e Simona i le uluai silasila o le Atua i nuu ese e fai ai ma nuu mo lona aua. Ua

‘au faatasi foi ma lenei, upu  
a le au perofeta; pei ona  
tusi mai, “A mavae nei 16  
mea ou te foi atu, ma ou  
toe fai le fale fetafai o  
Tavita na pa’u i lalo, ma  
toe fau i ana toe mea, ma  
toe faatua: Ina ia sailili 17  
atu ia Ieova e tagata ua  
totoe, ma nuu ese uma lava,  
ua faaigoaina i lo’u igoa; O  
leo faapea mai Ieova, o le  
fai nei mea uma.” Ua 18  
silafia e le Atua uma lava  
ana galuega talu le faava-  
vau. O lenei o lo’u lea 19  
manatu, ia soia le faatiga  
atu i tagata o nuu ese ua  
likiu mai i le Atua: A ia 20  
tusi atu ia te i latou, ia tau-  
mamao i latou i mea leaga  
e fasia mo tupua, ma le fai-  
taaga, ma mea titina, ma le  
toto. Ana talu e tupulaga 21  
anamua o loo ia Mose i e  
tala’ia te ia i lea aai ma  
lea aai, o loo faitauina i  
sunako i aso sa uma lava.  
Ona lelei ai lea i le au 22  
aposetolo ma le au matutua  
atoa ma le ekalesia uma, e  
filifili ma aauina atu, ma  
Paulo ma Panapa, ni o  
latou tagata i Anetioka, o  
Iuta e faaigoaina foi o  
Pasapa ma Sila, o tagata e  
tausolemu i le au uso:  
Ua tusi atu nei upu ia ave 23  
e i latou; O loo alolofa atu  
le au aposetolo ma le au  
matutua atoa ma le au uso  
nei i le au uso o tagata o  
nuu ese o i Anetioka ma  
Sura ma Kilikia. Ona ua 24  
matou faalogo, ua faatupu

o outou atuatuvaale e nisi e  
na o atu sa ia te i matou, i  
a latou upu, ua faaliliu ese  
i o outou loto, o loo faapea  
atu. Ia peritomeina outou  
ma taofi i le tulafono; ma-  
tou te le i poloai atu i ai:  
25 Ua lelei ia i matou nei ua  
faapotopotoina ma le loto-  
gatasi, e filifili ma aauina  
atu ia te outou tagata ma o  
matou uso pele o Panapa  
26 ma Paulo. O tagata ia ua  
tuulafoaiina o laua ola ona  
o le suafa o lo tatou Alii o  
27 Iesu Keriso. O le mea lea  
ua matou aau atu ai ia Iuta  
ma Sila, la te ta’u atu i e  
laua upu i ia lava mea.  
28 Aua ua lelei i le Atamai  
Paia, ma i matou nei, ia le  
faapoopo se tasi avega ia  
te outou na o nei mea e ta-  
29 tau; Ia faamamao outou i  
mea e fasia mo tupua, ma le  
toto, ma mea titina, ma le  
faitaaga; afai tou te tau-  
mamao ma nei mea, e lelei  
ai outou. Ia outou ma-  
nuia.  
30 O lenei, ua faamavaeina  
atu o i latou, ua oo atu i  
Anetioka; ua faapotopoto  
mai foi e i latou le vao ta-  
gata, ua turu atu ai le tusi.  
31 Ua latou faitauina foi, ona  
olioli lea o i latou ona o le  
32 faamafanafanaga. O Iuta  
foi ma Sila, o perofeta o i  
laua, ua la faamafanafana  
atu, ma faamalosi atu i le  
33 au uso i upu e tele. Ua la  
fai po ai, ona faamavaeina  
atu lea o i laua e le au uso  
ma le faamannia, a o i le

au aposetolo. A ua lelei 34  
ia Sila e nofo pea i ai. O 35  
Paulo foi ma Panapa ua  
nonofo i laua i Anetioka,  
ma isi foi e toatele, o loo  
aao ma folafola atu i le  
upu lelei a le Alii.

Ua mavae foi isi aso, ona 36  
fai atu lea o Paulo ia Pa-  
napa, Ina ta foi atu ia, ta  
asiasi atu i o ta uso i aai  
uma lava sa ta faamatala i  
ai le afoa a le Alii, pe faa-  
pefea i latou. Ua loto foi 37  
Panapa ia latou o ma Ioane  
o lē na taua foi o Mareko.  
A ua manatu e Paulo, e le 38  
tatau ona latou o ma lē na  
alu ese ia te i laua i Pafulia,  
ma ua le o ma i laua i le  
galuega. Ona tige tele lea 39  
o loto, ua tea esee ai i  
laua; ona la o lea o Panapa  
ma Mareko na folau atu i  
Kuperu; A ua filifilia e 40  
Paulo ia Sila, ma alu atu,  
ua tuuina atu o ia e le au  
uso i le alofa tunoa o le Atna.  
O loo ui ane foi o ia i Suria 41  
ma Kilikia, ua faamalosia i  
ekalesia.

## O LE MATAUPU XVI.

*O le peritomeina o Timoteo—  
o le malaga a Paulo i Ma-  
ketonia ma mea na oo ia te i  
latou.*

**N**A oo ifo foi Paulo i 1  
Teipe ma Lusa; faauta  
foi sa i ai le tasi soo, o  
Timoteo le igoa, o le tama  
a le tasi fafine Iutaia e faa-

tuatua, a o lona tama o  
2 le Eleni ia; O loo ta'ule-  
leia e le au uso i Lusa ma  
3 Ikonio. Na manao foi  
Paulo la te o ma ia, ua na  
peritomeina atu foi ia te ia,  
ona o tagata Iutaia o i ia  
nuu; auā ua iloa e i latou  
uma lava o le Eleni lona  
4 tamā. O loo ui ane i latou  
i aai, ua latou tuuina atu ia  
te i latou tuugāfono, na tau  
e le au aposetolo ma le  
matutua o i Ierusalemā,  
5 latou te tausia. Ua faama-  
losia foi ekalesia i le faatua-  
tua, ma ua faatoateleina i  
lea aso ma lea aso.

6 Ua mavae foi ona latou  
savali solo i Ferukia ma le  
nuu o Kalatia, ua vaoia foi  
e le Atamai Paia ona fo-  
7 lafola i le upu i Asia; Ua  
oo foi i latou i Musia, ona  
taumafai ai lea e i latou  
ona o atu i Pitunia; a ua  
le mafai le Atamai ona la-  
8 tou o. Ona ui faatafatafa  
ane lea e i latou i Musia  
9 ua oo ifo i Teroa. Na  
faali'a mai ai foi ia Paulo i  
le po: o le tasi tagata  
Maketonia ua tu mai, ma  
aioi mai ia te ia, ua faapea  
mai, Sau ia i Maketonia  
ma fesoasoani mai ia te i  
10 matou. Ua iloa e ia i lana  
li'a ona sauni loa lea o i  
matou e o atu i Maketonia,  
o loo manatu lava i matou,  
ua togia mai i matou e le  
Alii e folafola atu i le tala  
lelei ia te i latou.  
11 Ona tau vaa ai lea i  
Teroa, ma folau tonu atu

i Samotake, i le taeao foi  
ua oo i Neapoli; Ona toe 12  
oo atu ai lea i Filipi, o le  
tasi aai sili lea o lea itu o  
Maketonía, o le vaenuu;  
ua matou nonofo foi i lea  
aai isi aso. Ua o foi i ma- 13  
tou i le aso sa i tua o le aai  
i le itu vai o le vaitafe i le  
mea ua masani ona fai ai le  
tatalo; ua nonofo foi i ma-  
ton i lalo ma tautala atu i  
fafine e na potopoto ai. Na 14  
faalogo mai foi ia te i ma-  
ton le tasi fafine tapuai i le  
Atua, o Litia le igoa, o le  
faatam ie pāuli o Tuateira  
lona nuu; na faamatalaina  
e le Alii lona loto ia nau-  
nau i upu na faia e Paulo.  
Ua papatisoina o ia, atoa 15  
ma lona aiga, ona aloi mai  
lea o ia, ua faapea mai,  
Afai ua outou manatu o au  
o le faatuatua i le Alii, o  
mai ia i lo'u fale ma no-  
nofo ai. Ua pulutia i ma-  
tou e ia.

O loo savavali i matou i 16  
le tatalo, ua fetai ai ma i  
matou le tasi auaua teine  
ua i ai le sita vavalo, ua na  
maua oloa e tele ma ona  
alii i ana valoaga. Ua fe- 17  
mulimulia'i o ia ia Paulo  
ma i matou, ma alaga, o  
leo faapea mai, O auaua  
nei tagata a le Atua silisili  
ese, latou te faailoa mai ia  
te i tatou i le ala a ola. O 18  
loo faapea mai o ia e tele  
aso. A ua tiga Paulo, ua  
faliu atu, ma ua fai atu i  
le sita, Ou te fai atu ia te  
oe i le suafa o Iesu Keriso

alu ia i fafo ia te ia. Ona  
alu ai lea o ia i fafo i lea  
19 lava ituaso. Ua iloa foi e  
ona alii ua alu ese le faa-  
tuatua e mana ai a latou  
oloa, ona pupue ai lea e i  
latou ia Paulo ma Sila, ma  
fetoso ia te i lona i le malae  
20 i luma o taitai. Ua taitai  
foi ia te i lona i le au faipule,  
Ua faapea atu, Ua  
matua faasoesa e nei tagata  
21 Iutaia i lo tatou nuu. O  
loo folafola mai e i lona  
e tu, e sa ona talia, ma  
faia e i tatou tagata Roma.  
22 Ua faesofi uma mai le motu  
o tagata ia te i lona, ua saei  
ese atu foi e le au faipule o  
lona ofu, ma fai atu e sasa  
23 ia te i lona i laau. Ua  
latou sasa ia te i lona, e tele  
o la ta, ona tun atu lea i le  
falepuipui, ua fai atu i le  
leoleo o le fale e leoleo  
24 lelei ia te i lona: Ua oo  
lea poloaiga, ona tun atu  
lea o ia ia te i lona i le ana  
tuloto, ma faamau i o la vae  
i le laau.

25 I le tulua e po ma ao ua  
tatalo, ma pepese, o Paulo  
ma Sila i le Atua: ua faa-  
logologo foi i e na noanoatia  
26 ia te i lona. Ua faafuasei  
mai foi le mafuie tele, ua  
luluina ai faavae o le fale-  
puipui; ma ua to loa ina  
mai at o faitotoa uma, ua  
maunuuu ai foi o latou  
27 noanoaga ama lava. Ua ala  
foi le leoleo o le falepuipui  
na mee, ua na iloa faitotoa  
o le fale ua avanoa, ona se'i  
lea e ia o le pelu, a fasi i

e ia, fa te ia ua sosola e na  
noanoatia. A ua alaga 28  
Paulo ma le leo tele, ua  
faapea atu, Aua nei faaoo e  
oe le leaga ia te oe; aua o  
linei i matou uma lava.  
Ona fai atu lea o ia e au 29  
mai se afi, ona oso mai lea  
o ia, ma ifo i luma o Paulo  
ma Sila, ma le gatete. Ua 30  
taitai foi o ia ia te i laua i  
faso, ua faapea mai, Alii  
e; se a le mea e tatau ona ou  
faia ou te ola ai? Ua fai 31  
atu i laua, Ina faatuatua ia  
i le Alii o Iesu Keriso, e  
ola ai oe, atoa ma lou aiga.  
Ona la folafola atu lea i le 32  
afioga a le Alii ia te ia, ma  
i latou uma o i lona fale.  
Ua na au mai foi ia te i 33  
laua, i lea lava itupo, ma  
mulumulu atu i o la ta: ma  
ua papatisoina loa o ia, ma  
lona aiga uma. Ua na tai- 34  
tai ae foi ia te i laua i lona  
fale, ma laulau atu le 'ai, ua  
olifoli o ia ma lona aiga  
uma, ua na faatuatua i le  
Atua.

Ua ao, ona aauina mai lea 35  
e le au faipule a latou au-  
auna, ua faapea mai, Tuu  
atu ia o ia tagata ia o. Ona 36  
fai ane lea e le leoleo o le  
falepuipui nei upu ia Pau-  
lo, Ua aauina mai e le au  
faipule ia tuuina atu oulua  
ia o; o lenei o atu ia, ina  
o ma le manuia. A ua fai 37  
atu Paulo ia te i latou, Ua  
sasa mai i latou ia te i maua  
nei i luma o le nuu e le i  
faasalaina, o i maua o taga-  
ta Roma, ona latou tuu mai

lea ia i maua i le falepuipui? 1  
latou te tuu lemu ata nei  
ea ia te i maua? Aua ia-  
va: a o i latou sei o mai  
lava i latou e taitai atu ia  
te i maua i faso. Ona ma- 38  
lia lea e auaina i nei upu  
le au faipule: ona fefefe  
lea o i latou, ina ua logona  
o tagata Roma i laua. Ona 39  
o mai lea o i latou, ma faa-  
laulelei mai ia te i laua, ua  
taitai foi ia te i laua i faso,  
ma aioi atu ia la o ese atu i  
40 le aai. Ona o lea o i laua  
i faso o le falepuipui, ua  
ulufale i sa Litiā; ua feiloai  
foi ma le au uso, ma la faa-  
masanafana atu ia te i la-  
tou, ona o lea o i laua.

## O LE MATAUPU XVII.

*O lauga a Paulo i Tesalonia  
ma Perea, ma lona faailoa  
atu i tagata Atenai le Atua  
moni.*

1 **U**A tuana'i ia Amefipoli  
ma Apolonia, ua oo ia  
lana malaga i Tesalonia, o  
loo i ai le sunako o Iutaia.  
2 Ua ulufale foi Paulo ia te i  
latou, o lana lea masani, e  
tolu foi aso sa ua fetautala-  
talai o ia ma i latou i tui  
3 paia. O loo faamatala i ai  
ma faasino atu, na tatau ona  
tiga o le Mesia, ma toe ta-  
mai i e na oti: ma ua faa-  
pea atu, O le Iesu nei, e  
te folafola atu ai ia te ou-  
4 tou, o le Mesia ia. Ua tati  
tonu mai foi isi o i latou,



ma sa faapopopoina i latou ia Paulo ma Sila ; o Eleni tapuai foi e toatele lava, ma sa'otamaitai e toatele foi.

A o tagata Iutaia e le faaloge ua matatau'a i latou, ua faatasi mai ia te i latou nisi tagata leaga o e na tafafae vale, ona faanunununu lea e i latou ma faapisapisaō i le aai ; ona feosofi lea i le fale o Iasona, ma saili ia te i laua e taitai i fafo i le nuu. E le i maua o i laua, 6 ona fetoso mai lea o i latou ia Iasona ma isi o le au uso i le au faipule o le nuu, o loo alalaga atu, O tagata nei o e ua faatupu le fouvale lava i le lalolagi uma, ua latou oo mai foi iinei ; ua talia foi i latou e Iasona. Ua faatu'iese foi i latou nei 7 uma lava i poloaiga a Kaisara, ua fai mai, o Iesu o le tasi lea tupu. Ua latou faa- 8 tupu ai le atuatuale i le motu o tagata atoa ma le au faipule o le nuu, o e faalogo mai i nei mea. Ua tuuto- 9 gitogi i latou ma Iasona ma isi, ona tuu atu lea ia te i latou e o.

Ona momoli atu loa lea 10 e le au uso ia Paulo ma Sila i le po i Perea ; ua oo i ai i laua, ona la ulufale lea i le sunako o Iutaia. Ua 11 sila ona amio lelei i latou nei i tagata Tesalonia ; auā ua latou talia le upu ma le faafasetele, o loo sailili i tasi i le auaso ma lea aso, pe mo- 12 nistitia mea. O le mea lea 12 ma latou burai o latou e toa-

tele lava, ma sa'otamaitai Eleni, atoa ma tagata e toa- 13 tele. A ua iloa e tagata Iutaia o i Tesalonia, ua folafolaina le upu a le Atua e Paulo i Perea, ona o atu lea o i latou i ai ma faafoso- 14 oso atu i le motu o tagata. Ona aau atu loa lea e le au 15 uso ia Paulo, a latou o ifo i tai ; a ua nonofo ai pea o Sila ma Timoteo. O e na 16 momoli foi ia Paulo ua taitai i latou ia te ia i Atenai ; ua poloa mai foi ia te i la- 17 tou e fai atu ia Sila ma Timoteo, ia vave mai lava i laua ia te ia, ona latou foi 18 lea.

O loo faatali atu Paulo 19 ia te i laua i Atenai, ua tiga tele ifo lona loto, o loo matamata o ia i le aai ua 20 tumu i tupua. O le mea lea, ua fetautalatalai ai o ia i le sunako ma tagata Iutaia, ma e o tapuai, o i le malae foi ma e o i ai i aso 18 fai soo. Ona finafinau mai lea o isi o le au faapopoto e le ituaiga o Epikuro, ma le ituaiga Setoiko, o loo fai mai foi e isi, Pe ala i se a le fai mai o lenei tagata si i le lau? a ua fai mai e isi, Ai se folafola mai i temoni ese ; auā ua na folafola atu ia te i latou le tala lelei ia 19 Iesu, ma le toe tu mai. Ua ave i latou ia te ia ua taitai atu i Areopako, ua faapea mai, Sei matou iloa pe se a lenei mataupu fou ua e tau- 20 tala ai? Auā ua e molia mai nisi mea ese i o matou

nei taliga ; o lea ua matou faailoa ai pe se a le uiga o nei mea. (Auā ua leai se 21 isi mea ua faia e tagata Atenai uma atoa ma tagata ese e o nonofo ai, na ona tala atu ma faalogo mai si-ma tala faatoailoa.)

: Ona faatuina mai ai lea o 22 Paulo i Areopako, ua faapea atu o ia, O outou Atenai e, ua o'u iloa i mea uma lava ua sili lo outou tapuai i temoni. Auā i lo'u savali 23

ane, ma ou matamata i a outou mea paia, ua ou ilo atu i le tasi fata ua tusi i ai, MO LE ATUA E LE ILOA. O lenei, o ia ua outou tapuai i ai ma le lē iloa, ou te folafola atu ai ia te outou. O le Atua na 24

faia le lalolagi ma mea uma lava o i ai, ona o le Alii o ia o le lagi ma le lalolagi, e le afio o ia i malumalu e faia e lima ; E le o lima o 25 tagata e auauna ai ia te ia, peiseai ua mativa o ia i se isi mea : o loo foai mai e ia le ola, ma le mānava, ma mea uma lava, i le vao mea atoa ; Ua faia foi e ia lea 26

nuu ma lea nuu i le toto e tasi, e nonofo i le laueleele uma lava, ua na tuu foi tausaga na tofia, ma tuaoi o mea latou te nonofo ai ; Ina 27

ia latou sailiili i le Alii, e iloga pe latou te tautagotago ma latou iloa o ia ; e ui lava ina le mamao o ia ma i tatou taitoatasi. Auā 28 o loo ola i tatou ma gaoioli ma e loo i ai i tatou ia te

ia ; pei ona fai mai foi e isi o outou fatu-pese, "Auā o lana fanau i tatou." O

lenei ona o le fanau a le Atua o i tatou, e le tatou ona tatou manatu na tusa le Atua i se auro, poo se ario, poo se maa, ua togiina i le faiva ma le fuafua o le ta-

30 gata. O lenei na onosai le Atua i tausaga valea : a o loo fai mai nei i tagata uma i nuu uma lava ia salamo ;

31 Auā ua faatuina e ia le ase e faamasinoina ai le lalolagi ma le tonu, e le tagata ua tofia e ia ; o loo faamaoni mai ai e ia i tagata uma lava, i lona toe faatu mai ia te ia i e na oti.

32 Ua faalogo e i latou i le toe tu mai o e ua oti, ua tauemu mai ai isi, a ua fai mai o isi, Matou te toe faalogo atu ia te oe i lena mea.

33 Ona alu atu lea o Paulo na 34 i o latou luma. A ua pipili mai isi tagata ia te ia, ma ua talitonu mai ; o i ai o Taionusio le Areopake, ma le tamaitai ua toga o Tamari, ma isi foi ma i latou.

## O LE MATAUPU

### XVIII.

*O mea na faia e Paulo i Korinito, ma lona asiasi solo i ekalesia, ma le faamalosia o Apolo i le galuaga a le Atua.*

1 **M**ULIMULI aho i nei mea ua alu atu ai Paulo na i Atenai na oo i 2 Korinito : Ua na iloa foi e

le: tasi tagata Iutaia, o Akula le igoa, o le Pono, na sei sau mai Italia, ma lana ava o Pisila; (auā na pelesai mai e Kalaotio ia o ese atu i Roma tagata Iutaia uma lava; ) ua alu atu o ia ia te i laua; Ona ua tasi 3 foi le latou faiva, ua nofo o ia ia te i laua, ma galue; auā o le latou faiva le fai fale-fetafai. Ua tautala foi o 4 ia i le sunako i lea aso sa ma lea aso sa, ma taufofo atu i Iutaia atoa ma Eleni. A ona 5 ua o mai o Sila ma Timoteo mai Maketonia, ua tinou Paulo i lona loto, o loo ta'utino atu i tagata Iutaia o Iesu o le Mesia lea. Ua 6 faatuiese mai i latou, ma faifai ia Iesu, ona lulu atu lea o ia i ona ofu, ma fai atu ia te i latou, O lo outou na toto e i luga ia te outou lea; ou te mama; e afua i le aso nei ona o'u alu i nau ese. Ona alu atu ai lea o 7 ia, ua ulu i le fale o le tasi tagata tapuai i le Atua o Iesu le igoa, ua soo ane i le sunako lona fale. Ua faa- 8 tuatua foi i le Alii le taitai sili o le sunako, o Kiripo, atoa ma lona aiga uma; e toatele foi tagata Korinito o e na faalogo ua faatuatua i latou, ma ua papatisoina. Ona fetalai mai lea o le 9 Alii ia Paulo i lona faali'a mai i le po, Aua e te fefe, a ia e tautala atu, aua le faalogo: Auā ou te ia 10 te oe, e leai foi se tasi e oso mai e faasaua mai ia te oe:

auā e toatele o'u tagata o i 11 lenei aai. Ua ia nofo atu ai pea o le tausaga atoa ma masina e ono, o loo asao atu ia te i latou i le upu a le Atua.

12 Ua fai o Kaliona ma suikonesula i Akaia, ona feosofi mai lea o tagata Iutaia ia Paulo ma le lotogatasi ua taitai i latou ia te ia i le 13 tulaga, ua faapea ane, O loo ole lenei tamaloa i tagata ia tapuai i le Atua ma le 14 le tusa i le tulafono. O le a oo atu le lauga a Paulo, ua fai mai e Kaliona i tagata Iutaia, Iutaia e, afai o se asua poo se ulavale leaga, e tatan ona o'u usinsitai ia te 15 outou: Peitai afai o se suaga i le mataupu ma igoa, ma la outou tulafono, faitalia ia outou i ai: auā ou te le fiafai ma faamasino au i 16 na mea. Ona tuli atu lea ia te i latou i le tulaga.

17 Ona taofi lea e Eleni uma lava ia Soene le taitai sili o le sunako, ma tui ia te ia i luma o le tulaga. A ua le manatu e Kaliona i se tasi mea o ia mea uma.

18 Ua nofo pea Paulo i aso e tele, ona faamavae atu lea o ia i le au uso, ua latou folau atu i Suria o i latou ma Pisila ma Akula; ua na tasi lona lauulu i Kenikeres: aua ua na fai lana tau- 19 toga. Ua oo i gatai o Efeso, ona tuua lea e ia i laua i ai; a ua ulufale o ia i le sunako, ma fetautala-

talai ma tagata Iutaia. Ua 20  
 aloi foi i latou ia te ia ia  
 toe nofo i nai ona aso ma i  
 latou, ua le mafai o ia. A 21  
 ua faamavae o ia ia te i  
 latou, ua faapea atu, E ta-  
 tau lava ina ou i ai i le  
 nunu o le a fai i Ierusalem,  
 a ou te toe foi mai ia te  
 outou, pe a finagalo i ai le  
 Atua. Ona tuu vaa atu lea  
 o ia i Efeso. Ua tūta atu i 22  
 Kaisarea, ua alu ae, ma  
 alofa atu i le ekalesia, ona  
 alu ifo lea o ia i Anetioka.  
 Ua fai po foi, ona alu atu lea 23  
 o ia, ua savali solo i le nuu  
 o Kalitia ma Ferukia, ma  
 faamalosi e ia le ausoo uma.  
 Ua sau foi i Efeso le tasi 24  
 tagata Iutaia o Apolo le  
 igoa, o Alesania na tupu ai,  
 o le tagata mau upu, ma le  
 malosi i tusi. Na aoaoina 25  
 lenei tagata i le sauniga a le  
 Alii: ua malosi foi lona loto,  
 ua tautala atu ai o ia ma  
 matua aoao atu i upu a le  
 Alii, na o le papatisoga a  
 Ioane na iloa e ia. Na afua 26  
 foi ona tautala faamalosi o ia  
 i le sunako; ua faalogo atu  
 Akula ma Pisila ia te ia, ona  
 la taitai ane lea ia te ia, ma  
 laulau atu atili le sauniga a  
 le Atua ia te ia. Ua loto 27  
 o ia e alu atu i Akaia, ona  
 tusi atu lea o le au uso, ma  
 aiei atu i le au soo ia talia  
 mai ia: ua oo foi ia, ona  
 fesoasoani tele lea o ia i e  
 na faatuatua ona o le alofa  
 tunoa. Auā ua finau māua'i 28  
 o ia i tagata Iutaia ma le  
 faamalosi i luma o le nuu,

ua faasino atu i tusi e Iesu  
 o le Mesia lea.

## O LE MATAUPU XIX.

*O le galuega a Paulo i Efeso,  
 ma le faanununu o le nuu  
 e Temetiu.*

- 1 **O** LOO i Korinito Apolo,  
 ua tuana'i e Paulo nuu  
 maualuluga i uta, ona oo  
 lea i Efeso; ua na iloa ai
- 2 foi isi soo. Ua fai atu ia  
 te i latou, Na maua ea e  
 outou le Atamai Paia ina ua  
 outou faatuatua? Ua fai  
 mai i latou ia te ia, E leai,  
 ua matou le Iogona lava  
 poo ua faatua le Atamai
- 3 Paia. Ua fai atu foi o ia i  
 te i latou, Pe na papatisoina  
 outou i le ā? Ua fai mai i  
 latou ia te ia, I le papati-
- 4 soga a Ioane. Ona fai atu  
 lea o Paulo, Na papatiso  
 lava Ioane i le papatisoga o  
 le salamo, o loo faapea atu i  
 le nuu, ia faatuatua i latou  
 i le mulimuli mai ia te ia, o  
 lea, ia faatuatua i le Mesia
- 5 o Iesu. Ua faalogo foi i  
 latou ona papatisoina lea i  
 le suafa o le Alii o Iesu.
- 6 Ua faaee atu foi e Paulo  
 ona lima ia te i latou, ona  
 oo lea o le Atamai Paia ia  
 te i latou; o loo ua tautala  
 foi i gagana eseese, ma per-
- 7 feta i latou. O tane o i  
 latou uma, pe toatinogafulu  
 ma le toalue.
- 8 Na ulufale foi o ia i le  
 sunako, ma lauga faamalosi  
 atu, ma tautatala, ma faa-

oleale ia i latou i mea a le malo o le Atua, i masina e tolu. A ua finauvale 9 mai isi, ma ua le talitonu, o loo upu leaga mai i lea lotu i luma o le nuu: ona alu ese lea o ia ia te i latou, ma ua vavae ese mai le au soo, o loo tautalatala o ia i lea aso ma lea aso i le fale-aao o le tasi tagata o Turano. E lua tausaga foi na 10 faia lenei mea; o lea na faalogo ai uma lava e o nonofo i Asia, o Iutaia atoa ma Eleni, i le upu o le Alii o Iesu. Na faia foi e le Atua 11 vavega sili i le lima o Paulo: O lea na avea ai 12 sososolo ma fusi-ua a i lona tino i e mamai, ona mavae ai lea o latou ma'i, na o i fafo foi ia te i latou agaga leaga.

Ona faamalosi lea o isi o 13 le au taulaaitu Iutaia, o e na feoai, ua latou ta'u atu i le suafa o le Alii o Iesu i luga i e ua i ai agaga leaga, o loo faapea atu, O le suafa o Iesu o le ua tala'iina e Paulo matou te fai atu ai ia te outou. Ua faia foi lenei 14 mea e isi atalii e toafitu o Seva, o le tagata Iutaia, o le faitaulaga sili. Ua tali mai 15 foi e le agaga leaga, ua faapea mai, Ua o'u iloa ia Iesu, ua o'u logona ia Paulo, a o ai ea outou na? Ona oso mai ai lea o le ta- 16 gata o i ai le agaga leaga, ua aimalo, ua matua faaleaga ia te i latou, ona sosola ai lea o i latou i fafo o le fale na le lavalava ma ua

17 manunu'a. Ua iloa foi lenei mea e i latou uma lava e o nonofo i Efeso, o tagata o Iutaia atoa ma Eleni: ua oo foi le mata'u ia te i latou uma lava, ua viia foi le

18 suafa o le Alii o Iesu. Ua o mai foi toatele e ua faatuatua, ma faaali mai ma

19 ta'u mai a latou amio. E toatele foi o e na fai faatau laaitu ua faapotopoto e i latou i a latou tusi, ma faamu ai i luma o tagata uma: ua latou faitau foi i a latou faatusa, ua iloa foi ua lima

20 mano o tupe ario. O lea ua matua tupu ai ma ua malosi o le upu a le Alii.

21 Ua mavae o nei mea, ona tuu lea e Paulo i lona loto, a uma ona ui i Maketonia ma Akaia, e alu i Ierusalem, o loo faapea o ia, A mavae ona o'u i ai, e tatau

22 ona o'u asiasi i Roma. Ona auina atu lea e ia e toalua o'e na auaina ia te ia i Maketonia, o Timoteo ma Erato, a o ia ua fai po ona

23 nofo i Asia. Ona po ia ua tupu ai le finauga tele i lea

24 lotu. Auā o le tasi tagata o Temetiu le igoa, o le fai ario, le na fau malumalu ario o Tiana, ma ua maua ai le oloa tele mo tufuga;

25 Ua faapotopoto o ia ia te i latou, atoa ma le au faigaluga i mea faapena, ua fai atu, Alii e, ua outou iloa o lenei faiva ua tatou tama-

26 oaiga ai: Ua outou iloa foi ma outou faalogo, e le gata i Efeso, a ua tali soo

Asia uma lava ona faali-  
liueseina ai e lenei Paulo le  
vao tagata e toatele i lona  
ole ua faapea atu, e le ni  
Atua ua faia e lima. E le 27  
gata ona māumāu o lo tatou  
nei faiva o le a tuulafoa'iina,  
e le na o lea, a e ta'uleao-  
gaina foi le malumalu o le  
atuafafine silisili o Tiana, o  
le a faaumatia foi lona ma-  
malu, o loo tapua'i i ai e  
Asia uma lava atoa ma le  
lalolagi uma. Ua faalogo 28  
i latou, ona tutumu ai lea  
o i latou i le felili, ua ala-  
laga, E silisili Tiana o  
Efeso. Ua matua lolofi mai 29  
le aai atoa; ona pupue atu  
lea ia Kaio ma Aritako,  
tagata Maketonia, o tagata  
o le malaga a Paulo, ma  
feosofi i latou ma le loto  
gatasi i le fale o mataaga.  
O loo fiaulufale atu Paulo 30  
i le nuu, a ua le mafai i ai  
le au soo. O isi foi o le 31  
au taitai o Asia o ana uo  
foi ia, na latou auu atu i  
ia te ia, e ole atu, aua le  
faamalosi ona alu i le fale o  
mataaga. O loo alalaga e 32  
nisi i le tasi mea, ma nisi i  
le tasi mea, aua ua soona  
nunumi le faapotopotoga;  
na le iloa foi e le toatele le  
mea na potopoto ai i latou.  
Na faatu mai foi i latou ia 33  
Alesana na i le motu o ta-  
gata, ina ua tunina mai o  
ia e tagata Iutaia. O loo  
tālo atu foi Alesana i lona  
lima, ua na fiasaatonu atu  
i le nuu. Ua iloa e i latou 34  
e le Iutaia e ia, ona mā mai

lea o latou leo uma lava, pe  
hua ituraso o loo alalaga ai  
i latou, "Ua silisili Tiana o  
35 Efeso." Ua vavao atu le  
failautusi i le motu o ta-  
gata, ona fai atu lea o ia,  
O outou Efeso e, o ai lea  
tagata e le iloa o loo atu-  
auna e lenei aai o Efeso i  
le malumalu o le atuafafine  
silisili o Tiana, ma le na  
36 pau ifo mai ia Seu? O  
lenei, ona ua le maupu-  
eseina nei mea, e tusa ona  
outou nonofo sa'o, ma ia  
aua le soona fai se mea.  
37 Auā ua taitai mai e outou  
nei tagata, e le ni e fao i  
mea sa, poo ni e faifai i le  
38 outou aitu i latou. O lenei,  
afai ua ia Temetin ma lana  
au tufuga, se mau i se tasi,  
ua tuu aso e fai ai ni fonu,  
o i ai foi sui-konesula: ia  
momoli ai le tasi i le tasi.  
39 Peitai ane, a tou te fai se  
suega i mea ese, e faatohu-  
ina lea i le fonu e tala'fina.  
40 Auā nei momoli i tatou ona  
o le taalilivale i lenei tasi,  
ina ua leai lava sa tatou upu  
e mafai ona tatou faatohu atu  
41 ai lenei nunuvale. Ua una  
atu nei upu, ona faatua lea  
e ia le faapotopotoga.

## O LE MATAUPU XX.

*O lauga ma vavega na faia e  
Paulo i Maketonia ma lana  
apoapoai atu i matutua o  
Efeso.*

1 Ua uma le taalili, ona  
aami lea e Paulo le at

soo, mā faamavae atu ia te i latou, ona alu lea o ia ua aga atu i Maketonia. Ua 2 tuana'i e ia ia nuu, ua uma ona apoapoi atu ia te i latou i upu e tele, ona oo lea o ia i Eleni. Ua tolu 3 ona masina i ai; ua taupulepule foi tagata Iutaia ia te ia, o le a folau atu o ia i Suria; ona loto lea o ia e toe foi ma ui i Maketonia. O lana au malaga e oo i 4 Asia, o Sopata le Perea, o Aritako ma Sekuno, o Tesalonia; ma Kaio, le Teipe, ma Timoteo; i le ma Tu'iko ma Tofimo, o Asia. Na 5 muamua atu i latou nei ma faatali mai ia te i matou i Teroa. Ua mavae foi aso 6 e areto e le faafefeteina, ona matou folau atu lea na i Filipi, ua oo ia te i latou i le po lima i Teroa; e po fitu o matou o nonofo ai.

I le uluai aso foi o le 7 vaiaso-sa, ua faapotopotoina ai le au soo e tofitofi i le areto, ua tautala atu Paulo ia te i latou, o le a alu o ia i le taeao; ua faalevaleva foi e ia lana lauga ua oo i le talua o po. Na tele foi 8 lamepa i le afeafe aupitoa-luga, na faapotopoto ai i latou. O loo nofo foi le 9 tasi taulealea, o Eutiko le igoa, i le faamalama, na māua e le moegase: ina ua loa foi le lauga a Paulo, ua oo lava ia te ia le moe, ona pa'ū ifo lea o ia mai luga i le tolu o pae o le fale; na sii ae foi o ia ua

- 10 oti. Ona alu ifo lea o Paulo, ua fao i luga ia te ia, ua pipii foi ia te ia, ma fai atu, seia le fetāgisi, auā
- 11 e loo ia te ia lona ola. Ua toe alu ae foi ia i luga, ua tofitofi i le areto, ua fai foi le 'ai, ma ua talatala leleva, seia ao, ona alu atu lea o ia.
- 12 Na taitai mai foi e i latou le tama na ola, ua mataā faaolioliteleina ai i latou.
- 13 Na matou muamua foi i le vaa, ma matou folau atu i Aso, a matou talia mai ai Paulo; auā na faapea ona saunia e ia, a ui a uta o ia.
- 14 Na faatasi foi o ia ma i matou i Aso, ona matou tali ae lea ia te ia, ona oo
- 15 lea i Mētulene. Na toe folau atu ai, ua oo foi i matou i le taeao i gatai o Kioi; ona matou tūta atu lea i le tasi aso i Samo; na nonofo i matou i Tokulio, ona oo lea o i matou i le isi
- 16 aso i Mileto. Aua na manatu e Paulo e folau ane i Efeso, ina nei faalevaleva o lona nofo i Asia: aua o loo faavave o ia, pe mafai ona oo i Ierusalemā i le aso Penetekoso.
- 17 Na aauina atu foi e ia isi na i Mileto i Efeso, e aami le au matutua o le ekalesia:
- 18 Ua oo mai i latou ia te ia, ona fai atu lea o ia ia te i latou, Ua outou iloa taku le aso na o'u faatoa sau ai i Asia o la'u amio i tausaga
- 19 uma ina ou ia te outou, O loo ou auauna i le Alii ma le loto maulalo lava, mā le

maligi tele o loimata, ma faaososoga na oo ia te au ona o le lanalama mai o tagata Iutaia; Ma lo'u le 20 i natia se mea aoga, ina nei le faailo atu ma aao atu ia te outou i luma o le nuu, ma o outou aiga. O loo ou 21 molitino i Iutaia atoa ma Eleni, le salamo i le Atua, ma le faatuatua i lo tatou Alii o Iesu Keriso. Faauta 22 nei foi, ou te alu, ua tino'u le loto, i Ierusalem, ou te le iloa se mea e oo mai ai ia te au; Na o lenei o loo 23 molitino mai e le Atamai Paia i lea aai ma lea aai, o loo faapea mai, e faatali mai noanoaga ma puapuaga ia te au. A e peitai au, ou 24 te le faaoga i se tasi mea, o lo'u lava ola foi ou te le naunau au i ai, sei o'u faauma lo'u momo'e ma le olioli, ma le faiva ua ou maua mai le Alii o Iesu, ou te faailotino i le tala lelei o le alofa tunoa o le Atua. Faauta nei foi, o au nei, ua 25 o'u iloa, e le toe iloa lava o'u mata e outou atoa uma, sa au fealuai ai ma tala'i le malo o le Atua. O lea 26 foi ou te ta'utino atu ai ia te outou i lenei lava aso, ou te mama a'u i le toto o tagata uma. Auā ua o'u 27 le natia se mea ina nei le faailo atu ia te outou le sauniga uma a le Atua. O lenei, ina tausi ia outou 28 ia te outou, atoa ma le faga-gāmamoe uma lava, ua tofi ai outou e le Atamai Paia

ma leoleo, ia fafaga atu i le ekalesia o le Atua, ua faai-tauina e ia ma ona i lona toto. Auā o au nei ua ou 29 iloa lenei, pe a mavae ona o'u alu, e oo mai ia te outou luko saua o e le faapelepele atu i le lafu-mamoe. E 30 tutupu foi ia te outou tagata, e tautala mai i mea piopio, e fetoso ese ai nisi ma soo 31 ia mulimuli ia i latou. O le mea lea ia outou mataala ai, ma faamanatu i lo'u aoi atu ma loimata i le tagata taitoatasi, ma le fa-mapu i ona tausaga e tolu, 32 i le po ma le ao. O lenei, le au uso e, ou te tuuina atu ia te outou i le Atua, ma le upu o lona alofa; o lē na tē mafaia ona ati ae ia te outou, ma foai atu ia te outou le tofi faatasi ma i latou uma 33 lava e ua faapaiaina. Ua o'u le loto atu i se ario, poe se auro, poe se ofu, o se tasi. 34 Ua outou iloa foi, ua auāna mai nei lima i mea e tatou i lo'u tino, atoa ma e oia te au. Ua o'u faaali atu ia te outou mea uma lava 35 tou te faaaoa i ai, ia faapea ona outou toaga e tatou ai, ma fesoasoani i e ua vāivāi, ma outou faamanatu foi i le afoga a le Alii o Iesu, ina fetalai mai e ia, "E sili le manuia o le na te fosi atu, i le manuia o le na te tala mai." 36 Ua mavae atu nei upu ona tootuli lea o ia, ma talo 37 talo ma i latou uma. Na fetagisi tele i latou uma



lava, ma punonou i le ua o Paulo, ma faafeasogi ia te ia. Ua sili lava lo latou tiga i 38 lea upu na ia fai atu ai, latou te le toe iloa ona mata. Ona momoli lea e i latou ia te ia i le vaa.

## O LE MATAUPU XXI.

*O le malaga a Paulo i Ierusalemā — ua puei o ia ma ua agaleagaina i Ierusalemā, a ua faaolaina e le taitai sili.*

**U**A matou te'a ma i latou, 1  
ona tuu vaa atu lea ma folau tonu atu i Koi, i le taeao foi ua oo i Roto, ona toe o atu ai lea i Patara. Ua maua foi le vaa a folau 2 atu i Foini'e, ona matou o ae ai lea, ma tuu vaa atu. Ua ilo atu i matou i Kuperu, 3 ma tuana'i ane i ai i le itu taugavale, ona folau atu lea i Suria, ma tūta atu i Turo; auā e avae le uta a le vaa i ai. Ua maua foi e 4 i matou le au soo, ona matou nonofo ai lea i aso e fitu; ua latou fai mai ia Paulo i le Atamai Paia, Ia oe ne'i alu ae i Ierusalemā. Ua 5 uma ia aso ia te i matou, ona matou o lea, ma o atu; o lpe momoli i matou e i latou uma, atoa ma ava ma fanau, ua oo i tua o le aai; ona tootuli lea o i matou i le matāfaga, ma talotalo. Ua uma ona taumavae, ona 6 o ae lea o i matou i le vaa: a ua toe foi atu i latou i o latou.

- 7 Ua matou oo i To'emai mai Turo, ua uma ai a matou folauga, ona matou fealofani lea ma le au uso, e tasi lo matou aso o nonofo ai ma i 8 latou. I le taeao, ua o atu i matou o le au malaga a Paulo, ua oo i Kaisareia: ua matou ulu atu i le fale o Filipo le faievagelia, o le tasi o ia o le toafitu; ua matou nonofo foi ia te ia.
- 9 O i lenei tagata foi afafine, o taupou, e toafa, o e perofeta. Ua tele aso o matou o nonofo ai, ona sau lea o le tasi perofeta mai Iutaia, o 10 feta. Ua tele aso o matou o nonofo ai, ona sau lea o le tasi perofeta mai Iutaia, o 11 Akapo le igoa. Ua oo mai o ia ia te i matou, ma to ae le fusi o Paulo, ma fusifusi ifo i ona lava lima ma vae, ma fai mai, O loo faapea mai le Atamai Paia, E faapea ona fusifusi i Ierusalemā e tagata Iutaia le tagata e ona lenei fusi, ma tuu atu ia te ia i lima o nuuese.
- 12 Ua faalogo atu i matou i na upu, ona aioi atu lea o i matou, atoa ma i latou o lea nuu, e aua le alu ae o ia i 13 Ierusalemā. A ua tali mai Paulo, Tou te fetagisi ma faatiga tele mai lo'u loto i se a? auā ua o'u sauni lava au e le gata ina fusifusia, a e atoa ma lo'u oti i Ierusalemā, ona o le suafa o le 14 Alii o Iesu. Ua le mafaia o ia, ona faalologo lea o i matou, ua faapea ane, Ina faia ia le finagalo o le Alii.
- 15 Ua mavae ia aso ona taso lea o i matou, ma o ae i 16 Ierusalemā. Na o foi ma i

matou nisi soo mai Kaisa-  
reia; ua au mai ma i latou  
le tasi tagata Kuperu, o  
Nasona, o le soo mai ana-  
mua, matou te nonofo ia te  
ia. Ua oo foi i matou i 17  
Ierusalemā, ona talia mai  
lea e le au soo ia te i matou  
ma le fiafia. I le taeao foi 18  
ua o atu Paulo ma i matou  
ia Iakopo; o i ai foi le au  
matutua uma. Ua faalofani 19  
ma i latou, ona laulau tasi  
atu lea e ia mea uma lava  
na faia e le Atua i nuu ese i  
lona auaua. Ua lagona 20  
mai i latou, ona vivii lea e  
i latou i le Alii, ua fai atu  
foi ia te ia, Lo matou uso e,  
ua e iloa ia mano e tele o  
tagata Iutaia ua faatuatua;  
o loo naunau foi uma lava i  
latou i le tulafono. Ua 21  
talaina ia te i latou oe, ua e  
aoao atu i tagata Iutaia uma  
i nuu ese ia toe foimuli i  
latou mai ia Mose, o loo e  
vavao le peritomeina o a  
latou fanau, ma le anaana i  
ia tu. O lenei, pe faapefea? 22  
E tatau lava ona faapoto-  
potoina o le toatele: auā a  
faalogo e i latou ua e sau.  
O lenei foi, e te faia lenei 23  
mea matou te fai atu ai ia  
te oe: O loo ia i matou ta-  
gata e toafa ua fai la latou  
tautoga; Ia e faatasi mai 24  
ia te i latou, ma ia e mama  
faatasi ma i latou, ma e  
avane ni oloa mo i latou,  
ina ia latou tafi i o latou  
lauulu, ma ia iloa e tagata  
uma e lē moni se tasi mea o  
ia mea ua talaina ai oe ia te

i latou; a ua tusa lan lava  
25 amio ma le tulafono. A e  
peitai nuu ese e ua faatuatua,  
ua matou tusi i ai ma faa-  
sino atu, ia aua le anaana i  
latou i se mea faapea, tau  
lava ona faamamao i latou i  
taulaga i tupua, ma le toto,  
ma mea ua titina, ma le  
26 faitaaga. Ona faatasi mai  
lea e Paulo o ia tagata, i le  
taeao foi o loo mama o ia  
ua ulufale faatasi ma i latou  
i le malumalu, o loo faailo  
atu le faai'u o aso o le faa-  
mamāga, seia fai ni taulaga  
mo i latou, o le tagata ma  
lana taulaga.  
27 O le a uma foi ona aso e  
fitu, o loo vaavaai tagata  
Iutaia mai Asia ia te ia i le  
malumalu, ona ului atu lena  
o i latou i le motu o tagata  
28 uma ma pue ia te ia, O  
loo alalaga, O outou Isaraela  
e, fespasoani mai ia! O le  
tamaloa lenei, o loo aao  
ese e ia i le nuu, atoa ma le  
tulafono, ma lenei mea i  
lona aao atu i tagata uma  
i mea uma lava; ma ua au  
mai foi tagata Eleni i le  
malumalu ma ua faalepaia-  
ina e ia lenei mea paia.  
29 (Aua na muai iloa e i latou  
ia Tofimo le Efeso ma ia i  
le aai, fa te i latou ua tai-  
taiina o ia e Paulo i le  
30 malumalu.) Ua faanunu-  
nunu foi le aai uma lava ua  
femo'ei mai ai le nuu; ua  
pue foi i latou ia Paulo ma  
toso ia te ia i fafo o le malu-  
malu; ona punitia loa lea o  
31 faitotoa. O loo naunau i

latou e fasioti ia te ia, ua logo ae i le taitai sili o le 'au, ua miomiō Ierusalem a uma lava: Ona au mai loa 32  
lea o ia ni fitafita ma ni taitai o toaselau, ua momo'e ifo ia te i latou; ua latou ile atu foi i le taitai sili ma le au fitafita, ona tuu lea e i latou le latou taufaitu'i ia Paulo. Ona faalatalata mai 33  
lea o le taitai sili, ua pue mai ia te ia, ma fai ane ia fusifusia ia i ni maea uamea se lua; ua fesili mai poo ai o ia, pe se a foi le mea ua na faia. O loo alalaga mai 34  
foi nisi o le motu o tagata i le tasi mea, ma nisi i le tasi mea, ua le ma iloa e ia le moni ona o le taalilivale, ona fai ane lea o ia ia ave ia te ia i le 'olo. Ua oo foi 35  
o ia i le ala faaapefa'i, ua iu ina avae o ia e le au fitafita, ona o le faamalosi mai o le motu o tagata. Aua na 36  
mulimuli mai le motu o tagata, ma alalaga mai, Ave ese ia te ia.  
O le a taitaiina Paulo i 37  
le 'olo, ua fai atu o ia i le taitai sili, Pe tusa ona ou fai atu se upu ia te oe? Ua fai mai o ia, Ua e iloa ea le upu Eleni? E le o oe ea 38  
lea tagata Aikupito, le na faatupu anamua le fouvale, ma taitai tagata faasaua e toafa ase i le vao tuufua? A ua fai atu Paulo, O au 39  
lava o le tagata Iutaia, o le Taso, i Kilikia, e le o se ou faatauva lo'u nuu; ou te aji atu foi ia te oe, ia e

tuu mai ia te au so'u tautala 40  
la atu i le nuu. Ua tuu mai foi o ia ia te ia, ona tu lea o Paulo i le ala faaapefa'i, ma tālo atu lona lima i le nuu. Ua matuā faalologo, ona tautala atu lea o ia i le upu Eperu, ua faapea atu;

## O LE MATAUPU XXII.

*O le lauga a Paulo, ua itagā o ia e Iutaia o le a sasa.*

- 1 **L**E au uso e, ma tamā, faalogo mai ia la'u nei faatonu atu ia te outou.
- 2 (Ua faalogo i latou o loo tautala mai o ia ia te i latou i le upu Eperu, ona atili ai lea ona lologo o i latou; ona fai atu lea o ia,)
- 3 O au lava o le tagata Iutaia, na fanau i Taso i Kilikia, na tausia au i lenei aai ua aosaia i le aosaia a Kamalielu, i le tonu o le tulafono a o tatou tamā, o loo matuā naunau atu i le Atua, pei o outou uma lava
- 4 i lenei aso. Na au sau atu foi i lenei lotu ua oo ina ua oti, sa au fusifusia ma tuuina atu i falepuipui
- 5 o tane atoa ma fafine; Pei ona molitino mai foi ia au nei e le faitalaga sili, atoa ma le au matutua; sa au maua mai ai foi tusi i le au uso ma ou alu atu i Tamasako, e fusifusi i e o i ai ma taitai mai ia te i latou i Ierusalem ia oo ai le tani.
- 6 O loo alu a'u ma ua lata-

lata i Tamaseko, i le tutonu o le la, ua faafuasei ai ona pupula faasiosio mai ia te au le malamalama tele mai le lagi. Ona ou pa'ū lea i 7 lalo i le eleele, ma ou faalogo atu i le leo o loo faapea mai ia te au, Saulo, Saulo e, se a le mea ua e sauā mai ai ia te au? Ona 8 ou tali atu lea o au, Le Alii e, o ai ea oe? Ua fetalai mai o ia ia te au, O Iesu lava au le Nasareta, ua e sauā mai i ai. Ua 9 iloa lava e la matou malaga o le malamalama, ua matata'u ai; a ua le logona atu e i latou le leo o le na fetalai mai ia te au. Ona 10 ou fai atu lea, Le Alii e, se a le mea ou te faia? Ona fetalai mai lea o le Alii ia te au, Tulai ia oe; ma alu ia i Tamaseko, e ta'uina atu ai ia te oe o mea uma lava ua tofia ia te oe e te faia. Ua ou le toe vaai 11 ona o le pupula o lea malamalama; ona tata'i ai lea o au e la'u malaga, ua oo foi au i Tamaseko. O le tasi 12 tagata foi o Anania, o le tagata amioatua e tusa ma le tulafono, ma ua ta'uleleia e Iutaia uma o nonofo ai, Na sau o ia ia te au, 13 ua tu mai, ma faapea mai, Lo'u uso e, Saulo, ina toe vaai ia; ona ou vaai lea ia te ia i lea lava ituaso. Na 14 fai mai foi o ia, Na mua'i tofia oe e le Atua o tatou matua, ia e iloa lona finagalo, ma e vaaiā lē Agato-

nu, ma ia e faalogo atu foi 15 i lona siufofoga. Auā e fai oe ma ana molimau i tagata uma lava i ia mea na e vaaiā ma e faalogo i 16 ai. Lenei foi se a le mea e te faatuai ai? Tulai ia, ma ia papatisoina oe, ma ia fufulueseina au agasala i lona valaau i le suafa o le Alii. 17 Na au foi atu i Ierusalemā, o loo tatalo au i le malumalu, ona faali'a mai ai lea 18 ia te au; Na ou iloa o ia o loo fetalai mai ia te au, Ia vave, ma e taalise atu a i Ierusalemā, auā latou te le tali mai i lau molimau ia te 19 au. Ona ou fai atu lea, Le Alii e, ua iloa lava e i latou sa ou masani ai i le tuu i falepuipui ma sasa i sunako i e faatuatua ia te 20 oe; O loo maligi foi le toto o lau molimau o Setefano, sa au tu ai foi au, ma lotogatasi i lona fasiga, o loo leoleo foi au i ofu o e 21 na fasi ia te ia. Ua fetalai mai o ia ia te au, Alu atu ia; auā o a'u ou te auina atu oe i nuu ese e mamao. 22 Ua faalogo mai i latou ia te ia ua oo i lenei upu, ona alalaga mai lea o i latou, ua faapea ane, Aveese ia lona tamaloa faapea a i le lalolagi; auā e le tatau ona ola 23 o ia. O latou o pisapisai, ma lafo i lalo o latou ofu, ma lafo a'e i le efuefu i 24 luga, Ua poloai atu e le taitai sili ia ave ia te ia i le 'olo, ua fai atu foi ia inoino ia te ia ma le sasa; ina ia

Hoa e ia le mea ua latou  
 alalaga mai ai faapea ia te  
 ia. O loo noanoa atu ia te 25  
 ia i fusi, ua fai atu Paulo i  
 le taitai o le toaselau o le  
 na tu mai, E le ua sa ea ia  
 te outou ona sasa le tagata  
 Roma ua le faasalaina?  
 Ua faalogo atu le taitai o le 26  
 toaselau, ona alu lea o ia  
 ma ta'u atu i le taitai sili,  
 ua faapea atu, Sei e manatu-  
 natu i le mea a e faia; auā  
 o le Roma lena tagata.  
 Ona malie mai lea o le tai- 27  
 tai sili, ua faapea mai ia te  
 ia, Fai mai ia te au, o le  
 Roma ea oe? Ua fai atu o  
 ia, E. Ona tali mai lea o 28  
 le taitai sili, E tele tupe na  
 faatata a'i e a'u ina ia faia au  
 ma tagata o lea nuu. A ua  
 fai atu e Paulo, O au, na au  
 faia ai. Ona o ese loa 29  
 lea nai ia te ia o e na fai a  
 i'vino ia te ia; na fefe foi  
 le taitai sili, ina ua Hoa o le  
 Roma o ia, i le ma loo ua  
 noanoa o ia ia te ia.  
 I le taeao, ua faailoa le 30  
 faamaoni o le mea na moli  
 ane ai o ia e Iutaia, ona  
 tatala lea o ia ona noanoaga,  
 ma pololai atu i faitaulaga  
 sili ma a latou fai-fono uma  
 e o mai, ona taitai ifo lea o  
 ia ia Paulo, ma tuu atu ia  
 te ia i o latou luma.

## O LE MATAUPU XXIII.

*O le faatonuina atu e Paulo o  
 lana amio—o le lamalama  
 mai o Iutaia ia te ia, ma  
 lona moliga ia Feliki.*

1 **O**NA pulatoa lea o Paulo  
 i le fono, ua faapea atu,  
 Le au uso e, ua ou matua  
 faia la'u amio i luma o le  
 Atua ma le lotofaafia ifo  
 lelei, ua oo mai lava i le  
 2 aso nei. Ona fai mai lea o  
 le faitaulaga sili, o Anania,  
 i e na tutu ane e tu'i atu i  
 3 lona gutu. Ona fai atu lea  
 o Paulo ia te ia, O oe na le  
 pa faamasinainaina; o le a  
 tu'ia oe e le Atua; oi! e te  
 nofo ea e faamasino mai ia  
 te au e tusa ma le tulafono;  
 e te faia foi le mea ua  
 vaoia e le tulafono, i lou fai  
 4 ane ia tu'ia au? A ua fai  
 mai e na tutu ane, Ua e  
 faifai ea i le faitaulaga sili  
 5 a le Atua? Ona fai atu  
 lea o Paulo, Le au uso e,  
 ou te le i iloa o ia o le fai-  
 taulaga sili; aua ua tusia;  
 "Aua e te upu leaga i le  
 6 taitai o lou nuu." Ua iloa  
 foi e Paulo o le ituaiga o le  
 au satukalo o le isi nofoa-  
 fono, ma le ituaiga o le au  
 faresaito o le isi nofoafono  
 ia, ona alaga lea o ia i le  
 fono, Le au uso e, o a'u nei  
 o le faresaito, o le atalii foi  
 o le faresaito; o le faatua-  
 tua i le toe tu mai o e ua  
 oti, ua faamasinoina ai a'u.  
 7 Na fai atu e ia lenei upu,

ona tupu ai lea o le fefinai i le au faresaio, ma le au satukaio; ona vaeluaina lea o le faapopotoga. Aua o 8 loo fai mai e le au satukaio e leai se toe tu mai, e leai foi se agelu, poo se agaga; a ua taofi e le au faresaio uma lava ia mea e lua. Na tupu foi le pisapisaō 9 tele; ua tutu i luga foi le au failautusi o le ituaiga o le au faresaio, ua matuā finafinai atu, ua faapea atu, Matou te le iloa se leaga i lenei tagata; a e afai ua tautala mai se agaga poo se agelu ia te ia, soia tatou te fai taua i le Atua. Ua 10 tele lava le fefinai, ua fefe foi le taitai sili nei fesaeia'iina Paulo e i latou, ua fai atu o ia i le au fitafita e o ifo, ma toso mai ia te ia, nai ia i latou, ma taitai mai i le 'olo. Ua oo i le po, ua 11 tu mai ai le Alii ia te ia, ua faapea mai, Paulo e, ina faalototele ia oe, auā e pei ona e molitino i mea ia te au i Ierusalem, e tusa foi ona faapea ona ia e molitino i Roma.

Ua ao, ona 'au faatasi 12 lea o isi tagata Iutaia ua tuu-feaugani i latou, o loo faapea, latou te le aai ma le feinu seia latou fasioti ia Paulo. Ua toafa gafulu 13 ma ona tupu i latou na au faatasi. Ua o atu i latou i 14 faitaulaga sili ma le au matutua, ua fai atu, Ua tuu-feaugani i matou i le ana-tema, matou te le aai lava i

sina mea seia matou fasioti 15 ia Paulo. O lenei ia taitai ane outou atoa ma le fono i le taitai sili ia taitai ifo, o ia ia te ia taeao ia te outou, peiseai a outou matuā suesue i mea ia te ia; ua sauniuni foi i matou e fasi ia te ia, a o le i latalata o ia.

16 Ua logona i le lamaga e le tama a le tuafafine o Paulo, ona alu atu lea o ia ua ulufale i le 'olo, ma ta'u

17 atu ia Paulo. Ona aami lea e Paulo le tasi taitai o le toaselau, ua fai atu i ai, Taitai atu ia lenei tama i le taitai sili; auā ua ia te ia

18 se mea e tau atu i ai. Ona ave lea o ia ia te ia, ua taitai atu i le taitai sili, ma faapea atu; Na aami, mai ia te au e Paulo o loo fusifusia, ua aioi mai ia ou taitai atu lenei tama, ua ia te ia se mea e fai atu ia te oe.

19 Ona tago lea o le taitai sili i lona lima, ua alu ane, ma fesili lemu atu, Se a lau e

20 ta'u mai ia te au? Ua fai mai o ia, Ua 'au faatasi ni tagata Iutaia e faatoga, atū ia te oe ina ia e taitai ifo taeao ia Paulo i le latou fono, peiseai a latou matuā sailiili i se tasi mea ia te ia.

21 A e aua e te usiusitai atu ia te i latou; auā o loo lamalama mai ia te ia, o latou tagata e toafa gafulu ma ona tupu, ua tuu-feaugani i latou, latou te le aai, ma le feinu seia uma ona latou fasioti ia te ia, ma sauniuni nei foi i latou, ma

ua faatatali mai i sau fetalaiga. Ona tiu atu lea o 22  
le taitai sili i le tama, ua  
fai atu foi ia te ia, E soia e  
te fai atu i se tagata lava  
ua e faailoa mai nei mea ia  
te au. Na aami atu foi o 23  
ia isi e toafua o taitai o toa-  
selau, ua fai atu, Ina sauni  
ia fitafita e toafua selau, e o  
i Kaisareia, ma e tietie i  
solofanua le toafitu gafulu,  
ma fitafita e faitao e toafua  
selau, i le itupo e tolu :  
Ma sauni foi i manu ia latou 24  
faatietie ai ia Paulo, ma tai-  
tai atu ia te ia ia saogalemu  
atu i le alii faipule o Feliki.  
Na ia tusi foi i le tusi, o 25  
lona tusa foi lenei, O au 26  
o Kalaotio Lusitania, o loo ou  
akofa atu i le alii faipule  
sili i Feliki. Na puea 27  
lenei tagata e tagata Iutaia,  
na fai a faslotia e i latou;  
ona ou alu atu lea ma le au  
fitafita ma lavea'i ia te ia;  
na au iloa o le Roma o ia.  
Ua ou fia iloa le mea na 28  
molia mai ai o ia e i latou,  
ona ou taitai ifo lea ia te ia  
i la latou fonu; Ona ou 29  
iloa lea o suega i la latou  
tulafono na moli ai o ia : a  
ua leai lava se mea na molia  
e tatau ona oti ai, poo fusi-  
fusi ai o ia. Ona ua faa- 30  
iloa mai foi ia te au o le a  
bo'le pule a tagata Iutaia  
i le tagata nei, na ou auina  
atu iloa ia te ia ia te oe, ma  
pofoa'i atu i e na momoli  
mai ia te ia e ta'u atu i ou  
tama'i ana mea. Ia e ma-  
nua.

31 Ona ave lea e le au fita-  
fita ia Paulo, pei ona polo-  
aiina mai ai o i latou, ua  
momoli atu ia te ia i le po  
32 i Anipateri. I le taeao foi,  
ua foi mai i latou i le 'olo,  
ua tuua e o tietie i solofanua  
33 ia o atu i latou ma ia; Ua  
latou oo foi i Kaisareia, ona  
avatu lea o le tusi i le alii  
faipule, ua tuu atu foi ma  
34 Paulo ia te ia. Ua faitau  
foi e le alii faipule, ma fesili  
mai poofea lona itumalo.  
Ua iloa ai foi mai Kilikia o  
35 ia; Ona fai mai lea, Ou  
te faamasino atu ia te oe pe  
a oo mai foi e na tuua'i ia  
te oe. Ona fai atu lea ia  
leoleoina o ia i le fale-faa-  
masino o Herota.

## O LE MATAUPU XXIV.

*O le faatonuina atu e Paulo o  
lana amio ma lona folafola  
atu ia Iesu i le alii faipule  
ma lona faletua.*

1 **U**A mavae aso e lima,  
ona alu ifo lea o le fai-  
taulaga sili, o Anania; atoa  
ma le au matutua, ma le  
tasi failauga o Tetulo le igoa,  
ia latou ta'u atu ia Paulo i  
2 le alii faipule. Ua amia o  
ia, ona afua lea e Tetulo  
ona tau atu, ua faapea atu,  
Le alii e, Feliki, o loo ia te  
i matou le filemu tele ona o  
oe, o loo faia foi mea e au  
tonu lelei i lenei nuu, i lau  
3 sauniga poto, Ua matou  
tali lelei atu ai i aso uma,

ma nuu uma, ma le faamanū  
 tele atu. Ne'i ou faalave- 4  
 lave pea ia te oe, ou te aioi  
 atu, sei e faafofoga mai i  
 lou alofa ia te i matou, nai  
 upu itiiti. Aua ua iloa e i 5  
 matou lenei tagata o le soe-  
 sã, ma le faatupu i le fou-  
 vale i tagata Iutaia atoa i le  
 lalolagi uma, ma le solomua  
 i le lotu o Nasareta: Na 6  
 taumafai foi o ia e soli i le  
 malumalu; ua matou pue  
 atu foi i ai, na fai a matou  
 faamasino ia te ia e tusa ma  
 la matou tulafono; A ua 7  
 oo mai Lusua le taitai sili,  
 ma ave ia te ia ma le malosi  
 tele na i o matou lima. O 8  
 loo poloa'i atu o ia ia te i  
 latou e na tuua'i ia te ia e o  
 mai ia te oe; o lou faama-  
 sino ia te ia e mafai ai ona  
 e iloa lelei mea uma lava,  
 ua matou tuua'i atu ai ia te  
 ia. Na 'au faatasi ai tagata 9  
 Iutaia, o loo fai atu, ua faa-  
 pea lava na mea. Ua geno 10  
 atu le alii faipule ia te ia e  
 fai mai, ona oo atu lea o le  
 lauga a Paulo. Ona ua ou  
 iloa ua tele tausaga o ē faa-  
 masino ai i lenei nuu, ua  
 atili ai le faamalosi o lo'u  
 faatonuina atu ia a'u mea;  
 Aua ua mafai ona e silafia, 11  
 ua na o aso e sefulu ma le  
 lua talu ona ou alu ae e  
 tapuai i Ierusalem. Na le 12  
 maua foi a'u e i latou i le  
 malumalu, poo i sunako, poo  
 i le aai, o finau ma se tasi,  
 poo faamunuuu i le motu  
 o tagata: Latou te le ma- 13  
 faia foi ona faamaoni o ia

mea ua latou tuua'i<sup>1</sup> maf ai  
 14 ia te au. A ou te ta'uta'u  
 atu lenei mea ia te oe; ou  
 te tapuai i le Atua o matou  
 tamã, e tusa ma le lotu o  
 loo ta'ua e i latou o le vae-  
 ga; o loo talitonu i mea  
 uma lava ua tusia i le tula-  
 fono atoa ma le au perofeta:  
 15 O loo ia te au le faamoemoe  
 i la le Atua, na talia lava e  
 na tagata, o le a tutu mai e  
 ua oti, o e ua agatonu atoa  
 16 ma e ua agaletonu. O le  
 mea lea ou te taumafai af  
 a'u, ina ia maua e au le loto  
 fuaia ifo lelei i le Atua atoa  
 ma tagata, e le aunoa.  
 17 Ua mavae foi tausaga e  
 tele, ona ou alu lea e avatu  
 i mea alofa i lo'u nuu ma  
 18 taulaga, O loo faia ia mea,  
 na iloa a'u e nisi tagata  
 Iutaia mai Asia, ua faama-  
 maina a'u i le malumalu;  
 ua le nunu mai tagata, ua  
 19 leai se pisaõ. Ua tusa ona  
 i'inei o i latou i ou luma, e  
 ta'u mai sa latou mau ia te  
 20 au. A leai, sei fai mai  
 lava e na tagata, pe na iloa  
 e i latou sa'u amio le tonu,  
 ina ou tu i luma o le fonu.  
 21 Pe na o lea upu e tasi, na  
 ou alaga atu ai ina o ou tu  
 i o latou luma, O le toe tu  
 mai o e ua oti ua faama-  
 noina ai au e outou i le aso  
 22 nei. Ua faalogo e Feliki i  
 nei upu, ona faatuai mai lea  
 o ia ia te i latou, ina ua  
 iloa foi teisi o le uiga o lea  
 lotu, ua faapea atu, Pe a ma-  
 liu mai le taitai sili o Lusua,  
 ou te matua saili i a outou



mea. Ua na poloa'i atu foi 23  
i le taitai o le toaselau e  
leoleo atu ia Paulo, a ia  
fealualua'i, ma ia aua le va-  
vao atu i se tasi e auauna  
atu, poo alu atu ia te ia o  
lona aiga.

Ua mavae foi isi aso, ona 24  
o mai lea o Feliki ma Tu-  
sila lana ava, o le fafine  
Iutaia, ma ua aami atu ia  
Paulo, ia faalogo atu ia te  
ia i a le faatuatua ia Keriso.  
O loo tautala mai o ia i le 25  
agatonu, ma le lē gaoia, ma  
le faamasinoga atali, ua ga-  
tete ai Feliki, ua fai atu,  
Sei e alu atu ia i le aso nei,  
aia ou maua foi se aso e au-  
nea, i lo'u toe aami atu ia te  
oe. O loo faatuatua foi o ia 26  
i ni tupe e foaiina mai e  
Paulo ma ana, ina ia tuu-  
sanoa atu ai ia te ia: o le  
mea lea o loo atili ai ona  
aami ma tautala ma ia. Ua 27  
mavae foi tausaga e lua ona  
sua lea o Feliki e Pokio  
Feso; ua loto foi Feliki e  
faafiafia i tagata Iutaia, ona  
ia lea e ia ia Paulo o fusi-  
fusia.

## O LE MATAUPU XXV.

*O le faatonuina atu e Paulo o  
lona amio i luma o Feso, o  
lona fia faamasinoina e Kai-  
sara.*

Ua oo foi o Feso i lona 1  
itumalo, ua mavae aso  
e tolu ona maliu ae lea o ia  
mai i Kaisareia i Ierusalem.

- 2 Ona ta'u mai lea e le fai-  
taulaga sili ma sa'oalii o  
Iutaia ia Paulo ia te ia, ua  
ole atu foi i latou ia te ia,
- 3 Ma aioi ia alofa mai i mea  
o ia Paulo, ia aami atu ia te  
ia e sau i Ierusalem; o  
lamalama i latou ia te ia e
- 4 fasi i le ala. A ua tali mai  
e Feso, e leoleoina Paulo i  
Kaisareia, e le pine foi ona
- 5 alu atu o ia i ai. Ua na  
fai atu foi, Ia maliu ifo ai  
atoa foi ni o outou alii ma  
latou tuua'i atu i lenei ta-  
gata pe afai o i ai se mea.
- 6 Ua nofo foi o ia ia te i  
latou, i aso e sefulu ma ona  
tupu, ona maliu ifo lea i  
Kaisareia; i le tacao ua  
nofo o ia i le tulaga ma po-  
loai atu ia taitai mai ia
- 7 Paulo. Ua oo mai foi o ia  
ona vagavagai ai lea o ta-  
gata Iutaia o e na o mai i  
Ierusalem, o loo ta'u mai i  
mea e tele ma le mamafa ia  
Paulo, ua latou le mafai
- 8 ona faamaoni. O loo faa-  
tonu e ia ia ia, ua faapea  
atu, Ua ou le agasala lava  
i le tulafono o Iutaia, poe  
le malumalu, poo Kaisara.
- 9 A o Feso, ina ua finagalo o  
ia e faafiafia mai i tagata  
Iutaia, ua fetalai mai o ia ia  
Paulo, ua faapea mai, Ua e  
loto ea ina e alu ae i Ierusa-  
lema, ia faamasinoina ai oe
- 10 i nei mea i o'u luma? Ona  
fai atu lea o Paulo, O loo  
tu nei a'u i luma o le tu-  
laga o Kaisara, e tatau ona  
faamasinoina ai o a'u; ua  
ou le faia lava se mea e le

tonu i tagata Iutaia, ua e  
matuā silafia lava. Aua 11  
afai ua ou amio le tonu, poo  
ua ou faia se mea e tatau ai  
le oti, ou te le musu lava  
ina ou oti: a e afai e le  
moni se tasi o ia mea ua  
latou tuua'i mai ai ia te au,  
e le mafaia ona tuuina atu  
e se tasi o au ia te i latou.  
Ou te valaau atu ia Kai-  
sara. Ua fetautalatala'i o 12  
Feso ma alii o toe i ai le  
mau, ona tali mai lea o ia,  
Ua e valaau atu ea ia Kai-  
sara? E te alu lava ia  
Kaisara.

Ua mavae isi aso, ona 13  
afio mai lea o le tupu o  
Akeripa ma Perenike i Kai-  
sarea e alofa ia Feso. Ua 14  
tele aso o nonofoai i laua,  
ua faailo atu e Feso i le  
tupu le tala ia Paulo, ua  
faapea atu, O loo tuu e  
Feliki le tasi tagata o fusi-  
fusua: Sa au i Ierusalem 15  
foi na ta'u mai ai le au fai-  
taulaga sili ma le au matu-  
tua o Iutaia, o loo faatoga  
mai foi ia faasala ia te ia.  
Ona ou tali atu ai lea ia te 16  
i latou, E le o le tu lea a  
Roma e tuu atu se tasi  
tagata ia oti, seia feiloai le  
ua tuuaina ma e na tuuai  
ia te ia, ma ia faitalia ia  
ona faatonu mai o le mea  
ua tuuaina ai. Ua oo mai 17  
foi i latou i'inei, ua ou le  
faatua lava, ua ou nofo i  
le taeano i le tulaga, ma fai  
atu ia taitaiina mai le ta-  
gata. Na tutu mai e na 18  
tuuai ia te ia, ua le moli-

mau mai e i latou se tasi o  
ia mea na ou manatu i'ai; 19  
A ua ia te i latou isi suaga  
i la latou tapuaiga o'i ai o  
ia, ma le tasi tagata o Iesu;  
ua oti, ua fai mai e Paulo  
20 ua ola o ia. Na ou masalo-  
pe faapefea le suaga i lea  
mea, ona ou fesili atu lea  
poo ua loto o ia ina alu atu i  
Ierusalem, ia faamasinoina  
21 ai o ia i ia mea. Ona va-  
laau atu lea o Paulo ia tao-  
fia o ia ia oo ina ia faa-  
tonuina e Aokuso, ona ou  
fai atu lea ia leoleoina o ia  
seia ou momoli atu ia te ia  
22 ia Kaisara. Ona fetalai  
mai lea o Akeripa ia Feso,  
O lota manao foi, ta te fia-  
faalogo atu i lena tagata.  
Ua fai atu o ia, Taeano e te  
faafofoga ai ia te ia.  
23 I le taeano foi, ua oo mai  
ai Akeripa ma Perenike,  
ma le faalialia tele, ua ulu-  
fale i le mea e faalogo ai,  
atoa ma taitai sili, ma se  
alii o le aai, ona poloa'i atu  
lea e Feso, ona taitaiina mai  
24 ai lea o Paulo. Ona fai atu  
lea o Feso, Le tupu e, Ake-  
ripa atoa ma outou alii uma  
o lo tatou o faatasi nei, ua  
outou silasila i lena tagata,  
ua aioi mai ai ia te ia atoa  
le nuu o Iutaia i Ierusalem,  
atoa foi ma iinei, o loo ala-  
laga mai e le tatau ona toe  
25 ola o ia. O au nei ou teile  
iloa foi se mea ua na faia e  
tatau ai le oti, ua valaau afai  
foi ia Aokuso lena tagata,  
na ou manatu ai e momoli  
26 atu ia te ia. Ua lena foia

mea: na ou manatinoa ia te ia  
e tusi atu i le alii. O le  
mea: lea ua ou taitai mai ai  
ia te ia i o outou luma,  
amaise oe na le tupu o Ake-  
ripa; ina ia ou maua se mea  
e tusi atu ai, pe a uma ona  
faamasinoia. Aua ou te 27  
manatu e le tusa ona mo-  
moli o se tagata o fusifusia,  
ma le le faailoa atu o mea  
ua taua ia te ia.

## O LE MATAUPU XXVI.

*O le faamatalaina atu e Paulo  
o lana amio i luma o Feso-  
ma Akeripa.*

**O** NA fai mai lea o Ake- 1  
ripa ia Paulo, Faitalia  
oe ona e faatonu mai ia te  
oe. Ona faaloaloa atu lea o  
Paulo i lona lima, ma faa-  
tonuina atu ia e ia. Le 2  
tapu e Akeripa, ou te mana-  
tu ou te manuia ina a ou  
faatonuina atu ia a'u nei i  
ou luma. i lena aso, i mea  
ua na molia ai a'u e taga-  
ta Iutaia: Amaise ua e 3  
silafia i tu ma suega uma  
lava o loo i tagata Iutaia.  
O le mea lea ou te aioi atu  
aia te oe ia e faafofoga mai  
ia te au ma le onosai. Ua 4  
iloa e tagata Iutaia uma la'u  
antioia faia talu ina ou o  
ifiti, i lo'u lava nuu i Ieru-  
salemia, talu i le amataga:  
Ua latou ilea foi au nei talu 5  
mai ananua, pe afai e mo-  
limau mai i latou, o le itua-  
iga o matua, faigata o la

tatou tapuaiga sa ou ola ai  
6 a'u o le faresaio. Ua fono-  
tia nei foi a'u ona o le faa-  
tuatuaga na folafolaina e le  
7 Atua i o tatou matua: O  
loo faamoemoe i ai o tatou  
ituaiga e sefulu ma le lua  
ma le tapuai faamalosi, i le  
po ma le ao, ina ia latou  
maua: Le tupu e, Akeripa,  
ona o lea faatuatuaga ua  
molina ai a'u e tagata Iutaia.  
8 Se a le mea ua outou mana-  
tu ai e le ma talitonu e toe  
faatuina mai e le Atua o e  
ua oti?

9 Na ou manatu ifo lava  
a'u, e tusa ona ou faatu'iese-  
ina o mea e tele i le suafa o  
10 Iesu o le Nasareta. Sa ou  
fai ai foi i Ierusalemia: ua  
ou maua foi le pule mai le  
au faitaulaga sili, ona ou  
puipuia lea o le au paia e  
toatele i falepuipui; ina o  
fasiotia foi o i latou, ua ou  
11 faapoopo i ai. Na ou tau-  
soo atu foi ia te i latou i  
sunako uma lava, ma a'u  
uuna'i atu ai ia latou faifai  
ia te ia: ua ou faavale-  
malosi atu foi ia te i latou,  
ma au sau atu ua oo lava i  
12 aai ese. O lea lava, le  
tupu e, o loo alu atu ai a'u  
i Tamaseko ma le pule ma  
le feau mai le au faitaulaga  
13 sili, I le tutonu o le la, na  
o'u ilo atu ai i le ala i le  
malamalama mai le lagi, ua  
sili lona pupula i le la, o loo  
pupula ifo ia te au ma la  
14 matou au malaga. Ua pa'u  
i matou uma i lalo i le ele-  
ele, ona ou faalogu atu lea

i le leo ua fetalai mai ia te au, ua faapea mai i le upu Eperu, Saulo, Saulo e, se a le mea ua e sauā mai ai ia te au? o le mea faigatā ia te oe ona e a'a i tui. Ona 15 ou fai atu lea, Le Alii e, o ai ea oe? Ona fetalai mai lea o ia, O a'u o Iesu ua e sauā i ai. A e tulai ia i 16 luga o ou vae; auā o le mea lea ua iloa ai a'u e oe, e totogi ia te oe ma anauna ma molimau i mea ua e vaaia, atoa ma mea e toe iloa ai au e oe; Ma lavea'i 17 a'u ia te oe ai le nuu nei, atoa ma nuu ese, ou te auina atu ai oe, E faavaai 18 i o latou mata, ia liliu mai mai le pouliuli i le malamalama, mai le pule foi a Satani i le Atua: latou te maua ai le aveesega o sala, ma le tofi faatasi ma i latou ua faapaiaina i le faatuatua ia te au.

O lenei le tupu e, Ake- 19 ripa, na o'u le augatā i le ata na iloa mai le lagi: A 20 ua ou mua'i folafola atu i e na i Tamaseko, ma Ierusalemā, ona oo lea i le nuu uma lava o Iutaia, atoa ma nuu ese ia salamo i latou ma liliu mai i le Atua, ma latou faia amio e tatau ma le salamo. Ona o nei mea 21 ua pue mai ai tagata Iutaia ia te au i le malumalu, ma latou taumafai e fasioti ia te a'u. O lea foi, na maua e 22 a'u le fesoasoani mai le Atua, ou te tu mau ai ua oo i lenei aso, o loo molitino

i le tagatānuu ma le alii, ou te le fai atu se tasi mea na o ia mea na ta'u mai e le au perofeta ma Mose o 23 le a taunuu; E tiga le Mesia: ma mua'i tu mai o ia i e na'oti, ma folafola o ia i le malamalama i le nuu nei, atoa ma nuu ese.

24 O loo faapea ona faatonuina atu o ia, ua fai mai Feso ma le leo tele, Paulo e, ua e faavalea, o le tele o lou aoao ua avea ai oe ma 25 vale. A ua tali atu o ia, Le alii e, Feso, ou te le faavalea, a ou te tautala atu i upu moni ma le atamamai.

26 Auā o loo silafia e le tupu, nei mea ou te tautala faamalosi atu nei i ai; aua ua ou iloa lelei ua le lilo se tasi mea o ia mea ia te ia; aua ua le faia faalilolilo lenei

27 mea. Le tupu e, Akeripa, ua e talitonu ea i le au perofeta? Ua ou iloa lava ua

28 e talitonu. Ona fetalai mai lea e Akeripa ia Paulo, Toe itirti ona e faaliliuina lea o

29 a'u e fai ma Kerisiano. Ua fai atu e Paulo, Ou te aioi atu lava i le Atua, ia le gata ina toe ititi, a ia matuā faapei o au nei, e le na o oe, a e atoa foi e o faafofoga mai ia te au i lenei aso, ia faapea lava outou, a e tuu pea ia o

30 nei fusi. Ua faapea atu o ia, ona tulai lea o le tupu, ma le alii faipule, ma Pere-nike, ma e na nonofo ma i

31 latou: Ua o ane i latou, ona fetatalatalai lea, o loo faapea ane, Ua le faia e

lenēi tagata se mea e tatau  
ai le oti poo le fusifusiga.  
Ona fai atu lea o Akeripa 32  
a Feso, Ana le valaau atu  
lenei tagata ia Kaisara, ua  
mafai ai ona tuusaunoa ia  
te ia.

## O LE MATAUPU XXVII.

*O le folauga a Paulo i Roma;  
ua afatia ma tuia le vaa; a  
ua sao i latou uma i uta.*

U A tuu ina a folau atu i 1  
matou i Italia, ona tuu  
atu lea o i latou ia Paulo  
ma isi tagata o fusifusia i le  
taitai o le toaselau, o Iulio  
le igoa, o i le 'au Aokuso.  
Ona o ae lea o i matou i le 2  
vaa a Atamutiu, ma tuu vaa  
atu, a folau ane i nuu o  
Asia: o i matou foi ma  
Arisako, o le Maketonia  
mai Tesalonia. I le taeao  
foi ua tuutaula i matou i  
Saitonu. Na agalelei mai 3  
foi Iulio ia Paulo, ma tuu  
atu ia te ia e alu i ana uo e  
tali i o latou alofa mai. Ua 4  
tuu vaa atu ai foi, ma matou  
folau atu i Kuperu, ina ua  
matagi vale. Ua uma ona 5  
folau i le vasa faa-Kilikia,  
ma faa-Pafulia, ona oo lea  
o i matou i Mura, o i Lukia.  
Ua maua foi i ai e le ta'ta'i o 6  
le toaselau le vaa Alesania  
o loo folau atu ia i Italia;  
ua tuu atu e ia i matou i ai.

Ua telegese ona matou 7  
folau ua tele aso, na fai a le  
oo i matou i gatai o Nitoi,

ina ua le mafai i le matagi,  
ona matou folau atu lea  
Kereta, i gatai o Salamone;  
8 Se manu a le tuuna lea i  
tua, ona matou oo lea i le  
mea e ta'ua o Ava-matago-  
fie: e latalata i ai le aai o  
9 Lasea. Ua uma foi aso e  
tele, ma ua oo ina āfātia o  
folauga, ina ua mavae nei  
foi o po o le faapā'upā'uga,  
ua lapata'i atu Paulo ia te i  
10 latou. O loo faapea atu,  
Alii e, o lo'u manatu o le a  
tele le leaga ma maumau o  
mea i lenei folauga, e le  
gata i le uta ma le vaa, a e  
11 atoa ma o tatou ola. A ua  
usiusitai le taitai o le toase-  
lau i le tautai ma le alii e  
ona le vaa, a e le usiusitai i  
12 la Paulo. Ua le lelei foi  
le ava e nonofo ai vaa i le  
tausaga e afa ai, ona fai  
mai lea o le manatu o le  
toatele e tuu vaa atu ai, ma  
taumafai pe oo i Foini'e e  
nofo ai i le tausaga e afa ai:  
o le ava lea o Kereta, e fea-  
gai ma sisifo i le itu i toga  
e feagai foi ma sisifo i le itu  
13 i matu. Ua agi malie mai  
foi le matagi toga, fa te i  
latou ua maua lo latou ma-  
natu, ona tuu vaa lea, ma  
folau ane e latalata i Kere-  
14 ta. Mulimuli ane, ua le  
pipine ona tupu mai o le afa  
tetele, o Eurokuto le igoa.  
15 Ua avefa foi le vaa, ma ua  
le mafai ona faasaga i le  
matāmatagi, ona matou tuu  
16 atu ai lea ma ua lelea. Ua  
lele faatafa ane i le tasi  
motu itiiti, o Kalauta le

igoa, na fai a le mautaoi e i  
matou i le tulula ona o le  
faamalosi ; Ua sii i latou i 17  
ai i luga, ona fai lea e i  
latou ni togafiti, ma saisai  
ifo i le vaa ; ua fefese foi  
ne'i lafoia i le oneone feta-  
fia'i, ona latou tuu lea i le  
fanā ona lelea ai lea. Ua 18  
matua felafoa'iina i matou i  
le āfā, ona lafoa'i lea e i la-  
tou i le taeao *le uta* : I le 19  
aso tolu ua matou lafoa'i i  
o matou lava lima le vao  
mea o i le vaa. Ua tele aso 20  
o le iloa ai le la poo ni fetu,  
ma ua to ifo le āfā tele ia i  
matou, ona i'u lea ina ave-  
esea uma lava o lo matou  
faatuatua i le ola.

Ua leva foi o le le manatu 21  
i le mea e ai, ona tu lea i  
luga o Paulo ia i latou, ua  
fai atu, Alii e, ua tatau pe  
ana outou usiusitai mai ia  
te au, ma le le tuu vaa mai  
Kereta, ona le mativa ai lea  
outou i lenei leaga ma nei  
mea ua maumau. Lenei 22  
foi ou te aioi atu ia te outou  
ia outou faamalosi : auā e  
leai so outou ola e maumau,  
na o le vaa. Aua sa tu mai 23  
ia te au anapo le agelu a le  
Atua, e ona a'u, ou te tapu-  
ai i ai, O loo faapea mai, 24  
Paulo e, aua e te fefe ; auā  
e tatau ona e tu i luma o  
Kaisara : faauta foi, ua foai  
atu le Atua ia te oe uma  
lava o e ua folau ma oe. O 25  
lenei, alii e, ia outou faama-  
losi : aua ou te talitonu i le  
Atua, o le a faapea lava pei  
ona fai mai ai ia te au. A 26

e tatau ona lafoaiina o i ta-  
27 tou i le tasi motu. Ua oo  
foi i le sefulu ma le fa o po,  
o loo felafoa'iina i matou i  
le vasa Ateria, i le tulua o  
po ua masalo ai tautai ua  
latou faalatalata atu i le tasi  
28 nuu ; Ona fuatia ifo lea, ua  
iloa ai ua lua fulu gafa ; ua  
faatiti atu, ona toe fuatia  
ifo lea, ua iloa ai ua sefulu  
29 ma le lima gafa. Ona fefese  
lea nei lafoia i se gaoā, ona  
lafo ifo lea e i latou taula  
e fa i le taumuli, ma ua ole  
30 atu i latou ia vave ao. O  
loo manatu tautai e sosola  
ese i le vaa, ma ua tuuina  
ifo le tulula i le sami ma le  
faatagā a latou ave ifo ni  
31 taula i le taumua, Ua fai  
atu Paulo i le taitai o le  
toaselau ma le au fitafita,  
Afai e le tumau i latou na  
i le vaa, e le mafai ona faa-  
32 laina o outou. Ona vavae  
ese lea e le au fitafita maea  
o le tulula, ua tuu atu pea  
ia tafea.  
33 O loo faatali seia ao, ua  
aioi atu ai Paulo ia te i la-  
tou uma e aai, ua faapea  
atu, O le sefulu ma le fa le-  
nei o aso ua outou faatalitali  
ai ma le le manatunatu lava  
i mea e 'ai, ua le aai foi sina  
34 mea. O le mea lea ou te  
aioi atu ai ina ia outou aai :  
auā e leai se lauulu o outou  
35 ulu e pau. Ua faapea atu,  
ona tago lea o ia i le areto,  
ma faafetai atu i le Atua i  
luma o i latou uma, ona to-  
tosi lea e ia, ma afua ona 'ai.  
36 Ona faamalosi ai lea o latou

loto uma lava, ona aai ai lea o i latou. E toalua lau ma 37 le toafitu gafulu ma le toaono tagata o i matou uma lava e na i le vaa. Ua ma- 38 oona i le mea e 'ai, ona latou faamāmā lea i le vaa, ua lafo ifo le saito i le sami.

Ua ao, ona le iloa lea e i 39 latou le igoa o le nuu ; a ua latou ilo atu i le tasi ava o i ai le faga oneone, ua latou manatu, pe mafai ona faaoo i ai le vaa. Ona latou mo- 40 tusi ese lea o taula, ma tuu atu i le sami, ma tatala fusi o foeuli, ma sisi i le la taumua i le matagi, ma faasaga i le ava. Ua lafoia foi i le 41 tolotolo oneone ona faato'a lea i le vaa, ona pipii mau lea o le taumua, ma ua mau- sali pea lava : a ua malepe le taumuli i le malosi o le galu. Ua manatu le au fita- 42 fita ia fasiotia e o fusifusia, nei a'au se tasi ma sola. A ua finagalo le taitai o le 43 toaselau e faaola ia Paulo, ona vavao atu lea i lo latou manatu ; ma ua fai atu i e ua lavā feausi e muai feosofi ifo, ma o atu i uta ; Ma e 44 o totoe, o isi i luga o laupapa, ma isi i luga o ni mea sa i le vaa. Ua iu ina sao uma atu ai i uta.

## O LE MATAUPU XXVIII.

*Ua alofaina Paulo i le nuu o  
Melita : ua oo atu i Roma.*

**U**A sao atu i latou, ona 1 iloa lea o Melita le

2 igoa o le motu. Ua ma'eu lava le alolofa mai o le nuu ese ia i matou ; auā ua latou tafu i le afi tele, ma talia mai i matou uma lava, ona o le ua ua to ifo, ma le maa- 3 lili. Ua faaputu foi e Paulo nai fafie, ma faaee i ai i le afi, ona sau ai lea o le gata u-ogo ona o le vevela, 4 ma pipii i lona lima. Ua vaai mai e le nuu ese le mea fe'ai o tautau ifo i lona lima, ona fetautalatalai lea o i la- tou, Ai e moni lava o le fasi-tagata lena, e ui lava ua sao o ia mai le sami, a e le mafai i le toasa ona ola o 5 ia. A ua lulu atu e ia le mea faai i le afi, ua le lago- 6 na se leaga. O loo faatali i latou fā'i e fulafula, pe pa'ū i lalo ma lipiola ; a ua leva ona latou faatali, ma ua iloa ua le oo se mea leaga ia te ia, ona liliu lea o latou manatu, ma faapea ane, o se atua lava ia.

7 Ua latalata foi i lenei mea, o fanua o le alii o le motu, o Popilio le igoa : ua na talia i matou, ma faano- nofo i lona fale ma le agale- 8 lei mai i aso e tolu. Na taoto foi le tamā o Popilio i le ma'i vevela ma le sana toto ; ua alu atu Paulo ia te ia, ma ua tatalo ifo, ona faas'e lea o ia ona lima i luga ia te ia, ua faamalolo 9 ai e ia. Ua faia foi o lenei mea, ona o mai ai lea uma lava o e na mama'i i le mo- 10 tu, ma ua faamaloloina. Ua latou alolofa mai foi ia i

matou i mea lelei e tele ;  
ina a matou tuu vaa atu, ua  
faaee e i latou i luga o le  
vaa o mea e tatau.

Ua mavae masina e tolu 11  
ona matou tuu vaa atu lea i  
le vaa Alesania, sa i le motu  
i le tausaga e afa ai o lona  
faailoga o Seukuroi. Ua 12  
tūta atu foi i Surakusa, ma  
matou nonofo ai i aso e tolu.  
Ona folau faatafatafa ane ai 13  
lea, ua oo i gatai o Rekiu ;  
ua mavae ai foi le aso e tasi  
i le agi mai ai le matagi e  
toga, ona oo lea o i matou  
i le aso lua i Puteoli. Ua 14  
iloa ai ni o matou uso, ua  
pulutia foi i matou e nonofo  
ma i latou i aso e fitu ; ona  
o atu lea o i matou i Roma.  
Ua logona i matou e le au 15  
uso o i ai, ua latou o mai e  
faafetaia'i mai i matou, ua  
oo mai lava i le ala Apio,  
ma fale faatau e tolu : ua  
vaai atu Paulo ia te i latou,  
ona faafetai lea i le Atua  
ma lototele ai.

Ua oo foi i matou i Roma, 16  
ona tuu atu lea o le alii o  
le toaselau i e o fusifusia i  
le alii sili o le fale-faama-  
sino ; a ua tuu atu o ia ia  
Paulo e nofo i lona fale ma  
le fitafita e leoleo ia te ia.  
Ua mavae aso e tolu, ona 17  
faapotopoto mai lea e Paulo  
tagata silisili o Iutaia ; ua  
potopoto mai, ona fai atu  
lea o ia ia te i latou, Le au  
uso e, e ui lava ina ou le  
i faia se mea faaletatau i le  
nuu ma le tu o tatou mātua,  
na tuuina atu au o fusifusia

mai Ierusalem a i lima o  
18 tagata Roma : Ua faama-  
sino mai i latou ia te au ua  
loto e tuusaunoa mai, auā  
ua leai se amio e tatau ona  
19 ou oti ai. A ua faatu'iese  
mai tagata Iutaia, ona le ma  
taofia lea o lo'u valaau atu  
ia Kaisara ; a e le o ia te  
au se mea e faaleaga ai lo'u  
20 nuu. O le mea lea ua ou  
aami atu ai ia te outou, sei  
tatou feiloa'i, ma fetautala-  
talai ; auā ona o le faatua-  
tuaga o Isaraela ua fusifusia  
21 ai au i lenei maea. Ona  
fai mai lea o i latou ia te ia,  
Na matou le maua ni tusi  
mai Iutaia ia te oe, e le i  
sau foi se tasi o tatou uso e  
tala mai poo fai mai se mea  
22 leaga o ia te oe. A o lo  
matou manao nei sei faalogo  
atu ia te oe i lau taofi ; auā  
ua iloa e i matou ua tala-  
eseina lena lotu i nuu uma  
23 lava. O le aso foi na tuu e  
i latou ua o mai ai e toatele  
ia te ia i lana api : ua faa-  
matala atu e ia ma molitino  
atu i le malo o le Atua ia  
te i latou, ma faasinotonu  
atu i ai i mea ia Iesu, mai  
le tulafono a Mose, atoa ma  
le au perofeta, e afua i le  
24 taeao e oo i le afiafi. Ua  
talitonu foi e isi i upu na  
fai atu, a ua le talia e isi.  
25 Ua taofi esee e i latou, ona  
tuua lea, o loo fai atu e  
Paulo le upu e tasi, Ua  
tonu lava la le Atamai Paia  
na fai mai ai i le perofeta o  
26 Isaia i o tatou mātua, O  
loo faapea mai, "Ina alu ia



i lēna nuu ma fai atu, O lo outou faalogo e faalogo ai outou, a e le lagona : o lo outou vaai e vaai ai foi a e le iloa. Aua ua mafafia le 27  
loto o lēna nuu, ma ua faalogogata o latou taliga i faalogo, ua latou faamoei-  
'ini o latou mata ; ne'i vaai i o latou mata, ma faalogo i o latou taliga, ma lagona i o latou loto ma liliuina i latou, ma o'u faaolaina i latou." O lēnei foi ia iloa 28

e outou, ua molia le ola mai le Atua i nuuese latou te 29  
faalogo ai lava. Ua mavae atu ana upu nei, ona o ese lea o tagata Iutaia, ua tele ai 30  
lo latou fefinana'i. Ua nofo foi Paulo i tausaga atoa e lua i lona fale e totogi, ua na talia uma lava e na ulu- 31  
fale ia te ia, O loo tala'i i le malo o le Atua, ma aoao atu i mea a le Alii o Iesu Keriso, ma le faamalosi lava, e le i vaolia.

## O LE TUSI A

# PAULO, LE APOSETOLO I ROMA.

### O LE MATAUPU I.

*O le faiva o Paulo ma le uiga  
o le Evagelia—O le malaia  
o atunuu i le agasala.*

**O** AU o Paulo, le auaua 1  
a Iesu Keriso: na faia  
au ma aposetolo, na filifilia  
e tala ai i le tala lelei a le  
Atua, (Na ia muai tauina 2  
mai e ana perofeta i lautusi  
paia,) I lona atalii o Iesu 3  
Keriso, lo tatou Alii, o lē  
na fanau mai i le aiga o  
Tavita, i la le tino, O lē 4  
na faasinotonuina mai o le  
Atalii o le Atua ia ma le  
mana, i la le Agaga Paia, i  
le toe tu mai na i e ua oti;  
Na matou maua mai foi ia 5  
te ia o le alofa tunoa ma le  
faiva o le aposetolo, ina  
ia iu ina anaana i le faa-  
tuatua o atunuu uma lava,  
ona o lona suafa; O i ai 6  
foi outou o e na togia e Iesu  
Keriso. *O la'u tusi lenei* 7  
ia te i outou uma lava o i  
Roma, o e na faapelepelea  
e le Atua, ma ua tofia e fai  
ma tagata paia; Ia alofaina  
outou, ma ia outou manuia i

le Atua lo tatou Tamā, atoa  
ma lo tatou Alii o Iesu  
Keriso.

- 8 E muamua ona ou faa-  
fetai atu i lo'u Atua, ia Iesu  
Keriso, ona o outou uma,  
ina ua ta'u atu lo outou  
faatuatua i le lalolagi uma  
9 lava. Aua ua silafia mai e  
le Atua, (o ia ou te tapuai  
i ai i lo'u atamai, i le tala  
lelei i lona Atalii,) e le  
aunoa ona ou faamanatu,  
10 Ma ou aioi atu, i a'u talo-  
saga uma lava, mo outou,  
ina seia oo mai le manuia  
ia te au i le finagalo o le  
Atua, ou te alu atu ai ia te  
11 outou: Aua ou te naunau  
tele i le fiaeiloaai ma outou,  
ina ia ou moli atu ia te ou-  
tou i se alofa i la le Agaga  
12 e faamauina ai outou; O  
lea lava, ina ia tatou fefaa-  
mafanafanaai i lo tatou faa-  
tuatua, o outou atoa ma au,  
13 pe a tatou faatasi. Le au  
uso e, ou te loto ina ia outou  
iloe, ua leva ona tuu i lo'u  
loto ou te alu atu ia te ou-  
tou, (a ua taofia au o loo oo  
mai i ona po nei,) ina ia ou  
maua sina fua o ia te outou,

aapei o i isi atunuu. Ua 14  
ia te au mea a Eleni, atoa  
ma nuu ese; a e popoto,  
atoa ma e valelea: O le 15  
mea lea ou te naunau ai, ia  
ou ta'u atu foi le tala lelei  
a le Atua ia te outou o i  
Roma. Auā foi, ou te le 16  
mā i le tala lelei i a le Mesia;  
aua o le mana lava lea o le  
Atua, e ola ai taitoatasi o e  
faatuatua, e muamua le Iu-  
taia; atoa ma le Eleni.

Aua o loo faaaliala mai ai 17  
LE AGATONU O LE ATUA I  
LE FAATUATUA, ina ia faa-  
tuatua ai; pei o le na tusia,  
“E ola le tagata agatonu i  
le faatuatua.” Ua faaaliala 18  
mai foi le toasa o le Atua  
mai le lagi, i le amio faale-  
mata'u ma le amio faale-  
tonu uma lava a tagata, o e  
taofi i le mea moni ma le  
aga faaletonu. Auā o mea 19  
a le Atua ua iloa mai e  
pupula mai ia ia te i latou;  
aua ua faapupulaina mai ia  
e le Atua ia te i latou:  
Auā o ana mea e le vaaila, 20  
talu le faafoaga o le lalolagi,  
e vaaila lava ia i le mafau-  
fau i mea na faia, o lona mana  
lava lea e faavavau ma lona  
Atua; o lea foi ua le mau-  
tali ai i latou. Auā foi na 21  
iloa e i latou le Atua, a ua  
le vivii ma faafetai atu ia te  
ia, ia tusa i le Atua; a e  
peitai ua faaleaogaina i latou  
i lo latou taumasalosologa,  
ua faapouliuligia foi lo latou  
loto valea. Ua valea i latou, 22  
o loo o latou o faafiapoto,  
Ua latou fesui ai le mamalu 23

o le Atua soifua pea lava  
ma le faatusa o le tino o le  
tagata iuvale, ma manu fele-  
lei, ma vaefa, ma mea fetu-  
lofi. O lea foi na tuuina 24  
atu ai i latou e le Atua i le  
amio leaga, ona o le tuina-  
nau o lo latou lotu, latou te  
fefaaleagainaai o latou lava  
tino: O tagata ia o e na 25  
fesui ai le mea moni i la le  
Atua ma le mea sese; ua  
latou matata'u foi ma tapuai  
i mea na faia, a ua tuua ia  
na faia: amuia ia e faava-  
vau! Amene. O le mea 26  
lea na tuuina atu ai i latou  
e le Atua i manao e maasi-  
asi ai. Auā foi o latou lava  
fafine ua fesui ai i le tu e  
tatau ma le tu e le tatau:  
27 E faapea foi o latou tane,  
ua tuua e i latou le tu e  
tatau i le fafine, ina ua mu  
ai i lo latou femanaoai; o  
tane foi o loo fefaia i latou  
i mea e maasiasi ai; ua tauia  
foi i latou i o latou lava tino  
28 e tusa ai i lo latou sese. E  
faapei foi ona le tatau ia te  
i latou ona taofi i le iloa o  
le Atua, ua tuuina atu i  
latou e le Atua i le lotu le  
tatau, latou te fai ai mea e  
29 le tusa: O loo tutumu i  
latou i amio le tonu uma  
lava, o le faitaaga, ma le aga  
ulavale, ma le manumanu,  
ma le lotu leaga; o loo  
tumu saisi i le mataua, ma  
le fasioti-tagata, ma le misa,  
ma le oleolega, ma le faa-  
30 tautala; O tuaupua i latou,  
ma e upu ese, ma e 'ino'ino i  
le Atua, ma e faasiasia, ma e

faasaua, ma e faafiasilisili, ma e fiafai togafiti i mea leaga, ma e le anaana i mātua, Ma e valelea, ma e tuuma- 31  
vaega, ma e le lotoaiga, ma e le faamolemoleina, ma e faalealolofa : O tagata ia 32  
o e iloa le sauniga tonu a le Atua, e tatau ai le oti i e amio faapea, e le gata foi ona latou faia o ia mea, a e fiafia atu i latou i e ua faia i ai.

## O LE MATAUPU II.

*Aua le faamauluga nisi, auā o le faasalatou a le Atua e oo i tagata uma lava.*

**O** LE mea lea, le tagata 1  
e, ai se faasalaina atu, ua e le mautali oe, auā, i lou faasalaina atu i se isi, ua e faasalaina oe e oe; auā o oe lē faasalaina atu, ua e faia ia lava mea. Ua tatou 2  
iloa foi, e tatau lava ma le mea moni le faasala a le Atua i e fai mea faapena. Le tagata e, o lē faasalaina 3  
atu i e fai mea faapea, ma e fai foi ia lava mea, o lou ea lea manatu e te sao i le faasala a le Atua? Po ua 4  
faatauvaā ea ia te oe le faulai o lona agamalū, ma lona faapalepale, ma lona onosai; o loo e le iloa e taitaiina oe e le agamalū o le Atua i le salamo? A e 5  
peitai o lou loto maaa ma le le salamo, e te faaputu ai ea mo oe le toasa i le aso o le toasa ma le faaaliga o le faasala tonu a le Atua;

6 O le e tuuina atu le tau i taitasi i tagata e tusa ma a  
7 latou galuega? *E tuuina atu foi* le ola le uma i e tu-  
mau pea i le agalelei, ma saili i le viiga ma le ma-  
8 malu ma le le iuvale; A o le toatama'i ma le toasa i e finauvale, ma e le gauai i le mea moni, a e gauai i le  
9 agaletonu: O le puapuaga ma le atuatuva tele, tai-  
toatasi i tagata e faamalosi i le amio leaga; e muamua le Iutaia, atoa ma le Eleni;  
10 A o le viiga, ma le mamalu, ma le manuia, taitasi i e fai le amio lelei; e muamua le Iutaia, atoa foi ma  
11 le Eleni. Auā e le faailogaina mai e le Atua ni  
12 tagata; Aua, atoa uma e ua agasala, e le o i ai le tula-  
fono, e oti i latou, e ui lava ina le o i ai le tulafono, atoa uma foi e ua agasala, ua i ai le tulafono, e faa-  
13 fono: (Aua foi e le ta'ua-gatonuina i luma o le Atua e ua faalogo i le tulafono, a e peitai o e gauai i le tulafono e ta'ua-gatonuina i  
14 latou; Aua pe a fai fua ni atunuu, e le o i ai le tulafono, o mea e tusa ma le tulafono, ua avea latou ma tulafono ia te i latou, e ui ina le o i ai le tulafono;  
15 O tagata ia e aliali mai ai le galuega a le tulafono, ua tusia i o latou loto, e o faatasi ai foi lo latou manatu ifo, o loo fefaaleaga-ai foi, poo fefaatonuai o latou faa-

masinoga:) *A e faasalaina* 16  
i latou i le aso e faamasino-  
ina ai e le Atua, ia Iesu  
Keriso, mea lilo a tagata,  
pei o la'u nei tala lelei.

Faauta, ua e igoa ai oe 17  
o le Iutaia, o loo e faatuatua  
i le tulafono ma e mitamita  
ai i le Atua, Ua e iloa foi 18  
lona finagalo, ma e iloilo i  
mea eseeese, ina ua aoaoina  
oe i le tulafono; O loo e 19  
taofi o oe o le taitai o tauaso,  
o le malamalama foi i e o  
pouliuli, O le aoai i e va- 20  
lelea, o le aoao i tama iti,  
ina ua e maua o le tino o le  
poto ma le mea moni i le  
tulafono. Lenei foi, o oe le 21  
aoao i le tagata ese, e te le  
aoao ea e oe ia oe? o lē  
lauga atu aua le gaoi, e te  
gaoi ea oe? O lē fai ane, 22  
Aua le mulilua e te muli-  
lilua ea oe? o lē matua  
'ino'ino i tupua, e te faoa  
ea oe i mea sa? O lē mi- 23  
tamita i le tulafono, e te  
faaleaga atu ea i le Atua,  
i lou soli i le tulafono?  
Aua ua faifaia le suafa o le 24  
Atua, ona o outou, i le mou  
atunuu, faapei o le na tusia.  
Aua foi e aoga le peritome, 25  
pe afai e te gauai i le tula-  
fono; a e pe afai e te soli i  
le tulafono, ua liliu ai lou  
peritome ma faaleperitome.  
O lea foi, pe afai e taofia e 26  
le le-peritome sauniga o le  
tulafono, e le ta'uperito-  
meina ea lona le-peritome?  
O le na tupu mai foi ma le 27  
le-peritome, a ua uma ona  
anaana i le tulafono, e le

faasala ea ia ia te oe, lē soli  
i le tulafono, ua ia te oe le  
28 tusi ma le peritome. Aua  
e le o le Iutaia o le ua  
vaaia, e le o le peritome  
foi o le ua vaaia i le tino;  
29 A e peitai o le ua le vaaia  
o le Iutaia lava lea; o le  
peritome foi e a le loto lea,  
o loo i la le atamai ia, e le  
i la le tusi; ma lona viiga  
e le mai ni tagata, a e  
mai le Atua ia.

### O LE MATAUPU III.

*Ua tusa lava tagata uma ona  
faasala; na o e faatuatua e  
ta'uagatonuina ia.*

1 **O** LENEI, se a ea e sili  
ai le Iutaia? ni a ea ni  
mea e maua i le peritome?  
2 E tele ai, i mea uma lava;  
a e sili lea, ona ua tuuina  
atu ia te i latou o afioga a  
3 le Atua. Ia,—ua tuuma-  
vaega e nisi, fai ona a faa-  
pefea? o lo latou tuuma-  
vaega e faaleaoga ai ea le  
4 faamaoni o le Atua? Aua  
nei faapea! a ia moni le  
Atua, ma ia pepelo tagata  
uma lava! pei o lē na tusia,  
“Ina ia ta'uagatonuina oe i  
au afioga, ina ia e malo, pe  
5 a faamasinoina oe.” Ia, a  
faaalitinoina le agatonu o le  
Atua i lo tatou agaletonu,  
se a ea sa tatou upu e fai?  
E agafaaletonu ea le Atua,  
o le e tuuina mai le toasa?  
6 (Na o la tagata la'u e fai  
atu nei.) Aua nei faapea!  
a faapea, pe faapefea le Atua

ona faamasino i le lalolagi uma? Auā foi a faateleina 7 le faamaoni o le Atua e oo ai lona viiga, ona o lo'u tuu-mavaega, e faasalaina ai a'u i se a, pei o se agasala? Tatou te faapea ea (pei ona 8 faifaia mai i matou, pei ona fai ane e nisi, ua faapea a matou,) Ia tatou fai mea leaga, ina ia tupu ai mea lelei? E tusa ai la latou sala.

Ia, pefaafelea? Ua ma- 9 tou silisili ea? E leai lava, Aua, ua uma ona molia e i tatou o tagata Iutaia atoa ma Eleni; o loo nofo sala i latou uma lava. Faapei 10 ona tusia, "E leai se agatonu, e leai lava se tasi, E 11 leai se na te lagona, e leai se saili i le Atua. Ua latou sese 12 uma lava i le ala, ua latou soona leaga, e leai se agalelei, ua le toe lava se tasi. Ua se tuugamau ua laga o 13 lo latou faa'i, ua 'ole'ole i o latou alelo, o i o latou laugutu le mea onā o le asipi. O loo tumu lava o latou 14 gutu i le fetuu, ma le upu faafiufiu. O loo televavave 15 o latou vae e sasaa ai le toto. O i lo latou savaliga 16 le olopalaina ma le puapua-gatia, ua latou le iloa le ala o le manuia. E leai lava 17 so latou mata'u i le Atua." Ia, ua tatou iloa, o mea uma 18 ua faia mai e le tulafono, e faia lava e ia i e ua i ai le tulafono; O lea ua punitia 19 ai gutu uma lava, ma ua iloa ai, ua nofo sala le lalolagi uma i luma o le Atua. O 20

lea foi, o galuega o le tulafono e lē ta'ugatonuina ai se tagata e tasi i ona luma, aua o le tulafono e iloa ai le agasala.

- 21 A o lenei, o loo ua faa-  
alia mai LE AGATONU O LE  
ATUA, e le o i ai le tulafono,  
ua molimau foi i ai e le  
tulafono atoa ma le au pero-  
22 feta;—O le agatonu o le  
Atua i le faatuatua ia Iesu  
Keriso, e oo atu i tagata  
uma, mo tagata uma foi ia  
o e faatuatua, aua e le o  
23 eseese lava. Aua ua aga-  
sala tagata uma lava, ma  
ua le oo i le viiga mai le  
24 Atua: O loo ta'ugatonu-  
fuaina i lona alofa tunoa i  
le togiola e a le Mesia o  
25 Iesu, O lē ua tuuina mai i  
luma e le Atua, o le e fina-  
galo malie ai, i le faatuatua i  
lona toto; ina ia faailotinoina  
mai lona agatonu i le ave-  
esega o agasala ua mavae i  
le faapalepale o le Atua,  
26 Ina ia faailotinoina mai foi  
lona agatonu, i ona po nei,  
ina ia iloa ai o ia o le aga-  
tonu ma ua ta'ugatonuina  
e ia lē e faatuatua ia Iesu.  
27 Lenei foi, o i fea le mita-  
mita? Ua vaoia. I se fea  
tulafono? o le tulafono i  
galuega ea? E leai, a o le  
28 tulafono i le faatuatua. Le-  
nei foi o la tatou taofi i lena, e  
ta'ugatonuina le tagata i le  
faatuatua, e le o i ai galuega  
29 o le tulafono. Na o Iutaia  
ea e Atua i ai i le Atua? e  
le o atunuu uma ea foi?  
Ioe, atoa foi ma atunuu.

Auā foi o le Atua e tasi na 30  
te ta'ugatonuina atu i le  
peritome i le faatuatua, atoa  
ma e le peritomeina ua i ai  
le faatuatua. O lenei foi, 31  
e faaleaoga ea e i tatou le  
tulafono i le faatuatua?  
Aua nei faapea! A ua tatou  
faaalitinoina ai lava o le  
tulafono.

#### O LE MATAUPU IV.

*Na ta'ugatonuina Aperaaamo  
i le faatuatua.*

**L**ENEI foi, pe se a sa ta- 1  
tou upu, i mea na maua  
i la le tino, e lo tatou tama  
o Aperaaamo? Aua, ana 2  
ta'ugatonuina Aperaaamo i  
ni galuega, ua ia te ia se  
mea e mitamita ai; a ua leai  
i luma o le Atua. Auā, se a 3  
ea la le tusi e fai mai ai? "Na  
faatuatua Aperaaamo i le A-  
tua, ua taua ai le agatonu iate  
ia." A e le taua le totogi o le 4  
faigaluega, o le alofa tunoa,  
a ua taua o le faatusa. A 5  
o le le galue, a e faatuatua i  
le na te ta'ugatonuina o le  
ua amio lē mata'u, ua taua  
lona faatuatua o le agatonu.  
Faapei ona faaamuiā e Ta- 6  
vita le tagata ua ta'ua i ai e  
le Atua le agatonu, e le o i  
ai galuega. "Amuia e ua 7  
tu'itu'ia a latou amiole-  
tonu, ma ua ufiufitia a latou  
agasala! Amuia le tagata 8  
e lē faatatauina atu i ai le  
agasala!" E gata ea i le 9  
peritome lenei faaamuiā? e  
le oo ea foi i le le perito-

meina? Aua o loo faapea  
la tatou upu, Ua taua le  
faatuatua o Aperaaamo o le  
10 agatonu. Pe na taua ina  
ua a? ina ua peritomeina o  
ia ea, poo ina ua le perito-  
meina? E lei ina ua perito-  
11 meina. Ua na maua foi o  
le faailoga, o le peritome, o  
le faamaoni mai lea o le  
agatonu i le faatuatua a o  
lei peritomeina ia, ina ia  
avea o ia ma tamā uma lava  
o e faatuatua, ma e le o  
peritomeina, ia ta'ugatonu-  
12 ina i latou; Atoa ma le  
tamā o le peritome, e le  
gata i le peritome, a e peitai  
o e savali i tulagavae o le  
faatuatua o lo tatou tamā, o  
Aperaaamo, a o lei perito-  
13 meina ia. Aua e le fola-  
folaina atu ia Aperaaamo,  
poo i lana fanau, e fai ma  
ona tofi le lalolagi uma i le  
tulafono, a i le agatonu o le  
14 faatuatua. Aua pe afai ua  
tofia e ua i ai i le tulafono,  
ua faaleiu ai le folafolaga,  
ua faaleaoga le faatuatua.  
15 Aua foi, o le tulafono e iu  
atu i le toasa; aua pe a leai  
se tulafono, ua leai se sofi i  
16 ai. O lea, e maua ai i le  
faatuatua le mea na folafola-  
laina, ina ia maua i le alofa  
tunoa; ina ia tumau ia i le  
aiga uma lava, e lei tuli i lē  
ua i ai le tulafono, a e oo i  
lē ua i ai le faatuatua o  
Aperaaamo, o le tamā ia o i  
17 tatou uma lava, (Pei o le  
na tusia, "Na au tofia oe e  
fai ma tamā o atunuu e

tele,") i luma o le Atua, o  
 lea na na faatuatua i ai, o  
 le faaola ia i e ua oti, ma le  
 na te togia o mea e leai,  
 peiseai ua i ai. Na ia faa- 18  
 tuatua pea i le faamoemoe i  
 lea, (a e leai se mea e faa-  
 moemoe ai,) e avea o ia ma  
 tama o atunuu e tele, pei o  
 le na fai mai, "E faapea  
 lava lau fanau." E lei 19  
 vaivai foi ia i le faatuatua,  
 e lei manutu foi i lona tino  
 ua oti, ai ua selau ona tau-  
 saga, ma le manava foi o  
 Sara ua oti foi; E lei ma- 20  
 salovale ia ma le le faatua-  
 tua i le folafolaga a le Atua,  
 a ua malosì tele i le faatua-  
 tua ua vivii atu i le Atua,  
 Ua na mautinoa foi, e mafai 21  
 ia te ia ona faaoo i le na  
 folafolaina e ia. O lea ua 22  
 ta'ua ai lona faatuatua o le  
 agatonu. A e lei tusia ona 23  
 o ia lava, "Ua ta'ua ia te  
 ia;" Peitai ona o i tatou, 24  
 o le a ta'ua i ai, o i tatou  
 foi o e faatuatua i le na  
 faatu mai i lo tatou Alii o  
 Iesu na i e ua oti; O ia na 25  
 tuuina ona o a tatou aga-  
 sala, ma faatuina mai ona o  
 lo tatou ta'uagatonuina.

### O LE MATAUPU V.

*O le alofa tunoa na tupu ai le  
 ola. O Atamu o le faaaoao  
 o Iesu.*

**L**ENEI foi, ua tatou toe 1  
 lelei ma le Atua, ona o  
 lo tatou Alii o Iesu Keriso,

ina ua ta'uagatonuina i  
 2 tatou i le faatuatua; O ia  
 foi ua tatou maua mai ai le  
 taitaiga i lenei alofa tunoa,  
 tatou te i ai i le faatuatua; o  
 loo mitamita foi i tatou ma  
 le faamoemoe i le manuia  
 3 mai le Atua. E le gata ai  
 foi i lea, a ua tatou mita-  
 mita foi i o tatou puapuga,  
 ina ua tatou iloa o le pua-  
 4 puaga e iu ai i le onosai, O  
 le onosai foi e iu ai i le  
 to'alemuga, o le to'alemuga  
 foi e iu ai i le faamoemoe;  
 5 O le faamoemoe foi e le  
 mā ai, aua ua faamaligi mai  
 le alofa o le Atua i o tatou  
 loto, e le Agaga Paia na  
 foaiina mai ia te i tatou.  
 6 Auā foi na maliu Keriso i  
 ona po e tatau ai, ina o  
 vaivai pea i tatou, o le sui o  
 7 e amio faalemata'u. Auā,  
 toe ina le iloa sē faoti ma  
 sui o le agatonu, ai lava e  
 iloga se tasi e faamalosi i le  
 8 oti ma sui o le agalelei; A  
 ua faaalitinoina mai e le  
 Atua lona lava alofa ia te i  
 tatou, ina ua maliu Keriso  
 ma sui o i tatou, ina o tatou  
 9 agasala pea. A o lenei ua  
 ta'uagatonuina i tatou i lona  
 toto; e le faaolaina ea tatou  
 e ia ai le toasa i se a?  
 10 Aua, ua faaleleia i tatou  
 ma le Atua, i le maliu o  
 lona Atalii, ina o fai o i  
 tatou ma ona fili,—ai sea e  
 le faaolaina ai i tatou i lona  
 soifua, o i tatou ua faale-  
 11 leia? E le gata foi i lea, a  
 ua tatou mitamita foi i le  
 Atua, ona o lo tatou Alii o



Iesu Keriso, o le na tatou maua mai ai le faaleleiga.

O lenei foi, faapei ona oo 12  
mai o le agasala i le lalolagi,  
i le tagata e tasi, o le oti foi  
ona o le agasala, ona oo mai  
ai lea o le oti i tagata uma  
lava, aua na agasala uma  
lava,—(Aua, sa i le lalolagi 13  
uma le agasala ua oo lava i  
le tulafono; a e le faatatau-  
ina le agasala pe a leai se  
tulafono; Peitai na malo le 14  
oti, talu ia Atamu e oo ia  
Mose, e ui lava ina lei faa-  
tusa i la Atamu a latou aga-  
sala; o le faaaoao foi ia o  
lena a malii mai;) A e le 15  
pei o le pa'ū le mea e foai-  
fuaina mai; aua na oti le  
toatele i le pa'ū o le toatasi,  
—e le faatele ea i le toatele  
le alofa tunoa o le Atua ma  
le mea e foaifuaina mai i le  
alofa tunoa, i la le tagata e  
toatasi, o Iesu Keriso? A 16  
e le pei o le toatasi na aga-  
sala le mea e foaifuaina  
mai; aua o i le pa'ū e tasi  
le faasala, e oo aile sala; a  
o i pa'ū e tele le mea e  
foaifuaina mai, e iu ai i le  
ta'uagatonuina. Aua na 17  
malo le oti i le pa'ū o le  
toatasi,—e le malo ea ma le  
ola e ua maua le fāula'i mai  
o le alofa tunoa atoa ma lo  
le foaifuaina mai o le aga-  
tonu, ona o le toatasi, o  
Iesu Keriso lea? Lenei 18  
lava, faapei ona oo le sala i  
tagata uma lava i le pa'ū e  
tasi, e faapea foi o le aga-  
tonu e tasi, e oo ai i tagata  
uma lava le ta'uagatonuina,

19 e ola ai. Auā foi, faapei  
ona avea ma agasala le toa-  
tele i le le faalogo o le  
tagata e tasi, e faapea foi  
ona avea ma agatonu le  
toatele i le faalogo o le toa-  
20 tasi. Na faaopoopoina foi le  
tulafono, e faatele ai le  
pa'ū; peitai ua atili ai ona  
fāulai o le alofa tunoa, ina  
21 o faateleina le agasala. O  
lea, pei ona malo le agasala  
e oo i le oti, faapea foi ona  
malo le alofa tunoa i le aga-  
tonu e oo i le ola le uma, i  
lo tatou Alii, o Iesu Ke-  
riso.

## O LE MATAUPU VI.

*Ua fai ma tagata o le agatonu  
le ua ta'uagatonuina i le faa-  
tuatua.*

1 **O** LENEI, se a ea sa  
tatou upu? Tatou te  
nonofo pea ea i le agasala,  
ina ia faatele ai le alofa  
2 tunoa? Aua nei faapea!  
O i tatou ua oti i le agasala,  
a faapefea ona tatou ola pea  
3 i ai? Tou te lei iloa ea, o  
i tatou nei uma ua papati-  
saina 'i le Mesia o Iesu, ua  
papatissaina i tatou 'i lona  
4 malii? O lenei ua tatanu  
faatasi i tatou ma ia, i le  
papatissoga 'i lona malii;  
ina ia tatou savavali i le ola  
toefuataina, pei ona faatuina  
mai le Mesia na i e ua oti,  
5 i le mana o le Tamā. Aua,  
ua faatasia i tatou ma ia i  
lona malii,—e le faatasia  
ma ia i lona toe tu mai i se

a? A ua tatou iloa, na faa- 6  
 satauroina faatasi ma ia lo  
 tatou tagata tuai, ina ia  
 faavaivaia le tino o le aga-  
 sala, ina ia le toe faatoila-  
 lona i tatou i le agasala :  
 Auā o lē ua oti ua tuusau- 7  
 noa ia na i le agasala :  
 Afai foi ua oti faatasi i 8  
 tatou ma le Mesia, o loo  
 taofi nei e i tatou, tatou te  
 ola faatasi foi ma ia. A 9  
 ua tatou iloa, ona ua tu  
 mai le Mesia na i e ua oti, e  
 lē toe maliu ia, e lē toe pule  
 le oti ia te ia : Auā foi, o 10  
 lona oti, ua tasi lona oti ona  
 o le agasala ; a o lona soi-  
 fua, e soifua lava ia i le  
 Atua. Ia faapea foi la 11  
 outou taofi, ua outou oti i le  
 agasala, a ua outou ola lava  
 i le Atua ona o le Mesia o  
 Iesu, (lo tatou Alii.)  
 O lea, aua nei malo le 12  
 agasala i o outou tino auga-  
 vale, i lo outou gauai i ai i  
 ona tu'inanau ; Aua foi nei 13  
 tuuina atu o outou tino i le  
 agasala, e fai ma auupega o  
 le amio le tonu ; a ia outou  
 tuuina atu outou i le Atua,  
 e tusa i e ua ola na i e ua  
 oti, ma o outou tino uma i  
 le Atua, e fai ma auupega  
 o le agatonu. Auā, e le 14  
 pule le agasala ia te outou,  
 aua ua outou le i ai i le  
 tulafono, a ua outou nonofo  
 i le alofa tunoa. Ia, pe  
 faapefea? Tatou te agasala 15  
 ea, ina ua tatou le i ai i le  
 tulafono, a ua tatou nonofo  
 i le alofa tunoa? Aua nei 16  
 faapea! Tou te lei iloa ea,

o lena tou te tuuina atu  
 outou i ai, e faalogo ai, o  
 ana auauna outou tou te  
 faalogo ia te ia, poo le aga-  
 sala e oo i le oti, poo le faalo-  
 go e oo i le ta'ugatonuina?  
 17 A ua faafetai i le Atua, e  
 ui lava ina sa fai outou ma  
 auauna a le agasala, a ua  
 outou gauai nei ma o outou  
 loto i le faaaoao o le ma-  
 taupu na tuuina mai ia te  
 18 outou. Ua outou tuusau-  
 noa foi na i le agasala, ma  
 ua fai ma auauna a le aga-  
 19 tonu ; (Ou te tautala faa-  
 tagataola, ona o le vaivai o  
 lo outou tino ;) aua, faapei  
 ona outou tuuina atu o  
 outou tino uma, e fai ma  
 mea a le amio leaga ma le  
 pagota, e pagota ai ; ia faa-  
 pea foi ona tuuina atu nei o  
 outou tino uma e fai ma mea  
 a le agatonu, e amio lelei  
 20 ai. Auā, ina o auauna  
 outou a le agasala, sa aunoa  
 21 outou i le agatonu. Ni a  
 ea ni fua na ia te outou  
 anamua i na mea ua outou  
 mamā ai i nei ona po?  
 Aua o le iuga o ia mea o  
 22 le oti ; A o lenei ina ua  
 tuusaunoa outou na i le aga-  
 sala, ma ua fai ma auauna a  
 le Atua, ua ia te outou ni a  
 outou fua e oo i le amio  
 lelei, o lona iuga foi o le ola  
 23 le uma. Auā o le oti o le  
 tofogi lea o le agasala ; a o  
 le ola le uma, o le mea foai-  
 fuaina mai lea e le Atua,  
 ona o le Mesia o Iesu, lo  
 tatou Alii.

## O·LE MATAUPU VII.

*O le fetauaiga o manao leaga  
ma manao lelei i le loto.*

**L**E au uso e, tou te lei 1  
iloea ea, (auā ou te fai  
atu i e ua iloea le tulafono,)  
e pule le tulafono i le tagata  
manū o ola ia. Aua o le 2  
fafine nofotane, ua noanoa  
ia e le tulafono i lana tane  
manū o ola ia; a e peafai  
ua oti le tane, ona talaina  
lea o ia ai le tulafono o le  
tane. O lea foi, afai e nofo 3  
tane ia i se tasi, a o ola  
lana tane, e ta'ua ia o le  
mulilua; peitai ane, afai ua  
oti le tane, ona aunoa lea o  
ia i le tulafono: o le mea  
lea e lē mulilua ai ia, pe a  
nofo i se tasi tane. E faa- 4  
pea foi, o'u uso e, ua faaotia  
outou i la le tulafono, i le  
tino o le Mesia; ina ia outou  
noufo i se tasi, i le na tu  
mai na i e ua oti, ina ia fua  
mai ia i tatou ni fua i le  
Atua. Auā, ua galulue 5  
manao leaga na iloea i le  
tulafono, i o tatou tino uma,  
ina o i la le tino i tatou, e  
fua mai ai ni fua i le oti;  
A o lenei ua talatalaina i 6  
tatou na i le tulafono sa  
taofia ai tatou, ina ua tatou  
oti i ai, ina ia fai i tatou ma  
auna a le Atua i la le  
agaga fou, a e le i la le tusi  
tuai.

Lenei foi, se a ea sa tatou 7  
upu? O le mea agasala ea  
le tulafono? Aua nei faa-  
pea! e moni lava, ana le se

anoa le tulafono, ua ou le  
iloea le agasala; aua, ana le  
fai mai le tulafono, Aua e  
te manumanu, ua ou le iloea  
8 le manumanu. A ua maua  
e le agasala se togafiti i le  
poloaiiga, ona faatupu ai lea  
ia te au i manao leaga uma  
lava, ona o le poloaiiga. A  
ua oti le agasala, ina le o i  
9 ai o le tulafono. Sa au ola  
foi anamua, ina le o ia te au  
o le tulafono; a ua oo mai  
le poloaiiga, ona toe ola mai  
ai lea o le agasala, ona ou  
10 oti lea. Ua iloea foi e au o  
le poloaiiga na saunia e ola  
ai, o lea lava ua oo i le oti:  
11 Aua na maua e le agasala  
le togafiti, ona faasese mai  
ai lea ia te au ona o le polo-  
aiga, o lea foi na fasioti ai  
12 ia ia te au. O lenei foi, e  
paia le tulafono, ma le polo-  
aiga e paia, e tonu ma lelei:  
13 Ua avea ea le mea lelei ma  
mea e oti ai au? Aua nei  
faapea! a o le agasala, ina  
ia aliali mai o le agasala lea,  
o le e faatupu mai le oti ia  
te au i le mea lelei, ina ia  
iloea, i la le tulafono, le aga-  
sala, e matuā agasala naua.  
14 Aua ua tatou iloea, o loo i  
la le Agaga le tulafono a o  
au ou te i la le tino, ua faa-  
tauina atu au e fai ma taga-  
15 ta o le agasala. Auā foi, e  
le tusa ia te au mea ou te  
faisooia; aua e le o le mea  
ou te loto i ai o lea ou te  
faia, a o le mea ou te 'ino-  
'ino i ai o lea ou te faia.  
16 Afai foi ou te fai le mea ou  
te le loto i ai, ma te au upu

faatasi ma le tulafono, e lelei lana. O lenei, e le o 17 au e toe fai ai i lea mea, a o le agasala o loo nofo i totonu ia te au, Aua ua ou 18 iloa e leai se mea lelei e nofo i totonu ia te au, i lo'u nei tino, aua ua i ai ia te au le loto atu, a o le fai i le mea lelei ou te lei iloa; Aua ou te le faia o le lelei 19 ou te loto i ai, a o le leaga ou te le loto i ai, o le mea lea ou te faia. Afai foi ou 20 te fai le mea ou te le loto i ai, ua le o au e faia, a o le agasala o loo nofo i totonu ia te au. O lenei, ua ou 21 iloa le tu e ia te au; pe a ou loto atu i le lelei e fai, ua i ai ia te au le leaga. Auā ou te faanaunau i le 22 tulafono a le Atua i la lo'u tagata i totonu. A ua ou 23 iloa le tasi tu i ou tino uma, o loo tau soo le taua i le tu a lo'u mafaufau, ma fai a'u ma tagata-o-taua i le tu a le agasala o loo i o'u tino uma. Aue o au, le tagata malaia! 24 o ai se e laveai ia te au ai le tino o lenei oti? Ou te 25 faafetai lava i le Atua, ia Iesu Keriso, lo tatou Alii. O le iuga foi lenei; o au nei lava ou te anaana i le tulafono a le Atua i lo'u mafaufau, a e i le tulafono a le agasala i lo'u tino.

## O LE MATAUPU VIII.

*O le manuia o le tagata ua ta'uagatonuina i le faatuatua.*

- 1 **O** LENEI, e moni, e leai se faasala i e o i le Mesia o Iesu, o e le savavali i la le tino, a e i la le Agaga:
- 2 Auā o le tulafono a le Agaga o le ola i le Mesia, o Iesu, ua tuusaunoa mai ia ia te au na i le tulafono a le
- 3 agasala ma le oti. Auā, o le mea e le mafaia i le tulafono, ina ua vaivai ia ona o le tino, *ua faia lea* e le Atua i lana auina mai o lona Atalii, ua tino tagata agasala, o le taulaga togisala foi,—
- 4 na ia faasalaina ai le agasala i le tino; Ina ia iu ai le agatonu i la le tulafono ia i tatou, o e le savavali i la le
- 5 tino, a e i la le Agaga. Aua o e i la le tino, e loto atu i latou i mea a le tino; a o e i la le Agaga i mea a le Agaga.
- 6 O lea foi, o le loto i la le tino o le oti lea; a o le loto i la le Agaga o le ola lea
- 7 ma le manuia: Aua, o le loto i la le tino o le ita lea i le Atua, aua e le usiuisitai i le tulafono a le Atua, a e
- 8 le mafai ai: O e foi o i la le tino, e le mafai ona fiafia
- 9 i ai le Atua. A o outou, tou te le i la le tino, a e i la le Agaga, afai e nofo le Agaga o le Atua i totonu ia te outou: ai se tagata foi e le maua o le Agaga o le Mesia, e le fai lea ma ona.
- 10 Afai foi o ia te outou le Mesia, ua oti ai le tino ona

o le agasala, a ua ola le agaga ona o le agatonu. Afai foi e nofo i totonu ia 11 te outou le Agaga o lē na faatu mai ia Iesu na i e ua oti, e faaola mai i o outou tino augavale e lē na faatu mai ia Iesu na i e ua oti, ona o lona Agaga o loo nofo i totonu ia te outou.

O lenei, e moni, le au 12 uso e, tatou te tagata faitau, a e le i le tino, tatou amio ai i la le tino: Auā, 13 pe afai tou te amio i la le tino e oti outou; a e pe afai e faaotia e outou amioga a le tino i le Agaga, tou te ola ai. Auā foi, atoa uma e ua 14 taitaiina e le Agaga o le Atua, o atalii i latou o le Atua. Auā, ua outou le 15 maua o le agaga o le toilalo, tou te toe fefefe ai, a ua maua o le agaga o tamafai, tou te valaau atu ai, Ava! le Tama e! O loo molimau 16 mai foi lea lava Agaga i o tatou agaga, o fanau o i tatou a le Atua. Afai foi 17 o fanau i tatou, ua tofia foi,—ua tofia lava e le Atua, ua tofia faatasi ma le Mesia: pe afai tatou te tiga faatasi ma ia, ina ia faamamaluina i tatou faatasi ma ia. Auā, 18 o lo'u nei manatu, e le faatusa le tiga i lenei tau ma le mamalu o le a faaaliga mai ia te i tatou. Aua o 19 loo faanaunau le lalolagi uma i le ma'au i le faaaliga mai o atalii o le Atua. Aua 20 na faatoilaloina le lalolagi i le malaia, (e lei fua ia te

ia, a e peitai ona o ia na na 21 faatoilaloina ai,) Ma le faamoemoe ia tuusaunua lea lava lalolagi uma na tofia e le iuvale, ma faaoo i le aunoa mamalu o fanau a le 22 Atua, Aua ua tatou iloa, ua oi faatasi ma oono faatasi le lalolagi uma lava, ua oo 23 mai lava i ona po nei. E le gata foi i lea, a o i tatou foi, ua i ai ni fua ua faapolo-poloina o le Agaga, tatou te feoi, o i tatou i totonu ia te i tatou, o loo faanaunau atu i le tamafai, o le faaolagalea o lo tatou tino. 24 Aua, e faaolaina i tatou i le faamoemoe; a o le faamoemoega ua vaaia, e le o le faamoemoega lea; aua, pe faapefea ona toe faamoemoe e se tasi i mea ua vaaia? 25 Peitai, a tatou faamoemoe i le mea ua le vaaia, tatou te faanaunau atu i ai ma le 26 onosai. E faapea foi le Agaga ona fesoasoani mai i o tatou vaivai; aua, tatou te le o iloa mea tatou te ole atu ai ma le tusa, peitai o lea lava Agaga, e fautua ia mo i tatou i le mapuitiga e 27 le mafai ona talatalaina. O le iloilo foi i le loto, ua silafia e ia le finagalo o le Agaga; aua o loo fautua ia mo le au paia ma le tusa i le 28 Atua. Ua tatou iloa foi e galulue faatasi mea uma e lelei ai i e ua loto atu i le Atua,—i e ua togia i lona lava finagalo. Aua, o e na filifilia e ia anamua, na ia tofia anamua foi i ai, ia faa-

tusaina i latou i lona Atalii,  
ia faapei o ia, ina ia avea o  
ia o le ulumatua o le au uso  
e toatele : O e na tofia ana- 30  
mua e ia, ua tofia foi i latou  
e ia ; o e ua tofia e ia, ua  
ta'uagatonuina foi i latou e  
ia ; o e ua ta'uagatonuina e  
ia, ua faamamaluina foi i  
latou e ia.

O lenei, se a sa tatou e fai 31  
i nei mea ? Afai ua ia te i  
tatou le Atua, o ai se e faa-  
tautala ia i tatou ? O ia 32  
lava sa na le faapelepele i  
lona lava Atalii, a ua tuu-  
fuaina mai o ia ma sui o i  
tatou uma lava,—e le foai  
fua mai ea e ia ia te i tatou  
mea uma lava faatasi ma ia  
i se a ? O ai se na te molia 33  
le au filifilia a le Atua ? O 34  
le Atua o lē ta'uagatonuina  
mai, o ai se na te faasalaina  
mai ? O le Mesia o ia na  
oti, ua toe tu mai foi o ia ;  
o loo i le aao taumatau foi  
ia o le Atua, o loo fautua foi  
ia mo i tatou. O ai se na 35  
te faateaeeseina mai i tatou i  
le alofa o le Mesia ? O le  
puapuaga ea, poo le atuatu-  
vale, poo le agatele mai, poo  
le oge, poo le telefua, poo le  
pagatia, poo le pelu ? Faa- 36  
pei o le na tusia, " Ona o  
oe ua faaotia i matou i itu-  
aso uma, ua faatatauina i  
matou ma mamoe o le a  
fasia." A e moni ua tatou 37  
manumalo a'ia'i i nei mea  
uma lava, ona o ia o loo  
alofa mai ia te i tatou. Aua 38  
ua ou mautinoa, e le mafaia  
e le oti, poo le ola, poo

agelu, poo ni faipule, poo  
ni malo, poo mea i nei ona  
39 po, poo mea a tali, Poo le  
maualuga, poo le loloto,  
poo se isi mea na faia,—  
*e le mafaia e ia mea ona*  
*faateaeeseina mai i tatou ma*  
*le alofa o le Atua, o loo i*  
*le Mesia, o Iesu, lo tatou*  
*Alii.*

## O LE MATAUPU IX.

*O le Alofa o le Atua ina*  
*ua filifilia ma faaalaina ni*  
*tagata ma ona.*

- 1 **O** LE upu moni ou te  
faia i luma o le Mesia,  
ou te le tala pepelo ; ua o  
faatasi foi ma a'u lo'u ma-  
natu ifo i luma o le Agaga
- 2 Paia : E tele lo'u faanoa-  
noa, e le aunoa foi le pua-
- 3 puaga o lo'u loto ; Aua,  
ou te mafaaanatemala au a i  
le Mesia, e sui ai o'u uso, o
- 4 lo'u aiga i la le tino : O  
tagata Isaraela i latou, ua i  
ai le tamafai, ma le mamalu,  
ma feagaiga, ma sauniga o  
le tulafono, ma le tapuaiga,
- 5 ma folafolaga ; O ia te i  
latou le mou mātua, mai ia  
te i latou foi le Mesia, i la  
le tino, o lē Pule-aoao ia, o  
le Atua faaamuia e faava-  
vau. Amene !
- 6 A e le peiseai ua le oo le  
afioga a le Atua ; aua o ta-  
gata mai ia Isaraela, e lē o  
Isaraela i latou uma lava ;
- 7 E le o fanau foi i latou  
uma, aua o le aiga o Ape-  
raamo, a e *faapea mai,*

“E togia lau fanau ia 8  
Isaako.” O lona uiga foi,  
o le fanau a le tino e le o le  
fanau a le Atua i latou; a e  
peitai o le fanau o i le folafolaga,  
e ta’ua i latou o le  
aiga. Auā, o lenei le upu 9  
o le folafolaga; “A oo i  
lenei tau, ou te sau, e maua  
foi e Sara sau tama tane.”  
E lei gata foi i lona, a ua 10  
to foi Repeka i le toatasi,  
o lo matou tamā o Isaako  
lea; A o lei fanau mai ana 11  
tama, a o lei fai foi e i laua  
se mea lelei, poo se mea  
leaga,—ina ia tumau le ma-  
natu anamua o le Atua i la  
le filifiliga, e lei fua mai i  
ni galuega, a e mai i le na  
na togia, Na fai atu ia te 12  
ia, “E toilalo le ulumatua  
i le uii.” Pei o lona na 13  
tusua; “Ua ou faapelepele  
ia Iakopo, a ua ou ‘ino’ino  
ia Esau.”

O lenei, se a ea sa tatou 14  
upu? O i le Atua ea le  
agaletonu? Aua nei faa-  
pea! Auā, na ia fetalai atu 15  
ia Mose; “Ou te alofa atu  
i lona ou te fiaalofa atu i ai,  
ou te faapelepele i lona ou  
te fiafaapelepele i ai.” O 16  
lenei, e moni, e le mai le ua  
manao, e le mai le ua tau-  
sinio, a e mai le Atua o le  
alofa mai. Aua ua faapea 17  
atu le tusi ia Farao; “O  
lenei lava le mea na au  
faatua ai ia te oe, ina ia  
faaalua lo’u mana ia te oe,  
ina ia logona lo’u igoa i le  
atulaulau uma lava. O le 18  
nei, e moni, e alofa ia i lona

na ia finagalo i ai; e faa-  
maaa foi i lona na ia fina-  
19 galo i ai. Ai, e te fai mai  
ia te au, Pe se a le mea e  
aoai pea mai ai ia? auā, o  
ai se na tetee atu i lona  
20 finagalo? Soia, oe na le  
tagata! o ai ea oe o lē finau  
atu i le Atua? E fai atu  
ea le mea na gaosia i le na  
gaosi i ai, se a ea ua e fai  
21 ai faapea au? E le faitalia  
ea le tufuga fai-ipu i le  
omea, i le paluga e tasi, e  
fai ai le tasi ipu ma le mea  
lelei, o le tasi foi ma le mea  
22 faatauva? A faapefea?  
ina ua onosai le Atua ma le  
faapalepale i ipu o le toasa  
ua faatatauina i le malaia,  
i lona finagalo e faaali mai  
ai i lona toasa, ma faailoa  
23 mai ai i lona mana; E faa-  
iloe mai ai foi o le faulai o  
lona lelei i ipu o le alofa na  
ia muai saunia, e oo i ai le  
24 viiga; O i tatou foi na  
togia e ia, e lei gata i Iu-  
taia, a e atoa foi ma atunuu  
25 uma. Pei o le na fai mai  
ia Hosea, “Ou te ta’ua e  
au lea nuu o lo’u nuu, sa le  
so’u nuu, ou te ta’ufaapele-  
peleina foi i lona sa le faa-  
26 pelepeleina; E iu ai foi, o  
i le mea sa fai atu ai ia te i  
latou, E le so’u nuu outou,  
e taua ia o fanau a le Atua  
27 soifua. O loo alaga foi  
Isaia i Isaraela; “E ui lava  
ina faapei o le oneone i le  
sami le toatele o le fanau a  
Isaraela, e faaolaina si ona  
28 toe; Auā foi o loo faauma  
ia i le mea ma faasaasaa ai

i le agatonu, e faasaasaa foi e Ieova ona fai o le mea i le fanua." Pei o la Isaia 29 na fai anamua; "Ana le faatoe e Ieova Sapaota se aiga mo i tatou, po ua avea i tatou e pei o Sotoma ma ua faatatauina foi ia Komora." O lenei, a faapefea 30 sa tatou upu? Ua maua foi le agatonu e atunuu na latou le sailiili i le agatonu, o le agatonu lava lea i le faatuatua. A o Isaraela na 31 sailiili i le tulafono o le agatonu, e lei oo ia i le tulafono o le agatonu. Ona 32 o le a ea? ona o lea,—e lei sailia i le faatuatua, a e peiseai i galuega o le tulafono: aua na latou suai i le maa e tausuai ai. Pei o le 33 na tusia; "Faauta ou te tuu i Siona le maa e suai ai; ma le papa e tautevateva ai; e lē mā foi se tasi e faatuatua i ai."

## O LE MATAUPU X.

*Ua faasalalauina i nuu uma togafiti a le ola ia Iesu.*

**L**E au uso e, o le alofa 1 lenei o lo'u nei loto, ma lo'u faatoga atu i le Atua mo Isaraela, ia faaolaina i latou. Ou te molimau atu 2 foi, o latou o loto malosi i la le Atua, a e fai ma le le iloa. Auā, ua le iloa e i 3 latou le agatonu o le Atua, ma ua sailia e faatu i lo latou lava agatonu; o lea ua latou le usiusitai ai i le

4 agatonu o le Atua. Aua o le iuga o le tulafono o Keriso lea, e oo ai le agatonu 5 taitasi i e ua faatuatua. Na tusia foi e Mose le agatonu o i le tulafono; "O lē faia 6 ia mea e ola ia i ai." A o le agatonu o i le faatuatua o loo faapea mai "Aua le faapea ifo i lou loto, O ai se alu ae i le lagi"? (o lona uiga, ina ia aami ia Keriso, 7 ia ifoifo); "Poo o ai se alu ifo i le loloto?" (o lona uiga ina ia aami ia Keriso ia alu 8 ae na i e ua oti); A e pe se a le e fai mai na? "Ua latalata ia te oe le upu, o i lou gutu foi ma lou loto." O le upu lea o le faatuatua o 9 matou o tala'i atu ai, O lea, afai e te ta'uta'u i lou gutu i le Alii o Iesu, ma talitonu i lou loto, ua faatua mai o ia e le Atua na i e ua oti, e faaolaina ai oe: 10 Auā o le loto e faatuatua ai, e oo i le agatonu; a o le gutu e ta'uta'u ai e oo i le 11 ola. Aua ua faapea a le tasi; "E le mā se tasi e 12 faatuatua ia te ia." Aua e le o eseese le Iutaia ma le Eleni; aua o le Alii tasi o tagata uma e faulai ana ia te i latou uma lava o e va- 13 laau atu ia te ia: Auā foi, e faaolaina taitasi "o e va- laau i le suafa o Ieova." 14 O lenei, pe faapefea ona latou valaau atu i lena ua latou le faatuatua i ai? pe faapefea foi ona latou faatuatua i lena ua latou le logona i ai? pe faapefea foi



ona latou logona, a o leai se  
 tala'i atu i ai? Pe faape- 15  
 fea foi ona latou tala'i atu  
 i ai, pe afai ua le aauina  
 atu? Pei o le na tusia;  
 "E matagofie naua o latou  
 vae o e au mai le tala lelei  
 i le manuia, o e au mai le  
 tala i mea lelei." A e lei 16  
 talia e i latou uma lava le  
 tala lelei; aua, o loo faapea  
 a Isaia; "Ieova e, o ai  
 ea na talitonu i lo matou  
 ganagana"? O lenei e tupu 17  
 le faatuatua i le ganagana  
 mai, o le ganagana foi o i  
 le afioga a le Atua lea. A 18  
 ou te fai atu, na latou le  
 faalogo ea? A e moni,  
 "Ua oo lo latou leo i le  
 mou atunuu uma lava, a  
 latou upu foi i tuluiga o nuu  
 atoa uma." A ou te fai atu, 19  
 e lei iloa ea e Isaraela? E  
 muamua Mose, o loo fai  
 mai; "Ou te faatupu le  
 mataua ia te outou i lea ua  
 le se nuu, ma lo outou ita i  
 le nuu valea." A ua faa- 20  
 malosi lava Isaia, o loo faa-  
 pea; "Ua iloa lava au i e  
 le saili mai ia te au, ua  
 faaalua au i e na le suesue  
 mai ia te au." O loo faa- 21  
 pea mai foi ia ia Isaraela;  
 "Na au faaloaloa atu o'u  
 lima i ituaso uma i le  
 nuu faalogogata ma le finau  
 mai."

## O LE MATAUPU XI.

*Ua faamofa i tua o Isaraela,  
 aua latou te faamaualuga.*

- 1 **O** LENEI, ou te fai atu,  
 ua lafoaiina ea e le  
 Atua lona lava nuu? Aua  
 nei faapea! aua foi, o le  
 Isaraela o au nei, o le aiga  
 o Aperamo, o le ituiga o
- 2 Peniamina. E lei lafoaiina  
 e le Atua lona nuu, na ia  
 filifilia anamua. E lei iloa  
 ea e outou le upu o loo i  
 le tusi ia Elia, i lona mo-  
 moli atu o Isaraela i le Atua,
- 3 o loo faapea atu? "Ieova  
 e, ua fasiotia e i latou ou  
 perofeta, ua sofaia ou fata  
 faitaulaga; na o au lava ua  
 toe, o loo latou lamalama nei
- 4 foi ia te au, e fasiotia." A  
 ua faapefea ea le tali mai a le  
 Atua ia te ia? "Na ou faatoe  
 mo o'u toafitu gaafe o tagata,  
 o e ua le tootuli ia Paala."
- 5 O lenei, e faapea foi i nei  
 ona po, e i ai ona toe i la le  
 filifiliga o le alofa tunoa.
- 6 Afai foi i le alofa tunoa ua  
 le i ni galuega, ana faapea,  
 po ua le toe ta'u-alofatuno-  
 aina le alofa tunoa; afai foi  
 i ni galuega ua le i le alofa  
 tunoa, ana faapea, po ua le  
 toe ta'u-galuegaina le ga-
- 7 luega. Aisea? E le maua e  
 Isaraela le mea na ia sailia;  
 a ua maua e le au filifilia, ma  
 ua faatauasoina isi. Pe o le
- 8 na tusia; "Na tuu atu e le  
 Atua ia te i latou le loto  
 moegase, o mata latou te le  
 vaai ai, ma taliga latou te  
 le faalogo ai, ua oo i ona po

nei." Ua fai ane foi a Ta- 9  
vita; "Ia liua lo latou lau-  
lau ma maillei, ma selē, ma  
mea e tausuai ai, ma tau  
foi ia te i latou; Ia faa- 10  
tauasoina o latou mata ina  
nei latou vaai, ia mafatia o  
latou tua, e le aunoa."

Lenei foi, ou te fai atu, 11  
ua tausuai ea i latou ina ia  
latou pauu? Aua nei faa-  
pea! a o lo latou pa'ū, ua  
oo ai le ola i atunuu, e faa-  
tupu ai lo latou losilosi.  
Afai foi lo latou pa'ū o le 12  
tamaoiga lea o le lalolagi  
uma, ma lo latou malaia o  
le tamaoiga lea o atunuu,  
—e le o faapeaina ea i lo  
latou manuia i se a? Aua, 13  
ou te fai atu ia te outou o  
atunuu, ina o au o le apose-  
tolo o atunuu, ou te vivii  
foi i lo'u faiva; Pe mafai 14  
ia te au ona faatupuina le  
losilosi o lo'u aiga, ma faaola  
i nisi o i latou. Auā foi, 15  
afai ua maua le faaleleiga e  
le lalolagi uma, ina ua  
lafoaiina i latou, pe faapefea  
lo latou aamiga? E le o le  
ola ea lea na i e ua oti?  
Afai foi e paia mea faa- 16  
polopoloina, ua paia foi le  
paluga uma; a paia le  
pogai, ua paia atoa foi ma  
ona maga. Afai foi na gaii 17  
ese nisi ona maga, o oe foi  
o le magaolive vao, ua e  
faapipiina ia faatasi, ma ua  
tofu i le pogai ma le sua o  
le olive; Aua e te faasiasia 18  
i ona maga: afai foi e te  
faasiasia, faauta ua le ola  
le pogai ia te oe, a ua e ola

19 i le pogai. Ai, e te faapea  
mai, ua gauieseina ona maga,  
ina ia faapipiina i ai o a'u.  
20 E moni a oe, na gauieseina  
i latou ona o le le faatuatua,  
a o loo tumau oe ona o le  
faatuatua: aua e te faa-  
21 maualuga, a ia e fefe. Auā,  
afai ua le faapelepeleina e  
le Atua le vao magalaau  
moni, ia oe, ne'i le faa-  
22 pelepeleina oe. Faauta foi  
i le agamalu ma le toasa  
o le Atua; i e na pauu le  
toasa; a e ia te oe le aga-  
malu, pe afai e te tumau  
pea i lona agamalu; a le  
23 faapea e gauieseina oe. O  
i latou foi, pe afai e le tumau  
pea i le le-faalogo, e toe  
faapipiina i latou; aua e  
mafaia e le Atua ona toe  
24 faapipii ia te i latou. Afai  
foi ua salaeseina na i le olive  
vao, o lou tupuga moni, ma  
ua faapipiina oe i le olive  
lelei, e le o lou tupuga,—e  
le toe faapipiina ea magā-  
laau moni i la latou lava  
25 olive i se a? Auā, le au  
uso e, ou te loto ina ia outou  
iloa lenei mea lilo, ina nei  
tou faafiapopoto; ua faatau-  
asoina ni nai Isaraela, seia  
oo i ona faaopoopoina o  
26 atunuu; Ona faaolaina lea  
o Isaraela atoa uma pei o le  
na tusia; "E malii mai  
mai Siona le Faaolataga, e  
faateaeae ia i le aga faale-  
27 matau ia Iakopo; O la'u  
foi lenei sauniga ia te i  
latou, pe a aveeseina e au a  
28 latou sala." O fili i latou  
i la le tala lelei, ona o

outou; a o le au faapele-  
peleina i latou i la le filifi-  
liga, ona o le mou mātua.  
Aua e le salamo lava le 29  
Atua i ana mea e foaifuaia  
mai, ma lona tofiga. Auā, 30  
faapei o outou, sa outou le  
faalogo anamua i le Atua,  
a o lenei ua alofaina outou  
i lo latou le faalogo; E 31  
faapea foi ua latou le faa-  
logo i nei ona po, ina ia  
alofaina i latou foi i lo outou  
lava alofa. Auā na tuuina 32  
atu e le Atua i latou uma  
lava i le le-faalogo, ina ia  
alofaina e ia tagata uma lava.  
Faauta i le loloto o le 33  
tamaoaiga o le potō atoa  
ma le silafaga o le Atua!  
E sutesuegata naua ana sau-  
niga! e le mailoa ona sava-  
liga. Auā, o ai ea se ua 34  
ilōa le finagalo o Ieova?  
O ai ea se ua pulega faatasi  
ma ia? O ai se na muai 35  
avatua ni mea ia te ia, e  
tauia mai ai e ia ia te ia?  
Ona ua fua mai ia te ia, 36  
ma ua fai e ia, ma e iu atu  
ia te ia mea uma; ia ia te  
ia le viiga e faavavau lava.  
Amene.

## O LE MATAUPU XII.

*O le aiōi atu a Paulo i le eka-  
lesia ia agalelei ia.*

**O** LENEI, le au uso e, 1  
ou te aiōi atu ia te  
outou, ona o le alofa aiāi o  
le Atua, ia outou momoli  
atu i o outou tino i le Atua,  
o le taulaga ola ma le paia,

ma le mālie, o la outou  
2 tapuaiga tatau lea. Aua  
tou te agafaatasi ma nei  
tupulaga, a e peitai ia liliu  
i le toefuataiga o lo outou  
loto, ina ia outou iloilo pe  
se a le finagalo o le Atua, o  
lona lelei, ma lona mālie,  
3 ma lona atoatoa. Auā, ou  
te fai atu taitasi ia te outou  
uma, ona o le alofa tunoa  
ua tuuina mai ia te au; aua  
le faafiasili se tasi i lona  
manao ese, a e ia māmā, ia  
tusa ma le tofiga o le faa-  
tuatua, ua faatofutofusia e  
le Atua, taitasi ma lona tofi.  
4 Aua faapei o itu tino e tele  
i le tino e tasi, a e le tasi so  
5 latou faiva uma; E faapea  
foi o i tatou nei, le toatele,  
ua tino e tasi i le Mesia,  
ma ua fefeagaiaitu itu tino  
6 uma. O loo eseese foi a  
tatou mea e tufaina mai i le  
alofa tunoa ua foai mai ia te  
i tatou;—afai o le perofeta,  
ia faatatauina ma le tofi o  
7 le faatuatua; Poo o le  
tiakono, ia toaga i le tia-  
kono; poo o le aoao, i le  
8 aoao; Poo o le apoapoai,  
i le apoapoai; o le tufatufa  
olōa ia fai ma le matamau;  
o le taitai, ia fai ma le  
filigā; o le fai mea alofa;  
ia fai ma le loto malie.  
9 Aua nei faataga alofa;  
ia 'ino'ino i le leaga, ia  
10 pipii i le lelei. Ia fefaape-  
lepeleai i le fealofani o le  
au uso, ia tausolomua i le  
11 fefaaleleiai. Aua le faavai-  
vai i le feau, ia faamalosi i  
le agaga, ia auauna i le Alii.

Ia olioli i le faamoemoe, ia 12  
 onosai i le puapuaga, ia fi-  
 nafinau i le tatalo. Ia av- 13  
 atu ni a outou mea i le  
 mativa o le au paia, ia  
 faamasani i le alofa i malo.  
 Ia faalelei atu i e agaleaga 14  
 mai ia te outou, ia faalelei  
 lava, aua le fetuu. Ia ou- 15  
 tou olioli ma e ua olioli, ia  
 outou tagi ma e ua fetagisi.  
 Ia gatasitasi o outou ma- 16  
 nao; aua le faafiamauluga,  
 a ia fetaitai ma e ua maula-  
 lo; aua le faafiapoto. Aua 17  
 le tau i atu i se tasi le leaga  
 i le leaga, ia sauniuni i mea  
 e tusa i luma o tagata uma  
 lava. Afai e mafaia ia te 18  
 outou, ia outou nonofo fifi-  
 lemu ma tagata uma lava.  
 Le au pele e, aua le tau i 19  
 atu ma sui, a ia outou tuu  
 ese ma le toasa, auā o le na  
 tusia; "O loo faapea a Ie-  
 ova, o ia te au le tau i ma  
 sui, ou te tau i atu." O 20  
 lenei, a matelaina lē ua ita  
 mai ia te oe, fafaga ia te ia;  
 a fiainu ia, faainu ia te ia:  
 aua o le amio faapea e faa-  
 pue ai ia te oe le malala  
 aasa o le afi i luga i lona  
 ulu. Aua le faatoilaloina 21  
 outou i le leaga, a ia faa-  
 toilaloina le leaga i le lelei.

### O LE MATAUPU XIII.

*O le amio e tatau ai i alii ma  
 tagata uma lava.*

**I**A usiusitai taitasi tagata 1  
 uma i le au faipule sili-  
 sili; aua e leai se pule pe a

le mai le Atua; o pule  
 uma lava o loo fai nei, ua  
 2 faatuina ia e le Atua. O  
 lenei, o lē na te foua le  
 pule ua foua e ia le sauniga  
 a le Atua, o e fouina foi e  
 3 sala lava i latou. Auā o le  
 au faipule, e le se faamatau  
 i latou i e amio lelei, tau  
 lava i e amio leaga. O lou  
 manao ea, ia e le fefe i le  
 pule? ia e fai amio lelei,  
 ona ta'uleleia mai lea o oe  
 4 e ia. Aua o le auuuna ia a  
 le Atua ia te oe, ia lelei ai;  
 a e pe afai e te fai amio lea-  
 ga, ia e fefe ai, auā e le fai  
 fua ia i lana pelu: o le au-  
 auna foi ia a le Atua, o lē  
 na te tau i atu ma sui i le  
 fai amio leaga le tau i le  
 5 toasa. O lenei, e tatau ona  
 usiusitai, e le gata ona o le  
 toasa, a e peitai ona o le  
 6 manatu ifo. O le mea lea  
 tou te avatu ai taulaga, aua  
 o auuuna i latou a le Atua,  
 o loo faatoatoa i lenei lava  
 7 mea. Lenei foi, ia avatu a  
 latou mea i tagata uma  
 lava; o le taulaga i e e ta-  
 tau i ai le taulaga; o le  
 telo i e e tatau i ai le telo,  
 o le mata'u i e e tatau i ai  
 le mata'u; o le faaneenee i  
 e e tatau i ai le faaneenee.  
 8 Aua nei ia te outou se mea  
 e tasi a le tasi tagata; a ia  
 faalofani; auā, ai se e alofa  
 atu i le isi tagata, ua una  
 ona faia e ia o le tulafono.  
 9 Auā o upu ia, "Aua le  
 mulilua, aua le fasioti i ta-  
 gata, aua le gaosi, aua le  
 upu ese, aua le manuma-

nu,"—afai foi ua toe se isi poloaiga,—o loo ua ufitia lava i lenei upu, "Ia e alofa atu i lē ua lata mai pei o lou lava alofa ia te oe." E le agaleaga atu le 10 alofa i le ua lata mai; o lea foi, o le alofa o le atoatoa lea o le tulafono.

Ia faapea lava foi ina ua 11 tatou iloa le tau, ua oo i le ituaso e ala ai na momoe; ana ua latalata nei lo tatou ola, sa mamao ina o tatou uluai faatuatua. Ua leva 12 le po, ua lata mai le ao; o lea ia tatou tea ese ai i galuega o le pogisa, ia tatou oofu i le auupega o le malamalama. Ia tatou savavali 13 ma le teuteu lelei e tusa i le ao; aua le poula ma le onā, aua le faitaaga ma le mataitu, aua le femisai ma le mataua. A ia outou 14 oofu i la le Alii o Iesu Keriso; aua le sauniuni i la le tino, e oo ai lona tui-nanau.

#### O LE MATAUPU XIV.

*Pe faapefea e tatau ai i e matamatu eseese i mea ua faasaina.*

**I**A outou talia i lē ua vai- 1 vai i le faatuatua, a e le ina ia faamasinoina o masalosologa. O le manatu o le 2 tasi, e tatau ona 'aina e ia mea uma lava; a e 'aina e lē ua vaivai na o mea a lotoā, Aua nei 'ino'ino lē 3 'ai i le le 'ai; aua ua talia o

4 ia e le Atua. O ai ea oe lē faasala atu i le auauna a le isi tagata? E tumau ia pe pa'ū i lona lava alii; a e faatumauiina lava ia, aua e mafaia e le Atua ona faatu- 5 mau ia te ia. O le manatu o le isi, e sili le tasi aso i le tasi; a o le manatu o le isi, ua tusa aso uma lava. Ia taitoatasi ma mausali lona 6 lava manatu. O lē toaga i le aso, e toaga lava ia i ai ona o le Alii; o le le toaga i le aso, e le toaga i ai ia ona o le Alii; o lē 'ai, e 'ai ia ona o le Alii, ma le faafetai i le Atua; o le le 'ai foi, e le 'ai ia ona o le Alii, ma le faafetai i le 7 Atua. Aua e leai so tatou e ola ona o ia lava, e le oti foi se tasi ona o ia lava; 8 A e pe afai tatou te ola, tatou te ola ona o le Alii, pe afai e oti, e oti ona o le Alii: o lenei, pe tatou ola pe oti, o tagata lava o le 9 Alii i tatou. Auā foi, o le mea lava lea na maliu ai Keriso, ma ua toe tu mai ai, ma ua soifua ai, ina ia faia o ia ma Alii i e ua oti atoa ma e o ola.

10 Oe na, se a e te faasala ai i lou uso? oe na foi, pe se a le mea e te 'ino'ino ai i lou uso? aua, tatou te laulautu uma lava i luma o le nofoa faamasino o le Mesia. 11 Aua ua tusia; "O loo fetalai Ieova, ou te ola au, e tootuli taitasi mai ia te au tagata uma lava, e ta'uta'u taitasi mai foi tagata uma

lava i le Atua. O lenei e 12  
 moni, e taitasi i tatou ma  
 tala i le tala i ana amio i le  
 Atua. O lenei foi, aua nei 13  
 tatou toe fefaasalaai, a e ia  
 manatu i lenei lava mea, aua  
 nei tuu ane e se tasi se mea  
 e tausuai ai, poo se mea e  
 tevateva ai lona uso. Ua 14  
 ou iloa ma ua ou mautinoa,  
 i le Alii o Iesu, e leai se  
 mea e le mama ona o ia  
 lava, peitai o se manatua ua  
 le mama le mea, ona le mama  
 ai lea ia te ia. Afai foi e 15  
 tiga lou uso i au mea e ai,  
 ua e le toe amio alofa: aua  
 le faafano i lē na maliu ai  
 Keriso mo ia, ona o au mea  
 e ai. O lenei, aua nei upu- 16  
 esea lo outou lelei. Auā, e 17  
 le o mea e 'ai ma mea e inu  
 le malo o le Atua; a o le  
 agatonu ma le filemu, ma  
 le olioli i le Agaga Paia.  
 Auā o lē auauna atu i le 18  
 Mesia i nei mea, ua fiafia i  
 ai le Atua, ua ta'uleleia foi  
 ia e tagata. Lenei ia tatou 19  
 faamasani i a le filemu ma  
 mea e fefaamafanafanaai.  
 Aua le saena le galuega a 20  
 le Atua, ona o le mea e 'ai:  
 aua e mama mea e ai uma,  
 a e leaga le mea i le tagata  
 o le 'ai ma le tausuai. E 21  
 lelei pe a le 'ai ni aano, ma  
 ia le inu uaina, po o se tasi  
 mea e tausuai ai lou uso, ma  
 tevateva ai ma vaivai ai.  
 Ua ia te oe ea le faatuatua? 22  
 ia ia te oe lava ia i luma o  
 le Atua: amuia ia na te le  
 faasalaina ia te ia i le mea  
 ua manatu e ia, e tatau!

23 A o lē masalosalo, ua faasa-  
 laina ia pe afai e 'ai, aua e le  
 o lana taofi lea; o mea uma  
 lava foi e le ala mai i le  
 taofi o le agasala ia.

## O LE MATAUPU XV.

*E i ai le tala i le galuega a  
 Paulo.*

1 **E** TATAU foi ia i tatou  
 o e malolosi ona feso-  
 asoani i le vaivai o e ua  
 vaivai; aua nei faafiafia i o  
 2 tatou loto. Ia taitasi ma  
 faafiafia i lē ua lata mai, i  
 le lelei, e faamafanafana ai.  
 3 Auā foi, o le Mesia, e lei  
 faafiafia ia i lona lava fina-  
 galo; a e pei o le na tusia,  
 "Ua pa'ū mai ia te au upu  
 faifai a latou e na faifai atu  
 4 ia te oe." O mea uma foi  
 na tusia anamua, na tusia ia  
 e aoao mai ai ia te i tatou,  
 ina ia tatou maua le faamoe-  
 moe i le onosai, ma le faa-  
 mafanafanaga i tusi paia.  
 5 Ia foai atu foi ia te outou e  
 le Atua o le onosai ma le  
 faamafanafana, ina ia ga-  
 tasitasi o outou loto i la le  
 6 Mesia o Iesu; Ina ia vivii  
 outou i le Atua, le Tama o  
 lo tatou Alii o Iesu Keriso,  
 ma le loto e tasi, ma le gutu  
 7 e tasi. O lea foi, ia fetalai  
 outou, faapei o le Mesia ona  
 tali mai ia te i tatou, e oo i  
 le viiga o le Atua.  
 8 Ou te fai atu foi, ua avea  
 o Iesu Keriso ma auauna o  
 le peritome, ona o le mea  
 moni a le Atua, ina ia faa-

maoni mai ai folafolaga i le mou matua ; Ina ia vivii 9  
 foi atunuu i le Atua, ona o le alofa, pei o le na tusia ;  
 “ O le mea lea ou te ta’uta’u atu ai ia te oe i atunuu, ou te pese atu ai i lou suafa.”  
 Ua na toe faapea foi ; “ Ia 10  
 olioli outou atunuu faatasi ma lona nuu.” I le ma lea ; 11  
 “ Ia pepese atu ia Ieova outou atunuu uma, ia faafetai atu ia te ia outou nuu uma lava.” Ua toe faapea 12  
 mai foi Isaia ; “ E i ai le pogai o Iese ; o le a tulai foi e pule i atunuu, e faanaunau ia te ia atunuu.”  
 O le Atua foi o le faamoe- 13  
 moe, ia faatutumuina outou e ia i le olioli uma ma le filemu, ona o le faatuatua ;  
 ina ia faulai ia te outou le faamoemoe i le mana o le Agaga Paia.

O’u uso e, ua ou mauti- 14  
 noa, o au nei lava, o outou, ua tutumu outou i le amio lelei, ua tutumu foi i le poto uma lava, ua outou mafaia lava ona feaoaiai. E tasi 15  
 lea mea ua tele ai lo’u faamalosi i la’u nei tusi ia te outou, i lo’u faamafanafana atu ia te outou na ; ona o le alofa tunoa ua foai mai ia te au e le Atua. Ina ia 16  
 ave’a au ma anauna a Iesu Keriso i atunuu ou te faia le faiva o ositaulaga i le tala lelei a le Atua ; ina ia talileleia le taulaga o atunuu, ina ua faapaiaina e le Agaga Paia. O lea ua ia te au 17  
 ni mea e mitamita ai i le

Mesia o Iesu, i a le Atua.  
 18 Aua ou te le faamalosi ona ta’u atu i mea e lei galue ai Iesu ia te au, e faatupu ai le gauai o atunuu uma, i le  
 19 upu ma le amio, I le mana o faailoga ma vavega, i le mana o le Agaga o le Atua : o lea, e fua mai i Ierusalem, ma faataamilomilo e oo ia Iluriko, ua uma ona au folafola i le tala lelei i a.  
 20 le Mesia. E faapea ona ou lotomalosi ina tala’i i le evangelia i mea sa le taua ai le suafa o le Mesia ; ina nei ou ati ae i luga o se faavae  
 21 o se tasi tagata. Peitai pei o lea na tusia ; “ E vaavaai i latou e lei talaiina mai i ai, e iloa e i latou o e na le faalogo ai.”  
 22 O lea foi e tele mea sa le mafai ai ia te au ona alu  
 23 atu ia te outou. A o lenei, ina ua leai se toe mea ia te au i lalolagi nei, ma ua tele o’u tausaga sa au matua fia  
 24 alu ai ia te outou ; Pe a au alu malaga i Sepania, ou te alu atu ia te outou ; aua ou te fia asiasi atu ia te outou i la’u malaga, ma e taitaiina foi au e outou, seia ou muai malie i lo tatou fei-  
 25 loai ma outou. O le a au alu malaga i Ierusalem, ou te auauna atu ai i le au paia :  
 26 Aua ua lelei i Maketonia ma Akaia ona sauni i se alofa faitele i e matitiva o le au paia o i Ierusalem,  
 27 E lelei foi ia te i latou ; a e moni sa ia te i latou a latou mea, aua na molia i atunuu e

i latou a latou mea i la le Agaga ; e tatau ina latou fai se taulaga ia te i latou i la le tino. O lenei, pe a au faauma 28 i lenei mea ma faaoo i lenei fua ia te i latou, i le ou alu atu i Sepania ma ou ui ai ia te outou. Ua ou iloa foi, pe 29 a ou alu atu ia te outou, ou te alu atu i le faulai o le manuia o le tala lelei a le Mesia. Le 30 au uso e, ou te aoi atu ia te outou, ona o lo tatou Alii, o Iesu Keriso, ma le alofa o le Agaga ; ia outou matua faamalolosi i talosaga i le Atua mo au ; Ina ia lave- 31 aiina au i le au le faalogo o i Iutaia, ia talileleia foi la'u auauna atu e le au paia i Ierusalem ; Ina ia ou 32 alu atu ma le olioli ia te outou, i le finagalo o le Atua, ina ia tatou fefaamafanafanaai ma outou. Ia ia te 33 outou uma lava le Atua o le manuia ! Amene.

## O LE MATAUPU XVI.

*O le moliga a le alofa ;—o le vūga i le Atua.*

**O**U te faailoa atu ia te 1 outou lo tatou tuafafine o Fipe, o le tiakono lea o le ekalesia o i Kenikerea ; Ina ia talia o ia e outou i le 2 Alii, faapei ona tatau i le au paia, ia outou fesoasoani i ai, ai se mea e manao i ai ia ; aua o ia o le fesoasoani i le toatele, atoa ma a'u nei. Si ou alofa atu ia 3 Pisila, o i laua ma Akula,

na matou galulue faatasi 4 i la le Mesia o Iesu. O tagata ia na la tuu atu o la ulu e sui ai au, ia au ola ; e le na o au, e faafetai ia te i laua, a e atoa ma ekalesia 5 uma i atunuu. Ma ou alofa atu foi i le ekalesia o i lo laua fale. Si ou alofa ia Epaineto, o le pele a a'u, o le faapolopolo i le Mesia ia 6 o Akaia. Si ou alofa ia Maria o le na galue tele 7 mo i matou. Si ou alofa ia Aneroniko ma Iunia, o o'u aiga, sa a'u faatasi ma i laua i le fale puipui ; na logoleleia i laua e le au aposetolo, sa la muamua i 8 le Mesia ia te au. Si ou alofa ia Amepelia, o le 9 pele a au i le Alii. Si ou alofa ia Upano, o lo matou fesoasoani ia i le Mesia, ma 10 Sataku o le pele a au. Si ou alofa ia Apele, ua tauleleia ia i la le Mesia. Si ou 11 alofa i sa Arisopulo. Si ou alofa ia Herotiona, ma te aiga. Si ou alofa i nisi o le aiga o Nakiso, o loo i le 12 Alii. Si ou alofa ia Tufaina ma Tufosa, o fafine na galulue i la le Alii. Si ou alofa ia Pesiti, o le pele, o le na galue tele i la le Alii. 13 Si ou alofa ia Rufo na filifilia e le Alii, ma lona tina, 14 o lo'u tina foi lea. Si ou alofa ia Asugerito, ma Fegona, ma Herema, ma Pateropa, ma Heremea, ma le 15 au uso o ia te i latou. Si ou alofa ia Filoloko ma Iulia, o Nerea foi ma lona



tuafafine, ma Olumepa, ma le au paia atoa uma o ia te i latou.

Ia outou fealofani i le 16  
feasogi paia, O loo alolofa  
atu ia te outou ekalesia o le  
Mesia. Ou te aiai atu foi 17  
ia te outou, le au uso e, ia  
outou lamalama i e faatu-  
tupu le fevaevaeaiga, ma  
mea e tausuai ai ; o mea ia  
e le tusa ma le mataupu ua  
aoaoina ai outou ; ia outou  
liliueseina na ia te i latou.  
Aua o tagata faapea, e le 18  
aauauna i latou ia Iesu  
Keriso, lo tatou Alii, a e  
peitai i o latou lava ma-  
nava, ma faasese i loto o  
tagata amio tonu, i a latou  
faaneene ma alofa faaviivii.  
Auā ua logo atu lo outou 19  
faalogo i tagata uma lava ;  
o lea ou te olioli ai ona o  
outou. Ou te manao foi ia  
popoto outou i mea lelei, a  
ia valea i le leaga. E le 20  
pine foi ona solia o Satani  
i lalo i o outou vae e le  
Atua o le manuia. Ia ia te  
outou le alofa tunoa o lo  
tatou Alii o Iesu Keriso.

21 O loo alolofa atu ia te outou  
o Timoteo, o loo ma o toa-  
lua i le galuega, ma Lukio,  
ma Iasona, ma Sosipatero, o  
o'u aiga i latou.

22 O au nei, o Tesio, o le na  
tusi i lenei tusi ; si ou alofa

23 ia te outou i la le Alii. O  
loo alofa atu ia te outou o  
Kaio, o le tausi ia te au  
atoa ma le ekalesia uma.  
O loo alolofa atu ia te outou  
o Eraseto o le tulafale sili o  
le aai, atoa ma lo tatou uso  
24 o Kuato. Ia ia te outou  
uma lava le alofa tunoa o  
lo tatou Alii o Iesu Keriso.  
Amene.

25 Ia viia lē na te mafaia  
ona faatumau ia te outou i la  
la'u tala lelei, ma le talaiga  
ia Iesu Keriso, e tusa ma le  
faaaliga o le mea lilo sa  
natia i tausaga o le vavau ;

26 A ua faailoa mai nei i atu-  
nuu uma i tusi a le au pero-  
feta,—o le poloaiga lea o le  
Atua soifua pea lava,—e oo  
ai le faalogo o le faatuatua :

27 O le Atua poto ia e toatasi,  
ia ia te ia le viiga faavavau  
ia Iesu Keriso. Amene.

## O LE TUSI MUAMUA

### A PAULO LE APOSETOLO I KORINTO.

#### O LE MATAUPU I.

*O le alofa atu o Paulo, ma  
lana aoi i le ekalesia i Ko-  
rinito.*

**O** AU o Paulo na tofia 1  
i le finagalo o le Atua  
e fai ma aposetolo a Iesu  
Keriso, ma Sosene le uso ;—  
*O la ma tusi lenei* i le eka- 2  
lesia o le Atua o loo i Ko-  
rinito, i e ua faapaiaina i le  
Mesia o Iesu, ua tofia e fai  
ma tagata paia, atoa uma ma  
e valaau atu i le suafa o lo  
tatou Alii o Iesu Keriso i  
mea uma, o lo tatou *Alii*  
atoa ma lo latou. Ia ia te 3  
outou le alofa tunoa ma le  
manuia mai le Atua lo ta-  
tou Tama, ma le Alii o  
Iesu Keriso.

Ou te faafetai atu i lo'u 4  
Atua, e lē aunoa, ona o ou-  
tou, aua o le alofa tunoa o  
le Atua, ua foaiina mai ia  
te outou ona o le Mesia o  
Iesu ; Ina ua faatamao- 5  
aigaina outou ia te ia i mea  
uma,—i le upu uma lava ma  
le potō uma ; Faapei ona 6  
faamaonia le molimau i a

7 le Mesia ia te outou. O  
lea ua outou le matitiva ai  
i se mea alofa e tasi ; o loo  
faatatalitali outou i le faaaliga  
o lo tatou Alii o Iesu Keriso ;  
8 O lē na te faamaonia foi  
outou seia oo atu i le iuga,  
ina ia leai sa outou sala i le  
aso o lo tatou Alii o Iesu  
9 Keriso. E faamaoni le Atua  
na tofia outou e ia i le ma-  
futa faatasi ma lona Atalii  
o Iesu Keriso lo tatou Alii.  
10 Le au uso e, ou te aioi  
atu ia te outou i le suafa o lo  
tatou Alii o Iesu Keriso,  
ina ia tasi la outou upu uma  
lava, ina nei i ai ni ma-  
seseiga ia te outou ; a ia ma-  
opoopo lava i le loto e tasi  
11 ma le manatu e tasi. Aua  
ua molia mai outou, ou uso  
e, ia te au e o sa Keloē, o  
12 ia te outou misa. O la'u  
taofi foi lenei, o loo taitoa-  
tasi outou ma faapea ane,—  
O au o lo sa Paulō,—O au o  
lo sa Apolō,—O au o lo sa  
Kefā—O au o lo sa Kerisō.  
13 Po ua eseese ea le Mesia ?  
Pena faasatauroina ea Paulo  
ma sui o outou ? Pe na papa-  
tisoina ea outou i le igoa o

Paulo? Ou te faafetai atu 14  
i le Atua ou te lei papatiso-  
ina so outou na o Kiripo,  
ma Kaio; Ina nei fai mai 15  
se tasi na ou papatiso atu i  
lo'u nei igoa. Na ou pa-  
patisoina foi le aiga o sa  
Setefanā; a ou te le o iloa  
foi pe ai se tasi na ou pa-  
patisoina.

Aua e lei auina mai au e 17  
Keriso e papatiso, a e fola-  
fola atu i le evagelia, e le  
ma le poto i le upu, ina nei  
faaleaogaina le satauro o le  
Mesia. Auā o le mataupu 18  
i le satauro, o le valea lea  
i e o malaia; a o le mana o  
le Atua ia ia te i tatou o  
faaolaina. Aua ua tusia, 19  
"Ou te faaumatia le poto o  
le au popoto, ma ou faa-  
leaogaina le atamai o le au  
atamamai." Po o ifea le 20  
tagata potō? Po o ifea le  
failautusi? Po o ifea le  
filifiligā o lenei lalolagi?  
E le ua avea ea e le Atua  
le poto o lenei lalolagi ma  
valea? Aua o le poto o le 21  
Atua, ina ua le iloa le  
Atua e le lalolagi i lona  
poto, ua finagalo i ai le  
Atua ina faaola i e faatua-  
tua i le valea o le tala'iga.  
Aua o loo faatoga Iutaia i 22  
se faailoga, ma Eleni o loo  
sailiili i latou i le poto;  
A i matou ua matou tala'i 23  
atu i a Keriso na faasatau-  
roina, o le mea foi e tausuai  
ai Iutaia, ma le valea i  
Eleni; A e peitai o e na 24  
tofia o Iutaia atoa ma Eleni,  
ua faia o Keriso *mo i latou*

le mana o le Atua, ma le  
25 poto o le Atua. Auā o le  
valea o le Atua e sili lona  
poto i lo tagata; o le vai-  
vai foi o le Atua e sili lona  
26 malosi i lo tagata. Aua ua  
outou iloa lo outou tofiga, le  
au uso e; E le toatele o e  
popoto i la le tino ua tofia,  
e le toatele o e fai pule, e  
27 le toatele o alii; A e peitai  
ua filifilia e le Atua mea  
valea a le lalolagi ina ia  
faamā le au popota, ma mea  
vaivai a le lalolagi ua fili-  
filia ia e le Atua e faamā  
28 mea malolos; Ma mea a  
tagatānuu, ma mea faa-  
tauvaa a le lalolagi, ua fili-  
filia ia e le Atua, atoa ma  
mea e leai, ina ia faaumatia  
29 e ia mea o i ai; Ina nei  
mitamita se tagata e toatasi  
30 i ona luma. A ua fua mai  
ia te ia ona i ai outou i le  
Mesia o Iesu, o lē ua avea  
ai ma o tatou poto mai le  
Atua, o le agatonu foi ma  
le paia ma le faaolataga;  
31 Ina ia faapei o lē ua tusia,  
"O lē mitamita, ina mita-  
mita ia o ia ia Ieova."

## O LE MATAUPU II.

*O le tu o le folafolaga, ma  
aogiga, na faia e Paulo i  
Korinito.*

1 **O** AU nei foi, le au uso  
e, ina ua ou alu atu  
ia te outou, ou te lei alu  
atu ma le sili o le upu ma  
le poto, i lo'u faamatala atu  
i le molimau a le Atua ia

te outou. Aua na tonu lo'u 2  
manatu, ou te le iloa se tasi  
mea ia te outou tau lava o  
Iesu le Mesia, o ia lava lē  
na faasatauroina. Na ou 3  
i ai foi ia te outou ma le  
vaivai, ma le mata'u, ma le  
gatete tele; E lei *sauni* atu 4  
foi la'u lauga, ma la'u tala-  
'iga i upu malie o le poto o  
tagata, a e peitai i le faasi-  
noga o le Agaga ma le ma-  
na; Ina nei i ai lo outou 5  
faatuatua i le poto o tagata,  
a ia i ai i le mana o le Atua.

A e matou te tautala atu 6  
i le poto i e ua uma ona  
aoaoina; a e le o le poto o  
lenei lalolagi, poo lo le au  
taitai o lenei lalolagi o loo  
faaleagaina,—A e peitai 7  
matou te tautala atu i le  
poto o le Atua i le upu lilo,  
o le poto foi sa natia, o lē  
na muai faatatauina e le  
Atua anamuā anamuā lava,  
ina ia tatou mamalu ai: O 8  
lē na le iloa e so le au fai-  
pule o lenei lalolagi,—aua,  
a na latou iloa po ua latou  
le faasatauroina le Alii ma-  
malu. A e pei o lē ua 9  
tusia, “E lei vaia e se ma-  
ta, e lei faalogoina foi e se  
taliga, e lei oo foi i le loto  
o se tagata, mea ua saunia  
e le Atua mo e loto atu ia  
te ia.” A ua faaalua mai 10  
ia mea e le Atua ia te i  
tatou i lona Agaga; aua e  
suesue ifo le Agaga i mea  
uma, o mea loloto foi a le  
Atua. Po o ai foi se ta- 11  
gata e iloa mea a le tagata,  
vagana le agaga o le tagata

o loo i totonu ia te ia? E  
faapea foi e le iloa e se tasi o  
mea a le Atua, vagana lava  
12 le Agaga o le Atua. A  
ua maua e i matou e le o le  
agaga o lenei lalolagi, a o  
le agaga mai le Atua, ina  
ia tatou iloa mea ua foi-  
fuaina mai e le Atua ia tē i  
13 tatou. Oia foi mea matou te  
tautala atu ai i upu e aoa-  
oina mai e le Agaga Paia, a  
e le o upu e aoaoina ai i le  
poto o tagata—o loo faama-  
talaina o mea faaleagaga i  
14 upu faaleagaga. A e le talia  
e le tagata faaletino o mea  
a le Agaga o le Atua; auā  
o le valea ia mea ia te ia,  
na te le mailoa ai foi, aua e  
faamasinoia ia mea faale-  
15 agaga. E faamasino foi le  
tagata faaleagaga i mea  
uma, a e le faamasinoia ia  
16 e se tasi. Auā—“Po o ai  
ua na iloa le finagalo o Ieova  
na, te aoaoina atu o ia?”  
A ua tatou maua o le fina-  
galo o Keriso.

### O LE MATAUPU III.

*O faifeau, o le au faigaluega i  
latou a le Atua.*

1 **O** AU foi, le au uso e, na  
au le mafaia ona tui-  
tala atu ia te outou faapei  
o e faaleagaga a e peitai  
pei o e faaletino, pei o tania  
2 meamea foi ia Keriso. Na  
ou fafaga ia te outou i le  
suāsusu, a e le o le mea  
aano; auā na outou le lava  
i ona po ia, i le tou te te

lavā foi ua oo mai i ona po nei. Aua ua faaletino pea 3 outou; aua ina o i ai ia te outou le mataua, ma le misa, ma fevaevaeaiga; ua lē faaletino ea outou, ma savavali i la tagata? Aua, ina o fai 4 mai le tasi o au o lo sa Paulō; ma le tasi o au o lo sa Apolō, ua le faaletino ea outou?

O ai foi Paulo? O ai ea 5 Apolo? E le o auauna ea na outou faatuatua ai, pei ona foi e le Alii taitasi ia te i laua? Na ou totoina e 6 au, na faasūsina e Apolo; a e peitai o le Atua na te faatupuina. Lenei la e le 7 o lē totō, e le o lē faasūsū, a e peitai o le Atua o lē na te faatupuina. O lē totō 8 foi ma lē faasūsū, e tasi lava i laua; a e taitasi ma lona lava tau e maua, e tusa ma lona lava galuega. Auā o 9 le au faigaluega i matou a le Atua; o outou o le faato'aga a le Atua; o outou o le fale o fai o le Atua. Ona o le alofa o le Atua na 10 foaiina mai ia te au, pei o se autu o tufuga-fai-fale e poto, na ou tuu i le faavae, o le tasi foi o loo ati ae; a ia taitoatasi ma faateete i lana e ati ae. (Aua e le mafai e se 11 tasi ona tuu i se isi faavae i lē ua uma ona tuuina, o Iesu Keriso lea.) Afai foi e ati 12 ae se tasi i lenei faavae i auro, poo alio, poo maa tau-gata; o laau, poo vaofali, poo tagutugutu,—E faaalua 13 taitoatasi galuega a tagata:

e faailoa foi e le aso, aua e faaalua ia i le afi; e tofotofoina foi taitoatasi galuega a tagata i le afi po ua faa- 14 pefea ia. Afai e tumau le galuega a se tasi na ia afi ae, e maua ia te ia lona 15 tau. Afai e faamuina le galuega a se tasi, e maumau ana mea; peitai ane e sao atu ia, a e faapei ona i le 16 afi. Tou te le o iloa ea o le malumalu outou o le Atua, o loo nofo foi le Agaga o le Atua i totonu 17 ia te outou? Afai e faatāugā e se tasi o le malumalu o le Atua e faatāugāina lona tagata e le Atua; aua e paia le malumalu o le Atua, e faapea lava foi 18 outou. Aua nei ai se tasi e faaseseina ia e ia. Afai ua ia te outou se tasi o manatu e poto ia i lenei lalolagi, ia avea ia ma valea 19 ina ia poto ai ia. Aua o le poto o lenei lalolagi o le valea lea i luma o le Atua; aua ua tusia "E faalavelavea e ia o e popoto i o latou lava faiaiga;" I le ma 20 lea, "Ua silafia e Ieova manatunatu o e popoto ua 21 faatauva ia." Lenei la, aua le mitamita se tasi i tagata; aua o mea uma o a 22 outou ia,—Poo Paulo, poo Apolo, poo Kefa, poo le lalolagi, poo le ola, poo le oti, poo mea i nei ona po, poo 23 mea atali; O mea uma lava a outou ia, e o Keriso foi outou, e lo le Atua foi Keriso.

## O LE MATAUPU IV.

*O le loto maulalo o le au aposetolo, ma le galuega na latou tautiga ai.*

**I**A faapea ona manatu le 1 tagata ia te i matou o auaua a Keriso, ma auaua e tausi i upu lilo a le Atua. Lenei o loo faasa- 2 gasaga tagata i auaua tausi mea ia taitasi ma faamaoni. A o le mea matua 3 mamā lava ia te au ona faamasinoina o au e outou, poo le faamasinoga a tagata; ou te le faamasino lava au ia te au. Auā ou te le o 4 iloa ifo i lou loto soʻu sese, a e le taʻuagatonuina au i lea mea; a o lē na te faamasinoina mai ia te au o le Alii lea. Lenei la, auā tou 5 te faamasino i se tasi mea a o le oo mai le tau, seia afio mai le Alii, o le na te faamalamalamaina mea lilo o le pouliuli, ma faapupula filifiliga o loto; e i ai ona taitasi ma taʻuleleia e le Atua.

Le au uso e, ua au faata- 6 tauina ia mea ia te i maua ma Apolo, ona o outou, ina ia acoina outou ia te i maua; ina nei sili lo outou manatu i lē ua tusia, ina nei ai so outou e fefete le loto ona o le tasi, ma faasia i le isi. Auā o ai ea 7 na te faaescina oe? se a foi se mea ua ia te oe e lei foaiina atu? Afai foi na foaiina atu ia te oe, se a le

mea ua e mitamita ai peiseai na lei foaiina atu lava?

- 8 Ai lava ua matua maooa outou; ai lava ua tamaoaiga; ua avea outou ma tupu a e le o i ai matou: a ai tupu outou po ua lelei lava lea ia te au, ina ia avea foi i matou ma tupu faatasi ma 9 outou. Ou te manatu foi e mulimuli ona faataataaina i matou le au aposetolo e le Atua, pei o e ua tofia i le oti: auā ua avea i matou ma mataaga i le lalolagi, o 10 agelu atoa ma tagata. O loo o valelea i matou ona o Keriso, a o outou o loo o atamamai ia Keriso; o loo vāivāi i matou, a ua malelosoi outou; o alii outou, a o tagatānuu i matou.
- 11 Ua oo mai i lenei lava itua-so, o matou o fia aai, ma fia inu, ma ofu leaga, ma tau-faituʻiina, ma maumau solo;
- 12 O loo o tautiga i matou o galulue i o matou lava lima; o loo agateleina i matou, matou te upu lelei atu; o loo sana mai ia te i matou, matou te onosai;
- 13 O loo faifaiina i matou, matou te aioi atu; ua matou pei o otaota o le lalolagi, o le punefu foi o mea uma, ua oo mai lava i ona po nei.
- 14 Ou te le tusi atu i na mea e mamā ai outou, a e peitai ou aoi atu ia te outou pei 15 o aʻu fanau pele. Auā e ui ina toamano o taitai-tama ia te outou ia Keriso, a e peitai e lē toatele o outou tamā; auā na oʻu fafafa

outou i la le evagelia i le Mesia o Iesu. Lenei ou te 16  
aioi atu ia te outou, ia outou faaaoao ia te au. O 17  
le mea lea ua ou auina atu ai o Timoteo ia te outou, o lo'u atalii pele lea ma le faamaoni i le Alii, o le na te faamanatuina outou i a'u sauniga ia Keriso, pei ona o'u aoao solo taitasi i ekalesia uma. O loo o fefete 18  
loto o isi, peiseai a ou le alu atu ia te outou. A 19  
e le peine ona ou alu atu ia te outou, a finagalo i ai le Alii; e le o le upu foi a o le malosi o e loto fefete ou te iloiloia ai. Auā e le o 20  
i ai le malo o le Atua i le upu a o i le mana. Poo le 21  
fea tou te loto i ai? Ou te alu atu ea ia te outou ma le sasa, poo le alofa ma le loto agamalu?

### O LE MATAUPU V.

*Ua poloni atu Paulo i le ekalesia ia tui i tua i le tasi tagata na fai amio leaga.*

**U**A logonatino o ia te 1  
outou le faitaaga, o le faitaaga feapea foi e le o ta'ua i nuu ese, ua faiaavā le tasi i le avā a lona tamā. O outou foi! ua outou loto 2  
fefete ea?—a e tou te le faanoanoa ea? ina ia tuueseina ia te outou lē na faia o lena mea? O au foi o loo 3  
le i ai lo'u tino ia te outou, a ia te outou lo'u loto, ua uma ona ou suesue ai lena

na faia faapea lena mea, peiseai ua ou i ai lava, 4  
Pe a faapotopotoina outou faatasi ma lo'u agaga, o le suafa o lo tatou Alii o Iesu Keriso ma le mana o lo tatou Alii o Iesu Keriso;— 5  
Tou te tuuina atu ai o lē ua faapea ia Satani, ina ia faaumatia le tino, e sao ai le agaga i le aso o le Alii o 6  
Iesu. E le tusa lo outou mitamita. Tou te le o iloa ea o se mea faafefete itiiti, e faafefeteina ai le paluga 7  
uma lava? Ina faatea ese ia i le mea faafefete tuai, ina ia avea outou ma paluga fou, pei o outou ua leai se mea faafefete ia te outou: aua foi o Keriso la tatou paseka na fasia mo i tatou. 8  
Lenei la, aua tatou te fai i le tausamiga ma le mea faafefete tuai, poo le mea faafefete o le leaga ma le aga ulavale; a e peitai ma le mea e faafefeteina, o le loto manino ma le faamaoni. 9  
Ua ou tusi atu ia te outou i la'u tusi, aua tou te 10  
fefilo ma e faitaaga. A e le matua faapea foi i e faitaaga i lenei lalolagi, atoa ma e matapeapea, ma e saua, ma e tapuai i tupua; ana faapea, e ao ina outou o ese atu ai lenei lalolagi. 11  
A o lenei, ua ou tusi atu ia te outou, ai se tasi o ta'u-usoina e faitaaga, poo matape'ape'a, poo tapuai i tupua, poo agatele, poo onā, poo saua; aua lava nei tou te

ai faatasi ma lē o faapea. O ia te au ea le faamasino i 12 e ua i tuapā? Tou te le faamasino ea outou i e ua i lotopā? A o e i tuapā, e 13 faamasinoina i latou e le Atua. O lenei e faateaceseina e outou lena tagata le-aga a i ia te outou.

## O LE MATAUPU VI.

*Aua le fefinauai le au uso i luma o e agaletonu; Ia sosola ese i le faitaaga.*

**A** I so outou la te fefinauai 1 ma se isi i se tasi mea e faamalosi ea ia ina ia faamasinoina i luma o e amio le tontu, a e le i luma o le au paia? Tou te le o iloa ea 2 e faamasinoina le lalolagi e le au paia? afai foi e faamasinoina le lalolagi e outou, e le tusa ea ia te outou faamasinoga mamasagia? Tou te le o iloa ea tatou te 3 faamasino i agelu? e le faamasino ea i mea a le olaga nei i se a? Pe afai ua ia te 4 outou faamasinoga i mea a le ola nei, ina tofia ia o e ua ta'ufaatauvaaina i le ekalesia latou te faamasino i ai. Ou te faapea atu ia te outou 5 na ia outou mamā. E moni ea? e leai ea se poto e toatasi o ia te outou o le na te mafaia ona faamasino tonu i mea a lona uso? A e 6 peitai ua fefinauai le uso ma lona uso i luma lava o e le faalogo. O lenei, ua ia te 7 outou lava le sese ina ua ia

te outou faamasinoga o le 7 tasi i le tasi. A e tou te le onosai ea i le agaleaga nei i se a? A e tou te le onosai ea i le faoina o a outou nei 8 i se a? A ua outou aga- leaga atu ma faagaoi ua 9 lava i le au uso. Tou te le o iloa ea o e agaletonu, e le fai mo latou tofi le malo o le Atua? Aua ne'i faaseseina outou; o e faitaaga, ma e tapuai i tupua, ma e mulilua, ma e tauātane, ma e 10 faasotoma. Ma e gaofi, ma e matape'ape'a, ma e onā, ma e agatele, ma e saua, e le fai mo latou tofi le 11 malo o le Atua. Sa faapea foi nisi o outou, a ua taeeleina outou, a ua faapaiaina, a ua ta'uagatonuina outou, ona o le suafa o le Alii o Iesu, i le Agaga foi o lo tatou Atua. 12 Ua tataga mea uma ia te au, a ua le aoga mea uma e ua tataga mea uma ia te au, a o au e le faiaia au e se 13 tasi. E tatau mea e 'ai i le manava, e tatau foi le manava i mea e 'ai; a e faaumalia e le Atua o lena mea ma mea. E le tatau foi le tino i le faitaaga, a e tatau i le Alii; e tatau foi le Alii i 14 le tino. A o le Atua na faatuina le Alii na te faatuina foi i tatou i lona lava 15 mana. Tou te le o iloa pa'i o outou tino o itutino o Keriso ia? O lenei ou te faia ea itutino o le Mesia ma tino o le fafine faitaaga? 16 Aua nei faapea! Tou te



le o iloa foi, na tino e tasi lē ua faatasia ma le fafine faitaaga? Aua o loo faapea mai, "E avea i laua ma tino e tasi:" A e peitai ua 17 agaga e tasi lē ua faatasia ma le Alii. Ina sosola ese ia outou i le faitaaga! Ua 18 aliilugilia le tino taitasi i agasala e faia e tagata; a o le faitaaga e agasala ia i lona lava tino. Tou te le o 19 iloa ea foi, o lo outou tino, e le malumalu lea o le Agaga Paia, ua i totonu ia te outou, o loo ua ia te outou mai le Atua? E le aiā foi outou ia te outou, aua ua faatauina outou i le tau; O lenei, ia outou vivii atu i 20 le Atua i lo outou tino ma lo outou agaga, o mea a le Atua ia.

### O LE MATAUPU VII.

*O le upu aoi i le tane ma le ava, i e taataanoa foi, ma mataupu.*

**O** MEA foi na outou 1 tasi mai ai ia te au, e lelei ona le tago se tagata i se fafine; A ona o le 2 faitaaga, ia taitasi le tane ma lana lava avā, ia taitasi fai le fafine ma lana lava tane. Ia avatu le tane i le 3 avā le agalelei e tatau, ia faapea foi le avā i le tane. E le pule le avā i lona lava 4 tino, na o le tane; e faapea fai le tane, e le pule ia i lona lava tino, na o le avā. Ana ndi oulū fafai, va- 5

gana ni nai aso, a oulū lo-  
togatasi ai, ina ia oulū tafa-  
tasi i le faapā'upā'u ma le  
tatalo, ma ia toe faatasi ane  
i le mea e tasi, ina ne'i faa-  
osooso mai Satani ia te ou-  
lū, ona o lo oulū manao  
6 faaletatau. O lo'u lava  
manatu ou te fai atu, e le  
7 se poloaiga. O lo'u manao  
foi ina ia faapei o au nei  
tagata uma; a e peitai e  
taitoatasi ma lana lava mea  
alofa e maua mai le Atua, e  
taitasi ma lona uiga, o lea  
ma lea.

8 O la'u lenei upu i tane  
taataanoa ma fafine ua eti  
tane, e lelei ona latou no-  
9 nofo pea pei o au nei. Pei-  
tai, afai latou te le lavā  
oono, ia faatasia i latou, aua  
e lelei ona faatasia, a e  
10 leaga ona mu. Ou te poloa'i  
foi i e ua faatasia,—e le o au,  
a o le Alii,—aua le te'a ese  
11 le avā i lana tane, (Afai  
foi e tea, ia taataanoa pea ia,  
pe toe sosoo ma lana tane)  
aua foi le molia e le tane  
12 lana avā. A o e ua totoo,  
o la'u lenei upu ia te i  
latou, e le a le Alii; ai se  
uso ua i ai le avā le faalogo,  
na loto ina la nonofo ma ia,  
13 aua le molia ia; O se fafine  
foi o i ai le tane le faalogo,  
ua loto ina la nonofo ma  
14 ia, aua le aleia o ia. Aua  
e faapalaina le tane le faa-  
logo i le fafine; e faapalaina  
foi le fafine le faalogo i le  
tane: ana le o lea po ua  
le mama a outou fanau; a  
15 o lenei e paia i latou. Pei-

tai, afai e tea ese le le-faa-  
logo, ia tea ese ia. E le  
faapologaina le uso, o se  
tane poo se fafine, pe a faa-  
peaina; a ua togia i tatou  
e le Atua i le ffilemu. Ua 16  
e iloa ea o oe le avā?—  
atonu e ola lau tane ia te  
oe; ma oe le tane, ua e iloa  
ea? atonu e ola lau avā ia  
te oe. A ia taitoatasi ma 17  
savali pei ona tufatufa mai  
e le Atua ia te ia; ia taitoa-  
tasi, pei ona togia ia e le  
Alii. Ua faapea foi ona  
ou faatonuina i ekalesia  
uma lava. A togia se tasi 18  
ua peritomeina aua nei liua  
lona peritome; a togia se  
tasi ua lē peritomeina, aua  
nei peritomeina ia. E le 19  
aoga lava le peritome, e le  
aoga foi le lē peritome; na  
o le anaana i poloaiga a le  
Atua. Ia taitasi ma nofo 20  
pea i le mea na togia ai ia.  
Sa togia ea oe ina o pologa? 21  
Aua e te popole i ai; (pei-  
tai, a mafai ona e maua atu  
i le saolotoga, ina fai ia o  
lea, e lelei ai;) Aua o lē 22  
ua togia i le Alii ina o po-  
loga, o le saolotoga ia a le  
Alii; e faapea foi o lē ua  
togia ina o saoloto, o le po-  
loga ia o Keriso. Ua faa- 23  
tauina outou i le tau, aua  
nei avea outou ma pologa o  
tagata. Le au uso e, ia 24  
taitoatasi ma nonofo pea i  
luma o le Atua i le mea na  
togia ai ia.

A o taupou ua au le maua 25  
se poloaiga a le Alii ia te i  
latou; a ou te tuu atu i lo'u

manatu e tusa i lē ua alofa-  
gia e le Alii, ou te faamaoni  
26 ai. O la'u taofi foi, e lelei  
lena mea ona o le puapuaga  
i ona po nei,—e lelei foi i  
27 le tagata pe a faapea. Ua  
noatia ea oe i le ava? aua  
e te saili ina tatalaina; ua  
tatalaina ea oe ma le ava?  
28 aua e te saili i se ava. A e  
ui lava ina e fai ava e te le  
agasala ai; afai foi e nofo  
tane le taupou e le agasala  
ai ia: a e oo i e ua faapea  
le puapuaga i le tino. A e  
soia, nei o'u faamamafa atu  
29 ia te outou. A o lau lenei  
e fai atu ia te outou, le au  
uso e, ua puupuu tau ua toe,  
—o lenei o e ua fai avā ia  
30 peiseai ua le fai avā, O e  
o taufaitagi ia peiseai ua le  
taufaitagi, o e o taufaiolioli  
ia peiseai ua le taufaiolioli,  
o e o faatau ia peiseai ua le  
31 maumea, O e o fetagofi i  
mea a le lalolagi ia peiseai  
ua le fetagofi i ai;—aua o  
le a mavae atu le tu o le  
32 lalolagi. O'u te loto lava  
ina nei popole outou. Ua  
popole le taataanoa i mea a  
le Alii, pe faapefea ona fiafia  
33 mai i ai le Alii: A o lē  
ua fai avā e popole ia i mea  
o le lalolagi, pe faapefea ona  
34 fiafia mai i ai le avā. E ese  
lē nofo tane, a e ese lē tau-  
pou; ua popole lē nofo fua  
i mea a le Alii, ina ia phia  
ia, le tino atoa ma le agaga;  
a o lē nofo tane e popole ia  
i mea o le lalolagi, pe faa-  
pefea ona fiafia mai ia te ia  
35 le tane. O la'u lenei upu e

fai atu ia te outou, auā e  
 aoga ia te outou; e le ina  
 ia ou lafo se matā-sele ia te  
 outou, a e peitai ona o le  
 matagofie; ina ia auauna  
 lelei foi i le Alii ma le loto  
 le fetosoaiina. Afai foi e 36  
 manatu se tasi e soesa mea  
 a lona afafine taupou, afai  
 ua matua lava, ma ona ua  
 tatau ona ia faapea, ina fai  
 ia o ia le mea e loto i ai, e  
 le agasala ia; ia faatasia i  
 laua. A o lē ua loto mau 37  
 lava, e leai se mea e uunai i  
 ai, ua ia te ia le pule i lona  
 lava loto, ma ua tonu lona  
 loto i lenei mea ona ia taofi  
 i lona afafine taupou, ua le-  
 lei lana mea e fai. O lenei 38  
 o lē faaavaga ua lelei lana  
 mea e fai, a o lē le faaavaga  
 ua sili lana mea e fai.

Ua noatia le fafine i le 39  
 tulafono manu o ola lana  
 tane; a e afai ua oti lana  
 tane ua aunoa e nofo tane i  
 lē ua loto i ai, tau lava i la  
 le Alii. A e afai e nofo 40  
*fua* pea ia, e sili lona ma-  
 nuia—o la'u taofi lea—ou  
 te manatu foi au nei, ua ia  
 te au le Agaga o le Atua.

### O LE MATAUPU VIII.

● *le 'ai o mea e fasia mo  
 tupua.*

**O** MEA foi e fasia mo tu- 1  
 pua, ua tatou iloa,—aua  
 ua tatou tofua iloa; e faafe-  
 fete le iloa, a o le alofa e  
 faamafanafana ia: Afai foi 2  
 e manatu se tasi ua na iloa

se mea, e lei iloa lava e ia  
 se mea e tasi pei ona tatau  
 3 ona iloa; A e afai e loto  
 atu se tasi i le Atua, ua iloa  
 4 lenei tagata e ia;—O lē 'ai  
 foi o mea e fasia mo tupua,  
 ua tatou iloa o le mea faa-  
 tauvaa i le lalolagi le tupua;  
 e leai foi se tasi Atua, ua na  
 5 o le toatasi lava. Aua e ui  
 lava ina o i ai e ua taua o  
 atua, o i le lagi, poo i le la-  
 lolagi, (ona ua i ai atua e  
 toatele, ma alii e toatele,) 6  
 A e peitai ua ia te i tatou  
 le Atua e tasi o le Tama, e  
 fua mai ia te ia mea uma,  
 o i tatou foi ua fai mo ia;  
 ma le Alii e tasi o Iesu Ke-  
 riso, ua faia e ia mea uma,  
 o i tatou foi ua faia e ia. 7  
 A ua le tofua iloa tagata; o  
 loo aai isi ma le manatu ifo  
 i le tupua, ua oo mai lava i  
 ona po nei, e pei o se mea  
 ua fasia mo tupua, ua faa-  
 eleelea foi lo latou manatu  
 8 ifo ina ua vāivāi. E le le-  
 lei i tatou i luma o le Atua  
 ona o le mea e 'ai, aua pe  
 afai tatou te aai, e le sili ai  
 lo tatou lelei; pe afai foi  
 tatou te le aai, e le sili ai lo  
 9 tatou leaga. Ia outou faa-  
 eteete foi, ne'i avea la outou  
 nei faitalia ma mea e tau-  
 10 suai ai o e ua vaivai. Aua  
 a vaai se tasi ia te oe ua i ai  
 le malamalama, o loo o e  
 taoto i le aiga i le fale o le  
 tupua, e lē faamallosia ea  
 lona manatu ifo o lē ua vāi-  
 vāi, ina ia 'ai ia i mea e fasia  
 11 mo tupua? O lou malama-  
 lama foi e fano ai le uso vāi-

vāi, na malīu Keriso mo ia. A faapea foi ona outou aga- 12  
sala i le au uso ma tui i lo  
latou manatu ifo vāivāi, ua  
outou agasala ia Keriso. O 13  
le mea lea a tausuai lou uso  
ona o le mea e 'ai ou te le  
toe 'ai aano o manu, e oo i  
le faavavau, ina nei tausuai  
lo'u uso ia te au.

### O LE MATAUPU IX.

*O le pule a le fai le galuega a  
le Atua, pe tania mai lona  
faiva.*

O U te le se aposetolo ea? 1  
ou te le se saoloto ea?  
ou te lei vaaiā ea o Iesu  
Keriso lo tatou Alii? E le  
o la'u galuega ea outou i le  
Alii. Tuu ia tagata ese, 2  
ou te se aposetolo lava ia te  
outou; aua o le faamau-  
faailoga outou o lo'u apose-  
tolo i le Alii. O la'u leni 3  
tali i e o faamasino mai ia  
te au; E le o la matou 4  
faitalia ea ona aai ma inu?  
E le o la matou faitalia, pe 5  
matou te feaveai se tuafafine  
o le ava, pei o aposetolo  
uma, ma uso o le Alii,  
ma Kefa? Pe na o i maua 6  
ea ma Panapa, e le sa ma  
faitalia ona tuu o le galue-  
ga? O ai ea sē alu i le 7  
taua ua le togia mai ia? O  
ai ea se na te faia se tovine,  
a e le 'ai i ona fua? Poo o  
ai ea se na te leoleoina se  
lafu-manu, a e le 'ai i le  
suasusu o le lafu? Ou te 8  
tau atu ea nei mea faaletaga-  
gata? E le o fai mai foi

ea le tulafono nei mea?  
9 Aua ua tusia i le tulafono a  
Mose "Aua e te fusi le  
gutu o le povi e sosoli i  
saito." Na o povi ea e ma-  
natu i ai le Atua? Poo ua  
na fetalalaia mai ea ono o i  
10 tatou lava? Ona o i tatou  
foi na tusia mai ai, aua e  
tatau ona suasolo le suasolo  
ma le faamoemoe, o le sosoli  
foi i saito, ia sosoli ma le  
faamoemoe ina ia maua le  
mea ua faamoemoe i ai.  
11 Afai ua matou saaluu atu  
mo outou, i mea faaleagaga;  
o le mea tele ea pe a matou  
selesele mai a outou mea  
12 faaletino? A pule isi ia te  
outou, matou te le pule ea i  
se a? A e le faia e i matou  
leni pule; a ua matou oono  
i mea uma, ina nei matou  
tuuina atu o se mea e faala-  
velave ai le tala lelei i a le  
13 Mesia. Tou te le o iloa ea,  
o e o galulue i mea paia  
latou te aai ai i mea mai le  
malumalu? ma e o suaua i  
le fatafaitaulaga ua latou  
tofu i tufaaga faatasi ma le  
14 fata. Ua faapea foi le polo-  
aiga a le Alii i e o folafola  
i le tala lelei e maua mea a  
le tino i le talaiga o le tala  
15 lelei. A ou te le faia se  
mea e tasi o na mea, ou te  
le tasi atu foi nei mea ina  
ia faapea ina ai o au; aua e  
lelei ina ou oti, a e leaga  
ina faaleagaina e se tasi lo'u  
16 mitamita. Aua, afai ou te  
folafola i le tala lelei, e le se  
mea lea ou te mitamita ai,  
aua ua unai ia te au; a o le

paga len ia te au, pe a ou le  
folafolaina o le tala lelei! A 17  
aa faia lenei mea ma le loto,  
ua ia te au le tau; peitai  
ane, a ta le faia ma le loto,  
ma tuuina mai ia te au le  
aunau tausi mea. O le 18  
nei, se a ea lo'u tau? O  
leni, pe a ou folafolaina  
ata le tala lelei, ia ou tuu-  
ina atu i le evagelia a le  
Mesia ma le le tauia mai;  
ina ia ou le faia o la'u pule  
i le evagelia. Aua e ui ina 19  
ou saoloto i tagata uma, ua  
faapologaina au e au mo ta-  
gata uma, ina ia atili ai ona  
toatele ou te maua. Sa o'u 20  
faapei o se Iutaia i Iutaia, ina  
ia ou maua ni Iutaia; ua o'u  
faapei o se nofo i le tulafono  
i e nonofo i le tulafono; ina  
ia ou maua ni e nonofo i le  
tulafono; Ua ou faapei o 21  
se le nofo i le tulafono i e  
ua le faatulafonoina; (e le  
eua ua le faatulafonoina a'u  
i le Atua, a ua faatulafono-  
ina o au ia Keriso) ina ia  
ou maua ni e ua le faatula-  
fonoina. Ua ou faapei o se 22  
vaivai i e ua vaivai, ina ia  
ou maua o e ua vaivai; ua  
faia au ma mea uma mo  
tagata uma, ina ia iu lava  
ina ola nisi ia te au. Ou 23  
te faia foi le mea nei  
ona o le tala lelei, ina ia  
tatau tofufufusia i ai ma au.  
Tou te le o iloa ea, o e tau- 24  
sinio i le ala tanu, e tausinio  
ama ia, a e maua le sini e  
le toatasi? Ia faapea ona  
outou tausinio, ina ia outou  
maua. Taitoatasi ma ma- 25

nao faatatau i mea uma lava  
o e finau i mataaga, o i  
latou foi ua latou faapea ina  
ia latou maua o le pale  
palagofie, a o i tatou, ina ia  
maua o le pale e le aupala.  
26 O au nei foi, ua faapea ona  
ou momoe e le ma le faale-  
tonu; ua faapea ona ou tu'i,  
e le pei o se tu'i le matagi,  
27 A ou te faatoilaloina lo'u  
nei tino, ma au fai ai ma  
pologa, ina nei iu ina ta'u-  
valeina o au, o au sa talai  
ata i isi tagata.

### O LE MATAUPU X.

*Ia latou sosola ese i le tapuaiga  
i tupua, sa pau ai Isaraela.*

1 **L**E au uso e, ou te loto ina  
ia outou iloa, sa i lalo  
o le ao o tatou matua uma,  
ma ui ane uma i le sami,  
2 Ma papatisoina uma ia Mose  
3 i le ao ma i le sami, Ma aai  
uma i le mea e ai faaleagaga  
4 e tasi, Ma feinu uma i le  
vai faaleagaga e tasi; (aia  
na latou inu i le papa faa-  
leagaga o loo o mulimuli  
atu ia te i latou, o lena  
papa foi o le Mesia lea;)  
5 A e peitai o le toatele o i  
latou ua le fiasia i ai le  
Atua, aua ua faataatia solo  
6 i latou i le vao tuufua. Na  
fai foi na mea ma faailoga  
mo i tatou, ina nei tatou  
tuinanau atu i mea leaga,  
pei ona tuinanau foi i latou.  
7 Aua foi tou te tapuai i  
tupua pei o nisi o i latou,  
pei o le ua tusia; "Sa no-  
nofo le nuu i lalo ma aai

ma inu, ona latou tutu lea i luga e sisiva." Aua foi 8 tatou te faitaaga, pei ona faitaaga o nisi o i latou, ma fano ai i le aso e tasi e lua mano, ma afe e tolu. Aua 9 foi tatou te faaonoono i le Mesia, pei ona faaonoono nisi o i latou, ma olo ai i gata. Aua foi tou te mui- 10 mui pei ona muimni nisi o i latou, ma olo ai e le na te olopalaina. Na oo na mea 11 uma ia te i latou o faailoga foi ia ua tusia mai, e fai ma auaiga mo i tatou o e ua aulia mai ai tausaga e gata ai. O lenei o lē manatu o 12 loo o tu ia, ina faateete ia nei pau. Ua le maua outou 13 e le tofotofu e ese i la tagata, a ua faamaoni le Atua o lē na te le tuuina atu outou i le tofotofu e sili ina outou lavatia, a e sauni foi faatasi ma le tofotofu se mea e sao ai, ina ia outou lavā oono. O lenei, a'u 14 aumea mamae, ia outou sosola ese i le tapuaiga i tupua. O la'u e fai atu nei 15 e tataui e o mafafau; ina manatunatu ia outou i la'u e fai atu. O le ipu o le 16 faafetaiga o tatou o faafetai ai, e le o le mafuta-faafetaiga ea lea o le toto o le Mesia? O le areto tatou te tofotofu ai, e le o le mafuta-faafetaiga ea lea o le tino o le Mesia? Aua o i tatou 17 le toatele, o le areto e tasi ma le tino e tasi i tatou; aua ua tofufufusia i tatou uma i le areto e tasi. Faauta mai 18

ia Isaraela i la le tino: one o aai taulaga, ua latou le tofu ea i tufaaga faatasi ma 19 le faafetaiga. Se a foi lo'u te fai atu ai? O se mea aoga ea le tupua? poe se mea aoga le ua fasia mo 20 tupua? E leai, a o mea ua fasia e muu ese, ua fasia e i latou mo temoni, a e le mo le Atua; ou te le lotu foi ina outou mafuta-faafetai 21 ma temoni. Tou te le mafai ona inu i le ipu a le Alii atoa ma le ipu a temoni; tou te le mafai ona tofufufusia i le laosi o le Alii atoa ma le laosi o 22 temoni. Tatou te faaonoono atu ea i le Alii? Ua sili ea lo tatou mafaia i 23 lona? Ua tataga mea uma ia te au, a ua le aoga mea uma; o loo o tataga mea uma ia te au, a ua le faamafanafana mai mea uma. 24 Aua le saili se tasi i lona lava lelei, a ia taitasi ma saili i le lelei o le isi. 25 Taitasi mea ua faataulia i le mea e faatau ai mea e 'ai, ia outou aai ai; aua lava le fesili ona o le manatu fuatia ifo: Aua o le lalolagi e o le Alii lea atoa 27 ma mea uma o i ai. Afai foi e fai mai ia te outou pe tasi o e le faalogo, ma outou fia o atu ai, ina aai ia outou mea uma ua laulaula mai ia te outou, aua lava le fesili, ona o le manatu 28 fuatia ifo. A e peitai afai e faapea mai se tasi ia te outou, O le mea nei ua fasia

mo le tupua, aua tou te aai ai; ona o lena na faaali mai ai, auā foi o le manatu fuaia ifo; auā o le lalolagi e o le Alii lea, atoa ma mea uma o i ai. O le manatu 29 fuaia ifo ou te fai atu ai, e le o lo'a a o lo le tasi; aua se a le mea e faamasinoina ai lo'u saolotoga i le manatu fuaia ifo o le tasi? O au foi, afai ou te 'ai ai 30 ona o le alofa mai o le Atua, se a le mea ua faifaia mai ai au ona o le mea ua ou faafetai atu ai? O lenei, pe 31 tou te aai, pe tou te inu, poo se tasi mea tou te faia, ia outou faia o mea uma lava ia viia ai le Atua. Aua le avea outou ma mea 32 e tautevateva ai Iutaia, poo Eleni, poo le ekalesia o le Atua: Faapei o au nei foi, 33 ou te faafafia atu i tagata uma i mea uma lava, o loo le sailia e au so'u lava lelei, au o lo le toatele, ina ia faafolaina ai i latou.

## O LE MATAUPU XI.

*O le tapuaiga a fafine ma le ufitia. O le tu o le faamanatuga.*

**I**A outou faaaoao mai ia te 1 I'uau, pei o au i lo'u faaaoao atu ia Keriso.

**L**e au uso e, ou te ta'u- 2 Telefatu ia te outou, ina ua outou manatua mai o au i mea uma, ma outou taofi ma poloaiga, pei ona au faafaina atu ai ia te outou.

**3** A ou te loto ina ia outou iloa, o le ulu o tane taitoa-tasi o le Mesia lea, o le ulu o le avā o le tane lea, o le ulu o le Mesia o le Atua 4 lea. Ai se tane o tatalo poo perofeta ma le ulu ua ufusitia, ua faalemigao ia i 5 lona ulu. Ai se fafine foi o tatalo poo perofeta ma le ulu e le ufusitia, ua faalemigao ia i lona ulu; auā o le mea e tasi lava lea ma le 6 sele mama. Aua, a le ufusitia le fafine ia tafia lava ia; a e afai o le mea e maasiasi ai ona sele poo tafia, ia 7 ufitia lava ia. Aua e le tatau i le tane ona ufitia e ia lona ulu, aua o le faatusa ia ma le mamalu o le Atua; a o le fafine o le mamalu ia 8 o le tane. Aua e le mai le fafine le tane, a o le fafine 9 mai le tane ia. Aua foi na le foafoaina le tane ona o le fafine, a o le fafine ona o 10 le tane. O le mea lelei e tatau ai ina ia i ai le pule o le fafine i lona ulu, ona o le 11 au agelu. A e ui lava ina faapea e leai se tane pe a le o i ai le fafine, e leai foi se fafine pe a le o i ai le 12 tane, i le Alii; Auā, pei ona fua mai o le fafine mai le tane, e faapea foi le tane i le fafine; a o mea uma 13 lava mai le Atua ia. Ina manatunatu ifo ia outou, pe tatau ona tatalo o le fafine i le 14 Atua ma le le ufusitia. E le aoao mai ea le loto-tagata ia te outou, a uumi le lauulu o le tane o le mea

lava lea e mā ai ia? A e 15  
peitai, a uumi le lauulu o le  
fafine o le mea lea e viia ai  
ia; aua ua foi mai lona  
lauulu e fai ma ufiufi ia te  
ia. A e afai e faafinai se 16  
tasi, e leai se tu faapea ia i  
matou, e leai foi i ekalesia  
o le Atua.

A ou te le taulelei atu ia 17  
te outou i lo'u te fai atu ai  
mei, ona ua le iu i se lelei la  
outou faapotopoto, a e iu  
vale i se leaga. Aua e 18  
muamua lea ua logo mai ia  
te au, pe a potopoto outou i  
le ekalesia ua ia te outou  
maseseiga; ia i ai foi lau  
taofi i lona tala: E tatau 19  
ona tupu maseseiga ia te  
outou, ina ia faaalua o e ua  
amio tonu o ia te outou. O 20  
lenei, pe a potopoto outou i  
le mea e tasi, e le faapea  
outou ina ia outou aai i le  
faigaai a le Alii. Aua ua 21  
taitoatasi ma muai fai lona  
lava aiga; ua lona le tasi,  
ma malie le tasi. Se a foi? 22  
E leai ea ni o outou fale,  
tou te aai ai ma inu ai? poo  
ua faatauvaia ia te outou ea le  
ekalesia a le Atua, ma outou  
faamamā atu i e ua mati-  
tiva? Se a ea la'u e fai  
atu ai ia te outou? Ou te  
taulelei atu ea ia te outou  
i lenei mea? Ou te le  
taulelei lava. O au foi, na 23  
ou maua mai le Alii o le  
mea na ou tuuina atu o i  
ia te outou, o lona—O lea  
lava po na faalataina ai le  
Alii o Iesu, na ia tago ai i  
e areto, Ua ia faafetai atu 24

ai, ona tofitofi lea ma fai atu  
ai, Ina tago ia, ina aai; o  
lou tino lenei ua tofitofi ma  
sui o outou, ia outou fai ia o  
lenei mea ma faamanatuga  
25 ia te au. Ua ia faapea foi  
i le ipu ina ua uma o le aiga,  
ua faapea atu, O le ipu lenei  
o le feagaiga fou i lo'u toto,  
ia outou fai ia o lenei mea ma  
faamanatuga ia te au i se aso  
26 tou te feinu ai. Aua o se  
aso tou te aai ai i lenei areto  
ma feinu i lenei ipu, tou te  
faailoa atu ai i le maliu o le  
27 Alii sei afio mai o ia. Le-  
nei la, ai sē 'ai i lenei areto  
ma inu i le ipu a le Alii ma  
le faaletatan, e nofo sala o  
ia i le tino ma le toto o le  
28 Alii. A ia sutesue ifo le  
tagata ia te ia, i le 'ai ai ia  
i lenei areto ma inu i lenei  
29 ipu. Aua o lē 'ai ma inu  
faaletatau ua 'ai o ia ma inu  
i lona lava faasala, ina ua  
le faantautā i le tino o le  
30 Alii. O le mea lea ua  
mamai ai ma vaivai ai ni o  
outou e toatele, ma nai isi e  
31 toatele ua momoe. Aua, a  
na tatou faamasino ia te i  
tatou, po ua le faasalaina i  
32 tatou. A ua aosiina i tatou  
e le Alii ina ua faasalaina,  
ina ne'i matua faasalaina i  
tatou faatasi ma le lalolagi.  
33 O lenei, ou uso e, pe a outou  
faapotopoto e fai ai le aiga,  
ia faatalitali outou le tasi i  
34 le tasi; Afai foi e fia 'ai se  
tasi, ina 'ai ia i lona lava fale;  
ina nei avea la outou potopoga;  
ma mea e faasalaina ai outou. O mea o



totoe ou te faatonu i ai pe a  
ou alu atu.

## O LE MATAUPU XII.

*O le tufatufaina mea faa-  
leagaga i le finagalo o le  
Atamai.*

**L**ENEI, ou uso e, ou te 1  
loto ina ia outou iloa  
ia mea faaleagaga. Ua 2  
outou iloa sa nuu ese outou,  
ia tosinaina i tupua le  
magagana, pei ona soona  
tosina outou. O lenei ou te 3  
fiaailoa atu ia te outou, e  
leai lava se tagata o le tau-  
tala i le Agaga o le Atua e  
ta'uanatemaina e ia o Iesu ;  
e leai foi se tasi na te mafaia  
ona ta'u Alii o Iesu, a le se  
anoa le Agaga Paia. E 4  
matalasi mea alofa, a e tasi  
lava le Agaga ia ; E mata- 5  
lasi foi faiva, a e tasi lava  
le Alii ia ; E matalasi foi 6  
mea mamana, a e tasi lava  
le Atua, o le na te galue ifo  
i mea uma i tagata uma  
lava. Ua foaiina taitasi i 7  
tagata le faaaliga o le  
Agaga e aoga ai. Aua ua 8  
foaiina mai i le tasi le upu  
o le potō i le Agaga, i le  
isi le upu o le malamalama  
i le Agaga e tasi ; I le 9  
tasi le tāofi tonu i le Agaga  
e tasi, i le isi o mea alofa e  
faamalolo ai ma'i, i le  
Agaga e tasi, I le isi o 10  
mea mamana o vavega, i le  
isi o le perofeta, i le isi o  
saga o agaga ; i le tasi  
gagana esecese, i le isi o le

11 faamatalaga o gagana. E  
galue a'ia'i foi na mea uma  
e lea lava Agaga e tasi, o  
loo o tufatufa e ia taitasi i  
tagata ma lana mea, pei ona  
12 finagalo i ai ia. Auā, pei  
o le tino ua tasi ia, ma ona  
itutino e tele, a o itutino, e  
ui ina tele, o le tino e tasi  
lava ia ; e faapea lava o le  
13 Mesia. Auā foi o le Agaga  
e tasi ua papatisoina ai i  
tatou uma i le tino e tasi,  
pe Iutaia, poo Eleni, pe  
pologa, poo sa'oloto ; ma ua  
faainumia i tatou uma i le  
14 Agaga e tasi. Auā foi e  
le se itutino e tasi le tino ia ;  
a e peitai itutino e lasi.  
15 Afai e fai mai le vae, Ona  
ua le o le lima au, ou te le  
so le tino ; e moni ea, e le  
16 o lo le tino ia ? Afai e fai  
mai le taliga, Ona ua le o  
le mata au, ou te le so le  
tino ; e moni ea, e le o lo le  
17 tino ia ? Afai o le tino uma  
lava o mata ia, pe faapefea  
ona faalogo ? Afai na o le  
faalogo lava, pe faapefea  
18 ona sogi ? A e peitai ua-  
tuuina e le Atua itutino tai-  
tasi ma lana tu i le tino,  
pei ona finagalo i ai o ia.  
19 Afai foi o mea uma o le  
itutino e tasi ia, pe faapefea  
20 le tino ? A e peitai e lasi  
itutino, a e tasi lava le tino  
21 ia. E le mafai foi i le mata  
ona fai ane i le lima, E leai  
sou aoga ia te au ; e le ma-  
fai foi i ulu ona fai ifo i vae,  
Lua te le aoga ia te au.  
22 Amaise itutino e taua vāi-  
vāi ua sili lo latou aoga.

Ma e ua taua matagā i le 23  
tino, ua sili lo latou taulelei  
i ai, ma e ua ta'ufaatauva-  
ina ua atili ai ona ta'uleleia  
ia; A e leai se mativa o 24  
e ua tauleleia ua faatatauina  
foi e le Atua le tino uma,  
ua ia tuuina foi le mamalu  
i le itutino ua vāivāi; Ina 25  
nei i ai i le tino se mase-  
seiga, a ia fetausiai faatasi  
uma itutino. Pe afai e tiga 26  
le tasi itutino, ia tiga ma  
itutino uma lava, pe viia le  
tasi itutino, ia olioli ma itu-  
tino uma lava. A o outou, 27  
e outou le tino o Keriso,  
ma itutino taitoatasi. Ua 28  
faatuina foi e le Atua i le  
ekalesia e muamua o apose-  
tolo, o lona lua o perofeta,  
o lona tolu o aoao, pito ane  
i ai o e fai vavega, i le ma  
mea alofa e faamalolo ai  
ma'i, o e fesoasoani, o taitai,  
o gagana eseese. O apose- 29  
tolo uma ea? o perofeta  
uma ea? o aoao uma ea?  
o fai vavega uma ea? ua  
tofua uma ea ma mea alofa  
e faamalolo ai ma'i? E 30  
gagana uma lava ea i gaga-  
na ese? e faamatala uma  
ea? Ia outou naunau i 31  
mea alofa e sili; a e peitai  
ou te faasino atu ia te outou  
le togafiti e silisili lava.

### O LE MATAUPU XIII.

*Ua sili le lelei o le alofa.*

**A**FAI ou te tautala i ga- 1  
gana a tagata atoa ma

agelu, a e aunoa au ma fe-  
alofa, ua avea au ma apa-  
taalili, poo se tanoa tagitagi! 1  
2 Afai foi o ia te au le perofeta,  
ma le iloa o mea lilo uma;  
ma le malamalama uma  
lava; afai foi o ia te au le  
taofi tonu atoa e sii ai mauga,  
a e aunoa au ma le alofa, ou  
te se mea faatauva lava. 2  
3 Afai foi ou te tufatufaina o  
a'u mea uma e fagina ai o  
e matitiva afai foi ou te  
tuuina atu lou tino ia ia  
susunuina ai, a e aunoa au  
ma le alofa, e leai lava sona  
4 aoga ia te au. Ua onosai le  
alofa, e agamalu; e le losi  
losi le alofa; e le oso vale  
le alofa, e le faafeteina, e le  
5 amio matagā; E le sailia o  
ia ana lava mea, e le faaita-  
itagofie, e le manatua o le  
6 leaga; E le fiasia i le agale-  
tonu, a e fiasia i le faamaoni;  
7 E ufufi i mea uma, e tali to-  
nu i mea uma, e faamoemoef  
mea uma, e oono i mea uma.  
8 E le āu uma le alofa; a e pe-  
ni perofeta, e faaleaogaina  
ia; pe ni gagana, e mavae ia;  
poo le iloa, e faaleaogaina  
9 lea. Aua, ua tatou iloa  
faaleātoa, ma tatou te perofe-  
10 feta faaleātoa; A e peitai  
pe a oo mai le atoātoa, ona  
faaleaogaina lea le mea faa-  
11 leātoa. Ina o itiiti a'u ma  
o'u tautala faatamaitiiti, na  
a'u filifili faatamaitiiti, na  
a'u manatunatu faatamaiti-  
iti; a ua oo ina o'u mataua  
ona ou tiai lea o mea a taina-  
12 iti. Aua o ona po nei tatou  
te vaavaai faanefu i le tino.

ata, a o ia ona po tatou te faagai ai; o nei ona po ou te iloa faaletona, a o ia ona po ou te iloa tino, pei ona ua iloatinoina o au. A o 13 lenei, o tumau le faatuatua, ma le faamoemoe, ma le alofa, o na mea e tolu; a o le sili o na mea o le alofa lea.

## O LE MATAUPU XIV.

*O le ta o mea faaleagaga o i le ekalesia.*

I A outou tausisi i le alofa, 1 ia naunau foi i mea faaleagaga, amaise ina outou perofeta ane. Auā o lē tau- 2 tala i le gagana ese, e le tautala ia i tagata; a o le Atua; aua e leai se lagona, a e tautala ia i le Agaga i mea liko; A o lē perofeta ane e 3 tautala ia i tagata, ona o le faamafanafanaga, ma le apopoaiga, ma le fetomaiga. O lē tautala i le gagana ese 4 e faamafanafana e ia ia ia, a o lē perofeta ane e faamafanafana ia i le ekalesia. Ou te 5 loti ina ia outou tautala uma i gagana ese, amaise ina ia outou perofeta ane; auā e sili lē perofeta i lē tautala i gagana ese, a le faamatala ia, ina ia faamafanafanaina le ekalesia. A o lenei, le 6 au uso e, afai ou te alu atu ia te outou ma tautala i gagana ese, se a ea so'u aoga ia te outou, pe afai ou te le tautala atu ia te outou i le faaliga, poo i le malamala-

ma, poo i le perofeta, poo i 7 le aoga? E faapea foi e mea le ola ua taalili mai, leo, poo le fagufagu, poo le kitara, a le fetatitai leo, e iloa ea faapefea le mea ua 8 ilia mai ma taia mai? Auā, a faaletona le leo o le pu, o ai ea se na te saunia ia ia 9 i le taua? E faapea foi outou, afai tou te le sauniuni atu i o outou lanlaufaiva ni upu matala, e iloa ea faapefea le upu ua faia? auā e tautala ata outou i le gao- 10 gao. Atonu e faapea ona tele o leo i le lalolagi, a e 11 tofi ma lona uiga. O lenei, afai ou te le iloa le uiga o le leo, ua avea au ma tagata ese i lē tautala mai; o lē tautala mai foi o le tagata 12 ese ia ia te au. Ia faapea foi outou, ina ua outou nau- nau i mea faaleagaga, sailili ia ina ia sili outou e faamafanafanaina ai le ekalesia. 13 O lenei, o lē tautala i gagana ese, ina tatalo ia, ina ia 14 faamatalaina e ia. Auā, afai ou te tatalo i le gagana ese, ua tatalo ai lo'u agaga, a ua le fua lava lo'u mana- 15 tu. Ia, a faapefea? ou te tatalo i le agaga, ou te tatalo foi i le manatu; ou te pese i le agaga, ou te pese foi i 16 le manatu. A le faapea, pe a e faafetai i le agaga i lau faamanu, pe faapefea ona amene mai o lē o nofo i le mea e nofo ai valea, ona ua le lagona ia i lau upu? 17 Aua ua malie lava lau faamanu, ona ua le faamafana-

fanaina lē tasi. Ou te faa- 18  
fetai i lo'u Atua, ina ua sili  
la'u tautala i gagana ese ia  
te outou uma lava; A e 19  
peitai ou te loto ina ia ou  
tautala i le ekalesia ni upu  
se lima ma lou manatu, ina  
ia ou aoao atu i nisi, a e ou  
te le loto i ni upu se mano i  
se gagana ese. Le au uso 20  
e, aua tou te faatamaiti i le  
mafaufau; peitai ane ia ou-  
tou faatamaiti i le leaga, a  
ia outou faamatutua i le ma-  
faufau. Ua tusia i le tula- 21  
fono, "O loo fetalai mai Ieo-  
va. Ou te tautala atu i  
lenei nuu i gagana ese ma  
laugutu ese; ona ui lava  
ina faapea, latou te le faa-  
logo mai lava ia te au." 22  
Lenei la, o gagana ese, o le  
faailoga ia e le mo e faa-  
logo, a e mo e lē faalogo;  
a o lē perofeta ane, e le se  
faailoga lea mo e lē faalogo  
a e mo e faalogo. Afai foi 23  
e faapotopoto le ekalesia  
uma i le mea e tasi, ma la-  
tou tautala uma i gagana  
eseese, a ulufale atu ni va-  
lelea, poo ni lē faalogo, e le  
ta'uvaleleaina ea outou e i  
latou? A e afai e perofeta 24  
ane uma, ma ulufale atu se  
tasi, o se lē faalogo poo se  
valea, ua aoaiina ia e i latou  
uma, ua faamasinoina e i  
latou uma, Ua aliali mai 25  
ai mea lilo o i lona loto, ona  
pa'ū fao ai lea o ia, ma ta-  
puai atu i le Atua, ma tala  
ātu ai, e moni o ia te outou  
le Atua. O lenei, le au uso 26  
e, pe faapefea Pe a outou

potopoto, ua tofa outou ma  
le pese, poo le mataupu, poo  
le gagana, poo le faaaliga,  
poo le faamatalaga: ia faia  
mea uma e iu ai le faamafa-  
27 nafanaga. Afai e tautala se  
tasi i le gagana ese, ia tau-  
tala taitoalua pe taitoatolu,  
e gata ai, ma feauai; ma  
28 ia faamatala le toatasi. Afai  
foi e leai se na te faamata-  
laina, ia faalologo ia i le  
ekalesia, ma ia tautala lava  
29 e ia ia te ia, ma le Atua. Ia  
tautala perofeta e toalua pe  
toatolu, ma ia faamasinoina  
30 e isi. A e afai ua faali'a  
se mea i se isi o loo o nofo  
mai, ia faalologo lē na mua-  
31 mua. Aua tou te mafaia  
ona perofeta uma taitoatasi,  
ina ia aoaoina uma ma ia  
32 faamafanafanaina uma. E  
usiisitai foi agaga o perofeta  
33 feta i perofeta. Aua o le  
Atua, e le o le Atua ia o le  
feavauai, a o le filemu; faa-  
34 paia. Ia faalologo o outou  
fafine i ekalesia, aua e le  
tuuina ia te i latou e tauta-  
la; a ia latou usiisitai, pei  
ona fai mai ai foi i le tula-  
35 fono. Afai foi ua latou loto  
ina aoaoina i se tasi mea, ia  
latou fesilisili atu i ai i a  
latou lava tane i fale; aua  
o le mea matagā o le tautala  
36 o le fafine i le ekalesia. Na  
alu atu ea le upu a le Atua  
na ia te outou? poo ua na o  
outou ea na oo mai i ai?  
37 Ai se tasi ua ta'ua o le pe-  
rofeta, poo o lē na i ai le  
Atamai, ia iloa tino e ia o

mea ou te tusi atu mei ia te  
outou o pokaiga a le Alii.  
A e afai e masalo vale se 38  
tasi, ia masalo vale pea ia.  
Lenei la, le au uso e, ia ou- 39  
tou naupau ina perofeta;  
aia nei vava'i foi i le tautala  
i gagana ese. Ia faia mea 40  
uma lava ma le matagofie  
atoa ma le sauni lelei.

## O LE MATAUPU XV.

*O le toe tu o e na oti ona o le  
Mesia.*

**L**E au uso e, ou te faa- 1  
iloa atu ia te outou le  
tala lelei ua ou folafolaina  
atu ia te outou, na outou  
talia mai i ai, o loo tumau i  
ai foi outou, Ua ola ai foi 2  
outou;—o le mataupu na  
folafolaina e au ia te outou,  
pe afai tou te taofi mau i  
ai;—afai ua outou le faalogo  
faatauva'a i ai. O isi mea 3  
nei foi o mea muamua na  
tusina atu e au ia te outou,  
na talia foi e au; na malii  
le Mesia ma sui a tatou  
agasala, pei o mea na tusia;  
Na tanu foi ia, ma toe tu 4  
mai i le po tolu, pei o mea  
na tusia. Na iloa mai foi 5  
ia e Kefa, i le ma le toase-  
falu ma le toalua. Ona toe 6  
iloa mai lea o ia e le au uso  
e lima selau ma ona tupu  
ina ua faatasi: o le toatele  
foi o i latou o ola mai, ua  
oo i ona po nei; a o isi ua  
momoe. Ona toe iloa mai 7  
lea o ia e Iakopo, i le ma  
le au aposetolo uma. E 8  
mulimuli lava ona iloa mai

o ia e au nei, e peiseai se  
9 tama fanau le au. Auā foi  
o an, o le aupito ititi a'u o  
le au aposetolo; e le aoga  
ona ta'ua o au o le aposetolo,  
aia na a'u sau atu i  
10 le ekalesia o le Atua. A  
e le alofa tunoa o le Atua  
ua ou faapenei ai au; e  
lona alofa foi o ia te au, e  
le faaleaogaina lea, a ua sili  
la'u galuega i a latou uma;  
—a e peitai e le o au, a o le  
alofa tunoa o le Atua ua ia  
11 te au. O lenei, poo au, poe  
i latou, e faapea ona matou  
tala'iina atu, sa faapea foi  
ona outou tali tonu.  
12 Afai foi ua tala'iina o  
Keriso na ia tu mai nai e na  
oti, pe faapefea ona fai mai  
ai o isi o outou, e leai se toe  
13 tu mai o e na oti? A leai  
se toe tu mai o e na oti, po  
ua le faatuina mai foi Ke-  
14 riso; Afai ua le faatuina  
mai Keriso, po ua faaleaoga  
la matou tala'i, ua faaleaoga  
15 foi lo outou tali tonu. Ua  
avea foi i matou ma moli-  
mau pepelo i a le Atua;  
aia ua molia lava le Atua e  
i matou, na ia faatuina mai  
le Mesia, o le na le faatuina  
e ia, peafai e moi e le toe  
16 tutu mai o e na oti. Auā,  
afai e le tutu mai e ua oti,  
po ua le tu mai le Mesia.  
17 Afai foi ua le faatuina  
Keriso, ua faaleaoga lo ou-  
tou tali tonu, ua nofosalā  
18 pea outou; I le ma lea foi,  
ua fano ia o e ua momoe ia  
19 Keriso. Afai e gata i lenei  
olaga mea tatou te faatali-

tali i ai ia Keriso, ia sili lo matou alofagia i lo tagata uma lava e tusa ai. A e 20 moni, ua faatuina mai Keriso i e na oti, ua avea ma faapolopolo o e na momoe. Ona ua oo mai foi le oti 21 talu le tagata, ua oo mai le toe tutu o e na oti talu le tagata. Aua faapei ona oti 22 uma ia Atamu, e faapea foi ona faaolaina uma i le Mesia. A e peitai e tai- 23 toatasi ma lona lava tofiga; o le faapolopolo o Keriso, mulimuli ane o e o i le Mesia, i lona afio mai. E 24 i ai le gataaga, e tuuina atu ai e ia le malo i le Atua, o le Tamā lea, pe a faaleaogaina e ia malo uma, ma faipule uma ma le malosi. Aua e tatau ona nofo o ia i 25 le malo, seia solia e ia ona fili uma lava i ona vae. O 26 le fili e faagata ai ona faaleaogaina, o le oti lea; Aua, "Ua tuuina e ia i lalo 27 o ona vae mea uma;" a e peitai ona ua fai mai, Ua tuuina i lalo mea uma ia te ia, ua iloa tino ai ua tu'ua o lē na te tuuina i lalo o mea uma ia te ia. Pe a 28 uma foi ona tuuina i lalo ia te ia o mea uma, ona tuuina i lalo foi lea o le Atalii lava i lē na na tuuina i lalo ia te ia o mea uma, ina ia pule aoao le Atua i le aoao o mea. Ia, pe faapefea e o 29 papatisoina ma sui o e na oti? Afai e moni, e le toe tutu e na oti, onā o le a ea ua papatisoina ai i latou ma

30 sui o e na oti? Se a foi e afātia ai i matou i itunese 31 uma lava? Ou te augani i lo'u mitamita ona o outou, ua ia te au i le Mesia o Iesu, lo tatou Alii, ou te 32 oti i aso fai soo. Se a e se aoga ia te au ona ua oti tau ma manu feai i Efeso, pei o la tagata, afai a e le toe tutu e na oti? Ina tatou aai ma inu, auā taeao tatou 33 te oti ai. Aua nei faase-seina outou; "O tautalaga leaga e leaga ai amio lelei." 34 Ina ala mai ia i le amio tonu, aua nei agasala; auā ua peuliuli nisi i la le Atua ou te faapea atn ia te outou e faamā ia te outou. 35 A e fai mai se tasi, Pe faapefea ona tutumai e ua oti? Se fea tino foi latou 36 te o mai ai? O oe le vae lea! o le mea e luluina e oe e lē ola ia peafai e lē 37 pala. O le fua foi e te lula, ua lē luluina e oe le tino e tapu ai; a o le fua lava, poo se saito, poo se tasi. 38 laau. A e peitai ua avam i ai le tino e le Atua, pei ona finagalo i ai o ia; o fua foi taitasi ma lona lava tino. 39 Ua le tino e tasi tino uma lava; a e ese le tino o tagata, ese le tino o manu, ese le tino o i'a, ese le tino o manu felelei. E i ai foi tino faalelagi ma tino faalelalolagi; a e ese le mamalu o le faalelalolagi, ese 40 lo le faalelagi. E ese le mamalu o le la, ese foi le mamalu o le masina, ese foi

le mamaku o fetu; aua ua  
 eoe le mamaku o le tasi fetu  
 i lo le tasi fetu. E faapea 42  
 foi le toe tatu-mai o e na  
 oti; e luluina ia ma le pala,  
 e faatuina mai ma le lē pala;  
 E luluina ma le matagā, e 43  
 faatuina mai ma le mata-  
 gōfē; E luluina ma le 44  
 vāivāi, e faatuina mai ma le  
 malosi; e luluina faaletino,  
 e tu mai o le tino faaleata-  
 mai; e i ai le tino faaletino,  
 e i ai foi le tino faaleatamai.  
 Pei o le na tusia “Na faia 45  
 Atamu le uluai tagata ma  
 agaga ola;” a o le Atamu  
 mulinauli ua fai ma Atamai  
 faola ia. A e peitai e le 46  
 muamua le tino faaleatamai,  
 a o lē faaletino, ona muli-  
 muli ai lea o lē faaleatamai.  
 E faaleelele le uluai tagata 47  
 na fua mai i le elele; a o  
 le tagata mulimuli o le Alii  
 lea mai le lagi. Pei o lē 48  
 faaleelele, e faapea lava o  
 e faaleelele; pei o lē faa-  
 lelagi, e faapea lava o e  
 faalelagi. Faapei ona faa- 49  
 tusaina i tatou i lē faa-  
 leelele, e faapea lava ona  
 faatusaina i tatou i lē faale-  
 lagi. Le au uso e, o lenei 50  
 la’u’e fai atu ia te outou, e  
 le mafai ona avea le malo  
 o le Atua ma tofi o le ta-  
 gata faaletino; e le fai foi  
 le ola-pea ma tofi o le iu-  
 vale. Faauta mai, ou te tau 51  
 atu ia te outou i le mea  
 hlo; e le momoe i tatou  
 uma, a e liua i tatou uma.  
 E faafuase’i lava e pei o le 52  
 eni o le mata, pe a ilia le

pu faauma; e ilia lava, e  
 tutu mai ai e na oti ma le  
 ola pea, e liua foi i tatou.  
 53 Aua e tatau ona ofu lenei  
 iuvale i le ola-pea, ma lenei  
 54 oti i le le-āu-oti. Pe a ofu  
 foi lenei iuvale i le ola-pea  
 ma lenei oti i le le-āu-oti,  
 ona tannu ai lea o le upu  
 ua tusia; “Ua matua faa-  
 toilaloina le oti i le manu-  
 55 malo.” Le oti e, o i fea o  
 i ai lou tui? Le tuugamamā  
 e, o i fea o i ai lou malo?  
 56 O le tui o le oti o le aga-  
 sala lea, o le malosi foi o le  
 agasala o le tulafono lea;  
 57 A e faafetai i le Atua, o le  
 na te foaiina mai le manu-  
 malo ia te i tatou, talu lo  
 tatou Alii o Iesu Keriso;  
 58 Lenei la, o’u uso pele e, ia  
 outou tutumau ma le lē faa-  
 gacetiā, ia outou matua ga-  
 lulue i la le Alii ma le lē  
 aunoa; ina ua outou iloa e  
 le faaleaogaina lo outou tau-  
 tiga i le Alii.

## O LE MATAUPU, XVI.

*O saminiga esee, ma le moliga  
 a le alofa.*

1 **O** LE aotelega foi mo le  
 au paia, pei ona o’u  
 poloi atu i ekalesia i Ka-  
 latia, ia faapea foi outou  
 2 ona fai. I lea aso-sa, ma  
 lea aso-sa, ia taitasi ma tun-  
 ane ai ni ana mea, ia tun-  
 mea e faaetiā ma lona ma-  
 nuia; ina nei faia ni aote-  
 3 lega pe a ou alu atu. Pe a  
 ou alu atu ona ou auina atu

lea o e filifilia e outou ma le tusi, latou te momoli atu i a outou mea alofa i Ierusalem: Afai foi e tatau 4 ona ou alu foi, matou te o faatasi ma a'u. Ou te alu 5 atu foi ia te outou pe a ou ui ane i Maketonia; aua ou te ui ane lava i Maketonia. Atonu foi tatou te mau ma 6 outou, pe seia te'a mai le tau maalili; ina ia molia e outou la'u malaga i le mea ou te alu i ai. Aua ou te 7 le loto nei ina na ona o'u afe atu e asiasi ia te outou; a ou te faanaunau ina ia levaleva ane lo'u nofo ia te outou, a finagalo i ai le Alii. A ou te nofo pea i 8 Efeso seia oo i Penetekoso. Aua ua faaavanoa mo au 9 le faitotoa lautele, ma le matua aoga, e toatele foi o finafinau mai.

Afai e alu atu Timoteo 10 ia te outou, ia outou faateete ina ia i ai o ia ia te outou ma le le atuatuvaile; auā ua faia e ia le galuega a le Atua pei o a'u nei: Aua nei ta'ufaatauvaaina ia 11 e se tasi, a ia molia mai ia e outou ma le saogalemu, seia oo mai ia ia te au; aua matou te faatalitali atu ma le au uso ia te ia. O lo 12 tatou uso foi o Apolo, sa tele lo'u fai atu ia te ia, ina ia latou o atu ma le au uso ia te outou; a e peitai e lei loto ia ina alu atu i ona po

nei, a e alu pe a oo mai ona 13 po e tatau ai. Ina mataala ia outou, ia outou tutumau i le faatuatua, ia outou faa-tamatane, ia malolosi ia ou- 14 tou. Ia faia uma a outou mea i le alofa.

15 Le au uso e, ua outou iloa le aiga o sa Setefanā, o le faapolopolo ia o Akaia; ma ua tofia i latou e i latou e auaina i le au paia; ou te aloi atu ia te outou,

16 Ia outou usiusitai i e o faapea, taitasi o e fesoasoani

17 ma tau tigaina. Ua ou fiafia i le oo mai o Setefana ma Fotunato ma Akaiko, aua ua latou faaatoatoa mai

18 a outou mea; Aua ua latou faamafanafanaina o lo'u loto, atoa ma lo outou: o lenē ia outou tali lelei i e ua

19 faapea. O loo o alolofa atu Ekalesia o Asia ia te outou. O loo o alolofa tele ia te outou i le Alii o Akula, ma Pisila, ma le ekalesia i 20 lo latou fale. O loo o alolofa atu ia te outou le au uso uma. Ia outou fealofani i le feasogi paia.

21 O au o Paulo, si ou alofa atu ia te outou i la'u lava 22 tusi-lima. Ai se tagata e le loto atu i le Alii o Iesu Keriso ia ANATEMA MA-

23 RANATA lava ia. Ia ia te outou le alofa tunoa o le

24 Alii o Iesu Keriso! Ia ia te outou uma lo'u alofa i le Mesia o Iesu! Amene.



O LE TUSI E LU'A A

## PAULO LE APOSETOLO I KORINTO.

### O LE MATAUPU I.

*O le tu na tala'i ai e Paulo i le tala lelei i Korinito.*

**O** A U o Paulo, o le apo-  
setolo a Iesu Keriso i  
le finagalo o le Atua, ma  
lo tatou uso o Timoteo ;—o  
la ma tusi lenei i le ekalesia  
o le Atua o i Korinito, atoa  
ma le au paia uma o i  
Akaia uma lava. Ia ia te  
outou le alofa tunoa, ma le  
manuia mai le Atua lo tatou  
Tamā, ma le Alii o Iesu  
Keriso.

Ia faamanuina le Atua, o  
le Tamā o lo tatou Alii o  
Iesu Keriso, o le Tamā e  
ona le alofa mutimutivale,  
o le Atua foi e ana le faa-  
mafananafanaga uma; O le  
na te faamafananafanaina mai  
ia te i matou i lo matou  
puapuaga uma lava, ina ia  
matou mafaia ona faamafa-  
nafana atu i e o i se pu-  
puaga, i le faamafananafanaga  
ua faamafananafanaina ai i  
matou e le Atua. Auā, pei  
ona faāpue mai ia i matou  
o puapuaga o le Mesia, O

loo faapea foi ona faāpue  
mai o lo matou faamafana-  
6 fanaga i le Mesia. Pe afai  
ua puapuagatia i matou, ua  
faapeaina ona o lo outou  
faamafananafanaga ma faaola-  
taga, o le o matua galue ma  
le onosai i ia lava puapuaga  
ua matou tiga'ai : (ua tumau  
foi lo matou faatuatua ia te  
outou,) pe afai foi ua faa-  
mafananafanaina i matou, ua  
faapeaina ona o lo outou  
faamafananafanaga ma faao-  
7 lataga. O loo matou o  
iloa, faapei ona faatasia ou-  
tou i puapuaga, e faapea foi  
8 i le faamafananafanaga. O  
lenei, matou te loto, le au  
uso e, ina ia outou iloa o le  
puapuaga na oo mai ia te i  
matou i Asia, sa silisili ona  
mafatia tele o i matou, e lei  
au i ai lo matou malosī, na  
oo lava ina matou fememeai  
9 i le ola. A ua ia te i ma-  
tou le manatu i le oti, ina  
nei matou faatuatua ia te i  
matou, a o le Atua na te  
10 faatuina i e na oti. O lē  
na laveai mai ia i matou ai  
le oti e faapea ona tele, o  
loo o laveai mai nei foi, ua

matou faatuatua foi ia te ia, e laveai mai pea ia te i matou. O outou foi o loo fesoasoani mai i le tatalo mo i matou, ina ia faafetai e le toatele ona o i matou, le alofa na oo mai ia te i matou ona o le toatele.

O lenei foi le mea matou te mitamita ai, o le mau o lo matou manatu ifo, o le faamaoi ma le loto manino e tatai i le Atua, (e le o le pota faaletino, a o le alofa tunoa o le Atua,) ua matou feoai i le lalolagi, ua atili ai foi ia te outou. Auā matou te lē o tusi atu ni mea ia te outou, e ese i ia mea ua outou faitau ai, ma talia foi i ai; ou te faatuatua foi ina ia outou talia i ai seia oo i le gataaga; Pei ona outou talia mai o i matou a e faaleatoa, o i matou foi tou te mitamita ai, pei o outou matou te mitamita ai i le aso o le Alii o Iesu. O le faatuatua foi lenei, sa ou manao ai ou te muai atu ia te outou, ina ia outou maua faalua se alofa; Ona ui atu ai lea i le ala i o outou i Maketonia, i le toe sau mai Maketonia ia te outou, ona molia ai lea a'u e outou i Iutaia. Lenei, pe ai ea sa'u agafaamamā ina ua faapea lo'u filifilia? Poo ua ou filifili ea i la le tino i mea ou te filifili ai, ina ia ia te a'u le ioe, ioe, ma le leai, leai? A o loo faamaoi le Atua, sa le ioe ma

leai, la matou upu ia te outou. Aua o le Atua o le Atua, o Iesu Keriso, o lē na talaiina atu ia te outou e i matou, o au ma Siluano ma Timoteo, sa le ioe ma leai ia, a ua ioe ia te ia. Auā, o folafolaga uma a le Atua, o le ioe ia ia te ia, o le amene foi ia te ia, e iu atu ai i le viiga i le Atua ona o i matou. O lē na te faatumauiina foi i matou faatasi ma outou i le Mesia, ma ua faauu mai ia te i matou, o le Atua lea; O lē ua faailogaina mai ia i tatou, ma ua foaiina mai le faamaoni o le Agaga i o tatou loto.

23 Ou te augani foi, ia sisila mai le Atua i lo'u nei agaga, na le oo la'u malaga i Korinito, ina ia ou faape-

24 lepele ia te outou. E leai foi so matou faafiapule i lo outou faatuatua, a o fesoasoani i matou i lo outou olioli; auā o le faatuatua tou te tutumau ai.

## O LE MATAUPU II.

*O le alofa tele o Paulo ia te i latou, ma le tagata na pa'u.*

1 SA faapea foi lo'u manatu ia te au, ou te le toe atu ia te outou ma le tiga.

2 Auā afai ou te faatiga ia te outou, po o ai foi se na te faafafaa mai ia te au, afai e le o ia ua faatigaina e au?

3 Sa ou tusi atu foi i lenei ia te outou, ina nei manao au e

le tige ai ia te i latou, e  
tatau ona ou olioli ai pe a  
ou alu atu; ou te faatuatua  
lava ia te outou uma, o lou nei  
fiafia, o le fiafia lea o outou  
uma. Aua o le puapuaga tele  
4 atoa ma le atuatuvaile o le  
loto, na ou tusi atu ai ia te  
outou ma loimata e tele; e  
lei ina ia faatigaina outou, a  
ia outou iloa ai lo'u alofa  
ua matua tele ia te outou.

Lenei, afai ua faatupuina 5  
le tige e se tasi ua le faatiga  
ia te au na o au; ae peitai  
(ina nei o'u faamamafa atu,) atoa ma outou uma. Soia 6  
i le ua faapea, tau lava o  
lenei sala na siitia e le toa-  
tele. A o lenei ia outou 7  
faamagalo atu ma faama-  
fanafana atu ia te ia, ina  
nei tofatumoanaina o le ua  
faapea i le tige matua tele.  
O lenei ou te aioli atu ia te 8  
outou ina ia faamausali lo  
outou alofa ia te ia. O le 9  
mea lava lea na ou tusi atu  
ai, ina ia ou iloa le faailoga  
ia te outou, po ua outou  
anaana i mea uma. O le 10  
ua outou faamagalo atu i ai  
se mea, o au foi lea: aua,  
afai na ou faamagalo atu se  
mea, o le na ou faamagalo  
atu i ai, na ou fai lava i ai  
ona o outou i luma o Keriso;  
ina nei 'ole'olegia i tatou e 11  
Satani: aua tatou te le o  
palea i ana togafiti.

Na au alu atu foi i Teroa 12  
oua o le tala lelei i le Me-  
sia, na toina mai foi ia te  
gu, se faitotoa o le Alii, a o'u  
te, le iloa sina filemu i lo'u

loto ina ua ou le maua atu  
13 o lo'u uso o Tito: Aua  
ou faamavae atu ia te i  
latou, ma alu atu i Make-  
14 tonia. Ua faafetai i le  
Atua, o le ua matou ma-  
numalo soo ai i le Mesia, o  
le ua matou faaali atu ai  
foi i nuu uma le manogi o  
15 le mataupu ia te ia. Aua  
o le nanamu i matou ia  
Keriso, i le Atua i e o faa-  
olaina, atoa ma e o malaia:  
16 O le manogi o le oti e oo i le  
oti i nisi; o le manogi foi  
o le ola e oo i le ola i nisi.  
Po o ai foi se e tusa ma  
17 nei mea? Aua o i matou  
nei, e le pei o ni e toatele o  
e o faafilogia le afiga a  
le Atua; a ua matou tau-  
talatala atu i a Keriso ai le  
loto manino, mai le Atua, e  
i luma foi o le Atua.

### O LE MATAUPU III.

*O le lelei silisili ese o le sauniga  
o le tala lelei.*

1 **A** MATOU toe amata  
ea ona ta'ulelei i ma-  
tou ia te i matou? Pe e  
aoga ea ia te i matou, pei  
o nisi, ni tusi e ta'ulelei ai  
e avatu ia te outou? Peo  
ni tusi e ta'ulelei ai mai ia te  
2 outou? O outou o la matou  
tusi o tusia i o matou nei  
loto, ua iloa ma faitaulia e  
3 tagata uma. O loo o faa-  
lia outou, o outou o le tusi  
a Keriso ua saunia e i ma-  
tou, e lei tusia i le vaitusi,  
a o le Agaga o le Atua

seifua; e le e papa-tusi  
maa foi, a e papa-tusi aano  
o le loto.

O loo ia te i matou lenei 4  
faatutuaga i le Atua ona  
o le Mesia: Aua e le aoga 5  
pe a na o i matou, ona ma-  
natunata i se mea, peiseai  
na ia te i matou, a e mai le  
Atua lo matou aoga; O 6  
ia foi na faasogaina i ma-  
tou e fai ma auaua o le  
feagaiga fou; e le o le tusi,  
a o le agaga; aua e a le  
tusi e faati, a e a le agaga  
e faola. Aua afai sa faapea 7  
le mamalu o le sauniga na  
oo mai ai le oti, na togi ai  
i mataitusi i maa, ua le  
mafai ai sa Israela ona pu-  
latoa atu i sofoga o Mose  
ona o le mamalu o ona fo-  
foga, o le mamalu lea e fa-  
aumatia; E le sili ea i seā 8  
le mamalu o le sauniga na  
oo mai ai le agaga? Auā, 9  
afai sa mamalu le sauniga  
na oo mai ai le faasala, e  
matuā sili lava ona mamalu  
le sauniga na oo mai ai  
le agatonu. Auā foi o 10  
lē na faamamaluina e leai  
sona mamalu i leni mea,  
ona o le mamalu e silisili  
ese. Afai foi sa mamalu lē 11  
a faaumatia, e matua sili le  
mamalu o lē a tumau. O 12  
leni ona ua ia te i ma-  
tou leni faamoemoe matou  
te matuā faamalosi; E 13  
le pei o Mose na tuu e  
ia le ufufi i ona sofoga,  
ina ia le mafai ona pulatoa  
ai sa Israela i le inga  
o le ua faaumatia; Ae 14

peitai sa faatanaseina o la-  
tou manatu; aua na oo mai  
i nei ona po o tumau pen-  
lea lava ufufi pe a fa-  
tauina le feagaiga tuai e lei  
tuueseina; ua faaumatia foi  
15 lea talutalu Keriso. Aua  
oo i nei ona po, e loo i al-  
lava le ufufi i o latou loto  
pe a faitauina la Mose.  
16 Ae peitai pe a kilu i le  
Alii, ona aveeseina ai lea  
17 le ufufi. O le Alii foi o  
le Agaga ia; o le mea o i  
ai le Agaga o le Alii, o i  
18 ai le suolotoga. A o i tatou  
uma, o loo vaavai i tatou  
ma mata e le ufufi i le  
mamalu o le Alii, ua fua  
ai i tatou i lea lava faatasa  
na i le mamalu e oo i le  
mamalu, faapei ona mai le  
Agaga o le Alii.

#### O LE MATAUPU IV.

*O puapuga o Paulo, ma lona  
maelega i le sauniga o le ta-  
la lelei.*

1 **O** LE mea lea, ona ua ia  
te i matou leni faiva,  
matou te le faavaivai ai, ina  
2 ua alofaina i matou; A  
ua matou taumamao i le  
mou mea lilo e mamā ai, e  
le o savavali ma le fafaga;  
e le o faafilogia e i matou  
le afiga a le Atua; a ua  
faailoa matou e i matou i le  
manatu ifo o tagata uma i  
luma o le Atua i lo matou  
faaali atu i le mea moni.  
3 Afai foi ua ufufi la matou  
tala lelei, ua ufufi ia i e o

fanoia : Ua faatauasoia o 4  
manatu o e le faalogo ia te  
i latou e le atua o le lalola-  
gi-mei, ina nei pupula atu ia  
te i latou le malamalama o  
le evagelia mamalu a le  
Mesia, o le faatusa lea o le  
Atua. Auā matou te le 5  
tala'ina i matou, a o le  
Mesia o le Alii o Iesu, o i  
matou nei foi o a outou au-  
auna ona o Iesu. Auā o le 6  
Atua o lē na fai atu ia pu-  
pula mai le malamalama  
mai le pouliuli, ua faapu-  
pula mai e ia i o matou  
loto, ina ia malamalama e  
iloa ai le mamalu o le Atua  
i fofoga o Iesu Keriso.

A ua ia te i matou lenei 7  
oa i ipu omea, ina ia i ai i  
le Atua le matua tele o le  
mana, a e le mai ia te i ma-  
tou. Ua puapugatia i ma- 8  
tou i mea uma, a e le faaa-  
tuatuvaleina ; ua fememeai,  
a e le matua fememeai ;  
Ua sauaina, a e le tuulafoa- 9  
iina ; ua lafotuina i lalo, a  
e le fanoia ; O loo tauave 10  
i le tino e le aunoa le faa-  
tiga o le Alii o Iesu, ina ia  
faaalia foi le ola o Iesu i o  
matou tino. Aua o i ma- 11  
tou nei o loo ola ua tuuina  
atu soo i le oti ona o Iesu,  
ina ia faaalia foi le ola o  
Iesu i o matou tino auga-  
vale. O lenei ua galue le 12  
oti i totonu ia te i matou, a  
o le ola i totonu ia te outou.  
O loo ia te i matou lea lava 13  
agaga o le faatuatua, pei o  
lē na tusia, " Na ou faatua-  
tua, o le mea lea na ou tau-

tala atu ai" ; O i matou foi  
ua matou faatuatua, o le  
mea lea ua matou tantala  
14 atu ai. O loo o iloa e i  
matou, o ia na faatu i le  
Alii o Iesu, e faatutu foi e  
ia ia te i matou ia Iesu, ma  
faao ia te i matou faatasi  
15 ma outou. Aua ona o ou-  
tou o mea uma, ina ia faa-  
tele ai le viiga i le Atua e  
le faafetai o le toatele ona o  
le alofa tunoa ua matua tele.  
16 O le mea lea matou te le  
faavaivai ai, aua e ui lava  
ina faataugaina lo matou  
tagata i fafo, ua faafouina  
lē i totonu, i lea aso ma lea  
17 aso. Auā o lo matou pua-  
puga ma le mamasagia,  
ma le vave mavae, e tupu  
mai ai mo matou le mamalu  
mamafa e matua silisili ese  
18 lava, ma le faavavau. O  
loo o matou lē manatunatu  
i mea o vaaia, a o mea e le  
o vaaia ; aua o mea o vaaia,  
e lē tumau ia, a o mea e lē  
o vaaia e faavavau ia.

## O LE MATAUPU V.

*O le faatuatua o Paulo i le ma-  
malu e faavavau,—ma le tu  
na ia fai ai le galuega a le  
Atua.*

1 **A**UA ua matou iloa e ui  
lava ina lepetia' lo ma-  
tou faleapitaga faalelalogi,  
ua ia te i matou le fale mai  
le Atua, o le fale e lei faia  
e lima, e faavavau i le lagi.  
2 Auā, i lenei fale ua matou  
feoi ; o loo naunau tele i le

fia faaofuina i lo matou fale mai le lagi: Afai foi o 3 faaofuina i matou, e le maua mai o i matou e le o lava-lavā. Aua o i matou o i 4 lenei faleapitaga, ua feoi i matou o loo o mafatia; e le ona ua matou loto ina ia tatala-eseina ofu, a ia faaofuina, ina ia tofatumoanaina le iuvale e le ola. O ia foi 5 na saunia i matou mo lenei lava mea, o le Atua ia, o ia foi na foai mai le faamaoni e le Agaga ia te i matou. O lenei ua matou faamalosi 6 e le aunoa, ona ua iloa, manū o matou o nonofo i le tino, ua mamao i matou ma le Alii: (Aua ua matou 7 savavali i le faatuatua, a e le i le vaavaai:) Ua ma- 8 tou faamalosi ma ua sili lo matou manao ia mamao i matou ma le tino, a ia nonofo i matou ma le Alii. O lenei, pe matou te i ai, 9 pe matou te le i ai, ua matou loto malosi ina ia fiafia mai o ia ia te i matou. Aua 10 matou te aliali uma lava i luma o le tulaga o le Mesia, e tatau ai; e taitasi ai ma talitali i mea na faia i le tino, e pei o mea na faia, pe lelei pe leaga. Lenei 11 ona ua matou iloa le matautia o le Alii, ua matou pulunaunau atu ai i tagata; ua silafia mai i matou e le Atua, o la'u taofi foi ua iloa mai i matou i o outou manatu ifo. Aua e le toe 12 tauleleia matou e i matou ia te outou, a ua matou

avatu ia te outou se mea tou te mitamita ai ona o i matou, ina ia ia te outou se mea e fai atu ai i e o mitamita i a le tino, a e le i le 13 loto. Auā, pe afai ua matou valea, ona o le Atua *lea*; pe afai ua matou atamamai, 14 ona o outou *lea*. Auā, na pulunaunau mai le alofa o le Mesia ia te i matou; o loo o manatu faapea i matou, afai na oti le toatasi ona o *tagata* uma, ua oti 15 lava *tagata* uma: Na oti foi ia ona o *tagata* uma, ina ia lē ola pea o e ola mo i latou, a ia te ia o lē na oti ma toe tu mai ona o i latou. 16 O lenei, e amata i nei ona po ona matou le toe iloa se tasi i la le tino, e ui lava ina iloa e i matou o Keriso i la le tino; a o lenei ma- 17 tou te le toe iloa. O lenei, afai o i ia Keriso se tasi, o le tagata four ia; ua mavae mea tuai; faauta, ua faa- 18 fouina mea uma. O mea uma foi, mai le Atua ia, ua uma ona faaleleia e ia o i matou ia te ia ona o Iesu Keriso, ua tuuina mai foi ia te i matou le sauniga o 19 le faaleleiga. O lenei sa ia Keriso le Atua, o loo o faaleleia e ia le lalolagi ia te ia, o loo lē taua a latou agasala ia te i latou; ua ia tuuina mai foi ia te i matou 20 le upu o le faaleleiga. O lenei o tausavali i matou a Keriso, peiseai ua aiei mai le Atua ia te outou i ā matou; matou te ole atu, o sui i

matou o Keriso, ia outou faaleleleia i le Atua. Aua o ia 21 na le iloa le agasala, na faia lea e ia ma agasala, o le sui o i tatou; ina ia avea i tatou ma agatonu o le Atua ia te ia.

## O LE MATAUPU VI.

*O le faamaoni o Paulo i le sauniga o le tala lelei.*

**O** LENEI foi, o i matou 1 o faigaluega faatasi ma fa, ua matou aoi atu ia te outou, ina nei talia fua e outou le alofa tunoa o le Atua. (Aua ua faapea mai 2 o ia, "O le tausaga tatau na ou faalogo ai ia te oe, o le aso foi o le faaolataga na ou fesasoani ai ia te oe;" fauta, o lenei le tausaga e talileleia mai ai; fauta o lenei le aso o le faaolataga.) O loo o matou le tuuina 3 atu i se tasi se mea na te tausua ai, ina nei tauleagaina le faiva: A ua faai-4 loa i matou e i matou o anauna a le Atua, i le onosai tele, i puapuaga, i malatia, i atuatuvaale, i sasaina, 5 i tuuina i falepuipui, i faaletaupulea, i galuega, i mataala, i matelaina; I le 6 amio mama, i le potu, i le faapalepale, i le agamalu, i le Agaga paia, i le alofa moni, I le upu moni, i le 7 mana o le Atua, e le auupega o le agatonu i le itu tau-matau atoa ma le itu tau-agavale, E le viiga ma le 8

faaleagaina, e le tauleleia ma le tauleagaina; peiseai o e faasese, a e faamaoni 9 lava; Peiseai ua le iloa, a na lau iloa; peiseai a oti, faauta foi, o loo o ola i matou; o loo aoiaina, a e le 10 faaotia; Peiseai o tiga, a o loo olioli pea; peiseai o matitiva a e faatamaoiga i e toatele; peiseai e leai sina mea o ia te i matou, a o loo ia te i matou mea uma.

11 Outou Korinito e, ua faamagaina atu lo matou gutu ia te outou, ua faateleina lo 12 matou loto ia te outou. E le o i matou ua outou atu-atuvaale ai, a ua outou atu-atuvaale i o outou lava loto. 13 (Ou te fai atu ia te outou pei o la'u fanau) ia faateleina mai foi lo outou loto, e 14 tau mai ai. Aua tou te amo faalegatasi ma e le faalogo: aua e faapefea ona faatasi le agatonu ma le agaletonu? E faapefea foi ona mafuta le malamalama 15 ma le pouluili? E faapefea foi ona loto gatasi o Keriso ma Pelialo? Pe faapefea foi ona tofia faatasi le faa- 16 logo ma le le faalogo? E faapefea foi ona tuu faatasi le malumalu o le Atua ma tupua? Aua o outou le malumalu o le Atua soifua, pei ona fai mai o le Atua, "Ou te nofo i totonu ia te i latou, ou te savali foi i totonu ia te i latou; e fai au mo latou Atua, e fai foi i 17 latou mo'u tagata. O lenei

ina o mai ia outou nai to-  
tonu ia te i latou, ma ia ou-  
tou vavae mai, ua fai mai  
ai le Alii, aua foi tou te  
papai atu i lē ua lē mama;  
ona a'u talia ai lea o outou,  
E fai foi a'u mo outou Ta- 18  
ma, e fai foi outou mo'u  
atalii ma o'u afafine, ua fai  
mai ai o Ieova le malosī sili."

## O LE MATAUPU VII.

*O le uiga o le salamo moni.*

**O** LENEI, le au pele e, 1  
ona ua ia te i tatou o  
ia upu ua folafolaina mai,  
ia tatou faamamā ia te i  
tatou nai mea uma e eleelea  
ai le tino atoa ma le agaga,  
o loo faatoatoaina le amio  
paia i le mata'u i le Atua.

Ia outou tali lelei mai ia 2  
te i matou; matou te lei  
agaleaga atu i se tasi, matou  
te lei faaleagaina se tasi,  
matou te lei matapeapea i  
se tasi. Ou te le faapea, e 3  
acai atu ai ia te outou: auā  
ua uma ona a'u muai fai  
atu, o loo i o matou loto o  
outou, tatou te oti faatasi  
ma ola faatasi ma outou. E 4  
tele lo'u faamalosi atu ia te  
outou, ua tele lo'u mita-  
mita ona o outou: ua faa-  
tumuina o a'u i le mafana-  
fana, ou te matua olioli tele  
lava i lo matou puapuga  
uma. Auā na matou o mai 5  
i Maketonia, sa leai se mapu  
i o matou tino, ae peitai sa  
puapugatia i matou i mea  
uma, o taua i fafo, o i totonu  
o mata'u. A o le Atua o 6

lē na te faamafanafanaina:  
e ua maualalo, na ia faama-  
fanafana mai ia te i matou;  
7 le oo mai o Tito; E le na-  
lona oo mai, a e peitai o le  
faamafanafanaga na faama-  
fanafanaina ai o ia e outou;  
i lona ta'u mai ia te i matou  
lo outou naunau tele, le  
outou tagi tele, lo outou  
loto tele mai ia te au; o le  
mea lea sa atili ai lo'u oli-  
8 oli. Aua, afai na au faatiga-  
ia te outou i le tusi, ou te le  
salamo ai, e ui lava ina au  
salamo ai; aua ua ou iloa  
sa faatigaina outou e lena  
tusi, na o sina ituaso ititi.  
9 O lenei ou te olioli, e lē ona:  
ua outou tiga, a ina ua ia  
lo outou tiga i le salamo:  
aua na faatigaina outou e  
tusa i le Atua, ina nei maua  
mau e i matou se mea e tasi.  
10 a outou. Auā o le tiga e  
tusa i le Atua e tupu ai le  
salamo e oo i le ola e lē toe  
salamo ai: a o le tiga faa-  
lalelalagi e tupu ai le oti,  
11 Faauta foi i lenei lava mea,  
na tigaina outou e tusa i le  
Atua, ua tele faapea o le  
filigā na tupu ai ia te outou  
i le ma le faatoese, i le ma  
le loto tiga, i le ma le ma-  
ta'u, i le ma le naunau tele  
mai, i le ma le loto tele, i  
le ma le tauai atu! Ua uma  
ona faailoa outou e outou,  
ua outou mama i mea uma.  
12 O lenei e ui lava ina au  
tusi atu ia te outou, na au  
le fai i ai ona o ia na faa-  
le leaga, e le ona o ia foi la'i  
na agaleagaina, a e peitai



ina ia faaali atu ia te outou  
 lo matou filigā ona o outou,  
 i luma o le Atua. O le mea 13  
 lea na faamafanafanaina ai  
 i matou i le faamafanafana-  
 ga o outou : sa matuā tele lo  
 matou olioli, ua atili ai ona  
 o le olioli o Tito, aua sa faa-  
 tefilemuina lona agaga e  
 outou uma. Aua afai na ou 14  
 mitamita ia te ia i se mea  
 ona o outou, ou te le mā ai ;  
 a-e pei ona moni upu uma  
 na matou tautalaina atu ia  
 te outou, e faapea foi lo  
 matou mitamita na ia Tito,  
 ua fai ma le faamaoni lea,  
 Ua atili ai ona mutimutivale 15  
 lona alofa ia te outou, o loo  
 faamanatuina e ia le anaana  
 o outou uma, ina ua talia o  
 ia e outou ma le mata'u ma  
 le gatete. Ou te olioli ina 16  
 ua ou faatutua ia te outou  
 i mea uma.

### O LE MATAUPU VIII.

*O le matamau o ekalesia i Ma-  
 ketonia.*

**L**E au uso e, matou te 1  
 faailoa atu ia te outou  
 le alofa tunoa o le Atua, ua  
 faailina mai i ekalesia i  
 Maketonia ; Aua na tofo- 2  
 tofoteleina i latou i pua-  
 penga ua atili ai lo latou  
 olioli, atoa ma lo latou  
 mativa matua tele ua sili ai  
 le faalai o lo latou mata-  
 mau. Aua ou te molimau 3  
 ia te i latou, na latou loto  
 fau i ai e tusa i a latou mea,  
 a-e sili foi i a latou mea.

4 O loo matuā aioi mai ia te  
 i matou ina ia talia e i matou  
 le mea alofa ma le tofiga foi  
 5 o le feau i le au paia. E lē  
 na o lea, pei ona matou faa-  
 tuatua i ai, a ua muai tuuina  
 atu i latou e i latou i le Alii;  
 ma i matou foi e pei o le  
 6 finagalo o le Atua. Ua iu  
 ina matou aioi atu ia Tito e  
 pei ona amataina e ia lenei  
 mea alofa, ia faapea foi ona  
 faaiuina e ia i ai ia te outou.  
 7 O lenei e pei ona faalai o  
 mea uma ia te outou (o le  
 faatutua, ma le upu, ma le  
 poto ma le filigā uma, atoa  
 ma lo outou alofa mai ia te  
 i matou,) ia faapea foi ona  
 faalai ia te outou lenei mea  
 8 alofa. E le se upu poloai  
 lenei ou te fai atu ai, a ona  
 o le filiga o nisi e tofotofo  
 foi pe moni lo outou alofa.  
 9 (Aua ua outou iloa le alofa  
 tunoa o lo tatou Alii o Iesu  
 Keriso, sa tamaoaiga ia, a  
 ua faamativaina ona o outou,  
 ina ia faatamaoigaina outou  
 10 i lona mativa.) Ou te fai  
 atu i la'u manatu ia te outou  
 i lenei mea ; aua ua tatau  
 lenei ia te outou o e na muai  
 amataina e le na ona fai, a  
 ua fiafia foi i ai talu le tau-  
 11 saga ua mavae. O lenei foi  
 ia outou faauma ona fai, ia  
 faapei ona outou fiafia i le  
 loto i ai, ia faapea foi ona  
 outou faauma ai i mea ua ia  
 12 te outou. Aua afai e mua-  
 mua ona i ai le loto fiafia, e  
 talileleia lea, e tusa ma mea  
 ua ia te ia, a-e le tusa ma  
 13 mea e le o ia te ia. Aua

*ou te le manao* ina ia mapu nisi, a e tiga outou; a e fai faatatau; Ia fesoasoani lo 14 outou tamaoaiga i lo latou matitiva i nei ona po, ma ia fesoasoani lo latou tamaoaiga i lo outou matitiva i *se aso*, ina ia fai faatatau; Pei o 15 le ua tusia, "O lē na i ai mea e tele, e leai sana mea e totoe; o lē na i ai mea e itiiti, e leai se mea e mativa ai ia."

Faafetai i le Atua, o lē 16 na tuuina lea lava filigā i le loto o Tito ona outou. Ana na ia talia le aioi, a ua 17 atili ai lona maelegā, na fua lava ia te ia lona alu atu ia te outou. Na matou aau 18 faatasi ma ia le uso o loo taulaleiina o ia i le tala lelei i ekalesia uma; E le na o 19 lea foi, a ua filifilia foi ia e ekalesia, matou te au malaga ma ia e *ave* lenei mea alofa ua auauna i ai i matou, e iloa ai le mamalu o lo tatou Alii, atoa ma lo outou loto fiafia: O loo faateete i 20 matou i lenei mea, nei tau-leagaina mai i matou e se tasi i lenei faalai o mea matou te auauna i ai: O 21 loo sauniuni mea matagofie, e le na o luma o le Alii, a e i luma foi o tagata. Na 22 matou aau faatasi ma i lava, lo matou uso, ua matou iloa soo ia te ia i lona filigā i mea e tele, a o lenei ua atili ai ona filigā ona o lona faatutuga-tele ia te outou. A 23 *tesili mai se tasi* ia Tito, ua ma faatasi ma au ua ma fai

galuega faatasi foi ia te outou; poo o matou uso, o auauna i latou a ekalesia, o 24 le mamalu o Keriso. O lenei ia outou faaali atu ia te i latou i luma o ekalesia, se faailoga o lo outou alofa, ma lo matou mitamita ona o outou.

## O LE MATAUPU IX.

*Ia faia le mea alofa ma le mataupu e tatau ai.*

1 **O** LENEI e le aoga ona ou tusi atu ia te outou i le alofa-fai-tele i le au 2 paia: Aua na ou iloa lo outou loto fiafia na ou mitamita ai ia te outou i Maketonia, ina ua saunia Akaia talu le tausaga ua mavae; o lo outou loto malosī foi na tupu ai le losilosī i e toatele. 3 A ua ou aauina atu le au uso nei, ina nei faaleaogaina lo matou mitamita ia te outou i lenei mea, a ia uma ona outou saunia, pei ona 4 au fai atu ai: Ina nei faamaina i matou (a e tuu pea ia outou) i lenei faamalosi i le mitamita, ina nei matou o atu ma nai Maketonia, ona iloa ai lea outou, ua le 5 uma ona saunia. O le mea lea na ou manatu ai, e tatau ona ou aioi atu i le au uso nei, latou te muamua atu ia te outou, e muai sauniuni ai i la outou mea alofa, na taua mai anamua; ina ia uma ona sauni o le mea, e pei o se mea alofa lava, a e

le pei o se mea *na tupu* i le matapeapea. A o lenei, o 6  
 lē e itiiti ana e lulu, e itiiti  
 foi ana e selesale mai; a o  
 lē e tele ana e lulu, e tele  
 foi ana e selesale mai. Ia 7  
 taitoatasi *ma foi* e pei ona  
 filifili lona loto; aua ma le  
 tiga, aua foi ma le faatau-  
 anauina; auā e alofa le  
 Atua i le ua foi ma le loto  
 malie. E mafaia foi e le 8  
 Atua ona faafaalai ia te  
 outou o mea alofa uma; o  
 loo faalavaina pea o mea  
 uma ia te outou i mea uma  
 lava, ina ia faulai ia te outou  
 o galuega lelei uma. Pei 9  
 o lē ua tusia, “Ua ia faasa-  
 lalau; ua ia foi atu i e  
 matitiva, e tumau lona aga-  
 tonu e faavavau.” Lenei, 10  
 o lē ua foi tele mai i le fua  
 i le ua lulu ai, ma le mea e  
 ‘ai e ‘ai ai, ia foi mai e ia,  
 ma faateleina ia outou fua,  
 ma faatupu e ia i le fua o lo  
 outou amio tonu; O loo 11  
 faatamaoigaina outou i mea  
 uma lava, e iu ai i le mata-  
 mau uma, e tupu ai le faa-  
 fetai i le Atua ona o i  
 matou. Auā, o le sauniga 12  
 o lenei galuega alofa, e le  
 na ona maua mai ai e le au  
 paia o mea na latou mātī-  
 tiva ai, a e faatele ai foi *le*  
*viiga* i le Atua i le tele o le  
 faafetai; (O loo vivii atu 13  
 i latou i le Atua, ona o le  
 faailoga i lenei sauniga, aua  
 ua taua mai ai lo outou  
 gauai i le tala lelei o le  
 Mesia ma le matamaman  
 foi o le alofa-fai-tele ia te i

latou atoa ma *tagata* uma;)  
 14 O la latou talotalo foi mo  
 outou, o loo naunau tele atu  
 ai ia te outou, ona o le  
 alofa tunoa o le Atua ua  
 matua tele ia te outou.  
 15 Faafetai i le Atua i lana  
 mea foi fua e le mafaama-  
 talaina.

## O LE MATAUPU X.

*O le pule a Paulo,—Ma lona  
 viiga.*

1 **O** A‘U lava o Paulo o lē  
 faamaulalo pe a au i ai  
 ia te outou, a e faamalosi pe  
 a o‘u le i ai ia te outou, ou  
 te aoi atu ia te outou ona o  
 le agamalu ma le faapale-  
 2 pale o le Mesia. Ou te qle  
 atu lava ina nei o‘u faama-  
 losi atu pe a o‘u i ai ia te  
 outou, ma le malosi o‘u te  
 manatu e matua faamalosi  
 atu ai i nisi, o e manatunatu  
 ia te i matou peiseai ua  
 matou savavali faaletino.  
 3 Aua e ui lava ina matou  
 savavali i le tino, matou te  
 4 le tau faaletino: Auā o  
 auupega o lo matou nei  
 taua e le faaletino ia, a e  
 faamalolosia e le Atua, e  
 5 fulisia ai ‘olo; O loo fuli i  
 lalo i masalosologa, ma mea  
 maualuluga uma o loo faa-  
 siasia i le mataupu o le  
 Atua, o loo faatoilaloina o  
 manatu uma ia gauai i le  
 6 Mesia. O loo nofo sauni e  
 tau atu i le lē faalogo uma,  
 pe a faaiua lo outou faa-  
 logo.

Tou te vaavaai ea i la le 7  
tino? Afai e faatuatua se  
tasi ia te ia, o le sa Keriso  
ia, sei toe manatu ifo ia ia  
te ia, e pei o ia, o lo sa  
Keriso, faapea lava o i  
matou o sa Keriso foi. Aua 8  
e ui lava ina faatele ane  
teisi i lo'u mitamita i le  
pule o ia te i matou,—(o le  
ua foaiina mai ia te i matou  
e le Alii e ati ae a e le ina  
ia fulisia outou,)—ou te le  
mā ai: Ina nei peiseai ou 9  
te faamatau ia te outou i  
tusi. Aua, ua faapea a nisi, 10  
o ana tusi e mamafa ma  
malolosi ia, a o lona tino  
mai, ua vaivai lea, ma lana  
upu e faatauva ia. Ia ma- 11  
natua lenei e se o faapea,  
pei o i matou i le upu i tusi,  
ina o matou le i ai, matou  
te faapea foi i le amio pe a  
matou i ai.

Aua matou te le faama- 12  
losi ina faatasia, pe faatusa-  
tusaina ai i matou ma nisi,  
o e taulelei i latou ia te i  
latou; a o i latou, o loo  
fefuafuagai i latou ia te i  
latou, ma fefaatusatusai i  
latou ia te i latou, e le o  
popoto i latou. A e matou 13  
te le mitamita i mea le fua-  
tia, a e peitai e tusa i le  
fua o le matāgaluega o lē  
ua uma le tofia mai e le  
Atua ia te i matou, o le fua  
e oo atu lava ia te outou.  
(Aua matou te le fua faasili 14  
i matou, peiseai ua matou le  
oo atu ia te outou, a ua  
matou oo atu lava ia te  
outou i le tala lelei a le

15 Mesia.) O loo o matou lē  
mitamita i mea le fuatia  
mai, i galuega a isi tagata;  
a o loo faamoemoe e faate-  
leina i matou e outou i la  
matou matāgaluega, ia atili  
ai, pe a tupu lo outou faa-  
16 tuatua, Matou te folafola  
atu ai i le tala lelei i nuu o  
i talātu o outou, o loo le  
mitamita i le matāgaluega a  
le tasi tagata ua uma ona  
17 saunia. Lenei o lē mita-  
mita, ia mitamita ia i le  
18 Alii. Aua e le talia o lē  
ua tauleleia e ia ia ia a o lē  
ua tauleleia e le Alii.

## O LE MATAUPU XI.

*O le maelega alofa o Paulo  
i le ekalesia Korinito; o ona  
puapuga, ma galuega.*

1 **O** LO'U mana'o ia outou  
onosai teisi ia te a'u i  
lo'u valea; ia onosai mai  
2 lava ia te a'u. Aua ua o'u  
maelega alofa ia te outou i  
le maelega faaleatua; aua  
ua uma ona o'u faufautane  
ia te outou i le tane e toa-  
tasi ina ia o'u amomoli ia te  
outou, o le taupou faamaoni  
3 i le Mesia. A ou te fefe,  
ina nei pei ona faaseseina o  
Eva e le gata i lana toga-  
fiti, e faapea ona faaleagaina  
o outou manatu a i le tonu i  
4 la le Mesia. Aua afai e  
talaiina atu e lē ua alu ia te  
outou, se Iesu e ese i lē na  
matou talaiina atu, pe maua  
e outou se agaga e ese i lē  
na outou maua, poo se tala

lelei e ese i lē na outou talia, e lelei ina ia onosai i ai. Aua o la'u lea manatu, 5 e leai se mea e tasi, ou te itiiti ai i Aposetolo silisili. Afai foi ou te se vale i le 6 upu, a e le o le poto; peitai ua uma ona matua faailoaina atu i matou ia te outou i mea uma. Na ou faia ea 7 se agasala, ina ua faamaua-laloina au e au, ina ia faamaualulugaina outou, aua na au talai-fuaia atu ia te outou le tala lelei a le Atua? Na ou fao mea a 8 isi ekalesia i le totonu na au talia, e auauna atu ai ia te outou. Ina ou i ai ia te 9 outou ma le mativa, sa lē tigaina se tasi ia te au: (aua o mea na mativa ai au, na faalavaina mai ia e le au uso, e na o mai mai Make-tonia) na ou leoleoina ina nei tigaina outou ia te au i se mea e tasi, ou te leoleo foi i ai. O loo ia te au le 10 mea moni a Keriso, e le mafaafaalologoina au i lenei mitamita i lalolagi o Akaia. Aua ea? aua ua ou lē alofa 11 atu ea ia te outou? Ua silafia e le Atua. A o le 12 mea ua ou faia, ou te faia lava lea, ina ia ou tuu ese se tofagiti i e o fia maua se tofagiti, ina ia faailoaina i latou ua pei o i matou i le mea ua latou mitamita ai. Aua o i latou, o aposetolo 13 pepelo i latou, o le au faigaluega oleole, ua liua i latou e i latou ma aposetolo a Keriso. E le se mea 14

foi lea e ofo ai, aua o Satani lava, ua liua lava ia e ia ma agelu o le malamalama. 15 Lenei e le se mea tele pe a liua ana auauna peiseai o auauna o le agatonu i latou: o lo latou iuga e faapei o a 16 latou galuega. Ou te toe fai atu, aua nei manatu mai se tasi ia te au, o le valea au; a e pe afai o lea, ia talia mai o au e outou, pei se valea seia ou mitamita 17 ane teisi. O la'u e fai atu ai nei, ou te le fai atu i la le Alii, a e peiseai o faava-lea, i lenei faamalosi i le 18 mitamita. Ona ua mitamita e toatele i la le tino, 19 ou te mitamita ai foi. Aua ua outou onosai ma le fiafia i e valelea, o loo popoto 20 outou. Aua ua outou onosai pe a faapologa mai se tasi ia te outou, pe a aiina outon e se tasi, pe a fao e se tasi i a outou mea, pe a faamaualuga se tasi, pe a tu'i se tasi i o outou mata. 21 I le faaleaga ou te fai atu ai, peiseai ua matou vaivai: ai se mea e faamalosi i ai se tasi, (ou te fai atu ma le valea,) ou te faamalosi foi i 22 ai. O Epelu ea i latou? o a'u foi lea. O sa Isaraela ea i latou? o a'u foi lea. O fanau a Aperaamo ea i 23 latou? o a'u foi lea. O auauna ea i latou a Keriso? (ou te tautala pei se vale) ua sili a'u; ma le tele i galuega ua sili, i sasaina ua matua tele, i tuuina i fale puipui ua tele, i le oti ua

faalasia. Sa faalima ou 24  
sasaina e sa Iuta, tai faga-  
fulu i le iva ou ta. Sa atu 25  
tolu ona sasaina o a'u i laau,  
sa tasi lo'u fetogitina i mea,  
ua atu tolu folauga na ma-  
laia ai vaa sa ou i ai, ua  
atopa le po ma le ao e tasi sa  
ou i le vasa; Ua atu lasi 26  
a'u malaga, se manu a'u  
leaga i vaitafe, se manu a'u  
leaga i e fao mea faasaua,  
se manu a'u leaga i tagata  
o lo'u lava nuu, se manu  
a'u leaga i tagata o nuu ese,  
se manu a'u leaga i le aai,  
se manu a'u leaga i le nuu  
tuufua, se manu a'u leaga i  
le vasa, se manu a'u leaga i  
uso pepelo; O loo i le 27  
galnega ma le tiga, ma le  
mataala soo, ma le fia 'ai,  
ma le fia inu, ma le faapā-  
'upā'u soo, ma le maalili,  
ma le lē lavalavā. A e le 28  
na o mea mai tuā, a o le  
mea e mafatia ai a'u i aso  
faisoo, o le popole lea ona o  
ekalesia uma. Po o ai lē 29  
ua vāivāi, ou te le vāivāi  
ai? Po o ai lē ua tausua-  
ina, ou te le tiga ai? Afai 30  
e tatau ina ia ou mitamita,  
ou te mitamita i mea ou te  
vāivāi ai. O le Atua le 31  
Tamā lava o lo tatou Alii o  
Iesu Keriso o lē ua faaamua  
e faavavau lava, ua silafia e  
ia ou te le pepelo lava. O 32  
i Tamaseko, o le alii nofo-  
fai-aai, mai Areta le tupu,  
na ia lamalama i le aai o  
Tamaseko i lona fia pue ia  
te au: Sa tuutuina ifo au 33  
i le ato i le faamalama i le

itu-pa, na ou aso ai i mea  
lima.

## O LE MATAUPU XII.

O le mitamita o Paulo i lona  
puapuaga.

- 1 **A** E le tatau ona ou mita-  
mita, a o le a ou atu  
la'u upu i faali'a ma mea na
- 2 faalia mai e le Alii. Na  
ou iloa le tasi tagata o le  
Keriso, ua tasi le sifulu na  
le fa o tausaga talu ai ona  
siitia o ia i le lagi aupito-  
aluga (ou te le iloa pe na i  
le tino, ou te le iloa pe lefi  
i le tino, ua silafia e le
- 3 Atua.) Na ou iloa foi o  
lena tagata (ou te le iloa,  
ua silafia e le Atua pe na i  
le tino, pe le'i i le tino, o ia.)
- 4 Na siitia o ia i Paratipiso,  
māna faalogo i upu e le ma-  
ta'uta'ua, e le tatau foi i se
- 5 tagata ona tantala i ai. Ona  
o lona tagata ou te mitamita  
ai, a ou te le mitamita a'e  
ia te a'u, tau lava o mea na
- 6 ou vāivāi ai. Aua e ui lava  
ina ou fiamitamita, ou te le  
vaea ai; aua o le upu moni  
o'u faia: a ina soia a'u upu,  
ina nei sili le manatu o se  
tasi ia te a'u i mea e vaa  
mai e ia ia te a'u, poo mea  
e faalogo mai ai e ia ia te  
a'u.
- 7 Ina nei faamaualugaina o  
a'u i le silisili ese o mea na  
faalia mai, sa tunua mai  
ia te a'u se mea matutiti i  
le tino, se agelu a Satauni,  
tui mai ia te a'u, ina nei

faamaua luga ina o a'u. Na 8  
ou aloi faatolu atu i le Alii  
ona o le mea nei, ina ia alu  
ese ia te au. Ona faapea 9  
mai ai lea o ia ia te au, "E  
au lo'u nei alofa tunoa ia te  
oe; auā o i le vāivāi e faa-  
toaina ai lo'u mana." O  
lenei ua tele naua lo'u fiafia  
i le mitamita lava i mea ua  
ou vāivāi ai, ina ia tumau i  
o'u luga le mana o le Mesia.  
O lea ou te fiafia ai i mea e 10  
vāivāi ai, i le faaleaga mai,  
i malaia, i le agatele mai, i  
le atuatuvaale ona o Keriso:  
aia pe a ou vāivāi, ona ou  
malosi ai lea. Ua avea au 11  
ma vale i lo'u mitamita; a  
ua tofina au e outou, ua ta-  
tau le : aua e ui lava ina  
ou faatauvaa lava, e leai se  
mea ou te ititi ai i aposetolo  
siliili.

Na faia lava faailoga o le 12  
aposetolo ia te outou, i le  
onosa'i uma i faailoga, ma  
vāivā, ma mea mamana.  
Se a se mea na le tusa ai 13  
outou i isi ekalesia, vagana  
ua le tigaina outou ia te a'u?  
E faamagalō mai ia te a'u  
i lenei agaletonu. Fa'uta 14  
o le atu tolu lenei o lo'u  
sauni ou te alu atu ia te ou-  
tou; ou te lē faatiga foi ia  
te outou; aua ou te le saili  
iā outou, a e peltai o outou:  
aua e le tatau ona faaputu e  
le fanau mo mātua, a o mā-  
tua mo le fanau. Ou te 15  
matua fiafia lava e faauma,  
ia faaumatia foi a'u ona o  
outou agaga; aua e ui lava  
ina ititi ona alofagia a'u, e

matua tele o lo'u alofa atu  
16 ia te outou. Ina tuu ia e  
lea. Na le faatigaina outou  
e a'u: a o la'u fai togafiti,  
ua maua ai outou e a'u i le  
17 'ole'ole. Pe na ou fai mea  
ea ia te outou e so latou na  
ou auina atu ia te outou?  
18 Na ou aloi ia Tito, na ou  
auina atu foi i laua ma le  
uso. Pe na fai mea ea Tito  
ia te outou? na matou le  
savavali ea ma le loto e tasi,  
ma tulagāvae foi e tasi?  
19 O lenei, fa te outou ea  
matou te faatoese ia te ou-  
tou? o loo i luma o le Atua,  
o matou o talatala atu ai nei  
ia Keriso: le au pele e ua  
faia ia mea uma e faamafa-  
20 nafa'aina ai o outou. Aua  
ou te fefe, nei iloa outou e  
a'u, e le faapei ona ou loto  
i ai, pe a ou alu atu, nei  
iloa foi a'u e outou e le pe  
ona outou loto i ai: nei ia  
te outou o misa, o faama-  
tataua, o faalotoa, o finau-  
vale, o upuesega, o tuapua,  
o loto faafefeteina, o faale-  
21 taupulea: Ina nei faamau-  
laloina o a'u e lo'u Atua  
ona o outou, i lo'u toe alu  
atu ia te outou, ona ou faa-  
noanoa lea i nai toatele, o e  
na agasala anamua ma ua lē  
salamo i le amio leaga, ma  
le faitaaga, ma le mataitu  
na latou faia.

## O LE MATAUPU XIII.

*Ia latou susesue ia te i latou.*

**O** LE atu tolu lenei, o le 1  
a ou alu atu ai ia te outou. E mautu uma upu i le mau a le toalua poo le toatolu. Na ou ta'u atu 2  
anamua, ou te mua'i ta'u atu faalua nei foi, (peiseai ua ou i ai a ou le i ai foi) i e na agasala anamua ma e o totoe atoa uma, pe afai ou te toe alu atu, ou te le faamāmā lava: Ina ua outou 3  
saili mai i se faailoga, poo ua tautala o Keriso i totonu ia te a'u, o lē ua le vāivāi ia te outou, a e malosi i totonu ia te outou. Aua 4  
e ui lava ina ua faasatauroina o ia i le vāivāi, a e peitai ua soifua ia i le mana o le Atua ia te outou na. Ina 5  
tofotofo ia outou ia te outou, po ua outou i le faatuatua; ina susesue ifo ia ia te outou; tou te le iloa ea e outou, ua i totonu ia te outou o Iesu Keriso, pe afai ua le faaleilogaia outou. A o lo'u lea faatuatua, e 6  
le iloa mai i matou e outou, ua le faaleilogaia i matou. Lenei ou te talotalo atu i le 7  
Atua ina nei tou faia se mea

leaga; e le ina ia iloa mai i matou ua faailogaia, a ina ia outou faia le mea lelei, e ui lava ina peiseai ua 8  
le faailogaia i matou. Aua matou te le mafaia se mea e tetee atu ai i le mea moni, 9  
a e mo le mea moni. Aua inatou te olioli pe a ua vāivāi i matou, a e malolosi outou; o lenei foi le mea ua matou talotalo atu ai, ina ia 10  
faaatoaina outou. O le mea lava lea ou te tusi atu ai na mea, o loo le i ai a'u, ina nei au fai faamalosi pe a ou i ai ia te outou, e tusa ma le pule ua tuuina mai e le Alii ia te a'u e ati ai ia te outou, a e le ina ia lafotuina i lalo.

11 Le au uso e, o le toe upu lenei, ia outou manuia. Ia faaatoatoaina outou, ia faamafanafanaina outou, ia lotogatasitasi outou, ia outou ffilemu; ona ia te outou foi lea o le Atua e ona le alofa 12  
ma le manuia. Ia outou fealofani ma lefeasogi paia. 13  
O loo alolofa atu ia te outou. 14  
le au paia uma. Ia ia te outou uma lava le alofa tunoa o le Alii o Iesu Keriso, ma le alofa o le Atua, atoa ma le mafuta faatasi ma le Agaga Paia. Amene.



## O LE TUSI

# A PAULO LE APOSETOLO I KALATIA.

### O LE MATAUPU I.

*Ua aoi Paulo i Kalatia o sese  
i latou i le Evagelia.*

**O** A'U o Paulo o le 1  
Aposetolo, (e le se  
*aposeetolo* mai tagata, e lei  
faia foi e se tagata, a o Iesu  
Keriso, ma le Atua o le  
Tamā, lē na faatuina mai ia  
i e ua oti,) Ma le au uso 2  
uma lava o *matou* o iinei  
ma au, o *la matou tusi lenei*  
i ekalesia i Kalatia. Ia ia 3  
te outou le alofa tunoa ma  
le manuia mai le Atua le  
Tamā ma lo tatou Alii o  
Iesu Keriso, O lē na foai- 4  
ina mai e ia ia ia ona o a  
tatou agasala, ina ia laveai  
mai ia i tatou a i le olaga  
leaga ua i ai nei, e tusa ma  
le finagalo o lo tatou Atua,  
lo tatou foi Tamā. Ia ia 5  
te ia le viiga faavavau faa-  
vavau lava! Amene.

Ua ou ofo ina ua faapea 6  
ona vave o lo outou liliu-  
eseina i lē na valaau ia te  
outou i le alofa tunoa o le  
Mesia, i le tasi tala lelei,—  
E le se isi tala lelei ia—a o 7

isi tagata ua faatuatuvale  
ia te outou, ma fiafaaliliua i  
8 le tala lelei a le Mesia. A  
e peitai e ui lava ina talai-  
ina e i matou, poo se agelu  
mai le lagi, ia te outou se  
tala lelei e ese i lea na talai-  
ina atu ai e i matou ia te  
9 outou, ia anatema ia! Pei  
ona matou muai fai atu, ou  
te toe fai atu ai nei foi;  
Afai e tala'iina atu e se isi  
ia te outou se tala lelei e  
ese i lē na outou talia, ia  
10 anatema ia! O lenei, ou  
te faaaviavi ea i ona po nei  
i tagata, poo le Atua? Ou  
te saili ea ina ia ou faafiafia  
i tagata? Auā, afai ou te  
faafiafia pea i tagata ou te  
le se auauna a Keriso.  
11 Le au uso e, ou te faailoa  
atu ia te outou le tala lelei  
sa talaiina atu e au, e le i  
12 la le tagata; Aua e lei  
maua ia e au e se tagata, e  
lei aoaoina foi au, ua na o  
le faaaliga a Iesu Keriso na  
13 maua ai. Na outou faalo-  
go foi i la'u amioga anamua  
ina ou lotu i sa Iuta, sa au  
matuā sauva atu i le ekalesia  
a le Atua ma faatanga i ai.

E sili foi lo'u alualu i le 14  
lotu o sa Iuta i isi e toatele  
o lo'u nuu na matou tupu-  
laga faatasi, ma au matua  
naunau i uputuu a o'u ma-  
tua. Na oo foi ina finaga- 15  
lo mai le Atua o lē na  
filifilia mai au ina ou i le  
manava o lo'u tina, ma  
togia au i lona alofa tunoa,  
Ina ia na faali mai i lona 16  
Atalii i totonu ia te au, ina  
ia ou folafolaina atu i nuu  
ese le tala lelei ia te ia; na  
ou le tautalatala ma tagata,  
Ou te lei alu ae foi i Ieru- 17  
salema i e na muai aposeto-  
lo ia te au, a e peitai na ou  
alu i Arapi, ona ou toe foi  
lea i Tamaseko. Na ma- 18  
vae tausaga e tolu, ona au  
alu ae lea i Ierusalemia ina  
ia ma feiloai ma Peteru, ua  
ma po sefulu ma le lima o  
ma o nonofo ai; A e ma 19  
te lei feiloai ma se tasi o  
le au aposetolo, ua na o  
Iakopo le uso o le Alii.  
O mea foi ou te tusi atu ai 20  
nei ia te outou, faauta mai  
ia i luma o le Atua, ou te  
le pepelo lava. Mulimuli 21  
ane na au alu atu i lalolagi  
o Suria ma Kilikia, Ua le 22  
iloa o'u mata e ekalesia  
Iutaia o e o i le Mesia;  
Ua na ona logoa atu ia te i 23  
latou, O lē na faasaua ana-  
mua ia te i tatou o loo folafola  
atu nei e ia le tala lelei  
o le faatuatua sa ia faatau-  
ga anamua i ai: Ona latou 24  
vivi ai lea i le Atua ona o  
a'u.

## O LE MATAUPU II.

*O le faavae a Paulo i le mea  
o le peritome.*

- 1 **M**ULIMULI ane ua tau-  
saga e sefulu ma le fa,  
ona ma toe o ae lea i Ieru-  
salema o i maua ma Panapa,
- 2 ua ma avea foi o Tito. Na  
au alu ae i le faaaliga ma  
au talatala atu ia te i latou  
i le tala lelei ou te tala'ina  
atu i nuu ese, a e fai lemu  
atu i e ua ta'uleleia, ina nei  
le aoga la'u momo'e nei,  
poo le momo'e ua mavae.
- 3 A e peitai o Tito na ma  
faatasi ma au, o le Eleni foi  
ia, e lei tauanau i ai ia
- 4 peritomeina o ia. A ona o  
uso pepelo e na faafia faa-  
leiloga, o tagata ia na o ane  
faaleiloga e tilotilo i lo  
tatou saolotoga ua ia te i  
tatou i le Mesia o Iesu, ina  
ia faapologaina i tatou e i
- 5 latou—A e matou te lei  
taumuli ma le gauai ia te i  
latou i sina ituaso, ina ta  
tuman ia te outou le tona o
- 6 le tala lelei. O i latou foi  
o e ua ta'uleleia (pe na faa-  
pefea i latou—e le sa'u mea  
lea—e le faailogaina foi se  
tagata e le Atua) e leai lava  
se mea na faaopopo mai ia
- 7 au i e ua ta'uleleia. A e  
leai lava—ua latou iloa foi  
na tuuina mai ia te au le  
tala lelei mo le au le peri-  
tomeina, pei ona tuuina ai  
ia Peteru mo le au periti-  
8 meina, (Aua o lē na galue  
i totonu ia Peteru i le faia

o le aposetolo ma lē au  
peritome, o ia lava na galue  
i totou ia te au i nuu ese,) 9  
Ua latou iloa foi le alofa  
tunoa na foaiina mai ia te  
au, ona latou fetagofi lea ia  
te i mana ma Panapa i lima  
taumatau o le fefaaouaiga,  
e Iakopo ma Kefa atoa ma  
Ioane o e na ta'u-poutu-  
ina, ia ma i ai i nuu ese, a  
o i latou i le au peritome;  
Tau lava ina ia ma manatua 10  
o le au matitiva, o le mea  
lea na au naunau i ai e fai.  
A ua alu atu Peteru i Ane-  
tioka ona au matua finau  
atu lea ia te ia i ona lava  
luma, aua ua ta'useseina ia.  
Aua, a o lei o mai isi mai 12  
Iakopo, ua aai faatasi ia ma  
tagata ese, a ua latou oo  
mai ona alo lea o ia, ma  
faatea e ia ia ia, ina ua fefe  
i le au peritome, Ona pe- 13  
pelo lea faatasi ma ia o i  
latou o Iutaia, ua oo ina  
tusina ai Panapa i lo latou  
pepelo. A ua ou iloa latou 14  
e lei savavali tonu e tusa  
ma le mea moni a le tala  
lelei, ona au fai atu lea ia  
Peteru i luma o i latou  
luma; O oe le Iutaia, afai e  
te agafaatasi ma nuu ese a  
o le faa-Iutaia, se a le mea  
ua e tauanau atu ai i nuu  
ese ia latou faa-Iutaia? Ua 15  
tatou iloa, o i tatou foi o  
Iutaia moni, a e le ni ta-  
gata agasala mai nuu ese,  
E le ta'uagatonuina se ta- 16  
gata i galuega a le tulafono,  
a e i le faatuatua ia Iesu  
Keriso; o i tatou foi ua

tatou faatuatua i le Mesia o  
Iesu, ina ia ta'uagatonuina  
i tatou i le faatuatua i le  
Mesia, a e le i galuega a le  
tulafono: aua, e le ta'ua-  
gatonuina se tagata e tasi i  
17 galuega a le tulafono. Afai  
foi o i tatou o sailiili ia  
ta'uagatonuina i le Mesia,  
ua iloa o i tatou lava o aga-  
sala, o le auauna a le aga-  
sala ea Keriso? Aua nei  
18 faapea! Aua, pe afai ou  
te toe ati ae i mea na au  
lepetia, ou te faaalitinoina  
au e au o lē soli i tulafono.  
19 Aua o au, na ou oti i le tula-  
fono ona o le tulafono, ina  
20 ia ou ola i le Atua. Ua  
ma faasatanroina faatasi ma  
Keriso, a o loo ola au,  
e le o au foi o ola nei,  
a o Keriso o loo ola i to-  
tonu ia te au; o le ola foi  
ou te ola nei i le tino, ou te  
ola ai lava i le faatuatua i  
le Atalii o le Atua, o lē na  
alofa mai ia te au ma foaiina  
mai o ia e ia ma ou sui.  
21 Ou te le faaleaogaina le  
alofa tunoa o le Atua; aua  
ana oo i le tulafono le  
ta'uagatonuina, po ua ma-  
liu fua Keriso.

## O LE MATAUPU III.

*O i le faatuatua le tauagato-  
nuina.*

1 **K**ALATIA valea e, o ai  
ea na ia faavaleleaina  
outou, ina nei anaana outou  
i le mea moni, ua tusina atu  
i o outou luma o Iesu Keriso  
ua faasatauroina mo outou?

Ua na o le mea nei ou te 2  
fia iloa mai ia te outou, pe  
na maua e outou le Atamai  
i galuega a le tulafono, poo  
i le logo i la le faatuatua?  
Tou te faapea ea ona vale- 3  
lea? Na amataina outou ea  
i le agaga, tou te iu atu nei  
ea i le tino? Pe na oo fua 4  
ea ia te outou mea e faapea  
ona tele?—e iloga po ua oo  
fua. O lē na te faaopoopo 5  
ia te outou le Atamai ma  
faatupuina i le mana e fai ai  
vavega ia te outou, i galue-  
ga ea a le tulafono ua ia fai  
ai, poo i le logo i la le faa-  
tuatua? Faapei o Ape- 6  
raamo “na faatuatua i le  
Atua, ua ta’ua ai le agatonu  
ia te ia.” Ia iloa ai outou, 7  
o le au faatuatua o atalii i  
latou o Aperaaamo. Na 8  
muai iloa foi e le Tusi, o le  
faatuatua e ta’uagatonuina  
ai nuu ese e le Atua, na  
muai folafolaina ai le tala  
lelei ia Aperaaamo; “E  
ta’ufaaamuiaina nuu ese  
uma lava ia te oe.” O 9  
lenei o ta’ufaaamuiaina le  
au faatuatua faatasi ma Ape-  
raamo lē faatuatua. Aua 10  
atoa uma e o i ai i galuega  
a le tulafono ua i ai le faa-  
fanoga, aua na tusia; “Ia  
taitasi ma faafanoina o e le  
tumau i mea uma lava ua  
tusia i le tusi o le tulafono,  
ia fai ai.” Ua tino lelei 11  
foi, e le ta’uagatonuina se  
tasi i luma o le Atua i le  
tulafono, aua “E ola le  
tagata agatonu i le faatua-  
tua.” E le o i le faatuatua 12

le tulafono, a “O lē na te  
faia ia mea e ola ia i ai.”  
13 Na faatauina mai i tatou e  
le Mesia ai le faafanoga o  
le tulafono, ina ua faafa-  
noina ia ma sui o i tatou,  
(aua ua tusia; “E taitasi  
ma faafanoina o e tautau i  
14 le laau.”) Ina ia oo ai i  
nuu ese le faaamuiia o Ape-  
raamo i le Mesia o Iesu,  
ina ia tatou maua o le mea  
na folafolaina, o le Atamai,  
i le faatuatua.  
15 Le au uso e, (na o la ta-  
gata la’u e fai atu nei) e ui  
lava ina na o le tagata na te  
saunia le faato, e leai se na  
te faaleaogaina, pe na te  
16 liua. Na fetalai mai fola-  
folaga ia Aperaaamo, ma so  
lana fanau; e lei faapea  
mai, I lau fanau, peiseai o  
ni toatele, ae pei o le toa-  
tasi, “I so lau fanau;” o  
17 Keriso lava lea. Ia, o la’u  
lenei taofi; o le faato sa  
muai saunia e le Atua i a le  
Mesia, e le maliua lea e le  
tulafono na mulimuli ai i  
ona tausaga e fa galau ma  
le tolu gafulu, ina ia faa-  
leaogaina ai le folafolaga.  
18 Aua, afai e i le tulafono le  
tofi po ua le i le folafolaga,  
a e peitai na foaifuaia atu  
e le Atua mo Aperaaamo i le  
19 folafolaga. O lenei, e aoga  
i se a le tulafono? Na faa-  
opoopo mai ia ona o aga-  
sala, ina seia maliu mai le  
Atalii e ona le folafola-  
laga, sa saunia foi e a-  
20 gelu i le tautuu-upu. A  
e leai se tautuu-upu o le

toatasi; a o le toatasi le Atua.

Lenei foi e ala ese ea le 21  
tulafono i folafolaga a le  
Atua? Aua nei faapea!  
Aua, afai ana foaiina mai  
se tulafono na te mafaia ona  
faaola, po ua oo lava le aga-  
tonu i le tulafono. A e 22  
peitai ua puni-faatasia e le  
Tusi mea uma lava o loo  
nofosala, ina ia foaiina  
mai i le au faatuatua le  
folafolaga ona o le faa-  
tuatua ia Iesu Keriso. A 23  
o lei oo mai le faatuatua  
na taofi-faatoilaloina i tatou  
e le tulafono, ua puni-faata-  
sia ina seia faaalila le faatua-  
tua a oo mai. O lenei ua 24  
pei o so tatou taitai-tama le  
tulafono, na te taitaiina i  
tatou i le Mesia, ina ia  
ta'uagatonuina i tatou i le  
faatuatua. Ona ua oo mai 25  
le faatuatua ua le toe pule  
ia te i tatou le taitai-tama;  
Aua, o atalii o le Atua o 26  
outou uma lava i le faa-  
tuatua i le Mesia o Iesu. O 27  
outou uma lava na papati-  
soina i le Mesia ua outou  
oofu i le Mesia; E le o i ai 28  
se Iutaia po o se Eleni, e le  
o i ai se pologa po o se faa-  
saoloto, e le o i ai se tane po  
o se fafine, aua ua tasi lava  
outou uma i le Mesia o Iesu.  
Afai foi o i Keriso outou, e 29  
moni, o le fanau outou a  
Aperuamo, ma sulii, pei o le  
folafolaga.

## O LE MATAUPU IV.

*Ua tatou maua o le tamafai sa  
nonofo pologa i le tulafono.*

1 **O** LA'U foi e fai atu,  
manu o itiiti le sulii o  
le alii e leai se mea e iloga  
ai o ia i le pologa, e ui lava  
2 i ana mea uma; A o pule  
ia te ia e o matua i ai ia ma  
faatama, seia oo atu i ona po  
3 na tuu e le tama. E faapea  
foi i tatou ina o iti, sa faa-  
pologaina i tatou i a'oga  
4 muamua o le lalolagi. A  
ua oo atu i le faaatoaga o  
tausaga, ona auina mai lea  
e le Atua Jona Atalii, na  
fanau i le fafine, na fanau  
5 foi ua faatulafonoina; Ina  
ia faatau mai e ia o e na i  
le tulafono, ia tatou maua  
6 le tamafai. Ona o atalii  
outou, ua auina mai e le  
Atua le Atamai o lona  
Atalii i o outou loto, o va-  
laau Ava e! le Tama e!  
7 O lea e te le se pologa i ona  
po nei, a o le atalii; a e afai  
o le atalii, o le sulii foi o le  
8 Atua i a le Mesia. E moni,  
o ia ona po ua le iloa e ou-  
tou le Atua na fai ai outou  
ma pologa i mea e leai lava  
9 so latou atua; A o lenei  
ina ua outou iloa o le Atua,  
a ua iloa outou e le Atua, se  
a le mea ua outou toe liliu  
ai i a'oga muamua e vaivai  
ma faatauva, ua outou toe  
mananao ia outou toe nofo  
10 pologa i ai? Tou te anaana  
i aso, ma masina, ma tau,  
11 ma tausaga. Ou te fefe ia

te outou, ina nei iu ina faa-  
leaogaina la'u galuega na  
au faia ia te outou.

Le au uso e, ou te aoi 12  
atu ia te outou, ia faapei o  
au outou, auā pei o outou o  
au; e lei agaleagaina au e  
outou i se mea e tasi. Ua 13  
outou iloa foi na au folafola  
anamua i le tala lelei ia te  
outou ma le tino vāivāi;  
O le tofotofa foi sa ia te au 14  
i lo'u tino e le faatauuaa lea  
ia te outou, sa outou le 'ino-  
'ino i ai, a ua outou talia  
mai au peiseai se agelu a le  
Atua, pei o le Mesia o Iesu.  
Pe faapefea foi lo outou faa- 15  
amuia sa fai? aua o la'u  
mau lenei ia te outou, ana  
outou mafaia po ua outou  
sasali mai i o outou mata  
ma foai mai ia te au.  
Ou te se ita atu ea ia te 16  
outou i lo'u tauina atu ia te  
outou o le mea moni? La- 17  
tou te maelega ia te outou,  
a e faaletatau, latou te fia-  
faanonofa ese outou ina ia  
outou maelega ia te i latou.  
A e matagofie ona maelega 18  
i le mea lelei e le aunoa,  
aua nei gata ina o ia te  
outou au. La'u fanau e, ou 19  
te toe oono i a'u faiga i ai,  
seia tino Keriso i totonu ia  
te outou, Ou te loto ina a 20  
au ia te outou i ona po nei  
ma tautala faatatau atu, aua  
ua ou faaletonu ia te outou.

Ina tau mai ia ia te au 21  
outou o e fianonofa i le tula-  
fono, tou te le faalogo atu  
ea i le tulafono? Aua ua 22  
tusia, sa ia Aperaamo atalii

e toalua, o le tasi na fanau  
mai i le teine nofo-pologa,  
o le tasi i le fafine o le  
23 tama-a-le-eleele. A e pei-  
tai o le tama a le teine nofo-  
pologa ua fanau lea i la le  
tino, a o le tama a le fafine  
o le tama-a-le-eleele ona o  
24 le folafolaga lea. Ua fai  
ma mea faataoto ia mea,  
aua o fafine nei o feagaiga  
e lua ia; o le tasi mai le  
mauga o Sinai e tutupu ai  
fanau e fai ma pologa, o  
25 Akara lea, (Aua o le  
Akara o le mauga o Sinai  
ia i Arapi) ua la tutusa ma  
Ierusalem a ona po nei, ua  
latou nonofo pologa atoa ma  
26 lana fanau; A o Ierusa-  
lema i lugā o le tama-a-le-  
eleele ia, o le tina o tatou  
27 uma lava ia. Aua ua tusia,  
"Ia e olioli oe le fafine e  
pa e lē fanau, ia e uio ma  
leo tele oe sa le oono, aua  
ua tele le fanau a lē ua  
nofo-fua i la lē nofo-tane."  
28 Le au uso e, o fanau i tatou  
o le folafolaga, pei o Isaako:  
29 A e faapei ona sauā o lē na  
fanau i la le tino i lē na  
fanau i la le agaga i ia ona  
po, e faapea foi i ona po  
30 nei. A e peitai se a ea la  
le Tusi? "Ina tutuli ia le  
teine nofo-pologa ma lana  
tama, aua o le tama a le  
teine nofo-pologa la te le  
suli faatasi ma le tama a le  
fafine o le tama-a-le-eleele."  
31 O lenei, le au uso e, o fanau  
i tatou, e le a se fafine nofo-  
pologa, a e a le fafine o le  
tama-a-le-eleele.

## O LE MATAUPU V.

*O le uiga o amioga i la le Agaga.*

**O** LENEI ia outou tu-1  
 mau i le saolotoga ua  
 faasaoloto mai ai Keriso ia  
 te i tatou; aua nei toe tao-  
 fia outou i le amo o le polo-  
 ga. Faauta mai ea, o au o 2  
 Paulo, o la'u lenei upu ia  
 te outou, afai e peritomeina  
 o outou e le aoga lava  
 Keriso ia te outou. Ou te 3  
 toe molitino atu taitoatasi i  
 e ua peritomeina, ua ia te ia  
 mea uma lava a le tulafono  
 e fai i ai. O outou o loo ua 4  
 ta'uagatonuina i le tulafono  
 ua tetea ese outou i le Me-  
 sia, ua pauu outou na i le  
 alofa tunoa: Aua o le 5  
 Agaga tatou te faatalitali  
 atu ai i le faamoemoe o le  
 agatonu i le faatuatua: Aua 6  
 e leai se aoga o le peritome  
 poo o le le-peritomeina i le  
 Mesia o Iesu, tau lava o le  
 faatuatua e matua galue i le  
 alofa. Sa outou tautetuli 7  
 lelei, po o ai ea ua faafe-  
 lavei ia te outou, ina nei tou  
 anaana i le mea moni? E 8  
 le mai le na te valaauina ia  
 te outou le taitaiga. E faa-9  
 fefeteina le paluga uma lava  
 i sina mea itiiti e faafefete  
 ai. Ou te matua faatuatua 10  
 ia te outou i le Alii, tou te  
 le loto atu i se mea ese, a o  
 le na te faatuatuvaleina ia  
 te outou e oo ai lana sala, e  
 le iloga po o ai, A o au, 11  
 le au uso e, afai ou te talai

pea i le peritome, se a ea le  
 mea e sauaina ai au? afai o  
 lea, ua faaumatia le mea e  
 12 tausui i le satauro. O lo'u  
 manao ia faateaeeseina o e o  
 faagaetia outou.  
 13 Le au uso e, sa tofia ou-  
 tou i le saolotoga, tau lava  
 ina nei avea le saolotoga  
 ma togafiti a le tino, a  
 ia outou faafepologai i le  
 14 alofa. Aua ua atoatoa le  
 tulafono uma lava i le upu  
 e tasi, o lenei foi, "Ia e  
 alofa atu i le tagata e lata  
 mai ia te oe, ia pei o oe  
 15 lava ia te oe." A e afai  
 tou te feutai ma fe'aiinai  
 outou, ia outou ina nei faa-  
 umatia outou ia te outou.  
 16 O la'u upu lenei, ia ou-  
 tou savavali i la le Atamai,  
 ona le anaana ai lea o outou  
 i le tuinanau o le tino.  
 17 Aua o le tuinanau o le tino  
 o tetea atu i le Atamai, o  
 le tuinanau foi o le Ata-  
 mai o tetea atu i le tino;  
 ua feteeina foi nei mea, o  
 le mea lea tou te le fai ai i  
 18 mea tou te loto i ai. A e  
 afai e taitaiina outou e le  
 Atamai, ua le nonofo outou  
 19 i le tulafono. Ua iloga foi  
 galuega a le tino—o mea  
 faapenei; o le mulilua, o  
 le faitaaga, o le amio leaga,  
 o le mataitu, o le tapuai i  
 tupua, o le faitogafiti faa-  
 20 taulaitu, O le faitagai, o  
 le femisai, o le faamata-  
 taua, o le faalotoa, o le finau-  
 vale, o le fevaevaeaga, o  
 21 maseiga, O le momoo, o le  
 fasioti tagata; o le onaga,

o le poula, ma mea faapena, ou te muai tau atu nei ia te outou, pei ona ou fai atu anamua, o e faia mea faapena, e le fai le malo o le Atua ma o latou tofi. A 22 o le fua o le Atamai o le alofa, o le olioli, o le filemu, o le onosai, o le mataalofa, o le agalelei, o le faamaoni, O le loto agamalu, ma le 23 manao faatatau: E le vaoia mea faapena e se tulafono. O e o i le Mesia foi, ua 24 faasatauroina e i latou le tino, ma ona manao, ma ona tuinanau. Afai ua tatou 25 ola i le Atamai, ia tatou savavali foi faa-le-Atamai. Aua nei tatou mitamita- 26 vale, aua nei feluiiai, aua nei felosiai.

## O LE MATAUPU VI.

*O upu aoi eseese.*

**L**E au uso e, afai e mai- 1 leia se tagata i se agasala, o outou o i la le Agaga ia outou taufaasooina i lē ua faapeaina, ma le loto o le agamalu, o loo vaavaai oe ia te oe ina nei faaosoooina foi oe. Ia outou fesui i a 2 outou avega e ave, ma ia faapea ona outou faia i le tulafono a le Mesia. Auā 3 pe a manatu se tasi o le tagata aoga ia, a o leai, ua pelogia ia e ia i lona manatu. A ia taitoatasi ma 4 faamasino i lana lava galuega, ona ia te ia lea o se mea e mitamita ai, tau o ia

5 a e le i se tasi. Aua e taitasi ma ave i lana lava 6 avega. O lē ua aaoaina i le upu ia tufa atu ia mea lelei uma lava i lē ua aao 7 mai. Aua nei faaseine outou, e le o tauemua lē Atua; aua o le mea e luluina e le tagata o le mea lava lea e seleseleina mai e 8 ia: O sē luluina i la lona tino e selesele mai ai ia i le tino le mea e pala, a o sē luluina i la le agaga e selesele mai ai ia i la le agaga 9 le ola faavavau. Aua nei tatou faapalapala i le amio lelei; auā o le tau tatau tatou te selesele mai ai, pe afai tatou te le faavāivāi. 10 O lenei ia tatou agalelei, e le iloga se tau, i tagata uma lava, amaise o le aiga o le faatuatua. 11 Faauta i le tele o le tusi ua ou tusi atu ia te outou i 12 lo'u lava lima. O e faafiaailogaina i le tino, latou te faamalosi ia peritomeina outou, ua na o lea ina nei agaleagaina i latou ona o le satauro o le Mesia. 13 Aua foi o i latou o e ua peritomeina, latou te le anaana i le tulafono; a e peitai latou te loto ina ia peritomeina outou, ina ia latou mitamita ai i o outou 14 tino. A o au, aua nei ou mitamita i se mea, tau lava o le satauro o lo tatou Alii o Iesu Keriso, ua faasatauroina ai le lalolagi ia te au, 15 o au foi i le lalolagi. Auā e le aoga le peritome poo



le le-peritomeina i le Mesia  
o Iesu, tau lava o le foa-  
foaga fou. O e savavali 16  
foi faatatau ma lenei fua,  
ia ia te i latou uma lava le  
manuia ma le alofa, o le  
Isaraela lava o le Atua!

E amata i ona po nei; 17

aia le toe faalavelave se  
tasi ia te au, auā o au ou te  
tauave i faailoga o le Alii  
18 o Iesu i lo'u nei tino. Le  
au uso e, ia i ai i lo outou  
atamai le alofa tunoa o lo  
tatou Alii o Iesu Keriso!  
Amene.

## O LE TUSI

### A PAULO LE APOSETOLO I EFESO.

#### O LE MATAUPU I.

*O le lelei tele lava o e na fili-  
filia e le Atua.*

**O** A U o Paulo, o le apo- 1  
setolo a Iesu Keriso, i  
le finagalo o le Atua, o la'u  
tusi lenei i le au paia o i  
Efeso, o e faatuatua foi ia  
Iesu Keriso. Ia ia te outou 2  
le alofa tunoa, ma le ma-  
nuia, mai le Atua, lo tatou  
Tamā, atoa ma le Alii o  
Iesu Keriso.

Ia faafetaia o le Atua, o 3  
le Tamā o lo tatou Alii o  
Iesu Keriso, ua na faama-  
nuia mai ia i tatou i mea  
uma lava, e manuia ai i la  
le Agaga, i mea faalelagi,  
ia Keriso. Faapei ona ia 4  
filifili mai ia i tatou, ona o  
ia, a o lei faavaeina le lalo-  
lagi, ina ia avea i tatou o le  
au paia, ma le lē mata'u-  
leagaina i ona luma. O le 5  
alofa, ua na muai manatua  
mai ai i tatou, ona ia iu ina  
avea ma tamafai ma ona, ia  
Iesu Keriso, ona o le pule  
tunoa o lona finagalo. Ina 6  
ia iu ai i le viiga o le ma-

malu o lona lava alofa tu-  
noa, ina ua agalelei fua mai  
ia te i tatou, ona o le faa-  
7 peleina. O ia foi ua tatou  
maua ai le togiola i lona  
toto, le aveesega o sala, e  
tusa ma le faulai o lona  
8 alofa tunoa, Na ia faupue  
tele mai ia i tatou, i le pota  
9 atoa ma le faasoasoa; Ina  
ua faailoa mai ia te i tatou  
le mea lilo sa i lona lava  
finagalo, e tusa ma lana lava  
pule tunoa, na ia muai ma-  
10 natua e ia lava: Ina ia oo  
ai le sauniga i le faaatoaga  
o tau, ia faaopoopoina ai e  
ia, i le Mesia, mea uma  
lava o i le lagi, atoa ma  
11 mea i le lalolagi. O ia te  
ia foi ua matou maua ai le  
tofi, o i matou na muai ma-  
natua, e tusa ma le uluai  
manatu o le ua matua fai  
mea uma lava, e tusa ma le  
filifiliga o lona lava fina-  
12 galo; Ina ia avea i matou  
ma viiga i lona mamalu, oi  
matou o e na muai faamoe-  
13 moe i le Mesia. O outou  
foi, ina ua outou faalogo-  
logo i le upu o le mea moni,  
o le tala lelei lea o lo outou

olataga, ina ua outou tali tonu i ai, ua faamauiua ai outou e le Agaga paia, o le ua folafolaina mai: O le 14 faamaoni lea o lo tatou tofi, seia iu ai i le togiola o e na faatauina, ina ia avea ma viiga i lona mamalu.

O le mea lea, ina ou faa- 15 logologo ai au i lo outou faatuatua i le Alii, o Iesu, ma le alofa i le au paia uma lava, Ou te le mapu ai i 16 la'u faafetai ona o outou, e faamanatuina foi outou i a'u tatalo; Ina ia foai atu ia 17 te outou e le Atua o lo tatou Alii, o Iesu Keriso, e le Tamā e ona le mamalu, i le loto matala atoa ma le faaaliga, ina ia outou iloa o ia. Ia faapupulaina foi o 18 mata o outou loto, ina ia outou iloa pe se a le faamoemoe na tupu i lona togiā, pe se a foi le faulai o lona tofi femalua mo le au paia: Pe se a foi le nimo- 19 nimoese lava o lona mana, o ia i tatou o e faatuatua, pei o le galuega a lona mana malosī tele lava, Na 20 ia matua galue ai i le Mesia, ina ua toe faatuina mai o ia na i e ua oti, ma faanofo ia te ia i lona aao taumatau i le lagi, E faasili lava i 21 le malo uma lava, ma le au fai pule, ma le au malolosi ma alii, ma igoa uma lava e taua, e le gata ai i le olaga nei, a e oo foi i lela atali. Na ia tuu foi mea 22 uma lava i lalo o ona vae, ma tuuina atu o ia e fai ma

ulu o mea uma lava i le 23 ekalesia; O lona tino lea, o le tumu foi o le faatumuina itu tino uma lava i mea uma.

## O LE MATAUPU II.

*O le faaola o tagata nai le agasala.*

1 **O** OUTOU foi lava o e na oti i agavale ma 2 agasala, Na outou savavali ai anamua, pei o le tu a lenei lalolagi, pei o le taitai o le au faipule i le va nimonimo, o le agaga lea o loo galue aiā i le au le-faalogo; 3 O i tatou foi, na agafaatasi i tatou uma lava ma i latou, ina ua tatou nonofo i tuinau o tatou tino, na faia foi i tatou o mea na loto i ai o le tino atoa ma le mafaufau, sa tatou fai foi ma fanauga a le toasa, talu lo tatou fanau mai, faapei o isi atoa 4 foi. A o le Atua, o loo i ai le faulai o le alofa, ona o lona lava alofa tele na ia 5 alofa mai ai ia i tatou, Ina ua oti foi i tatou i le agavale, ua na faaola mai ia i tatou faatasi ma le Mesia; (o le alofa tunoa ua faaola- 6 ina ai outou;) Ua na faatutu faatasi mai foi, ma faanonono faatasi i tatou ma le Mesia, o Iesu, i mea faa- 7 lelāgi; Ina ia faaalā i āū tupulaga atālī le nimonimoese o le faulai o lona lava alofa tunoa, i le agalelei mai ia te i tatou, i le Mesia

o Iesu. Aua, o le alofa 8  
tunoa na faaolaina ai outou,  
i le faatuatua; e le mai ia  
te outou foi lea, a o le mea  
na foaiina mai lava e le  
Atua: E le ona o galuega 9  
ina nei mitamita se tasi.  
Aua o lana galuega i tatou 10  
na na faia; na foafoaina i  
tatou e le Mesia, o Iesu,  
ina ia oo ai o le amioga  
lelei na muai manatua e le  
Atua, ina ia tatou savavali  
i ai.

Lenei la, ia outou faama- 11  
natu ia, ina o faapaupau ou-  
tou, i la le tino, na taua  
outou o le au le-peritomeina  
e i latou o e taua o le au  
peritomeina o i le tino, ua  
fai e lima; O ona po ia e 12  
le i i ai ia te outou o Keris-  
so, e le i mafuta faatasi ou-  
tou ma le sauniga o le malo  
o Isaraela, o tagata ese foi  
i feagaiga ua i ai le mea na  
folafolaina, e le i i ai so ou-  
tou faamoemoe, sa aunoa foi  
outou ma le Atua i le lalo-  
lagi. A o ona po nei, ona 13  
o le Mesia, o Iesu, o outou  
sa vavamainao ua faalatala-  
taina ai, i le toto o le Me-  
sia. O ia foi o lo tatou faa- 14  
leleiga, ua na fai ma tasi e sa  
faalua, na na soloia foi le au-  
pa-va-e-loto, sa vaeluaina ai.  
Na ia faaumatia foi le feita- 15  
gai, i lona lava tino, o le  
tulafono i sauniga sa i upu  
e aoaoina ai, ina ia liliu e ia  
i laua ma tagata fou e tasi,  
ia tupu ai le filemu; Ma 16  
ia faalotogatasi ma le Atua  
i le tino e tasi, e sa toalua,

ona o le satauro, ina ua faa-  
17 umatia ai le faitagai. Na  
maliu mai foi ia e tala mai  
le tala lelei i le filemu ia te  
outou sa vava mamao, ma e  
18 na latalata foi. Aua ua ta-  
maua mai ia te ia o le tai-  
taiga i le Tama, e le Agaga-  
19 e tasi. O lenei, e moni lava,  
e le ni tagata ese outou, poo  
ni maumausolo, a ua mafuta  
faatasi ma le au paia, o le  
20 aiga foi o le Atua: O loo ua  
atiina ae i luga o le noopa o  
le au aposetolo, atoa ma le  
au perofeta, o le maa tuli-  
manu o Iesu le Mesia lava.  
21 lea. O lea ua faatatauina ai  
le fale atoa, o loo tupu, ina  
ia fai ma malumalu paia i le  
22 Alii. O lea foi ua ati ae faa-  
tasiina ai outou e le Agaga,  
e fai ma afioga o le Atua.

### O LE MATAUPU III.

*O le alofa o le Atua i le au  
etene, ma le sauniga ia faa-  
tasia i latou ma le ekalesia.*

1 **O**NA o lea mea, o au o  
Paulo o lē ua saisaitia  
ona o Iesu le Mesia, ona o  
2 outou ō atunuu; Ina ua  
outou iloa le sauniga o le  
alofa tunoa o le Atua ua  
tuuina mai ia te au mo ou-  
3 tou; Na ia faailoa mai foi  
ia te au, i le faaaliga, o le  
mea sa lilo, (faapei ona au  
muai tusia i ni upu itiiti,  
4 Pe a faitaulia e mafai ai  
outou ona iloa ai lo'u loto  
matala i le upu i a le Mesia  
5 sa lilo,) Sa le faailoa atu

i isi tupulaga o tagata faapei ona faaali mai nei, e le Agaga, i ana aposetolo paia, ma le au perofeta; Ia avea 6 o atunuu ma suli faatasi ma tino e tasi, ma mafuta faatasi o lana sa folafolaina mai i a le Mesia, i le tala lelei; Na fai foi au ma 7 auauna i ai, i le mea foaifuaaina mai i le alofa tunoa o le Atua, ua na foaiina mai ia te au i le galuega aiai a lona mana; Ua aumai ia 8 te au, o le matua itiiti lava i le au paia uma, o lenei lava alofa tunoa ina ia ou tala'i atu i atunuu, o le lelei faulai o le Mesia e suesuegata lava; E faamalamala- 9 maina atu i tagata uma, i le uiga o le sauniga o le mea lilo sa nanā i tupulaga anamua e le Atua, o lē na faia mea uma lava ia Iesu Keriso; Ina ia iloa nei e malo 10 ma le au faipule i le lagi, i le ekalesia, le poto uigaeseese o le Atua, Pei o le 11 muai manatua talu anamua lava, na ia faia i a le Mesia o Iesu lo tatou Alii; Ua 12 tatou maua ai le faamalosi foi o le taitaiga, ma le loto tele, i le faatuatua ia te ia. Lenei la, ou te aioi atu, aua 13 nei faavaivai outou ina ua puapugatia a'u ona o outou, aua o lo outou mamalu lea. O le mea lea ou te 14 tootuli ai i le Tamā o lo tatou Alii, o Iesu Keriso; Ua faaigoaina mai ia te ia 15 o le aiga atoa uma o i le lagi atoa ma le lalolagi: Ina 16

ia foaiina ia te outou e tusa ma le faulai o le lelei o lona malualii, ia faamalosiina outou i le mana, e lona lava Agaga, ia oo i le tagata i 17 totonu; Ia nofo mau le Mesia i o outou loto i le faatuatua, ina ia maulalo outou, ma faano'opaina i le 18 alofa; Tou te mafai ai ona iloa lelei, o outou atoa ma le au paia uma, se a le lautele, ma le umi, ma le loloto, 19 ma le maualuga, Ma ia iloa foi o le nimonimo ese lava o le alofa iloagata o le Mesia, ia faatutumu ina outou i le tumu uma lava o le 20 Atua. Ia ia te ia na te mafaia ona fai i mea uma e faasilisili lava i mea tatou te ole atu i ai, ma mafaufau i ai, pei o le mana o loo galue aiai ai i totonu ia te i 21 tatou. Ia ia te ia le mamalu i le ekalesia, ona o le Mesia o Iesu i augātupulaga uma, e faavavau, faavavau lava. Amene.

#### O LE MATAUPU IV.

*E lelei le lotogatasi. Ua tofutofusia le ekalesia i le au fai galuega. Ia toefuataina le amio.*

1 **L**ENEI la o au o le ua lsa isaitia, ona o le Alii, ou te aioi atu ia te outou ia outou savavali ia tusa ma le togia na tofu ai outou, 2 I le loto maulalo lava, ma le agamalu, ma le palapalanai ia outou feonosai ai ma

le alofa, Ia taumafaia e 3  
 outou ona taofi pea o le loto-  
 gatasi i la le Agaga i le  
 noataga o le filemu. E tasi 4  
 le tino, e tasi foi le Agaga,  
 faapei ona togia outou i le  
 faamoemoe e tasi na togia  
 ai outou: E tasi le Alii, 5  
 e tasi le faatuatuaga, e tasi  
 le papatisoga. E tasi le 6  
 Atua, o le Tamā foi lea o  
 tagata uma lava, o le faa-  
 silisili i mea uma lava, o le  
 o tutumu ai mea uma lava,  
 o loo i totonu foi ia te ou-  
 tou uma. A ua au mai ia 7  
 te i tatou, e taitoatasi, o le  
 alofa tunoa e faatatauina  
 ma le mea foaifuaina mai e  
 le Mesia. O le mea lea na 8  
 fetalai mai ai ia, Ina o afio  
 ae ia i luga, na ia taitai faa-  
 tagata-o-taua i le tafeaga;  
 ua na foaifuaina mai foi mea  
 i tagata. Ia, o le upu lea, 9  
 “Na ia afio ae,” se a foi o  
 lona uiga afai e le o lea, Ua  
 muai ona afio ifo i mea mau-  
 lalo i le lalolagi? O lena 10  
 foi na afio ifo, o ia lava lea  
 na afio ae e maualuga i lagi  
 uma lava ina ia faatumuina  
 ia te ia o mea uma lava.  
 Na ia au mai foi o isi e fai 11  
 ma aposetolo, o isi foi ma  
 perofeta, o isi foi ma fai-  
 evagelia, o isi foi e fai ma  
 leoleo atoa ma aoao; Ina 12  
 ia maopoopo lelei ai o le au  
 paia, latou te fai ai le galu-  
 ega a auuuna, ia atiina ae  
 ai le tino o le Mesia; Seia 13  
 tatou oo atu uma lava i le  
 lotogatasi i le faatuatuaga,  
 ma le iloa tino o le Atalii

o le Atua, seia fai ma tagata  
 maopoopo lelei, seia oo i le  
 fua o le tagata matua e pei o  
 14 le tumu o le Mesia: Ina nei  
 fai pea i tatou ma tama ni-  
 nii o loo faamaliuliuina, ma  
 lelea i matagi uma lava, o  
 aoaoga i taupelopelo o taga-  
 ta, i togafiti faatāutala e oo  
 15 ai o mailei e faasese ai. A  
 ia tautalatala faamaoni, i le  
 alofa, ia tutupu i tatou ia te  
 ia i mea uma, o le ulu lava  
 16 ia, o ia foi o le Mesia: E  
 mai ia te ia foi le tino uma  
 lava o loo o faatatauina, ma  
 faasooina i ua uma lava e  
 fesoasoani i ai, e pei o le  
 galuega aiai i le fua o itu  
 tino e tai tasi, ina ia tupu ai  
 le tino, ia iu ai ona atiina  
 ae e ia ia ia i le alofa.  
 17 Lenei la, ou te fai atu ia  
 te outou, ma tautino atu i  
 lenei mea, i le Alii, aua tou  
 te savavali faapei o isi o to-  
 toe o nuu faapaupau o e  
 savavali i le valea o latou  
 18 loto, O loo pouliuligia o  
 latou mafaufau, o liliueseina  
 i latou a i le ola o i le Atua,  
 ona o le valea o ia i latou;  
 19 ona o latou loto fatu; O loo  
 faateaeeseina i latou ma le  
 loto lagona, na tuuina atu  
 fua i latou ia i latou i le ma-  
 tāitu e fai mea faasoesa uma  
 lava, i le manao le maona.  
 20 A o outou, ua le aoaoina  
 outou faapena i la le Mesia,  
 21 Ina ua outou faalogologo  
 ma aoaoina i ana e tusa ma  
 le mea moni, o loo ia Iesu.  
 22 Ia outou tiati le tagata tuai,  
 o loo ua leagaina, e pei o le

amioga faanamua, e pei o le mou manao foi e faasese ai, Ia toefuataiina foi ou- 23  
 tou i le manao o outou loto, Ma ia oofu outou i le tagata 24  
 fou o loo foafoaina, e tusa ma le Atua, i le agatonu ma le amio lelei faamaoni.

Lenei la, ia outou tiai le 25  
 pepelo, ia tautalatala faamaoni, taitasi ma e lata mai ia te ia, aua o itu tino lava i tatou, o le tasi i le tasi. A 26  
 outou ita, aua le agasala, aua nei goto le la o ita pea outou. Aua nei tuumuli 27  
 outou i le tiapolo. O le na 28  
 gaioi aua nei toe gaioi, a ia faamalosi ia i le galuega i ona lima i mea aoga, ia maua e ia sina mea e avatu i le ua mativa. Aua nei 29  
 pa'ū se upu leaga a i o outou gutu, na o le upu lelei ma le aoga e faamafanafana ai e tupu ai le lelei i e faalogologo i ai. Aua tou te 30  
 faaonoono i le Agaga paia o le Atua, o ia na te faamauiina outou seia oo i le aso e togiolaina ai.

Ia outou tiaiina atu ia te 31  
 outou le mimilo, ma le faalotoa, ma le ita, ma le leo tele, ma le faifai, atoa ma le loto leaga uma lava. A 32  
 ia outou feagalelei ai, ia femutimutivale ai lo outou alofa, ia fefaamagalalo ai outou faapei o le Atua ona faamagalalo mai ia te outou, ona o le Mesia.

## O LE MATAUPU V.

*O loo aoi ai ma poloi atu ai i le amio e tatai.*

1 **L**ENEI la, ia faataitai outou i le Atua, faapei 2 o fanau e peleina, Ma ia savavali i le alofa, faapei o le Mesia na alofa mai ia i tatou, ua na foi mai foi e ia ia ia mo i tatou, o le taulaga ma le togiola, o le mea 3 magoni lea i le Atua; A o le faitaaga, ma le amio faamatāitu uma, ma le manu-manu faasaua, aua nei taua lava ia mea ia te outou, a ia faatatauina outou ma le 4 au paia. O le anovale foi, ma upu faatauvaa, ma le faaulaula, o mea ia e le tatou, a o le faafetai e lelei 5 lava lea. Aua ua outou iloa lava lenei mea, e leai lava se faitaaga, poo se faamatāitu, poo se manumanu, (o le fai-tupua lava lea) na te maua se tofi i le malo o le Mesia, o le Atua foi lea. 6 Aua nei faaseseina outou e se tasi, i upu le aoga, aua o mea ia e oo mai ai le toasa o le Atua i tagata le 7 faalogo. Lenei la, aua nei agafaatasi outou ma i latou: 8 Aua sa outou pouliuli anamua, a o lenei ua outou malamalama i le Alii; ina savavali ia pei o tagata o le 9 malamalama. (Aua o le fua o le Agaga, o i le agalelei uma lava lea, ma le agatonu, ma le mea moni.) O 10 loo iloilo outou i le mea e

fiafia mai ai le Alii. Aua 11  
 tou te agafaatasi ma galuega  
 le aoga a le pouliuli, a ia ou-  
 tou vaoia atu. Aua o mea 12  
 ua faia faalilolilo e i latou ua  
 ma lava ona tautalatala i ai.  
 A o mea vaoia uma lava ua 13  
 faaalua mai i le malamalama,  
 aua o mea uma e faaalua mai  
 ai o le malamalama lea. O le 14  
 mea lea ua faapea ai le upu,  
 Ala ia oe e moe na, ina tulai  
 ia i e ua oti, i le, e faama-  
 lamalama mai le Mesia ia  
 te oe. Ina toaga lelei ia ou- 15  
 tou, ia outou savavali ma le  
 mafaufau, aua nei faapei o e  
 valelea, a ia faapei o e po-  
 poto; O loo o taumafaia 16  
 outou ona faatonu o le tau,  
 ona o ona po nei ua leaga.  
 O lenei aua nei avea outou 17  
 ma e faavalea, a ia avea ma  
 e ua iloa le finagalo o le  
 Atua. Aua foi nei onā ou- 18  
 tou i le uaina, o le mea e  
 pagota ai, a ia faatumuina  
 outou i le Agaga. Ia outou 19  
 fetautalatala ai i salamo, ma  
 pese, ma siva i le agaga,  
 ina ia outou faaneene atu  
 ma pepese atu i le Alii i o  
 outou loto. Aua le aunoa 20  
 le faafetai i mea uma lava  
 i le Atua le Tamā, i le suafa  
 o lo tatou Alii, o Iesu Ke-  
 riso. Ia fefamaulaloai ma 21  
 le mata'u i le Atua.

O outou fafine e taitasi 22  
 ma faamaulalo atu i a outou  
 lava tane, faapei o i le Alii.  
 Aua o le tane o le ulu lea 23  
 o le fafine, pei o le Mesia  
 o le ulu lea o le ekalesia, o  
 le faaola foi ia o le tino,

24 O lenei faapei o le ekalesia  
 ua faamaulalo atu i le Mesia,  
 ia faapea foi o fafine i a  
 latou lava tane i mea uma  
 25 lava. O outou tane foi ia  
 outou alolofa atu i a outou  
 lava avā, faapei o le Mesia  
 foi ona alofa mai i le eka-  
 lesia ma foaiina mai e ia ia  
 26 ia mo ona sui; Ina ia faa-  
 paia i ai, ina ua faamamaina  
 i le fufuluina i le vai e le  
 27 upu; Ina ia taitaiina foi i  
 ona luma, o le ekalesia  
 matagofie lava, e leai sona  
 ila, e leai foi sona maanu-  
 minumi, poo se tasi mea  
 faapena, a o le ekalesia paia  
 ma le lē matauleagaina lava.  
 28 O loo faapea ona tataua ia  
 faapelepele tane i a latou  
 lava avā, faapei o i o latou  
 lava tino: o lē faapelepele  
 i lana lava avā, o loo faa-  
 pelepele ai e ia ia lava;  
 29 Aua e leai se tasi e ita i  
 lona lava tino, ae peitai, na  
 te fafaga ma tausi atu i ai,  
 faapei o le Alii i le ekalesia.  
 30 Aua o itu lava i tatou o  
 lona tino, ma lona aano, ma  
 31 ona ivi. O le mea lea e  
 faateaina ai le tagata i lona  
 tama, ma lona tina ma  
 pipii atu i lana avā, ona  
 avea ai lea o i laua ma tino  
 32 e tasi, O le mea matua  
 lilo lenei, a ou te talaina  
 atu nei i a le Mesia atoa ma  
 33 le ekalesia. A o outou, ia  
 outou faapelepele atu e tai-  
 tasi uma lava i lana lava  
 avā, faapei o ia lava ia te ia:  
 o le fafine foi ia faamaulalo  
 atu ia i le tane.



## O LE MATAUPU VI.

*O le amio e tatau a le fanau i  
o latou matua, ma tavini i o  
latou matai, ma isi aoaiga.*

**O** OUTOU le fanau, ia 1  
outou faalogo i o ou-  
tou mātua, i le Alii, aua o  
le mea tonu lava lea. Ia 2  
usitai atu i lou tamā ma lou  
tina, (o le uluai tulafona  
lea sa faaopoopo ai le fola-  
folaga;) Inā ia e lelei ai, 3  
ma ia e nofo tulu'i ai i luga  
o le lau eleele. O outou 4  
foi tamā aua nei tou faalili  
atu i a outou fanau, a ia  
tausi atu i ai i aoga ma upu  
vaoai atu i ai a le Alii.

O outou auaua, ia outou 5  
gauai i o outou matai i la  
le tino, i le mata'u ma le  
gatete, i le faamaoni o outou  
loto, faapei ona gauai i le  
Mesia. Aua nei faatagā- 6  
toaga pei o e fia faafiafia ai  
i tagata, a ia faapei o auaua  
a le Mesia o e fai le finagalo  
o le Atua i le loto, Ma le 7  
loto malie e auaua atu ai  
i le Alii, e le o tagata; O 8  
loo o iloa foi o le fai se mea  
lelei, e taitasi ma talia lava  
e ia mai le Alii e tusa ai i  
lela mea, pe se nofopologa  
ia poo se saoloto. O outou 9  
matai foi, ia outou fai foi  
ia lava mea ia i latou, aua  
le agatele atu i ai, ina ua  
outou iloa o lo outou lava  
matai o loo i le lagi ia e le  
faailogaina se tasi ia te ia.

Ou uso e, o le toe upu 10  
lenei, ia outou loto tetele i  
le Alii, ma le malosi o lona

11 mana. Ia oofu outou i le  
ofu-tau atoatoa e a le Atua,  
ina ia outou mafaia ona  
tetele atu i togafiti leaga a  
12 le tiapolo. Aua tatou te le  
tau ma tagata i lenei taua,  
a o le au malo, ma le au fai-  
pule, ma alii o lenei lalolagi  
pouliuli, atoa ma agaga  
leaga i mea o i le lagi.  
13 Lenei la, ia outou tago i  
ofu-tau atoatoa e a le Atua,  
ina ia outou mafaia ona tetele  
atu pe a oo i le aso vale, a  
mānumalo i mea uma, tou  
14 te tutumau ai lava. Ina  
tutumau ia outou, ma ia  
fusufusia o outou sulugatiti  
i le mea moni, ia oofu foi  
outou i le ufi fatafata o le  
15 agatonu; Ma ia fai ni  
see-vae i o outou vae i le  
sauniga o le tala lelei o le  
16 filemu; Amaise ia ufitia ai  
mea uma i le talitao o le  
faatutuaga, tou te mafai  
ai ona tinei o u fanafana  
mu uma lava o o loo-leaga,  
17 Ma ia outou ave le pulou  
fitafita o le olataga, ma le  
pelu o le Agaga, o le upu  
18 lea a le Atua. Ia outou  
faatoga atu i le Agaga e le  
aunoa i talotaloga ma fautua  
uma, ia outou mataala pea  
i lenei lava mea ma matua  
tausisi ai, i le faatoga foi  
mo tagata paia uma lava.  
19 Mo au foi, ia tuuina mai le  
gagana ia te au ina ia au  
faamalosi ona tala atu ma  
faailoa atu le upu sa lilo, o  
20 le tala lelei. O le upu lava  
lea ua saisaitia ai o au le  
tausavali, ina ia ou faamalosi

ai ona talatalaina, pei ona  
tatau lava ia te au.

Ia outou iloa foi, o outou 21  
lava, mea uma o ia te au,  
o mea ou te faia, e faailoa  
atu mea uma e Tukiko ia te  
outou, o le uso pele ia, ma  
le auauna faamaoni foi i le  
Alii. O ia, ou te auina atu 22  
ia te outou, ia outou iloa a

matou mea, ma ia faama-  
talalotoina ai o outou loto.

23 Ia maua e le au uso le  
manuia, ma le alofa atoa ma  
le faatuatuaga mai le Atua  
le Tamā, ma le Alii, o Iesu  
24 Keriso. Ia i ai le alofa  
tunoa i e atoa uma o e loto  
faamaoni atu i lo tatou Alii,  
o Iesu Keriso. Amene.

## O LE TUSI

# A PAULO LE APOSETOLO I FILIPI.

### O LE MATAUPU I.

*O le faafetai a Paulo ona o le galuega a le Atua i Filipi, ma lava tatalo mo i latou, ma apoapoai atu i ai.*

**O** I maua, o Paulo ma 1 Timoteo, o auaua a Iesu Keriso, o la ma tusi lenei i e ua faapaiaina uma lava, o i Filipi, o i le Mesia o Iesu, atoa ma epikopo ma tiakono. Ia ia te outou le 2 alofa tunoa, ma le manuia mai le Atua, o lo tatou Tamā, atoa ma le Alii o Iesu Keriso.

Ou te faafetai atu i lo'u 3 Atua, i a'u faamanatu uma ia te outou: I a'u talosaga 4 uma, e le aunoa la'u faatoga mo outou uma lava, ma le fiafia, Ona o lo outou mafuta faatasi i le tala lelei, talu mai i le uluai aso, ua oo mai i le aso nei. Ua ou 6 mautinoa lenei lava mea, o ia na amataina le galuega lelei ia te outou, e faaatoatoaina ai lava e ia e oo atu lava i le aso o Iesu Keriso; Faa- 7 pei ona tataua ia te au ona

au manatu i lenei mea ia te outou uma; o le mea lea ua tuuina ai outou i lo'u loto i o'u nei saisaitaga, ma la'u faatonu atu, atoa ma lo'u faamaoni atu o le tala lelei, o loo tofusua faatasi i tatou uma lava ma a'u i le alofa tunoa ua foaiina mai ia te 8 au. Aua o loo silafia mai e le Atua, ou te matua nau-nau ia te outou uma lava, i le alofa mutimuti vale o 9 Iesu Keriso. Tasi foi lenei mea ou te faatoga atu i ai, ina ia faulai atili pea lava lo outou alofa, ma le iloa tino, atoa ma le loto mafaufau 10 uma; Ina ia outou iloa mea uigaeseese, ina ia avea outou ma e faamaoni, ma e le agaleaga e oo i le aso o 11 le Mesia. O loo tutumu outou i fua o le agatonu, mai ia Iesu Keriso, ia iu ai i le mamalu ma le viiga i le Atua. 12 Le au uso e, ou te manao ia iloa e outou, o mea ia na oo ia te au, ua iu ina tupu 13 atili ai o le tala lelei. O lenei foi ua faaalua ou saisaitaga ona o le Mesia, i le

fale faamasino atoa ma isi  
mea uma. E toatele foi o 14  
le au uso i le Alii o loo  
matua faatuatua lava, ona o  
ou saisaitaga : ua latou faa-  
malosi lava, e folafola ai le  
upu, ma le le matau. O isi 15  
foi na talai atu i le Mesia, i  
le mataua lava, ma le finaue-  
ese, o isi foi i le loto lelei.  
O e talai atu i le Mesia i le 16  
finauese, e le faia ma le faa-  
maoni, o loo o manatunatu  
e faatele ai le puapuaga i  
lo'u nei saisaitaga ; A o e 17  
tala'i atu i le alofa, o loo o  
iloa e i latou ua faatuina  
au ina ia ou faatonu atu o  
le tala lelei. Ia! fā'i ona a 18  
faapefea? o i togafiti uma,  
pe faatagafai, pe fai ma le  
faamaoni, ua tala'iina atu  
ai o le Mesia ; o le mea lea  
ua ou olioli ai, e moni ou te  
olioli ai foi lava. Aua ua 19  
ou iloa, o le mea lea e iu ai  
i lo'u manuia, ona o la ou-  
tou faatoga, ma le fesoa-  
soani mai o le Agaga o  
Iesu Keriso : Pei o lo'u 20  
faatali ma le naunau atu,  
ma lo'u faamoemoe, ina ia  
ou le mā i se mea e tasi, a ia  
ou faamalosi faapei ona au  
fai e le aunoa, e faapea foi  
nei ina ia faamamaluina ai  
o le Mesia, i lo'u nei tino i  
le ola poo le oti.

Auā o le Mesia, o lo'u 21  
ola lea ; o le oti foi, o lo'u  
manuia lea. Afai ou te ola 22  
i le tino, o le fua lea o la'u  
galuega ia te au, a ou te le  
o iloa poo le fea mea ou te  
filifili i ai. Aua ua o'u 23

tiga i o'u manatu e lua : o  
loo ia te a'u le naunau ia  
tatalaina a'u, ia faatasia a'u  
ma le Mesia, o le mea lea e  
24 sili ona lelei. Peitai ia a'u  
tumau i le tino, o le mea  
lea e sili ona aoga ia te ou-  
25 tou. Ua a'u mautinoa ia  
te' au lenei mea, ou te tu-  
mau, tatou te tutumau faa-  
tasi foi uma, ina ia tupu ai  
lo outou manuia ma le fiasia  
26 i le faatuatuaga ; Ina ia  
faateleina ai lo outou olioli  
i le Mesia, o Iesu, ia te au,  
i lo'u toe alu atu ia te ou-  
27 tou. Tau ina ia tusa la  
outou amio ma le tala lelei  
i a le Mesia, pe afai ou te  
alu atu ma au asiati atu ia  
te outou, pe ou te nofo ese,  
ia ou iloa pea sina tala ia te  
outou, ona ua outou tumau  
i le loto gatasi, ma le ma-  
natu e tasi, ma faamalosi  
faatasi i le faatuatua i le  
28 tala lelei ; O loo lē faa-  
matata'uina outou i se mea  
e tasi e i latou o e tetee  
mai, auā o le faailoga lea ia  
te i latou o le malaia, a e ia  
te outou o le ola, e mai le  
29 Atua foi lea. Auā ua foai-  
fuaina ia te outou, ona o le  
Mesia e le na ona ia faatua-  
tua ia te ia, a e ia faatigaina  
30 foi outou ona o ia. Ua ia  
te outou foi o lea lava tiga  
pei o lea na outou vaai mai  
ai o ia te au, o loo outou  
faalogologo nei foi o ia te  
au lava.

O LE MATAUPU II.

*O loo aïoi atu ai ia loto gatasi  
i latou, ma ia loto mauialo,  
ia fai ma malamalama i le  
lalolagi, Ua saunia Paulo  
e fai ma taulaga.*

**L**ENEI la, afai e i le 1  
Mesia o se faamafana-  
fana, afai o se faamatalaloto  
i le alofa, afai o se mafuta  
faatasi ma le Agaga, afai o  
se alofa mutimuti vale, ma  
se loto-alofa : Ina faaatoa- 2  
toa mai ia e outou lo'u  
olioli, ia gatasitasi o outou  
manatu o loo o ia te outou  
le alofa faatasi, ma le loto  
gatasitasi, ma le manatunatu  
i le mea e tasi. Aua nei 3  
faia se mea e tasi ma le  
finauese, ma le mitamita  
fua, a ia manatunatu e tai-  
tasi uma ma le loto mauialo,  
ua sili isi ia i latou. Aua 4  
nei vaavaai e taitasi i ana  
lava mea, a ia vaavaai atu e  
taitasi i mea a isi. Ia ia te 5  
outou foi o lea lava manatu  
sa i le Mesia, o Iesu, O 6  
lena sa i ai le amioga faatasi  
ma le Atua, o lei manatu ia  
o se mea faoa ina ia tusa  
lava o ia ma le Atua. A 7  
ua na faamativativa ia te ia,  
ua fai foi e ia amioga a le  
pologa ina ua faia faapei o  
tagata. Na iloa foi o ia i 8  
le tu faatagata ola, ua faa-  
maulalo e ia ia ia, ua na  
anaana foi ua oo i le oti, o  
le oti lea i le satauro. O 9  
le mea foi lea ua matua faa-

- maualugaina ai o ia e le  
Atua, ma foaiina atu ai ia  
te ia o le suafa e silisili i suafa  
10 uma lava : Ina ia tootuli o  
tulivae uma lava i le suafa o  
Iesu, o e o i le lagi, ma e o i  
le lalolagi, ma e o i lalo o le  
11 lalolagi ; Ma ia ta'uta'u  
atu i gagana uma lava, o  
Iesu Keriso, o le Alii lava  
ia, ia iu ai i le mamalu i le  
12 Atua le Tamā. O lenei,  
la'u au pele e, faapei ona  
outou anaana mai e lē aunoa,  
e le gata ina ou iinā ia te  
outou, a o lenei ua atili ai  
ina ua ou nofo ese, ia outou  
galulue aia i lo outou ola-  
taga, ma le mata'u, atoa ma  
13 le gatete, Auā o le Atua  
o loo galue i totonu ia te  
outou, i lona finagalo alofa,  
ina ia outou mananao ma  
14 galulue i ai. Ia outou fai  
mea uma lava ma le le mui-  
mui, ma le le fefinauai, ma  
ia avea outou ma e le ma-  
ta'uleagaina, ma le le aga-  
15 leaga atu, Ma le fanau a  
le Atua o e le mafaaleaga-  
ina i luma o le tupulaga  
agapiopio ma le vaogata ; o  
i ai ia outou pupula mai  
faapei o mea e malamalama  
16 ai i le lalolagi, O loo faa-  
ali ane e outou le upu o le  
ola, ina ia iu ai i lo'u olioli  
i le aso o le Mesia, ina ua  
ou le tausinio faaleaoga poo  
faamalosi faaleaoga.  
17 Afai foi e faamaligiina  
lo'u toto i luga o le taulaga  
ma le moliga paia o lo ou-  
tou faatuatua ou te olioli ai,  
tatou te olioli faatasi foi ma

outou uma lava. O le mea 18  
lava lea ia outou olioli ai, ta-  
tou te olioli foi faatasi ma au.

O loo ou faamoemoe foi i 19  
le Alii o Iesu, ou te vave  
auina atu o Timoteo ia te  
outou, ina ia ou ffilelei ai  
au, i lo'u loto, pe a au iloa  
ni mea ia te outou; Aua 20  
e le o ia te au se tasi, e  
tutusa o ma loto na te tau-  
sia faamaoni i ni mea o ia  
te outou. Aua e sailiili ta- 21  
gata uma lava ia latou lava  
mea, e le i a le Mesia, o  
Iesu. O loo iloa foi e ou- 22  
tou lona tofotofoga, e pei o  
se atalii i le tamā na ia  
aauauna faatasi ma au i le  
tala lelei. O lenei foi, o 23  
loo ou faamoemoe e auina  
atu loa o ia pe a au iloa pe  
faapefea ona iu o mea ia te  
au. Ou te mautinoa foi, 24  
ona o le Alii, e vave ona ou  
alu atu foi au. Sa tatau foi 25  
i lo'u manatu, ina faafoi atu  
ia te outou o Epaferoti, o  
lo'u uso lea ma lo'u feso-  
soani, ma lo'u uso a fitafita,  
o lo outou faifeau foi ma le  
aauauna mai i lo'u mativa.  
Sa naunau foi ia i le fia alu 26  
atu ia te outou uma lava,  
ua na atuvale foi ina ua  
outou faalogologo ua mai  
ia. E moni foi sa mai lava 27  
ia, ua tali oti, a o le Atua,  
ua na alofa atu ia te ia, a e  
le gata ia te ia, a o au foi,  
nei faateleina lava lo'u atu-  
vale. O lea na atili ai ona 28  
ou au faataalise atu ia te ia,  
ina ia olioli outou pe a ou-  
tou toe iloa atu ia te ia,

ia faafeolooloai foi lo'u atu-  
29 vale. Ina ia outou talia  
mai ia te ia, i le Alii, ma  
le olioli atoa ma ia tauleleā  
foi o tagata faapea ia te  
30 outou. Aua sa latalata ia i  
le oti, ona o le galuega a le  
Mesia, e lei faapelepeleina  
foi e ia lona ola, ina ia faa-  
uma e ia mea totoo i lo ou-  
tou auaunaalofa mai ia te au.

### O LE MATAUPU III.

*Aua nei talia o acao faasese.*

*Sa lelei le amio a Paulo i  
sauniga tuai, a ua le aoga pe  
ana faatusaina ma Iesu.*

- 1 **O**'U uso e, o mea nei ua  
totoe; ia outou olioli i  
le Alii. E le se mea ua ou  
musu ai ona tusi atu o ia  
lava mea ia te outou: o le  
mea foi tou te saogalemu ai.
- 2 Ia outou i maile, ia outou i  
e fai galuega leaga, ia outou
- 3 i e ua tafaoia; Aua o le  
au peritomeina i tatou, o le  
aauauna i le Atua i le loto,  
ma mimita i le Mesia, o  
Iesu, e le faatuatua foi i le
- 4 tino, Ae ia te au foi se  
faatuatuaga i la le tino, aua  
afai e manatu se tasi o ia te  
ia le faatuatuaga i la le  
tino, aemaise foi au nei.
- 5 Na peritomeina i le po vava,  
o le aiga o Isaraela, o le  
ituaga o Peniamina, o le  
Epela moni o sa Epela; i  
la le tulafono, o le Faesao
- 6 au. I mea o finauga na au  
faasaua ai i le ekalesia; i la  
le agatonu foi a i le tula-  
fono, e lei mata'uleagaia

au. A e peitai, o mea uma 7  
 sa aoga ia te au, ua ou ma-  
 natu ua faatauva ia mea ona  
 o le Mesia. O lenei foi, e 8  
 moni lava o lo'u manatu ua  
 faatauva mea uma lava ona  
 o le silisili ese o le poto i la le  
 Mesia, o Iesu, lo'u Alii; ona  
 o ia na au faaleaogaina o mea  
 uma, ma ou manatu o otaota  
 lava ia, ina ia maua e au le  
 Mesia. Ia fai foi au mona, 9  
 e le ia te au foi so'u agatonu  
 a i le tulafono, na o lea o  
 loo i le faatuatua i le Mesia,  
 o le agatonu lea mai le  
 Atua i le faatuatua; Ina 10  
 ia ou iloa o ia, ma le mana  
 o lona toe tu mai, ma le  
 tiga faatasi ma ona puapua-  
 ga, ona ua faatusaina au  
 ma lona maluu. Ina ia ou 11  
 mau atu i le toe tu mai o e  
 ua oti. E le peiseai ua ou 12  
 maua nei, poo ua ou maopo-  
 po lelei nei, a ou te tau-  
 pati atu pea seia ou maua  
 foi; o lea foi ua maua ai au  
 e le Mesia, o Iesu. Le au 13  
 use e, ou te le manatu au,  
 sa maua e au, A o le mea 14  
 e tasi ou te faia, ou te faa-  
 galogalo i mea ua tuanai,  
 ou te tauapa atu foi i mea  
 o lumanai, ou te tauapati atu  
 lava i le faailoga, ia maua  
 ai le tau, o le tofiga lea e a  
 le Atua mai luga ona o le  
 Mesia, o Iesu. O e ua ma- 15  
 opopo lelei o i tatou, ia  
 manatunatu i lenei mea;  
 afai foi tou te manatunatu-  
 ese i se isi mea, e faaalii  
 ai e le Atua lea lava mea  
 ia te outou. A o le mea ua 16

tatou oo i ai, ia savavali faa-  
 tatau ma lea lava mataupu,  
 ia manatunatu i lea lava  
 mea.

- 17 Le au uso e, ia outou faa-  
 aoso faatasi mai ia te au, ia  
 outou vaavaai i e o savavali  
 faapea, faapei ona fai i ma-  
 tou ma faaitaitai ia te outou.
- 18 Aua o loo savavali isi e toa-  
 tele, na au fai atu soo ai ia  
 te outou, ou te toe fai atu  
 nei foi ma le tagi, o e tetea  
 i latou i le satauro o le
- 19 Mesia. O le malaia, o lo  
 latou iuga lea; o le mana-  
 va, o lo latou Atua lea; o  
 le mea latou te vivii ai, o  
 le mea e maasiasi ai lea; e  
 toaga i latou i a le lalolagi.
- 20 Aua o ia te i tatou le ami-  
 oga faalelagi, o loo faatali-  
 tali mai ai i tatou i le Faa-  
 ola, o le Alii o Iesu Keriso.
- 21 Na te liua o tatou nei tiuo  
 ua faamaulaloia, ina ia faia  
 pei o lona tiuo mamalu, e  
 tusa ma le mana na te ma-  
 faia ai ona faatoilaloia ai o  
 mea uma ia te ia lava.

#### O LE MATAUPU IV.

*O le fiasia o Paulo ona o le  
 alofa mai ia te ia o le eka-  
 lesia; o ana tatalo foi ma  
 alofa atu.*

- 1 **O** LE mea lea o'u uso e,  
 o e ou te faapelepele  
 ma naunau i ai, o lo'u fiasia  
 ma lo'u palealii, o le au  
 faapelepeleina, ia faapea ona  
 tumau o outou i le Alii.
- 2 Ou te aioi atu ia Evotia; ou

te aïoi atu ia Sunetuki, ia la loto gatasi i le Alii. Ou 3 te faatoga atu foi ia te oe, lo'u fesoasoani faamaoni, ia e fesoasoani i ia fafine o e na matou galulue faatasi ma au, i le tala lelei, atoa ma Kelemene ma isi o o'u fesoasoani uma lava, ua tusia o latou igoa i le lau tusi o le ola.

Ia outou olioli i le Alii, 4 aua le aunoa, ou te toe fai atu foi ia outou olioli. Ia 5 iloa lo outou agamalu e tagata uma lava: ua lata mai le Alii. Aua nei po- 6 pole outou i se mea e tasi, a ia faailoa atu o outou manao i mea uma lava, i le Atua, i le tatalo ma le faatoga atoa ma le faafetai. O le manuia foi mai le 7 Atua, o loo silisili lava i mea uma e mafai e le mafafau, e faatumau i o outou loto atoa ma o outou mafafau i le Alii, o Iesu.

Le au uso e, o le toe upu 8 lenei, o mea uma ua moni, ma mea uma ua tauleleia, ma mea uma ua tonu, ma mea uma ua manino ma mea uma e tusa ona faapelepele i ai, ma mea uma ua logoleleia, afai foi o se isi amio lelei, po'o se tasi mea e viia, ia outou manatunatu i ia lava mea. O mea foi 9 ua aaoaina ai outou ma talia, ma faalogologo i ai, ma iloa mai ia te au, ia outou fai lava ia mea. E ia te outou foi o le Atua o le manuia.

10 Ua ou fiasia tele foi i le Alii, ina ua toe fuatai lava nei lo outou manatunatu mai ia te au, sa outou manatunatu foi i ai, a e lei ai se 11 mea na mafai ai. Ou te le talatala atu ona o le mativa, aua ua aaoaina au ia au malie i mea uma lava ou te 12 i ai. Ua ou iloa le mativa, ua ou iloa foi le mauoa tele, o i mea uma lava ou te i ai, ma mea uma e oo ia te au ua aaoaina ai au, ia au maona, ma au fiaai, ia faulai mai foi mea ma ia oge mea. 13 Ou te mafaia mea uma lava, i le faamalosi mai o le 14 Mesia ia te a'u. A ua outou agalelei ina ua outou auauna faatasi mai i lo'u 15 tiga. Ua outou iloa foi e outou, tagata Filipi e, i le amataga o le tala lelei, ina au alu atu na i Maketonia, e leai se ekalesia na auauna mai i le sauniga o le foi mai ma le talia o mea, na o 16 outou lava. Aua foi, a o i Tesalonia au, na outou momoli mai i mea e tatau ma au, i le atu tasi, i le ma le 17 atu lua foi. E le ina ua ou saili foi se mea alofa, a ou te saili le fua e tupu atili ai 18 lo outou logo lelei. O ia te au foi mea uma, ua faulai ia te au, ua faaatoa mea ia te au ina ua talia e a'u mai ia Epaf eroti a outou mea, o le manogi lelei, o le taulaga e tatau ma le malie 19 i le Atua. A o lo'u Atua, e faaatoa ia ia te outou i mea e tatau ai uma lava, e



tusa mā le faulaiga a ana  
lava mea e mamalu ai, ona  
o le Mesia, o Iesu. Ia i le 20  
Atua o lo tatou lava Tamā  
le viiga e au tupulaga.  
Amene.

Ia outou momoli ane lo'u 21  
alofa i le au paia, o i le  
Mesia o Iesu, e taitoatasi

uma ; o alolofa atu ia te ou-  
tou le au uso uma o e ia te  
22 au. O alolofa atu ia te  
outou le au paia uma  
aemaise i latou o i le aiga  
23 o Kaisara. Ia ia te outou  
uma lava le alofa tunoa o lo  
tatou Alii, o Iesu Keriso.  
Amene.

## O LE TUSI

# A PAULO LE APOSETOLO I KOLOSE.

## O LE MATAUPU I.

*O loo faafetai atu e Paulo ona o lo latou faatuatua; o lona manao ia latou tutupu i le lelei; o Iesu le Mesia moni, e lelei ona talia.*

**O** AU o Paulo, o le apo-  
setolo a Iesu Keriso,  
ona o le finagalo o le Atua,  
o i maua ma Timoteo, o le  
uso lea, *O la ma tusi leni* 2  
i le au paia i Kolose ma le  
au uso faamaoni o i le Mesia;  
ia ia te outou le alofa tunoa  
ma le manuia mai le Atua  
lo tatou Tamā, atoa ma le  
Alii o Iesu Keriso.

Ma te faafetai atu i le 3  
Atua, o le Tamā o lo tatou  
Alii, o Iesu Keriso, ma ta-  
talo atu e le aunoa mo outou,  
Ina ua ma faalogologo i lo 4  
outou faatuatua i le Mesia  
o Iesu, ma lo outou alofa i  
le au paia uma lava; Ona 5  
o le faatuatua o loo tun-  
mo outou i le lagi; ua uma  
foi lo outou faalogologo i  
ai, i le upu moni o le tala-  
lelei, O leo i ai ia te ou- 6  
tou, e pei ona o i le lalolagi

uma lava; o loo fua mai ai  
foi le fua faapei o i ai ia te  
outou, talu le aso na outou  
faalogologo, ma iloa-tona  
lelei ai le alofa tunoa o le

7 Atua, Faapei ona aboia  
foi outou e Epafara, o lo  
maua fesoasoani pele ia, o  
le auauna faamaoni foi a le

8 Mesia ia te outou, Na na  
faailoa mai ia te i maua o  
lo outou alofa mai i le

9 Agaga. O le mea lea, o i  
maua, talu le aso na ma  
faalogologo ai, ma te lē  
mapu ai lava i le tatalo  
mo outou, ma te alofa ata  
ina ia faatutumuina outou  
i le iloa-tino o lona finagalo,  
i le poto uma atoa ma le  
mafauau foi i le Agaga.

10 Ma ia outou savavali e tusa  
ma le Alii, o loo o faafafafa  
ia te ia i mea uma, ma ia  
fua mai ai outou i le galuega  
lelei uma lava, ma ia outou  
tutupu i le iloa-lelei o le

11 Atua; O leo o malosi  
outou i le malosi uma lava  
e tusa ma le malosi o lona  
mamalu, e iu i le onosai ma

12 le faatoatoa ma le fiafia. O  
loo faafetai atu foi i le Tamā

na na faaagaina mai ia te i  
tatou ia tofusia i tatou i le  
tofi o le au paia o i le mala-  
malama. Ua na laveai mai 13  
ia te i tatou nai le pule a le  
pouliuli, ma tuuina atu ia  
te i tatou i le malo o lona  
lava Atalii pele. Ua ia i 14  
tatou, mai ia te ia, le togiola  
i lona toto, o le aveesega o  
agasala: O ia foi o le tusa 15  
o le Atua e le vaaia, o le  
ulumatua o mea uma lava  
ua faia: Aua na faia e ia 16  
o mea uma lava, o mea i le  
lagi ma mea i le lalolagi, o  
mea o vaaia ma e le o vaaia,  
o nofoalii, ma alii ma le au  
malo, ma le au faipule; na  
faia e ia mea uma lava, mo-  
ia foi lava ia. O ia foi o le 17  
uluai o mea uma lava, o loo  
faatumanuina foi o mea uma  
lava ia te ia; O le ulu foi 18  
ia o le tino, o le ekalesia  
lea; o le amataga foi, o le  
ulumatua ia o e ua oti, ina  
ia fai o ia ma faasilisili o  
mea uma lava. Aua ua 19  
finagalo le Atua ia mau i  
tofonu ia te ia le tumu atoa-  
ga; Ina ia faalotogatasi 20  
e ia o mea uma lava ia te  
ia, ina ia faatupuina e ia  
lava le faatau filemu i le  
toto o lona satauro, o mea i  
le lalolagi atoa ma mea o i  
le lagi. O outou foi sa 21  
tagata ese anamua, sa fai  
ma e tetea atu ia te ia i o  
outou loto, i le amio leaga,  
a o lenei o loo faalotogatasi  
outou ma ia. I lona tino 22  
tagata, i lona maliu, ina ia  
tatalaina atu outou e ia, o le

au paia, o e le mata'uleaga-  
ina ma e le mafaaleagaina i  
23 ona lava luma, Pe afai foi  
tou te tutumau pea o faavae-  
ina ma mausali ma le lē  
gaeetia outou a i le faamoe-  
moe i a le tala lelei na outou  
faalogolōgo i ai, sa talaina  
atu foi i tagata ola uma lava  
i le lalolagi; o au foi o  
Paulo ua fai au ma auauna  
24 i ai. Ou te olioli nei foi i  
o'u puapuaga ona o outou,  
ou te faaatoa i lo'u tino o  
mea e lei atoa i puapuaga o  
le Mesia ona o lona tino, o  
25 le ekalesia lea. Ua faia au  
ma auauna i ai, e tusa ma  
le sauniga a le Atua, ua  
tuuina mai ai ia te au mo  
outou, ina ia atoa ona tala-  
ina ai o le upu a le Atua.  
26 O le upu lea sa lilo, sa ufi-  
tia i augatagata ma tupu-  
laga ua mavae, a o lenei ua  
faaalua mai i ona tagata paia.  
27 Na finagalo foi le Atua ona  
faailo atu i ai pe se a le  
faulai o le mamalu o lenei  
upu sa lilo i atu nuu, o le  
Mesia lea o loo ia te outou  
o le faamoemoe i le mamalu:  
28 O ia lava matou te talatala-  
ina atu, ma aoi atu i tagata  
e taitasi uma, ma aoi atu  
ai i tagata e taitasi i le pote  
uma, ina ia taitaiina atu e i  
matou o tagata e taitasi uma  
ma le maopoopo lelei i le  
29 Mesia o Iesu: O le mea  
lea ou te galue ai ma fina-  
finau e tusa ma lona lava  
mana o loo galue ai ai i to-  
fonu ia te au ma le malosi  
lava.

## O LE MATAUPU II.

*Ia tutumau i le mea moni, aua nei taitaieseina e ni faataga-poto, aua nei tapuai i agehu.*

**L**ENEI foi, ou te manao 1  
ia iloa e outou o lo'u  
tiga matua tele mo outou  
atoa ma e o i Laotikaia ma  
e na le iloa mai ia te au i le  
tino nei; Ina ia faama- 2  
fanafanaina o latou loto, ina  
o faasooina i le alofa, ma ia  
iu ai foi i le faulai uma o le  
mautinoa i le mafaufau, ina  
ia iloa tino le upu sa lilo a  
le Atua, o le Tamā lea, atoa  
ma le Mesia; O loo tuu i 3  
ai le faulaigā oloa uma o le  
poto atoa ma le iloa. O le 4  
upu lea ou te fai atu na, ina  
nei faasese atu se tasi ia te  
outou i le tautala malie mai  
fua. Aua, e ui lava ina ou 5  
te le i ai ia te outou i le  
tino, ou te i ai ia te outou i  
le agaga, o loo ou fiafia foi,  
ma ilo atu i la outou sau-  
niga ma le mausalī o lo-  
outou faatuatua i le Mesia.  
Lenei la, faapei ona outou 6  
talia o le Mesia o Iesu o le  
Alii, ia outou savavali i ai;  
O loo ua mausalī outou ma 7  
atiina ae i ai, ma faamauina  
i le faatuatua, faapei ona-  
aoaoina o outou, ia atili ona-  
faulai outou i ai ma le faa-  
fetai.

Ia outou, nei taitaiese 8  
faapologaina e se tasi i le  
faataga poto ma upu faa-  
tauvaa e faasese ai, e tusa  
ma le upu-tuu a tagata ma

aoga muamua a le lalolagi,  
a e le tusa ma la le Mesia;  
9 Aua o loo mau i totonu  
ia te ia le tumu uma lava o  
10 le itu Atua atoatoa: O loo  
ua faaatoatoaina foi outou e  
ia; o le ulu ia o malo uma  
lava atoa ma le au fai pule.  
11 Ua faaperitomeina outou e  
ia, i le peritomega e lei faia  
i lima, i le tuueseina o aga-  
sala uma lava a le tino i le  
peritomega mai le Mesia;  
12 O loo ua tanumia outou  
faatasi ma ia i le papati-  
soga, e i ai ua outou toe tu-  
tu mai foi faatasi *ma ia* i le  
faatuatua i le galuega ma-  
losi a le Atua, o lē na faatu  
13 mai ia te ia i e ua oti. O  
outou foi sa oti i agavale  
ma le le peritomeina o  
outou tino, na ia faaola  
mai faatasi ma ia, ina ua  
faamagalofuaina mai i a  
outou agavale uma lava;  
14 Ina ua soloia mo i tatou le  
tusi lima i tulafono sa tetee  
mai ia te i tatou, ua aveese-  
ina foi nai le vae loto, ma  
faofaoina i luga i le sa-  
15 tauro; Ina ua na faatoila-  
lo foi i le au malo ma le  
au faipule, ua na faaalila  
mai foi i latou ia iloa uma,  
ina ua manumalo ai ia te i  
latou.  
16 Lenei la, aua nei faama-  
sino atu se tasi ia te outou i  
le mea e 'ai poo mea e inu,  
poo i la le tamsamiga, poo  
17 masina fou, poo sapati, O  
ata lava ia o mea atali, a o  
le tino o le Mesia lava lea.  
18 Aua nei faa'ole'ole se tasi

ia te outou i la le tau i lona manao e faalalolalo; ma le tapuaiga i agelu, o loo tausaili i mea e lei iloa, o loo faafefetefuaina lona lava mafaufau faaletino; Ua le pipii mau foi i le ulu 19 ua tausia ma faamalositia mea e soo ai le tino ma ua, o loo tupu ai ina ua faatupuina mai e le Atua. Aua, 20 afai ua outou oti faatasi ma le Mesia, i a'oga muamua i la le lalolagi, se ā le mea tou te usiusitai atu ai i sauniga peiseai o loo ola outou i le lalolagi? “Aua nei 21 pa'i atu i ai, aua nei tofo, aua nei tago.” O mea uma 22 ia e uma ai pea faia, faapei o poloaiga ma aoaoga a tagata. O mea ia o i ai le 23 faatagapoto ma le tapuaiga fai fua, ma le faamaulalo, ma le faasaunonoa o le tino, a e le aoga lava ia mea e faamaona ai le tino.

### O LE MATAUPU III.

*E lelei ina ia tatou loto i mea i luga; ia tuueseina le tagata tuai ma ia faafouina.*

**L**ENEI la, afai ua faatu- 1 ina faatasi mai outou ma le Mesia, ia outou sailili i mea o i luga, o i ai le Mesia o loo afio i le aao taumatau o le Atua. Ia 2 outou loto lava i mea i luga, aua ne'i i mea i le lalolagi. Aua ua oti outou, 3 o loo lilo foi lo outou ola faatasi ma le Mesia i le

4 Atua. Pe a afio mai le Mesia o lo tatou ola, ona iloa ai lea outou faatasi ma ia i le mamalu.

5 Lenei la, ia outou faaotia o outou tino o i le lalolagi, o le faitaaga, ma le a'oga leaga, ma le faamataaitu, ma le tuinanau leaga, ma le matapeapea, o le tapuai- 6 ga i tupua lava lea. O mea ia e oo mai ai le toasa o le Atua i e le faalogo;

7 Na outou savavali foi i ai ma i latou anamua a o outou nonofo ai; A o i ona po nei o lafoaiina e outou o nei mea uma lava, o le ita; ma le lotoa, ma le loto leaga, ma le faifai, ma le tau- 8 talatala e maasiasi ai, ai o

9 outou gutu. Aua le fetau-pelopeloi, ina ua tuueseina e outou le tagata tuai atoa 10 ma ana apio, Ma ua outou oofu i lē ua faafouina, o le ua toefuataiina i le pota e tusa ma le na foafoaina ai

11 ia. E le o i ai se Eleni, poo se Iutaia, poo se peritomeina poo se lē-peritomeina, o se nuuese, poo se Sekutia, o se pologa poo se saoloto, a e a le Mesia foi o mea uma, o i ai foi ia i mea

12 uma lava. Lenei la, ia oofu outou i le alofa mutimutivale ma le agalelei, ma le loto maulalo, ma le agamalu, ma le onosai, faapei ona tatau i e ua filifilia e le Atua, o le au paia ma e ua

13 faapelepeleina. Ia fefaapalepaleai ma ia fefaamagaloi ia te outou afai ua

agaleagaina se tasi, faapei ona faamagalo mai le Mesia ia te outou, ia faapea foi outou. A o le alofa, o le 14 mea sili lava lea i nei mea uma, o le fusi foi lea e mapoopo lelei ai. Ia pule 15 foi le manuia mai le Atua i o outou loto, o le mea lea ua filifilia ai outou e fai matino e tasi, ia ia te outou foi le loto faafetai. Ia faafau- 16 lai ona mau o le upu a le Mesia i totonu ia te outou i le poto uma lava, o loo outou feapoapoaia ma feaoai ai i salāmo ma pese ma siva faaleagaga, o loo pepese atu ai i le Alii, ma le faafetai i o outou loto. O mea uma 17 lava foi tou te faia i le tautalatala, poo le amio, ia faia uma lava ia i le suafa o le Alii o Iesu, ma le faamamatu i le Atua le Tamā ona o ia.

O outou fafine foi, ia 18 outou usiusitai atu i a outou lava tane, pei ona tatau i le Alii. O outou tane foi, ia 19 outou alolofa atu i a outou avā, aua nei faasaua ia te i latou. O outou tama ma 20 teine foi, ia outou faalogo i o outou matua i mea uma, aua o le mea lea e malie ai i le Alii. O outou matua 21 foi aua nei faaita i a outou fanau, auā nei faapalapala i latou. O outou auauna, 22 ia outou faalogo i mea uma, i o outou matai i la le tino, aua nei faataga auauna faapei o e faafiafia i tagata, a o le loto moni, o loo matatau

23 i le Atua. O mea uma lava tou te faia, ia faamalosi i ai i le loto, faapei ona tatau i le Alii, aua nei faa- 24 pei ona tatau i tagata. Aua o loo outou iloa, e talia e outou mai le Alii o le tau i o le tofi, aua ua auauna outou i le Alii o le Mesia. 25 O lē agaletonu e talia e ia le tau i tatau i ai, e leai foi sē faailogaina.

#### O LE MATAUPU IV.

*E lelei le tatalo soo ma le faasoa.*

1 **O** OUTOU matai, ia outou fai mea tonu, ma mea e tusa, i a outou auauna, aua o loo iloa e outou o ia te outou foi le matai i le lagi. 2 Ia outou faamalosi pea i le tatalo, ia faasagasaga lava 3 i ai ma le faafetai. Ina tatalo ia foi mo i matou ina ia faavaanoa mai e le Atua se faito- 4 toa, o le upu mo i matou, e talatala atu ai le upu sa lilo i a le Mesia, o le mea foi lea 5 ua noanoatia ai au, Ina ia au faailo atu ai, faapei ona tatau ia te au ona tala- 6 talaina atu ai. Ia savavali ma le poto i e o i tua ma 7 faatonu o le tau. Ia i ai, i a outou tautalatala uma lava o le alofa, ia faamaia i le masima, ia iloa e outou ona tali ma le tatau i tagata e 7 taitoatasi uma. O mea uma lava ia te au e faailo atu ia te outou e Tuiko, o le uso

pele lea ma le tiakono faamaoni, ma le uso a auauna i le Alii, Na au auina atu o 8 ia ia te outou ona o lenei lava mea, ina ia iloa o ia o mea o i ai ia te outou, ma ia faamafanafana atu e ia i o outou loto. O i laua 9 foi ma Onesemo, o le uso pele lea ma le faamaoni, o lo outou foi ia, ia la faailo atu ia te outou o mea uma o faia iinei. O loo alofa atu 10 nei ia te outou o Aritako, o le ua noanoatia faatasi ma au; atoa ma Mareko, o le tama lea a le tuafafine o Panapa, (ua outou maua le poloaiga i ai, a alu atu ia ia te outou ia outou talia mai ia te ia;) Ma Iesu foi, o 11 loo ta'ua o Iuso, o i le au peritomeina i latou, na o i latou lava na galulue faatasi ma au i a le malo o le Atua, na fai foi i latou ma faamatalaloto mai ia te au. O Epafara o lo outou 12 foi, o loo alofa atu ia te outou, o le auauna ia a le

Mesia, o loo finafinau pea i le tatalo mo outou; ina ia outou tumau ma le maopoopo lelei ma le atoatoa i le finagalo atoa a le Atua. 13 Auā, ou te ta'utino atu i ai, ua tele lava lona naunau malosi mo outou atoa ma i latou o i Laotikaia, ma la- 14 tou foi o i Iarapoli. O loo alofa atu ia te outou o Luka, o le foma'i pele atoa 15 ma Tema. Ia outou momoli atu le alofa i le au uso i Laotikaia, ma Numea foi, atoa ma le ekalesia o i lona 16 fale. Pe a uma ona faitau e outou o lenei tusi, ia molia e outou ina ia faitaulia foi e le ekalesia i Laotikaia, ia outou faitau foi o le tusi 17 mai Laotikaia. Fai atu foi ia Arekipa, "Ia oe i le feau na talia e oe ai le Alii, ina 18 ia faaiiua ia te oe." O le alofa atu lenei o au o Paulo i lo'u lava lima, Ia outou faamanatu mai i lo'u noanoaga. Ia ia te outou le alofa tunoa. Amene.

## O LE TUSI MUAMUA

### A PAULO LE APOSETOLO I TESALONIA.

#### O LE MATAUPU I.

*O le tupuga o le lotu i Tesalonia.*

**O** LA matou tusi lenei, <sup>1</sup>  
o Paulo, ma Siluano  
ma Timoteo, i le ekalesia i  
Tesalonia, o i le Atua le  
Tamā, ma le Alii o Iesu  
Keriso. Ia ia te outou le  
alofa tunoa, ma le manuia,  
mai le Atua o lo tatou ta-  
mā, atoa ma le Alii o Iesu  
Keriso.

Matou te faafetai soo atu <sup>2</sup>  
i le Atua, ona o outou uma  
lava, o loo faamanatuina  
outou i a matou talosaga ;  
E le aunoa ona matou faa- <sup>3</sup>  
manatu i la outou galuega i  
le faatuatua, ma le faama-  
losi i le alofa, ma le onosai  
i le faamoemoe i lo tatou  
Alii o Iesu Keriso, i luma o  
lo tatou Tamā o le Atua :  
O loo o matou iloa foi, le <sup>4</sup>  
au uso e o faapelepeleina e  
le Atua, o lo outou filifilia.  
Aua e lei oo atu la matou <sup>5</sup>  
tala lelei ia te outou tau o  
le upu, a o le mana, ma le  
Agaga Paia, atoa ma le

mausali lava, ina ua outou  
iloa la matou amio *ina* o i  
ai ma outou, ona o outou ;  
<sup>6</sup> Ua outou faaaoao mai foi  
ia te i matou, atoa ma le  
Alii, ina ua outou talia le  
upu, i le puapuaga tele ma  
le olioli mai le Agaga Paia ;  
<sup>7</sup> O lea ua avea outou mā  
faaaoao i le au faatuatua  
uma lava, i Maketonia atoa  
<sup>8</sup> ma Akaia ; Aua ua logo  
atu na i ia te outou le  
upu a le Alii ; e le i gata i  
Maketonia ma Akaia, a ua  
oo i mea uma lava lo outou  
faatuatua i le Atua, o lea  
e le aoga ai sa matou toe  
<sup>9</sup> upu e fai atu ai. Auā, o i  
latou lava, o loo faailoa e i  
latou ia te i matou, o le  
uiga o lo matou oo atu ia  
te outou na, ma lo outou  
liliu mai i le Atua nai tu-  
pua, ina ia outou auauna i  
le Atua soifua ma le moni,  
<sup>10</sup> Ma faatali atu i lona Atalii  
mai le lagi, o lē na faatuina  
mai e ia na i e na oti, o Iesu  
lea, o le laveai māi ia i ta-  
tou ai le toasa a talī.



## O LE MATAUPU II.

*O le amio a Paulo, a o i Tesalonia.*

**O** OUTOU foi, le au uso 1  
e, ua outou iloa o lo  
matou oo atu ia te outou, e  
lei faaleaogaina lea; A e 2  
ui lava na muamua ona faa-  
tigaina mai i matou, ma  
faasauaina mai foi i Filipi,  
pei ona outou iloa, ua ma-  
tou faamalosi atu i a lo tatou  
Atua e folafola atu ia te  
outou i le tala lelei a le  
Atua ma le finafinau lava.  
Auā o lo matou aoao atu 3  
ia te outou e lei *fai* ma le  
faasese, e le ma le *loto*-le-  
mama, e le ma le faa'ole-  
'ole. Faitai, faapei ona fili- 4  
filia o i matou e le Atua  
e tuuina mai le tala lelei,  
e faapea foi ona matou fola-  
folaina atu, e lē ina ia faa-  
fiafia i tagata, a o le Atua,  
o lē tofotofa mai i o matou  
loto. Aua matou te lei fai 5  
lava se upu e faaviivii atu  
ai faapei ona outou iloa,  
poo e ufiufi le manumanu,  
(ua silafia e le Atua,) E 6  
lei sailiili foi le viiga mai  
tagata, e le mai ia te outou,  
poo nisi tagata, e ui lava  
ina mafai ia te i matou ona  
ia tiga outou ia i matou,  
auā o aposetolo i matou o  
Keriso. A ua matou fifi- 7  
malie o iina ia te outou na,  
faapei o se failele na te tasi  
lelei i ana lava tama. Sa 8  
faapea lava lo matou mae-  
legā i le alofa ia te outou,

na matou fia tuuina atu ia te  
outou e lē na o le tala lelei  
a le Atua, a o matou lava  
ola foi, aua na faapelepele-  
9 ina outou e i matou. Aua,  
le au uso e, ua outou faa-  
manatu, i la matou galuega  
*mamafa*, ma le tiga, sa ma-  
tou galulue ai i le po atoa  
ma le ao, ina nei matou  
faatiga atu i so outou, na  
matou tala'i atu ai ia te ou-  
tou le tala lelei a le Atua.  
10 Ua iloa outou atoa ma le  
Atua sa faapea i matou, ina  
matou o i ai ia te outou o e  
faatuatua, i le agapaia, ma  
le agatonu, ma le lē mata'u-  
11 leagaina. Pei ona outou  
iloa foi, sa faapea i matou  
ia te outou taitasi, pe se  
tamā i lana fanau, na matou  
aioi atu ia te outou, o faa-  
mafanafana atu foi, ma moli-  
12 tino atu; Ina ia outou sa-  
vavali, ma le tonu i le Atua,  
o lē na togia outou i lona  
13 malo, ma lona mamalu. Le-  
nei la, matou te faafetai, e  
le aunoa, i le Atua, aua na  
talia e outou o le upu a le  
Atua na outou faalogo mai  
ai ia i matou, ua lē talia e  
outou o le upu a tagata, a  
e peitai o le upu a le Atua,  
o lē matuā galulue i totonu  
ia te outou o e faatuatua.  
14 Aua, le au uso e, na outou  
faaaoao i ekalesia a le Atua  
o i Iutaia, o loo i le Mesia  
o Iesu; aua na faatigaina  
outou i ia lava mea, o outou  
e lo outou lava nuu, faapei o  
15 i latou e Iutaia. O i latou  
na fasioti foi i le Alii, e

Iesu, ma a latou lava pero-  
feta, o e na faasaua mai foi  
ia i matou, e le fiafia i  
ai le Atua; ua fai foi o  
tagata uma lava mo latou  
fili: O loo vavao mai ia i 16  
matou e folafola atu i atu  
nuu, ina ia latou ola ai, o  
loo faaatua ai, e le aunoa,  
a latou agasala; o lea ua oo  
ia te i latou o le toasa e faa-  
umatia ai.

O i matou foi, le au uso 17  
e, ina ua teteaeseina o i ma-  
tou ma outou i ni nai aso  
itiiti, o i le tino e le o i le  
loto, ua atili ai lo matou  
taumafatia, i le nannau tele,  
ona ia matou ilo atu i o ou-  
tou tino. O lea na matou 18  
fia o atu ai ia te outou, o au  
lava o Paulo, ua tasi *le fia*  
*alu*, ua faalua foi, a ua faa-  
lavelave mai o Satani ia te i  
matou. Auā, se a foi lo 19  
matou faamoemoe, ma fia-  
fia, ma pale e mitamita ai?  
E le o outou na foi i luma  
e lo matou Alii, o Iesu Ke-  
riso, i lana afio mai? Auā 20  
foi o outou lava o lo matou  
yiiga ma lo matou olioli.

### O LE MATAUPU III.

*O le fiafia o Paulo, ina ua iloa  
le tala i la latou amio.*

**O** LEA, ina ua matou le 1  
mafai ona taofi i le ma-  
nao, ua lelei ia te i matou  
ona tuua pea i Atenai, tau  
o i matou; A ua matou 2  
auina atu o Timoteo, o lo  
matou uso, ma le auaina a

le Atua, ma le matou feso-  
soani i le tala lelei a le Me-  
sia, ina ia faatumau ia te  
outou, ma ia faamafanafana  
atu ia te outou i lo outou  
3 faatuatua; Ina nei pole-  
pole vale se isi i nei mea  
faatiga, aua ua outou iloa  
ua tofia i matou i lenei lava  
4 mea. Aua foi, sa i ai i matou  
ia te outou, na matou muai  
fai atu ia te outou, o le a oo  
mai le puapuaga, ua faapea  
ona taunuu lava, o outou  
5 iloa foi. O le mea lea na  
au le mafai ai ona taofi i lou  
manao, ona auina atu lea e  
a'u ina ia ou iloa lo outou  
faatuatua, nei faaososo mai  
o lē faaososo ia te outou, ia  
faaleaogaina ai foi la matou  
6 galuega. A o lenei, ina ua  
sau Timoteo ia te i matou  
mai ia te outou, ua au mai  
foi le tala lelei ia te i matou  
i lo outou faatuatua, ma lo  
outou alofa, ma lo outou  
faamanatu lelei mai, e le  
aunoa, ia te i matou, o loo  
faanaunau foi outou ina ia  
tatou feiloai, pei o i matou  
7 nei ia te outou. O le mea  
lea, le au uso e, na faama-  
fanafanaina mai i matou mai  
ia te outou, i lo matou pu-  
puaga uma lava, atoa ma lo  
matou lē tago lima, ona o  
8 lo outou faatuatua. O le  
nei ua matou ola, pe afai  
9 tou te tumau i le Alii. Se  
a foi le faafetai matou te  
mafafia ona tunina atu i le  
Atua, ona o outou, i le oli-  
oli uma lava matou te olioli  
ai i luma e le tatou Atua;

O loo matou matua ole atu 10  
ai i le po atoa ma le ao ina  
ia matou vaai atu i o outou  
fofoga e faaatoaina ai mea e  
lei atoa i lo outou faatuatua?  
A ia taitai tonu atu le Atua, 11  
o ia lava, lo tatou Tamā ia,  
atoa ma lo tatou Alii o Iesu  
Keriso, i lo matou savaliga  
ia te outou. Ia faatele foi 12  
le Alii, ma faafaulai atu, ia  
te outou, le alofa o le tasi i  
le tasi, atoa i tagata uma,  
faapei o i matou nei ia te  
outou. Ina ia faatumauina 13  
o outou loto e le mataule-  
againa i le faapaiaina i luma  
o le Atua lo tatou Tamā, i  
le afio mai o lo tatou Alii o  
Iesu Keriso, atoa ma ona au  
paia uma.

## O LE MATAUPU IV.

*O upu aoaoina ai.*

**L**ENEI foi, le au uso e, 1  
o le toe upu lea, matou  
te ole atu ma aioi atu ia te  
outou, i le Alii o Iesu, faa-  
pei ona outou talia mai ia te  
i matou o le savaliga ma le  
faafiafia atu i le Atua e ta-  
tau, ia te outou ia atili ona  
outou faatele i ai. Aua ua 2  
outou iloa o poloaiga na  
matou tuuina atu ia te ou-  
tou mai le Alii o Iesu. O 3  
le finagalo foi lenei o le  
Atua ia paia outou, ina ia  
faamamā outou, ma le fai-  
taaga; Ia iloa outou e taitasi 4  
ia mau lona tino i le aga-  
paia ma le ta'uleleia, Aua 5  
i le tuinanau o le manao

leaga faapei o atu nuu e le  
6 o iloa le Atua. Aua nei  
fai le amio a se isi e le tataui  
ai, ma agaletonu i lona uso  
i lenei mea; aua o le Alii o  
lē na te tauia atu ma sui i nei  
mea uma, faapei ona matou  
muai fai atu ai, ma tautino  
7 atu ia te outou. Aua foi, e  
lei togia i tatou e le Atua i  
le loto-le-mama, a o le aga-  
8 paia lava. Lenei la, o lē  
teteē mai, e lē teteē mai i se  
tagata a o le Atua na na  
foai mai i lona Agaga paia  
ia te i matou.  
9 E le aoga foi ona au tasi  
atu ia te outou i a le alofa  
i le au uso, ona ua outou  
aoaoina outou lava e le  
10 Atua i le faalofani. Aua  
ua faapea lava ona outou fai  
i le au uso uma lava o i  
Maketonina atoa uma. Ma-  
toui te aioi atu ia te outou,  
le au uso e, ia atili ai ona  
11 faatele; Ma ia outou tau-  
mafai ina ia outou nonofē  
sasao, ia fai a outou lava  
feau, ia galulue i o outou  
lava lima, pei ona matou  
12 poloai atu ia te outou. Ia  
outou savavali ma le teuteu  
lelei i e o i tuā, ina ia le  
matitiva outou i se mea e  
tasi.  
13 Ou te le manao foi, ina  
ia outou le iloa, le au uso  
e, i a e o momoe, ina fici  
outou faanoanoa pei o isi e  
leai so latou faanoemoē.  
14 Aua, pe afai tatou te tali  
tonu, ua maliu Iesu, ma toe  
ta mai, e faapea foi ona  
taitaiina mai e le Atua i e

o momoe ona o Iesu, e faatasi ma ia. Matou te fai 15  
 atu foi lenei mea ia te outou, i le upu a le Alii, o i tatou o e ola ma totoe, i le afio mai o le Alii, tatou te le muamua i e o momoe. Aua e afio ife mai le lagi 16  
 le Alii, o ia lava, ma le alaga, ma le leo o le Agelu silisili, ma le pu a le Atua; e muamua ona toe tutu mai foi o e ua oti o i le Mesia. Ona siitia ai lea o i tatou 17  
 o e ola ma totoe, faatasi ma i latou i ao, ina ia fetai ai ma le Alii i le va nimoni-mo, ona tatou faatasi ai lea, e le aunoa, ma le Alii. Le- 18  
 nei la, ia outou fefaamafanafana ai i nei upu.

## O LE MATAUPU V.

*O upu aaoaina ai.*

**A**E le aoga ia te outou, 1  
 le au uso e, ona au tusi atu ia te outou i tau ma po. Aua ua outou iloa 2  
 tonu lava outou, e oo mai le aso o le Alii e pei o se gaioi lava i le po; Aua, 3  
 pe a latou fai ane, o loo filemu—ua le afaina, ona oo lea ia te i latou o le fano faafuasei, faapei o le oono o le fafine to a fanau mai, latou te lē ma sosola ai lava. A o outou, le au uso e, tou 4  
 te le o i le pouliuli, ia maua mai outou e lena aso, pei o se gaioi. O tagata outou 5  
 uma lava o le malamalama ma tagata o le ao, tatou te

le o i le po ma le pouliuli.  
 6 Lenei la, aua nei tatou momoe faapei o isi, a ia tatou  
 7 mataala, ma le le onā. Aua, o e momoe, e momoe lava i le po, o e inu ia onā, e onā  
 8 lava i le po. A o i tatou nei o e o le ao, aua nei tatou onā, a ia tatou faaofuina i le ufi fatafata o le faatutua, ma le alofa, ma le puloufitafita o le faamoemoe i le  
 9 olataga. Aua, e lei tuuina atu i tatou, e le Atua, i le toasa, a ia maua le ola, e lo tatou Alii o Iesu Keriso.  
 10 O lē na maliu mo i tatou, ina ia tatou ola faatasi ma ia, pe tatou mataala, pe ta-  
 11 tou momoe. Ina ia outou feapoapoi ai, ma ia fefaamafanafana ai faapei o loo outou fai lava.  
 12 Matou te aioi atu foi ia te outou, le au uso e, ia outou faateete i e o galulue o i ai ia te outou ma taitai outou i la le Alii, ma aoi  
 13 atu ia te outou, la matua faapelepele ia i latou, ma ia alofa, ona o la latou galulue, ma ia outou nonofo  
 14 fefilemuai. Matou te aioi atu foi ia te outou, le au uso e, ia outou aoi atu i e agapiopio, ia faamafanafana i e loto iti, ia fesoasoani i e o vāivāi, ia outou onosai  
 15 i tagata uma lava. Aua nei tau ai se isi le leaga i le leaga i se tasi tagata, a ia outou tausisi, e le aunoa, i le mea lelei, o le tasi i le tasi, ma i tagata uma lava,  
 16 la sago olioli lava pe-

Ia tatalo pea, aua le aunoa. 17  
Ia outou faafetai i mea uma 18  
lava, aua o le finagalo lenei  
o le Atua ia te outou, i le  
Mesia o Iesu. Aua tou te 19  
tineia le Agaga. Aua le 20  
ta'ufaatauvaā i valoaga. Ia 21  
tofotofo i mea uma lava; ia  
taofi mau i le mea lelei. Ia 22  
mamao outou ma mea uma  
e faatāitāi ane i le leaga.  
Ia atoatoa ona faapaiaiina 23  
outou, e le Atua lava e ona  
le filemu; ia taofi ia mau  
lava lo outou agaga atoa  
uma, ma le leto, atoa ma le

tino, ia le mataulecagaina,  
seia oo atu i le afio mai o  
lo tatou Alii o Iesu Keriso.  
24 E faamaoni lava o lē na  
togia outou, o lē na te faia  
25 foi. Le au uso e; ia outou  
26 tatalo mo i matou. Ia alo-  
lofa atu i le au uso i le fea-  
27 sosi paia. Ou te matuā  
aioi atu ia te outou, i le  
Alii, ia faitauia lenei tusi  
i le au uso paia uma lava.  
28 Ia ia te outou le alofa tunoa  
o lo tatou Alii o Iesu Keriso.  
Amene.

## O LE TUSI E LUA

# A PAULO LE APOSETOLO I TESALONIA.

## O LE MATAUPU I.

*O le fafala o Paulo ina ua  
latou tumana.*

**O** LA matou tusi lenei, o i  
Paulo, ma Siluano,  
ma Timoteo, i le ekalesia i  
Tesalonia, o le Atua lo  
tatou Tamā ma le Alii o  
Iesu Keriso. Ia ia te outou 2  
le alofa tunoa, ma le ma-  
nuia mai le Atua lo tatou  
Tamā, ma le Alii o Iesu  
Keriso. E tatou ona ma- 3  
tou faafetai, e le aunoa; i le  
Atua ona o outou, le au uso  
e, e faapei ona tusa, aua ua  
tupu tele lo outou faatua-

tua, ua faulāi foi lo outou  
fealofani e taitoatasi o outou  
4 uma lava. Lenei foi, o i  
matou nei, matou te mita-  
mita ia te outou, i ekalesia  
a le Atua, ona o lo outou  
onosa, ma lo outou faatua-  
tua i sauaga atoa uma ma  
puapuaga ua eo ia te outou;  
5 O le faailoga lea o le faa-  
masinoga tonu o le Atua,  
ina ia ta'uaogaina i le malc  
o le Atua, o le mea lea tou  
6 te faatigaina ai. Aua ua  
tonu i le Atua e tau i atu le  
puapuaga i e na faatiga atu  
7 ia te outou. E ia te outou  
foi, o e faatigaina, o le ma-  
pusaga faatasi ma i matou,

i le faaaliga o le Alii o Iesu mai le lagi, ma ana lava agelu malolosi. Ma le afi 8 mumū na te tauī tiga atu ai i e o le o iloa le Atua, ma e le anaana i le tala lelei a lo tatou Alii o Iesu Keriso. E tuuina atu i ai le sala, o 9 le fanoga lea e faavavau lava, mai luma o le Alii ma le mamalu o lona malosi; Pe a afio mai ina ia viia i 10 ona lava tagata paia ma ia ofo i ai ma le fiafia i le au faatuatua uma, i lena aso, aua na outou tali tonu mai lava i la matou molimau. O le mea foi lea, matou te 11 faatoga atu ai, e le aunoa, mo outou, ina ia tauaogaina outou i lenei tofiga mai lo tatou Atua, ma ia faaatoatoaina e ia le pule alofa uma o lona agalelei, ma le galuega a le faatuatua i le malosi. Ina ia viia ona o 12 outou o le suafa o lo tatou Alii o Iesu Keriso, ma outou foi e ia, e pei o le alofa tunoa o lo tatou Atua, ma Alii o Iesu Keriso.

## O LE MATAUPU II.

*O le iloa tau e tos afio mai afi Iesu, e muamua o anetikeriso ona tupu.*

**M**ATOU te aioi atu foi 1 ia te outou, le au uso e, onā o le afio mai o lo tatou Alii, o Iesu Keriso ma lo tatou faapotopotoina i ai; Aua nei vave luluina 2 outou i lo outou loto, aua le

polepole vale i se agaga; poo se upu, poo se tui, peiseai na i ia i matou, peiseai ua lata mai le aso o le 3 Mesia. Aua nei faasese se isi ia te outou, i se togafiti e tasi, aua e le oo mai lena aso, seia muai ona tupu le pauuga ma ia faaaliga mai o le tagata o le agasala, o le 4 tagata malaia lea, O lē tetee atu, ma faamaualugaina e ia ia ia e sili i mea uma lava o ta'ua o Atua, poo ua tapuaiina, o lea o loo nofo ia i le malumalu o le Atua, peiseai o le Atua, o loo faaali mai e ia ia ia, 5 o le Atua lava ia. Tou te le faamanatu ea, ua ou faailo atu nei mea ia te outou 6 a o tatou i ai ma outou. O lenei foi ua outou iloa le mea o loo taofia ai nei ina ia faaaliga mai o ia i lona 7 lava tau. Auā o loo galue ai ai nei lava le mea lilo a lē agaletonu, a o lē o taofi, e taofi pea lava ia seia 8 aveeseina. Ona faaaliga mai lea o lē agaletonu, e faafanoina o ia e le Alii, i le mānava o lona fofoga, ma faaumatia i le pupula 9 tele o lona afio mai; O lona sau foi e pei o le galuega malosi a Satani, i le mana uma, ma faailoga, ma 10 vavega pepelo, I le faasese uma foi o le agaletonu i e o malaia, aua ua latou lē talia le mea moni ma le faapele! 11 pele, ina ia latou ola. O le mea foi lea e auina atu ai e le Atua ia te i latou o le

ese tele lava ina ia latou faatuatua i le mea pepelo: Ina ia faasalaina o i latou 12 uma lava o e le faatuatua i le mea moni, a e fiasia i le agaletonu, A e tatau ona 13 matou faafetai i le Atua, e le aunoa, ona o outou, le au uso e, o e o alofagia e le Alii, auā na filifili le Atua ia te outou nai le amataga ia ola ai, i le faamamaina e le Agaga, ma le talitonu i le mea moni. Na togia e ia outou i ai i la 14 matou tala lelei ina ia maua o le mamalu o lo tatou Alii, o Iesu Keriso. Lenei ia, le 15 au uso e, ia tumau ia outou, ma ia taofi mau i upu-tuu na aoaina ai outou, i la matou upu, poo i la matou tusi. O lo tatou Alii, o ia 16 lava o Iesu Keriso, ma le Atua, o lo tatou lava Tamā, o le faapelepele mai ia te i tatou, o le na foi mai foi le faamatalaloto e faavavau, ma le faamoemoe lelei i le alofa tunoa, Ia faamafana- 17 fana atu ia i o outou loto, ma ia faatumauiina o outou i le upu lelei atoa uma ma le galuega lelei.

### O LE MATAUPU III.

*Ia latou tatalo mo le au apose-  
tolo, ma tautali i ai.*

**O** LE toe upu lenei, le 1 au uso e, ia outou tatalo mo i matou, ia tele vave ona tupu ma ia mamalu, le upu a le Alii, e faapei o fana

2 ia te outou na. Ia lāveaiina foi i matou ai tagata valea; ma e agaleaga, aua e le o i tagata uma le faatuatua: 3 A o loo faamaoni le Alii, na te faatumauiina outou; ma leoleoina ai le leaga: 4 A e matou faatuatua i le Alii, ia te outou, o loo faia e outou o mea na matou poloauiina atu ia te outou; 5 tou te faia pea lava; Ia taitai tonu foi le Alii i o outou loto, i le alofa o le Atua ma le onosai o le Mesia. 6 Matou te poloi atu foi ia te outou, le au uso e, i le suafa o lo tatou Alii, o Iesu Keriso, tou te o ese ane ai uso taitasi o loo savali faapiopio, ma le le tusa ma le upu-tuu, na ia talia nai 7 ia te i matou. Aua ua outou iloa e outou, e tatau ona outou faaaoao mai ia te i matou; sa matou le aga-faapiopio foi ina o ia te outou. 8 Matou te lei aai fua foi se mea e 'ai a se tasi, a ua matou galulue i le galuega mamafa, ma le tiga i le po atoa ma le ao, ina nei 9 faatiga atu i so outou. E le o peiseai e leai sa matou pule, ae ia avea o i matou o faaaoao mo outou, ina ia outou faaaoao mai ia te i 10 matou. Aua sa tatou i ai ma outou na, ua matou poloi atu ia te outou, pe afai e le fia galue se isi, aua 11 nei 'ai foi ia. Aua ua matou faalogo o ia te outou o isi e savavali faapiopio, e

le o galulue lava, a e feasi-  
 asiai fua i galuega a nisi.  
 Matou te poloai atu i e o 12  
 faapea, ma aioi atu i ai, ona  
 o lo tatou Alii o Iesu Keriso,  
 ia latou galulue ma le nofo-  
 nofo sasao, ma ia latou aai  
 i a latou lava mea e'ai. O 13  
 outou foi, le au uso e, aua  
 nei outou faavāivāi i le  
 agalelei. Pe afai e le gauai 14  
 se isi i la matou upu, i  
 lenei tusi, ia faailogaina  
 lea tagata; aua foi tou te  
 fefiloi ma ia, ina ia ma-  
 asiasi ai ia. Aua foi tou te 15

manatunatu i ai, o le fili ia,  
 a ia outou aoai atu i ai pei  
 16 o le uso. Lenei, o le Alii  
 lava e ona le manuia, ia  
 foaiina atu e ia le manuia  
 ia te outou e le aunoa, i  
 mea uma lava. Ia ia te  
 outou uma lava o le Alii.  
 17 O le alofa o au o Paulo,  
 i lo'u lava lima, o le faai-  
 loga lea i au tusi uma lava;  
 18 ou te tusi faapea lava. Ia  
 ia te outou uma lava le  
 alofa tunoa o lo tatou Alii o  
 Iesu Keriso. Amene.



## O LE ULUAI TUSI

# A PAULO LE APOSETOLO IA TIMOTEO.

### O LE MATAUPU I.

*O le amio e tatau ma fuiva o faifeau.*

**O** AU o Paulo, o le apo- 1  
setolo a Iesu Keriso, i  
le poloaiga a le Atua, lo  
tatou faaolataga, ma Alii o  
Iesu Keriso, la tatou faatua-  
tuaga, *O lau tusi lenei* ia 2  
Timoteo, o lo'u lava atalii i  
le faatuatua; ia *ia te oe* le  
lelei tunoa ma le alofa ma  
le manuia mai le Atua lo  
tatou Tamā, atoa ma le Me-  
sia o Iesu lo tatou Alii. *Ou* 3  
*te fai atu ia te oe*, faapei ona  
ou aioi atu ia te oe, e te  
nofo i Efeso ina ou o alu i  
Maketonia, ina ia e vavao  
atu i nisi, aua nei latou aoao  
i upu ese; Aua nei taofi i 4  
latou i talanoaga ma tala  
tupuga e leai ni ona gata-  
aga, e tupu ai le finauga, a  
e le tupu ai le faamafana-  
fanaga i la le Atua o i le  
faatuatua. Auā o le iuga 5  
lenei o le poloaiga, o le alofa  
lea ai le loto manino ma le  
fuaiaifo lelei, ma le faatua-  
tua faamaoni; Ina o tau 6

ese o isi nai ia mea, ua latou  
liliu ane i le talanoaga vale;  
7 O e mananao e fai ma aoao i  
tulafono, a e le iloa mea  
latou te tautalatala i ai poo  
mea latou te finau faamalosi  
8 i ai. Ua tatou iloa lava o  
le mea lelei le tulafono, pe  
afai e faia e se tasi o mea ē  
9 tatou i ai. O loo iloa lenei  
mea, ua le tuuina mai le  
tulafono i le agatonu, a o e  
faaletaupulea ma e soli i  
tulafono, o e faalemata'u  
ma e agaleaga, o e le paia  
ma e ulavavale, o e fasioti  
tamā ma fasioti tina ma fasi-  
10 oti tagata, O e faitaaga  
ma e faasotoma, o e fao ta-  
gata, o e tala pepelo ma e  
tauto pepelo; afai foi o se  
toe mea e faatu'iese ai i le  
11 aoaoga e ola ai; E tusa  
ma le tala lelei mamalu á  
le Atua manuia, ua tuuina  
12 mai ia te au. Ou te faafe-  
tai atu foi i le na na faama-  
naina mai o au, o le Mesia  
lea o Iesu lo tatou Alii, na  
ia manatua ua faamaoni au,  
i lona tuuina mai au i lenei  
13 faiva; *O au* sa tausai fai,  
ma au faasaua, ma au faa-

tāūtala, a ua alofagia au  
 auā na au faia faapea i lo'u  
 le-iloa ma le le-faologo. Ua 14  
 faafaulai mai foi le alofa tu-  
 noa o lo tatou Alii, ma le  
 faatuatua atoa ma le alofa o  
 loo i le Mesia o Iesu. O 15  
 le upu moni lenei, e aoga  
 lava ona talia ma le loto  
 atoa, ua maliu mai le Mesia  
 o Iesu i le lalolagi, na te  
 faaolaina o e agasala, e sili  
 musa an nei ia i latou. A 16  
 o lenei lava le mea na alofa-  
 ina ai au, ina ia muamua le  
 faaalua mai ia te au e Iesu  
 Keriso le onosai atoatoa, ia  
 avea au ma faataitai o e a  
 faatuatua ia te ia, e iu ai  
 i le ola e le uma. O le 17  
 nei ia i ai i le tupu o augā  
 tupulaga, o le o soifua pea  
 lava, ma le le o ilo atu,  
 ma le Atua o lē poto e toa-  
 tasi, o le mamalu atoa ma  
 le viiga e faavavau faavavau  
 lava. Amene. Lo'u atalii 18  
 e, Timoteo, ou te fai atu  
 lenei poloaiga ia te oe, pei o  
 muai valoaga ia te oe, ina  
 ia e tau ai le taua lelei. O 19  
 loo ia te oe le faatuatua ma  
 le lotofuatia e lelei, sa lafo-  
 aaina e isi, o e ua faavaatua  
 lo latou faatuatua. O i 20  
 latou o Umenai o i laua  
 ma Alesano o e ua tuuina  
 atu e au ia Satani, ina ia  
 aaoaina i laua aua nei tau-  
 faifai.

## O LE MATAUPU II.

*E tatau ona faatoga atu mo  
 tagata uma: o le tifa a  
 fafine.*

1 **L** NEI la, ou te muai  
 laioi atu ia faia olega  
 ma tatalo ma faatoga ma  
 faafetai mo tagata uma  
 2 lava; Mo tupu, ma i tatou  
 uma ua i ai le pule, ina ia  
 tatou nonofo sasao ma le  
 filemu i le amio-atua atoa  
 3 ma le faatoeaina; Auā o  
 le mea lelei lea ma le malie,  
 i luma o lo tatou faaola-  
 4 taga, o le Atua. O lē fina-  
 galo ia faaolaina o tagata  
 uma lava, ma ia oo ina iloa-  
 5 tino o le mea moni. Auā  
 e tasi le Atua, e tasi foi le  
 puluvaga i le va o le Atua  
 ma tagata, o le tagata o le  
 6 Mesia o Iesu lea; O lē na  
 foaifuaina e ia ia ia e fai ma  
 togiola mo tagata uma lava;  
 o le faailoga i ona lava tau  
 7 e tatau ai. Na tofia au mo  
 lenei mea, o le tala'i ma le  
 aposetolo, (ou te tala moni  
 lava i le Mesia, ou te le  
 tala pepelo,) o le aao o atu  
 nuu i la le faatuatua ma le  
 8 mea moni. Lenei la, ou te  
 manao ia tatalo o tane i mea  
 uma lava, o loo sisii i luga  
 o lima mama, ma le lē lotoa,  
 9 ma le lē fefinaui. Ia faa-  
 pea foi o fafine, ia latou  
 tikitiki ia i latou i le usu  
 lelei, ma le lē teuanoai, ma  
 le faamatuāfafine, aua ne'i  
 teteu ma le lauulu fili, poo  
 le auro, poo utetifa, poo le

ofu taugatā; Peitai, (o le 10 mea e tatau i fafine ua taua latou e i latou o e amio-atua,) ia latou tīfīfī i le amio lelei, Ia aoaoina le 11 fafine, a ia faalologo ia ma ia usiusitai lava. Auā ou 12 te le tuuina atu i se fafine e aoao atu, pe faamaualuga i le tane, a e peitai ia faalologo lava. Auā ua mua- 13 mua ona faia o Atamu, a e mulimuli o Eva. E lei 14 'olegia foi Atamu, a ua 'olegia le fafine, ona tuuma- 15 vaega lea. A e faaolaina 15 ia i le fanauga o tama, afai e tutumau pea i latou i le faatuatua ma le alofa ma le agapaia atoa ma le faama- tuāfafine.

### O LE MATAUPU III.

*O le galuega ma le amioga a faifeau ma tiakono. Ua faamafanafana atu a Paulo ia Timoteo.*

**O** LE upu moni lenei, a 1 manao tele se tasi i le faiva o le epikopo e manao ia i le galuega lelei. Lenei 2 foi e tatau i le epikopo ia lē ma faaleagaina, o lē faiaivā i le fafine e toatasi, ia faia o ia ma le mataala, ma le faasoasoa, ma le teuga lelei, ma le alofa i malo, o lē na te mafaia ona aoao lelei atu. E le se inu tele i uaina, e 3 le se faamisa, e le se mauoa i togafiti leaga, a o le agamalu, e le se faamisa, e le se matapeapea; Ia taitai 4

lelei ia i lona lava aiga, ia na faausiusitai mai ia te ia o lana fanau ma le faatoea- 5 ina lava. (Afai foi e le iloa e se tasi e taitai i lona lava aiga, pe faapefea ona tausia e ia le ekalesia a le 6 Atua?) Aua nei ai se faa- toalotu, nei faafefeteina lona loto, ona pa'u lea i le faasala 7 o le tiapolo. E tatau ona ia logoleleia o ia e o i tuāpa, nei tuaupua o ia ma pa'u i 8 le mailai a le tiapolo. O le au tiakono foi ia faapea ona faatoeaina i latou, e le faa- gutugutulua, e le fia inu uaina e tele, e le mauoa i 9 togafiti leaga; O loo o latou taofi i le mea loloto sa lilo i a le faatuatua i le lotofuatia ua faamamaina. 10 A ia muamua ona tofotof- ina o i latou, i le, ia latou fai le faiva o le tiakono ina 11 ua le ma faaleagaina. O fafine foi, ia faapea lava ona faamatuāfafine i latou, e le se faatuāupua, a ia matagala, ma ia faamaoni i mea uma 12 lava. O le au tiakono foi ia tai tasi ma lana ava e toa- tasi, o e taitai lelei i la latou fanau mo latou lava aiga. 13 Auā o e fai lelei le faiva o le tiakono e fai mo i latou lava le mamalu lelei, ma le faamalosi tele i le faatuatua o loo i le Mesia o Iesu. 14 Ou te tusi atu nei mea ia te oe, o loo faamoemoe au ou te vave alu atu ia te oe; 15 A e pe afai ou te tuai atu, ia e iloa pe faapefea ona tatau o lau amio i le fale o

le Atua, o le ekalesia lea a le Atua soifua, o le pouta foi lea ma le lagolago o le mea moni.

O loo ua tautinoʻa lava, e 16 sili lava lenei upu loloto i a le amio-atua sa lilo : Ua faaalua mai le Atua i le tino tagata, ua faaalua tonu mai e le Agaga, ua vaʻaia e le au agelu, ua talaiina atu i atunuu, ua faatuatua i ai o e o i le lalolagi, ua siitia i le mamalu.

#### O LE MATAUPU IV.

*E oq mai tausaga e liliueseina ai tagata ai le faatuatua ; o loo aqao atu ia Timoteo ia tumau ia.*

**A**O loo tautino mai a le 1 Agaga, e liliuese o isi ai la le faatuatua i tausaga a muli, o loo ua latou usi-usitai i agaga e faasese mai ma aoga faatemoni ; Ma 2 le pelopeloga a tagata tala pepelo ; o e o faamaaaina o latou lava lotofuatiaifo ; O 3 loo vavao i le faiaava, ma faasa i isi mea e 'ai, o mea lava ua faia e le Atua ia talia ma le faafetai e le au faatuatua ma i latou e o iloa le mea moni. Auā o 4 mea uma ua faia e le Atua, e lelei lava ia, e le tiaiina foi se tasi mea, a ia talia ma le faafetai ; Auā foi ua 5 faamamaina i le upu a le Atua ma le tatalo. Afai e 6 te tuuina atu o na mea i le

au uso, e fai ai oe ma auina na lelei a Iesu Keriso, o loo tausia foi oe i upu o le faatuatua ma le aoga lelei, 7 na e usitai i ai. A o talanoa valea atoa ma le faavale-valematua, ia e taumamāo i ai ; ma ia e faamasani oe 8 i le amio-atua. Auā e ititi le aoga o le faamasani i la le tino, a o le amio-atua e aoga lea i mea uma lava, o loo i ai le ua folafolaina mai i la le olaga nei atoa ma le 9 ola atali. O le tala moni lenei, e tatau ona talia ma 10 le loto atoa. O le mea lava lea matou te galulue ai, ua faifaia mai ai foi i matou, auā matou te faamoemoe i le Atua soifua, o le faaolaga lea o tagata uma, a e 11 maise le au faatuatua. Ia e talatalaina atu o nei mea 12 ma e aogaina atu ai. Auā nei 'ino'ino se tasi i lou tau-lealea, a ia fai oe ma faatitai o le au faatuatua, i le tautalatalaga, ma le amio, ma le alofa, ma le loto, ma le faatuatua, atoa ma le 13 lē-gaoiā. Ia e faasaga i le faitau ma le apoapoai atu ma le aqao atu, seia ou alu 14 atu. Auā nei e faatalale i le alofa fua na tuuina atu ia te oe i a le valoaga, ma le faaee atu o lima o le au 15 matutua. Ia e mafaufau i nei mea, ia e faamasani ai ; ina ia iloa ai e tagata uma 16 'oe o le alualu. Ia oe lava ia te oe, atoa ma lau e aqao atu, ia e tumau pea i ai ; Auā a e fai nei mea e faa ;

olaina ai oe e oe atoa ma e  
o faalogologo ia te oe.

# O LE MATAUPU V.

*O le aoiaga e tatou ai i lea mea  
ma lea mea. O fafine ua  
oti a latou tane. O le au  
matutua. O le poloaiga ia  
Timoteo i lona tino. E  
muamua atu isi agasala i  
le faamasinoga.*

**A**UA e te aoi atu i se 1  
toeaina, a ia aoi atu i  
ai peiseai se tamā o ia; ma  
taulelea peiseai o uso i  
latou; O loomatutua pei- 2  
seai o tinā ia; o teine muli  
foi peiseai o tuafafine ia,  
ma le lēgaōiā lava. Ia ava 3  
i fafine ua oti a latou tane,  
o e ua oti a latou tane lava.  
Afai foi o i ai i se fafine ua 4  
oti lana tane ni ana tama  
poo ni fanau a ana tama, ia  
aaoaina i latou ia muamua  
ona agalelei i le latou lava  
aiga, ma tauialofa atu i o  
latou mātua, auā o le mea  
lelei lea ma le mālīe i luma  
o le Atua. Lenei foi, o le 5  
ua oti lava lana tane ma ua  
ausage e faatuatua ia i le  
Atua, ma tumau pea i le  
faatoga ma le talotalo i le  
po atoa ma le ao. A o lē 6  
fiafia i la le tino, e ui lava  
ina ola, ua oti ia. Ia e ta- 7  
latala atu i ia mea ina ia  
le: ma tauleagaina i latou.  
Afai foi e le muamua ona 8  
tausi se tasi i lona aiga, a e  
maise o e mau ma ia, ua  
faafiti o ia i la le faatuatua,

e tele lona leaga i le ua le-  
9 faalogo. Aua nei faitauina  
se fafine ua oti lana tane  
seia oo i ona tausaga e ono-  
gafulu, sa toatasi foi lana  
10 tane; O loo tauleleia foi  
ona o ana galuega lelei, ina  
ua tausia e ia ana fanau, ua  
na alofa i malo, ua na mu-  
lumulu i vae o le au paia,  
ua na agalelei atu i e pua-  
puagatia, ua na faasagasaga  
i galuega lelei uma lava.  
11 A o fafine muli ua oti a  
latou tane, ia tetee atu ia i  
latou, auā pe a mumusu i  
latou ona usiusitai i le  
Mesia, ona fia nofotane ai  
12 lea i latou; O loo i ai le  
faasala ina ua latou lafoai i  
13 lo latou uluai faamaoni. E  
lē na o lea, a e faamasani  
foi i latou i le paie, e feoai  
i fale, e le gata ai foi ina  
latou paie, a e tautala soo  
ma feasiasiai fua, ma tauta-  
14 latala i mea le aoga. Lenei  
la, ou te manao ia nofotane  
o fafine muli ua oti a latou  
tane, ma ia fai ai tama, ma  
ia latou mātua i ai i le aiga,  
ina nei tuuina atu i loo te-  
tee mai se mea e tasi e tau-  
15 leagaina ai i latou. Aua  
foi ua uma le liliueseina i  
16 tua o isi ia Satani. Afai se  
tane faalogo, poo se fafine  
faalogo, o i ai ni fafine ua  
oti a latou tane, ia latou  
tausi atu i ai, aua nei ti-  
gaina le ekalesia, ina ia tausī  
atu ia i fafine ua oti a latou  
tane lava.  
17 O le au matutua o e taitai  
lelei, ia tauagaina i latou

ona faateleina atu i ai o le mamalu, a e maise o e galulue i le failauga atoa ma le aoaoga. Aua o loo fai 18 mai le lautusi, "Aua e te fusi i le gutu o le povi na te solisolia le saito," o loo faapea mai foi, "E tataui i le faigaluega o lona tani." Aua nei talia se mau i so le 19 au matutua pe a le o i ai le molimau a se toalua poo se toatolu. Ia aoai atu 20 i e agaleaga i luma o tagata uma, ina ia matatau ai o nisi uma lava. Ou te tau- 21 tino atu lava ia te oe i luma o le Atua, o le Alii lea o Iesu Keriso, ma le au agelu na filifilia, ina ia e tausi lelei i mea nei, ma le lē muai faasala, aua le faailo- gaina se tasi. Aua e te 22 vave faaee atu i lima i se tasi; aua le au faatasi ma agasala a isi tagata. Ia ta- ofi oe ia te oe ma le legaoiā. Aua e te toe inu na o le 23 vai, a ia e faamamasani ma sina uaina itiiti, ona o lou manava ma lou valvai e tupu soo. E muai iloa o 24 agasala a isi tagata, a o lei oo i le faamasinoga, a o a isi foi e mulimuli atu i ai i le iloa. E faapea lava foi o 25 galuega lelei a isi, e muai iloa ia; o mea foi e le o faapea e le ma natia ia.

## O LE MATAUPU VI.

*O auauna ma matai. Ua vaoia le matapeapea. Ia faamaoni Timoteo i lana galuega.*

- 1 **O** AUAUNA uma o e o i lalo o le amo ia latou tauaogaina atu o latou lava matai i le mamalu uma lava, ina nei faifaia le suafa
- 2 o le Atua ma le aoaoga. O i latou o e i ai matai faatua- tua, aua nei latou faalogo gata i ai, auā o uso i latou, a ia atili ona auauna i ai, auā ua faatuatua ma faape- lepeleina, o e talia le galu- ega lelei. Ia e aoao atu i nei mea ma ia e apoapoai i
- 3 ai. Afai e aoao ese se tasi, ma le le talia o upu e oia ai a lo tatou Alii, o Iesu Keriso, ma le aoaoga e tusa
- 4 ma le amio-atua, Ua lotovii lava lea, ua le iloa se mea, a ua lailoa i tausailiga ma finafinai i upu e tupu mai ai le mataua, ma le misa, ma faifaiga, ma miasa-
- 5 losalo leaga, O finauvalega o tagata loto lēmama, o e tetea ma le mea moni, o e manatu o le mea e maua ai le oloa o le amio-atua lea: ia e alo ese ai tagata faapea.
- 6 O le amio-atua foi ma le loto malie o le oloa tele
- 7 lava lea. Auā tatou te lei au mai lava se mea e tasi i le lalolagi, ua mautinoa foi tatou te le mafai ona aveese
- 8 ai se mea. A ua i ai ia i

tatou o mea e aai ai ma mea e ofu ai, ia loto malie ai i tatou. O e fia mau oa 9 foi e pauu i latou i le faa-osoosoga ma le mailei ma tuimanau tele e valea ma leaga ai, o mea ia e goto ai tagata i le fanoga ma le malaia. Auā o le loto i le 10 oloa, o le pogai lea o mea leaga uma lava; o isi foi na mananao tele i ai, ua taitaieseina ai i latou ai le upu o le faatuatua, ona aona tuia ai lea i latou e i latou i puapuga e tele. A 11 e oe, le tagata o le Atua e, ia e sola ese ai ia mea; ia e tausisi atu i le agatonu, ma le amio-atua ma le faatuatua ma le alofa ma le onosai ma le agamalu. Ia e tau 12 le taua lelei i la le faatuatua, tago ia oe i le ola faavavau, na togia foi oe i ai, o loo tautino atu oe i le tautinoga lelei i luma o molimau e toatele. Ou te fai 13 atu lava ia te oe i luma o le Atua o le faaola i mea uma, ma le Mesia o Iesu, o le na molimau i le tautinoga lelei ia Ponetio Pilato, Ia e 14 taofi lenei poloaiga ma le lē filogia, ma le lē ma tauleagaina, seia oo atu i le afio mai o lo tatou Alii o Iesu

15 Keriso. E faailoa mai lea e ia i ona lava tau o loo manuia ia ma pule aoso e toatasi, o le Tupu o tupu 16 ma le Alii o alii; O loo na o ia o le soifua pea lava, o lē nofo i le malamalama e le ma soso atu i ai *se tasi*; e lei ilo atu se tasi tagata ia te ia, e le ma ilo atu i ai foi; ia ia te ia le mamalu ma le malosi i aūtupulaga. Amene.

17 Ia e fai atu i e mau oa i lenei olaga, aua nei faamau-aluluga o latou loto, aua foi le faatuatua i le oloa e faaletumau, a o le Atua soifua, o loo faafaulai mai ia i tatou o mea uma lava e faafia- 18 fia ai; Ina ia latou agalelei atu, ia faatamaoigaina i galuega lelei, ia mataalofa, ma ia latou tufatufa lelei, 19 Ia faafaulai o latou lava oloa e fai ma faavae lelei e oo atu atali, ina ia latou fetagofi i le ola e le uma.

20 Timoteo e, ia e taus i le mea na tuuina atu ia te oe, ma aloalo ese i talanoaga vale ma upu ese a mea ua 21 ta'upeloina o le potō: O isi foi o e na taofi ai ua liliueseina ai ai le upu a le 22 faatuatua. Ia ia te oe le alofa tunoa. Amene.

## O LE TUSI E LUA

### A PAULO LE APOSETOLO IA TIMOTEO.

#### O LE MATAUPU I.

*O le alofa o Paulo ia Timoteo ;  
o le faatuatua moni o Timo-  
teo ma lona aiga. Ua apo-  
apoi atu ia te ia.*

**O** AU o Paulo, o le apo- 1  
setolo a Iesu Keriso i  
le finagalo o le Atua, e  
tusa ma le folafolaga a le  
ola o loo i le Mesia o Iesu,  
*O la'u tusi lenei ia Timo- 2*  
teo le atalii pele : *ia ia te*  
*oe le leleitunoa ma le alofa*  
*ma le manuia mai le Atua*  
*le Tama atoa ma le Mesia o*  
*Iesu lo tatou Alii.*

Ou te faafetai atu i le 3  
Atua, o le ou te anauna i ai  
faapei ona faia e o'u matua  
ma le lotofuatiaifo mama,  
ina ua ou faamanatu atu e  
le aunoa ia te oe i a'u faa-  
toga i le po atoa ma le ao ;  
O loo o'u faanaunau e fei- 4  
loai ma oe, ina ua a'u faa-  
manatu ou loimata, ina ia  
faatumuina au i le olioli ;  
Ina o'u faamanatua le faa- 5  
tuatua faamaoni o loo ia te  
oe, sa muai i ai foi ia Loi o  
le tina o lou tina atoa ma

Eunike o lou tina, o la'u  
taofi foi o loo ia te oe lava.

6 O le mea lea ou te toe faa-  
manatu atu ai ia te oe ia toe  
faamumu le alofa foaifuaina  
mai e le Atua, o loo ia te  
oe i le faace atu o o'u lima.

7 Auā e lei foaiina mai e le  
Atua ia te i tatou le loto  
vaivai, a o le malosi, ma le  
alofa, ma le mafaufau tonu.

8 Lenei la, aua e te mā i le  
molimau i a lo tatou Alii,  
poo ona o au o loo noanoa-  
tia ona o ia ; a ia ta faatiga  
faatasi *ma a'u* ona o le tala-  
lelei e tusa ma le mana a le

9 Atua, O le na faaola mai  
ia i tatou ma tofia mai i le  
tofiga paia, e le ona o a ta-  
tou galuega, a e peitai ona  
o lona lava muai manatua  
ma lona alofa tunoa na tuu-  
ina mai ia i tatou ona o le  
Mesia o Iesu a o lei oo i le

10 auga tupulaga, A ua faai-  
loa mai nei i le afio mai o  
lo tatou faaola o Iesu Keri-  
so, o le na faaumatia lava  
le oti, a o le ola e le iu lava  
o loo faamalamalamaina mai

11 i le talalelei : Ua tofia au  
i ai o le failauga ma le apo-



setolo ma le aoao i atunuu.  
 O le mea lea ua faatigaina 12  
 ai au i ia mea: a ou te le  
 mā lava, auā ua ou iloa o ia  
 ua ou faatutua i ai, mā a'u  
 mautinoa ua mafaia lava e  
 ia ona leoleo i lea na a'u  
 tuuina atu ai ia te ia e oo  
 atu i le la aso. Ia e taofi i 13  
 matua o upu e ola ai, na e  
 iloa mai ia te au, i le faa-  
 tutua ma le alofa o loo i le  
 Mesia o Iesu. O le mea 14  
 lelei ua tuuina atu ia te oe  
 ia e tausi i ai, i le *fesoasoani*  
*mai o le Agaga Paia* o  
 loo nofo i totonu ia i tatou.  
 Ua e iloa lenei mea, o i la- 15  
 tou uma o i Asia ua liliu  
 ese: nai ia te au, o i ai o  
 Fogelu ma Emokene. Ia 16  
 alofa atu le Alii i le aiga o  
 Oneseforo; auā na ia faa-  
 mafanafana soo mai ia te au,  
 e lei mā foi ia i lo'u maea  
 uamea, A e peitai, ina ua 17  
 i Roma o ia na matua sailiili  
 mai ia te au, ona iloa mai  
 lea. Ia foaiina atu e le Alii 18  
 ia te ia ia maua le alofa mai  
 le Alii i le la aso. Ua e iloa  
 lelei, o mea e tele na ia au-  
 auna mai ai ia te au i Efeso.

### O LE MATAUPU II.

*A tumau lava o Timoteo ma  
 tausisi i mea lelei, ma tufa-  
 tufa lelei i le upu o loo faa-  
 manuia lava i la le Atua.  
 O ni mea e taumanao i ai  
 ma mea e faapelepele i ai.*

**L**ENEI la, o oe lo'u 1  
 atalii e, ia e faamalosi a

le alofa tunoa o loo i le  
 2 Mesia o Iesu. O mea foi  
 na e faalogologo mai ia te  
 au i molimau e toatele, ia e  
 tuuina atu ai i tagata faa-  
 maoni o e mafaia ona  
 aoaoina atu i isi tagata.  
 3 O lenei ia e onosai oe i  
 mea faatiga faapei o se  
 fitafita lelei o Iesu Keriso.  
 4 E leai foi sē tau i le taua  
 na te faalavelavea e ia ia ia  
 i mea a lenei olaga, ina ia  
 faafiafia o ia i lē na filifili  
 ia te ia e fai ma fitafita.  
 5 Afai foi e finafinau se tasi  
 e le faapaleina ia pe a le  
 finafinau e tusa ma tulafono.  
 6 E tatau i le faigaluega ia  
 muamua ona galue, e muli-  
 muli ane e maua le fua.  
 7 Ia e mafaufau i mea ou te  
 fai atu na, ma ia foaiina  
 atu e le Alii le lotomatala  
 8 i mea uma ia te oe. Ia e  
 faamanatuina o Iesu Keriso  
 o le ua faatutua mai na i e  
 na oti, o le fanau lava ia ā  
 Tavita, e tusa ma la'u tala  
 9 lelei; Ona o lea foi ua  
 faatigaina au, ua oo i le  
 noanoataga peiseai ou te se  
 agaleaga; a o le afioga a  
 le Atua e le o noatia lava  
 10 lea. O le mea lea ou te  
 onosai ai i mea uma ona o  
 le au filifilia, ina ia latou  
 maua foi le olataga o loo i  
 le Mesia o Iesu ma le ma-  
 11 malu e le uma. O le upu  
 moni lenei, auā pe afai tatou  
 te oti faatasi ma ia, tatou  
 12 te ola faatasi ai foi; Pe  
 afai tatou te onosai, tatou  
 te nonofo foi faatasi ma ia

i le malo: Pe afai tatou te tetea atu ia te ia, e tetea mai foi o ia ia te i tatou. Afai foi e le faamaoni i 13 tatou e faamaoni pea lava ia, e le mafaia e ia ona faafiti ia te ia.

Ia e faamanatu i ia mea 14 ma ta'utino i luma o le Alii, aua nei fefinauai i upu e leai sona aoga, a e faase-seina ai o e faalogologo i ai. Ia e taumafai ina ia 15 avea oe ma le ua fiafia mai i ai le Atua, o le faigaluega e leai se mea e mā ai, na te tufatufatonuina le upu moni. A ia e taumamāo ma tala- 16 noa vale e le aoga, auā e tupu atili ai foi le amio faalemata'u, O a latou upu 17 foi e aati pea pei o se papala; o i ai o Umenio ma Fileto; O e na sese ai le 18 mea moni, o loo faapea ane a latou; "Ua mavae lava le toe tumai;" o e na faaliliuese foi i isi tagata na i le faatuatua. A o le faa- 19 vae o le Atua e tumau pea lava lea, o loo i ai lenei faailoga, "Ua silafia e Ieova ona tagata;" atoa ma lea, "Ia taumamāo ma le agaletonu e taitoatasi uma o e ta'uta'u i le suafa o le Mesia." E le i ai i se fale 20 tele na o ipu auro ma ipu ario, a o ipu laau foi ma ipu omea, o isi ua tauleleia ma isi foi ua tauleagaina. Lenei la, afai e faamama se 21 tasi ia te ia ai nei mea e fai o ia ma ipu tauleleia, e faasaina, e aoga foi mo le

matai, ua saunia mo galuega 22 lelei uma. Ia e sola ese ai tuinanau leaga o tauleleia, ia e tausisi i le agatonu, ma le faatuatua, ma le alofa, atoa ma le filemu, faatasi ma i latou o e valaau i le 23 Alii ai le loto mama. A o sailiga valea ma le le aoso-ina ia e taumamāo ma ia, auā ua iloa o mea ia e tupu 24 ai le fefinauaiga. Auā e le tatau ona finau vale le auauna a le Alii, a e ia fifimalie i tagata uma, ma ia mafaia ona aoso atu ma ia 25 onosai, O loo aoso atu ma le agamalū i e o tetea mai, atonu e foai atu e le Atua ia te i latou le salamo ina ia latou iloatino le mea 26 moni; Ia latou sao ai foi ai le maillei a le tiapolo, o e ua maua e ia ina ia fai o lona lava loto i ai.

### O LE MATAUPU III.

*O valoaga i mea e tutupu. O le amio a e tetea mai. O le faaacao o Paulo. O le aoga o tusi paia.*

1 **I**A iloa foi e oe lenef mea, i ona tausaga amuli e oo mai ai ni tau faatigaina ai; 2 Auā e i ai o tagata o e faapelepele lava i latou ia i latou, o e loto i le oloa, o e mitamita vale, o e lotovii, o e faifai, o e lē faalogo i matua, o e lē faafetai, o e 3 faalemata'u, O e lē lotoaiga, o e tuumavaega, o e faatuaupua, o e lē faatoila-

loina le loto, o e faasaua, o  
 e lē alolofa i tagata lelei,  
 O e faalata, o e soona fai, o 4  
 e ua faafefeteina o latou  
 loto, o e o loto tele i mea e  
 fiafia i ai le tino a e itiiti i  
 le: Atua. O e o faataga 5  
 amio-atua, a o loo tete'a  
 ma lona mana: Ia e tau-  
 mamao ma tagata faapena.  
 O i ai foi o isi o e ulu atu 6  
 i fale, ma taitai ese i fafine  
 valea o loo ua faupue i ai  
 agasala, o e ua maua e  
 manao leaga eseese, O loo 7  
 aaoaina e le aunoa, a e le  
 ma oo i le iloa tino o le  
 mea moni. Faapei o Iani 8  
 ma Iameri e na tetee atu ia  
 Mose, faapea foi i latou nei  
 ona tetee atu i le mea moni,  
 o tagata ua loto leaga, o e  
 ua tete'a ma le upu o le  
 faatuatua. A e le faaalua- 9  
 lu i latou, auā ua iloa lelei  
 lava lo latou valea e tagata  
 uma, faapei ona fai i laua  
 nei A o oe ua e iloa lelei 10  
 o la'u aaoaga ma a'u amio  
 ma a'u sauniga ma lo'u  
 faamaoni, ma lo'u faapale-  
 pale ma lo'u alofa, ma lo'u  
 enosai, I sauaga ma tiga, 11  
 o mea'ia na oo mai i Ane-  
 tioka ma Ikonio ma Lusa,  
 o sauaga faapea na faati-  
 gaina ai a'u; a o le Alii  
 na ia laveai mai ia te a'u  
 nai nei mea uma lava. O i 12  
 latou uma lava foi o e ma-  
 nanao i le amio-atua i le  
 Mesia o Iesu, e sauaina i  
 latou. A o tagata leaga 13  
 ma e taupelelopele e alualu  
 lo latou leaga, o loo faasese

atu, ua faaseseina foi i latou.  
 14 A o oe, ia e tumau i mea  
 ua aaoaina ai oe ma mea ua  
 mautinoa ia te oe, ina ua e  
 iloa o ia na aao atu ai ia  
 15 te oe. Talu foi ina o e  
 tama itiiti na e iloa o lau-  
 tusi paia, e mafaia ona faa-  
 pototo ai ia te oe e iu i le  
 olataga i le faatuatua o loo  
 16 i le Mesia o Iesu. O lau-  
 tusi paia uma lava e mai  
 le Agaga o le Atua ia, e  
 aoga foi ia i le aaoaga, ma  
 le faatonuga, ma le aaoaga,  
 ma le faapoto ai i le aga-  
 17 tonu, Ina ia atoatoa ona  
 lelei ai o le tagata o le Atua,  
 ma ia saunia lava ia i le  
 galuega lelei uma lava.

## O LE MATAUPU IV.

*O loo aioi atu a Paulo ia na-  
 fanafatai o Timoteo. Ua  
 lata mai le maki o Paulo.  
 O ni manao ma poloaiga a  
 Paulo i isi tagata.*

1 **L**ENEI la ou te aioi atu  
 ia te oe i luma o le  
 Atua ma le Alii o Iesu Ke-  
 riso, na te faamasinoina o e  
 ola atoa ma e ua oti pe a oo  
 i lona lava afio mai ma lona  
 2 lava malo; Ia e talai atu  
 i le upu, ia e faamalosi i ona  
 po e tusa ai ma ona po e lē  
 tusa ai, ia e faatonu atu, ia  
 e aoi atu, ia e apoapoi atu  
 ma le onosai uma atoa ma  
 3 le aaoaga. Auā e oo i le  
 tau latou te lē talia ai o le  
 aaoiga e ola ai, a e tusa ma  
 lo latou lava manao leaga

latou te faapotopoto ai ni  
 aao mo i latou, ina ua feū  
 o latou taliga ; Latou te li- 4  
 liu ese foi o latou taliga ai  
 le mea moni, a e lilui ane i  
 talanoaga. A o oe, ia e 5  
 mataala i mea uma lava, ia  
 e onosai i mea e tiga ai, ia  
 e fai le galuega a le faieva-  
 gelia, ia e faaii lelei i lau  
 auaua. Auā o au ua faa- 6  
 maligiina nei *lou toto*, ua oo  
 i ona po a tatalaina ai au.  
 Ua ou tau le taua lelei, ua 7  
 iu ia te au le tausinioga, ua  
 ou taofi mau i le upu o le  
 faatuatua. O lenei lava ua 8  
 tuuina mo'u le pale o le aga-  
 tonu, e foaiina mai ai ia te  
 au i le la aso e le Alii, o le  
 faamasino agatonu ; e le ga-  
 ta ai foi ia te au, a e ia te i  
 latou uma lava o e fiafia i  
 lona afio mai.

Ia e faataalise ona e vave 9  
 sau ia te au ; Auā o Tēma 10  
 ua tea ma au ina ua loto ia  
 i lenei olaga, ua alu foi i  
 Tesalonia ; o Kerese foi *ua*  
*alu ia* i Kalatia, ma Tito i  
 Talamatia ; Na o Luka o 11  
 loo ia te au. Lua te faatasi  
 ma oulua o mai ma Mareko ;  
 auā e aoga ia ia te au i le  
 galuega. Ua ou auina atu 12  
 o Tuiko i Efeso. A e sau, 13  
 ia e aumai o le ofu talaloa  
 na tuu e au i Teroa o loo ia  
 Karepo, atoa mā lautusi a e

14 maise nai pa'utusi. E tele  
 mea leaga na faia ia te au e  
 Alesano, o le tufuga fai mea  
 'apa ; ia tau i atu e le Alii  
 ia te ia e tusa ma ana galu-  
 15 ega. Ia oe foi ia te ia, auā  
 ua na matua tetee mai i a ta-  
 16 tou upu. I la'u uluai faa-  
 tonu atu e lei faatasi mai se  
 tasi ma au, a ua lafoai mai  
 e tagata uma lava ia te au ;  
 auā nei tauuina atu ia te i  
 17 latou ; A ua ia te au le  
 Alii, ma na faamalosi mai  
 ia te au ; ina ia faaii lelei ia  
 te au le tala'iga, ina ia faa-  
 logologo i ai o atunuu uma  
 lava ; ua laveaiina foi au ai  
 18 le gutu o le leona. E laveai  
 mai foi le Alii ia te au ai  
 mea leaga uma, ma faaola  
 mai ia te au e oo i lona lava  
 malo i le lagi : ia ia te ia le  
 viiga e āutupulaga. Amene.  
 19 Ia e avatu lo'u alofa ia  
 Periseka ma Akeula ma le  
 20 aiga o Oneseforo. O loo  
 nofo pea Ereseto i Korinito,  
 a o Terofimo na tuua o ia e  
 21 au i Mileto ina ua ma'i. Ia  
 e taalise mai a o lei oo mai  
 o le tau maalili.

O alolofa atu ia te oe o  
 Eupolo ma Paute ma Lino  
 ma Kalaoitia, ma le au uso  
 22 uma lava. Ia i ai i lou aga-  
 ga o le Alii o Iesu Keriso.  
 Ia ia te outou le alofatunoa.  
 Amene.

## O LE TUSI

# A PAULO LE APOSETOLO IA TITO.

### O LE MATAUPU I.

*O loo faamatalaloto atu ai ia  
Tito ia faamalosi ia i lana  
galuega.*

**O** AU o Paulo, o le au- 1  
auna a le Atua, ma le  
aposestolo a Iesu Keriso, e  
tusa ma le faatuatua o le au  
filifilia e le Atua, ma le iloa-  
tino o le mea moni, e tusa  
foi ma le amio-atua, I le 2  
faatuatua i le ola faavavau,  
o lē na uluai folafola mai a  
o lei oo i augā tupulaga, e  
le Atua e le matalapepelo;  
A ua faaalua mai o lana la- 3  
va asoga i ona po e tatau  
ai i le tala'iga ua tuuina  
mai ia te au e tusa ma le  
poloaiga a le Atua lo tatou  
faaola; *O la'u tusi lenei* 4  
ia Tito lo'u lava atalii i la  
le faatuatua ua faasalalau,  
ia ia te oe le leleitunoa ina  
le alofa ma le manuia mai  
le Atua le Tamā, atoa ma  
le Alii, o Iesu Keriso lo ta-  
tou faaolataga.

O le mea lea na ou tuu 5  
ai oe i Kereta, ina ia e sau-  
niuni ia tonu ai o mea ua  
totoe uma lava, ma ia e faa-  
tu ni matutua i lea aai ma  
lea aai, faapei ona ou poloi

6 atu ia te oe; Ai se tasi e  
lei tauleagaina, o le tane a  
le fafine e toatasi, o i ai ni  
ana fanau faatuatua e lei  
taua i latou ua pagotata poo  
7 ua vaogatata. Aua e tatau  
lava i le epikopo ona le ma  
tauleagaina o ia, o le auau-  
na i le sauniga a le Atua, o  
le lē finauvale foi ma le lē  
lotoa, ma le lē inu tele i ua-  
ina, ma le lē faamisa, ma le  
lē mau oa i togafiti leaga;  
8 A o le alofa i malo, o le  
loto atu i le lelei, o le faa-  
soasoa, o le agatonu, o le  
loto mama, ma le loto aga-  
9 malu; O le taofi lava i le  
upu moni, faapei ona aao-  
ina o ia, ina ia mafaia e ia  
ona apoapoi atu ma aoi  
atu i le aaoaga e ola ai i e  
10 faatauupu mai i ai. Aua e  
toatele o e vaogata ma tau-  
talatala faatauva ma faa-  
sese atu, a e maise le au  
11 peritome; E tatau ina faa-  
faalologoina i latou, o e  
faaliliuese i isi aiga atoa, o e  
aao i mea le tatau, ina ia  
12 mau ai le tau leaga. Sa  
faapea mai le tasi o i latou,  
o so latou lava perofeta,  
“O tagata Kereta esagasaga  
talapepelo lava i latou, o  
manu feai leaga ma usuusu-

a'i ina 'ai." O le molimau 13  
 moni lava lenei. O lea ia  
 e matuā aoai atu ai ia te i  
 latou ina ia latou malolosi i  
 le faatuatua; Aua nei taofi 14  
 i talanoaga faaiutaia ma po-  
 loaiga a tagata o e liliu ese  
 ai le mea moni. Ua ma- 15  
 ma mea uma i tagata *loto*  
*mama*, a o e *loto* eleelea ma  
 le lē faatuatua e le o mama  
 ia te i latou se mea e tasi,  
 a ua eleelea o latou mafau-  
 fau atoa ma le lotofuatia ifo.  
 O e ta'u ane ua latou iloa le 16  
 Atua, a e teteē ia te ia i a  
 latou galuega, o soesa i la-  
 tou ma faalogogata, latou  
 te le filigā foi i se galuega  
 lelei e tasi.

## O LE MATAUPU II.

*O'ni mataupu ma amio e tatau  
 ia Tito, a auaina foi ma isi  
 tagata.*

**A** O oe, ia e aoao atu i 1  
 mea e tusa ma le aoao-  
 ga e ola ai; I le au mata- 2  
 tua ia mataala i latou, ma  
 faatoeaina, ma faasoasoa,  
 ma faamaoni i le faatuatua,  
 ma le alofa atoa ma le ono-  
 sai. Ia faapena foi i le au 3  
 leomatutua, ia tusa le amio-  
 ga ma le amio-atua, aua nei  
 faatuaupua, aua nei masani  
 i latou ma le uaina tele, a  
 ia fai ma aoao i mea lelei,  
 Ina ia latou faatupu le faa- 4  
 soasoa i fafine muli, ia latou  
 alofa atu i a latou tane, ia  
 alofa atu i a latou fanau;  
 Ia nofonofosasao i latou ma 5

le lē gaoiā, ia tausī lelei i o  
 latou aiga, ia agalelei, ia  
 usiustai atu i a latou lava  
 tane, ina nei faifaia le afiga  
 6 a le Atua. Ia e apoapoi  
 atu foi i taulelea ia nofo-  
 7 nofosasao i latou. Ia avea  
 oe ma faataitai o le galuega  
 8 lelei i mea uma lava. Ia e  
 faamaoni i le aoaoga ma ia  
 e faatoeaina, ma le upu  
 moni ma le le ma tauleaga-  
 ina, ina ia fememeai ai o lē  
 teteē mai, ina ua leai se upu  
 leaga e talatala ane ai ia te  
 9 outou. *Apoapoi atu* i  
 auaina ia usiustai atu i  
 latou i o latou lava matai;  
 ia latou taumafai ona faa-  
 fiafia i ai i mea uma lava,  
 10 aua nei faatauupu i ai. Aua  
 nei latou gaoi, a ia faaalīa i  
 latou ma e ua atoa ai le faa-  
 maoni aia, ina ia logolelei-  
 ina ai le aoaoga i la le Atua  
 o lo tatou faaola i mea uma  
 lava.  
 11 Auā o le alofa tunoa o le  
 Atua, o lo tatou faaola ua  
 faaalīa mai lea i tagata uma  
 12 lava; O loo aoao mai ai fa-  
 te i tatou, ia tatou tete'a ese  
 ma le faalemata'u atoa ma  
 tuinanau faalelalolagi, a ia  
 tatou nonofo ma le faasoasoa  
 ma le agatonu atoa ma le  
 13 amio-atua i lenei olaga; O  
 faatalitali atu i le faatua-  
 tuaga e manuia ai ma le  
 faaaliga mamalu o le Atua  
 silisili o lo tatou faaola o  
 14 Iesu Keriso lea; O lē na  
 foaiina mai e ia ia ia mo i  
 tatou, e togiola ai i tatou ai  
 le agaletona uma lava, ma

ia faamamaina mai e ia e  
 fai mona, o le nuu filifilia  
 ma le faamalosi i galuega  
 lelei. Aoa ia oe i nei mea, 15  
 ma apoapoi atu i ai, ma  
 aoi atu ma le pule lava.  
 Aua nei inosia oe e se tasi.

### O LE MATAUPU III.

*O mea e aoaoina atu ma mea  
 e le aoaoina atu, ia tuueseina  
 e faatupu le vaevaega.*

**I**A e faamanatu atu ia i 1  
 latou ia latou usiuitai  
 atu i le au malo ma le au  
 faipule, e gauai i alii pule,  
 ia sauniuni foi i latou i  
 galuega lelei uma lava ona  
 fai, Aua nei faifai i se tasi, 2  
 aua nei faamisa, a ia loto  
 maulalo ma ia faaali atu i  
 le agamalu uma i tagata  
 uma lava. Auā o i tatou 3  
 foi, sa valea i tatou anamua  
 ma faalogogata ma faasese-  
 ina, ma e na auauna i tuina-  
 mau leaga ma mea esecese e  
 fafia ai, sa nonofo i le loto  
 mimilo, ma le matana, o loo  
 inosia ma feitagai. A ina 4  
 ua faaalii mai foi o le aga-  
 lelei ma le alofa i tagata o  
 le tatou faaola le Atua,  
 Na ia faaola mai ia i tatou, 5  
 e le ona o a tatou galuega  
 tonu sa tatou faia, a o tusa  
 ma lona lava alofa i le fu-  
 falu mai o le toefuataiga ma  
 le faafouina e le Agaga  
 Paia, Ua na matua faa- 6  
 maligi mai ai i luga ia i  
 tatou, ona o Iesu Keriso lo  
 tatou faaola; Ina ia tau- 7  
 agatonuina i tatou i lona

lava alofa tunoa, ia fai i tatou  
 ma suli e tusa ma le faa-  
 moemoe i le ola le uma.  
 8 O le upu moni lenei, ou te  
 manao foi ia e matua faa-  
 malosi atu i ia mea, ia tau-  
 mafaia e i latou o e ua  
 faatuatua i le Atua onā  
 faaeteete i galuega lelei; e  
 lelei lava nei mea ma aoga  
 9 i tagata. A ia taumamao  
 ma sailiga vale ma tala  
 tupuga ma le femisaiga ma  
 le fefinauaiga i la le tulafono,  
 auā o upu le aoga ia ma  
 10 faatauva. O le tagata o  
 loo faatupu le vaevaega ia  
 e faatea ia te ia pe a uma  
 atu ia te ia le aoaiga e atu  
 11 tasi pe atu lua; O loo iloa  
 o le tagata faapea ua liuese-  
 ina lava, ua agasala ua faa-  
 salaina foi e ia ia ia.  
 12 A ou auina atu ia te oe o  
 Aretima, poo Tuiko, ia e  
 faataalese ona sau ia te au i  
 Nikopoli, auā ua tonu i lo'u  
 manatu ou te i ai i le tau  
 13 maalili. Ia e faamalosi ina  
 momoli mai o le aoa-i-tula-  
 fono, o Sena, o i laua ma  
 Apolo, ina nei galo se mea  
 14 e tasi mo i laua. Ia aoa-  
 ina foi o tatou uso ia tau-  
 mafaia i latou i galuega  
 lelei ona fai e tupu ai le  
 aoga, ina nei latou le fua  
 15 mai so latou fua. O i latou  
 uma lava o ia te au nei o  
 loo alolofa atu i latou ia te  
 oe, ia oo atu lo'u alofa ia i  
 latou o e alolofa mai ia te i  
 matou i la le faatuatua. Ia  
 ia te outou uma lava le  
 alofa tunoa. Amene.

## O LE TUSI

# A PAULO LE APOSETOLO IA FILEMONA.

*O le fiafia o Paulo i le anio  
lelei a Filemona. O loo  
faatoga atu i ai mo Onese-  
mo, o lana auaina na sola,  
a ua toe foi atu.*

**O** AU o Paulo, o lē ua 1  
noanoatia ona o le  
Mesia o Iesu, o i maua ma  
Timoteo o le uso, o la ma  
tusi lenei ia Filemona o le  
peleina ma lo matou fesoa-  
soani; Ma Afia foi le pe- 2  
leina, ma Arekipa o lo ma-  
tou uso a fitafita, atoa ma le  
ekalesia i lou fale. Ia ia te 3  
outou le alofa tunoa ma le  
manuia mai le Atua o lo  
tatou Tamā atoa ma lo tatou  
Alii o Iesu Keriso.

Ou te faafetai atu i lo'u 4  
Atua o loo ou faamanatu ifo  
e le aunoa ia te oe i a'u  
talosaga. Ina ua ou faalo- 5  
gologo i lou alofa ma le  
faatuatua o ia te oe i le Alii  
o Iesu, atoa ma le au paia  
uma; Ina ia galue aiai o 6  
lou mafuta faatasi i le faa-  
tuatua, ina ia iloa tino o mea  
lelei uma o ia te outou i le  
Mesia o Iesu.

Aua, le uso e, ua tele lo 7

matou fiafia ma le mafana-  
fana ona o lou alofa, ina ua  
faalotomalilie le au paia ona  
8 o oe. O lenei, e ui lava ina  
ua ia te au le loto tele e  
poloai atu ai ia te oe i mea  
9 e tatau ai, Ou te fia aioi  
atu ia te oe, ona o le alofa,  
ui lava ina o au o Paulo le  
toeaina o lē ua noanoatia  
nei foi ona o Iesu Keriso.  
10 Ou te aioi atu ia te oe mo  
lo'u atalii o lē na fanaua ia  
11 te au, a o noanoatia au; O  
Onesemo lea, sa le aoga ia  
te oe, a o lenei e aoga tele  
12 ia te oe atoa ma au, O ia  
ou te faafoi atu ia te oe: Ina  
e tali mai ia ia te ia, o lo'u  
13 lava atalii ia. Na au nau-  
nau foi e taofi pea ia te ia  
ma te nonofo ma au, ina ia  
fai ma ou sui, na te auaina  
mai ia te au i o'u noanoa-  
14 taga ona o le tala lelei. A  
ou te le fia faia se mea faa-  
pea pe a le to mai sau pule,  
nei pei o se mea ua le ma-  
fai ai lou agalelei mai, a ia  
faia ma se pule tunoa lava.  
15 Atonu foi o le mea lea na  
tea ese ai o ia i ni nai aso  
itiiti, ina ia e taofi pea i ai



e faavavau. E le toe faapei 16  
 o se pologa, a e sili i le po-  
 loga, aua o le uso pele foi ia,  
 a e maise ia te au ; e le atili  
 ai ea ia te oe i la le tino atoa  
 ma la le Alii? Lenei foi, 17  
 afai e te manatu ua ta tofusa  
 faatasi ma au, ia e talia  
 mai ia te ia e pei o au lava.  
 Afai foi na ia agaletonu ia 18  
 te oe, poo ua ia te ia sau  
 mea, ia e tuu mai lea mea  
 ia te au. O au o Paulo, ua 19  
 ou tusi atu i lo'u lava lima,  
 ou te toe avatua ia te oe ;  
 nei ou fai atu foi, E tatau  
 ia te oe, ona e tuuina mai  
 oe e oe e fai mo'u, E moni, 20  
 le uso e, sei e faafiafia mai  
 ia te au i la le Alii, ina faa-

olioli mai ia i lo'u loto i la  
 21 le alii. Ou te tusi atu ia  
 te oe, aua ou te faatuatua i  
 lou gauai mai, ua ou iloa  
 foi e te fai mea e sili i mea  
 22 na au fai atu ai. Tasi foi  
 lea mea, ia e sauni foi se  
 api moo o'u, auā ou te faa-  
 moemoe, o le a tuuina-atua  
 au ia te outou, ona o a outou  
 23 talosaga. O loo alolofa atu  
 ia te oe o Epafara, o loo  
 noanoatia faatasi ma'u ona  
 24 o le Mesia o Iesu. Ma  
 Mareko ma Aritako ma  
 Tema ma Luka, o ou ia fe-  
 25 soasoani i le galuega. Ia i  
 o outou agaga le alofa tu-  
 noa o lo tatou Alii, o Iesu  
 Keriso. Amene.

O LE TUSI AOAQ, NA TUSIA

## E PAULO LE APOSETOLO I EPERU.

### O LE MATAUPU I.

*O le mamalu o le Mesia. E silisili ese o ia ma ana galuega i agelu.*

**O** LE Atua, o lē na fetalai mai anamua, e auaua'i mai, i togafiti eseese foi, i mātua, e le au perofeta, ua fetalai mai o ia ia i tatou i nei ona aso e gata ai, e lona Atalii, O lē ua tofia e ia e fai mea uma lava ma ona tofi, na ia faia foi e ia le vao mea atoa; O ia o le pupula o lona malumalu ma lona matuā faatusa lava, o loo o faalagolago mea uma lava i lana upu mana, na ia togisalaina e ia lava a tatou agasala, ona nofoai lea o ia i le aao tau-matau o le mamalu i luga. Ua faapea ona silisili ese o ia i agelu, pei o na sili lona igoa ua maua i o latou. Ana o anafea ea na fetalai ai o ia i se isi o le vao agelu, "O lo'u Atalii oe, na ou fanaua mai oe i le aso nei?" i le ma lea, "E fai a'u ma ona Tamā, e fai foi

6 o ia ma o'u Atalii?" Ua toe faapea mai foi, i lona au mai o lana ulumatua i le lalolagi, "Ma ia punonou uma lava agelu a le Atua ia te ia." I agelu foi ua fetalai mai ai, "Ua faia e ia ana agelu pei o matagi, ma ana auaua pei o le uila;" A ua faapea mai i le Atalii, "O lou nofoāalii, le Atua e, e autupulaga lava lea; o le tootoo o lou malo o le tootoo o agatonu lea. 9 Ua e fiafia i le agatonu, ua e 'ino'ino foi i le agaletonu; o le mea lea, le Atua e, ua faauu atu ai lou Atua ia te oe i le suā uu o le olioli e 10 sili i au aumea mamae." I le ma lea, "Le Alii e, na e faavaeina le lalolagi i le amataga, o lagi foi o galuega lea a ou aao; E mavae atu ia, peitai oe e te tumau; pei o se ofu e pala uma lava 12 ia, Pei o se ie pulupulu e te taataaia, e liua foi ia; a o oe e te le āu liu, e leai foi se iuga i ou tausaga." 13 O anafea foi na fetalai atu ai o ia i se tasi o le vao agelu, "Ina mofō ia oe i"

lo'u lima taumatau, seia ou fai i e ua fai oe mo latou fili ma ou tulagā vae?" E 14 le o agaga e auaua ea i latou uma, ua auuina e auuina ia i latou o le a maua le olataga?

## O LE MATAUPU II.

*O le apoapoiga e matu saili-  
ili i le olataga ua saunia mo  
i tatou e Iesu i lona alofa.*

**O** LE mea lea e tatau ona 1  
atili ai ona tatou nau-  
nau i mea ua tatou faalogo-  
logo i ai, nei mamulu ia i  
tatou i se isi aso. Auā afai 2  
na faamaonia le upu na mo-  
lia mai e agelu, taitasi uma  
foi agasala ma faalogogata  
ma oo i ai le tau i tusa ai,  
Pe sao faapefea i tatou pe 3  
a faatamala i le olataga e  
faapea ona tele? sa muai  
fetalaia mai e le Alii, ona  
faamaonia mai lea ia i tatou  
e i latou sa faalogo ia te ia;  
O loo molimau mai foi le 4  
Atua ma i latou i faailoga  
ma vavega, i mana eseese  
foi ma mea alofa mai le  
Agaga Paia e tusa ma lona  
lava finagalo.

Auā ua le tuuina atu e ia 5  
i agelu e pule i le sauniga  
atali, o lo matou o tautala  
nei i ai; A ua molitino 6  
mai e le tasi i le isi upu, e  
faapea mai, "Se a le aoga  
o le tagata ina ua e manatu  
mai ai ia te ia; poo le atalii  
o le tagata ina ua e asiasi  
mai ai ia te ia? Ua e faa- 7

maulalo ane teisi o ia i age-  
lu; ua e faapale ia te ia i  
le mamalu ma le viiga, ua  
e tofi foi ia te ia e pule i  
8 galuega a ou aao; Ua e  
tuuina ifo foi o mea uma  
lava i lalo o ona vae." O  
lenei, ina ua tuuina ifo o  
mea uma i lalo ia te ia, ua  
le tuua e ia se mea e tasi e  
lei tuuina ifo i lalo ia te ia:  
a ua le iloa nei e i tatou o  
mea uma lava ona tuuina  
9 ifo i lalo ia te ia. A ua  
tatou iloa Iesu ua faamau-  
lalo ane teisi i agelu, ua  
faapaleina i le mamalu ma  
le viiga, ona o le tiga o le  
oti, ina ia oo ia te ia le oti  
ona o tagata uma i le alofa-  
10 tunoa o le Atua. Auā, o  
lena fai mea uma lava mo-  
na, sa na faia foi mea uma  
lava e ia, na tatau ia te ia,  
i lona taitaiina o atalii e  
toatele i le manuia, e faa-  
atoatoaina ai o le Alii o lo  
latou olataga ona o pua-  
11 puaga. Auā, o lē na te  
faapaiaina mai atoa ma i  
latou uma e ua faapaiaina,  
e tasi lo latou tupuga; o le  
mea lea e le mā ai ia ia taua  
12 i latou o ona uso, O loo faa-  
pea mai, "Ou te ta'uatou lou  
suafa i o'u uso, ou te vivii  
ia te oe i luma o le ekale-  
13 sia." Ua toe faapea mai,  
"Ou te faatuatua au ia te  
ia." I le ma lea, "Faanta  
mai o au nei ma le fanau ua  
foaiina mai e le Atua ia te  
14 au." O lenei, ina ua i ai i  
le fanau o le tino tagata  
ola, na faapea foi ona ua i

ai ia te ia, ina ia faaumatia  
e ia, i lona oti, o lē na i ai  
le malo e oti ai, o le tiapolo  
lea, Ma tuusaunoa ai i 15  
latou e na faapologaina i o  
latou olaga uma ona o le  
mata'u i le oti. Aua e 16  
moni e le fesoasoani o ia i  
agelu, peitai ane le fanau a  
Aperaamo o loo fesoasoani  
o ia i ai. O le mea lea sa 17  
tatau ai ina ia avea o ia ia  
faapei o ona uso i mea uma  
lava, ina ia faia o ia ma fai-  
taulaga sili o lē alofa ma le  
faamaoni i mea a le Atua,  
ina ia faia se faaleleiga ona  
o agasala a le nuu. Aua ina 18  
ua tigaina o ia ina o tofo-  
tofoina, ua mafai ai o ia ona  
fesoasoani i e o tofotofoina.

### O LE MATAUPU III.

*Ua silisili ese le Mesia ia Mose.*

*O le lapataiga nei le anaana  
i lana afiga.*

**O** LENEI, le au uso 1  
paia e, e ua tofutofusia  
i le tofiga faalelagi, ina  
mafaufau ia i le aposetolo  
ma faitaulaga sili ua ta'u-  
ta'uina e i tatou, o le Mesia  
o Iesu lea; Sa faamaoni 2  
i le na tofi ia te ia pei o  
Mose foi i lona aiga uma.  
Aua e tauaogaina le na i 3  
le mamalu e sili i lo Mose,  
pei o na sili o le viiga i le  
tupuga i lo le aiga. Aua 4  
e taitasi aiga ma faatupuina  
e se tasi; a o le tupuga o  
mea uma lava o le Atua lea.  
Na faamaoni foi lava Mose i 5

lona aiga uma, o le anauna  
ia, ina ia molitinoia e ia o  
6 mea o le a talaina; Peitai  
ane o Keriso, o le Atalii ia e  
pule i lona lava aiga; o  
lona aiga o i tatou, pe afai  
tatou te taofi mau i le faa-  
malosi ma le olioli i le faa-  
moemoe seia oo i le gataaga.  
7 O le mea lea, pei ona fetalaia  
mai e le Agaga Paia,  
"O le aso nei afai tou te  
faalogo ai i lona siufofoga,  
8 Aua tou te faamaaa i o  
outou loto, pei o le faa-  
onoono i le aso na faasooso  
9 ai i le vao tuufua, Sa  
faasooso mai ai o outou  
tamā ia te au, sa tofotofa  
mai ai ia te au, e ui lava  
ina latou iloa a'u galuega  
10 i ona tausaga e fagafulu; O  
le mea lea na ou 'ino'ino ai i  
lena, tupulaga, ma ou fai ane,  
Ua faaseseina soo lava i o  
latou loto, ua le iloa e i  
11 latou o'u ala: Ona ou  
tauto lea, i lo'u ita, Latou  
te le sao atu lava i lo'u  
12 malologa." Le au uso e,  
ia outou, nei i ai i so outou  
le loto leaga ma le faalogo-  
gata, nei outou o ese ai i le  
13 Atua soifua; A ia outou  
fefaamafanafanaai i lea aso  
ma lea aso, manu o taua o le  
aso nei, ina nei lotofatu so  
outou i le pepelo o le aga-  
14 sala: Aua e mafuta faatasi  
o i tatou ma le Mesia, pe  
afai tatou te taofi mau lava  
i lo tatou muai faatutua e  
15 oo i le gataaga. Manu o  
fai mai, "O le aso nei afai  
tou te faalogo ai i lona

siufofoga, aua tou te faa-  
maaa i o outou loto, pei o  
le faaonoono." Aua o isi 16  
e na faalogologo na faa-  
onoono i latou, a e le o i  
latou uma e na o atu na i  
Aikupito *sa taitaiina* e  
Mose. O ai foi i latou sa 17  
inoiño o ia i ai i ona tausaga  
e fagafulu? e le o i latou  
ea e na agasala, sa oti o  
latou tino i le vao tuufua?  
O ai foi i latou na ia tauto 18  
i ai, latou te le sao atu i  
lona lava malologa? e le o  
i latou ea o e na faalogogata?  
O lenei ua tatou iloa na le 19  
masao atu i ai i latou ona o  
le faalogogata.

## O LE MATAUPU IV.

*O le malologa e maua i le faa-  
tuatua.*

**O** LENEI, ia tatou fefefe 1  
ia, ina ua tuuina mai  
pea o le folafolaga e sao atu  
ai i lona malologa, nei ai so  
outou e lē mau atu i ai.  
Aua na talaiina mai i tatou 2  
i le tala lelei e pei o i latou;  
a ua le aoga le upu na  
latou faalogologo i ai ina ua  
le faatatauina ma le faa-  
tuatua i e na faalogologo  
i ai. Auā tatou te sao atu 3  
i le malologa o i tatou o e  
ua faatuatua, pei ona fetalai  
mai o ia, "Pe ona tauto o  
au i lo'u ita, Latou te le sao  
atu i lo'u malologa;" o le  
malologa lava lea i le ga-  
luega na faia ina ua uma  
ona faavaeina o le lalolagi.  
Aua o loo fai mai i le tasi 4

upu i le aso fitu, e faapea mai,  
"Na malolo foi le Atua i  
le aso fitu i ana galuega  
5 uma." Ua toe faapea foi i  
lenei upu, "Latou te le sao  
atu lava i lo'u malologa."  
6 O lenei ina ua tuuina mai  
pea ona ia sao atu i ai o  
nisi, mona ua le sao atu i ai  
o e na muai talaiina i ai le  
tala lelei ona o le faalogo-  
7 gata, Ua toe tuu po foi o  
ia i le tasi aso, i lana na  
fatalaia mai e Tavita, "O  
le aso nei," ina ua mavae o  
ia tausaga e tele pei ona  
fetalai mai, "O le aso nei  
afai tou te faalogologo ai i  
lona siufofoga, aua tou te  
faamaaa i o outou loto."  
8 Auā ana faaoo e Iosua ia i  
latou i le malologa, ona le  
toe ta'uina lea e le Atua o  
9 se tasi aso. O lenei o loo  
tuuina mai pea o se malologa  
faaasosa mo tagata o le  
10 Atua. Aua o lē ua sao atu  
i lona malologa, ua malolo  
foi o ia i ana lava galuega  
faapei o le Atua i ana lava.  
11 O lenei ina tatou finafinau  
ia ina ia sao atu i lona ma-  
lologa, nei ai se tasi e pau  
i lona faaaoao i lo latou faa-  
12 logogata. Aua o loo ola  
le upu a le Atua, o loo  
matua galue foi, o loo sili  
foi lona maai i pelu uma e  
faatau maai itu, o loo vae-  
vae foi ia e oo lava i le  
vavaeeseina o le loto ma  
le agaga, ma gaugātino foi  
ma aano o ivi, o loo faa-  
masino foi ia i manao ma  
13 manatu o le loto; E le lilo

foi se tasi mea na faia i ona luma, a ua taatia fua ma ua allali mai o mea taitasi uma lava i ona fofoga, tatou te ta'u atu i ai a tatou amio.

O lenei ina ua ia i tatou 14 le faitaulaga tele e sili, ua afio atu i le lagi, o Iesu o le Atalii o le Atua, ina tatou taofi mau ia i la tatou e ta'utino atu. Auā e le se 15 faitaulaga sili lo tatou e le ma faia ona tiga-alofa faatasi ma i tatou i o tatou vaivai, a ua faasoosoina o ia i mea uma pei o i tatou a ua leai se agasala ia te ia. O le mea lea ia tatou faa- 16 latalata atu ai, ma le faamalosi, i le nofoalii o le alofa tunoa, ina ia alofaina ai o i tatou, ia maua ai foi o le alofa tunoa e fesoasoani mai ai i ona aso e tatau ai.

### O LE MATAUPU V.

*O le mamalu o le faiva o faitaulaga o le Mesia, na le auaiga i e na valelea i le afioga a le Atua.*

AUĀ taitasi uma faitau- 1 laga sili, ua filifilia mai i tagata, ma tofia mo tagata i mea a le Atua, ina ia faitaulaga o ia i mea alofa ma manu faimatea ona o agasala, Na te mafafa ona agamalu i e na valelea ma e ua faaseseina, ina ua siosiomia foi o ia i le vāivāi; Ona o 3 lenei mea foi e tusa ona faitaulaga ai o ia e togī ai agasala a le nuu, ia faapea foi ona fai mo ia lava. E le 4

fai fua foi e se tasi lenei faiva mamalu, tau o le ua filifilia e le Atua, e faapei 5 foi o Arona. E faapea foi le Mesia na lē faamamaluina e ia ia ina ia fai o ia ma faitaulaga sili, na o ia sa fetalai mai ia te ia, "O lo'u atalii oe, na ou fanaua mai 6 oe i le aso nei." E faapei foi ona fetalai mai ai o ia i le isi upu, "O le faitaulaga oe e autupulaga e uiga faa- 7 tasi ma Mekisateko." O ia lenei sa tatalo atu i ona po na faatino-tagata mai ai, ma aoi atu ma le tagi tele ma loimata i lē na mafafa ona faaola ia te ia na i le oti, na faafogaina foi o ia i le 8 mea na ia fefe ai. E ui lava o ia o le Atalii, na aaoaina o ia i le anaana i 9 mea sa tiga ai o ia, Ina ua faaatoatoaina foi o ia ua avea o ia ma tupuga o le ola e lē uma i e atoa uma o e 10 anaana ia te ia: Ua taua e le Atua o le faitaulaga sili e uiga faatasi ma Mekisateko. 11 Ua ia i matou upu e tele ia te ia e faigata foi ona faamatalaina, ina ua faale- 12 lagona e outou. Auā ana fai outou ma aao poo ua tatau ai ina ua leva, a e tatau ona toe aaoaina o outou i isi aoga muamua o le afioga a le Atua; na avea foi outou ma e o tusa i ai le suāsusu, a e le o ni mea 13 aano. Auā e taitasi uma e ua faasusuina i le suāsusu, o le atamai lea i le upu o le agatonu; aua o le tama

meamea ia: A o le mea 14  
aano mo e matutua ia, o i la-  
tou o loo masani ona lagona  
ina ua aoasooiina e iloa ai  
o le lelei ma le leaga.

## O LE MATAUPU VI.

*O le apocopiina e tumau i le  
faatvatua, ona e faamaoni  
mai lava le Atua i ona folafolaga.*

**O** LE mea lea ina tatou 1  
tuua ia o a'oga mua-  
mua a le Mesia, ma tatou  
oo atu i le faaatoatoaga; ma  
le lē toe tuu ifo i lalo i le  
faavae o le salamo i galuega  
e oti ai, ma le faatuatua atu  
i le Atua, O le a'oga foi o 2  
papatissoga, ma le faaceatu o  
lima ma le tutu mai o e ua  
oti, ma le faamasinoga faa-  
vavau. Tatou te faia foi 3  
lena pe a finagalo i ai le  
Atua. Auā e le mafaia ia 4  
te i latou e na muai faama-  
lamalamaina, na latou tofi  
foi i le mea foaifuaia mai  
le lagi, ma ua faatofutofusia  
i le Atamai Paia, O e ua 5  
tofu foi i le upu lelei a le  
Atua ma le mamana o le  
sauniga atali, A pau foi i 6  
latou, e le mafaia ona toe  
faafouina o i latou ina ia  
salamo, ina ua faasatauro-  
ina e i latou lava le Atalii  
o le Atua ma faainosia o ia  
i luma o tagata. Aua o le 7  
eleele e inu i le ua e pau soo  
i ai, ma tutupu ai mea e ta-  
tau mio i latou e galulue  
i ai, ua maua le manuia mai  
le Atua; A o le e tutupu 8

mai ai mea matuitui ma  
anaoso, ua lafoaiina ia, ua  
latalata foi ina fetuuina, o  
9 lona iuga ia susunuina. A  
o outou, le au pele e, matou  
te faatuatua i mea e sili ona  
lelei mai ia te outou, o mea  
foi ua i ai le ola, e ui lava  
ina ua faapea ona matou  
10 tautala atu ai. Auā e lē  
agaletonu le Atua, na te le  
faagaloina la outou galuega  
ma le faamalosi i le alofa ua  
outou faaali mai ai i lona  
suafa, i lo outou auaua i le  
au paia ma lo outou auaua  
11 pea i ai. Ua matou mana-  
nao tele foi ina ia outou tai-  
tasi uma ma faaali mai lea  
lava filigā ina ia mautinoa  
o le faamoemoe e oo i le  
12 gataaga; Ina ia le paie, a  
ia faaaoao i e ua maua o mea  
na folafolaina mai i le faa-  
13 tuatua ma le onosai. Aua  
ina o folafolaina mai e le  
Atua ia Aperamo, ina ua  
le mafaia ona tauto o ia i se  
tasi e sili ia te ia, na tauto  
14 ia ia te ia lava, E faapea  
mai, “E moni lava ou te  
matuā faamanuia ia te oe,  
ma ou matua faatoateleina  
15 foi lau fanau.” Na onosai  
faapea o ia, ona maua lea  
e ia o le mea na folafolaina.  
16 Aua o loo tauto lava tagata  
i se tasi e sili, o le tauto foi  
e faamaoni ai o le iuga lea  
o le fefinuaiga ia i latou:  
17 E faapea foi le Atua, ina  
ua finagalo ai o ia e faailoa  
atili ai lana lava pule e le  
aūliua i e ua tofia i mea na  
folafolaina, na ia faapoopo

i ai le tauto, Ina ia ia i 18  
tatou o mea e le āūliua e  
lua, e lē ma pepelo ai le  
Atua, tatou te maua ai le  
faamafanafanaga tele, o: ta-  
tou o e ua sosola e taofi atu i  
le faamoemoega ua tuu i o  
tatou luma; Ua ia i tatou 19  
lena *faamoemoega* pei se  
taula o le atamai, e lē ma-  
to-oina ma ua maula, e oo  
foi i totonu i tala atu o le  
puipui, O le mea ua afio 20  
atu ai Iesu o le taimua mo  
i tatou; o le faitaulaga sili e  
āūtupulaga e uiga faatasi  
ma Mekisateko.

## O LE MATAUPU VII.

*O le faiva o faitaulaga o Iesu  
e uiga faatasi ma Mekisa-  
teko.*

**A**UA o lenei Mekisateko, 1  
o le tupu o Salema, o  
le faitaulaga o le Atua sili-  
sili ese, o le na fetai ai ma  
Aperaamo ina o foi mai mai  
le fasiā o tupu ma faama-  
nuia atu ia te ia, Sa foi 2  
atu foi Aperaamo i ai o lona  
sefulu o mea uma, (o le uiga  
muamua o lona igoa, pe a  
faamatalaina, o le tupu o le  
agatonu, i le ma le tupu o  
Salema, o le tupu o le file-  
mu lea,) E leai sona tamā, 3  
e leai sona tina, e leai ni  
ona tupuga, e leai se ama-  
taga i ona a-o, poo se gata-  
aga i lona soifua, a ua faa-  
pei o le Atalii o le Atua, o  
loo tumau o ia o le faitau-  
laga e faavavau. O lenei 4

ina maatunatu ia i le sili o  
lena alii, sa foaiina atu i ai,  
e lea tupuga o Aperaamo, o  
lona sefulu o mea na faoa  
5 mai. O i latou foi o sa  
Levi, o e ua fai le faiva o  
ositaulaga, ua poloaaina i  
latou i le tulafono e fai ma  
latou lona sefulu o mea a le  
nuu, o latou uso lava ia, e  
ui lava ina latou tutupu  
mai le tino o Aperaamo;  
6 A o ia e le mai ia i latou  
lona tupuga na ia maua o  
lona sefulu o mea a Aperaamo,  
ma faamanuia atu i  
7 le na i ai folafolaga; Ua  
lāūiloa foi, o loo faamanuia  
8 le itiiti e le sili. O i lona  
foi o loo talia lona sefulu o  
mea e tagata e oti; peitai  
le la e talia e le ua moli-  
9 tinoina o loo ola ia. Afai  
foi e tusa ona ou faāpea atu,  
o Levi o lē talia o lona  
sefulu o mea, na ia avatua o  
lona sefulu o mea o ia  
10 Aperaamo; Aua sa i ai lava  
i le tino o lona tamā o ia  
ina o fetai ai Mekisateko  
11 ma ia. O lenei afai na faa-  
atoatoaina o mea i le faiva  
o faitaulaga faa-Levi, (aua  
na maua e le nuu le tulafono  
faatasi ma lea,) pe se a le  
toe aoga ona faatuina o le  
tasi faitaulaga, “e uiga  
faatasi ma Mekisateko,” a  
e le taua i le uiga faatasi  
12 ma Arona? Aua, afai ua  
liua le faivā o faitaulaga,  
ua matua tatau ai ona liua  
13 o le tulafono. Aua o ia ua  
ta’ua mai i ai o nei mea, o  
so le tasi ituaiga ia, e leai



so latou na auauna i le fata  
e fai ai taulaga: Aua ua 14  
iloa tino lava na tupu mai  
ia Iuta lo tatou Alii, o le  
ituaiga lea na le ta'uaina  
mai i ai e Mose se upu i le  
faiva o faitaulaga. Ua 15  
atili ai foi ona iloa tino, pe  
afai ua faatuina o le tasi  
faitaulaga pei o Mekisateko,  
O lē ua faia e le i se tula- 16  
fono o se poloaiga faaletino,  
a o le mana o le ola e le  
uma: Aua o loo molitino 17  
mai o ia, "O le faitaulaga  
oe e aūtupulaga, e uiga faa-  
tasi ma Mekisateko." Auā 18  
foi ua tatalaina le poloaiga  
na muamua, ona o lona  
vāivāi ma lona lē aoga.  
Aua na le faaatoatoaina o 19  
se tasi mea i le tulafono, a  
o le faaopopo o le faa-  
moemoega e sili ona lelei  
na faaatoatoaina ai ona o  
lea ua tatou faalatalata atu  
ai i le Atua. Pei ona sili 20  
o le le aunoa ma le tautoga,  
(Aua ua faia i latou ma 21  
faitaulaga a o leai se tauto;  
peitai ane o ia ma le tauto  
e lē na fetalai atu ia te ia,  
"Ua tauto leova, e lē sa-  
lamo ai foi ia, O le faitau-  
laga oe e aūtupulaga, e  
uiga faatasi ma Mekisa-  
teko:") E faapea foi ona 22  
faia o Iesu ma faaoo o le  
feagaiga e sili ona lelei.  
E toatele foi i latou sa fai 23  
ma faitaulaga, auā na le  
matumau i latou ona o le  
oti; Peitai o ia, ina ua 24  
tumau e aūtupulaga, ua ia  
te ia le faiva o faitaulaga e

25 tumau pea: O le mea foi  
lea e mafai ai ia te ia ona  
faaola e aūtupulaga i e faa-  
latalata atu i le Atua, ona  
o ia, aua o loo soifua pea  
ia e fautua mo i latou.  
26 Auā e tataua ona ia ia i  
tatou o se faitaulaga sili  
faapena, e paia, e agamalu,  
e leai sona leaga, e tauma-  
mao ma e agasala, e sili foi  
ia ona faamaualugaina i  
27 lagi; O lea e le tataua i ai  
i aso fai soo, pei o ia faitau-  
laga e muamua mo ana lava  
agasala, ona fai ai lea ma  
agasala a le nuu; aua ua  
atu tasi lava ona faia e ia o  
lea mea ina o avatua e ia ia  
28 te ia ma taulaga. Aua o le  
tulafono o loo faatuina ai  
tagata, o i ai le vāivāi, e fai  
ma faitaulaga sili; a o le  
upu o le tauto na mulimuli  
i le tulafono, ua faatuina ai  
le Atalii ua faaatoatoaina e  
aūtupulaga.

## O LE MATAUPU VIII.

*O le faaumatia o le faiva o fai-  
taulaga faa-Arona, ma le  
feagaiga mo isi tausaga, i le  
faiva o faitaulaga a le Menia  
ma le feagaiga e aūtupulaga.*

1 **O** LE aano leni o mea o  
loo tautala ai nei, o i ia  
i tatou le faitaulaga sili e faa-  
pena, o lē ua nofo i le aao  
taumatau o le nofoalii o le  
2 mamalu i le lagi, O le  
aauauna i mea paia ma le  
falefetafai moni, sa faatuina  
e le Alii, e le o tagata.

Auā ua tofia taitasi uma 3  
faitaulaga sili ina ia faitau-  
laga i mea alofa ma mea  
fasimatea ; o le mea lea e  
tatau ai ina ia i ai foi, i  
lenei *faitaulaga sili*, o se  
mea e faitaulaga ai. Auā, 4  
afai foi o i le lalolagi o ia,  
ua le fai o ia ma faitaulaga,  
auā o loo i ai faitaulaga o e  
faitaulaga i mea alofa e  
fusa ma le tulafono, O e o 5  
auna i le mea faaaoao  
ma le ata o mea faalelagi,  
pei ona aaoiina o Mose e le  
Atua ina a fai o le falefeta-  
fai, aua na fetalai mai o ia,  
“ Ia oe nei e le faia o mea  
uma lava e pei o le faatusa  
sa faaali atu ia te oe i le  
mauga.” A o lenei ua 6  
maua e ia o le faiva e sili, e  
pei ona sili o le lelei o le  
feagaiga ua fai ai o ia ma  
puluva i ai, o le ua faa-  
mavina foi i folafolaga e sili  
ona lelei. Aua ana atoatoa 7  
le feagaiga na muamua, poo  
ua le saunia sona lua. Aua, 8  
ina ua taufaaleatoatoaina e  
ia le na muamua, ua fetalai  
atu o ia ia te i latou, “ O loo  
fetalai mai Ieova, faauta  
mai, e oo mai ona aso ou te  
osi ai se feagaiga fou ma le  
aiga o Isaraela atoa ma le  
aiga o Iuta, E le pei o le 9  
feagaiga na ou faia ma o  
latou tamā, i le aso na ou  
tago atu ai i o latou lima e  
taitai atu ia te i latou na i  
le nuu o Aikupito ; aua o  
loo faapea mai Ieova, na lē  
tumau i latou i la’u feaga-  
iga, ona ou tuulafoai ai lea

10 ia te i latou ; A o le fa-  
agaiga lenei ou te faia ma le  
aiga o Isaraela pe a mavae  
atu o ia aso, o loo faapea  
mai Ieova, Ou te tuuina atu  
a’u tulafono i o latou ma,  
faufau, ma ou tusi foi i ai i  
o latou loto ; e fai foi an-  
mo latou Atua, e fai foi i  
11 latou mo’u tagata. Latou  
te le aao atu foi taitasi i  
lona lava tuaoi ma taitasi i  
lona lava uso, e faapea atu,  
Ia e iloa Ieova ; aua e iloa  
au e tagata uma lava o  
tagatānuu atoa ma alii ;  
12 Auā ou te faamagalo atu i  
a latou amioletonu, ou te le  
toe manatua foi i a latou  
agasala ma lo latou soli-o-  
13 tulafono.” I lona fetalai  
mai, “ O le *feagaiga* fou,”  
ua ta’utuai ai e ia o lē ua  
muamua, o lenei o le mea  
ua ta’utuai ma ua tauāu ina  
vāivāi ua latalata lea ina  
mavae.

### O LE MATAUPU IX.

*Ua faanliga ese le toto o Iesu  
ma lana taulaga i a le tula-  
fono na muamua.*

1 **O** LENEI foi, sa i le  
falefetafai na muamua  
o sauniga o tapuaiga, ma le  
2 mea paia faalelalolagi. Aua  
na saunia le ana i luma, e  
taua o le mea paia, sa i ai le  
tuugaafi ma le la’o’ai ma le  
3 areto e laulauina i luma. I  
ona tala atu foi o le lua o  
puipui o le ana e ta’ua o le  
4 mea e sili ona paia, Sa i  
ai le ipu auro e faamu ai

mea manogi, ma le ato laau o le feagaiga ua lilo ia i auro, o i ai le ipu auro faaofuofu ua i ai le mānā, ma le tootoo o Arona sa tutupu, ma papa maa o le feagaiga; O i ona luga foi o 5 kerupi mamalu, o loo ma-luia ai le nofoa alofa; o mea ia e le matala taitasi atu ai nei. O lenei ina ua 6 faapea ona saunia o ia mea, na ulu fale soo le au faitaulaga i le ana i luma ma sauni i ai tapuaiga; A o 7 le ana i tua e taitasi i tau-saga ma foi faatasi i ai na o le faitaulaga sili, e le aunoa foi ma le toto, sa faitaulaga ai o ia mo ia lava atoa foi ma agasala a le nuu. O 8 loo faailoa mai ai, e le Agaga Paia, ua le faaaliala ala i le mea e sili ona paia, ina o tu pea le muai fale-fetafai; O le faatusa 9 lea e oo mai i nei ona po, o loo fai ai taulaga i mea alofa ma mea fasimatea e le mafai ona faaatoatoaina o le tapuai i lona loto-fuati-aifo. O i ai na o mea e 'ai 10 ma mea e inu ma faamamaga eseese, ma sauniga faaletino, na faatuina seia oo i ona po o le toefuataiga. A ina ua maliu mai o Ke- 11 riso, o le faitaulaga sili i mea lelei atili, i le falefeta-fai e sili ona lelei ma ona atoatoa, e le faia e lima, o lona uiga e le faia faalela-lolagi nei, Na foi faatasi o 12 ia i totonu o le mea paia ua atoa ai, e le o toto o 'oti

ma tamai povi, a o lona lava toto, ua na maua o le olataga e faavavau mo i 13 tatou. Auā afai o le toto o povi tane ma 'oti ma le lefulefu o se povi fafine taanoa ua sausu atu ai i e ua le faapaiaina e faapaiaina ai e oo i le faamamaga o le 14 tino. E le sili ea ona faamamaina o outou lotofua-tiaifo a i galuega e oti ai i le toto o le Mesia, o le na avatua e ia ia ona o le Agaga e faavavau ma tau-laga i le Atua, ua leai sona leaga, ina ia outou tapuai i 15 le Atua soifua? O le mea foi lea o loo fai ai o ia ma puluvaga o le feagaiga fou, ona o lona maliu foi e togi-ola ai agasala na faia o i le muai feagaiga, ia mau ai e i latou ua togia o le tofi e autupulaga na folafolaina. 16 Aua pe a fai se tofiga, sei iloga e oti le e ana le tofiga; 17 Auā e faamaonia se tofiga ona o e ua oti, ina ua le aoga a o ola mai o le e ana 18 le tofiga. Auā na le faamauina o le na muamua a o 19 le o i ai se toto; Auā ina ua uma ona ta'uina atu e Mose i le nuu uma lava o poloaiga uma e tusa ma le tulafono, ua tago atu o ia i le toto o tamai povi ma 'oti atoa ma le vai, ma fulufulu mamoe e mūmū ma isopo, ma sausuina atu ai i le lautusi lava atoa ma le nuu 20 uma lava. O loo faapea atu, "O le toto lenei o le feagaiga ua poloaia atu e

le Atua ia te outou: " O 21  
le falefetafai foi atoa ma mea  
uma e fai ai tapuaiga na ia  
sausauina atu ai e faapea i  
le toto. Na toe ina uma 22  
foi o mea uma ona faama-  
maina i le toto e tusa ma  
le tulafono, a le o i ai foi  
se faamaligiga o le toto ua  
leai foi se faamagaloina.  
O le mea lea sa tatau ai 23  
ona faamamaina o faatusa  
o mea o i le lagi i ia mea,  
a o mea faalelagi lava i  
taulaga e sili ona lelei i lo  
ia mea. Aua ua le ulu atu 24  
le Mesia i mea paia ua faia  
e lima o faatusa ia o mea  
moni, a o i le lagi lava, o  
loo i ai nei i luma o le Atua  
mo i tatou: A e le ina ia 25  
avatu soo o ia e ia ma tau-  
laga, pei o le faitaulaga sili  
e alu atu i le mea paia i lea  
tausaga ma lea tausaga ma  
le toto ese; (Aua ana 26  
faapea poo ua tatau ona  
tigaina faalasi o ia talu le  
foafoaga o le lalolagi;) a o  
lenei ua tasi lava lona afio  
mai i le faaatoaga o tausaga  
ina ia aveeseina le agasala  
i lona lava fasiotiga. Pei 27  
ona tuuina foi mo tagata ia  
tasi lo latou oti, mulimuli  
ane foi i lea o le faamasi-  
noga; Na faapea foi o le 28  
Mesia, ua tasi lava ona  
avatua o ia ma taulaga, ina  
ia aveeseina ai agasala a le  
toatele, e iloa foi ia e i  
latou o e faatalitali atu ia  
te ia i lona foi faalua mai,  
e le ina ia aveese agasala,  
a ia latou ola ai.

## O LE MATAUPU X.

*O le le aoga o taulaga faale-  
lafono na muamua. O le  
taulaga faifaatasi o le tino o  
Iesu ua aveeseina ai sala e  
aitupulaga.*

1 **A**UA o le tulafono ua i  
ai le ata o mea lelei  
atali, a e le o matua faatusi  
o ia mea, e le mafai lava i  
ia taulaga o loo faia soo  
lava i lea tausaga ma lea  
tausaga ona faaatoatoaina  
2 o e o tapuai. Ana mafai  
poo ua tuua ia taulaga, aua  
ina ua tasi ona faamamaina  
o e na tapuai ua le toe iloa  
agasala i le lotofuafiaifo;  
3 A o ia taulaga na faama-  
natu ai agasala i lea tau-  
4 saga ma lea tausaga; Aua  
e le mafai ona aveeseina o  
agasala i le toto o povi tane  
5 ma oti. O le mea lea ua  
fetala'i mai ai o ia i lona  
malu mai i le lalolagi, "O  
manu fasimateina atoa ma  
taulaga ua e le finagalo i  
ai, a ua saunia e oe se tino  
6 mo au; O taulaga susunu  
ma taulaga mo agasala ua  
7 e le fiafia i ai; Ona ou fai  
ane lea, "Le Alii e, sifa-  
sila mai ia, ou te alu atu e  
fai lou finagalo: (ua tusa  
8 ia au i le lautusi:)" E mu-  
nua ona fetala'i mai, "O  
manu fasimateina o taulaga  
foi ma taulaga susunu ma  
taulaga mo agasala ua e le  
finagalo i ai, ma e le fiafia i  
ai," o taulaga ia ua faia e  
9 tusa ma le tulafono; Ona

toe fetalai mai lea, "Le Atua e silasila mai ia, ou te alu atu e fai lou finagalo:" ua aveeseina ai e ia lē na muamua ina ia faatumauina o lona lua. O le 10 finagalo lea ua faapaiaina ai o i tatou i le taulaga o le tino o Iesu Keriso na fai faatasi. O loo tutu foi tai- 11 tasi uma o faitaulaga ma auauna i lea aso ma lea aso, o loo fai soo ia lava taulaga, e le āūmafaia ona aveese ina ai o agasala: Peitai ane o ia, na faia e ia 12 le taulaga e tasi mo agasala, ona nofo lea i le aao tau-matau o le Atua e āūtupu-laga, O loo faatalitali atu 13 ai pea seia avea i latou o e fai o ia mo latou fili ma ona tulagaaao. Aua o le tau- 14 laga e tasi ua faaatoatoaina ai e ia e faavavau o e ua faapaiaina. O loo moli- 15 mau mai ai foi le Agaga Paia ia i tatou; aua ina ua uma ona muai fetalai mai o ia, "O le feagaiga lava 16 lenei ou te faia ma i latou pe a mavae atu o ia aso, o loo faapea mai Ieova, Ou te tuniina atu a'u tulafono i o latou loto, ma ou tusi foi i ai i o latou mafaufau, O a 17 latou agasala foi ma lo latou soli-o-tulafono ou te lē toe manatua lava." O le- 18 nei o le mea o i ai le avee-sega o ia mea ua leai se toe taulaga mo le agasala.

O lenei le au uso e, ua 19 tatou saoloto e ulu atu i le mea e sili ona paia ona o le

20 toto o Iesu, I le ala fou ma le ola ai, ua faapaiaina e ia mo i tatou, i le puipui, 21 o lona lava tino lea, Mona ua ia i tatou le faitaulaga sili e pule i le aiga o le 22 Atua, Ina tatou faalatalata atu ia ma le loto faamaoni i le faatuatua ia mautinoa lava, o sausauna o tatou loto na i le lotofuaitiaifo leaga; o taelea foi o tatou tino i le vai manino, 23 Ina tatou taofi mau ia i le faamoemoe ua tatou ta'utino atu ma le le fefoifoia'i; (aua o loo faamaoni o ia sa 24 folafolaina mai;) Ia tatou fefaamanatunatu ai foi ina ia taufaatupu ai le alofa ma 25 galuega lelei, Aua le lafoaiina o le faapotopotoina o i tatou, pei o le masani o nisi, a ia fefaamafanafana'i; ia faapea ona atili ai foi pei ona outou iloa o le aso o 26 loo faalatalata mai. Aua afai tatou te agasala ma le loto i ai peā ua uma ona talia o le mataupu o le mea moni, ua le toe lava se tau- 27 laga mo agasala, Na o le faatali ma le mata'u tele i le faasala, ma le toasa e mumu e susunu ai i e o tee 28 atu. O lē na 'ino'ino i le tulafono a Mose na oti ia i le mau a le toalua poo le 29 toatohu, ua le alofagia; Pe nia fa outou i le sili o le mamafa o le tau i tautauina ai o le ua soli i le Atalii o le Atua, ma ua ta'ulepaiaina e ia le toto o le feagaiga ua faapaiaina ai o

ia, ma ua faifai foi i le Agaga o le alofa tunoa? Auā ua tatou iloa lē na fe- 30  
talaia mai, "O loo faapea a Ieova, o ia te au le tau  
ma sui, ou te tau ai atu." I le ma lea, "E faamasino  
e Ieova ona lava tagata." O le mea mata'u tele ai e 31  
maua e aao o le Atua soifua. A ia outou faamanatu 32  
i aso anamua, ina o faamalalamaina o outou, na  
outou onosai ai i le taua tele o puapuaga; Ina ua 33  
faia outou ma mataaga i upu faifai ma puapuaga,  
tasi lea mea, i le ma lenei, ina ua faia outou ma aumea-  
mamae a e na faapeaina: Auā na outou alolofa mai i 34  
o'u noanoataga, ma outou talia foi le vetega o a outou  
oloa ma le olioli, o loo iloa e outou ua ia te outou le  
oloa o i le lagi e sili ona lelei ma le tumau. O le 35  
mea lea aua le lafoai ai o outou faamalosi, ua i ai le  
taui e tele. Auā ua aoga 36  
ia te outou le onosai, ina ia maua e outou le mea na fo-  
lafolaina, pe a ua uma ona faia e outou le finagalo o le  
Atua. Auā e toe itiiti 37  
itiiti lava ona oo mai lea o lē maliu mai, e le faatuai  
mai lava. "E oia foi le 38  
agatonu i le faatuatua," i le ma lea, "A tuumuli se tasi,  
e le fiafia lava lo'u atamai ia te ia." A o i tatou e le 39  
o e tuumuli i le malaia, a o i latou o e faatuatua e ola  
ai le atamai.

## O LE MATAUPU XI.

*O le viga o le faatuatua, ma le amioga a e na maua.*

1 **O** LENEI o le faatuatua o le faalagolago lea i mea ua faamoemoe i ai, o le mauninoa lea o mea e le 2  
o ilo atu. Auā ona o lea na tauleleina ai le au matu- 3  
3 tua. O le faatuatua ua tatou iloa ai na faia le vao mea atoa i le afiga a le Atua, o le mea lea na le faia mea ua ilo atu nei i 4  
4 mea ua aliali mai. O le faatuatua na avatu ai i le Atua e Apelu le taulaga e sili ona lelei i la Kaino, ona o lea ua tauagatouina ai o ia, o loo tauleleia ana tau- 5  
laga e le Atua; ona o lea foi ua tautala mai ai pea o 5  
5 ia ua oti. O le faatuatua na aveeseina ai Enoka ina ia le oo ia te ia le oti, "na le iloa" foi "o ia aua na avea o ia e le Atua;" auā a o lei aveeseina na taua "o ia o le tagata faafiafa atu i 6  
6 le Atua." A lei foi se faatuatua e le mafaia ona faafiafa ia te ia; auā e ta-  
tau i lē alu atu i le Atua ona talitonu o loo soifua o ia, o ia foi na te tauia mai 7  
7 o e o tausailiili ia te ia. O le faatuatua na fausia ai e Noa le vaa, ma le mata'u, e ola ai lona lava aiga ina ua aoaoina e le Atua i mea e lei iloa mai, na ia faasala-  
ina ai le lalolagi, ua na mau ai foi le agatonu, o le aga-

~~tonu~~ *lea e maua* i le faatua-  
tua. O le faatuatua na 8  
anaana ai Aperamo, ina ua  
fetalai mai ia te ia e alu atu  
i le mea o le a maua e fai  
ma ona fanua, na ia alu atu  
foi e lei iloa poo fea a alu i  
ai. O le faatuatua sa nofo 9  
faatagataese ai o ia i le  
fanua na folafolaina, ina o  
fai mo tagata ese, o loo nofo  
i falefetafai, atoa ma Isaako  
ma Iakopo o e na tofia faa-  
tasi ma ia i le folafolaga e  
tasi; Auā na ia faatalitali 10  
atu i se aai ua faavaeina, o  
lona mātaisau ma le tufuga  
o le Atua lea.

O le faatuatua foi na mau 11  
ai e Sara lava le malosi e  
fanau ai, na fanau foi o ia  
ina ua mavae tausaga o lona  
malosi, auā na manatua o ia  
e faamaoni mai o ia na folafolaina mai. O le mea lea 12  
sa tutupu mai ai mai le toa-  
tasi, o ia foi na oti i na mea,  
o le toatele pei o fetu o le  
lagi, pei o le oneone foi i le  
matafaga e le ma faitaulia.  
Na oti i latou nei uma lava 13  
i le faatuatua, o lei maua o  
mea na folafolaina, a ua  
iloa ai e i latou a e mamao,  
na mautinoa foi i ai, ma  
talia ma le fiafia i latou i ai,  
ma latou tautino mai o taga-  
ta ese i latou ma e maumau  
solo i le lalolagi. Aua o i 14  
latou o e fai mai upu faa-  
pena, ua latou matuā faailoa  
mai o loo sailiili e i latou  
so latou lava nuu. Aua foi 15  
ana faamanatuina e i latou  
le nuu na latou o mai ai,

poo ua mafaia e i latou ona  
16 toe foi atu i ai: A o lenei  
ua latou naunau lava i se  
nuu e sili ona lelei, o le  
faalelagi lea; o le mea lea  
e le mā ai le Atua ia te i  
latou, ina ia taua o ia o lo  
latou Atua; aua ua saunia  
17 e ia o le aai mo i latou. O  
le faatuatua na faitaulaga ai  
Aperamo ia Isaako, ina o  
tofotofoina o ia, o le na  
maua foi folafolaga na ia  
avatu ma taulaga o lona  
18 atalii e toatasi, (O ia sa  
fai atu i ai, "Mai ia Isaako  
19 lau fanau.") O loo manatu  
o ia e mafaia e le Atua ona  
faatu mai ia te ia na i e na  
oti, na maua mai ai foi o ia  
20 ia te ia i le faatusa. O le  
faatuatua na faamanuia atu  
ai Isaako ia Iakopo ma  
21 Esau i mea atali. O le faa-  
tuatua na faamanuia taitasi  
atu ai Iakopo i atalii o  
Iosefa, ina a oti ia, "na  
tapuai foi o ia ma toona'i i  
22 le ulu o lona tootoo." O  
le faatuatua na faamanatu  
mai ai e Iosefa, ina a oti, i  
le o ese atu o le fanau a  
Isaraela, ma poloai atu ai  
23 ia i latou i ona ivi. O le  
faatuatua ina o fanau o  
Mose, sa natia ai o ia e ona  
mātua, i masina e tolu, aua  
na la iloa o ia o le tama tino  
lelei; na le fefefe foi i laua  
24 i le poloaiga a le tupu. O  
le faatuatua ina ua matua,  
na le mafai ai Mose ina  
ta'ua o ia o le tama a le  
25 afafine o Farao, O loo  
filifilia ia ia agaleagaina o

ia faatasi ma tagata o le Atua, a e aua le ia te ia le fiafia i le agasala e vave mavae; O loo manatu o ia 26 i le upu faifai o le Mesia o le oa lea e sili i faaputuga oa o Aikupito; auā sa faa-naunau o ia i le tau. O le 27 faatuatua na tuuina ai e ia Aikupito, ma le le fefe i le toasa o le tupu; auā na faufaamalosi o ia pei o se ilo atu i le le-o-vaia. O le 28 faatuatua na ia fai ai le paseka ma le sausuina atu o le toto, ina ia le papai ane ia i latou o le na fano ai ulumatua. O le faatuatua 29 na latou ui ai i le sami ula-ula pei o le eleele matutu; ua taumafai i ai tagata Aikupito ona malelemo ai lea o i latou. O le faatua- 30 tua na solo uma ai le aupa o Ieriko, ina ua faataamiloina i ona aso e fitu. O le 31 faatuatua na le oti faatasi ai Raava le fafine faitaaga ma e na faalogogata, ina ua tali-filemuina e ia e na asi-asi fanua. Se a foi la'u e 32 toe fai atu? auā e saasaa le aso e tala atu ai ia Kitiona, ia Parako foi ma Samasoni ma Iefata, ia Tavita foi ma Samuelu ma le au perofeta; O e na faatoilaloina malo i 33 le faatuatua, ma fai ai amio-tonu, na maua ai foi mea na folafolaina, ma pupuni ai i gutu o leona; Na 34 tinei ai foi le malosi o le afi, ma sao ai i le mata o le pelu, na faamalosia ai foi sa vaivai, ma avea ai ma fita-

fiti i taua, ma tutuli ai i 35 'au a nuuese; Na maua mai e fafine o latou tagata oti ina tu mai: na faataugaina nisi, ua le talia e i latou le olataga, ina ia maua e i latou le toe tumai e sili ona lelei; 36 Na tofotofoina isi i tau-emuga ma sasaina, atoa ma noanoataga ma tuuina i fale 37 puipui; Na fetogia i latou i maa, na vaevaesea i 'ili, na tofotofoina, na oti i latou i le fasiga i le pelu; na feoi solo ma oofu i pa'u mamoe, ma pa'u 'oti, o matitiva i latou, ma puapua- 38 gatia, ma faasaunoaina, (Na le tatau le lalolagi ona i ai o i latou;) na feoi solo i latou i vao tuufua ma mauga ma ana ma lua i le eleele. 39 O i latou uma nei o e na tauleleia ona o le faatuatua na le maua e i latou le mea 40 na folafolaina. Ina ia saunia e le Atua o se isi mea e sili ona lelei mo i tatou, ina ia le faaatoatoaina i latou pe a aunoa ma i tatou.

## O LE MATAUPU XII.

*O le apoapoaiaga e tumau i le faatuatua ma le onosai ma le Amino-atua.*

1 **O** LENEI o loo ua vagavagai i tatou i le au aofaga o e matamata mai e faapea ona toatele, ina tatou tuuese ai ia o mea mamafa uma atoa, ma le agasala e faalavelave gofie ai i tatou,



ma tatou taufetuli ia ma le onosai i le alatanu o i o tatou luma. Ma le vaavaai 2 ia Iesu o le amataina ma le na te faaatoatoaina o le faatuatua, o lena onosai i le satauro, na faatauva ia te ia le mā, ona o le olioli sa tui i ona luma, ua nofo foi o ia i le aao taumatau o le nofoaalii o le Atua. O 3 lena ia outou mafaufau i lena onosai i le faatuiese faapena ia te ia a e agasala nei faavaivai i outou loto ma outou le lavatia.

Ua le oo ona outou tetee 4 atu e oo i le faasasaaina o outou toto i lo outou tetee atu i le agasala: Ua galo 5 foi ia te outou le apoapoaiga, o loo fetalai mai ia te outou pei ona tautala i fanau, "Lou atalii e, aua le faatauva ia te oe le aoaiga a Ieova, aua foi le faavaivai pe a aoaiina oe e ia. Aua 6 o le ua alofagia e Ieova ua aoai atu o ia i ai, ua sasaina foi e ia taitasi uma lava atalii ua talia e ia." Afai 7 e talia e outou le aoaiga, o leo-tausi mai le Atua ia te outou pei ona tasi i atalii: aua o ai se atalii ua le aoaiina e le tamā? Ae afai e 8 aunoa outou ma le aoaiga, ua faatofutofusia ai o fanau uma lava, o tama toifale lava outou e le ni atalii. Aua 9 foi sa ia i tatou tamā o tatou tino e na aoai mai ia i tatou, sa tatou faalogo i ai; a e le sili ea i se a lo tatou usiustai i le Tamā o tatou atamai

10 tatou te ola ai? Aua na latou aoai mai ia i tatou i nai aso ititi, i lo latou faitalia; peitai ane o ia ua aoai ia ia i tatou ina ia tofutofusia i 11 tatou i lona agapaia. O aoaiga uma foi manū o i ai, e le manatu i ai o se mea e olioli ai, na o se mea e faanoanoa ai; a e mulimuli ane e fua mai ai le fua o le agatonu e manuia ai i e ua 12 aoaoina ai. O le mea lea "ina faamalosi ai ia i lima ua gagase ma tulivae ua 13 vāivāi;" i le ma lea, "Ina fai ia o ala laulelei mo outou vae," nei mapeva le vae ua pipili, a e lelei ina faa- 14 maloloina. Ia outou tausisi i le filemu ma tagata uma lava, atoa ma le agapaia, a aunoa ma lea, e leai se tasi 15 na te iloa le Alii. Ia outou faateete ia te outou nei ai se tasi e le maua le alofa tunoa o le Atua; nei ai se aa oona e tupu ae e tiga ai outou, ma faaleagaina ai e 16 toatele; Nei i ai se faitaga, poo se faatalalei i mea paia pei o Esau, o le na avatu lona tofi o le ulumatua e faatau ai o le 'ai e tasi. 17 Aua ua outou iloa e mulimuli ane, ina ua manao o ia e maua le faamanuia, ua teteaina o ia; aua na le maua e ia se mea e liliu ai le loto o lona tamā, e ui lava ua na matua faatoga i ai ma loimata. 18 Aua ua outou le oo mai i le manga e mafai ona pa'i i ai, ma le afi mumu ma ao

uliuli, ma le pogisa, ma le  
afa. Ma le taalili o le pu, 19  
ma le taalili o upu sa aioi  
atu e na faalogo i ai aua le  
toe faapoopo i ai se upu ;  
(Aua na lē lavatia i latou i 20  
le mea na poloaia, " Afai  
foi o se manu e papai atu i  
le mauga, e fetogia i maa  
poo soso'a ia ati i se tao."  
Na faapea foi ona mata'utia 21  
o le mea na iloa, na fai mai  
ai e Mose, Ou te fefe lava  
ma ou gatete :) A ua oo 22  
outou i le mauga o Siona,  
ma le aai o le Atua soifua,  
o Ierusalem faalelagi, ma  
le aofaga o agelu manomā-  
nō. O le faapotopotoga 23  
atoatoa ma le ekalesia o le  
au ulumatua, e ua tusia i le  
lagi, ma le Atua foi o le  
faamasino aoao, ma agaga  
o e ua agatonu na faaatoa-  
toaina. Ma Iesu le pulu 24  
vaga o le feagaiga fou, ma  
le toto e sausu ai o loo tala  
mai i mea e sili ona lelei i  
le toto o Apelu ; Ia outou, 25  
nei liliu ese outou na i ia te  
ia o loo fetalai mai. Aua  
afai na le sao i latou, e na  
liliuese na i le na fetalai i  
le lalolagi, e matuā sili lava  
ona le masao o i tatou pe a  
liliuese i tatou na i ia te ia  
o loo fetalai mai mai le lagi :  
O lona siufofoga na luluina 26  
ai le lalolagi i ia ona po, a  
na folafola mai nei o ia e  
faapea mai, " E toe tasi ona  
ou luluina, e lē na o le lalo-  
lagi a e atoa foi ma le lagi."  
O lenei upu foi, " E toe 27  
tasi," ua faailoa mai ai le

aveesega o ia mea e malu-  
luina, e pei o mea ua faia,  
ina ia tutuman o mea e lē  
28 maluluina. O lenei ina ua  
maua e i tatou le malo e le  
maluluina, ina tatou taofi ia  
mau i le alofa tunoa, tatou  
te tapuai ai i le Atua ma le  
faafiafia ia te ia ma lē mi-  
29 gao ma le mata'u. Aua " o  
lo tatou Atua o le afi maa-  
maai ia."

### O LE MATAUPU XIII.

*O le apoapoiga i isi mea e tusa  
ona faia e tagata o le Atua.*

- 1 **I**A tumau le fealofani o le  
au uso. Aua le galo le  
2 alofa i malo ; Aua o lea  
ua tali ai e isi i agelu na le  
3 le iloa. Ia manatua o e ua  
noanoatia, peiseni ua outou  
noanoatia ma i latou ; ma e  
ua agaleagaina foi, aua o  
4 loo i le tino foi outou. E  
lelei le faiaivā i tagata uma,  
o le moega foi e lelei ; a e  
faasalaina e le Atua o e  
5 faitaaga ma e mulilulua. Ia  
aunoa a outou amio ma le  
matape'ape'a ; ia lotomali-  
lie outou i mea ua ia te ou-  
tou ; aua ua fetalai mai o  
ia, " Ou te le tuua lava oe,  
ou te le lafoai lava ia te oe."  
6 O le mea lea tatou te mafai  
ai ona fai atu ma le faama-  
losi, " O Ieova o lo'u feso-  
asoani ia, ou te le fefe i se  
mea e faia e tagata ia te au."  
7 Ia outou manatua o outou  
taitai, o e na folafola atu le  
upu a le Atua ia te outou ;

ia outou faaaoao i lo latou faatuatua ma le mafaufau i le iuga o a latou amio.

O Iesu Keriso e lē āūliu 8 ia o ananafi, ma le asō, ma le āūtupulaga. Aua le fe-9 aveaveina outou i mataupu ese ma uiga esee; auā e lelei ina faatumauiua o le loto i le alofa tunoa, e lē o mea e 'ai, ua leai se aoga i e ua taofi i ai. Ua ia i tatou 10 le fata e fai ai taulaga, e le tatau ona 'ai i mea o i ai e o tapuai i le falefetafai. Aua 11 o ia manu ua ave o latou toto i le mea paia e le faitaulaga sili e fai ma taulaga ona o agasala, ua susunu o latou tino i tua o le toagalauapi. O lea na tiga ai 12 Iesu i tua o le faitotoa, ina ia faapaiaina ai e ia o le nuu i lona lava toto. O le mea 13 lea ina tatou o atu ai ia ia te ia i tua o le toagalauapi, ma ia tatou onosai i le upu faifai *pei* o lona faifaiga: Aua ua leai so tatou aai tu- 14 mau iinei, a ua tatou sailiili i le atali. O lenei ia tatou 15 avatu soo ai le taulaga o le faaneenee i le Atua ona o ia, o le fua lea o tatou laugutu o loo faafetai atu i lona suafa. Aua le galo ia te outou le agalelei ma le alo- 16 lōfa atu; aua o taulaga faapena e fiafia ai le Atua.

Ia outou ususitai i o outou 17 taitai ma outou gauai i ai; aua o loo leoleo i latou mo o outou agaga, latou te

tala atu foi le tala i ai, ina ia fai i ai ma le olioli, a ē aua ma le tiga; auā e le 18 aoga lea ia te outou. Ia outou tatalo mo i matou; aua o loo taofi i matou ua ia te i matou le lotofuatia ifo lelei, o loo loto i matou e amio lelei i mea uma lava:

19 Ua atili lo'u aioi atu ia te outou e fai lenei mea, ina ia vave ona toe tuuina atu ai o a'u ia te outou.

20 O lenei ia saunia outou e le Atua e ona le manuia, o le na toe faatuina mai nā i e na oti o le Leoleo-mamoe sili, o lo tatou Alii o Iesu, ona o le toto o le fa- 21 gaiga e faavavau, Ia saunia outou e ia mo galuega lelei uma lava, ina ia outou faia lona finagalo; ia galue o ia i totonu ia te outou o le mea e mālīe i ona luma, ona o Iesu Keriso: ia ia te ia le viiga e āūtupulaga e āūtupulaga lava. Amene.

22 Le au uso e, ou te aioi atu ia te outou ia outou talia lenei upu apoapoai; auā foi ua ou tusi faasaasaa atu 23 ia te outou. Ia outou iloa ua tuuina atu lo tatou uso o Timoteo, afai e vave sau ia, ma te asiasi atu ia te outou 24 ma ia. Ia alolofa atu i o outou taitai uma, atoa ma le au paia uma lava. O loo o alolofatu e o i Italia ia te 25 outou. Ia ia te outou uma le alofa tunoa. Amene.

## O LE TUSI

# A LE APOSETOLO, O IAKOPO.

### O LE MATAUPU I.

*O le tofotofoga ma ona uiga.  
O le anaana i le upu.*

**O** AU o Iakopo, o le au- 1  
auna a le Atua ma le  
Alii o Iesu Keriso, si ou  
alofa i ituaiga e sefulu ma  
le lua o loo faasalalauina.  
O'u uso e! Ia faapea ona 2  
manatu o outou, o le mea e  
fiafia tele ai pe a maua ou-  
tou e tofotofoga eseese;  
Iua ua outou iloa o le tofo- 3  
tofoga o lo outou faatuatua  
e matua tupu ai le onosai;  
A ia atoatoa le galuega a 4  
le onosai, ina ia atoatoa ai  
ma maopoopo ai outou, ia  
leai se toe mea e le maua.  
Ai so outou ua leai sona 5  
poto, ina ole atu ia i le  
Atua, o le foai tele mai i  
tagata uma, ma le le toe  
ta'uta'ua; ona foaiina mai  
ai lea ia te ia. A ia ole 6  
atu ma le faatuatua, aua le  
masalosalo: auā o le masalo  
e tusa ia ma le peau  
o le sami ua sousou i le  
matagi ma felafolafoaiina.  
Aua lava nei manatu lea 7

tagata na te maua sina mea  
8 e tasi mai le Alii: O le  
tagata faalotolotolua e faa-  
letumau ia i ana amioga  
9 uma. Ia olioli le uso ma-  
tiva ina ua faamaualugaia  
10 o ia; A o le mauoa ia oli-  
oli ia ina ua faamaualaloia,  
auā e mavae atu ia pei o le  
11 fuga o le laau: Auā pe a  
alu ae le la ma le vevela  
tele, ona mamae ai lea o le  
vao, ua malili lona fuga, ua  
faaumatia lona matagofie;  
e faapea foi ona mavae atu  
le tagata mauoa i ona sava-  
12 liga. Amuia le tagata o le  
onosai i le faaososoga; auā  
a uma ona tofotofoina e  
maua e ia le pale o le ola,  
ua folafolaina mai e le Alii  
i e loto atu ia te ia.  
13 A faaososoina se tasi,  
aua le faapea, Ua faaosoi-  
soina au e le Atua; auā e  
le mafaososoina le Atua i  
mea leaga, e le faaososo-  
14 atu foi o ia i se tasi: A  
ua taitasi ma faaososoina,  
pe a toina ma maileia i lo-  
na lava tu'inanau leaga;  
15 Pe a to le tu'inanau ona fa-  
nau mai ai lea o le agasala;

a matua le agasala ona fanaua mai ai lea o le oti.

O'u uso pele e, aua nei 16 faaseseina outou: O mea 17 lelei uma e foai-fuaina mai, atoa ma mea alofa uma e atoatoa ona lelei mai luga lava ia, e alu ifo mai le Tamā o malamalama, e lē o ia te ia se mea faaletumau poo pina liliu itiiti: O lona 18 finagalo na fanau ai tatou i le upu moni, ina ia fai tatou ma se faapolopolo o ana lava mea na fai.

O lenei, o'u uso pele e, 19 ia taitasi le tagata ma faa-  
taalise i le faalogologo, ia faagesegese i le tautala atu, ia faagesegese i le ita. Auā 20 e le tupu le agatonu mai le Atua i le ita o tagata: O 21 lea foi ia lafoai mea eleelea uma ma le leaga e sili ona faulai, ia talia ma le faamaulalo le upu ua totōina, o lea e mafai ona faalaina ai o outou atamai. Tou te fai 22 ma e anaana i le upu, aua le na o e faalogologo i ai, o faaseseina ai outou e outou. Ai se tasi e faalogologo i le upu ma le lē anaana i ai, e tusa ia ma le tagata ua vaavaai atu i le faaata i ona lava mata na fanau ma ia; Auā ua vaa- 24 vaai atu ia te ia, ona alu ese lea, ua galo loa le uiga o ona mata: A o lē matua 25 matamata i le tulafono atoatoa o le saolotoga, ma tumau i ai, e lē se faalogologo ma le faagalo lenei tagata, a o le anaana i le galuega,

e manuia o ia i lona lava 26 anaana. Ai se tasi o ia te outou e manatu ifo o le tagata tapuai o ia, a o loo le taofi i lona laulaufaiva, a e faaseseina e ia i lona lava loto, ua faaleaogā lona ta- 27 puai. O lenei lava le tapuai mama ma le faamaoni i luma o le Atua o le Tamā lea, ina ia tauasiasi atu i mātua-oti ma fafine ua oti a latou tane i o latou tiga, ia leoleo foi o ia ia te ia ina nei pisia mai o ia i le lalolagi.

## O LE MATAUPU II.

*Aua le faailogaina tagata. O le uiga o le faatratua.*

1 O'U uso e, aua tou te taofi i le upu o le faatratua o lo tatou Alii mamalu o Iesu Keriso ma le 2 faailoga tagata. Auā afai e ulu atu se tagata i la outou faapotopotoga ma ni māmā auro i ona lima, ma le ofu pupula, e ulu atu ai foi se tagata mativa ma le 3 ofu leaga, Ona outou faasagasaga atu lea ia te ia ua ofu i le ofu pupula ma faapea atu i ai, Ina nofo ia oe i lenei mea lelei; a e fai atu i le tagata mativa, Ina tu ia oe iinā, poo nofo ia iinei i lalo o lo'u tulagā 4 vae; E le ua filitaa ea outou ia te outou lava, ma outou fai ma faamasino e leaga o outou manatu? O'u 5 uso pele e, faalogologo mai

ia; e lē ua filifilia ea e le Atua o e matitiva o lenei lalolagi, o tamaoaiga i le faatuatua, o suli i latou o le malo ua folafolaina mai i e loto atu ia te ia? Peitai 6 outou, ua outou faaletaualoa i le tagata mativa: E lē ua faasana ea o e tamaoaiga ia te outou, e lē fetoso ea latou ia te outou i le faamasinoga? E lē ua faifai ea 7 e i latou o le suafa lelei o lē ua ta'uai outou? Afai 8 foi ua uma ona anaana o outou i le tulafono e matai ona silisili, pei ona tusia, "Ia e alofa atu i le tagata e lata mai ia te oe ia pei o lou alofa ia te oe lava" tou te amio lelei ai: A e afai 9 tou te faailogaina tagata, ua outou fai agasala ai, ua faailogaina ai i le tulafono o soli-tulafono outou: Auā 10 o se anaana i le tulafono uma, a e pa'ū i se mea e tasi, ua nofo sala ia i mea uma: Auā o ia na fetalai 11 mai, "Aua le mulilua," ua fetalai mai foi ia, "Aua le fasioti;" afai e te lē mulilua, a ua e fasioti ua fai oe ma soli-i-le-tulafono. Ia 12 faapea ona outou tantala, ia faapea foi ona outou faia, pei o e a faamasinoina i le tulafono o le saolotoga: Auā o le lē alofa atu, e 13 lē alofagia o ia i le faamasinoga; a o le alofa, o loo olioli ia pe a faainasinoina.

O'u uso e, se a le aoga, 14 pe a fai mai se tasi ua ia te

ia le faatuatua, a e le ia te ia o galuega? e mafai ea lē faatuatua ona faaola ia te 15 ia? Afai ua le ofu se uso poo se tuafafine, ua leai foi sana mea e 'ai i lea aso ma 16 lea aso, A fai atu se outou i ai, Ina alu ia ma le manuia, ia faamafanafanaina ma ia maoona, a ua le foai atu i ai ni mea e tataui le 17 tino, se a lona aoga? E faapea foi le faatuatua, pe afai e le i ai o galuega e mate lava ia ina ua na o ia. 18 A fai mai se tasi, O ia te oe le faatuatua, o ia te a'u foi galuega; ia, ina faaali mai ia ia te au lou faatuatua i au galuega, ou te faaali foi ia te oe lo'u faatuatua i a'u 19 galuega. Ua e talitonu e toatasi lava le Atua; ua lelei lava lea; ua talitonu 20 foi temoni, ma le tetemū. O le tagata valea e, e te le fia iloa ea, ua mate lava le faatuatua pe a leai ni galu- 21 ega? E le i tauagatonuina ea lo tatou tama o Aperaamo i galuega, ina ua tuu atu e ia ia Isaako o lona lava atalii i luga o le fata e 22 fai ai taulaga? E te le o iloa ea na galulue faatasi le faatuatua ma ana galuega, o galuega foi ua atoatoa ai 23 le faatuatua? Sa taunuu ai foi le tusi ua faapea, "Na faatuatua Aperaamo i le Atua, ona tauagatonuina ai lea o ia," sa taua foi o ia 24 "le uo a le Atua." O lenei ua outou iloa ai ua tauagatonuina le tagata i galuega,

e lē na o le faatuatua. E 25  
faapea foi o Raava le fafine  
faiataaga e le i tauagatonu-  
ina ea i galuega, ina ua  
talía e ia i e na auina atu,  
na ia au ese atu ai foi ia te i  
laua i le tasi ala? E faa- 26  
pei o le tino ua oti ia pe a  
aunoa ma le agaga, e faa-  
pea foi le faatuatua ua mate  
pe a leai ni galuega.

### O LE MATAUPU III.

*O le laulaufaiva ma le leaga e  
tupu mai ai.*

**O**U uso e, aua le toatele 1  
outou e fai ma aoao,  
ina ua tatou iloa e atili ai  
ona faasalaina o i tatou. O 2  
mea e tele e tausui ai i ta-  
tou uma: a le tausui se  
tasi i le upu, o le tagata  
sao lea, na te mafaia foi ona  
taofi i le tino uma. Faauta, 3  
ua tatou tuu faaui-taofi i  
gutu o solofanua ia latou  
usiisitali mai ia te i, tatou,  
ua tatou liliu ai foi o latou  
tino uma. Faauta mai foi 4  
i vaa, e ui lava ona tetele,  
ma faalelelelea i matagi te-  
tele, e liua i le foeuli itiiti  
lava, i le mea e manao i ai  
le tautai: E faapea foi le 5  
lauaufaiva, o le mea itiiti  
lea, a ua lafo upu faasili.  
Faauta e faamuina le vao  
laau e tele i le afi itiiti; O 6  
le laulaufaiva o le afi lea, o  
le faupuega o le agaletonu;  
ua faapea ona tuuina le lau-  
aufaiva i o tatou itu tino, o  
eo leaga ai le tino uma, ua

faamuina ai uma foi o le  
olaga nei; ua faamuina *lena*  
7 mai Kēna. E mafaalataina,  
ua uma foi ona faalataina i  
le poto o tagata, manu amio  
eseese, o manu-feai ma ma-  
nu-felelei, ma mea fetolofi,  
ma mea ola i le sami.  
8 Peitai e le mafai se tasi  
tagata ona faalata i le lau-  
laufaiva; O le mea leaga  
ma le lē mataofia ua tumu i  
9 le mea oona e oti ai; O le  
mea foi lea ua tatou vivii ai  
i le Atua le Tamā, o lea foi  
ua tatou fetuuai i tagata, o  
e ua faia i le faatusa o le  
10 Atua; E luai mai ai le  
gutu e tasi le vivii ma le  
fetuū. O'u uso e, e le tusa  
ina ia faia nei mea faapea.  
11 O le puna foi, e puna mai ai  
ea i le gutu e tasi le *vai* sua-  
malie ma le *vai* oona?  
12 O'u uso e, e mafai ea i le  
mati ona fua mai ai le olive,  
poo le vine e fua mai ai le  
mati, e faapea foi ua leai se  
puna e puna mai ai le vai  
māi ma le vai magalo.  
13 O ai ea so outou ua poto  
ma le mafaufau? Ina faaali  
mai ia e ia ai le amio lelei,  
o ana lava galuega i le aga-  
14 malu o i ai le poto. A e  
afai o ia te outou le finau  
leaga ma le misa i o outou  
loto, soia le mitamita, aua  
foi le pepelo i le mea moni.  
15 E le o le poto lenai mai  
lugā, a o lalo na ia; o le  
mea faaletino, o le faate-  
16 moni ia. Aua e i ai le ma-  
tau'a ma le misa, o i ai le  
feavauai ma mea leaga uma,

A o le potō mai lugā e 17  
muamua ona mama, i le ua  
filemu, e agamalu, e gana-  
gofie, e tumu i le alofa ma  
fua lelei, e lē alofa faapito,  
e lē faatagā fai. Ua luluina 18  
foi le fua o le amio tonu  
ma le filemu e i latou o e  
faatupu i le filemu.

#### O LE MATAUPU IV.

*O le aotiga i nisi amio leaga.*

**M**AI fea taua ma misa 1  
o ia te outou? E le  
o lenei ea, mai o outou ma-  
nao leaga o loo tau i o ou-  
tou tino uma? Ua outou 2  
tuinanau a e le i maua; ua  
outou fasioti ma outou losi-  
losi, a e tou te le mafai ona  
maua; ua outou femisai ma  
fai tana, a e le i maua, ina  
ua outou le ole atu; Ua 3  
outou ole atu, a e le i maua,  
aua ua ole atu ma le faale-  
tatau, ina ia faauma ai ia  
mea i o outou manao leaga.  
O outou tane mulilulua e, 4  
ma fafine mulilulua e, tou  
te le o iloa ea o le fesaanoai  
ma le lalolagi o le ita lea i  
le Atua? O lenei o sē fia  
uo ma le lalolagi, ua avea o  
ia ma le ita i le Atua. Fa 5  
te outou ea ua fai mai fua  
le lau tusi, "O le loto o loo  
nifo i totonu ia te outou ua  
naunau ia i le matau'a?"  
A ua foai mai e ia le alofa 6  
tanoa e sili; o lea ua faa-  
pea mai ai, "E tetee atu o  
le Atua i e faamaualuga, a  
e foai mai le alofa tunoa i e

7 maulalo." O le mea lea ia  
outou gauai ai i le Atua;  
ia outou tetee atu i le tia-  
polo, ona sola eae ai lea o ia  
8 ia te outou. Ia outou faa-  
latalata atu i le Atua, ona  
faalatalata mai lea o ia ia te  
outou. Tagata agasala e, ina  
fafano ia i o outou lina, o ou-  
tou e faalotolotolua e, ina  
faamama ia i o outou loto,  
9 Ia puapugatia outou ma ia  
faavauvau ma fetagisi: Ia  
liua o outou ataata ma faa-  
vauvau, ma lo outou fiafia i  
10 le faanoanoa: Ina faa-  
maulalo ia i luma o le Alii,  
ona faamaualugaina lea ou-  
11 tou e ia. Le au uso e, aua  
le fefaiupua'i, o le faiupu i  
lona uso, ma faamasino i  
lona uso, ua faiupu o ia i le  
tulafono ma faamasino i le  
tulafono; afai ua e faama-  
sino i le tulafono, e te le se  
anaapa i le tulafono, a o le  
12 faamasino i ai. E toatasi  
lava le fai-tulafono na te  
mafaiaina ona faaola ma fiaoti;  
o ai ea oe e te faamasino i se  
tasi?  
13 Faauta mai ia outou o e  
fai ane, O le asō poo taeao  
tatou te o atu ai i lea aai,  
poo le tasi aai, ma nonofo  
ai i le tausaga e tasi, ma  
fesaatanai, ma mau oloa ai;  
14 A e le iloa e outou se mea  
e tupu taeao. Se a foi lo  
outou ola? O le puao ua  
aliali mai se ituaso itiiti,  
15 ona mōū ai lea. A e tatau  
ona outou faapea, A fina-  
galo i ai le Alii tatou te  
ola ai, ma fai lea mea ma



lea mea: A o lenei ua 16  
outou mitamita i a outou  
*ipu* faamaualuga; e leaga  
le mitamita faapena uma  
lava. O lenei, o lē ua iloa 17  
e fai le mea lelei a e lē faia,  
o le agasala lea ia te ia.

### O LE MATAUPU V.

*O le toasa o le Atua i e tama-  
oaiga. O le onosai. O le  
aoga o le tatalo.*

**F**AAUTA mai ia, outou 1  
tamaoaiga, ia outou fe-  
tagisi ma le uiō ona o pua-  
puaga e oo ia te outou.  
Ua pala la outou oloa, ua 2  
atiatia o outou ofu, Ua 3  
‘elea o outou auro ma ario;  
e fai foi ma se molimau ia  
te outou o latou ‘ele, e aina  
o outou tino i ai pei o se  
afi; ua outou faaputu mea  
ma ona aso e gata ai.  
Faauta i le tologi o e galu- 4  
lue, e na faaputu ai le fua  
i o outou fanua, o loo taofia  
e outou, o loo ua alaga ia;  
o le alaga foi o e na selesele  
ua faafogaina lava e le  
Alii o Sapaota. Ua outou 5  
nonofo i le nuu ma le solo-  
lelei; ma le fiasia i la le  
tino. Ua outou fafagaina 6  
o outou faapei o *manu* mo  
le aso e fafasi ai. Ua outou  
faasala, ma fasioti i lē amio-  
tonu; na le tete‘e mai o ia  
ia te outou.

O lenei, le au uso e, ono- 7  
sai ia seia oo i le afio mai  
o le Alii; faauta, o loo faa-

tali lē galuesanua i le fua  
aoga o le eleele, o loo faa-  
talitali i ai, seia maua le  
ua muamua ma lē mulimuli:  
8 Ia outou onosai foi outou;  
ia faatumauiua o outou loto  
auā ua latalata le afio mai  
9 o le Alii. Le au uso e,  
aia le femuimuia‘i, nei faa-  
salaina outou; faauta, ua  
tu mai le faamasino i luma  
10 o le faitotoa. Ou uso e, ia  
outou faaaoao i le faatoatoga  
i le leaga, atoa ma le onosai  
o le au perofeta e na tau-  
tala mai i le suafa o le Alii.  
11 Faauta ua tatou ta‘uamua  
i e onosai: na outou faalo-  
gologo i le onosai o Iopu,  
ua outou iloa foi le faaiuga  
o a le Alii, ina ua muti-  
mutivale tele le Alii ma le  
12 alofa naunau. Ou uso e, e  
muamua lava i mea uma  
*lenei*, aua lava nei outou  
tauto, poo i le lagi, poo i le  
fanna, poo se tasi lava tau-  
toga; a ia tau lava o la  
outou ioe, ioe, ma la outou  
leai, e leai, ina nei faasa-  
13 laina ai outou. Ua tigaina  
ea so outou? Ina tatalo ia.  
Ua fiasia ea se tasi? Ina  
14 pese ia. Ua ma‘i ea so  
outou? Ina aami atu ia i le  
au matutua o le ekalesia, ia  
latou tatalo mo ia, pe a  
uma ona faauu ia te ia i le  
suāuu i le suāfa o le Alii.  
15 Aua o le tatalo ma le faa-  
tuatua e faaolaina ai le mā‘i,  
e faatuina foi o ia e le Alii;  
afai foi ua na fai se agasala,  
16 e aveeseina. Ia fefaaalia‘i  
i a outou agasala, ma tatalo

le tasi mo le tasi, ina ia faamaloloina outou. Ua aoga tele le tatalo faatau-anau a le tagata amio-tonu. O Elia o le tagata ia e tusa 17 ma i tatou, ua matuā tatalo ina ia le ua, ona le uaina ai lea o le fanua i tausaga e tolu ma masina e ono. Ua 18 toe tatalo foi, ona to ifo ai lea o le ua mai le lagi, ona

fua mai ai lea le eleele i ona lava fua.

- 19 Le au uso e, ai se tasi o ia te outou ua sese na i le mea moni, ma ua faafoi mai  
20 se tasi ia te ia, Ia iloa e ia, o lē faafoi mai le tagata agasala na i lona ala sese, e faaolaina e ia se agaga na i le oti, e ufiufi foi e ia i le vao agasala.
-

## O LE TUSI MUAMUA

### A LE APOSETOLO, O PETERU.

#### O LE MATAUPU I.

*O loo faafetai atu ai i le Atua  
ona o mea na foaifuaina mai.  
Sa valoa anamua le ola ia  
Iesu. Ia nonofo ma le amio-  
atua.*

**O** A U o Peteru, o le apo-<sup>1</sup>  
setolo a Iesu Keriso, o  
lau tusi lenei i e ua aunuu,  
ma faataaapeapeina i Pono,  
ma Kalatia, ma Kapatokia,  
ma Asia, ma Petunia, O<sup>2</sup>  
e na tofia e tusa ma ona  
muai manatua e le Atua le  
Tamā, i le faapaiaina e le  
Agaga, ia iu ai i le gauai  
ma le saaluuga o le toto o  
Iesu Keriso; ia faulai ia te  
outou le alofatunoa ma le  
manuia.

Ia faafetaia le Atua, le<sup>3</sup>  
Tamā o lo tatou Alii o Iesu  
Keriso, o le na toe fuatai  
mai ia te i tatou ona o lona  
alofa tele, ina ia iu i le faa-  
tuatua ua ola, i le toe tu  
mai o Iesu na i e na oti,  
Ia iu i le tofi e le pala, e le<sup>4</sup>  
flogia, e le mamae lava, o  
loo tuu lava i le lagi mo  
outou, O e o leoleoina e<sup>5</sup>

le mana o le Atua, i le faa-  
tuatua, ia iu i le olataga ua  
saunia, e faaalua mai i le  
6 tau e gata ai. O le mea lea  
tou te olioli ai, a o i ona  
aso itiiti, (pe afai e tatau,) e  
faanoanoa ai outou i faa-  
7 osoosoga eseese. O le tofo-  
tofo foi o lo outou faatua-  
tua, e tele lona aoga i le  
auro e pala pe a tofotofoina  
i le afi, ina ia avea ma mea  
e iu i le faafetai ma le ma-  
malu ma le viiga pe a faa-  
8 alia mai o Iesu Keriso. E  
le o ilo atu outou ia te ia, a  
e loto atu pea i ai, e le o  
vaai atu nei foi ia te ia, a o  
loo faatuatua pea i ai, tou  
te olioli ai ma le fiasia e lē  
ma talatalaina, e silisili ese  
9 foi lava: O loo maua foi  
le iuga o lo outou faatua-  
tua, o le ola lea o outou  
10 agaga. O le olataga lea na  
tausailiili i ai ma tausuesue  
i ai o le au perofeta, o e na  
latou valoa mai i ai i le  
alofa tunoa e oo ia te outou  
11 na, O e na sailiili i tau,  
ma le uiga o le tau na faa-  
iloa mai e le Agaga o le  
Mesia i totonu ia te i latou

ina muai faailoa mai o pua-  
puaga o le Mesia ma le ma-  
malu e mulimuli ane i ai.  
Ia faaalua mai foi ia te i 12  
latou e lei tuuina mai ia  
mea i latou ona o latou, a  
ona o i tatou, i mea o loo  
faamatalaina atu nei ia te  
outou e i latou o e talaina  
atu le tala lelei ia te outou,  
ma le Agaga Paia, na au-  
ina mai ai le lagi; o mea  
ia e fia silasila ifo i ai o le  
au agelu.

Lenei la, ia outou fusifusi 13  
ae i sulugātiti o outou ma-  
faufau, ia mataala, ia faa-  
moemoe pea lava pea i le  
alofa tunoa e molia mai ia  
te outou pe a faaalua mai o  
Iesu Keriso. Ia pei o fanau 14  
gauai, aua nei tusa ma o  
outou tuinanau tuai, a o lo  
outou valea; A e pei ona 15  
paia o ia na togia outou, ia  
faapea foi outou ona paia  
outou i a outou amio uma:  
Auā ua faapea ona tusia, 16  
“Ia paia outou auā o au nei  
o loo paia lava au.” Afai 17  
foi tou te ta’uta’u atu i le  
Tamā na te le faailogaina  
ni tagata, o lē na te faama-  
sinoina mai le amio a tagata  
e taitoatasi, ia outou nonofo  
ma le mata’u, manū o outou  
o nonofo iinei. Auā o loo 18  
iloa e outou e lei faatauina  
outou i mea pala, i le ario  
poo le auro, na i la outou  
amio le aoga na tuuina mai  
e le augā tamā; A e pei- 19  
tai i le toto tā’ua o le Mesia  
pei o lo le alenjo e le ponā  
lava, e leai foi sona leaga.

20 Ua muai manatu foi o ia a  
o lei faavaeina o le lalolagi,  
a ua faaalua mai i ona po nei e  
21 gata ai ona o outou, O e faa-  
tuatua ona o ia i le Atua na  
na faatu mai ia te ia na i ena  
oti, o loo ua foai atu foi le ma-  
malu ia te ia, ina ia i ai i le  
Atua lo outou faatuatua ma  
22 lo outou faamoemoe. Ina ua  
outou faamama i o outou loto  
i le gauai i le mea moni, e le  
Agaga, ia iu i le alofa faa-  
maoni i le au uso, ia outou  
matuā fealofani a i le loto.  
23 manino. O loo toefuataina  
outou e le i i ai i le fua e  
pala, a o i le fua e lē pala  
lava, o le upu ola lea a le  
Atua ma le tumau pea lava  
24 pea. Auā o tino o tagata  
uma lava e tusa ia ma le  
vao iti, o le mamalu uma  
foi o tagata e pei o le fuga  
o le vao iti, e mamate le vao  
iti, e to’ulu foi ona fuga;  
25 A o le afioga a le Atua e  
tumau faavavau lava lea, o  
le afioga foi lea ua talatala-  
ina atu ia te outou na.

## O LE MATAUPU II.

*Ia tumau pea le alofa. O Iesu  
le faavae. O le amio e tatau  
i amioa i la le tino, ma le  
amio a alii, ma tavini, ma  
matai. Ua lelei a puapua-  
gatia ona o Iesu.*

1 **L**ENEI la, o loo o tuu-  
eseina e outou o le loto  
mimilo uma lava, ma le faa-  
mailei uma, ma le taupelo-  
pelo, ma le matau’ā, ma tau-

talatalaga leaga uma lava ;  
Ia mananao outou, faapei o 2  
tama meamea faatoa fanau  
mai i le suāsusu manino o  
le upu, ina ia outou tutupu  
af, Afai na outou tofo i le 3  
alofa mai o le Alii.

O loo oo outou ia te ia, o 4  
le maa ola o ia na faatea-  
eseina e tagata, a ua filifilia  
e le Atua, ua tā'ua lava,  
Ua atina ae outou pei o 5  
maa ola o le fale faaleagaga,  
o le au ositaulaga paia, e  
momoli atu i taulaga i la le  
Agaga e mālīe i le Atua  
ona o Iesu Keriso. Auā 6  
ua faapea i le lautusi, “Faa-  
uta o'u te tuu i Siona o le  
maa tulimanu ua filifilia, ma  
le ua tā'ua, e lē maasiasi  
lava o se faatuatua i ai.”

O lenei o ia te outou foi o 7  
loo faatuatua o lenei ma-  
malu, a o e lē faatuatua,  
“O le maa na faateaeineina  
e tufuga fai-fale, ua avea  
lava lea ma tulimanu aupi-  
to-aluga,” ma “le maa e  
tausuai ai ma le papa e tau-  
tevateva ai.” E tausuai i 8  
le upu o e o le faatuatua,  
na tuuina atu foi i latou i  
lea lava mea; A o outou, 9  
o le tupulaga ua filifilia  
outou, ma le au alii ositau-  
laga, o le nuu paia, ma le  
nuu na faatauina mai, ina ia  
outou faaali atu i ona lelei  
na na valaau ia te outou na  
i le pouliuli e oo i lona lava  
malamalama e matua ofo ai.  
O e na lē fai ma nuu ana- 10  
mua, a o ona po nei ua fai  
ai ma nuu o le Atua: o e

na lē alofaina, a o lenei ua  
alofaina lava.

11 O le au peleina e, ou te  
aioi atu, ia faapei o tagata  
aunua ma maumausolo, ia  
manao outou ma tuinanau o  
le tino, o mea ia e tau ma le  
12 agaga. Ia lelei a outou  
amio i luma o atunuu, auā o  
loo latou fai upu leaga ia te  
outou peiseai o tagata amio  
leaga outou, ia iu ina a vaa-  
vaai i latou i ni a outou  
amio lelei, latou te vivili  
atu ai i le Atua, i le aso e  
13 asiasi mai ai. Ia outou usi-  
usitai atu i sauniga uma a  
tagata auā o le Alii; poo  
14 le tupu ina ua sili; Poo le  
au taitai, o i latou na aau-  
ina mai e ia, ia iu i le faa-  
sala i e o agaleaga, a o le  
15 viiga i e o agalelei. Auā  
o le finagalo lenei o le  
Atua, ia mapuni ai o guti  
o tagata valea i la outou  
16 amio lelei. Pei o le au sao-  
loto, aua nei fai foi le sao  
lotoga ma ufi o le loto mi-  
milo, a ia faapei o auauna  
17 a le Atua. Ia outou āva i  
tagata uma, ia alolofa atu  
i le au uso, ia matatau i le  
Atua, ia faaneene atu i le  
alii-pule.

18 O outou auauna, ia outou  
faamaulalo atu, ma le ma-  
ta'u uma i o outou matai;  
aua nei gata ai i e agalelei  
ma e agamalu, a o e agale-  
19 tonu mai foi. Auā o le  
mea lenei e tusa, afai e ono-  
sai se tasi i le tiga o loo  
puapugatia ma le le tonu,  
ona o lona loto toaga i le

Atua. Auā pe se a le lo- 20  
golelei afai tou te oono pe  
a sasaina outou ona o le  
agasala, a e peitai pe afai  
tou te oono pe a agalea-  
gaina outou a o amio lelei  
outou, o le mea lava lea e  
fiafia mai ai le Atua. Auā 21  
foi na filifilia outou ina ia  
tu ai i lea lava mea; auā  
na puapuagatia o le Mesia o  
le sui mo outou, ua tuuina  
mai ai foi le faaaoao mo  
outou ina ia outou muli-  
muli atu i ona tulagāvae.  
O lē na le agasala lava, na 22  
le iloa foi se pepelo i lona  
fofoga; O lē na agate- 23  
leina a e lei toe agatele atu,  
na puapuagatia a e lei faa-  
lotoloto, a ua na tuuina atu  
fua e ia ia ia i le na te faa-  
masinotonuina mai. Na 24  
aveeseina e ia a tatou aga-  
sala i lona tipo i luga i le  
laau, ina ia tuuese i tatou i  
agasala, tatou te ola ai i le  
agatonu, "O ona manua e  
maloloina ai i tatou." O 25  
lenei sa faapei o mamoe na  
se outou, a o lenei ua toe  
liliu mai foi outou i lē na  
te tausia ma leoleoina o  
outou agaga.

### O LE MATAUPU III.

*O le amio e tatou i avā ma  
tane; ia faalofani, ma ia  
oono pea faatigaina. O le  
alofa o Iesu i augā tagata  
anamua.*

**I**A faapea foi outou fafine, 1  
tou te faamaulalo atu i

a outou lava tane, auā foi  
afai e le anaana o isi i le  
upu, e maua i latou, e lē o  
i ai le upu, i le amio lelei a  
2 fafine, A latou vaai ane i  
a outou amio le gaoiā ma le  
3 mata'u. Aua foi nei gata  
i fafo a latou tifiga; o le  
fili lea o le lauulu, ma le  
fusifusi i le auro, ma le  
4 oofu i ofu, A o le tifiga o  
le tagata lilo o le loto, i le  
mea e lē pala, o le loto  
malū ma le maulalo, e aega  
tele lava lea i luma o le  
5 Atua. Auā sa faapea o  
fafine ua faapaiaina anamua  
ona tiftifi ia i latou, e na  
faatnatua i le Atua, o loo  
ua faamaulalo i latou i a  
6 latou lava tane. Sa faapea  
o Sara ona faalogo ia Ape-  
raamo, na ta'u atu foi ia te  
ia, "Le alii," ua fai foi  
outou ma ana fanau pe a  
agalelei, ma le lē mata'u i  
se mea e tasi e faate'i mai  
7 ai. Ia faapea foi outou  
tane, ia nonofo faatasi ma i  
latou ma le poto, ia faapele-  
pele i le avā peiseai o le ipu  
ia ua sili lona vāivāi, faapei  
ona tofia faatasi i le ola  
e foaifuaia mai, nei faale-  
manuia a outou tatalo.  
8 O le faaiuga lenei, ia loto  
gatasi outou uma, ia fefaa-  
maiseai, ia alolofa i le au uso,  
ia mutimutivale i le alofa, ia  
9 agalelei i le alofa, Aua le  
taui atu le leaga i le leaga,  
poo leagatele mai i leagatele  
atu, a ia outou fai upu lelei,  
ina ua iloa o le mea lea na to-  
gia outou i ai, ia tofū foi ou-

sou ma le-ta'n lelei. "Auā o 10  
 lē manao tele i le ola nei  
 ma fia iloa ni aso lelei, ia  
 soia lona laulaufaiva i le  
 leaga, ma ona laugutu foi  
 aua le tautalatala atu i le  
 upu pepelo. Ia liliu ese a i 11  
 le leaga, ia fai le amio lelei,  
 ia saili i le filemu ma tau-  
 sisi pea i ai. Auā o fofoga 12  
 o le Alii, o i luga ia o le au  
 agatonu, e faafofoga mai  
 foi ona taliga i a latou faa-  
 toga. Peitai o le fofoga o  
 le Alii e silasila lea i tagata  
 agaleaga ma le toasa." O 13  
 ai foi na te mafaia ona aga-  
 leaga ia té outou, pe afai  
 tou te faaaoao i loo agale-  
 lei? A e afai foi e faati- 14  
 gaina o outou, ona o le aga-  
 tonu, amuia outou; "Auā  
 foi tou te fefefe i lo latou  
 faamata'u mai, aua le atu-  
 atuvale. Ia faapaiaina o 15  
 leova le Atua e outou" i o  
 outou loto. Ia saunia pea  
 lava outou e tali atu i e tai-  
 toatasi e fesili mai ia te ou-  
 tou i le uiga o le faatuatua  
 o loo ia te outou ma le loto  
 filemu ma le mata'u. Ia ia 16  
 te outou le lotofuatia ifo  
 lelei, o le mea foi latou te  
 fai upu leaga ai ia te outou,  
 peiseai ua outou agaleaga,  
 ia maasiasi i latou o e faa-  
 leaga fua i la outou amio  
 lelei i le Mesia. Auā, afai 17  
 e faapea le finagalo o le  
 Atua, ia faatigaina outou  
 ona o le agalelei, ua sili ona  
 aoga i le faatigaina ona o  
 le agaleaga. Auā foi o le 18  
 Mesia na puapuagatia o ia

faatasi mo agasala, o le  
 agatonu o le sui o le agale-  
 tonu, ina ia taitaiina e ia o  
 i tatou i le Atua, o loo ua  
 fasiotia o ia i le tino, a ua  
 faaolaina mai e le Agaga;  
 19 Ua na maliu atu ai, ma  
 lauga atu ai i agaga i le  
 20 mea ua puipuia; O e na  
 lē faalogo anamua, ina o  
 faatalitali mai le onosai o  
 le Atua anamua, i tausaga  
 ia Noa, a o sauni ai le vaa,  
 ua faasaoina ai o tagata e  
 toaitiiti, e toavalu lava a i  
 21 le vai. O le faatusa foi lea  
 mea o le papatisoga, o loo  
 faaola mai ai nei ia i tatou,  
 (e le o le tuuesega o le eleele  
 o le tino, a o le tali a le  
 lotofuatia ifo lelei i le  
 Atua.) i le toe tu mai o  
 22 Iesu Keriso; O ia o loo i  
 le aao taumatan o le Atua,  
 ina ua afio ae ia i le lagi,  
 ua toillaloina foi ia te ia o  
 le au agelu ma le au faipule  
 atoa ma le au malolosi.

## O LE MATAUPU IV.

*O le vavao i agasala, ma le faa-  
 mafanafanaga i mea ua tu-  
 tupu.*

1 **L**ENEI la, ina ua pua-  
 puagatia le Mesia i le  
 tino, o le sui mo tatou, ia  
 fai ma auupega foi ia te  
 outou lea lava loto, auā o  
 lē ua faatigaina i le tino,  
 ua te'a o ia ma agasala;  
 2 Ia iu ina le toe ola o ia i  
 ona tausaga ua totoe i le tino  
 ma tuinanau leaga o tagata,

a o le finagalo o le Atua. Auā e tatau ia te i tatou ona 3 gataia i aso ua mavae o le olaga nei ona fai ai le manao o e faapaupau, o e savavali i le faamataaitu ma tuinanau leaga, ma le inu tele i uaina, ma poula, ma inuga ava, ma le tapuaiga i tupua e soli ai tulafono. O 4 le mea e ofo ai ma faifai ai i latou, auā tou te le faufetuli ma i latou i lea lava faulaiga o mea e pagotata ai; Latou te tala atu i le 5 tala i le o i ai le sauniga e faamasino mai ai i e o ola ma e ua oti. O le mea lea 6 na tala atu ai le tala lelei i e na oti, ina ia faasalaina i latou i le tino pei ona faia e tagata, a e ola ai i le agaga pei ona faia e le Atua.

O lenei ua lata mai le 7 gataaga o mea uma lava; lenei ia, ia nonofo sasao ma ia mataala outou ma le talotalo. Ia muamua i mea 8 uma ona maua e outou o le alofa aiai, auā o le alofa e uifufi ai agasala e tele; Ia 9 faalofani ma malo, ma le lē muimui. Faapei ona 10 talia taitoatasi le mea alofa, ia outou fetausiai ai ia te outou, i lea lava mea, pei o faatamā lelei a le alofa tunoa sautualasi o le Atua. Pe a tautala se tasi, ia tusa 11 ma afoga a le Atua, pe a auauna se tasi, ia tusa ma le malosi ua foaiina mai e le Atua, ina ia viia le Atua i mea uma lava, ona o Iesu

Keriso; Ia ia te ia le mamalu ma le malosi e faavavau faavavau lava. Amene.

- 12 Le au pele e, aua tou te ofo i le faaososoga pei o le afi, e tofotofo mai ai, a tuuina atu ia te outou, peiseai o se mea fou ua oo ia te
- 13 outou; A e faapei ona tofusua o outou faatasi ma puapuaga o le Mesia, ia outou olioli ai, ina ia fiasia outou ma le olioli tele pe a faaalua mai o lona mamalu.
- 14 Afai e faifaia outou ona o le suafa o le Mesia, amuia outou, auā o loo tumau ia te outou le Agaga mamalu o le Atua: o loo faifaia o ia e i latou, a ua viia e outou. Aua foi nei faatigaina so outou pei o se fasi-tagata, poo se gaioi, poo se amioleaga, pe faapei o se asiasi fua i mea a
- 16 isi tagata; A e pe a faatigaina se tasi e pei o se Kerisiano, aua le maasiasi ai ia, a ia vivii atu i le Atua ona o
- 17 lea lava mea. Auā o le tau lenei e amata ai le faamasinoga i le aiga o le Atua, afai foi e muamua ia i tatou, pe se a le gataaga o le au lē faalogo i le tala lelei a le
- 18 Atua? “Pe afai e faigata ona faaolaina o le agatonu, poo ifea o i ai le mea e tu mai ai o le faalemataua ma
- 19 le agasala?” O lenei, o e o puapuagatia ona o le finagalo o le Atua, ia latou tuuina atu, ma le agalelei o latou lava ola ia te ia, o ia o le foafoa mea atoa ma le faamaoni.



## O LE MATAUPU V.

*Ia fafagaina le lafu e le au matutua. Ia faamaulaloaina atu o tauulelea. Ia mataala ma tumau. Ia tetee atu i le tiapolo.*

**O**U te aioi atu ia te ou-  
1 tou, le au matutua, o  
le toeaina foi au o so outou,  
ma le molimau i puapuaga  
o le Mesia, ma le ua tofusia  
faatasi ma le mamalu o le  
a faaalua mai; Ia outou  
2 tauti i le lafu mamoe a le  
Atua o ia te outou, ia leoleo  
i ai ma le loto malie, aua ma  
le musu, aua nei fai ma le  
manao i le oloa, a ia fai ma  
le loto fiafia. Aua nei fai  
3 faapei o se faamalo i le tofi  
o le Atua, a ia fai outou ma  
faaaoao mo le lafu mamoe. 4  
Pe a afio mai foi le leoleo-  
mamoe faasilisili, e maua e  
outou le palealii mamalu e  
le aua pala.

Ia faapea foi o outou tau-  
5 lelea, ia usiusitai i e matu-  
tua, ia fefaamaulaloai outou  
uma lava; ia oofu outou i  
le loto mauualo, "Auā e  
tetee mai le Atua i lē faa-  
maualuga, a e foaiina mai le  
alofa tunoa i e loto mau-  
lalo." O lenei, ia faamau-  
6 lalo o outou ia te outou i  
lalo o le aao malosi o le  
Atua, ina ia faamaualugaina  
outou e ia i ona po e tatau

7 ai. Ma ia tuuina atu ia te  
ia lo outou popole uma lava,  
auā o loo tauti mai o ia ia-  
te outou.

8 Ia outou faateete, ma ia  
outou mataala, ona o lo  
outou fili le tiapolo, e pei  
o se leona gu, o loo fealu-  
aluai ma le saili i sē fano ia  
9 te ia; Ia outou tetee atu i  
ai, ma ia maua ai outou i le  
faatutua, ina ua outou iloa  
ua taunuu ia lava mea pu-  
puaga i lo outou au uso i le  
lalolagi.

10 O le Atua foi o le alofa  
tunoa uma lava, o lē na to-  
gia ia te outou i lona ma-  
malu faavavau, i le Mesia  
o Iesu, pe a puapuagatia  
outou e toeitiiti anē, ia  
faaatoatoa ia ia te outou, ma  
ia faatunauina, ma ia faa-  
malosi, ma ia faavaeina ou-  
11 tou; Ia ia te ia le mamalu  
ma le malo e faavavau faa-  
vavau lava. Amene.

12 O Siluano, o lo'u manatu  
o le uso faamaoni lea, na  
au tusi atu ai ni nai upu  
itiiti ia te outou, e aioi atu  
ai, ma molitino atu ai, O le  
alofa tunoa moni lenei o le  
Atua tou te tutumau ai nei.

13 O loo alofa atu ia te outou  
le au filifilia faatasi ma ou-  
tou i Papelonía, atoa ma

14 lo'u atalii o Mareko. Ia  
fealofani outou i le feasogi  
alofa. Ia manuia outou  
uma lava o e o i le Mesia  
o Iesu. Amene.

## O LE TUSI E LUA

### A LE APOSETOLO, O PETERU.

#### O LE MATAUPU I.

*O loo faamafanafana atu ai o Peteru. Ia tupu pea lo latou lelei ma tutumau ia Iesu.*

**O** AU o Simona Peteru, 1  
o le auaua ma le aposetolo a Iesu Keriso, o la<sup>u</sup> tusi lenei ia te i latou e uamau le faatuatua e tusalona lelei ma lo matou, i le agatonu o lo tatou Atua ma faaola o Iesu Keriso. Ia 2  
faulai ia te outou le alofa tunoa ma le manuia i le matua iloa i a le Atua, atoa ma lo tatou Alii o Iesu.

Faapei ona tuuina mai o 3  
mea uma ia te i tatou a i lona mana-atua, ia oo i le ola ma le amio-atua, i le matua iloa o lē na valaau mai ia i tatou i le mamalu ma le malosi. O ia mea foi 4  
na foaiina mai ai e ia o folafolaga e silisili ese lava ma le aoga, ina ia tofusia faatasi ai outou ma le amio-atua, ina ua sosola ese ai outou ai le amio leaga o i le tuinanau i le lalolagi. O 5  
le mea foi lava lea tou te

tausisi ai ma le matua faa-  
malosi lava, ina faaopoopo-  
ina ia o le loto tele i lo  
6 outou faatuatua, Ma le pote  
i le loto tele, ma le malosi  
i le pote, ma le onosai i le  
malosi, ma le amio atua i le  
7 onosai, Ma le alofa i le  
au uso i le amio atua, ma  
le agalelei i le alofa i le au  
8 uso. Auā pe a maua e outou  
ia mea, pe a faulai foi  
ia te outou, e avea ai outou  
ma e le paie, a o e fua mai  
i le iloa lelei o lo tatou Alii  
9 o Iesu Keriso. Auā o ia e  
le o i ai nei mea, o loo  
taunaso ia, o loo faasegosego,  
ua faagalogalo foi ia te  
ia o le faamamaina o ana  
10 agasala tuai. O lenei, le  
au uso e, ia atili ai ona  
finafinau outou e faamauina  
o lo outou tofi ma lo outou  
filifilia, auā pe a outou  
fai nei mea tou te le  
11 tausui lava. Auā e faapea  
ona matua faaofa ai outou  
i le ala o le malo faavavau  
lava o lo tatou Alii ma le  
faaola o Iesu Keriso.  
12 O le mea lea ou te le faa-  
tamala ai a e saga faama-

natu atu ia te outou i na mea, e ui lava ina ua iloa e outou, ma faatumauiua outou i lenei lava mea moni. Ou te manatu foi ua tonu, 13 manū o'ou i ai i lenei falefetafai, ia ou faaāla ia te outou i le faamanatu; Ina 14 ua ou iloa e le pine ona tūneseina o lo'u nei falefetafai faapei ona faailoa mai ia te au e lo tatou Alii o Iesu Keriso. Ou te matuā 15 taumafaia foi ina ia mafaia ia te outou ona faamanatu soo i mea nei pe a mavae lo'u alu ese i le olaga nei.

Auā e lei usiusitai i ma- 16 tou i talanoaga faaatamamai ina o matou faailo atu ia te outou le mamana ma le afio mai o lo tatou Alii o Iesu Keriso; peitai na matou vaavaai atu i lona lava malualii. Auā na 17 maua e ia mai le Atua le Tamā o le viiga ma le mamalu ina ua tūlei mai ia te ia le siufofoga lava na i le mamalu silisili ese, *sa faapea mai* "O lo'u atalii pele lenei, ou te fiafia lava au ia te ia." O le siufofoga lava 18 lea na matou faalogologo i ai na oo mai mai le lagi, ina o matou i ai ma ia i le mauga pala. O loo ia te i tatou 19 foi le valoaga e sili lona mausali, e lelei ona outou naunau i ai pei o se lamepa e mumu i le mea pogisa, seia malamalama mai le ao, seia oso ae foi le fetu ao i o outou loto. A ia muai iloa 20 lenei mea, na lei se valo-

aga o i le lautusi e faama- 21 talafuaina. Auā e le o le loto o tagata na tuu mai ai le valoaga anamua, a o tagata paia o le Atua na tala- talaina mai ina ua molioo- ina mai e le Agaga Paia.

## O LE MATAUPU II.

*E tutu aoao pepelo, a, e fano i latou ma tagata leaga uma, a e faaolaina tagata lelei; o faailoga o aoao pepelo.*

1 **S**A i ai foi i le nuu pero- feta pepelo; e faapea foi ona i ai ia te outou o aoao pepelo, o e faaoo faa- lilolilo mai o vaevaega e fano ai, o e tetee atu foi i latou i le Alii na na faatau mai ia te i latou, ma faaoo mai ia i latou lava le ma- 2 laia e le pine mai. E toa- tele foi e faaaoao atu i a latou mea e fano ai, e faifaia foi e i latou o le ala o le 3 mea moni. E fai foi outou e i latou ma mea e faatau mai i le matapeapea ma upu faasese; e lē tuai ona tuu mai ia te i latou le tau i fetalaina mai talu ana- mua, o lo latou malaia foi e 4 le moe lea. Auā foi na lei faasaoina e le Atua le au agelu o e na agasala, a ua na tuuina atu i latou i maea uamea o le pogisa i seoli, ina ia taofia i latou e oo i 5 le faamasinoga, E lei faa- saoina foi le lalolagi tuai, na o Noa le failauga i le agatonu, o lona toavalu lea na faasaoina ina ua faaoo

mai le lolo i le lalolagi faalemata'u; O aai foi o Soto- 6  
ma ma Komora ua na tau  
atu i ai i le olopalaina, ina  
ua liua ma lefulefu o le afi,  
ua tuu ma faailoga mo e  
faalemata'u. Na ia laveai 7  
foi ia Lota o le agatonu, sa  
faatigaina i le amio faapa-  
gota a le nuu agapiopio.  
(Auā o lea tagata agatonu, 8  
ina o nofo ia ma i latou, ua  
tiga lona loto lelei ina ua  
vaai atu ma faalogologo i lea  
aso ma lea aso, i a latou  
amio faaletaupulea;) Ua 9  
silafia e le Alii se mea e  
laveai mai ai i e amio-atua  
ai le faaososoga, e taofi ai  
foi e agaletonu e oo i le aso  
faamasino ina ia faasalaina  
i latou; A e maise i latou 10  
o e tausisi i la le tino ma le  
tuinanau i le pagota, o e 'ino-  
'ino atu foi i le taupulega. O  
loo faamalosi ma faasaoloto,  
ma le lē fefe ona faifai i e ua  
mamalu. A o le au agelu o 11  
loo sili i le malosi ma le ma-  
na, e le molimau lava se upu  
faifai e tuua'i ai ia te i latou  
i luma o le Alii. A o i latou 12  
nei, faapei o mea ola e tu-  
tupu ma le le o i ai se ma-  
faufau, na faia foi ina ia  
puea ma fasimatea, e faifai  
i mea latou te le iloa, e ma-  
laia i latou i lo latou lava  
leaga; O loo talia e i 13  
latou le tau i le amio le  
tonu, fa te i latou o le mea  
e fiafia ai le sololelei i le ao,  
o ila i latou ma mea e maa-  
siasia ai, o loo solo lelei lava  
ma a latou lava faasese ina

o fai faiga'ai i latou faatasi  
14 ma outou; Ua tutumu o  
latou mata i le mulilulua, e  
le mapu latou i le agasala,  
e faamailei atu i e lē faatu-  
mauina, o ia te i latou le  
loto faamasani i le mata-  
pe'ape'a, o le fanauga ua  
15 fanoia: Ua tē'a i latou  
ma le ala tonu, ua sese i  
latou, o loo mulimuli atu  
i le ala o Palaamo, o le  
atalii o Posoru, na na loto i  
16 le totogi o le agaletonu. A  
ua vaoia lana lava amio lea-  
ga, o loo gagana i ai le  
manu gugu i le leo o le  
tagata, ua na vavao atu i lē  
amio faavalea a le perofeta.  
17 O puna o vai i latou e le o  
i ai se vai, o ao ua lelea i  
le afā, o loo tuu mo i latou  
le pogisa o le poniuli e faa-  
18 vavau. Auā o loo tautala  
i latou i upu faafiamalosi  
ma le valea, e faamailei ai i  
latou i tuinanau o le tino  
ma le pagotata i e ua matua  
sosola ese na i e ua faasese-  
19 ina. E na folafola atu ia  
te i latou o le saolotoga, a  
ua latou fai ma pologa i le  
amio pagota, auā pe a toila-  
loina se tasi i se tasi o loo no-  
fo pologa ia i lena ua toila-  
20 loina ai o ia. Auā afai na  
latou sosola a i mea leaga o  
le lalolagi e pisia ai ina ua  
iloa lelei o le Alii o le faa-  
ola lea o Iesu Keriso, a toe  
faalavelaveina ai ma toe to-  
ilaloina i latou i nei mea, ona  
tele ai lea o le leaga o lo latou  
21 iuga i lo latou amataga. E  
sili foi le lelei ia i latou pe a

na latou le iloa le ala o le agatonu, i lo latou iloa ma toe liliu ese ai le poloaiga paia sa tuuina mai ia te i latou. O lenei ua tau- 22 nuu ia te i latou le upu faataoto moni, "Ua toe foi le maile i lona lava puaiiga," i le ma lea, "O le puua na fuluina ua toe foi ia i le taa-filifili i le palapala."

### O LE MATAUPU III.

*E toe aflo mai Iesu na te faamasinoina tagata. E faaumatia le lalolagi nei. O le amio e tatau a e faatalitali i ia mea.*

**L**E au pele e, ou te tusi 1 atu ia te outou o lenei tusi e lua, o i ai atoa ma le na muamua, ou te faamafanafana atu ai i o outou loto faamaoni i lo'u faamanatu atu ai ia te outou; Ina ia faamanatu ai outou i 2 upu na muai folafolaina mai e le au perofeta paia, ma le poloaiga a matou o apose-tolo a le Alii o le fuaola lea; O loo muamua ona 3 iloa o lenei mea, e o mai i ona tau e gata ai o e o tauemu, o e savavali i o latou lava tuinanau leaga; O loo faapea foi a latou, O 4 ifea o i ai le folafolaga i lona afio mai, auā talu ona momoe o le auga tamā ua tutumau pea o mea uma talu ona faatoa foafoaina? Auā latou te mananao ia 5 lilo lenei mea, sa i ai o lagi

talua anamua, o le lalolagi foi na i le vai lea ua faatumauiua foi i le vai, ona o 6 le afioga a le Atua, O ia mea foi sa faaumatia ai le lalolagi tuai ina ua lofia i 7 le vai; A o lagi nei ma le lalolagi ua tuu ona o lea lava afioga, ia tumau pea mo le afi i le aso e faamasino ai ma malaia ai o ta- 8 gata faalemata'u. O lenei le au pele e, aua nei galo lenei mea ia te outou, e tusa i luma o le Alii le aso e tasi ma tausaga e afe, o le afe foi o tausaga e pei o le 9 aso e tasi. E le faatuai mai le Alii i le mea na folafolaina mai faapei o le manatu o isi tagata i le uiga o le faatuai; a e peitai ua ouosai mai lava ia ia i tatou, ona ua le finagalo ia malaia se tasi, a ia taitaiina uma 10 lava i le salamo. A e sau le aso o le Alii pei o se gaioi i le po, e i ai e mavaeeseina o lagi, ma le gogolo tele, e te'a eseese ai foi o mea na fua ai, ina ua mu; o le lalolagi foi ma galuega o i ai e susunuina 11 lava. Lenei la, o le a nutipalaina nei mea, pe faapefea ia outou amio e tatau ai i a le agapaia ma le amio-atua; 12 O loo faatalitali ma naunau ia faavave ona aulia mai o le aso o le Atua, e nutipalaina ai o lagi ina ua mumū, e liu faasuavai foi o mea na fua ai ina ua 13 mumu? A e faatalitali i tatou i lagi fou, ma le lalo-

lagi fou, pei o lana na fola-  
 fola mai, o loo mau ai le  
 agatonu. O lenei le au pele 14  
 e, ina ua outou faatalitali i  
 ia mea, ia outou finafinau  
 lava ina ia iloa outou e ia  
 ma le manuia, ma le lē  
 ponā, ma le lē tauleagaina.  
 Ia outou manatunatu o le 15  
 onosai o le Alii, o le ola-  
 taga lea, faapei ona tusi atu  
 ia te outou e Paulo, o lo  
 tatou uso pele, e tusa ma le  
 potō na foaiina atu ia te ia ;  
 Faapei o i *ana* tusi uma 16  
 lava o loo talatalaina ai nei  
 mea ; o i ai foi ni nai upu

talagatā o loo ua liliueseina  
 e tagata e le i aaoaina, e ua  
 le faatumauina foi, faapei o  
 i isi tusi, e tupu ai lo latou  
 17 lava malaia. Lenei foi le  
 au pele e, ia outou faateete  
 ia te outou auā ua muai  
 iloa e outou, ne'i taitaiese-  
 ina outou i le agasese a e  
 agaletonu, tou te pauu ai a  
 i le mea sa outou tumau ai.  
 18 A ia tutupu outou i le lelei-  
 tunoa ma le iloa o lo tatou  
 Alii o le faaola lea o Iesu  
 Keriso. Ia ia te ia le ma-  
 malu i ona po nei, ma ia oo  
 i le faavavau lava. Amene.

## O LE ULUAI TUSI AOA O

### A LE APOSETOLO, O IOANE.

#### O LE MATAUPU I.

*O Iesu le Faaola; e mafuta faatasi ma ia o tagata lelei.*

**M**ATOU te faailo atu 1  
ia te outou o le mea  
sa i ai talu le amataga, o  
lea lava na matou faalogolo-  
logo i ai, o lea na matou  
vaavaai atu i ai, i o matou  
mata, o lea na matou tau-  
matamata ai, na tagotago  
foi i ai o matou lima i a le  
Lokou o le ola. (O le ola 2  
foi lea ua faaalua mai, na  
matou vaai atu ma moli  
mau i ai, matou te tautala  
atu ia te outou o le ola lē  
uma, o lena sa i le Tamā,  
ua faaalua mai foi ia te i  
matou.) O le mea na ma- 3  
tou vaavaai ma faalogologo  
i ai o matou tautala atu ai  
nei ia te outou, ina ia ia te  
outou o le mafuta faatasiga  
ma i matou; o lo matou  
mafuta faatasiga foi o loo i  
le Tamā lea atoa ma lona  
Atalii o Iesu Keriso. Ma- 4  
tou te tusi atu foi i nei mea  
ia te outou ina ia atoatoa ai  
lo outou fiafia. O lena foi 5

le feau na matou faalogolo-  
go i ai, mai ia te ia, ma ma-  
tou faailoa atu ai foi ia te  
outou, o le malamalama  
lava le Atua, e leai lava se  
6 pouliuli o ia te ia. Afai  
tatou te fai atu, o ia te i  
tatou le mafuta faatasi ma ia,  
a e savavali i tatou i le pouli-  
uli, ua tatou pepelo ai, tatou  
te le fai ai foi le mea moni.  
7 A e pe afai tatou te savava-  
li i le malamalama, faapei  
ona i ai o ia i le malamala-  
ma, ona tatou mafuta faata-  
si ai lea, o le tasi ma le tasi,  
e faamama mai foi le toto o  
Iesu ia te i tatou a i agasala  
8 uma lava. Afai tatou te  
fai atu, E leai sa tatou aga-  
sala ua faasese ai i tatou ia i  
tatou, e lē o ia te i tatou o  
9 le mea moni; A e afai  
tatou te faali i a tatou aga-  
sala, e faamaoni ia, ma aga-  
tonu e aveese ai a tatou  
agasala ma fufulu mai ia i  
tatou a i le agaletonu uma  
10 lava. Pe afai tatou te fai  
atu "Tatou te lei agasala,"  
ua tatou fai ai o ia ma  
pepelo, e le o i totonu ia te  
i tatou foi lana afioga.

## O LE MATAUPU II.

*A anaana i poloaiga a le Atua,  
e iloa lelei ai o ia; e lelei  
ona aloofa i le au uso; aua  
nei faaseseina.*

**O** LA'U fanau e, ou te 1  
tusi atu i nei mea ia te  
outou ina nei agasala outou;  
pe afai foi e agasala se isi, o  
ia te i tatou le fesoasoani i  
luma o le Tamā, o Iesu  
Keriso lea, o le agatonu.  
O le togiola foi o ia mo a 2  
tatou agasala, e le gata foi i  
a tatou agasala, a e atoa foi  
mo le agasala a le lalolagi  
umia lava. O le mea foi 3  
lea tatou te iloa ai ua tatou  
iloa o ia, pe a tatou anaana  
i ana poloaiga. O sē faa-  
pea mai "Ua ou iloa o 4  
ia," a e le anaana ia i ana  
poloaiga, o le pepelo lava  
lea, e le o ia te ia le mea  
moni. A o lē anaana i 5  
lana afioga, e moni ua atoa-  
toa ai lona loto atu i le  
Atua. O le mea lea ua ta-  
tou iloa ai o i totonu ia te  
ia i tatou. O lē faapea mai 6  
o loo tumau ia i totonu ia  
te ia, e tataua ia savali lena  
faapei ona savali o ia. Le 7  
au uso e, ou te le tusi atu ia  
te outou se poloaiga fou, a  
o le poloaiga tuai, na ia te  
outou talu le amataga, o le  
poloaiga tuai o le upu lea  
na outou faalogologo i ai  
talu le amataga. A, ou te 8  
tusi atu foi o le upu fou ia  
te outou, o le mea lea ua  
moni ia te ia, atoa ma ou-

tou, ina ua mavae atu ai o  
le pouliuli, o loo pupula  
mai nei foi o le malamala-  
9 ma moni. O sē faapea mai,  
o i le malamalama o ia, a o  
loo ita i lona lava uso, o i  
le pouliuli lava ia ua oo mai  
10 ai i ona po nei. O sē alofa  
foi i lona lava uso, o loo  
tumau ia i le malamalama,  
e leai foi se mea e tausuai  
11 ai ia te ia. O sē ita i lona  
lava uso, o i le pouliuli ia,  
o loo savali foi i le pouliuli,  
e le o iloa foi e ia le mea e  
alu ai, auā ua faatauasoina  
12 ona mata i le pouliuli. Fa-  
nau e, ou te tusi atu ia te ou-  
tou, aua ua tuueseina a outou  
agasala ona o lona suafa.  
13 Le au tamā e, ou te tusi  
atu ia te outou aua na iloa e  
outou o ia o loo i ai talu le  
amataga. Le au taulelea  
e, ou te tusi atu ia te outou,  
aua na outou manamalo i loo  
leaga. Le au tama iti e, ou  
te tusi atu ia te outou, aua  
14 na outou iloa le Tamā. Le  
au tamā e, na au tusi atu ia  
te outou, aua na outou iloa  
o ia o loo i ai talu le ama-  
taga. Le au taulelea e, na  
au tusi atu ia te outou, aua o  
malolosi outou, o loo tumau  
foi ia te outou o le afioga a  
le Atua, na outou manu-  
15 malo foi i loo leaga. Aua  
tou te loto atu i le lalolagi,  
poo o mea o i ai i le lalo-  
lagi. Pe afai e loto se tasi  
i le lalolagi, e le o ia te ia  
16 le loto atu i le Tamā. Aua  
o mea uma lava o i le lalo-  
lagi, o le tuinanau o le tino,



ma le tuinanau o mata, ma le nene'e o lenei olaga, e le mai le Tamā ia a e mai le lalolagi lava. O le a mavae 17  
 atu foi o le lalolagi, atoa ma lona tuinanau, a o lē fai le finagalo o le Atua, e tumau lea e faavavau. Tama iti e, o le tau lenei e 18  
 gata ai, faapei ona outou faalogologo foi i ai o loo sau le anetikeriso, o loo i ai nei foi o anetikeriso e toatele; o le mea lea ua tatou iloa ai o le tau lenei e gata ai. Na latou o ese ane na 19  
 ia i tatou, a e lei ni o tatou i latou; aua pe ana ni o tatou poo ua latou tumau pea ma i tatou a ua faapea i latou ina ia faaalua ai e le ni o tatou o i latou uma. A o outou, o ia te outou 20  
 le faau'uga mai LOO PAIA, ua outou iloa ai foi o mea uma. Na a'u lē tusi atu ia 21  
 te outou, aua na outou lē iloa le mea moni, a e peitai aua ua outou iloa lava, ua iloa foi e leai se talapepelo mai le mea moni. O ai ea 22  
 le tagata pepelo afai e le o lē ua upuese, ma faapea mai, E le o le Mesia o Iesu? O le anetikeriso lava lea o lē upuese i a le Tamā atoa ma le Atalii. O le 23  
 upuese i a le Atalii, e le o ia te ia le Tamā, Lenei 24  
 la, o le mea na outou faalogologo i ai talu le amataga, ia tumau lava lea ia te outou; afai e tumau ia te outou o le mea na outou faalogologo i ai talu le amataga,

ua outou tumau ai i le Atalii atoa ma le Tamā. 25 O lenei lava foi le folafolaga, na folafola mai e ia ia te i tatou, o le ola e lē uma. 26 Na au tusi atu o mea nei ia te outou, i e o faasese atu ia 27 te outou. O le faauuga foi na outou talia mai ia te ia, e tumau lea ia te outou, e le aoga foi ona aoaina atu e se tasi ia te outou, a e faapei ona aoa atu e lena faauuga ia te outou i mea uma lava, o le mea moni foi lea, e leai foi sona pepelo, faapei ona aoa atu foi ia te outou, 28 ia outou tumau lava i ai. O lenei foi, le fanau e, ia outou tumau pea ia te ia, ina ia maua ai e i tatou le faamalosia pe a faaalua mai o ia, ia le faamāina foi i tatou i ona 29 luma, i lona afio mai. Afai ua outou iloa o le agatonu lava ia, ua outou iloa lelei foi e taitoatasi o e fai le amio tonu ua fanau mai ia te ia.

## O LE MATAUPU III.

*O le alofa tele mai o le Atua, ina ua fai i tatou ma tamafai, e tusa ai ona anaana i ana poloaiga, ma faalofani.*

1 **F**AAUTA i le uiga o le alofa na foaiina mai e le Tamā ia te i tatou ina ia taua i tatou o le fanau a le Atua. O le mea lea e le iloa ai tatou e le lalolagi, 2 aua ua le iloa o ia i ai. Le au faapelepeleina e, o le fanau i tatou a le Atua i

lenei, a e lei faaaliala mai lava pe avea i tatou ma ni a, a muli; a ua tatou iloa, pe a faaaliala mai o ia, e tusa ai lava i tatou ma ia, auā tatou te iloa atu lava ia te ia, e pei o ia lava. E taitoatasi uma foi 3 o i ai lenei faamoemoe, e faapaiaina e ia ia ia faapei o le paia o ia. E taitoatasi uma 4 lava o e fai le agasala o loo soli ai ia i tulafono, aua foi o le agasala o le soli i tulafono lea. Ua outou iloa foi 5 na faaaliala o ia ina ia aveeseina e ia a tatou agasala, e leai foi se agasala o ia te ia. E leai se tasi o loo tumau ia 6 te ia e agasala, o sē agasala foi e lei vaai ia ia te ia, e lei iloa foi o ia e ia. Le 7 fanau e, aua nei faasese se tasi ia te outou; o lē fai le amio tonu, o le agatonu lea, faapei o le agatonu lava o ia. O lē fai le agasala, mai le tia- 8 polo lava ia, aua ua agasala le tiapolo talu le amataga. O le mea lava lea na faaaliala mai ai o le Atalii o le Atua, ina ia faaumatia e ia o galuega a le tiapolo. E 9 taitoatasi uma o e fanau mai mai le Atua, e le fai lea i le agasala, aua o loo tumau i totonu ia te ia o lana fua, e le mafai foi ona agasala, aua ua fanau mai ia mai le Atua. O le mea 10 lea ua faaaliala ai o le fanau a le Atua, ma le fanau a le tiapolo, E taitoatasi uma o e le fai le amio tonu, e le se mai le Atua ia, atoa ma le lē alofa atu i lona lava

11 uso. Aua o le poloaiga lenei na outou faalogologo i ai talu le amataga, ia ta- 12 tou faalofani. E le pei o Kaino na i loo leaga, na fasioti foi i lona lava uso: se a foi le mea na ia fasioti ai ia te ia? ona o lana amio ua leaga, a o le amio a lona 13 uso ua tonu. O'u uso e, aua tou te ofo ai pe a ita mai le lalolagi ia te outou. 14 O i tatou foi, ua tatou iloa ua faaliliuina i tatou na i le oti i le ola, aua o loo alolofa atu i tatou i le au uso, o se le alofa atu i le uso, o loo 15 tumau ia i le oti. E taitoatasi uma e ita i lona uso, o le fasioti i tagata lea, ua outou iloa foi e leai se fasioti i tagata e tumau ia te ia 16 le ola le uma. O le mea lea ua tatou iloa ai le alofa, ina ua tuu ifo e ia o lona lava soifua mo i tatou; o i tatou foi e tatau ia te i tatou ona tuu ifo lo tatou ola 17 mo le au uso. O sē maua o le oa a le lalolagi nei, pe a iloa atu foi i lona uso ua mativa, e punitia foi o lona loto alofa i ai, pe faapefea ona tumau o le loto atu i le 18 Atua i lea tagata? La'u fanau e, aua nei tatou alolofa, tau o le gutu, ma le upu, a ia oo i le amio atoa 19 ma le faamaoni. O le mea foi lea, ua tatou iloa ai, o loo o i le mea moni i tatou, e mautinoa foi o tatou loto i 20 ona luma. Aua pe a faaleaga ifo o tatou loto ia i tatou ua sili lava le Atua i

o tatou loto, ua silafia foi e  
ia o mea uma. Le au faa- 21  
pelepeleina e, afai e le faa-  
leaga ifo o tatou loto ia i  
tatou, ua maua ai e i tatou  
le faamalosi i luma o le  
Atua. O mea foi tatou te 22  
ole atu ai, e maua mai ia te  
ia aua ua tatou anaana i ana  
poloaiga, tatou te fai foi o  
mea malie i ona luma. O 23  
lenei foi lava lana poloaiga  
ia tatou faatuatua i le suafa  
o lona Atilii, o Iesu Keriso,  
ma ia tatou fealofani faapei  
ona tuuina mai e ia le polo-  
aiga ia i tatou. O lē anaana 24  
foi i ana poloaiga, o loo tu-  
mau lea i totonu ia te ia,  
ma ia foi i totonu ia te ia;  
o le mea foi lea ua tatou  
iloa ai o loo tumau ia i to-  
tonu ia i tatou.

## O LE MATAUPU IV.

*Aua nei talia o aaoa uma lava,  
a ia muamua ona tofotofa i  
ai pe moni.*

**L**E au faapelepeleina e, 1  
aua tou te faalogo i aga-  
ga uma lava, a ia outou tofo-  
tofo i agaga pe mai le Atua  
i latou, auā e toatele pero-  
feta pepelo ua o atu i le la-  
lolagi. O le mea lea tou te 2  
iloa ai o le agaga o le Atua,  
O agaga uma e taitoatasi o  
e ta'u tino, Ua maliu mai  
o Iesu Keriso i le tino, o se  
mai le Atua lava lea. A 3  
o agaga uma e taitoatasi o  
e le tau tino, Ua maliu mai  
Iesu Keriso i le tino, e le se  
mai le Atua lea; o la le

anetikeriso lava lea ua ou-  
tou faalogologo i ai o le a  
sau, o loo i ai nei lava foi,  
4 i le lalolagi. A o outou,  
le fanau e, mai le Atua  
lava outou, na outou ma-  
numalo foi ia te i latou, aua  
e sili o ia o ia te outou, i  
5 lena o loo i le lalolagi. A  
o i latou, o le lalolagi lava  
i latou o le mea lea o loo  
tautalatala ai i latou i la le  
lalolagi: e faalogologo ai  
foi le lalolagi ia te i latou.  
6 A o i matou, mai le Atua  
lava i matou, o lē iloa le  
Atua e faalogologo mai lea  
ia te i matou; o le lē mai  
le Atua e le faalogologo  
mai lea ia te i matou; o le  
mea lea ua tatou iloa ai o  
le agaga moni, ma le agaga  
7 sese. Le au faapelepeleina  
e, ia tatou fealofani, aua  
mai le Atua le alofa, e tai-  
toatasi uma foi o loo alolofa  
ua fanau mai ia mai le  
Atua, ua iloa foi e ia le  
8 Atua. O se le alofa ua le  
iloa e ia le Atua, aua o le  
Atua, o le alofa lava ia.  
9 O i lenei mea ua faaalua  
mai le alofa o le Atua ia  
te i tatou, ina ua auina mai  
e le Atua o lona Atalii e  
toatasi i le lalolagi, ina ia  
10 tatou ola ai ia te ia. O i  
lenei lava mea le alofa, e le  
ona ua tatou loto atu i le  
Atua, a ua alofa mai ia ia  
te i tatou, ua na auina mai  
foi o lona Atalii, o le togi-  
ola mo a tatou agasala,  
11 Le au faapelepeleina e, afai  
na faapea ona alofa mai o

le Atua ia te i tatou, e tau ai ona tatou fealofani. E lei iloa atu lava se tasi i 12 le Atua; a tatou fealofani e tumau le Atua i totonu ia te i tatou, ua atoatoa foi le loto atu ia te ia o i totonu ia i tatou. O le mea lea ua 13 tatou iloa ai, e tumau i tatou i totonu ia te ia, o ia foi i totonu ia i tatou, aua o lona Agaga na ia foaiina mai ia te i tatou.

O i matou foi, ua matou 14 iloa atu, o matou molimau ai foi, ua auina mai e le Tamā o le Atalii, o le olataga o le lalolagi. O sē 15 ta'u tino atu, o Iesu le Atalii o le Atua, o loo tumau le Atua i totonu ia te ia, o ia foi o i totonu o le Atua. O i tatou foi, ua ta- 16 tou iloa, ma faatuatua i le alofa o loo alofa mai ai le Atua ia te i tatou, o le Atua, o le alofa lava ia; o se tumau i le alofa, ua tumau ia i totonu o le Atua, o le Atua foi o i totonu ia te ia.

O le mea lea ua atoatoa 17 ai o le alofa ia te i tatou, ina ia tatou maua le faamalosia i le aso o le faamasinoga, aua pei o ia, e faapea foi i tatou i lenei lalolagi. E lei se fefe o i le alofa, a 18 o le alofa atoatoa e tulieseina ai le fefe, aua o loo i le fefe le tiga, a o lē ua fefe, e le faaatoaina lea i le alofa. O i tatou foi, tatou 19 se loto atu ia te ia, aua na ia muai alofa mai ia te i tatou. Pe afai e faapea 20

mai se isi, "Ou te loto atu i le Atua" a e ita i lona uso, o le pepelo lava ia, auā o sē le alofa i lona uso, na ia vaai atu i ai, pe faapefea ona loto atu i le Atua na ia 21 le vaai atu i ai. O lenei foi le poloaiga na tatou maua mai ia te ia, o sē loto atu i le Atua, ia alofa foi ia i lona uso.

### O LE MATAUPU V.

*O sē loto atu i le Atua, e alofa lea i lona fanau, ma anaana i ana poloaiga; e le mamafa foi ia; e mafaaola mai Iesu; e faafofoga mai foi i a tatou tatalo.*

1 **E** TAITOATASI uma o e talitonu, O le Mesia lava o Iesu, ua fanau mai lea mai le Atua; e taitoatasi una foi o e loto atu i lena na fanau mai e loto atu foi ia i le na fanauina. 2 O le mea lea ua tatou iloa ai, e alolofa i tatou i le fanau a le Atua, pe a tatou loto atu i le Atua, ma ana- 3 ana i ana poloaiga. Auā o lenei lava le loto atu i le Atua, ia tatou anaana i ana poloaiga, e le o mamafa foi 4 ana poloaiga. Aua e taitoatasi o e fanau mai mai le Atua, e manumalo i a le lalolagi; o lenei foi o le • malo e manumalo ai i le lalolagi, o lo tatou faatua- 5 tua lava. O ai se na te manumalo i le lalolagi, pe a le o lē talitonu, o Iesu, le Atalii lava ia o le Atua.

O ia lava lea, o Iesu le 6  
 Mesia o lē na maliu mai ma  
 le vai atoa ma le toto, e le  
 tuli i le vai, a o le vai atoa  
 ma le toto: o le Agaga foi  
 o loo molimau mai, o le  
 Agaga e faamaoni foi lea.  
 Aua foi e toatolu i le lagi 7  
 o e molimau mai, o le Tama,  
 ma le Lokou, atoa ma le  
 Agaga Paia, o i latou nei le  
 toatolu o le toatasi foi ia. E 8  
 toatolu foi o e molimau mai i  
 le lalolagi, o le Agaga, ma le  
 vai, atoa ma le toto, o nei  
 mea e tolu e auga atu ia i  
 le mea e tasi. Afai e talia 9  
 e i tatou o le molimau a  
 tagata, e sili le molimau a  
 le Atua, aua o lenei lava le  
 molimau a le Atua na na  
 molimau mai ai i a lona  
 lava Atalii. O lē faatua- 10  
 tua i le Atalii o le Atua,  
 ua i totonu ia te ia le moli-  
 mau. O le lē-faatuatua i le  
 Atua, o lea ua fai ai o ia  
 ma pepelo, aua e lei talitonu  
 ia i le mau na molimau mai  
 ai le Atua i lona lava  
 Atalii. O lenei foi lava le 11  
 mau ua foaiina mai e le  
 Atua ia te i tatou, O le ola  
 e le uma: o le ola lava  
 lenei o i lona Atalii lea.  
 O le o i ai le Atalii, o ia te 12  
 ia foi le ola, o le e le o i ai  
 le Atalii o le Atua, e le o  
 ia te ia foi le ola.

Na au tusi atu o nei mea 13  
 ia te outou o e faatuatua i  
 le suafa o le Atalii o le  
 Atua, ina ia outou iloa ai,  
 e ia te outou le ola lē uma,  
 ina ia outou faatuatua foi i

le suafa o le Atalii o le  
 14 Atua. O lenei foi lava le  
 faamalosi ua tatou maua i  
 ona luma, pe afai tatou te  
 ole atu ai se mea e tusa ma  
 lona finagalo, e faafofoga  
 15 mai ia ia te i tatou. Afai  
 foi ua tatou iloa, e faafofoga  
 mai ia ia te i tatou i le mea  
 tatou te ole atu ai, ua tatou  
 iloa e maua e i tatou o mea  
 ua tatou ole atu ai ia te ia.  
 16 Afai ua iloa e se tasi o lona  
 uso ua na fai se agasala e  
 le iu ai i le oti, ia faatoga  
 ia *mo ia*, ona foaiina mai  
 lea o le ola ia te ia i e aga-  
 sala e le iu ai i le oti. O  
 le isi foi agasala e iu ai i le  
 oti; ou te le fai atu ai ia  
 17 outou faatoga atu i lea. O  
 le agaletonu uma lava, o le  
 agasala lea; o le isi foi  
 agasala e le iu ai i le oti.  
 18 Ua tatou iloa foi e taitoa-  
 tasi uma e fanau mai mai le  
 Atua, e le agasala lea; a o  
 • le ua fanau mai mai le Atua,  
 e tausi lelei e ia ia ia, e le  
 tago foi o LOO LEAGA ia te  
 19 ia. Ua tatou iloa foi mai  
 le Atua lava i tatou, a o le  
 lalolagi uma o loo nofo i  
 20 LOO LEAGA. Ua tatou iloa  
 foi na maliu mai le Atalii  
 o le Atua, na ia foaiina mai  
 foi o le mafaufau ia te i  
 tatou, ina ia tatou iloa ai o  
 loo moni, o i ai foi i tatou i  
 loo moni, o i lona Atalii o  
 Iesu Keriso: O lenei lava  
 le Atua moni, ma le soifua  
 21 e faavavau. Le fanau e, ia  
 outou, ia faamamao outou i  
 tupua. Amene.

## O LE TUSI AOA E LUA

### A LE APOSETOLO, O IOANE.

*O loo aoi atu ai i le tamaitai  
ia tumau lava ia i le faatua-  
tua, aua le taueseina.*

**O** AU o le toeaia, ou 1  
te tusi atu nei i le  
tamaitai na filifilia, ma ana  
tama, ou te alofa faamaoni  
i ai; e lē tuli foi i au, a o  
i latou atoa uma o e iloa  
lelei le mea moni; Ona o 2  
le mea moni o loo tumau ia  
te i tatou, e ia te i tatou foi  
e faavavau. Ia ia te outou 3  
le lelei tunoa, ma le alofa,  
ma le manuia mai le Atua  
le Tamā, atoa ma le Alii o  
Iesu Keriso, o le Atalii o le  
Tamā, i le faamaoni atoa  
ma le alofa.

E tele lava lo'u fiasia ina 4  
ua ou iloa ni au fanau o e  
savavali i le mea moni faa-  
pei o le poloaiga na tatou  
talía mai le Tamā. O lenei, 5  
le tamaitai e, ou te aioi atu  
nei ia te oe, (e le pei o se  
poloaiga fou ou te tusi atu  
nei ia te oe, a o lea lava ua  
ia te i tatou talu le amata-  
ga,) ia tatou fealofani. O 6  
lenei foi lava le alofa, ia  
tatou savavali e tataua ma  
ana poloaiga: o lenei lava  
le poloaiga, faapei ona ou-

tou iloa talu le amataga,  
ina ia outou savavali i ai.

7 Aua e toatele tagata o e  
faasese ua o atu i le lalo-  
lagi, o e le ta'u tino ia Iesu  
Keriso, i lona malia mai i  
le tino; o le faasese lava

8 lea, ma le anetikeriso. Ia  
outou, ia te outou, nei mau-  
mau ia i tatou o galuega na  
tatou faia, a ia tatou maua

9 o le tauia atoa. E taitoatasi  
uma lava o e tuumavaega,  
e lē tumau foi i le mataupu  
i a le Mesia, e le o ia te ia  
le Atua, a o le tumau i le  
mataupu i a le Mesia, e ia  
te ia lava le Tamā atoa ma

10 le Atalii. Pe a alu atu ia  
te outou se isi na te le mo-  
lia lenei lava mataupu, aua  
tou te talia i o outou fale,  
aua foi tou te ofo-alofa ia

11 te ia; Aua o se ofo-alofa  
atu ia te ia, e agafaatasi ai  
lea ma ana galuega leaga.

12 O ia te au o mea e tele e  
tusi atu ai ia te outou, a ou  
te lei fia tusi atu ai i le lau  
pepa, ma le vai tusi; a ou  
te faamoemoe ou te alu atu  
ia te outou, ia tatou fetau-  
talatalaai, ina ia atoatoa ai

13 lo tatou fiasia. O loo alo-  
lofa atu ia te oe o tama a  
lou uso ua filifilia. Amene.

O LE TUSI AOA O E TOLU

A LE APOSETOLO, O IOANE.

*Ua ta'uleleiina ai o Kaio, ua faaleagaina o Tioterifi, ua ta'uleleiina ai foi o Temetiu.*

**O** AU le toeaina, o la'u 1  
tusi lenei ia Kaio, o  
le peleina, o lena ou te faa-  
pelepele faamaoni i ai au.  
Le peleina e, e silisili lava 2  
lo'u nei manao, ia e manuia,  
ma ia e maloloina, faapei o  
lou agaga ona manuia.  
Aua ua tele lava lo'u fiafia 3  
ina ua o mai le au uso, ma  
faailoa mai o lou faamaoni,  
ina ua e savali oe i le mea  
moni. E leai so'u fiafia e 4  
sili i lenei pe a ou faalogo  
mai o loo savavali a'u fanau  
i le mea moni. Le peleina 5  
e, ua e faamaoni lava i mea  
o faia e oe i le au uso, atoa  
ma tagata ese, O e na faa- 6  
iloa mai i lou alofa i luma  
o le ekalesia; e lelei foi ina  
e fesoasoani i lo latou mo-  
liga, e malie lea i le Atua.  
Aua na latou o atu lava 7  
ona o lona suafa, e lei talia  
sina mea mai atunuu. E 8  
tatau ona tatou tali atu i  
tagata faapea, ina ia tatou  
fai ma fesoasoani i le mea  
moni. Na au tusi atu i le 9

ekalesia, a o Tioterifi, o le  
fiasili ia te i latou e le tali  
10 mai ia ia i matou. O le  
mea lea pe a au alu atu, ou  
te faamanatu ai i lana amio-  
o loo faia e ia, o loo tuau-  
pua ia i matou i upu leaga,  
e le tuli foi i ia mea, e le  
talia lava e ia le au uso, e  
vavao atu foi i e loto i ai,  
na te tuli atu foi ia i latoa  
11 a i le ekalesia. Le peleina  
e, aua e te faaaoao i le  
leaga, na o le lelei. O le  
agalelei, mai le Atua lava  
lea, peitai o le agaleaga, e  
lei iloa atu lava ia i le  
12 Atua. Ua logoleleia Te-  
metiu e tagata uma lava,  
atoa ma le mea moni lava;  
matou te moli tino lelei foi  
i ai, ua outou iloa foi e  
moni la matou mau.  
13 O mea e tele o ia te au e  
tusi, a ou te le fia tusi atu  
ai ia te oe i le vai tusi, ma  
14 le fulu tusi. Aua ou te  
faamoemoe e le pine ona ta  
feiloaai, ina ia ta fetautala-  
15 talaai. Ia ia te oe le ma-  
nuia. E alolofa atu le au  
mea mamae ia te oe; sion  
alofa i le au mea mamae e  
taitoatasi.

## O LE TUSI

### A LE APOSETOLO, O IUTA.

*Ua apoapoi atu le aposetolo i le au faapaiaina ia latou matua finau mo le upu o le faatuatua.*

**O** AU o Iuta, o le au- 1  
auna a Iesu Keriso, o  
le uso foi o Iakopo, o la'u  
tusi lenei i e na faapaiaina  
e le Atua le Tamā ma leo-  
leoina ma tofia e Iesu Keriso.  
Ia faateleina ia te outou o 2  
le alofa ma le manuia ma le  
agalelei.

Le au pele e, o loo ou 3  
naunau ma le manao tele e  
tusi atu ia te outou i a le  
faaolataga faasalalau, ua ou  
uunai ona tusi atu ai ma  
apoapoi atu ia te outou ia  
outou faamalolosi i le finau  
mo le upu o le faatuatua na  
foaiina mai anamua i le au  
faapaiaina. Auā na o mai 4  
faaleiloa o isi tagata, ua leva  
foi ona muai tusia o i latou  
ia oo i lenei lava faasala;  
e amio faalemata'u i latou,  
ua liua e i latou le alofa  
tunoa o lo tatou Atua i le  
mataaitu, ma ua latou tetee  
atu i le Tupu tasi, o le Atua,  
ma lo tatou Alii o Iesu  
Keriso lea. Ou te fia faa- 5  
manatu atu foi ia te outou

i le mea na outou iloa ana-  
mua, na faaolaina e le Alii  
o le nuu a i le fanua o  
Aikupito, a e mulimuli ane  
ua faaumatia e ia o e na le  
6 tali tonu. O agelu foi e na  
lē tumau i lo latou uluai  
mamalu, a ua tuua e i latou  
o latou lava nofoaga, ua  
taofia e ia o i latou i le  
saisaitaga e faavavau i lalo  
i le pogisa seia oo i le faa-  
7 masinoga o le aso tele. Na  
faapea foi o Sotoma ma Ko-  
mora, ma aai foi sa latalata  
ane i ai, ua faitaaga pei o i  
latou ma mataaitu i tagata  
ese, o lea ua tuu mai ai i  
latou e fai ma faailoga, ua  
tigaina i latou i le malaia  
8 o le afi faavavau. O loo e  
faapea foi lava o ia tagata  
ua faamoemitia, latou te  
faaleaga i le tino ma tetee  
atu i taupulega, ma faifai i  
9 le au mamalu. A o Mika-  
eli o le agelu silisili, ina ua  
la fefinaui o ia ma le tia-  
polo na ia finau i ai i la le  
tino o Mose, ua na le faa-  
malosi ona lafo atu i ai o se  
upu tuua'i e faifai ai, peitai  
ua na faapea atu ia te ia,  
Ia aoi le Alii ia te oe.  
10 A o ia tagata latou te faifai



i mea latou te le o iloa, o mea foi e iloa fua e i latou, e pei o mea ola valea, latou te faaleaga ai ia te i latou. Aue talofa ia te i latou! 11 auā ua latou savavali i le ala o Kaino, ma taufetuli tele vavave i le sese o Palamo i le mea o le totogi, ua fanoia foi i latou i le fouvale o Koru.

O mea matagā i latou i o 12 outou faiga'ai alofa, pe a latou aai faatasi ma outou ma le lē matau, o loo o latou soona aai lava; o ao i latou e le o i ai se vai, o loo feleleaiina e matagi; o laau ua malili o latou lau, ua leai so latou fua, ua mate faalua, ua liaiina o latou aa; O peau sousou o le moana 13 o loo faapunalia mai i mea e mamā ai i latou; o fetu feoi ua tuu mo latou le pogisa o le pouliuli e faava-vau. O Enoku foi o le toa- 14 fitu lea talu mai ia Atamu, na valoia e ia ia te i latou, o loo faapea ane; "Faauta, e afio mai le Alii ma ona au faapaiaina e manomānō, E faamasino ai i tagata uma, 15 ma faasalaina ai o e ua amio faalēmata'u uma lava o i ai ia i latou, ona o a latou galuega faalēmata'u uma na latou faia ma le faalēmata'u, ona o a latou upu faatau-tala foi na fai ia te ia e tagata agasala ma faalēma-ta'u."

O e o muimui i latou ma 16 faalemalie, o loo o savavali i latou e tusa ma o latou

tuinanau leaga, ma ua tau-tala mai o latou gutu i upu faausausili, o loo faaneene atu foi i latou i luma o alii 17 e mau ai se mea aoga. O outou foi le au pele e, ia outou faamanatu i upu na faia anamua e le au apose-tolo a lo tatou Alii o Iesu 18 Keriso; Na latou faaali atu ia te outou, e i ai i le tausaga e gata ai o tagata faatauemu, o e o savavali e tusa ma o latou lava tuina-nau leaga ma faalematau.

19 O tagata lava ia ua latou vavae ese, o e agafaaletino, ua le i ai le Agaga Paia. 20 A o outou le au pele e, ia outou ati ae ia te outou i lo outou faatuatua e silisili ona paia, o loo ua talotalo i le 21 Agaga Paia, Ia outou faa-tumau ia te outou i le alofa o le Atua, ma faatalitali atu i le alofa o lo tatou Alii o Iesu Keriso, e oo atu i le 22 ola faavavau. Ia outou alofa atu i nisi ma le filitaa; 23 A o nisi ia outou faaola i ai ma le mata'u ma le tau-toso ia te i latou mai le afi ma ia outou 'ino'ino i le ofu ua pisia i la le tino.

24 O lenei ia ia te ia na te mafaia ona leoleo ia te outou ina nei pauu, ma faaoo ia te outou ua auauamā i luma o lona lava mamalu 25 ma le fiafia aiai, Ia i le Atua poto e toatasi o lo tatou faaola, le viiga, ma le malosi, ma le malo, i nei ona po, ma ia oo i le faava-vau lava. Amene.

## O LE FAAALIGA

### A IESU KERISO IA IOANE.

#### O LE MATAUPU I.

*O le tusi a Ioane i ekalesia e fitu o i Asia.*

**O** LE faaaliga a Iesu <sup>1</sup>  
Keriso, na foaiina atu  
e le Atua ia te ia e faaali  
mai i ana auauna i mea e  
tusa ona vave oo mai, ua  
auina mai e ia o lana agelu  
e faailoa mai i lana auauna  
o Ioane, O lē na molimau <sup>2</sup>  
i le afioga a le Atua o le  
mau foi ia Iesu Keriso, o  
mea uma na ia vaai i ai.  
Amuia o lē faitau, atoa ma <sup>3</sup>  
e faalogologo i upu o lenei  
valoaga, ma anaana i mea  
ua tusia i ai; aua ua lata-  
lata le tau.

O au o Ioane o la'u tusi <sup>4</sup>  
lenei i ekalesia e fitu o i  
Asia; Ia ia te outou le  
alofa tunoa ma le manuia  
mai ia te ia o loo soifua, na  
soifua foi, o le a afio mai; o  
Agaga e toafitu foi o i luma  
o lona nofoālii; Mai ia <sup>5</sup>  
Iesu Keriso foi, le molimau  
faamaoni, le ulumatua o e  
ua oti, ma le taitai o tupu o  
le lalolagi; o lē na alofa mai

ia te i tatou, na ia fufulu  
mai foi ia te i tatou i a tatou  
<sup>6</sup> sala i lona lava toto, (Na  
ia faia foi o i tatou ma tupu  
ma faitaulaga i le Atua o  
lona lava Tamā,) ia ia  
te ia le viiga ma le malo  
e faavavau faavavau lava.  
Amene.

<sup>7</sup> Faauta, e afio mai o ia  
ma ao, e iloa atu foi o ia e  
mata uma o tagata, atoa ma  
e na tui ia te ia; e taufai-  
tagitu'i o aiga uma o le  
lalolagi ona o ia. E moni,  
<sup>8</sup> Amene. O au le Alefa  
ma le Omeka, le amataga  
ma le gataaga, ua fetalai  
mai ai le Alii, o loo soifua,  
na soifua foi, o le a afio mai,  
e ona foi le malosai uma lava.

<sup>9</sup> O au o Ioane, lo outou  
uso ma la outou aumea i le  
puapuaga ma le malo atoa  
ma le onosai o Iesu Keriso,  
na a'u i ai i le motu ua ta'ua  
o Patamoa ona o le afioga a  
le Atua, ona o le mau foi  
<sup>10</sup> ia Iesu Keriso. Na a'u i ai  
i le Agaga i le aso o le  
Alii; na au faalogo i o'u  
tua i le tasi leo tele e pei o  
<sup>11</sup> se pu ua faapea mai, O au

le Alefa ma le Omeka, o le muamua ma le mulimuli: O mea foi e te iloa nei ia e tusi i se tusi ma avatu i ekalesia o i Asia, o Efeso ma Semurana, ma Pereka-mo, ma Tuateira, ma Sara-teisa, ma Filatelefeia, ma Laotikaia. Na au faliu atu 12 e vaai i le leo na tautala mai ia te au: Ua au faliu ona au iloa atu lea i tuugaafi auro e fitu. O loo i 13 totonu foi i tuugaafi e fitu le tasi e pei o le Atalii o le tagata, ua ofu ia i le ofu tatapuvae, ua fusia foi lona fatafata i le fusi auro; Ua 14 sinasina, foi lona ao ma ona lauao e pei o le fulufulu mamoe ona sinasina, e pei o le kiona lava; e pei o le mumu o le afi foi ona mata; Ma ona vae e pei o le 'apa 15 susulu, e peiseai ua faamainaina i le afi; o lona siu-fofoga foi e pei o le taalili o vai e tele; Ua i lona 16 aao taumatau o fetu e fitu; ua alu atu foi a i lona fofoga o le pelu e faataumaai ona itu; o ona fofoga foi, e pei o le pupula o le la ina o mu toto'a. Ua au iloa atu 17 ia te ia, ona a'u pa'ū ifo lea i ona vae e peiseai ua oti: ua ia faaee ifo i lona aao taumatau i luga ia te au, o loo faapea mai ia te au, "Aua e te fefe; o au o le muamua ma le mulimuli, O lē ola atu nei; sa ou oti 18 foi, faauta foi, ou te ola e faavavau faavavau lava; Amene; o ia te au nei foi

19 o kī o seoli ma le oti. Ia e tusi i mea na e iloa ma mea o i ai nei, atoa ma mea 20 e tutupu a muli; O le uiga lilo o fetu e fitu na e iloa ai i lo'u lima taumatau, ma tuugaafi auro e fitu. O fetu foi e fitu o agelu ia a ekalesia e fitu; o tuugaafi foi e fitu na e iloa ai, o ekalesia ia e fitu.

## O LE MATAUPU II.

*O tusi i agelu a ekalesia o i Efeso, ma Semurana, ma Perekamo ma Tuateira.*

1 **I**A e tusi i le agelu a le ekalesia o i Efeso, O mea ua fai mai ai o lē uu i fetu e fitu i lona lima taumatau, o lē savali i totonu o tuu- 2 gaafi auro e fitu. Ua au iloa i au galuega, ma lou tiga, ma lou onosai, ina ua e le lavatia i e ua leaga, na e tofotofo foi i e na fai mai o aposetolo i latou a e leai lava ua e iloa 3 foi ua latou pepelo, Ma ua e lavatia, ua ia te oe foi le onosai, ua e tautiga ona o lo'u igoa, e te lei faavai- 4 vai. A ua au iloa *se mea* ia te oe, ona ua e tuua i lou 5 uluai loto. O lenei, ia e manatua mai i le mea na e pa'ū ai, ma ia e salamo, ma fai i uluai galuega; afai e leai, ona au vave alu atu lea ia te oe, ou te aveesea lau tuugaafi a i le mea e tuu ai, pe afai e te le sala- 6 mo. A ua ia te oe lenei mea, ina ua e 'ino'ino i galuega a le au Nikalaitai,

o au foi ou te 'ino'ino i ai. O lē ua i ai se taliga, ina 7 faalogo mai ia o ia i le mea ua fai mai ai le Agaga i ekalesia; "O lē manumalo ou te avatua ia te ia e 'ai i le laau o le ola o i totonu o le parateiso o le Atua."

Ia e tusi foi i le agelu a 8 le ekalesia o i Semurana, O mea ua fai mai ai o lē muamua ma lē mulimuli, o lē na oti a ua ola mai: Ua 9 au iloa i au galuega, ma lou puapuaga ma lou mativa, (a ua e tamaoaiga) ma upu faifai a e ua fai mai o Iutaia i latou, a e leai lava, a o le sunako o Satani i latou. Aua e te fefe i mea o le a e 10 tiga ai. Faauta, o le a tuuina atu ni o outou e le tiapolo i le fale puipui, ina ia tofotofoina ai outou; e po agafulu foi e puapuagatia ai outou. Ia e faamaoni seia oo i le oti, ona au avatu ai lea ia te oe le paleālii o le ola. O lē 11 ua i ai se taliga, ina faalogo mai ia o ia i le mea ua fai mai ai le Agaga i ekalesia, "O lē manumalo e le afaina ia i le oti faalua."

Ia e tusi i le agelu a le 12 ekalesia o i Perekamo, O mea ua fai mai ai o lē ua i ai le pelu e faatau maai ona itu. Ua au iloa i au galuega, ma le mea ua e nofo ai, o i ai le nofoālii o Satani, ua e taofi mau foi i lo'u igoa, ma ua e le faafitia i la'u mataupu i ia ona po lava na i ai Anetipa o lo'u molimau faamaoni, sa fasi-

otia na ia te outou; o leo 14 nofo i ai Satani. A ua au iloa ni nai mea ia te oe, ona ua i ai ia te oe o e ua taofi le mataupu a Palaamo, o lē na acao ia Palako e tuu atu i le mailei i luna o sa Isaraela, ona ia aai i mea ua fasia mo tupua ma faitaaga 15 ai. E faapea foi ona ia te oe o e ua taofi i le mataupu a le au Nīkalaitai; o le mea 16 ou te 'ino'ino i ai. Ina e salamo ia; afai e leai, ona au vave alu atu lea ia te oe, ou te tau foi ma i latou i le 17 pelu o lo'u gutu. O lē ua i ai se taliga, ina faalogo mai ia o ia i le mea ua fai mai ai le Agaga i ekalesia; "O lē manumalo ou te avatua ia te ia le māna lilo e 'ai ai, ou te avatu foi ia te ia le maa sinasina, ua tusia foi i le maa le igoa fou, e le iloa e se tasi ua na o le ua maua."

18 Ia e tusi foi i le agelu a le ekalesia o i Tuateira; O mea ua fai mai ai le Atalii o le Atua, o lē e pei o le mumu o le afi ona mata, o ona vae foi e pei o le 'apa 19 susulu; Ua au iloa i au galuega ma lou alofa mai, ma lou auauna mai, ma lou faatuatua ma lou onosai, ma au galuega mulimuli ua sili 20 i au uluai. A ua au iloa ni nai mea ia te oe, ona ua e tuu pea i le fafine o Iesepela ua ta'ua e ia ia o le perofeta fafine; e acao ma faasese i a'u auauna, ona ia faitaaga ai, ma aai i mea ua fasia mo 21 tupua. Ua au tuu atu foi

ni ona aso ia salamo ai i la-  
ma faitaaga, a ua le salamo  
ia. Faauta, o au ou te lafo 22  
ia te ia i le moega, atoa ma  
e na mulilulua ma ia, ina ia  
puapuagateleina, pe afai la-  
tou te le salamo i a latou  
galuega; Ou te faaumatia 23  
foi i ana fanau i le oti; e  
iloa foi e ekalesia uma, o au  
lava o lē suesue i manao ma  
loto; ou te avatua ia te ou-  
tou i mea taitoatasi e tusa  
ma a outou galuega. A ou 24  
te fai atu ia te outou, atoa  
ma isi o i Tuateira, o e ua  
le i ai lenei mataupu, o e ua  
le iloa mea loloto a Satani  
pei ona latou tautala mai,  
Ou te le tuuina atu i se isi  
avega ia te outou. A e pei- 25  
tai o le mea ua ia te outou  
ia outou taofi mau ai, seia  
ou alu atu. “O lē manu- 26  
malo ma tausi i a’u galuega  
seia oo i le gataaga, ou te  
avatua ia te ia e pule i atu-  
nuu; E pule foi ia ia te i 27  
latou i le tootoo uamea, e  
nutipalaina i latou pei o ipu  
a le tufuga fai-ipu omea, e  
pei o au foi ona au maua mai  
lo’u Tamā; Ou te avatua 28  
foi ia te ia o le fetu ao.” O 29  
lē ua i ai se taliga, ina faa-  
logo mai ia o ia i le mea ua  
fai mai ai le Agaga i eka-  
lesia.

### O LE MATAUPU III.

*Ua aoiina le ekalesia o i Sa-  
rateisa ina ia salamo.*

**I**A e tusi foi i le agelu a le 1  
ekalesia o i Sarateisa, O

mea ua fai mai ai o le ua i  
ai Agaga e toafitu o le Atua  
ma fetu e fitu; ua au iloa  
i au galuega, ona ua ta’ua o  
2 oe o lē ola, a ua e oti. Ia  
e leoleo, ma ia e faatumau-  
ina o mea ua totoo o le a  
mate; aua ou te lei iloa i  
au galuega ona atoatoa i  
3 luma o le Atua. O lea foi  
ia e manatu ai i mea ua e  
maua ma e faalogo ai, ma ia  
e taofina ai, ma ia e salamo.  
Afai foi e te le leoleo, ou  
te alu atu ia te oe, e pei o  
se gaioi, e te le iloa foi le  
ituaso ou te alu atu ai ia te  
4 oe. Ua ia te oe ni nai igoa  
foi i Sarateisa, o e na le faa-  
eleelea o latou ofu; latou te  
savavali ma a’u i ofu sisina,  
5 aua ua aoga i latou. “O  
lē manumalo, e faaofuina o  
ia i ofu sisina; ou te le ti-  
neia foi i lona igoa i le lau-  
tusi o le ola, a ou te ta’u  
atu i lona igoa i luma o lo’u  
Tama, ma i luma foi o ana  
6 agelu.” O lē ua i ai se ta-  
liga, ina faalogo mai ia o ia  
i le mea ua fai mai ai le  
Agaga i ekalesia.  
7 Ia e tusi foi i le agelu a le  
ekalesia o i Filatelefeia, O  
mea ua fai mai ai le paia, o  
le faamaoni ia, o le e ana le  
ki a Tavita, o lē na te talā  
e leai lava se na te faamau-  
ina, o lē na te faamauiina foi,  
e leai lava se na te tatala-  
8 ina; Ua au iloa i au galue-  
ga; faauta, ua au tuuina  
atu i ou luma le faitotoa ua  
avanoa, e leai foi se na te  
mafaia ona pupuni i ai;

aua ua ia te oe sina malosī  
 itiiti, ma ua e tausia i la'u  
 upu, ma ua e le faafitia lo'u  
 igoa. Faauta, ou te tuuina 9  
 atu o e o i le sunako o Sa-  
 tani o e o fai mai o lutaia  
 i latou, a e leai lava, a ua  
 pepelo i latou; faaata, ou te  
 taitai ia te i latou ina ia la-  
 tou o atu i ou luma ma ifo  
 atu i ou vae, latou te iloa  
 foi o au ua au alofa atu ia  
 te oe. Ua e tausia i le upu 10  
 o lo'u onosai, o lea foi ou te  
 tausī ai au ia te oe i le itu-  
 aso e tofotofoina ai a oo mai  
 i le lalolagi uma, e tofotofo  
 ai i e o nonofo i le lalolagi.  
 Faauta, ou te vave alu atu; 11  
 ia e taofi mau i le mea ua  
 ia te oe, nei avea e se tasi  
 lou palealii. O lē manu- 12  
 malo, ou te faia lea ma pou-  
 tu i le malumalu o lo'u  
 Atua, e le toe ulu fafo lava  
 ia, ou te tusi foi i ai le suafa  
 o lo'u Atua, o le igoa foi o le  
 aai a lo'u Atua, o le Ieru-  
 salema fou lea e alu ifo na  
 i le lagi mai lo'u Atua, atoa  
 foi ma lo'u igoa fou. O lē 13  
 ua i ai se taliga, ina faalogo  
 mai ia o ia i le mea ua fai  
 mai ai le agaga i ekalesia.  
 Ia e tusi foi i le agelu a 14  
 le ekalesia o i Laotikaia,  
 O mea ua fai mai ai o le  
 Amene, o le molimau moni  
 ma le faamaoni, o le ama-  
 taga o mea na foafoaina e  
 le Atua; Ua au iloa i au ga- 15  
 luega, e te le maalili e te le  
 vevela foi; ou te manao ina  
 ia e maalili, pe ia e vevela;  
 O lenēi ua e faaleogalua, 16

e te le maalili e te le vevela  
 foi, o lea ou te luai atu ai ia  
 17 te oe i lo'u gutu. O lenēi  
 foi, ua e fai mai ou te se  
 maumea, ua faatamaoaiga-  
 ina o au, ou te le mativa fōi  
 i se mea e tasi, ua e le ilea  
 o oe o le malala, ma le pa-  
 gatia, ma le mativa, ma le  
 tauaso, ma le le lavalavā,  
 18 Ou te fai atu ia te oe, ia e  
 faatau atu ia te au le auro  
 ua faamamaina i le afi, ina  
 ia e tamaoaiga ai; ma ofu  
 sisina ina ia e ofu ai, ina  
 ne'i iloa le mā o lou le la-  
 valavā; ma le vai mata e  
 nini ai i ou mata, ina ia e  
 19 pupula ai. O au ou te  
 aoi atu ma sasa i e atoa  
 uma ou te loto i ai; o lenēi  
 ia e vilivilita'i ma ia e sa-  
 20 lamo. Faauta, ou te tu atu  
 i le puipui ma tu'itu'i atu,  
 ai se tasi e faalogo mai i  
 lo'u leo ma tatata mai le  
 puipui, ou te ulufale atu  
 ia te ia, ma te tali sua foi  
 21 ma ia, o ia foi ma au. O  
 lē manumalo, ou te avatua  
 ia te ia ma te nonofo faatasi  
 ma au i lo'u nofoalii, e pei  
 o au foi ona au manumalo  
 ma ma nonofo faatasi ma  
 lo'u Tamā i lona nofoalii.  
 22 O lē ua i ai se taliga ina  
 faalogo mai ia o ia i le mea  
 ua fai mai ai le Agaga i  
 ekalesia.

## O LE MATAUPU IV.

*Ua iloa e Ioane o le nofoālii o  
le Atua o i le lagi.*

**U**A mavae atu ia mea ona 1  
au iloa atu lea, faauta,  
ua avanea le faitotoa i le  
lagi, o le uluai leo foi na  
au faalogo i ai e pei o le  
pu ona tautala mai ia te au,  
ua faapea mai, Ina sau ia i  
luga nei, ou te faaali atu ai  
ia te oe i mea e tusa ona  
tutupu a muli. Ona au i ai 2  
loa lea i le Agaga; faauta  
foi, ua tuu mai le tasi nofo-  
ālii i le lagi, o loo ua tietie  
foi le tasi i le nofoālii; O 3  
le tietie mai foi ua pei o le  
maa iasepi ma le satini lona  
tino mai; ua siosioina foi le  
nofoālii e le nuanua e pei o  
le samarati lona tino mai.  
Ua siosioina foi le nofoālii 4  
e nofoālii e luafulu ma le  
fa; na au iloa o matutua  
e toaluafulu ma le toafa o  
tietie i ia nofoālii, ua oofu  
i ofu sisina; ua i o latou ao  
foi o palealii auro. Ua o 5  
mai o uila ma faititili ma  
leo mai le nofoālii; o tuu-  
gaafi foi e fitu o mumu i  
luma o le nofoālii, o Agaga  
ia e toafitu o le Atua. Ua 6  
i luma foi o le nofoālii le  
tasi moana manino, e pei o  
le tioata: ua i totonu o le  
nofoālii ma ua liolioina le  
nofoālii e mea ola e fa ua  
tutumu i mata i luma atoa  
ma tua. O le mea ola mua- 7  
mua e pei o le leona, o lona  
lua o mea ola e pei o se ta-

mai povi, o lona tolu o mea  
ola e pei o le tagata ona  
mata, o lona fa foi o mea  
ola e pei o le aeto ua lele.

- 8 O mea ola foi e fa e taitasi  
ma ona apaaui e ono, ua faa-  
taaliolio ai, ma ua mata  
atoa i latou i totonu; latou  
te le mapu lava i le ao ma  
le po i le fai atu, “E Paia,  
e Paia, e Paia, le Alii o le  
Atua e ona le malosi uma  
lava, o lē na soifua, o loo  
soifua foi, o le a afio mai.”  
9 Ua vivii ma faaneene ma  
faafetai atu o mea ola i  
le o tietie i le nofoālii o le  
soifua e faavavau e faavavau  
10 lava. Ona ifo ai lea o ma-  
tutua e toaluafulu ma le  
toafa i luma o le tietie i le  
nofoālii, ma tapuai atu i le  
soifua e faavavau e faavavau  
lava, ma lafo i o latou pale-  
alii i luma o le nofoālii, o  
11 loo faapea atu, Le Alii e,  
e tataui lava ia te oe ona e  
talia le viiga ma le faanee-  
neega ma le mana; aua na  
e foafoaina e oe o mea uma  
lava, ona o lou finagalo e i  
ai i latou na foafoaina ai  
foi.

## O LE MATAUPU V.

*O le lautusi ua faamauina i  
faamau faailoga e fitu, e le  
ma fofolaia e se tasi ua na  
o le Alenio lava.*

- 1 **N**A au iloa foi i le aao  
taumatau o lē tietie i  
le nofoālii o le tasi lautusi  
ua tusia i totonu ma le tua,

ua faamanuina i faamaufaa-  
 iloga e fitu. Na au iloa foi 2  
 o le tasi agelu malosi na  
 tala'i atu ma le leo tele, O  
 ai ea e tatau ia te ia ona  
 fofola i le lautusi, ma tatala  
 i ona faamaufaaailoga? A e 3  
 leai se tasi i le lagi, poo le  
 lalolagi, poo lalo o le lalo-  
 lagi, na te mafaia ona fofola  
 i le lautusi, pe vaai i  
 ai. Ona au tagi tele ai lea 4  
 o au, ina ua le maua o se  
 tasi e tatau ia te ia ona fofola  
 i le lautusi, ma faitau i le lautusi,  
 pe vaai i ai. Ona fai mai 5  
 ai lea ia te au o le tasi o le  
 au matutua, Aua e te tagi;  
 faauta, ua malo le Leona o  
 le itu aiga o sa Iutā, o le  
 Pogai o Tavita, e fofola i  
 le lautusi ma tatala i ona  
 faamaufaaailoga e fitu. Na 6  
 au iloa foi, faauta ua tu mai  
 i le va o le nofoālii ma mea  
 ola e fa, e va a'i foi ma le  
 au matutua, o le Alenio e  
 peiseai ua fasia, e fitu ona  
 nifo ma ona mata e fitu, o  
 Agaga ia e toafitu o le Atua  
 ua aauina atu i le lalolagi  
 uma. Ua alu atu ia ma to 7  
 mai i le lautusi nai le aao  
 taumatau o lē tietie i le  
 nofoālii. Ua to mai e ia i 8  
 le lautusi, ona ifo ai lea o  
 mea ola e fa ma matutua e  
 toaluafulu ma le toafā i  
 luma o le Alenio, ua tofu i  
 latou ma le kitara, ma le  
 ipu auro ua tumu i mea  
 manogi, o talosaga ia a le  
 au paia; Ua latou pepese 9  
 foi i le pese fou, ua faapea  
 atu, Ua tatau lava ia te oe

ona e tago i le lautusi, ma  
 tatala i ona faamaufaaailoga;  
 aua na fasia oe, na e faatau-  
 ina foi ia i matou i lou lava  
 toto mo le Atua, mai aiga  
 uma ma gagana eseese ma  
 10 nuu atoa ma atunuu, Ua  
 faia foi e oe o i matou ma  
 tupu ma faitaulaga i le  
 matou Atua; matou te alii  
 11 foi i le lalolagi. Na au  
 iloa ma au faalogo i leo o  
 agelu e toatele, o e ua faa-  
 taaliolio i le nofoālii, ma leo  
 o mea ola e fa atoa ma le  
 au matutua; pe a faitauina  
 i latou ua mano ni mano, ma  
 12 afe ni afe, O loo faapea  
 atu ma le leo tele, Ua  
 tatau lava i le Alenio na fasia  
 ona talia le mana, ma le ōa,  
 ma le poto, ma le malosi, ma  
 le mamalu, ma le viiga, ma le  
 13 manuia. Na au faalogo foi  
 i mea uma na faia o i le lagi  
 ma le lalolagi ma lalo ifo o  
 le lalolagi, ma mea foi o i  
 le sami, atoa ma mea uma o  
 i ai i ia mea, o loo faapea  
 atu, Ia ia te ia o lē tietie i  
 le nofoālii atoa ma le Alenio  
 le manuia ma le mamalu  
 ma le viiga ma le malo e  
 faavavau faavavau lava.  
 14 Ona fai atu lea o mea ola e  
 fa, Amene; ona ifo lea o  
 matutua e toaluafulu ma le  
 toafā ma tapuai atu i lē  
 soifua e faavavau e faa-  
 vavau lava.



## O LE MATAUPU VI.

*O le talaga o faamaufaaailoga  
ma mea e iu ai.*

**N**A au iloa ua tatalaina e 1  
le Alenio o le tasi o  
faamaufaaailoga e fitu, ona  
au faalogo ai lea o le tasi o  
mea ola e fa ua leo i le fai-  
titili ua faapea mai, Sau ia  
ina vaai. Ona au iloa ai 2  
lea, faauta, o le solofanua  
sinasina, ua i ai le aufana i  
loo tietie ai; ua foaiina atu  
foi ia te ia o le palealii, ona  
alu atu lea o ia, o loo manu-  
malo, o le a manumalo pea  
ia. Ua tatalaina foi e ia o 3  
lona lua o faamaufaaailoga,  
ona au faalogo ai lea i lona  
lua o mea ola, o loo faapea  
mai, Sau ia ina vaai. Ua 4  
alu atu le isi solofanua mū-  
mū; ua foaiina atu foi o le  
pule i loo tietie ai na te  
aveeseina le filemu nai le  
lalolagi, a e latou te fefasia'i  
ai; ua foaiina atu foi ia te  
ia o le pelu tele.

Ua tatalaina e ia o lona 5  
tolu o faamaufaaailoga, ona  
au faalogo ai lea i lona tolu  
o mea ola o loo faapea mai,  
Sau ia ina vaai. Ona au  
ilola lea, faauta o le solofanua  
uliuli; ua i le lima o loo  
tietie ai le fua tataua. Na 6  
au faalogo foi i le tasi leo  
mai le va o mea ola e fa ua  
faapea mai, O le tau o fua  
la itiiti o le saito o le tenari  
lea, o le tau o fua la iti e  
tolugafulu o le karite o le  
tenari foi lea; a e aua e te

faaleaga i le suāua ma le  
uaina.

- 7 Ua tatalaina foi e ia o lona  
fa o faamaufaaailoga, ona au  
faalogo ai lea i le leo o lona  
fa o mea ola ua faapea mai,  
8 Sau ia ina vaai. Ona au  
ilola lea, faauta, o le solo-  
fanua samasama, o lē tietie  
ai, o lona igoa o le Oti, o  
loo mulimuli atu foi o Seoli  
ia teia; ua foaiina atu foi  
ia te i lona le pule i lona fa  
o vaega o le lalolagi, e fa-  
siotia i le pelu, ma le oge,  
ma le oti, atoa ma manu  
feai o le fanua.
- 9 Ua tatalaina foi e ia o  
lona lima o faamaufaaailoga,  
ona au ilola lea i lalo ifo o  
le fata faitaulaga o agaga o  
e na fasiotia ona o le afiga  
a le Atua, ma le mau na  
10 latou taofi mau ai, Ua  
latou alalaga ma le leo tele  
ua faapea atu, Le Alii e, le  
paia ma le faamaoni, e te le  
faamasino ea ma totogi i o  
matou toto i e nonofo i le  
11 lalolagi seia afea? Ua foai-  
ina atu ia te i latou taitoa-  
tasi ma ofu sisina, ua ta'u  
atu foi ia te i latou ia latou  
faatataliti e toe itiiti, seia  
atoatoa mai ai o latou uso a  
auauna atoa ma o latou uso,  
o le a fasiotia pei o i latou  
foi.
- 12 Ua tatalaina foi e ia o lona  
ono o faamaufaaailoga, ona  
au ilola lea, faauta o le mafuie  
tele, o le la foi ua liua ua  
uliuli e pei o le ie fulufulu  
leaga, o le masina foi ua  
13 liua e pei o le toto, O fetu

foi o le lagi ua pauu i le lalolagi e pei o le mati ona faatoulaina i ona fua moto pe a luluina e le matagi tetele; Ua mavae atu foi 14 le lagi pei o se lautusi ua taai, o mauga ma motu uma foi ua aveeseina i mea sa i ai latou; O tupu foi o le 15 lalolagi, ma alii sili ma e ua tamaoaiga, ma taitai o 'au e taitoaafe, ma e ua malosi ma pologa uma, atoa ma tama-a-le-elele uma ua latou lalafi i ana ma papa o mauga; Ua latou fai atu 16 foi i mauga ma papa, Mafuli mai ia ia te i matou ma tanuma'i ia te i matou a i fofoga o lē o tietie i le nofoalii, ma le toasa o le Alenio; Aua ua oo mai le 17 aso tele o lona toasa, o ai ea se na te mafaia ona tu atu?

## O LE MATAUPU VII.

*Ua faailogaina o auaua a le Atua.*

U A mavae atu nei mea 1 ona au iloa ai lea o agelu e toafā o tutu mai i itu e fa o le lalolagi, e taofi i matagi e fa o le lalolagi, aua nei agi atu le matagi i le fanua, poo le sami, poo se laau e tasi. Ua au iloa 2 foi le tasi agelu ua ui ae i le mea e alu ae ai le la, ua ia te ia le faamaufaaailoga a le Atua soifua; ua alaga ia ma le leo tele i agelu e toafā, o e na tuuina atu i ai latou te faaleaga i le fanua ma le

3 sami, O loo faapea atu, Aua tou te faaleaga i le fanua, poo le sami, poo laau, seia matou faailogaina i auaua a lo tatou Atua i o 4 latou muauulu. Na au faalogo foi i le faitauina o i latou o e na faailogaina; e tasi le ilu ma le fa o mano ma le fa o afe o itu aiga 5 uma o sa Isaraelā; E tasi le mano ma le lua o afe o e ua faailogaina i le itu aiga o Iuta; e tasi le mano ma le lua o afe o e ua faailogaina i le itu aiga o Reupena; e tasi le mano ma le lua o afe o e ua faailogaina i le itu aiga o Kato; 6 E tasi le mano ma le lua o afe o e ua faailogaina i le itu aiga o Asera; e tasi le mano ma le lua o afe o e ua faailogaina i le itu aiga o Nafatali; e tasi le mano ma le lua o afe o e ua faailogaina i le itu aiga o Ma- 7 nase; E tasi le mano ma le lua o afe o e ua faailogaina i le itu aiga o Simeona; e tasi le mano ma le lua o afe o e ua faailogaina i le itu aiga o Levi; e tasi le mano ma le lua o afe o e ua faailogaina i le itu aiga 8 o Isakara; E tasi le mano ma le lua o afe o e ua faailogaina i le itu aiga o Sepulona; e tasi le mano ma le lua o afe o e ua faailogaina i le itu aiga o Iosefa; e tasi le mano ma le lua o afe o e ua faailogaina i le itu aiga o Peniamina. 9 Ua mavae atu nei mea

ona au iloa lea, faauta, i le motu o tagata e toatele, mai atunuu uma, ma aiga, ma nuu, ma gagana esee, e le ma faitaulaia e se tasi, o loo tutu i luma o le nofoālii ma luma foi o le Alenio, ua oofu i ofu sisina, ua i ai lau pama i o latou lima; Ua 10 latou alalaga foi ma leo te-tele o loo faapea atu, O i ai le faaolataga i lo tatou Atua, o lē tietie i le nofoālii, atoa ma le Alenio. Ua 11 tutu faataaliolio o agelu uma i le nofoālii ma le au matutua ma mea ola e fa, ua latou ifo fāo i luma o le nofoālii, ma tapuai atu i le Atua, O loo faapea atu, 12 Amene; Ia i ai i lo tatou Atua le manuia ma le viiga ma le potu ma le faafetai ma le mamalu ma le mana ma le malosi e faavavau faavavau lava. Amene. Ona fai mai ai lea o le tasi 13 o le au matutua, o loo faapea mai ia te au, O i latou ia e ua oofu i ofu sisina, o ai ea i latou, poo fea foi na latou o mai ai? Ona au 14 faapea atu ai lea ia te ia, Le alii e, ua e silafia e oe. Ona faapea mai ai lea o ia ia te au, O i latou ia e na o mai na i le puapuaga tele, ua ta foi i o latou ofu ma ua faasisina i o latou ofu i le toto o le Alenio. O le 15 mea lea ua latou i luma ai o le nofoālii o le Atua, ua latou tapuai foi ia te ia i lona malumalu i le ao ma le po; o le tietie i le nofo-

16 ālii e mau ma i latou. Latou te le toe fia aai, e le toe fia inu foi, e le ogotia i latou i le la, poo se isi 17 vevela; Auā o le Alenio o loo i luma o le nofoālii na te fafaga ia i latou, ma taitai ia te i latou i puna o vai ola; e soloieseina foi e le Atua, o loimata uma nai o latou mata.

## O LE MATAUPU VIII.

*Ua tatalaina o lona fitu o faamaufaailoga.*

1 **U**A tatalaina foi e ia o lona fitu o faamaufaailoga, ona i ai i le lagi lea o le faalologo poo le vaeluagalemu o le ituaso e tasi. 2 Na au iloa foi o agelu e toafitu e o tutu i luma o le Atua, ua foaiina atu foi ia 3 te i latou o pu e fitu. Ua sau foi le isi agelu, ma tu mai i le fata faitaulaga, ua ia te ia le ipu auro e faamu ai mea manogi; ua foaiina atu ia te ia o mea manogi e tele, ina ia avatu ai atoa ma talosaga a le au paia uma, i luga o le fata auro faitaulaga ua i luma o le 4 nofoālii. O le asu foi o le mea manogi o i le lima o le agelu ua alu ae atoa ma talosaga a le au paia i luma 5 o le Atua. Ua tago foi le agelu i le ipu e faamu ai mea manogi ua faatumu i ai i le afi ai le fata faitaulaga, ua lafo i ai i le lalolagi;

ona i ai lea o leo ma faititili  
ma uila ma le mafuie.

O agelu e toafitu ua i ai 6  
o pu e fitu ua latou sauni-  
uni e ili. Ua ili foi le agelu 7  
muamua i le pu, ona i ai  
lea o le ua-to'a ma le afi ua  
fefiloi ma le toto, ua lafoina  
i le lalolagi; ona susunuina  
ai lea o lona tolu o vaega o  
laau, ma ua susunuina foi o  
vao iti lauolaola uma lava.  
Ua ili foi o lona toalu o 8  
agelu i le pu, ona i ai lea  
peiseai se mauga tele ua  
mu i le afi ua lafoina i le  
sami ma ua liu toto o lona  
tolu o vaega o le sami.  
Ona mamate ai lea o lona 9  
tolu o vaega o mea ola o i  
le sami, atoa ma lona tolu o  
vaega o vaa ua faaumatia.  
Ua ili foi o lona toatolu o 10  
agelu i le pu, ona pa'ū ai  
lea nai le lagi o le fetu tele  
ua mumu e pei o se afi, ma  
ua pa'ū ifo i lona tolu o  
vaega o vaitafe, atoa ma  
puna o vai. Ua ta'ua o le 11  
igoa o le fetu o le Oona;  
ona faaonā ai lea o lona  
tolu o vaega o vai, ua oti  
foi tagata e toatele i vai,  
ina ua faaonāina. Ua ili 12  
foi o lona toafā o agelu i le  
pu, ona taia ai lea o lona  
tolu o vaega o le la, ma  
lona tolu o vaega o le masi-  
na atoa ma lona tolu o vae-  
ga o fetu, ina ia pouliuligia  
o lona taitolu o latou vaega,  
e lei malamalama foi o lona  
tolu o vaega o le ao, ua  
faapea foi ma le po. Na 13  
au iloa, ma au faalogo i le

tasi agelu ua lele i le tau-  
toaiga o le lagi o loo faa-  
pea mai ma le leo tele,  
Aue, aue, aue i e o nonofo  
i le lalolagi, ona o isi iligā-  
pu a agelu e toatolu o le a  
ilia mai.

## O LE MATAUPU IX.

*Ua ilia o pu e lona toatima ma  
lona toaono o agelu.*

- 1 **U**A ili foi o lona toatima  
o agelu i le pu, ona au  
iloa ai lea o le fetu ua pa'ū  
na i le lagi i le lalolagi, ua  
tuuina atu ia te ia o le ki o
- 2 le tō e lē gata, Ua tatala  
foi e ia le tō e lē gata; ona  
alu ae ai lea o le asu ai le tō  
e pei o le asu o se umu tele,  
ua pouliuligia ai o le la ma  
le lagi ona o le asu o le tō.
- 3 Ua o ifo foi o akerisi nai le  
asu i le lalolagi, ua tuuina  
atu ia te i latou le pule e  
pei o le pule a akarava o le
- 4 lalolagi; Ua poloai atu foi  
ia te i latou aua nei latou  
faaleaga i vao iti o le fanua,  
poo se mea lau olaola, poo  
se laau e tasi, tau lava o  
tagata ua le i ai i o latou  
muaulu le faailoga a le
- 5 Atua. Ua tuuina atu ia  
te i latou aua nei fasiotia  
i latou, tau lava ina faati-  
gaina i masina e lima; o  
latou tiga foi e pei o le tiga  
o le tagata pe a tuia e le
- 6 akarava. Ona po ia e saili  
ai e tagata le oti, a e latou  
te le maua; e naunau foi i  
latou ina oti, a e sola ese le

oti ia te i latou. O akerisi 7  
 foi ua tino mai e pei o solo-  
 fanua ua teuteu i le taua, o  
 latou ulu foi ua peiseai ua i  
 ai paleālii auro, ma o latou  
 mata e pei o mata o tagata ;  
 Ua ia te i latou foi o lau- 8  
 ulu e pei o lauulu o fafine ;  
 ma o latou nifo e pei o nifo  
 o leona ; Ua ia te i latou 9  
 foi o ufi-fatafata e pei o ufi-  
 fatafata uamea ; ua pālālū  
 foi o latou apaau e pei o le  
 taalili o nofoafaataavalevale  
 ma solofanua e tele pe a  
 feosofi i le taua. Ua ia te 10  
 i latou o iu e pei o iu o aka-  
 rava, ua i ai foi tui i o latou  
 iu ; ma ua ia te i latou le  
 pule e faaleaga ai tagata i  
 masina e lima. Ua nofo ai 11  
 foi ia te i latou le tupu, o le  
 agelu lea o le tō e lē gata ;  
 o lona igoa i le upu Epelu  
 o Avatonu, a o lona igoa i  
 le upu Eleni o Apoluonu.  
 Ua mavae atu le aue e tasi ; 12  
 faauta, ua totoe o aue e lua  
 e oo mai a muli.

Ua ili foi lona toaono o 13  
 agelu i le pu, ona au faa-  
 logo ai lea i le tasi leo mai  
 nifo e fa o le fata faitau-  
 laga auro o i luma o le  
 Atua, O loo faapea atu i 14  
 lona toaono o agelu ua i ai  
 le pu, Tataia ia agelu e  
 toafa o e ua fusifusia i le  
 vaitafe tele o Eufirate. Ona 15  
 talatalaina ai lea o ia agelu  
 e toafa o e ua saunia i le  
 ituaso, ma le aso, ma le ma-  
 sina, ma le tausaga, ina ia  
 latou fasiotia o lona tolu o  
 vaega o tagata. A faitau- 16

ina o le au fitafita o e ua  
 tietie i solofanua e lua mano  
 o mano ; ua au faalogo foi i  
 17 le faitauina o i latou. E  
 faapea foi ona au iloa o so-  
 lofanua i le li'a, ma e ua tie-  
 tie ai ua i ai ufi-fatafata e  
 pei o le afi ma le uakini ma  
 le teio ; o ulu foi o solofa-  
 nua e pei o ulu o leona, ua  
 o mai mai o latou gutu o le  
 18 afi ma le asu ma le teio. O  
 mea ia e tolu na fasioti ai i  
 lona tolu o vaega o tagata,  
 o le afi ma le asu ma le teio  
 na o mai mai o latou gutu.  
 19 Ua i o latou gutu lo latou  
 malosi ; auā o latou iu e pei  
 o gata ia, ua i ai ulu, o mea  
 foi ia latou te faaleaga ai.  
 20 O tagata foi na totoe o e  
 lei fasiotia i nei mala, latou  
 te lei salamo i galuega a o  
 latou lima, o lo latou tapu-  
 ai i temoni, ma tupua  
 auro ma alio ma 'apa ma  
 maa ma laau, e le mafaia  
 ona vaai pe faalogo, pe sa-  
 21 vavali ; Latou te lei salamo  
 i lo latou fasioti, ma a latou  
 togafiti faataulaaitu, ma a la-  
 tou faitaaga, ma o latou gaioi.

## O LE MATAUPU X.

*O le agelu malosi ma le tusi o  
 i lona lima.*

1 **N**A au iloa atu i le tasi  
 agelu malosi ua ifoifo  
 mai le lagi, ua ofu i le ao,  
 ua i lona ao le nuanua, o  
 ona fofoga foi e pei o le la,  
 o ona vae foi e pei o poutu  
 2 afi ; Ua i lona lima foi o

le tasi tusi itiiti ua fofola ;  
 ua tu lona vae taumatau i le  
 sami, ma lona vae tauaga-  
 vale i le fanua, Ua alaga 3  
 foi ia ma le leo tele, e pei o  
 le leona pe a gu ; ua alaga  
 ia, ona feganavai mai ai lea  
 o faititili e fitu i o latou  
 leo ; Ua feganavai mai i o 4  
 latou leo o faititili e fitu,  
 ona fai lea a o'u tusia ; ona  
 au faalogo ai lea o le tasi  
 leo mai le lagi o loo faapea  
 mai ia te au, Ina faamau ia  
 o na mea na feganavai mai  
 ai o faititili e fitu, aua nei  
 e tusi i ai. O le agelu foi 5  
 na iloa e au ua tu i le sami  
 ma le fanua, ua sii ae e ia o  
 lona lima i le lagi, Ma ua 6  
 tauto i lē o soifua e faava-  
 vau faavavau lava, o lē na  
 faia le lagi ma mea o i ai,  
 ma le sami ma mea o i ai,  
 ma le fanua ma mea o i ai,  
 e leai se toe augāpo ; A e 7  
 a oo i ia ona po o le leo o  
 lona toafitu o agelu, pe a  
 ilia e ia le pu, e taunuu ai  
 le mea lilo a le Atua, e pei  
 ona faaalua e ia o le tala  
 lelei i ana auauna o le au  
 perofeta.

O le leo foi na au faalo- 8  
 go ai mai le lagi, ua toe  
 tautala mai ia te au ma ua  
 faapea mai, Alu ia, ina  
 tago i le lautusi itiiti ua  
 fofola o i le lima o le agelu  
 o loo tu i le sami ma le fa-  
 nua. Ona au alu ai lea i 9  
 le agelu ma au fai atu ia te  
 ia, Au mai ia te au le lau-  
 tusi itiiti. Ona faapea mai  
 ai lea o ia ia te au, Ina tago

ia i ai, ma e 'aina ; e faaonā  
 e ia o lou manava, a e sua  
 malie i lou gutu e pei o le  
 10 meli. Ona au tago ai lea o  
 le lautusi itiiti nai le lima o  
 le agelu, ma au 'aina ai ;  
 ona sua malie ai lea i lo'u  
 gutu e pei o le meli ; ua  
 uma ona au 'ai ona onā ai  
 11 lea o lo'u manava. Ona  
 faapea mai ai lea o ia ia te  
 au, E tusa ona e toe vavalo  
 i nuu ma atunuu ma gagana  
 eseese, ma tupu e toatele.

## O LE MATAUPU XI.

*Ua vavalo mai o molimau e  
 toalua.*

1 **U**A foaiina mai ia te au o  
 le u e pei o se tootoo ;  
 ua tu mai foi o le agelu, o  
 loo faapea mai, Tulai ia,  
 ina fua i le malumalu o le  
 Atua ma le fata-faitaulaga  
 2 ma e o tapuai i ai ; A o  
 le lotoā aupito i fafo o le  
 malumalu, tuu atu lea i tua,  
 aua nei e fuaina ia, auā ua  
 tuuina atu i nuu ese ; latou  
 te solia foi le aai paia i ma-  
 sina e fagafulu ma le lua.  
 3 Ou te tuuina atu foi i a'u  
 molimau e toalua, la te va-  
 valo ai i aso e tasi le afe  
 ma lua o selau ma le ono-  
 gafulu, o oofu i ie leaga.  
 4 O laau olive ia e lua, ma  
 tuugaafi e lua ua tutu i  
 luma o le Atua o le lalolagi,  
 5 Afai foi e fafaaleaga se  
 tasi ia te i laua, ona alu atu  
 ai lea o le afi ai o la gutu,  
 e faaumatia ai o e ua fai

laua mo latou fili, afai foi e  
fiafaaleaga se tasi ia te i  
laua, e tusa ona faapea ona  
fasiotia o ia. Ua ia te i 6  
laua le pule e pupuni i le  
lagi, ina nei to ifo o se ua i  
aso o a la valoaga; ua i ai  
foi le pule i vai e liu ai ma  
toto, e ta foi i le lalolagi i  
mala uma, o lo la faitalia  
pe atu fia. Pe a la faauma 7  
i la la mau, ona alu ae ai  
lea o le manu feai na i le tō  
e lē gata, e aii i le taua ia  
te i laua, e manumalo foi ia  
ia te i laua, ma fasioti ia te  
i laua. O la tino foi ua i 8  
le malae o le aai tele, o lona  
igoa faa-le-agaga, o Sotoma  
ma Aikupito, o le mea foi  
na faasatauroina ai o lo  
tatou Alii. E tolu aso ma 9  
le vaeluagalemu o le aso e  
fa a'i e vaavaai ai i o la  
tino o nisi mai nuu ma aiga  
ma gagana esee se ma atu-  
nuu, a e latou te le mafafai  
foi ona tuuina atu o la tino  
i tuugamau. E fiafia foi e 10  
o nonofo i le lalolagi ona o  
i laua, ma olioli; ma fe-  
avea'i i mea alofa, auā na  
faatigaina o e o nonofo i le  
lalolagi e ia perofeta e toa-  
lua. Ua mavae aso e tolu 11  
ma le vaeluagalemu o le aso  
e fa a'i, ona uluitinoina ai  
lea o i laua e le agaga ola  
mai le Atua, ona la tutū i  
luga ai lea i o la vae, ona  
o ai lea le mata'u tele i e  
na matamata ia te i laua.  
Ua la faalogo i le leo tele 12  
mai le lagi ua faapea atu ia  
te i laua, Ina o mai ia i

luga nei. Ona la o ae ai  
lea i le lagi i le ao, ua ma-  
tamata foi ia te i laua o e  
13 na fai laua mo latou fili. O  
le ituaso lea na to ai le ma-  
fuie tele, ua pa'ū ai foi o  
lona sefulu o vaega o le aai,  
ua oti foi i le mafuie tagata  
e toasitugaafe; ua matatau  
foi o e na totoe, ona latou  
vivii atu lea i le Atua o  
14 le lagi. Ua mavae atu o  
lona lua o aue; faauta, o  
lona tolu o aue e vave ona  
oo mai.  
15 Ua ili foi o lona toafitu o  
agelu i le pu, ona i ai lea  
i le lagi o leo tetele ua faa-  
pea atu, O malo o le lalo-  
lagi ua avea mo lo tatou  
Alii ma lona Mesia, e nofo  
foi o ia i le malo e faavavau  
16 faavavau lava. O matutua  
foi e toaluafulu ma le toafa, o  
e nonofo i o latou nofoālii i  
luma o le Atua ua ifo fāō,  
17 ma tapuai i le Atua. Ua  
faapea atu, Le Alii e, o le  
Atua, e ona le malosi uma  
lava, ua matou faafetai atu  
ia te oe, o lē soifua, o lē  
na soifua o le a afio mai foi,  
ina ua e fai mo oe lou mana  
tele ma e nofo i le malo.  
18 Ua ita foi o atunuū, ua oo  
mai lou toasa, ma le tau foi  
e faamasinoina ai o e ua oti,  
ma tau i ai i āu auaua o le  
au perofeta, ma le au paia,  
ma e ua matatau i lou su-  
afa, o tagatānuu atoa ma  
alii, e faaumatiā ai foi o e  
na faaleaga i le lalolagi.  
19 Ua avanoa foi le malu-  
malu o le Atua i le lagi;

ona iloa mai ai lea o le ato laau o lana feagaiga i lona malumalu; ona i ai lea o uila, ma leo, ma faititili, ma le mafuie, ma le ua-to'a te-tele.

## O LE MATAUPU XII.

*O le fafine na ofu i le la.*

**U**A iloa foi o le tasi faai-1 loga tele i le lagi, o le fafine ua ofu i le la, o i lalo ona vae le masina, o i lona ulu foi le paleālii fetu e sefulu ma le lua; Ua to foi 2 ia; ua faatiga ma oi i le tiga a fanau. Ua iloa foi o 3 le isi faailoga i le lagi, faauta foi o le tarako tele e mumu, e fitu ona ulu ma ona nifo e sefulu; ua i ai i ona ulu o paleālii e fitu. Ua toso e lona iu i lona tolu 4 o vaega o fetu o i le lagi, ma lafo ifo ia i latou i le lalolagi. Ua tu foi le tarako i luma o le fafine o le a fanau, ina ia foloina e ia o lana tama pe a fanau. Ua 5 fanau foi e ia o le tama tane, o lē na te pule i atunuu uma i le tootoo uamea; ua segia ae o lana tama i le Atua i lona nofoālii. Ona sola lea 6 o le fafine i le vao tuufua, o i ai le mea ua saunia e le Atua, e nofo ai ia, ina ia latou fafaga ia te ia i ai i aso e tasi le afe ma le lua o selau ma le onogafulu.

Ua i ai foi i le lagi le 7 taua; o Mikaeli ma ana agelu ua latou tau ma le ta-

rako, ua 'au foi le tarako ma ana agelu e tau ai le 8 taua, A ua latou le manu-malo, e le toe maua foi i le lagi se mea latou te nonofo 9 ai, Ua tuleia foi le tarako tele, o le gata tuai lea, ua ta'ua o le Tiapolo, i le ma Satani, o lē faasese i le lalolagi uma; ua tulei i le lalolagi, ua tuleia foi o ana 10 agelu faatasi ma ia. Na au faalogo foi i le leo tele i le lagi ua faapea, Ona po nei ua oo mai ai le olataga ma le mana ma le malo o lo tatou Atua, ma le pule a lona mesia; auā ua tuleia o lē tuua'i i o tatou uso, o lē na tuua'i ia te i latou i luma o lo tatou Atua i le ao ma 11 le po. A ua latou manu-malo ia te ia ona o le toto o le Alenio, ona o le upu foi a la latou mau, ua latou le faapelepeleina lo latou ola 12 e oo i le oti. O le mea lea ia outou olioli ai, o lagi atoa ma e o nonofo ai. Aue i e nonofo i le fanua ma le sami, aua ua alu ifo ia te outou le tiapolo ua i ai le lotōa tele, auā ua na iloa ua saasaa 13 ona po. Ua iloa e le tarako, ua tuleia o ia i le lalolagi, ona faasaua lea o ia i le fafine na na fanaua le tama 14 tane. Ua foaiina atu i le fafine o apaaui e lua o le aeto tele, ina ia lele ai o ia ai luma o le gata i le vao tuufua i le mea e nofo ai ia, e fafagaina o ia i ai i le tausaga, ma tausaga, ma lona vaeluagalemu o le tausaga.



Ua faalua i atu foi le gata i 15  
le vai na i lona gutu i tua o  
le fafine, e pei o se vaitafe  
ina ia tafeaeseina o ia i le  
vai. Ona fesoasoani ai lea 16  
o le fanua i le fafine ua  
faamaga ae o le fanua i lona  
gutu, ma ua inu i le vaitafe  
ua luai atu ai le tarako nai  
lona gutu. Ua ita foi le 17  
tarako i le fafine, ona alu  
atu ai lea o ia e fai le taua  
ma e o totoe o lana fanau,  
o e ua tausi i poloaiga a le  
Atua, ma ua taofi le mau ia  
Iesu Keriso.

## O LE MATAUPU XIII.

*Ua alu ae i le moana le manu  
- e fitu ona ulu ma ona nifo e  
sefulu.*

U A au tu i le oneone i le 1  
matafaga; ona au iloa  
ai lea o le manu feai ua alu  
ae na i le moana, ua i ai ulu  
e fitu ma ona nifo e sefulu;  
ua i ona nifo foi o palealii e  
sefulu, ua i ona ulu foi o le  
igoa faifai. O le manu feai 2  
foi na au iloa e pei o le  
nameli, o ona vae foi e pei  
o le urosa, ma lona gutu e  
pei o le gutu o le leona.  
Ua tuuina atu foi ia te ia e  
le tarako o lona malosai, ma  
lona nofoalii ma le pule aoao.  
Na au iloa foi le tasi o ona 3  
ulu e peiseai ua foa a mate;  
a o lona foa foi na fai a mate  
ai ua mafu, ona ofo ai lea o  
le lalolagi ma mulimuli atu  
i le manu feai. Ua latou 4  
tapuai foi i le tarako ina ua

tuuina atu e ia o le pule i le  
manu feai, ua latou tapuai  
foi i le manu feai, ua faapea  
atu, O ai se tusa ma le manu  
feai? O ai foi se na te  
mafaia ona tau ma ia?

5 Ua foaiina atu foi ia te  
ia le gutu e tautala ai i  
upu e tetele ma upu faifai;  
ua tuuina atu foi ia te ia le  
pule e fai ai le taua i ma-  
sina e fagafulu ma le lua.

6 Ona tautala lea o ia ma faifai  
i le Atua, ua ia faifai foi i  
lona suafa, ma lona fale,  
atoa ma e ua nonofo i le

7 lagi. Ua tuuina atu foi ia  
te ia e fai le taua ma le au  
paia, ma ia manumalo ia te  
i latou; ua tuuina atu foi  
ia te ia e pule i aiga uma ma  
gagana eseese ma atunuu.

8 Ua tapuai foi ia te ia o e ua  
nonofo uma i le lalolagi, e  
lei tusia o latou igoa i le  
lautusi o le ola a le Alenio  
na fasia talu le foafoaga o le

9 lalolagi. Ai se tasi ua i ai  
se taliga, ina faalogo mai ia

10 o ia. Ai se na te taitai i  
le faaifoga, e alu foi ia ma  
faaifoga; ai se na te fasiotia  
i le pelu, e tusa foi ona  
fasiotia o ia i le pelu. O  
i le onosai lenai ma le faa-  
tuatua o le au paia.

11 Na au iloa foi o le tasi  
manu feai ua alu ae ai le  
fanua, ua i ai foi ona nifo e  
lua pei o nifo o se tamai  
mamoe, a ua tautala ia pei  
12 o se tarako. Ua fai foi ia  
le pule uma a le uluai manu  
feai i ona luma; ma ua faa-  
tapuai e ia o le lalolagi ma

e ua nonofo ai i le uluai manu feai, na mafu lona foa na fai a mate ai; Ua faia 13 foi e ia o faailoga tetele, ina ua faapa'ū ifo foi e ia o le afi mai le lagi i le lalolagi i luma o tagata. Ua 14 ia faasese foi i e ua nonofo i le lalolagi ona o ia faailoga ua tuuina atu ia te ia na te faia i luma o le manu feai, o loo fai atu ia i e ua nonofo i le lalolagi latou te faia se faatusa o le manu feai e ona le foa i le pelu'a ua ola. Ua tuuina atu ia 15 te ia na te avatua le mānava i le faatusa o le manu feai, ina ia tantala le faatusa o le manu feai, ma faaoo foi le oti o e ua le tapuai uma lava i le faatusa o le manu feai. Ua fai foi e ia i ta- 16 gata uma o tagatanuu atoa ma alii, o e mauoa ma e matitiva, o e saoloto ma e pologa, ina ia faailogaina i latou i o latou lima taumatau, poo o latou muāulu. Ina ia le mafaia ona faatau 17 mai pe faatau atu e se tasi, tau lava o e ua i ai le faailoga, poo le igoa o le manu feai poo le tau o lona igoa. O lenei lava le potō. O le 18 ua i ai le mafaufau ina faatau ia o ia i le tau o le manu feai; aua o le tau lea e le tagata; o lona tau foi, E ono selau ma le ono gafulu ma le ono.

## O LE MATAUPU XIV.

*Ua tu mai le Alenio i le mauga o Siona atoa ma e ua i o latou muāulu le suafa o lona Tama.*

- 1 **N**A au iloa, faauta foi, ua tu mai le Alenio i le mauga o Siona, ua faatasi foi ma ia o tagata e tasi le ilu ma le fa o mano ma le fa o afe, ua tusia foi le suafa o lona Tamā i o latou muāulu. Ua au faalogo foi le leo mai le lagi e pei o le taalili o vaitafe e tele, e pei o le taalili foi o le faititili tetele; ua au faalogo foi i le leo o e o ta kitara o loo ta i a
- 2 latou kitara. Ua latou pe-pese peiseai se pese fou i luma o le nofoālī, ma luma o mea ola e fa ma le au matutua; e le mafaia foi e se tasi ona faaaoao i lea pese, tau lava o le ilu ma le fa o mano ma le fa o afe, o e ua faatauina nai le lalo-
- 3 lagi. O tagata ia e lei faaleagaina i fafine; auā o tau-pou i latou. O i latou ia o e ua mulimuli atu i le Alenio i mea uma e alu i ai o ia. O i latou ia o e ua faatauina nai tagata o e ua faapolopoloina mo le Atua
- 4 ma le Alenio; E le iloa foi se pepelo i o latou gutu; aua e le matauleagaina i latou i luma o le nofoālī o le Atua.
- 5 **N**a au iloa foi le tasi agelu o loo lele i le taulotoliga o le lagi, ua ia te ia le tala lelei faavavau e tala

atu i e o nonofo i le lalolagi  
 i atunuu uma, ma aiga, ma  
 gagana eseese, ma nuu, Ua 7  
 faapea atu ma le leo tele,  
 Ia outou matatau i le Atua,  
 ma vivii atu ia te ia, auā ua  
 oo mai le ituaso o lana faa-  
 masinoga; ma ia outou ta-  
 puai i lē na faia le lagi, ma  
 le fanua, ma le sami, atoa  
 ma puna o vai. Ona muli- 8  
 mauli atu ai lea o le isi  
 agelu, ua faapea atu, Ua  
 pa'ū, ua pa'ū Papelonia o  
 le aai tele, auā ua ia faainu  
 i nuu uma i le uaina o le  
 toasa i ana faitaaga. Ona 9  
 mulimuli atu ai lea ia te i  
 laua o lona toatolu o agelu,  
 ua faapea atu ma le leo tele,  
 Ai se tasi e tapuai i le ma-  
 nu feai ma lona faatusa, ma  
 talia le faailoga i lona mi-  
 āulu poo lona lima, E i'u 10  
 lava ia i le uaina o le toasa  
 o le Atua, na liligiina atu  
 e le filogia i le ipu o lona  
 toasa, e tiga foi ia i le afi  
 ma le teio i luma o le au  
 agelu paia ma luma o le  
 Alenio; O le asu foi o 11  
 lo latou puapuaga e alu ae  
 e faavavau faavavau lava;  
 latou te le maua se filemu  
 i le ao ma le po o e ua ta-  
 puai i le manu feai ma lona  
 faatusa, ai se talia foi le  
 faailoga o lona igoa. O 12  
 lenei le onosai o le au paia;  
 o e ua tausī i poloaiga a le  
 Atua ma le faatuatua ia  
 Iesu. Na au faalogo foi le 13  
 leo mai le lagi ua faapea  
 mai ia te au, Ia e tusi,  
 Amuia o e ua oti, o e ua

oti i le Alii e amata ai nei.  
 O lea lava, ua fetalai mai  
 le Agaga, ina ua latou ma-  
 lolo ai a latou galuega; o  
 a latou galuega foi e muli-  
 muli ia te i latou.

14 Na au iloa, faauta foi, o  
 le ao sinasina, ua tietie foi  
 i le ao le tasi ua pei o le  
 Atalii o le tagata, ua i lona  
 ao le paleālii auro, ua i lona  
 aao foi o le selesaito maai.

15 Ua alu atu foi le tasi agelu  
 nai le malumalu, ua alaga  
 ma le leo tele i le ua tietie  
 i le ao, Ina tuu atu ia lau  
 selesaito ina sele, aua ua oo  
 i le tau o le seleselega, auā  
 ua afu le seleselega o le

16 lalolagi. Ua tuu mai lē ua  
 tietie i le ao lana selesaito  
 i le lalolagi, ona seleseleina  
 ai lea o le lalolagi.

17 Na alu atu foi le isi agelu  
 nai le malumalu o i le lagi,  
 ua ia te ia foi le selesaito

18 maai. O le tasi agelu foi  
 ua alu atu mai le fata-fai-  
 taulaga, ua ia te ia le pule  
 i le afi, ua alaga foi ia ma  
 le leo tele i lē ua i ai le  
 selesaito maai, ua faapea  
 atu, Ina tuu atu ia lau  
 selesaito maai ina sele i  
 fuifui vine o le vine o le  
 lalolagi, auā ua otata ona

19 fuifui vine. Ona tuu mai  
 ai lea o le agelu i lana sele-  
 saito i le lalolagi, ua sele  
 foi ia i le vine o le lalolagi,  
 ua ia lafo atu foi i totonu o  
 le soligā-vine tele o le toasa

20 o le Atua. Ua solia foi le  
 soligā-vine i tua o le aai, ua  
 alu foi le toto nai le soligā-

vine e oo i faau taofi o solo-  
fanua, e tasi le afe ma le  
ono o selau o setatio lona  
mamao.

## O LE MATAUPU XV.

*O agelu e toafitu ua i ai mala  
e fitu e faauma ai.*

**N**A au iloa foi i le lagi <sup>1</sup>  
le tasi faailoga tele e  
ofo ai, o agelu e toafitu ua  
i ai mala e fitu e faauma ai,  
aia e faaiuina ia te i latou  
le toasa o le Atua. Na au <sup>2</sup>  
iloa foi ua pei o le sami  
tioata ua fefiloi ma le afi, o  
i latou foi na manumalo i le  
manu feai, ma lona faatusa,  
ma lona faailoga, ma le  
faitau o lona igoa, ua tutu  
i latou i le sami tioata, ua  
ia te i latou kitara o le Atua.  
Ua latou pepese i le pese a <sup>3</sup>  
Mose le auauna a le Atua,  
ma le pese a le Alenio, ua  
faapea atu, Le Alii e, le  
Atua e, ona le malosi uma  
lava, ua tetele au galuega  
e ofo ai; e tonu ma faa-  
maoni o ou ala, le Tupu o  
le au paia e. Le Alii e, o <sup>4</sup>  
ai se le mata'u ia te oe, ma  
vivi atu i lou suafa? auā  
ua na o oe e lelei; aua e o  
atu nuu uma lava ma tapuai  
i ou luma; aua ua faaalua o  
au sauniga tonu.

Ua mavae o nei mea ona <sup>5</sup>  
au iloa lea, faauta foi, ua  
avanoa le malumalu o i le  
fale fetafai o i ai le mau i  
le lagi; Ua o atu foi nai <sup>6</sup>  
le malumalu o agelu e

toafitu, ua i ai o ia mala  
fitu, ua latou oofu i ie mama  
ma le sinasina, ua fusia  
o latou fatafata i fusi auro.  
<sup>7</sup> O le tasi foi o mea ola e  
fa ua avatu i agelu e toafitu  
o ipu auro e fitu ua tutumu  
i le toasa o le Atua le soifua  
e faavavau faavavau lava.  
<sup>8</sup> Ua tumu foi le malumalu  
i le asu nai le mamalu o le  
Atua ma lona mana; e le  
mafaia foi e se tasi ona 'ulu  
atu i le malumalu seia faa-  
iuina o mala e fitu a agelu  
e toafitu.

## O LE MATAUPU XVI.

*Ua faamaligiina e agelu e  
toafitu o a latou ipu ua tu-  
tumu i le toasa o le Atua.*

<sup>1</sup> **N**A au faalogo foi i le  
leo tele mai le malu-  
malu ua faapea atu i agelu  
e toafitu, Ina o ia, ina liligi  
ia o ipu o le toasa o le Atua  
<sup>2</sup> i le lalolagi. Ona alu atu  
lea o le muamua ua liligi  
ifo lana ipu i le fanua; ona  
oo lea o le papala leaga e  
malaia ai tagata ua i ai le  
faailoga o le manu feai,  
atoa e tapuai i lona faatusa.  
<sup>3</sup> Ua liligi foi o lona toalua o  
agelu i lana ipu i le sami;  
ona liu toto lea ua pei o le  
oti; ona mamate ai lea o  
mea ola uma o i le sami.  
<sup>4</sup> Ua liligi foi o lona toatolu  
o agelu i lana ipu i vaitafe  
ma puna o vai; ona liu  
<sup>5</sup> toto ai lea. Na au faalogo  
foi i le agelu o vai ua faa-

Le Alii e, o le  
 o le soifua o lē na  
 ma le o lelei; aua na  
 ona e faaoo o le  
 sala. Aua na latou faama- 6  
 ligiina atu le toto o tagata  
 paia ma perofeta, ua e avatu  
 ia te i latou le toto e inu  
 ai; auā ua tatau ia te i  
 latou. Na au faalogo foi i 7  
 le tasi mai le fata faitau-  
 laga ua faapea atu, E moni,  
 le Alii e, le Atua e ona le  
 malosi uma lava, e faama-  
 oni e tonu foi o au faamasi-  
 noga. Ua liligi foi o lona 8  
 toafa o agelu i lana ipu i le  
 la; ua tuuina atu ia te ia e  
 faamu i tagata i le afi;  
 Ua faamuina foi tagata i le 9  
 mu tele, ua latou faifai foi i  
 le suafa o le Atua e ana le  
 pule i ia mala, ua le salamo  
 foi i latou e avatu ai le  
 viiiga ia te ia.

Ua liligi foi o lona toali- 10  
 ma o agelu i lana ipu i le  
 nofoālii o le manu feai;  
 ona pouliuligia lea o lona  
 malo; ua latou tafeati i o  
 latou laulaufaiva ona o le  
 puapuaga. Ua latou faifai 11  
 foi i le Atua o le lagi ona o  
 latou puapuaga ma o latou  
 papala, ua le salamo foi i  
 latou i a latou amio. Ua 12  
 liligi foi o lona toaono o  
 agelu i lana ipu i le vaitafe  
 tele o Eufrate; ona gase  
 ai lea o lona vai, ina ia teu-  
 teuina le ala o tupu mai  
 nuu e alu ae ai le la. Ona 13  
 au iloa ai lea o agaga leaga  
 e toatolu e pei o rane mai  
 le gutu foi o le tarako, mai

le gutu foi o le manu feai,  
 ma le gutu foi o le perofeta  
 14 pepelo; Aua o agaga ia o  
 temoni e fai faailoga, ua o  
 atu i tupu o le lalolagi uma,  
 e faapotopoto ia te i latou i  
 le taua o lea aso tele o le  
 Atua e ona le malosi uma  
 15 lava. Faauta, ou te alu  
 atu pei o se gaosi; amuia o  
 lē mataala, ma tausi i ona  
 ofa, ina nei savali ia e lē  
 lāvalavā, nei latou iloa foi  
 16 o lona ma. Na ia faapoto-  
 poto foi ia te i latou i le  
 mea ua ta'ua i le upu Epelu  
 17 o Amaketo. Ua liligi foi  
 o lona toafitu o agelu i lana  
 ipu i le va nimonimo; ona  
 tulei mai ai lea o le siufo-  
 foga tele mai le malumalu  
 o i le lagi mai le nofoālii,  
 18 ua faapea mai, Ua uma  
 ona fai. Ona i ai lea o leo  
 ma faititili ma uila, ma le  
 mafuie tele, e leai se mafuie  
 e faapea ona tele talu ona o  
 19 i le lalolagi o tagata. Ua  
 vaetoluina foi le aai tele,  
 ua pauu foi o aai o atunuu;  
 ua faamanatuina o Papelo-  
 nia le aai tele i luma o le  
 Atua, ina ia tuuina atu ia  
 te ia o le ipu o le uaina o  
 20 lona toasa mamafa. Ua  
 sosola foi o motu uma, o  
 21 mauga foi ua le iloa. Ua  
 to mai foi le uato'a la tetele  
 ai le lagi i luga o tagata e  
 pei o le taleni ona mamafa;  
 ona faifai ai lea o tagata i  
 le Atua ona o le mala o le  
 uato'a, aua ua matuā tele ai  
 le mala.

## O LE MATAUPU XVII.

*O le fafine ua tietie i le manu  
feai, e fitu ona ulu, ma ona  
nifo e sefulu.*

U A maliu mai foi o le 1  
tasi o agelu e toafitu  
ua i ai ipu e fitu, ua fetalai  
mai ia te au, ua faapea mai  
ia te au, Sau ia, ou te faai-  
loa ia te oe o le faasala o  
le fafine faitaaga tele, o lē  
nifo i vai e tele; Ua faita- 2  
aga ma ia o tupu o le lalo-  
lagi, ua onā foi o e nonofo  
i le lalolagi i le uaina o  
lana faitaaga. Ua ia taitai 3  
foi ia te au i le vao tuufua  
i le Agaga; ona au iloa lea  
o le fafine ua tietie i le ma-  
nu feai lanu mūmū, ua lilo i  
igoa faifai, e fitu ona ulu  
ma ona nifo e sefulu. Ua 4  
ofu le fafine i le ie pāuli  
ma le mūmū, ua teteu foi i  
le auro ma maa taugata ma  
ute-tifa, ua i lona lima le  
ipu auro ua tumu i mea soe-  
sa ma le elelea o lana fai-  
taaga, Ua tusia foi i lona 5  
muāulu le igoa, O LE MEA  
LILO, PAPELONIA LE aai  
TELE, O LE TINA O FAFINE  
FAITAAGA MA SOESA O LE  
LALOLAGI. Na au iloa foi 6  
o le fafine ua onā i le toto  
o le au paia ma le toto o e  
na molimau ia Iesu; ua au  
iloa atu ia te ia, ona au ofo  
ai lea i le ofo tele.

Ona fai mai lea o le age- 7  
lu ia te au, Se a le mea e

te ofo ai? Ou te ta'u atu  
ia te oe le uiga lilo o le  
fafine, ma le manu feai ua  
ia tietie ai, e fitu ona ulu  
8 ma ona nifo e sefulu. O le  
manu feai na e iloa, sa ola,  
o loo lē ola foi, o le a alu  
ae ia ai le tō e lē gata, e  
alu atu foi ia i le malaia; o  
e nonofo i le lalolagi (e lei  
tusia o latou igoa i le lau-  
tusi e le ola talu le foafoaga  
o le lalolagi,) latou te tau-  
faiofo, pe a iloa le manu  
feai sa ola, o loo lē ola foi,  
9 a e ola nei foi. O lenei le  
atamai e ona le pote. O  
ulu e fitu o mauga ia e fitu,  
10 ua nifo ai le fafine, O tupu  
foi e toafitu; e toalima ua  
pauu, o loo i ai le tasi, e lei  
oo mai nei foi le isi; pe a  
oo mai e tusa ona saasaa  
11 ona po e tumau ai. O le  
manu feai foi sa ola, o loo  
lē ola foi, o lona toavalu  
lea, nai le toafitu foi ia, e  
12 alu atu foi ia i le malaia. O  
nifo foi e sefulu na e iloa, o  
tupu ia e toasefulu, ua le  
oo ina latou nonofo i le  
malo, a e maua e i latou le  
pule pei o tupu o le ituaso  
e tasi faatasi ma le manu  
13 feai. Ua loto gatasi i latou  
nei, latou te avatu o latou  
malosi ma a latou pule i le  
14 manu feai. Latou te tau  
le taua ma le Alenio, a e  
manumalo le Alenio ia te i  
latou, auā o le Alii ia o  
alii ma le Tupu o tupu, o e  
ua ia te ia ua togia i latou  
ma filifilia ma faamaoni.  
15 Ona fai mai lea o ia ia te

au, O vai na e iloa, o loo tietie ai le fafine faitaaga, o nuu ia ma motu o tagata, ma atunuu ma gagana eseese. O nifo foi e sefulu 16 na e iloa i le manu feai latou te 'ino'ino i le fafine faitaaga, ma faasaunoa ma faatelenoa ia te ia, latou te aai foi i lona tino, ma susunu ia te ia i le afi. Auā ua 17 tuuina atu e le Atua i o latou loto ia fai i lona finagalo, latou te loto gatasi, ma avatu i lo latou malo mo le manu feai, seia taunuu upu a le Atua. O le fafine 18 foi na e iloa, o le aai tele lea, e i ai le pule i tupu uma o le lalolagi.

### O LE MATAUPU XVIII.

*Ua pa'ū Papelonía; ua olioli ai le au paia.*

U A mavae ia mea ona au 1 iloa atu lea o le agelu o loo alu ifo i le lagi, ua ia te ia le pule sili; ua malamalama foi le lalolagi i lona pupula. Ua matua 2 alaga foi ia ma le leo tele, ua faapea atu, Ua pa'ū, ua pa'ū Papelonía le aai tele, ua avea foi ia ma nofoaga o temoni, ma mea e mau ai o agaga leaga uma, ma mea e mau ai foi manu felelei leaga uma ma le inosia; Auā ua feinu nuu 3 uma i le uaina o le toasa o lana faitaaga, ua faitaaga foi ma ia o tupu o

le lalolagi, o le faulaiga foi o ana mea ua tamaoaiga ai o e ua faatau oa o i le lalolagi.

4 Na au faalogo foi i le isi leo mai le lagi, ua faapea mai, Lou nuu e, ia outou o ese ia a i ia te ia, ina nei faatasia outou i ana agasala, ina nei tofusua foi outou i

5 ona mala; Auā ua o gatasi ana agasala ma ia e oo i le lagi, ua faamanatuina foi e le Atua o ana amio le

6 tonu. Ia outou tuuina atu ia te ia ia pei ona tuuina mai e ia ia te outou, ia outou tofogi faalua ia te ia i ana galuega; o le ipu foi na palu fefiloi mai ai e ia, ia outou palu fefiloi faalua-

7 ina atu ai ia te ia. E pei ona faamaualuga e ia ia ia ma ona sōlo lelei, ia faapea ona outou tuuina atu ia te ia o puapuaga ma le faanoanoa. Auā ua faapea ifo ia i lona loto, Ou te nofo nei o se tupu, ou te lē se fafine foi ua oti le tane, ou te le

8 iloa lava se faanoanoa, O le mea lea e oo mai ai i le aso e tasi ona mala o le oti ma le faanoanoa ma le oge; e susunuina foi i le afi; aua e malosi lava o le Alii le Atua na te faasala ia te ia.

9 O tupu foi o le lalolagi e na faitaaga ma sōlo lelei faatasi ma ia, latou te taufaiane ma taufaitagitu'i ona o ia, pe a latou iloa le asu

10 o lona susunuina, E tutū mamao i latou ona o le fefe i lona puapuaga, ma faapea

atu, Aue, aue Papelonía e, le aai tele ma le aai malosi, aua o le ituaso e tasi ua oo mai ai lou faasala. O e 11 faatau oa i le lalolagi e tau-faitagi i latou ma faanoanoa ona o ia, aua e le toe faatau e se tasi i a latou oloa, O 12 le oloa auro, ma alio, ma maa taugata, ma ute-tifa, ma ie laualala, ma ie pāuli, ma le ie silika, ma le ie mūmū, ma laau tuina uma, ma ipu nifo elefane uma, ma ipu laau matuā taugata uma, ma le 'apa, ma le ua-mea, ma le maremaru, Ma 13 kinamomi, ma mea manogi, ma le pulu muro, ma le pulu lipana, ma le uaina, ma le ua olive, ma le falaoa, ma le saito, ma manu tetele, ma mamoe, ma solofanua, ma nofoafaataavalevale, o tino foi atoa ma agaga o tagata. Ua te'a ma oe foi 14 o fua lelei na e manao tele i ai, ua maumau foi ia te oe o mea lelei uma ma mea taugata, e te le toe maua lava. O e faatau ia mea, o 15 e tamaoaiga ona o ia, latou te tutū mamao ma le fefe i lona puapuga, o loo tau-faitagi ma faanoanoa, O 16 loo faapea atu, Aue, aue, le aai tele, na ofu i le ie laualala, ma le pāuli, ma le mūmū, na teteu foi i le auro, ma maa taugata ma ute-tifa; Auā o le ituaso 17 e tasi ua faaumatia ai o le oloa na faapea ona tele. E faitasi uma o tauai, atoa ma e o i vaa, ma au vaa,

atoa uma ma e feoai i le vasa, ua tutū mamao i latou, 18 O loo alalaga ina o iloa mai le asu o lona susunuina, ua faapea atu, O fea se aai e 19 tusa ma lenei aai tele? Ua latou tuu ae foi i le eleele i o latou ulu, ua alalaga ma tau-faitagi ma faanoanoa, ua faapea atu, Aue, aue le aai tele, na tamaoaiga ai uma o e o i ai vaa i le vasa, ona o ana mea taugata; auā o le ituaso e tasi ua faatafunaina 20 ai o ia. Le lagi e, ia e oli-oli ona o ia, atoa ma apose-tolo paia ma perofeta, aua na tau ai atu e le Atua ia te ia ona o outou. 21 Ua siitia foi e le tasi agelu malosi o le maa e pei o se maa olo tele, ma lafo i le moana, ua faapea atu, E faapea ona lafotuina o Papelonía le aai tele, e lē toe 22 iloa lava. E le toe faalogo-ina foi o ia te oe le leo o e ta kitara, ma e lagi siva, ma e ili fagufagu, atoa ma e ili pu, e le toe iloa foi o ia te oe se tufuga e toatasi o se faiva e tasi, e le toe faalogo-ina foi o ia te oe le taa- 23 lili o le maa olo, E le toe pupula mai foi o ia te oe se malamalama o se lamepa, e le toe faalogoina foi o ia te oe le leo o le faatoafai-ava ma le faatoanofa-tane; aua o ou tagata faatau oa o ta-gata sili ia o le lalolagi, aua ua faaseseina o atunuu uma i lau amio faataulaaitu. 24 Ua iloa foi o ia te oe le toto o perofeta ma le au



paia, ma e ua fasiotia uma i le lalolagi.

## O LE MATAUPU XIX.

*Ua viia o le Atua aua ua ia faamasino i le fafine faitaaga tele.*

U A mavae o nei mea ona 1  
au faalogo lea e pei o  
se leo tele o le motu o tagata  
e toatele o i le lagi, ua  
faapea atu, Aleluia; o le  
olataga, ma le viiga, ma le  
faaneeneega, ma le mana i le  
Alii lo tatou Atua; Aua 2  
e faamaoni, e tonu foi o ana  
faamasinoga; aua na faa-  
masino e ia le fafine fai-  
taaga tele, na na faaleaga i  
le lalolagi i lana faitaaga,  
ua ia tauai atu foi i le toto  
o ana auauna ia te ia lava.  
Ua latou toe fai atu, Ale- 3  
luia; ona alu ae ai lea o  
lona asu e faavavau faava-  
vau lava. Ua ifo matutua 4  
e toaluafulu ma le toafa,  
ma mea ola e fa, ma ua ta-  
puai i le Atua o le tietie i  
le nofoalii, ua faapea atu,  
Amene; Aleluia. Na oo 5  
mai foi le tasi leo mai le no-  
foalii ua faapea mai, Ia ou-  
tou vivii atu i lo tatou Atua,  
o ana auauna uma, ma e  
matatau ia te ia, o tagatanuu  
atoa ma alii. Na au faa- 6  
logo foi e pei o se leo o le  
motu o tagata e toatele, e  
pei o se taalili o vai e tele,  
e pei o se taalili foi o faiti-  
tili tetele, o loo faapea atu,  
Aleluia; aua o nofo i le

malo o le Alii le Atua e  
7 ona le malosi uma lava. Ia  
tatou fiafia ma olioli, ma  
tuu atu i le viiga ia te ia;  
aua ua oo mai le tausama-  
maaga o le Alenio, o lona  
faletua foi ua saunia e ia ia  
8 ia. Ua foaiina atu ia te ia  
ina ia ofu ia i le ie laau-  
alaala e mama ma le sina-  
sina; aua o le ie laau alaala  
o le amio tonu lea a le au  
paia.

9 Ua fai mai foi ia ia te au,  
Ia e tusi, Amuia o e ua ta-  
laiina i le tausamaaga o le  
Alenio. Ua fai mai foi ia  
ia te au, o afiga moni ia a  
10 le Atua. Ona au ifo atu  
lea i luma o ona vae e ta-  
puai ia te ia; a ua fai mai  
ia ia te au, Ia oe, aua lava;  
o au o lou uso a auauna o so  
lo au uso ua i ai le mau ia  
Iesu; ia e tapuai i le Atua;  
aua o le atamai o le valoaga  
o le mau lea ia Iesu.

11 Na au iloa le lagi ua  
avanoa, faauta foi, o le solo-  
fanua sinasina, o le tietie ai  
foi ua ta'ua o le Faamaoni  
ma le Moni, e faamasino foi  
e ia ma tau le taua ma le  
12 agatonu; Ua pei o le  
mumū o le afi foi ona fofoga,  
ua i lona ao foi o pale-  
alii e tele; ua ia te ia foi  
le suafa ua tusia e le iloa e  
se tasi ua na o ia lava;  
13 Na ofu ia i le ofu ua nini i  
le toto; ua faasuafaina o ia,  
14 o le Lokou o le Atua. O  
'au foi o i le lagi ua muli-  
muli atu ia te ia i luga o  
solofanua sisina, ua oofu foi

i le ie laualala sinasina  
ma le mama. Ua alu atu 15  
foi nai lona fofoga o le pelu  
maai, ina ia tai a'i e ia i  
atunuu; e pule foi ia ia te  
i latou i le tootoo uamea;  
e soli foi ia i le soligā-vine  
o le toasa mamafa o le Atua,  
e ona le malosi uma lava.  
Ua ia te ia foi le suafa ua 16  
tusia i lona ofu ma lona vae,  
O LE TUPU O TUPU, MA LE  
ALII O ALII. Na au iloa 17  
le tasi agelu o loo tu i le  
la; ua alaga foi ia ma le  
leo tele, ua faapea atu i  
manu uma e felelei i le tau-  
lotoaiga o le lagi, O mai ia  
ma ia outou faapotopoto ane  
i le faiga'ai a le Atua silisili,  
Ina ia outou aai i tino o 18  
tupu, ma tino o taitai o 'au  
taitoaafe, ma tino o tagata  
malolos, ma tino o solofa-  
nua ma e na tietie ai, ma  
tino foi o tagata uma, o e  
saoloto atoa ma e pologa, o  
tagatānuu atoa ma alii.  
Ona au iloa lea o le manu 19  
feai, ma tupu o le lalolagi,  
ma a latou 'au, ua faapoto-  
potoina e tau ai le taua ma  
lē ua tietie i le solofanua,  
ma lana itu taua. Ua puea 20  
foi o le manu feai, o i laua  
ma le perofeta pepelo lē na  
fai faailoga i ona luma, o  
mea ia na faaseeina ai e  
ia o e ua i ai le faailoga  
o le manu feai, ma e ua  
tapuai i lona faatua; ua  
lafoolaina o i laua i le lepaafi  
ua mumu i le teio. O e na 21  
totoe foi na fasiotia i latou  
i le pelu na alu atu nai le

fofoga o le ua tietie i le  
solofanua; ua maona ai  
manu felelei uma i o latou  
tino.

## O LE MATAUPU XX.

*Ua fusia o Satani i tausaga e  
tasi le afe.*

- 1 **N**A au iloa foi o le tasi  
agelu na alu ifo i le  
lagi, ua ia te ia le ki o le  
tō e lē gata ua i lona aao  
foi le maea uamea tele.
- 2 Ua pue foi ia i le tarako, o  
le gata o le vavau, o le  
tiapolo lea ma satani, na ia  
fusia ia te ia i tausaga e
- 3 tasi le afe. Ua ia lafo foi  
ia te ia i le tō e lē gata, ua  
pupuni foi ia te ia, ma tuu-  
ina atu se faamaufaaailoga  
i ona luga, ina nei toe faase-  
seina e ia o atunuu, seia atoa  
ia tausaga e tasi le afe; a  
mavae foi ia e tatau ai ona  
tatalaina o ia i se tau itiiti.
- 4 Na au iloa foi o nofoālii  
ma e na tietie ai, ua tuuina  
atu le faamasinoga ia te i  
latou; ma agaga o e ua  
tutueseina o latou ulu ona o  
le mau ia Iesu ma le afioga  
a le Atua, o e na le tapuai  
i le manu feai poo lona faa-  
tusa, na le talia foi le faa-  
iloga i o latou muulu poo  
latou lima; ua latou ola foi  
ma nonofo i le malo faatasi  
ma Keriso i tausaga e tasi
- 5 le afe; A o e totoe o e ua  
oti e lei toe ola ia seia atoa  
ia tausaga e tasi le afe. O  
le uluai toe faatu lenet.

Amuia e paia, o le ua i ai 6  
se tofi i le uluai toe faatu;  
e le oo foi le pule a le oti  
faalua ia te i latou, a e  
avea i latou ma faitaulaga  
a le Atua ma le Mesia,  
latou te nonofo foi i le  
malo faatasi ma ia i tausaga  
e tasi le afe.

Pe a atoa foi ia tausaga e 7  
tasi le afe, ona tatalaina lea  
o Satani ai le mea na pui-  
puina ai ia. E alu atu foi 8  
ia e faasese i atunuu o i ita  
e fa o le lalolagi, o Koku  
ma Makoku, e faapotopoto  
ia te i latou i le taua, ua pei  
o le oneone o le sami i latou  
pe a faitauina. Na o ae i 9  
latou i le mafolafola o le la-  
lolagi, ua latou sionia foi i  
le toagalauapi o le au paia  
ma le aai ua faapelepeleina;  
na alu ifo foi le afi mai le  
Atua i le lagi, ua susunu  
ai ia te i latou; O le tiapolo 10  
foi na faasese ia te i latou,  
ua lafoina i le lepa-afi ma le  
teio, o i ai le manu feai ma  
le perofeta pepelo; e pua-  
puagaina ai i latou i le ao  
ma le po e faavavau faava-  
vau lava.

Na au iloa foi le nofoālii 11  
tele sinasina, ma le o tietie  
ai, ua sosola ese le lalolagi  
ma le lagi ai ona luma, e le  
iloa foi se mea e tu ai i laua.  
Na au iloa foi o e na oti, o 12  
tagatānuu atoa ma alii, o  
tutu i luma o le Atua, ona  
fofola lea o lautusi; ua fo-  
fola foi ma le tasi lautusi, o  
le lautusi lea o le ola; ona  
faamasinoina ai lea o e na

oti i mea ua tusia i lautusi,  
13 e tusa ma a latou amio. Ua  
ava'e le moana i e na oti ua  
i ai, ua ava'e foi seoli ma le  
tuugamau i e na oti ua i ai;  
e taitasi o i latou ma faama-  
sinoina e tusa ma a latou  
14 amio. Ua lafoina foi o le  
oti ma seoli i le lepa-afi; o  
15 le oti faalua lea. A iloa se  
tasi ua le tusia i le lautusi o  
le ola, e lafoina lea i le  
lepa-afi.

## O LE MATAUPU XXI.

*O le lagi ma le lalolagi fou.*

1 **O**NA au iloa lea o le  
lagi ma le lalolagi fou;  
aua ua mavae atu le uluai  
lagi, ma le uluai lalolagi,  
2 ua leai foi se toe sami. O  
au o Ioane na au iloa le aai  
paia, o Ieruselema fou, ua  
alu ifo mai le Atua ai le  
lagi, ua saunia pei o se  
faatoa-nofotane ua teuteuina  
3 mo lana tane. Na au faa-  
logo foi i le leo tele mai le  
lagi ua faapea mai, Faauta,  
ua faatasi ma tagata le fale  
fetafai o le Atua, e api foi  
ia ma i latou; e fai foi i  
latou ma ona nuu e i ai foi  
o ia ia i latou o le Atua, o  
4 lo latou Atua ia. E soloi-  
esea foi e le Atua o loimata  
uma i o latou mata; e leai  
foi se toe oti; poo se faa-  
noanoa, poo se aue, e leai  
foi se toe puapuga; aua  
ua mavae atu o mea ana-  
5 mua. Ua fetalai mai foi o  
le o tietie i le nofoālii,

Faauta, ou te faia ia fou o mea uma lava. Ua fai mai foi ia ia te ia, Ia e tusi; ana o upu nei e tonu ma le faamaoni ia. Ua fai mai 6 foi ia ia te au, Ua uma ona fai. O au o le Alefa ma le Omeka, o le amataga ma le gataaga. Ou te foaifuaina atu au i le ua fia inu ai le punāvai o le ola. O lē manumalo e 7 maua e ia o mea uma, ou te fai foi au ma ona Atua, e fai foi ia ma o'u atalii. A o e loto vaivai ma e lē 8 faalogo, ma e soesa, ma e fasioti tagata, ma e faitaaga, ma e faataulaaitu, ma e tapuai i tupua, atoa ma e tala pepelo uma, e fai o latou tofi i le lepa e mu i le afi ma le teio, o le oti faalua lea.

Na alu ane ia te au le 9 tasi o agelu e toafitu ua i ai ipu e fitu ua tutumu i mala e fitu e fauma ai, na tautala mai foi ia te au ua faapea mai, Sau ia, ou te faasino atu ia te oe le faatoanofotane, o le faletua lea o le Alenio. Ua ia taitai foi 10 ia te au i le Agaga i le mauga tele ma le maualuga, na ia faasino foi ia te au Ierusalem, o le aai tele, ma le paia, o loo alu ifo i le lagi mai le Atua, Ua i 11 ai le mamalu o le Atua; o lona pupula foi e pei o se maa taugata, e pei o se maa iasepi foi i lona faatioata mai; Ua i ai foi le pa tele 12 ma le maualuga, ua i ai pui-

pui e sefulu ma le lua, ua i puipui foi agelu e toasefulu ma le toalua, ua tusia foi i ai o igoa, o igoa ia o itu aiga e sefulu ma le lua 13 o Isaraela, Ua i sasae o puipui e tolu, ua i le itu i matū o puipui e tolu, ua i le itu i toga o puipui e tolu, ua i sisifo o puipui e tolu. 14 Ua i le pa foi o le aai o noopa e sefulu ma le lua, ua i ai foi o igoa o le au Aposetolo a le Alenio e toasefulu ma le toalua, O lē 15 na tautala ma au sa i ai le u auro, e fua ai e ia o le aai, ma ona puipui, atoa ma ona 16 pa. Ua faatu faatafafā foi le aai, o lona umi ua tusa ma lona lautele; ua fuatia e ia o le aai i le u e tasi le mano ma afe e lua o setatio; o lona umi ma le lautele ma le maualuga ua tutusa lava 17 ia. Ua fuatia foi e ia lona pa e tasi le selau ma le fagafulu ma le fa o tuli lima, o le fua a le tagata o a le 18 agelu lea. Ua ati foi lona pa i maa iasepi; o le aai o le auro mama lea, ua pei o 19 le tioata pupula. Ua tetee noopa o le aai i maa uma e taugata; o le noopa muamua o le iasepi lea, o lona lua o le safeilo lea, o lona tolu o le kakito lea, o lona 20 fa o le semalaki lea, O lona lima o le saritonu lea, o lona ono o le salikea lea, o lona fitu o le kuasolito lea, o lona valu o le velula lea, o lona iva o le topasi lea, o lona sefulu o le kuasopera

lea, o lona sefulu ma le tasi  
 o le uakineto lea, o lona  
 sefulu ma le lua o le ame-  
 tusetu lea. O puipui foi e 21  
 sefulu ma le lua o utetifa ia  
 e sefulu ma le lua; taitasi  
 o puipui ma le utetifa e tasi  
 na fai ai, o le ala tele foi o  
 le aai o le auro mama lea, e  
 pei o le tioata pupula. Ou 22  
 te lei iloa foi se malumalu  
 o i ai; aua o lona malumalu  
 o le Alii le Atua lea, e ona  
 le malosi uma lava ma le  
 Alenio. E le aoga i le aai 23  
 ona pupula i ai o le la, poo  
 le masina; aua o malamala-  
 ma o le Atua ua faamalama-  
 lamaina ai ia, o le Alenio  
 foi o lona lamepa lea. O 24  
 atunuu foi o e ua faaolaina  
 latou te savavali i lona ma-  
 lamalama; o tupu foi o le  
 lalolagi latou te momoli i ai  
 i o latou mamalu ma viiga.  
 O ona puipui foi e le punitia 25  
 lava i le ao; aua e leai se  
 po o i ai. Latou te momoli 26  
 foi i ai le mamalu ma le  
 viiga o atunuu. E le sao 27  
 atu lava i ai se mea leaga e  
 tasi, poo sē na te faia se mea  
 faasoesa, poo se pepelo; tau  
 lava o e ua tusia i le lautusi  
 o le ola a le Alenio.

## O LE MATAUPU XXII.

*O le vaitafe ma le laau o le  
 ola.*

**O**NA faasino mai lea o ia 1  
 ia te au i le vaitafe ma-  
 nino o le vai ola, e manino  
 e pei o le tioata ona pupula,

ua tafē ifo ai le nofoālii o  
 2 le Atua mai le Alenio. O  
 i le moa o lona ala tele ma  
 itu taitasi o le vaitafe le  
 laau o le ola, o loo fua māi  
 i fua e sefulu ma le lua, e  
 taitasi le masina ma fua mai  
 i lona fua; o lau foi o le  
 laau e faamalolo ai i atunuu.  
 3 E leai lava se toe faafano,  
 e i ai foi nofoālii o le Atua  
 ma le Alenio, o ana auauna  
 foi latou te tapuai ia te ia;  
 4 Latou te vaavaai atu foi i  
 ona fofoga, e i ai foi i o  
 latou muāulu lona suafa.  
 5 E leai lava se toe po o i ai;  
 e le aoga foi ia te i latou se  
 lamepa poo le malamalama  
 o le la, aua o le Alii le  
 Atua na te faamalalama-  
 ina ia te i latou; latou te  
 nonofo foi i le malo e faa-  
 vavau faavavau lava.  
 6 Ona fai mai lea o ia ia  
 te au, O upu e faamaoni ia  
 ma le tonu; o le Alii foi le  
 Atua o le au perofeta paia  
 ua auina mai ia o lana agelu  
 e faailoa mai i ana auauna i  
 mea e tusa ona vave oo mai.  
 7 Faauta, ou te vave alu atu,  
 Amuia o lē anaana i upu o  
 8 le valoaga o lenei tusi. O  
 au o Ioane na au iloa foi  
 ma au faalogo ai na mea;  
 ua au faalogo ma au iloa,  
 ona au ifo atu lea e tapuai i  
 luma o le agelu na na faaali  
 9 mai ia te au o nei mea. A  
 ua fai mai ia ia te au, Ia oe,  
 aua lava; aua o au o lou  
 uso a auauna, ma lo le au  
 perofeta ou uso, o lo latou  
 foi o e anaana i upu o lenei

tusi ; Ia e tapuai i le Atua.  
 Ua fai mai foi ia ia te au, 10  
 Aua e te faamau i upu o le  
 valoaga o lenei tusi ; aua  
 ua latalata le tau. O lē 11  
 agaletonu ia agaletonu pea  
 ia, o lē eleelea ia eleelea  
 pea ia, o lē agatonu ia aga-  
 tonu pea ia, o le paia ia  
 paia pea ia. Faautea, ou te 12  
 vave alu atu, ua ia te au le  
 tau i ou te tau i taitasi atu ia  
 tusa ma lana amio. O au 13  
 le Alefa ma le Omeka, o le  
 amataga ma le gataaga, o le  
 muamua ma le mulimuli.

Amuia o e fai i ana polo- 14  
 aiga, ina ia tatau ona latou  
 maua o le laau o le ola, ma  
 ia latou sao atu foi i le aai i  
 ona faitotoa. Ua i tuapa o 15  
 maile ma e faataulaaitu ma  
 e faitaaga ma e fasioti ma e  
 tapuai i tupua, atoa uma  
 lava o e loto i le tala pepelo  
 ma fai i ai.

O au o Iesu na feauina 16  
 atu i la'u agelu e molimau i  
 nei mea ia te outou o i eka-

lesia. O au o le pogai ma  
 le fanau a Tavita, o le fetu  
 17 ao pupula. Ua fetalai mai  
 le Agaga ma le faatoanofoto-  
 tane, Ina sau ia ; ina fai atu  
 ia foi o lē faalogo, Ina sau  
 ia ; o lē faainu ina sau ia,  
 atoa ma lē manao i ai ina  
 ave fua ia i le vai o le ola.

18 Aua ou te ta'utino taitasi  
 atu i e faalogo i upu o le  
 valoaga o lenei tusi, Ai se  
 tasi e faaopoopo mai *se upu* i  
 nei upu, e faaopooina atu e le  
 Atua ia te ia o mala ua tusia  
 19 i lenei tusi, Ai se tasi foi  
 e ave ese *se upu* ai upu o le  
 tusi o lenei valoaga, e ave-  
 eseina e le Atua o lona tofi  
 a i le tusi o le ola ma le aai  
 paia, ma mea ua tusia i lenei  
 20 tusi. Ua fai mai o lē mo-  
 limau i nei mea, E moni ou  
 te vave alu atu. Amene,  
 E moni, le Alii e o Iesu, ia  
 e afio mai.

21 Ia ia te outou uma o le  
 alofa tunoa o lo tatou Alii  
 o Iesu Keriso. Amene.

**LONDON :**  
**Printed by WILLIAM CLOWES and Sons,**  
**Stamford Street.**





